

PERKINS LIBRARY

Duke University


Rare Books



Past. Zugd.



DE FREQVENTI
COMMVNIONE
LIBER.



Digitized by the Internet Archive
in 2011 with funding from
Duke University Libraries

DE FREQUENTI
COMMVNIONE
LIBER,

IN QVO SS. PATRVM, PONTIFICVM,
ET CONCILIORVM DE POENITENTIÆ ATQVE
Eucharistiæ Sacramentorum vsu sententiæ summa fide
proferuntur, vt pro norma omnibus esse possint, tum
qui seriò ad Deum sese referre cogitant, tum maximè
Pastoribus & Sacerdotibus animarum salutis studiosis.

AB ANTONIO ARNALDO PRESBYTERO,
S. Theologiæ Doctore Sorbonico Gallicè primum scriptus,
Et ab eodem Latinè conuersus.

SANCTA SANCTIS.



PARISIIS,
Apud Antonium Vitré, Regis, Reginae Regentis, &
Cleri Gallicani Typographum.

M. DC. XLVII.

ILLVSTRISS. ANTISTITVVM
LIBRI DE
FREQVENTI COMMVNIONE
APPROBATORVM,
Ad Summos Pontifices
VRBANVM VIII.
&
INNOCENTIVM X.
EPISTOLÆ.

QVIBVS EVNDEM LIBRVM
*Apostolicæ Sedi honorificentissimè commendant, & ab
Aduersariorum criminatiionibus vindicant.*

SANCTISSIMO
DOMINO NOSTRO
VRBANO VIII.
PONTIFICI MAX.



ANCTISSIME PATER,

Antiquam ac laudabilem Maiorum nostrorum consuetudinem, qua, quæ in priuatis Ecclesijs difficiliora occurrebant, ad Apostolicam Sedem, quam omnium Ecclesiarum sollicitudo manet, per Epistolas referebant, si quod vnquam tempus renouari postulauit, hoc certè imprimis istud à nobis exigere videtur. Quamuis enim vitæ nostræ, quæ omnis tentatio est super terram, nulla pars ab Episcopali sollicitudine vacare possit, sempérque, iuxta Apostoli præceptum, nobis & vniuerso gregi attendere debeamus, tunc tamen ad supremum CHRISTI Vicarium maximè recurratur necesse est, cum non modò obscuriora eius corporis membra, sed & illustriora quæque, atque adeò ipsum eius caput vocum alienarum profanis nouitatibus impetitur. Neque enim dissimulare possumus quod oculis & quotidiana experientia compertum habemus, quædam hîc à nonnullis periculosa induci dogmata, quibus suprema BEATITVDINIS VESTRÆ autoritas, vel ipsâ proficiente, non minuitur modo, sed destruitur; Ecclesiasticæ Hierar-

4 ILLVSTRISSIMORVM ANTISTITVVM
chiæ vniuersitas, ac maximè Episcopalis Ordo labefacta-
tur; diuinorum Sacramentorum vsus, qui sacer omnino
ac salutaris esse debet, in perniciosum ac pijs omnibus
deplorandum abusum sæpissimè conuertitur; deprauatis
denique ac corruptis hominum moribus, blandimenta
potius atque operimenta, quàm salubria remedia com-
parantur; vt è sententijs ex libris illorum fideliter excer-
ptis nemini non apertum atque exploratum esse potest.
Huic autem malo, cum pro Episcopalis Charitatis mune-
re quantùm in nobis fuit, occurrere constituimus, pro-
teruis concionibus in auctoritatem nostram insurgere,
turbas concitare, atque Ecclesiasticæ potestati contuma-
cem peruicaciam omni studio opponere ausi sunt. Et hæc
quidem vis illorum, ac Christianis cordibus parum digne
molitiones tum maximè emicuerunt, cum Liber de Fre-
quenti Communione, ab Antonio Arnauld Doctore
Sorbonico conscriptus, sexdecim tum Episcoporum,
tum Archiepiscoporum, ac suprâ viginti Facultatis Pari-
siensis Doctorum Approbatione munitus, in lucem pro-
diit. Cum enim scriptum quoddam ab vno è suis hoc in
libro manifestissimis Sanctorum Patrum testimonijs re-
uinci æquo animo ferre nequirent, vias omnes exquirere
cœperunt, quibus & iudicij nostri auctoritatem infrin-
gere, & doctrinam illam infamare, & Autorem ipsius, vel
potius Paternæ Traditionis exscriptorem, in odium at-
que inuidiam vocare possent. Quod quàm iniquè gesse-
rint, SANCTISSIME PATER, non difficile S. V. æsti-
maturam confidimus, si causas quibus Librum ipsum
subscriptionibus nostris comprobandum esse decreui-
mus, æquissima iudicij sui lance expenderit. Primum

enim, si Autoris propositum spectetur, non sua, sed Sanctorum Patrum voce loqui profitentis, constat eum in animo nihil aliud habuisse, aliud in ipso opere nihil præstitisse, quàm vt SS. Ecclesiæ Doctorem, Summorum Pontificum, ac Conciliorum perpetuam & constantem de Pœnitentia, & sacra Communione doctrinam, & Canonicam illam ac sanctissimam consuetudinem proponeret & commendaret, quæ in Ecclesia pluribus sæculis religiosissimè obseruata, posterioribus etiam temporibus expetita, laudata, & quantum per refrigescentem hominum Charitatem licuit conseruata, atque in præcipuis eius partibus instaurata est, studio atque eximia pietate Summorum Pontificum, & Illustriss. Ecclesiæ Romanæ Cardinalium Gropperi, ac S. Caroli Borromæi, & Mariani Victorij Ameliæ in Italia Episcopi, quem Summi Pontifices, vt Apostolicæ Sedi addictissimum, & Ecclesiasticæ veritatis intelligentissimum, in amore semper, atque in honore habuerunt. Si verò fructus scriptionis attenditur, non obscura spes esse debuit, obseruatis ijs quæ tanta SS. Patrum consensione prolata fuerunt atque tradita, magnum fore nobis operæpretium ad corruptelas morum expurgandas, effrænataque illam quorumlibet flagitiorum, quæ nunquam tanta fuit, licentiam, augentibus eam in dies nouitijs quibusdam casuum conscientie Architectis, Dei misericordia largiente, compescendam: quorum libri complures, & à S. V. æquissima Censura proscripti, & à Clero Gallicano Censuræ per omnes Prouincias promulgatæ. Accedit quòd dum paci non minùs quàm veritati consulit, nullam legem cuiquam, nullam necessitatem imponit; Frequentissimam sacræ Euchari-

stia participationem suadet, non tollit, eiúsque peruersum vsum tantùm reprehendit; Absolutionem non debere semper, sed aliquando posse differri tuetur; Eandem non declarare modò remissum esse peccatum, sed & peccati remissionem operari, & gratiam conferre docet; Non id agit, vt antiqua & publica Pœnitentia redintegretur, sed eos qui aliquam eius partem, Deo impellente, æmulari voluerint, laude potius quàm vituperatione dignos ostendit; Veterem Pœnitentiæ agendæ consuetudinem, Pontificum, Patrum, Conciliorum autoritate firmatam, non omnibus indicit, sed solis suâ sponte Pœnitentibus proponit; Præsentem autem Ecclesiæ sine præuia Pœnitentia absoluedi morem, non modò non damnat, sed etiam, quamdiu ex Ecclesiæ mente obseruatur, à nemine sine magno errore damnari posse pronuntiat; Ipsam Ecclesiam (quæ, quia Christi Corpus est, de spiritu Christi viuit) ab ipso perpetuam in continua temporum vicissitudine vnitatem, & inuiolabilem in præscribendis tum fidei, tum morum ac disciplinæ regulis infallibilitatem trahere sponte ac vltro profitetur; Denique, vt sanctissimi Ecclesiæ Doctores verbis vtamur, ad maiora sic excitat, vt minora non damnet. Licuit nobis, SANCTISSIME PATER, imò libuit, in hoc pietatis argumento versantibus, eximium illum Summi Pontificis Gregorij VII. zelum æmulari, qui ne falsarum Pœnitentiarum consuetudo in Ecclesia inualesceret, Romæ, atque in Gallia Concilia haberi procurauit. Adducti etiam sumus autoritate vniuersalis Ecclesiæ, quæ supremi illius Christi Vicarij exemplo prouocata, in Concilio Oecumenico Lateranensi, sub Innocentio II. habito, Episcopos ac Presbyte-

ros admonuit, ne falsis Pœnitentijs Laïcorum animas decipi, & in Infernum pertrahi paterentur. Quod cùm in hoc Libro egregiè præstitum, & ad mentem Sacrosancti Concilij Tridentini (cuius decreta quantum in nobis erat obseruare, atque alijs obseruanda commendare studuimus) accommodatè vsurpatum videremus, è re Ecclesiæ meritò futurum confidimus, si nostris eum Elogijs, vtpote S. Caroli, Tridentinæ Synodi fidelissimi & certissimi Interpretis auctoritati ac vestigijs inhærentem, ornaremus. Præsertim cùm pateret hac saluberrimâ de Confessione Sacramentali, & Satisfactione, ex præscripto Tridentinorum Patrum, & antiqua ac perpetuâ Majorum nostrorum Traditione, doctrinâ, non minùs Catholicam veritatem à Lutheri & Caluini erroribus, quàm Christianam integritatem à vitijs ac morum deprauatione defendi; atque ideò Ecclesiæ vniuersæ cò fore vtiliorem, quòd ei offerat simul vnde & filij sanentur, & hostes profligentur. Neque enim quidquam Calvinianorum in Sacrosanctam Eucharistiam blasphemantium, animos validiùs ac sanctiùs afficere potest, quàm si attenderint in Libro illo, quantâ animi puritate ac submissione latentem in tremenda Hostia Diuinitatem omnium Patrum, Conciliorum, ac sæculorum consentiens pietas venerata sit. Autorem verò idcirco libentiùs S. V. commendamus, quod illum Ecclesiasticæ vnitatis & pacis, non minùs quàm veritatis, amantissimum nouerimus, deque illis omnibus, quæ superiùs à nobis fideliter expressa & exposita sunt, idem sentire nobiscum, Opùsque suum, quâ decet reuerentiâ, V. S. iudicio submittere, Declaratione in eam rem ab ipso sponte ac vltro exhibitâ, confirmamus. His rebus

8 ILLVSTRISSIMORVM ANTISTITV M EPIST.
 adducti, BEATISSIME PATER, SANCTITATEM VESTRAM
 rogamus atque obtestamur, ne doctrinam illam Summo-
 rum Pontificum oraculis toties consecratam, quam non
 sanam modò, sed sanandis peccatorum mentibus aptissi-
 mam, sanctâ animorum conspiratione, iudicauimus, pa-
 rum æquis quorundam iudicijs atque consilijs in destru-
 ctionem trahi potiùs, quàm in ædificationem vsurpari
 patiatur; Eisque silentio imposito, Episcopalem simul di-
 gnitatem, à cuius contemptu ad supremæ Sedis impu-
 gnationem facilè erumpi nuperis exemplis compertum
 est, in eo quem accepit honore tueatur atque conseruet.
 Deus idem pacis custos & veritatis, S. V. in illo, in quo
 feliciter præsidet, Throno, diutissimè Orbi Christiano,
 & Ecclesiæ Dei præstet incolumem.


BEATITVDINIS VESTRÆ

Observantissimi & obsequentissimi Filij

- ✝ OCTAVIVS Archiepisc. Senonensis.
- ✝ CAROLVS Archiepisc. Tholos.
- ✝ HENRICVS Archiepisc. Burdigalensis.
- ✝ VICTOR Archiepisc. Turonensis.
- ✝ FRANCISCVS Episc. Ambianensis.
- ✝ HENRICVS Episc. Lascuriensis.
- ✝ STEPHANVS E. Dardan. N. Massiliensis.
- ✝ ÆGIDIUS Episc. Adurensis.
- ✝ M. MEVRICE Episc. Madaurensis.
- ✝ NICOLAUS Episc. Aurelianensis.
- ✝ A. DE HARLAY Episc. Maclouienfis.
- ✝ HENRICVS Episc. Vazatenfis.
- ✝ PETRVS Episc. Coadjutor Montalbanensis.
- ✝ BERNARDVS Episc. S. Papuli.
- ✝ FELIX Episc. & Comes Catalaunensis.
- ✝ DIONYSIVS Episc. Briocensis.

Missa Romam 5. Aprilis. 1644.

EMINENTISSIMO



EMINENTISSIMO
CARDINALI BARBERINO.



MINENTISSIME CARDINALIS

Sicut grauissimi negotij magnitudine compulsi sumus, vt supremam Apostolicæ Sedis auctoritatem implorarem, ita singularis EMINENTIÆ VESTRÆ in vniuersam Ecclesiam amor facit, vt de illius concilianda nobis ope multum confidamus. Intelliget E. V. ex litteris, quas omnium, ad quos ea res præcipue pertinet, qui tum Parisiis aderant, Episcoporum manu subscriptas ad Summum Pontificem destinamus, quarum etiam exemplar cum priuato, tum communi Coepiscoporum nomine ad te mittimus, quæ nos causæ ad Librum de Frequenti Communione ab Antonio Arnauld Doctore Sorbonico conscriptum, suffragijs nostris muniendum impulerunt: &, quæ illius est pietas ac sapientia, mirabitur fortasse nobiscum, in quàm periculosa tempora deuenimus. Eò enim mollities animorum, ac disciplinæ elanguescentis solutio processit, vt iam de vera Pœnitentia, ac sincero amore Dei loqui penè sit nefas. Hoc videlicet artificium humani generis hostis excogitauit, quo fatiscentis religionis degenerem illam laxitatem pro ipsa religione obtruderet, quasi à diuerticulis ad viam regredi, à via aberrare sit. Quod enim prædixit Apostolus, iam in multis hisce temporibus videmus impletum, *sanam doctrinam non sustinent, quarunt*

Magistros prurientes auribus: à veritate auditum auertunt, ut ad fabulas conuertantur. Ita alitur quorumlibet licentia flagitiorum; ita Crux Christi euacuatur; iam enim crimen ludus est; & Pœnitentia penè crimini datur. Huic igitur tanto fidelium populorum malo cùm paternis compatiamur visceribus, CARDINALIS EMINENTISSIME, obtestamur E. V. ut Episcopalem sollicitudinem, quam ex tot Sanctissimorum Pontificum præscripto gregibus nostris regendis ac sanandis adhibemus, Apostolicâ auctoritate firmari procuret; ut intelligat Orbis vniuersus, Ecclesiam Romanam tantò alias disciplinæ zelo ac veritatis amore transcendere, quantò singularis honoris apice, ac supremæ dignitatis Principatu cæteris omnibus antecellit.


EMINENTIÆ VESTRÆ

Obsequentissimus & addictissimus

✠ OCTAVIUS *Archiepiscopus Senonensis.*

Parisijs, 5. Aprilis, 1644.

BEATISSIMO PATRI
INNOCENTIO X.
PONTIFICI MAX.



SANCTISSIME PATER,

Quam superiori anno ad felicitis memoriae Sanctissimum Urbanum VIII. BEATITVDINIS VESTRAE Praedecessorem de Libro à M. Antonio Arnauld, Doctore Sorbonico, de Frequenti Communionem conscripto, Epistolam miseramus, eam nunc BEATITVDINI VESTRAE, & in ea causas; quæ nos ad Librum illum honorificis Approbationibus Christiano populo commendandum impulerint, dispiciendas offerimus. Quem enim in Sanctissimo Urbano VIII. sacrae doctrinae Summorum Pontificum, Sanctorum Patrum, ac Conciliorum in eo Libro summa cum fide propositæ patronum ac vindicem reperisse merito arbitrabamur, eum nunc in Sanctissimo Innocentio X. nos reperturos confidimus; quoniam in Beatissimorum Pontificum personis mortalibus, una semper & eadem perstat immortalis autoritas à Deo instituta, ut sit columna & firmamentum semper op-

pugnatae, & numquam expugnandae veritatis. Eo vero alacrius atque securius Librum illum, ut prius Sanctissimo praedecessori vestro, ita nunc SANCTITATI VESTRAE iterum commendamus, quod quem fructum ex eo fideles omnes percepturos certis argumentis sperabamus, eum nunc illos & percepisse hactenus, & in dies magis ac magis percipere videamus, dum eius beneficio verè sanatis animarum vulneribus, Ecclesiae fideles ut Christi membra, Deique filij verè Christianam ac Deo dignam vitam agere studuerunt, Calvinistis etiam non paucis (quod in priori nostra ad Sanctissimum Urbanum VIII. Epistola futurum augurabamur) ad pietatem aequè ac Catholicam fidem conuersis. Ita enim sanctissima magni Cardinalis Caroli Borromaei doctrina in eo Libro fidelissimè exposita mentes affecit, atque à vitiorum illecebris abstractas, ad morum integritatem innocentiamque transfudit, ut sicut in opere isto sanctum illum quasi viuum ac spirantem & Ecclesiam Dei etiamnum docentem intuemur, ita ipsius felicissimi temporis in animarum salubri conuersione exprimi quandam imaginem efformarique cernamus. Quae quidem, SANCTISSIME PATER, sicut pro eximia tua pietate cum exultatione animi ut communem Patrem filiorum saluti gratulantem accepturum non dubitamus, ita non sine aliqua commotione auditurum arbitramur, quibus artibus Libri huius, & virtute atque eruditione clari Autoris aduersarij, in doctrinam, tot Dei, Summorum Pontificum, ac Conciliorum Oraculis consecratam insurrexerunt. Aut enim

sententiarum verissimarum ac fundatissimarum velli-
catione , aut locorum ipsa contextus serie clarissi-
morum obscuracione , aut rerum certissimarum in de-
tortos , ac plane alienos sensus distractione , aut pra-
uarum consecutionum sophistica deductione , aut
contumeliarum inusitata acerbitate , ita libellos suos
impleuerunt , vt dum alienam famam temere appe-
tunt , suam iusto Dei iudicio proiecisse videantur.
Quod si in Gallia de spe ac conatu suo plane depul-
si , in Italiam ac Romam vsque se transferant , ibi-
que fractas illas atque inanes criminationes fallaci-
bus Libri huius versionibus aut interpolationibus red-
integrare , altissimamque BEATITVDINIS VE-
STRÆ , quā Christianum Orbem omnibus super-
eminens moderatur , prouidentiam tentare voluerint,
SANCTITATEM VESTRAM obsecramus , vt
de illorum querimoniæ capitibus nos certiores face-
re dignetur , spondemusque ac promittimus Pontifi-
ciæ atque Apostolicæ vestræ , qua tum filios omnes,
tum præcipuè sacræ veritatis depositum custodit at-
que amplectitur , charitati abundè nos esse satisfactu-
ros. Hanc autem Epistolam , vt nostræ , quam Ec-
clesiæ Dei debemus sollicitudinis testem , suæ bene-
uolentiæ honore prosequatur , SANCTITATEM
VESTRAM rogamus , atque M. Ioannem Bourgeois,
Theologum Parisiensem , eiusdem Libri cum alijs plus-
quam viginti Doctoribus Approbatorem , à quo &
hanc Epistolam accipiet , nostro nomine de hoc ne-
gotio agentem , pro solita sua benignitate audiat. Deus
Optimus Maximus SANCTITATEM VESTRAM

14 ILLVSTRISSIMORVM ANTISTITV M EPIST.
in supremo illo Apostolici principatus apice consti-
tutam , diutissimè fidelium votis ac populorum saluti
seruet incolumem.

BEATITVDINIS VESTRÆ

Obseruantissimi & obsequentissimi Filij,

- ✝ OCTAVIVS Archiepisc. Senonensis.
- ✝ CAROLVS Archiepisc. Tholos.
- ✝ VICTOR Archiepisc. Turonensis.
- ✝ FRANCISCVS Episc. Ambianensis.
- ✝ HENRICVS Episc. Lascuriensis.
- ✝ STEPHANVS Episc. Massiliensis.
- ✝ ÆGIDIVS Episc. Adurensis.
- ✝ NICOLAVS Episc. Aurelianensis.
- ✝ A. DE HARLAY Episc. Maclouienfis.
- ✝ PETRVS Episc. Coadjutor Montalbanensis.
- ✝ BERNARDVS Episc. S. Papuli.
- ✝ FELIX Episc. & Comes Catalaunensis.
- ✝ DIONYSIVS Episc. Sanbriocensis.

*Burdigalensis , Madaurenfis & Vasatensis quorum hic subscriptio-
nes desiderantur , cum hac Epistola scripta est , è vita decesserant.*



BEATISSIMO PATRI
INNOCENTIO X.
PONTIFICI MAXIMO.



ANCTISSIME PATER,

Apostolicam BEATITVDINIS VESTRÆ aciem, ex altissima illa Pastoralis apicis specula, vniuersum, quā patet, Christianum Orbem circumspicere & complecti facilè intelleximus ex breui Apostolico ad Illustrissimum Fratrem Senonensem Archiepiscopum misso, quo superioribus literis nostris pro Libro de Frequenti Communione ad SANCTITATEM VESTRAM scriptis, respondere dignata est. Et vero nihil vel ad Ecclesiæ tranquillitatem, vel ad Christi gloriam vtilius ac splendidius fieri potest, quam vt vno Pastorum omnium ardore, & communibus votis exorta aut iam exoritura incommoda propulsentur, atque ad veram & Christianam pacem, veritatis assertionem stabiliendam, cum Episcopali Dignitate Majestas Pontificia consentiat. Sed cum ex literis M. Ioannis Bourgeois Doctoris Parisiensis, cui negotij huius nostro nomine procurandi munus à nobis creditum est, accepissemus, aduersariorum Libri de Frequenti Communionem criminationes omnes plena responsione ab eo fuisse depulsas, quæ ipsis authoris verbis in medium prolatis, ad oculum

pateat solis illum calumnijs, sententiarum planissimarum corruptelis, atque malignis deprauationibus, aliisque eiusmodi præstigijs impugnari: Patieris profectò, quæ tua est benignitas & fidelium salutis amor, BEATISSIME PATER, nos super hac re *in libertate spiritus*, vt Apostolus loquitur, *Et in sinceritate dei*, apud S. V. animi nostri sensum exponere. Cum enim Apostolicæ Sedi, quicquid honoris, & obseruantia ab Episcopis deferri oportet libentissimè præstiterimus; non nihil commoueamur necesse est, dum negotium istud ita se habere dicunt nonnulli, vt duci, ac trahi, & porro ducendum in posterum, ac trahendum potius quàm promouendum aliquando, faciendumque videatur. Hac namque dilatione & mora, Libri huius, hoc est, antiquæ & solidæ, vt existimamus, veritatis aduersarij ad Episcopalis nominis, ipsiusque Romanæ Sedis dedecorationem abutuntur; dum rudiorum animos varijs, incertisque sermonibus teritant; dum pro sua libidine quodcumq; ipsis commodius est, spargunt; fictisque rumoribus, odiosæ ac deploratæ in his regionibus causæ suæ inuidiam leuare moliuntur. Hinc natæ illæ fabulæ, Librum istum, qui iam non eruditorum tantum, sed omnium pene fidelium consentienti existimatione apud nos comprobatus est, à S. V. propediem condemnandum; aut si minùs condemnetur, id vnum in causa futurum, quod BEATITVDO VESTRA Episcoporum famæ parcere, & cum ijs clementiùs atque indulgentiùs agere statuerit. Nos autem, BEATISSIME PATER, hoc in omni negotio, non indulgentiam tuam, sed æquitatem ac seueritatem postulamus; nec Iudicis supremi vocem, sed silentium pertimescimus. Quicquid prudenti, ac ma-

turæ

turæ rerum discussione dandum fuerat, iam abundè, tanto temporis interuallo, præstitum videtur. Reus publicè accusatus, publicè defensus est. Omnia tela Aduersariorum depulsa ac dejecta sunt: Et si quid in primo Libro iniquioribus hominibus obscurum videbatur; altero plane illustratum, ita vt nullus scrupulo locus relinquatur. Quid ergo superest in hac causa, nisi vt pro BEATITVDINIS VESTRÆ zelo ac sapientia; pro Apostolici throni in quo residet maiestate; pro tantæ rei, quæ omnium oculos in S. V. coniectos tenet, grauitate, rumorum illorum, iniquarumque suspicionum facultas omnis præcidatur; fallaciæ, ac calumniæ dispellantur; Christiana veritas asseratur; & Episcopalis authoritas, tandiu prolata examinis tædio læsa, vindicetur. Nouit enim optimè S. V. hanc esse & diuinarum & humanarum legum præscriptionem, vt accusatore non probante, dimittatur reus. Etiam ipse Doctor Gentium, vas electionis, ab ijs qui summæ inter Iudæos virtutis habebantur, multis criminibus in iudicium vocatus, hoc vno argumento omnia objecta diluit, innocentiamq; asserit suam; quòd, quæ illi contra se dicerent, probare minimè possent. Quid vero Ecclesiæ Romanæ amplitudini, inuictæque illius zelo, tot per omnes ætates exemplis illustribus testatissimo, minus consentaneum fieri possit, quam si (quod nobis augurari non libet) hoc omne negotium sensim ductum ac dilatum, tandem omnino abijceretur? aut certe componendæ rei totius eæ excogitarentur viæ, quibus, cum summo Christianæ veritatis contemptu, & Antistitum deiectione, priuatorum nonnullorum existimationis ab ipsismet temerè projectæ detrimenta resarcirentur, vt vi-

delicet ex angustijs illis in quas inconsultè, Deo vindice, se demiserunt, & è quibus honestè numquam emergent, quoquo modo se extricasse videantur. Auxit sollicitudinem nostram, BEATISSIME PATER, quòd eodem tempore quo Breue Apostolicum ad Illustrissimum Archiepiscopum Senonensem à S. V. perlatum est, aliud item Breue se ab eadem accepisse Vaurenfis Episcopus jactitat, quo se verbis etiam honorificis affectum esse gloriatur. Quin Epistolam quamdam, tanquam ad V. S. missam, sub illius nomine circumferri, ac velut spolia ex nobis, ac trophæa ubique hîc ostentari vidimus. Quæ quidem, cum in manus nostras incidisset, manifestas contra doctrinam ab ipso laceratam calumnias; fœdum contra Episcopos maledicendi genus horruimus. Audacter enim eius Epistolæ author profiteri non dubitat, Librum de Frequenti Communione tot Illustrissimorum Doctissimorumque testimonio commendatum, *temerarias, hæreticasque, tum de alijs multis, tum de Pœnitentia Sacramento propositiones continere; Incredibile esse dictu quas strages animorum quotidie faciat, sitque facturus; doctrinamque illius, veritate inuictissimam, autoritate fundatissimam, novitios errores, prophana novitatis tenebras, pestiferam doctrinam, contagionem latiùs ac pestilentiùs manantem, noua de Religione dogmata breui tempore totam Ecclesiæ massam corruptura; Episcopos vero se non sanis erroribus addixisse criminatur; & ubi audacissimo commento fictè deplorauit pestilentissimam contagionem, quæ in dies latiùs patere non cesset, apud nos grassari; deludi simplicem plebeculam à pseudo-apostolis, qui non augustissimis Eucharistiæ & Pœnitentiæ Sacramentis, non throni Apostolici potestati parcant; palam hîc*

exultare nequissimos impostores, qui alios Caluini confidentia, alios diabolica desperatione impleant; Hoc vident, inquit, hoc approbant, hoc patiuntur Antistites aliqui, vt ita virus illud omne in Antistites redundaret, quos per summam calumniam apud supremum CHRISTI in terris Vicarium tanquam pestiferæ contagionis fautores, pseudo-apostolorum approbatores, dignosque proinde qui & ipsi pseudo-apostoli censeantur, & nequissimorum impostorum, vel Caluini, vel etiam Diaboli asseclarum protectores, infamare conatur. Et quoniam tam horrendis conuitijs necdum sua de illis maledicendi satis exsaturata libido est, nouas etiam ac commentitias eorum confcindendorum causas somniando, ac diuinando sibi confingit, vt hactenus prolusum esse, & illos dogmaticæ nouitatis molitores, ad euertendum quicquid est in Religione sanctissimum sese accingere, impotenti quodam maledicendi genio abreptus vaticinetur. Vix oculi ipsi fidem faciunt, BEATISSIME PATER, tales esse potuisse Christiani hominis contra Episcopos ad supremum Episcoporum Principem voces; quarum atrocitatem non minus admirati sumus, quàm confidentiam incredibilem, qua se velut vnicum Ecclesiæ Catholicæ præsidium, pastoralis sollicitudinis normam, hæresum expugnatorem, librorum ac voluminum fontem quemdam inexhaustum ostentat. Quare cùm illa Epistola, in Antistitem, rotiusque Cleri Gallicani conuentu, qui nunc Lutetiæ Parisiorum habetur, publicè lecta fuisset, BEATISSIME PATER, indignati sunt vniuersi cùm mira illa atque intoleranda in Episcopos congesta conuitia, tum insignem illam in primis aduersus Ecclesiam Gallicanam calum-

niam, quam ante oculos SANCTITATIS VESTRÆ ponit, *ut prope desperatam, nisi dispellendis procellis, & exorientium errorum caligini radius affulgeat; in qua noua de Religione dogmata conflari caperint, quibus breui corrumpenda sit massa tota, nisi quamprimum pestiferæ doctrinæ fermenta dissipentur; quæ denique varijs dissidentium inter se Episcoporum studijs hucilluc periculosè raptetur; cùm è contrario vix vnquam tantam Episcoporum in Gallia concordiam, tantam animorum in vno sensu conspirationem fuisse dictarent. Itaque cùm vniuersus Clerus Gallicanus, si modo hanc Reuerendissimus Vaurenſis Episcopus Epistolam pro sua agnosceret, ipsum ad Metropolitanum suum ut in eum ex Canonum disciplina animaduerneretur, remittendum censuisset; publica illa ac meritissima omnium indignatione adeo perculsus est, ut responsione ambigû atque ancipiti, Epistolam illam verbo tenus detrectare, & quoquo modo à se amoliri; quam tantarum atrocitatum defensionem atque inuidiam in se suscipere maluerit. Cùm verò illa responsione se ad S. V. scripsisse, & excerptas è Libro de Frequenti Communione propositiones, censurâ, ut existimat, dignas ei transmisisse profiteatur; non immeritò subueriti ne eodem quo libros scripsit genio ductus, SANCTITATI VESTRÆ forsan obrepserit; rei grauitate, & iustæ defensionis necessitate, multa quæ sunt de illo aperta ac publica, tuis oculis subijcere possemus, quibus S. V. facilè perspiceret quæ illius dictis fides adhibenda sit: Sed charitatis fraternæ, & Episcopalis modestiæ memores, nolumus fratris existimationem apud te violasse videri. Quod ad libros attinet quibus sibi adeo placet;*

quid verbis apud S. V. deprimere opus est, cum optimis responsionibus ita protriti sint, & in dies proterantur, vt apud omnes eruditos & à partium contentione remotos, nullo numero iam habeantur. Nec vero aut ignota loquimur, aut incerta asserimus, BEATISSIME PATER, sed publica & publicis quæ in manibus, in ore, & in amore omnium sunt voluminibus conuicta, & confirmata; vt si quid in posterum ille in lucem editurus est, nec responsione quidem dignum videatur, cum eius libri non modò nullum æquioris, ac maturioris iudicij approbatorem, sed vix etiam lectorem inueniant. Ex quo factum est, vt ne vnum quidem vel Episcopum vel Doctorem ad egregia illa volumina (quæ ne illaudata manerent, tantis ipsemet afficit laudibus) nominis subscriptione confirmanda, ne accedente quidem notissimâ eorum quibus patrocinator ad deliniendos hominum animos solertia, pellicere potuerit. Contrà verò doctrinam quam omnibus impietatis, blasphemix, schismatis, hæreseos notis inurere, ac dedecorare conatus est; plures in dies Episcopi honorificentissimis quæ in manibus sunt, approbationibus exornant, atque integra Aufcensis Prouincia non modò vt sanctissimam atque vtilissimam, sed vt à Pastoribus suscipiendam, populis prædicandam, in prouincialibus comitijs commendauit. Non enim concursationibus, rumoribus, terriculamentis (quæ sola illis ad clarissimam lucem adoriendam, tenebrarum arma relictæ sunt) aliquos Libro, quem tam acerbè insectantur, aduersarios; sed nouos potiùs patronos ac defensores pepererunt; nec eruditorum, piorumque aduersus eum offensionem & inuidiam; sed maiorem etiam

atque in dies crescentem amorem, studium, admirationem, ac reuerentiam concitarunt. Sanctissimum enim plane ac inuictissimum id esse oportere intelligunt, quod nec tot probris violari, nec tot machinis concuti potest. Quamobrem tumultus illi, ac dissidia, schismatumque ac hæresum vaticinia, quæ simulatè fundunt atque ingeminant, vt verè loquamur, meræ sunt somniorum imagines, & maleuolorum commenta. Interea egregij pacis amatores atque Interpretes, ijs qui non vim fecere, sed ab ipsis passi sunt, aliorum etiam odium creare moliantur; suorum ipsorum crimen innocentissimis obijciunt; pœnasque quas soli luere debent, ab ijs exposcunt. Sed plane his in locis, BEATISSIME PATER, quantum ad negotium istud pertinet, in eruditorum mentibus, atque in fidelium cordibus alta pax est. Sacræ antiquitatis doctrina & agnoscitur & amatur; prioresque illæ nebulæ, quas nonnulli offundere conati sunt, vberiori in dies ac diuiniore luce discussæ, illam splendidiorē etiam ac iucundiorē efficiunt. Nunc ergo S. V. obtestamur atque obsecramus, BEATISSIME PATER, vt homines Hierarchicæ omnis autoritatis inimicos, ad rerum, quæ nullius voce defendi possunt, fallacem ementitamque defensionem, silentio vestro diutius abuti non sinat. Os illis tandem aliquando occludatur, qui fictitias turbas prætexentes, veras ipsi commouere student; Ecclesiæque hostibus, in hæreseos castris aduersus eam aperto Marte grassantibus, planum fiat, sacræ traditionis, Pastoralisque dignitatis, quas contra eorum errores defendimus, autoritatem, ab ipsis Ecclesiæ filiis indignè nonnumquam ac petulanter, sed numquam, vt apud

ipſos , ſecurè atque impunè violari. Sic Deus BEATITVDINEM VESTRAM diuinis gratiæ ſuæ muneribus cumulatam, & Chriſtianæ veritatis æque ac pacis incolunitati Apoſtolica ſollicitudine inferuientem , omnipotenti auxilio tueatur ſemper atque conſeruet.

BEATITVDINIS VESTRÆ

Obſervantiſſimi & obſequentiſſimi Filij,

- ✚ OCTAVIUS Archiepiſc. Senonenſis.
- ✚ CAROLVS Archiepiſc. Tholoſ.
- ✚ VICTOR Archiepiſc. Turonenſis.
- ✚ FRANCISCVS Epiſc. Ambianenſis.
- ✚ HENRICVS Epiſc. Laſcurienſis.
- ✚ STEPHANVS Epiſc. Maſſilienſis.
- ✚ ÆGIDIVS Epiſc. Adurenſis.
- ✚ A. DE HARLAY Epiſc. Maclouienſis.
- ✚ PETRVS Epiſc. Coadjutor Montalbanenſis.
- ✚ BERNARDVS Epiſc. S. Papuli.
- ✚ FELIX Epiſc. & Comes Catalaunenſis.
- ✚ DIONYSIVS Epiſc. Sanbriocenſis.

Præter illos qui nec ſuperiori ſubſcripſerunt , Aurelianenſis cum hæc ſcripta eſt hanc vitam cum felicioſiore commutauerat.



PRÆFATIO.



ET si diuinæ veritatis nihil est cognitione fructuosius, ac sicut oculo corpus, sic eius luce omnis animi actio regi ac temperari debet: ad eam tamen pro salutis atque vtilitatis hominum ratione administrandam, tanta sapientia opus est, ut sæpè leuioris negotij sit illam & cognoscere, & cognitam alijs tradere, quam eius pro eo ac Deus iubet in publicum efferendæ, euulgandæque idonea tempora & quasi maturitates videre.

Sed in his tamen rei grauissimæ pro dignitate procurandæ dispensandæque difficultatibus, duo sunt præcepta certa & fixa, nobis à SS. Patribus diuinitusque institutis hominibus tradita, quibus aperiendæ ac publicandæ veritatis duo tempora necessaria accepimus. Alterum cum ea impetitur, offusæque caligine obducitur: alterum cum existunt, qui illam à nobis flagitent, & ad instituendam vitam dirigendamque deposcant. Qui enim tum sileat, is & Dei causam, quæ vitâ ipsâ cuique antiquior esse debet, prodiderit, & proximorum abjecerit charitatem, quos, ut seipsum, diligere debuerat.

Quod si accedat, ut qui oppugnata veritatis

I.

QUIBUS TEMPORIBUS NECESSARIA SIT VERITATIS PUBLICATION.

*August. de Prædest.
SS. & de Domino
perseuer.
Bernard. in Apol.*

cognitionem petit, necessitudine quadam à Deo ipso profecta nobis adjunctus sit, tum vero triplicis causæ concursu triplex loquendi necessitas exoritur, quam defugere non liceat sine lentitudinis, vel negligentia, vel ignavia notâ, aut omnino saluâ triplici charitate, quam & Deo, & hominibus vniuersis, & ijs seorsum quibuscum artius copulati sumus debitam negare nemo queat.

Equidem tribus hisce rationibus SS. Patrum autoritate præfultis ad Librum hunc de Frequenti Communione conscribendum adductus sum; eoque vehementius commotus, quod quæ singulæ satis valere debuerant, simul in hoc tempore conjunctæ in me quodammodò incubuerunt.

II.
LIBR: HVIVS
INSTITVENDI
CAVSA.

Cum non ita pridem illustris quædam & letitissima fœmina singularibus & eximijs gratiæ muneribus à Deo acceptis, solidæ ac verè Christianæ pietatis officijs memorem animum præstare illi conaretur: venit in illius manus certorum hominum operâ Commentariolum ea mente concinnatum, vt à vitæ via, quam Deo duce ingressa erat, velut periculis & erroribus implicata deterreretur. Quæ cum certum exploratissimumque haberet, nullum esse in cœlum iter eo directius, quod Christus dictorum, factorumque suorum quasi vestigijs impressum præmonstrasset, non sine animi commotione intellexit, Scriptionis illius autorem eò collineare, vt ab

arctâ Euangelij viâ alios auerteret; vt per speciem frequentis Communionis suadendâ, necessarias ad eam præparationes, quibus demptis cœlestis ille cibus ex SS. Patrum sententia in venenum commutatur, funditus tolleret; vt non omnes solum promiscuè & indiscriminatim ad tremenda illa mysteria propelleret, sed & eos qui *sui ipsorum amore tument, ac seculo stupendum in modum addicti sunt* ad intimam ac familiarem Christi in Eucharistia latentis vsum ac societatem idoneos censeret. Manifestissimè denique id vnum agere, vt pœnitentiâ obtreçtaret; sanctissima quæque illius munia quasi Ecclesiæ vsui contraria deleteret; illius praxin & disciplinam temerariam atque ab erroris fonte manantem fingeret; & illorum qui ad eam alios vocent consilium in perniciosi commenti, atque in *Diabolici stratagematis* loco numerandum persuaderet.

Cæterùm etsi pro cognitionis luce diuinitus sibi concessâ tam deuix doctrinæ flagitia satis ipsa per se dispiceret, ac pro insitæ pietatis zelo eâ, quâ par erat, animi virtute auersaretur; diuinæ tamen veritatis amor ac studium impulit, vt contumeliam quâ violata ea fuerat, propulsari & dilui cuperet. Ad hæc viuendi normam quâ cœlestium munerum vim se adeptam existimabat, grato ac pio animo prosequens, cum illam Scripto isto indignis modis proscissam videret, grauissimam, sanctissimamque doctrinam, quam non solum natiuo mentis acumine,

sed & suâ ipsius experienciâ omnibus qui ad Deum ex animo sese referre studeant in primis fructuosam ac salutiferam intelligebat, publica responsione expediri atque illustrari sibi non mediocriter expetendum censuit.

Ego verò cum schedam illam ad me hoc modo delatam accepissem, hæsisse me repentè fateor, atque à refellendæ illius consilio nonnihil refugisse. Non enim eram nescius responsionem meam pro animorum varietate in varia existimantium arbitria venturam, ac subuerebar ne rem tantam plerique, vt Augustini verbis vtar, expenderent potius præiudicio consuetudinis, quam iudicio veritatis.

Verum ad has communes causas, quibus nec diuinissimæ doctrinæ, sacrae omnis Antiquitatis consensu roboratæ, quam impunè proteri ac ludibrio haberi videbam, patrocinium defugere sinebar; atque ad personæ illius rationem quæ doceri se de illa certiolemque fieri postulabat, cuius pietas ac laudabile studium pluris etiam apud me esse debuit, quam generis splendor ac præstantia; alia quæ me propius attingeret, necessitas accessit. Nam cum animo reputarem, Illustrissimos Antistites, cum Ecclesiasticæ doctrinæ tuendæ munus nobis tradidere, vt ipsi accipere à Christo; quibusque iccirco inferioris ministerij lege subesse & obsequi debemus, sicut ipsi Christo subsunt & obsequuntur; eodem tempore nos veritatis vsque ad sanguinis effu-

sionem patrocinium suscepturos ad aras Martyrum solenni iureiurando profiteri voluisse: faciendum mihi in hac causa existimaui, vt Deum hominesque contestarer, me non perfunctoriam, sed ex animo & summa fide susceptam sponsonem illam iuris iurandi religionem adhibuisse. Si enim fidem homini datam fallere est nefas: quanto magis quam Deo ipsi ante aras publica testificatione Angelis atque hominibus inspectantibus dederis?

Qui Doctorum lauream Lutetiz accipiunt, ad B. Virginis iureiurando adiguntur, Veritatem asserturos usque ad effusionem sanguinis.

Quare nemo opinor non æquissimum fatebitur, nos impositi muneris officio pro virili respondere conari: nec laboranti veritati, cui solenni sacramento sanguinem & caput deuouimus, vocis & orationis opem negare. Quamobrem magna me spes subiit fore, vt cum Deo autore & auspice responsionis huius laborem, non iam iustum modo, sed etiam necessarium susceperim, diuinæ illius prouidentia obsecutus, quæ me tot rebus rationibusque velut obstrinxit, mentem meam suâ luce ipse moderetur & regat; ne vel prudentiæ & æquitati in homines, vel sincero inuictoque veritatis amori desim, sed media inter vtrumque regione progrediar. Atque hanc ipsam in quam ita delatum me sensi sacræ doctrinæ vindicandæ necessitatem, lumen quod alijs impertiar mihi ipsi à diuina benignitate allaturam confisus sum, maximi Ecclesiæ Doctoris voce illa fretus: *Sapè officium impertienti, meritum est accipiendi.*

Aug. Epist. 132.

III.
ADVERSA-
RIVMScripti
SVI FVNDAMEN-
TVM IN
ANTIQUITA-
TIS AVTORI-
TATE ET CON-
SENSIONE
COLLOCASSE.

Præter has tot causas grauissimas, illâ etiam me non leuiter impulsus fateor; quod is quem refellere institui, caput illud longè maximum & præcipuum, quo Ecclesia sese ab omnibus vindicat erroribus, vtrò agnoscit, eoque veluti fundamento omnem præfulcit suam orationem: *Nullam esse certiore regulam, quâque facilius vel in hac de frequenti Communionem questione, vel in alijs omnibus errorem effugere possimus, quàm si studiosè attendamus, quid Antiquitati, Sanctorum Traditionibus, Et priscis Ecclesiæ moribus atque institutis conueniat.*

Ita enim hoc vnum mihi in respondendo negotij fore intellexi, vt Aduersarij placita ad normam illam sanctissimam & incorruptissimam, quam sibi ipse initio proposuisset, exigere; non me alios instituendos, sed SS. Patrum institutiones ex ipsorum monumentis eruendas aggressurum; nec doctoris præstiturum eruditionem, sed discipuli fidem: vt quemadmodum corpora opaca & lucis expertia, si à sole collustrentur, fulgorem acceptum reddunt, forasque respergunt; ita ego lucem alijs refunderem, non à me depromptam, sed à splendidissimis Ecclesiæ Doctoribus haustam, quorum Deus mentes vt terris omnibus ac seculis longè latèque collucerent, æternis ignibus accendit.

Atque hæc quidem Aduersarij norma eò faciliorem mihi ad hanc responsionem suscipiendam, atque expeditiorem viam dedit, quod

controuerſiam, quæ vna moleſtiſſima & impeditiſſima fore videbatur, ſtatim expedit ac diſſoluit. Prorſus enim declarat, etiamſi uſus pœnitentiæ, qui nunc apud fideles increbuit, alius ſit, ac qui olim in Eccleſia frequentabatur, non continuò temeritatis damnandum, vt aduerſario placuit, imo ſummo honore ac veneratione dignandum, quem totius Antiquitatis conſenſus, duodecim amplius ſeculorum praxis, omnium SS. Patrum doctrina, Canonum denique ac Conciliorum omnium, quæ de pœnitentia quippiam decreuere, perpetua autoritas probauit & ſanxit: quem nulla vnquam ætas, nulla Synodus, nulla lex aut improbavit, aut aſpernata eſt; vniuerſis contra ad eius obſervationem, aut vbi deſluxerat, vindicandam; aut vbi vigeſcit, retinendam; aut vbi omninò euanuerat, reſtituendam conſentientibus.

Quare totâ Operis huius ſerie declarabitur, quâ audaciâ ſchedæ illius Scriptor aſſeruerit: *Nunquam fuiſſe Eccleſiæ morem, vt pluribus diebus ante Communionem pœnitentia incumberetur. Intermiſſione Eucharistiæ nihilo digniorem illâ quemquam fieri; & ab eo qui per reuerentiam à Communione ſcedat, non maiorem Sanctiſſimo Sacramento cultum honoremque deferri.* Planiſſimum namque faciemus pronuntiatis cuiusmodi S. Dionyſij, Tertuliani, Cypriani, Paciani, Baſilij, Chryſoſtomi, Ambroſij, Hieronymi, Auguſtini, Leonis, Theodoret, Gennadij, Cæſarij, Gregorij, Iſidori,

IV.
INSCITIA ET
PVGNA INTES-
TINA SCRIPTI
QVOD REFEL-
LIMVS.

Eligij, Iuonis Carnotensis, & Bernardi constantem sensum ac verba clarissima labefactari, Conciliorum auctoritatem subuerti, Summorum Pontificum decreta infringi, nec ijs patrocinari quemquam, aut suffragari posse, quin Deo ipsi quodammodò bellum indicat, & ea quæ per tot illustrium Doctorem ora effundit, fallaciæ ac vanitatis damnet oracula.

Quod autem addit : *Etiam si moris olim fuisset, ut pœnitentiæ dies aliquot ante Communionem impenderentur, nunc tamen idem cum præsentî Ecclesiæ repugnet, sine temeritatis nota fieri non posse*; demonstrabimus vsum illum & praxim Conciliorum Senonensis, Augustani, Mechliniensis, Coloniensis, Bituricensis, Cardinalis Gropperi, Mariani Victorij illustris in Italia Episcopi, Scholasticorum, & Moralium Theologorum, Cardinalis Baronij, Litterarum Apostolicarum à Summis Pontificibus varijs de causis assiduè scriptarum, maximèque Concilij Tridentini ac Mediolanensium S. Caroli Borromæi Conciliorum auctoritate ac testimonijs conseruatam postremo etiam hoc seculo fuisse, ac constabilitam; vt qui disciplinam tam Sanctam tot SS. Patrum, tot grauissimorum Autorum, tot Conciliorum, tum veterum, tum recentium perpetua consensione firmatam, pro *incepto temerario ac maligni Spiritus stratagemate* traducere damnareque ausit, eum omninò & confidentiæ plenissimum, & eruditionis inanissimum esse oporteat.

Quanta

Quanta vero flagitiorum istorum accessio, & quam aperta hominum ad rerum diuinarum despicientiam inductio est, quod eos qui eximiam & singularem in diuinissimum Sacramentum reuerentiam adhibent arguere non contentus, *quoslibet etiam gratiæ inanissimos, seculo prodigialiter addictos, ac sui ipsorum amore feruentes ad tremendum illud mysterium sine ullo discrimine immittit ? Sine gratia ac Spiritus Sancti impulsu vniuersâ in publicis orationibus Ecclesiâ teste, nihil in homine innoxium est. Amicitia mundi* *Iac. 4. v. 4.* Apostolo Iacobo Dei inimicitia est : Amor sui *2. Tim. 3. v. 2.* ipsius diuinissimo Paulo omnium criminum fons est : Tamen à gratia alienissimus quisque, & mundi, sui que ipsius amore redundans ad cœleste illud diuinumque epulum fruendum præclarè comparatus esse videbitur ? Ita prorsus liquet, Scriptorem istum non minus hoc loco à suis quam ab Ecclesiæ sensibus desciscere, qui cum in principio ratum fixumque esse illud voluerit, *Nullam esse certiore regulam, quâque facilius vel in hac re, vel in alijs omnibus errorem effugere possimus, quàm si studiosè attendamus, quid Antiquitati, Sanctorum Traditionibus, & priscis Ecclesiæ moribus atque institutis conueniat, nunc ijs qui disciplinam animorum ad Eucharistiam præparandorum vniuersæ Antiquitatis ac Traditionis Ecclesiasticæ autoritate fundatam sequi voluerint, temeritatis crimen impingere non dubitet.*

V.
EIVSDEM PON-
DERIS PA-
TRVM AVTO-
RITATEM ESSE
OPORTERE,
DV M NECESSA-
RIAM ADEV-
CHARISTIÆ
SACRAMEN-
TV M PRÆPA-
RATIONEM
PRÆSCRIB-
VNT, AC DV M
EIVS NATV-
RAM EXPLI-
CANT.

Quis tandem non stupeat, cum Catholicis omnibus necessario adhibenda sint aduersus hæreticos SS. Patrum præsidia, quibus Sacramentum istud, non rem sanctam, vt illis placet, sed Sanctum Sanctorum, Deumque ipsum sub rerum visibilium specie inuisibiliter delitescen-tem habendum comprobent; istum, vbi de affectione animi ad tantum mysterium afferenda quæritur, nos ab iisdem illis Patribus audiendis abducere, dum quos illi à diuinis altaribus iure depellendos ad annos complures censuissent, hos ipse eodem sine vlla dubitatione propellit?

*Basil. Lib. 2. de
Baptis. q. 3.*

*Idem, Lib. 1. de
Baptis. c. 3.*

Si hæreticos Basilio auscultare iubeamus scribenti, *Qui Eucharistiam sumunt, corpus Christi contingere*: Cur eidem non & nos auscultemus scribenti, *Oportere vt quisquis accedit ad corpus & sanguinem Domini in commemorationem eius qui pro nobis mortuus est ac resurrexit, se peccato, mundo, ac sibi mortuum exhibeat?*

*Ambros. de Sacr.
Lib. 4. c. 4.*

*Idem, Serm. Dom.
4. Aduersus.*

Si eos Ambrosio auscultare iubeamus scribenti, *Panem esse ante verba Sacramentorum; sed vbi accesserit consecratio, de pane fieri carnem Christi*: Cur eidem non & nos auscultemus scribenti, *Mutare vitam debere qui vult accipere vitam. Nam si non mutat vitam, ad iudicium accipiet vitam: & magis ex ipsa corrumpitur, quam sanetur: magis occiditur, quam viuificetur?*

*Chrysost. hom. 24.
in 1 Cor. & alibi
passim.*

Si eos Chrysostomo auscultare iubeamus scribenti, *Hanc mensam cæli ac terræ supremi Regis esse mensam, cui Angeli ministrant, & in qua Rex*

ipse videndum se exhibet, neque videndum modò, sed etiam contrectandum ac degustandum : Cur eidem non & nos auscultemus scribenti, *Qui hoc honore* Idem, hom. 17. in ep. ad Hebr. dignantur, ut mensæ regiae accumbant, & pocula tangent regia, formosos esse oportere, & mentis pulchritudine præditos, auro fulgentes, ac pura veste amictos. Neque hanc gracculorum mensam esse, sed aquilarum, hoc est, animarum sublimium, & in cælum erectarum, quæ nullum cum terra commercium habeant, neque deorsum trahantur aut repant rerum creatarum cupiditate illectæ, sed quæ indefinenter sursum euolent, ipsumque iustitiæ solem acutis ac perspicacibus mentis oculis intueantur?

Si eos, Augustino auscultare iubeamus scribenti, *E nostris altaribus dispensari victimam sanctam, quâ deletum est chirographum, quod erat contrarium nobis :* Cur eidem non & nos auscultemus scribenti, *Qui non manet in Christo, & in quo non manet Christus, procul dubio nec manducat spiritaliter carnem eius, nec bibit eius sanguinem, licet carnaliter & visibiliter premat dentibus Sacramentum corporis & sanguinis Christi : sed magis tantæ rei Sacramentum ad iudicium sibi manducat & bibit ; quia immundus præsumpsit ad Christi accedere Sacramenta, quæ aliquis non dignè sumit, nisi qui mundus est, de quibus dicitur : Beati mundo corde, quoniam ipsi Deum videbunt.* Idem, Confess. Lib. 9. c. 13.

Si igitur tantorum virorum testimonia ad Sacramenti huius veritatem aduersus hæreticos qui eam conuellunt, valere credimus : quâ minus

eadem ad dignam & necessariam eidem Sacramento præparationem aduersus Catholicos qui eam labefaciunt, valere credamus? Si Hæreticos illa accipere volumus: quidni hæc ipsi accipimus? An Ecclesiæ Patrum apud Ecclesiæ hostes, non apud Ecclesiæ filios pollere debet autoritas? Si Scripturarum doctrina eorum Libris expressa idonea tuendæ fidei arma suppeditat: quidni etiam rectam vitæ instituendæ ac componendorum morum rationem normamque suppeditet?

Est vero perspicuum ex eo quanta sit Sacramenti cuiusque præstantia, metiendum esse præparationis illo dignæ modum; velut quanta principis & priuati hominis est diuersitas ad eam accommodatur diuersa vtriusque adeundi ratio. Quare præparatio hæc Theologorum consensu fixa est & immutabilis, quandoquidem cum immutabili Sacramenti ipsius substantia intimo & naturali quodammodò vinculo conjuncta est. Quare si Sacramentum istud Christi tantum imaginem ac figuram gereret, vt hæretici contendunt, tantam vtique tamque singularem animi sanctitatem nequaquam postularet. Cum vero Deum ipsum suo complexu contineat, vt aduersus eosdem hæreticos Scripturæ, Sanctorumque Patrum ineluctabili autoritate confirmamus, ac Deum immortalium animarum viuum immortalemque panem effectum, quid eum tam indignè & contumeliosè haberi patimur, vt homines Scripturæ & S. S. Patrum iudicio

maculosissimi, ab eoque immane quantum abhorrentes frequentiore terribilium illius altarium aditu digni pronuncientur?

Et quidem quod hæretici in Sacramentum ipsum moliti sunt, hoc Scriptor iste in præparationem ad Sacramentum adhibendam moliri videtur. Vt enim illi Sacramenti interiorem vim ac veritatem Ecclesiæ fide, ac perenni seculorum omnium traditione stabilitam funditus sustulerunt, eam ad figuræ & symboli tenuitatem deturbantes: ita veram ille atque huic Sacramento congruentem animi præparationem eiusdem traditionis, eorundemque Patrum testimonijs sancitam temerè conuellere ac labefactare nititur, vt iam illius quam SS. Patres efflagitarunt, scriptisque suis expressam reliquerunt, non nisi simulachrum inane vmbramque præ se ferat. Dummodò enim fronte atque vultu reuerentiæ ac venerationis illius speciem ostendet, quam illi infixam penitus animo atque insitam volebant: dummodò externo pietatis cultu id præstet, quod illi intimo ac sincero Christi amore ac studio præstari iubent, præclarè admodum nouo Theologo ad frequentandam Communionem instructus videtur. Sat superque est, si perditissimi illius instar Apostoli, Christo pacis osculum foris admoueat, licet propediem, imo ipso illo die sit eum sceleratè proditurus. Sat superque est si amantis ore atque habitu ad eum accedat, quamuis seculi studijs vniuersum pectus ob-

strinxerit. Satis denique habet, si Seruatorem labijs honestet, & labijs premat; tametsi cor eius non minus ab eo quàm cœlum à terra discesserit.

VI.
T E M E R E
D A M N A R I,
Q U I A C O M -
M U N I O N E
P O E N I T E N T I Æ
C A V S A S E -
C E D V N T.

Quis contrâ eorum pietatem ac zelum non vehementer probet & maximi faciat, qui cum de reconcilianda cum Deo gratia seriò cogitent, amorisque illius sacrosanctum pignus toties à se violatum acerbissimè doleant, humilitatis ac pœnitentiæ subsidijs aliquantisper sese excolere & comparare contendunt, quo puriores se ad cœlestem illam mensam religioresque recipiant.

Non enim iam de hominibus plures annos à Communione excludendis (quod tamdiu in Ecclesia factitatum est) multo minus de ijsdem ad pœnitentiam publicam adigendis loquor: quibus de rebus in interiore libro erit disputandi locus. Hoc vnum dico: Si quis acrioribus gratiæ stimulis incitatus, mores sedulò emendare, atque in robustioris stabiliorisque pietatis gradu mentem collocare velit, & Confessiones Communionesque præteritas vanas & inanes expertus, pœnitentiæ viam, quam Ecclesiasticæ Traditionis vniuersæ, nostraque memoria Conciliorum S. Caroli, qui se Synodum Tridentinam ducem sequi toties profitetur autoritate munitam intelligat, tentare denique ac vicissim experiri optet: si à sacra Communione quâ se indignum iudicat, quò sanctior ad eam reuertatur, tantis-

per secedere statuatur: nefas utique videri tam iusto Christianoque consilio obistere; præsertim si id agat animo pacis & vnitatis amante, neminem oppugnans, conturbans neminem, sed concessâ sibi ab Ecclesiâ libertate tranquillè utatur, & porrecta sibi ab illa remedia ad salutem adhibeat.

Quis enim prohibere ausit, ne pœnitentiam illam sanctissimam, Conciliorum omnium auctoritate commendatam, prætermiſſis innumeris ei per tot ætates in Ecclesia adjunctis atque obseruatis, aliqua saltem ex parte referat atque æmuletur: ne priuatim faciat, quod illi palam ac publicè factitarunt: paucos menses, quod illi plures annos: pristinis vitæ munijs conseruatis, quod illi sæpius depositis: in seculo, quod eorum plerique extra seculum: in conjugali vita, quod illi, vt SS. Patres docent, conjugij vsu mutua consensione intermiſſo: cum potestate ad Sacrificium Missæ accedendi, quod illi à templo dum Myſteria peragerentur exclusi: denique peccatorum interiori dolore ac pœnitentiæ laboribus ad virium voluntatisque rationem accommodatis faciat, quod illi in sacco & cinere, in cilicio, ieiunijs, vigilijs, omnimodâ victus & cultus asperitate, postremò gemitibus ac lachrymis assiduè agebant.

Si igitur ex omnibus antiquioris pœnitentiæ externis partibus vna penè à Christi corpore discessio retineatur: SS. quidem Patrum iudicio

præcipua quod æternæ beatitudinis amissionem referat, hominum vero sensu facillima, quod nemo est cuius captum superet, animoque magis quàm corpori vexando idonea: vt tamen si vero Dei impulsu suscipiatur, ac piorum operum frequentiam, totiusque vitæ disciplinam æquabilem, constantiamque adjunctam habeat, complura pœnitentiæ operosioris officia, quibus præstandis vires defunt, supplere interdum valeat: quis temperationem æquitatemque tam commodam iniquius ac malignius interpretetur? Quo tandem ore Scriptor iste in eiusmodi homine damnare ausit, vel gratiam Dei quâ permouetur, vel peccatorum dolorem quo incenditur, vel Patrum doctrinam quâ instituitur, vel Conciliorum autoritatem quâ regitur, vel sanctissimi Cardinalis Caroli, totque Cardinalium & Episcoporum eius æqualium exempla quibus vindicatur & corroboratur? An singulari Dei munere tam piam religiosamque mentem affecto aduersari, eumque his verbis è scheda sua depromptis appellare sustineat? Quæ te tandem temeritas agit, vt à sacra Communione te ipse dimoueas? Quid conturbas omnium animos? Quid offensionem omnibus paras? Quamuis gratiæ inanissimus, tui ipsius amore plenissimus, seculo prodigialem in modum adstrictus, noli vnquam à frequentanda Communione desistere. Ecquid attendis rationem istam ac disciplinam, quæ te sic affectum à Communione deterret,

terret, à Dæmonis arte ac stratagemate profectam, nec grauiorem pestem ac perniciem Ecclesiæ incumbere vnquam potuisse? At vero, si vt nunc es, infrequentanda Communione perstiteris, & rectissimè facies, & magno Deum honore cumulabis.

Quod si talibus verbis eum esset affatus, quibus illum scheda sua quasi voce affatur: nonne ille hæc ei contra iure ac merito reponeret? Hoc cine tandem Christiani est, nolle Christianum quemquam quid doloris ob perruptas contumacissimè Dei leges capiat, Deo ipsi profiteri? Plures iam anni sunt, cum vitæ meæ rationes ad eam normam quam præscribis, & cuius prætermittæ me arguis, conferre non destiti. Confessionem identidem & Communionem adhibui, sed Confessionum & Communionum istarum præsidij animi mei prauitatem ac vitiorum impetus retardari ad dies pauculos non comprimi ac sedari expertus sum. Quod Ecclesia publicis precibus canit, hoc ego re ipsa comperi: Sacramentum istud alijs vitam esse, alijs mortem. Cum enim insidente etiamnum in animo meo malarum cupiditatum æstu, eò frequentius accesserim, ipso vitæ meæ euentu perspexi sacratissimum hoc diuinissimumque medicamentum animæ meæ vulneribus venenum, non remedium extitisse.

Tandem ineffabilis Dei benignitas mentem meam sui Spiritus instinctu, atque ineluctabilis

gratiæ virtute permouit. Vincula omnia quibus arctissimè illigatus tenebar, semel abrumperè atque excutere statui. Cumque ab Ecclesia Conciliorum oraculis, Sanctorumque quos postrema ætas tulit virorum exemplis, eam placandi propitiandique Christi rationem mihi traditam oblatamque animaduernerem vt ab eius corpore ad tempus recedens, sincera verioreque pœnitentiâ paratior eòdem redire conarer; inire illam ac tenere constitui: eo studiosius, quo alteram toties ne quicquam expertus, hanc indito mihi diuinitus affectui congruentissimam & conjunctissimam reperi. Ita ^a pœnitentiam appetere visum est, quæ peccatorum meorum grauitati quodammodo responderet: ^b Dijudicare me ipse volui, vt ne à Deo dijudicarer: ^c Paulò feueriorem mihi met me facere, vt mitiore illo atque indulgentiore vterer: ^d A temporario Sanctuario paulisper vltro cedere, ne ab æterno supremi Iudicis sententia inuitum exigeret.

Quis tu igitur tandem es, qui donatæ mihi cœlitus gratiæ obstrepas: qui à vitæ via quam saluberrimam experimento meo sentio me auocare, vnicamque illam pœnitentiæ tabulam, quâ naufragus ad portum euadere contendendo, mihi de manibus eripere audeas? An Dei missu aduenisti, vt Deo ipsi honorem habere me vetes, misericordiaq; illius, quam tot annos superbissimè contempsi, aliquot menses exorandâ maiestatis eius fastigium agnoscere ac venerari prohibeas?

^a *Concil. Trid. Sess. 14. c. 8.*

^b *1. Cor. II. v. 31.*

^c *Aug. ser. 34. de diuersis c. 10. Patian. Paren. ad Pœnit.*

^d *Aug. hom. 50. 83 serm. 52. de temp. Cæsar. hom. 13.*

Si fidem Regi debitam prodidifsem, si quid in ipsum improbè contumelioseque designafsem; omnium iudicio, quicquid agerem, quicquid molirer, ne toto quidem vitæ tempore, tantum scelus satis eluerem. Nunc non terrarum regem, sed Cœli Dominum nefariè prodidi, fœdus diuinissimum, pactionemque sanctissimam cum ipso in baptismo initam dissolui ac fregi, Christum pedibus obtriui, in Crucem rursus per memetipsum sustuli, ludibrio & contemptui habui, sanguinem eius, in quo sanctificatus fueram, pollui, Spiritui gratiæ contumeliam feci, eumque in meipso obrui atque extinxi: Et erit qui arguat me Deo quadantenus facere satis vellem, maiorisque illius pœnitentiæ, quam tot ætates Ecclesia filiis suis imperauit, partem aliquam æmulari?

*Hebr. 10. v. 9.
Et 6. v. 6.*

Dum ita vixi, vt de Deo commodè nihil sentirem; dum Christiani adumbratum & inane nomen gessi; dum diuinissima quæque Sacramenta contaminaui: qui vitæ meæ prauitatem reprehenderet, inuentus est nemo. Nunc vbi eximio gratiæ munere ad Deum referre me cœpi; vbi injurias illatas pensare, summorumque officiorum partem aliquam exoluere aggressus sum; exoriuntur qui pœnitentiam meam reprehendant. Cur tum defuit accusator, aut cur nunc demum existit? An cum sceleratissimus essem, innocens videbar: aut nocens videor, postquam esse desij? Nemini vitæ meæ improbitas

offensioni fuit ; pœnitentia sola offendit. Annos totos Communionem quempiam carere , aut vertente anno semel eam attingere nulla invidia est : mihi quod me ad fœdus cum Christo in Sanctissimo Sacramento instaurandum paucis mensibus accingam & comparem, Communionem deinde sacram pro eo quantum virtute pietateque processero frequentaturus , ab invidia odioque abesse non liceat ?

Si te tantus Ecclesiæ Dei amor ac zelus tenet, quin aduersus tot impietatum, tot blasphemiarum , tot fœnerationum , tot simoniarum , tot criminum, & flagitiorum publicas labe & corruptelas, quæ omnibus verè Christianis mentibus horrore sunt, vim illius atque aciem exeris ? Quin in istos distringis tot Pastorum expostulationibus meritò vexatos , qui assidue in Communionibus, assidue in flagitijs versantur ; qui in templo Angelorum panem , domi Ethnicorum vitam vsurpant ? An nocentior est, qui sibi Christi corpus ob suscepta in eum crimina vltro abjudicat, quàm qui insigni audaciâ vel impudentiâ præsumit, Deique mensâ tum se dignum censet , cum mentem perturbationum nube etiamnum obductam , cor libidinum flammâ æstuans gerit, quæ externo habitu quodam quasi cinere contexta erumpet primo quoque tempore, atque acrius quàm antea & vehementius exardescet. Isne Christi rem agit, qui sacrilegis eum Communionibus dedecorantium cœcita-

tem vel fouet, vel dissimulat; Eorum qui tam sanctum ei honorem, Christianamque pietatem præstare contendunt, studium oppugnat & premit? An pœnitentia quam omnis Scriptura commendat, omnia Concilia constituunt, omnes Sancti Patres docent, omnes Sancti viri moribus & factis expresserunt, nunc demum in exitiale quoddam malum, cœcumque venenum ab hominibus studiosè auertendum repente conuersa est? An pestilens morbus effecta, qui quos arripuerit, conficiat, alios capitali contagione insequatur? An peccatorum dolor ipso iam peccato periculosior & inuisior habendus, remedia vulnerum ipsis perniciosiora vulneribus? An Deo satisfieri non licet, nisi vt apud homines offendatur, nec indignatio illius sedari, nisi vt istorum commoueatur inuidia? An Deo impensus honor illos vrit? An vnde Angeli Ecclesiæque in cœlis triumphans exultat, inde homines Ecclesiæque in terris militans perturbatur & gemit?

Tene eò processisse, vt sanctissimam vitæ institutionem *diabolica artis* & *maligni spiritus statagematis* appellatione afficeret; cum ego qui grauissimo dominatus ac tyrannidis illius iugo adhuc oppressus iacui, nunc cupiditate meas mittere, vitiorum consuetudinem leuari ac minui sentiam, paucorumque mensium pœnitentiâ id assecutus sim, quod plurium annorum communionibus assequi nunquam potui:

Cyprian, de lapsis. Quanto magis verendum est, ne quod affers, *oc-*
culta subtilis inimici grassatio sit, in id vnum in-
 cumbentis, *vt pristinis rursum flagitijs inuoluamur,*
vt lamentatio conquiescat, vt dolor sileat, vt deli-
cti memoria vanescat, comprimatur pectorum gemitus,
statuatur fletus oculorum, nec Dominum grauiter
offensum longâ & plenâ pœnitentiâ deprecemur. Si
 alijs me imitari non libet, damnare saltem par-
 cant. Pacem ac moderationem quam in ipsos
 adhibeo, adhibeant in me: nec amplissimæ illius
 Catholicæque charitatis vim retundant, quâ
 omnes vnâ colligati sumus, quæque non minus
 aliorum bonis, quàm suis lætatur & exultat.

Quis vero vbi huiusmodi hominis adeo lau-
 dabile propositum, adeo Christianum tantaque
 omnis Ecclesiæ Traditionis autoritate proba-
 tum consilium perspexerit, piam ac religiosam
 ipsius voluntatem, fauore ac beneuolentiâ non
 prosequatur? Quis pœnitenti Euangelicum il-
 lum Publicanum imitandum neget, qui ne eam
 quidem templi partem, quam Sanctum dice-
 bant, aspicere sibi fas duxit, ne dum Sanctua-
 rium vbi Deus super Arcam sedem fixerat,
 quemadmodum nunc in altaribus nostris con-
 quiescit? Quis eum Chananæ à Christo ipso
 deprædicatam humilitatem confectari vetet,
 quæ se pane filiorum indignam pronuncians,
 solis micis è mensa defluentibus, hoc est, verbi
 cœlestis pabulo refici cupit? Quis eum denique
 pœnitentiæ Petri similitudinem imitari prohi-

beat, quem notat Ambrosius non euestigio à Christo quem offenderat, efflagitare ausum, vt sibi crimen condonaret, *ne tam citò veniæ petitio plus offenderet*, ac maluisse *lachrymis veniam mereri, quàm verbis postulare*; ne dum vt ad Christum accedere, ac Sacrificio Crucis adesse vellet, cui Beatus Ioannes interfuit, purissimarum & innoxiarum mentium quæ nunc ad idem incruentum sacrificium præsto sunt, imaginem adumbrans.

*Ambrosii. Comm. in
Luc. lib. 10.*

Ac tanti Apostoli humilitatem Paulus quem vnà cum illo in corpore, cui caput Christus est, quasi geminum lumen oculorum S. Leo constituit, postmodum est imitatus, dum paulo post susceptam baptismatis gratiam, vt peccatum suum ab vniuerso Ecclesiæ cœtu seclusus defleret, in Arabiæ deserta loca se contulit. Cum enim quid illic egerit, minus constet, pœnitentiæ studio eò profectum, cum Interpretibus quibusdam sentire ad veritatem propensius videtur: vt Christi, qui statim à baptismo ob eandem causam in solitudinem abiit, præclarus æmulator existeret. Ita in duobus supremis Ecclesiæ verticibus qui vnicum efficiunt, pœnitentiæ qualis hoc in opere à nobis descripta est, illustriorem atque expressiorem formam intuemur.

Nec vero hæc de pia tantisper à Christi corpore secedendi ratione quo sanctiorem sibi ad eum anima reditum paret, ita dicta velim, vt supinæ ac flagitiosæ eorum negligentia indulgeam, qui hunc pietatis colorem ac fucum, ad

V I I.

IN EOS QVI
COMMVNIO-
NEM IGNAVA,
IRRELIGIOSA-
QE MENTE
DESVGIUNT.

Apocal. 3. v. 16.

declinandam fugiendamque communionis frequentiam prætexere velint, quodque alij altissimæ humilitatis sensu, nec ardenti minus quàm verecundo in Christum studio faciunt, id tempore illo cui Scriptura diuina summi supplicij terrorem intentat, efficere cupiant.

Sicut olim baptismus à Christianis duplici ratione differebatur: altera Ecclesiæ probata, cum tempus omne ad animum pijs omne genus operibus instruendum ornandumque conferebatur: altera Ecclesiæ inuisa, cum baptismi susceptio eo consilio in longum ducebatur, vt interea licentiori vitæ, mundanisque delitijs, quas post baptismum seuerius interdictas constabat, securius indulgeretur: Simillimè Communionis differendæ consilium aliud Ecclesiæ placet, si quis ita intermittat, vt ad eam sibi veræ pœnitentiæ fructibus receptum quærat: alterum Ecclesia repudiat, & auersatur, si à rerum diuinarum incuriâ ducitur, & obliuione ac duritie, quam adeò formidandam & capitalem nouit, vt ad eam fidelibus eripiendam nihil intentatum relinquat, quod hæc pestis ad impietatem & vniuersum Religionis interitum apertè grassetur. Ab illo enim æternæ vitæ pane non aliter discedere fas est, nisi quemadmodum à mari fluuij recedunt, qui cum maxime illinc digrediuntur, eòdem aliunde properant, vt vno tempore & recedere & accedere videantur. Qua ratione canones pœnitentes *ad salutaria sacra fideli affectu continere*

*Concil. Varsense.
can. 2.*

dere aiunt, etiam tum cum se indignos salutiferis mysterijs indicant: ex quo satis intelligitur ad Eucharistiam tendi cum ab ea receditur.

Qui ergo talem Eucharistiæ intermissionem pœnitentiæ studio suscipere, & Patrum in eam rem monita sequi velit, dolore intimo angatur necesse est, quod Christi in sanctissimo Sacramento cum alijs particeps esse non valeat. Adæ supplicium sibi proponat oportet; ab Ecclesiæ altaribus, ut illum à paradisi delicijs, se pulsum cogitans; atque à pane vitæ, ut illum ab arbore vitæ, qui Eucharistiam adumbrabat, exclusum.

*Aug. de Genesi ad
litt. lib. 11. c. 40.*

Atque, ut præclare Augustinus: *Versari debet ante oculos eius imago futuri iudicij, ut cum alij accedunt ad altare, quo ipse non accedit, cogitet quàm sit contremiscenda illa pœna, quâ percipientibus alijs vitam æternam, alij in mortem præcipitantur æternam.* Quod si apud inferos damnatorum acerbissima vna pœna est, flammarum etiam quovis cruciatu vehementior, sempiterna à Deo diunctio: nonne Christiano homini summum omnium in terris dolorem afferre debeat ab eodem Deo segregatio, vniuersasque sensuum ærumnas & pœnitentiæ diritates obruere?

Aug. hom. 50.

Ut enim vitæ huius bonorum maximum Christi corpore frui: ita malorum maximum eodem orbari, ac priuationem hanc omnium quas pœnitentibus imponi liceat pœnarum gravissimam semper habuit Ecclesia. Cui concinit eximia Chrysostomi vox: *Vnus sit nobis dolor hac*

*Chrysost. hom. 14.
in 2. Cor.*

Basil. in Ep. ad
Amphyloch. can.

84.

Aug. Enchyr. c. 68.

Iuo Carnot. Ep.

230.

escâ priuari. Et vero SS. Patres & canones intimo potius animi dolore & sensu quàm afflictationum exteriorum acerbitate pœnitentiæ vim ac magnitudinem expenderunt. Cuius rei duo illustria exempla edidit posterior ætas. Alterum in S. Vincentij Ferrerij : alterum in Cardinalis Vitriaceni Vita expressum.

Quapropter si qui ad cœlestem illam mensam, hostiamque terribilem, vt Patres loquuntur, dignis tanto, tamque diuino munere præsidij destitutus accedat, grandi peccato se obstringit : qui ab eadem per Ecclesiæ & Canonum leges repulsus, illius restitutionem sedulo & constanti labore promereri non nititur, non minore in culpa est, atque haud scio cum vterque in extrema inciderit, vter nocentior sit habendus. Ille violati corporis & sanguinis Christi reum se statuit, ita ea suscipiens vt polluat & incestet, hic corporis & sanguinis eiusdem vim sibi omnem ac fructum extinguit ; animam ipse suam sic incestans & polluens, vt ea suscipere non possit. Ille, teste Apostolo, *iudicium sibi manducat & bibit, corpus Domini non dijudicans*, neque à vulgari & quotidiano cibo secernens : hic Iudicem ipsum respuit & aspernatur, dum ei carnis suæ epulum quo reficiatur offerenti, cordis sedem parare detrectat. Illum Euangelium damnat in eo qui sine nuptiali veste regale conuiuium ingressus in tenebras exteriores, hoc est, in Inferorum barathrum detruditur : hunc in ijs qui postquam

1. Cor. II, v. 29.

ad conuiuium idem inuitati ire abnuerunt, illam à Christo vindice retulerunt sententiam, *neminem eorum cœnam ipsius gustaturum*, hoc est, paradisi delicijs fruiturum. Luc. 14. v. 24.

Equidem corpus suum conspicui atque vſitati panis specie velatum Christus nobis porrigendum ſtatuat, vt ipsis rerum externarum ſymbolis & documentis quâ ratione ac modo adiri ſe in hoc Sacramento vellet, demonſtraret. Vt corporum panis terrenus, ſic animarum cibus eſt panis ille cœleſtis. Atque vt ſine pane terreno corpora, ita ſine cœleſti hoc pane animi debilitantur & languent. Caterum etſi quotidianus panis tantum vtilitatis habeat, non minus tamen ſaluti officere poſſit, qui vtatur illo, quàm qui non vtatur. Si enim extremâ imbecillitate fractus vtitur, imbecillior ſit, nec ſolum nihil fructus ex eo capit, ſed etiam detrimenti plurimum. Rurſum ſi in eiufmodi imbecillitate nihil de reparandis ad eum veſcendum viribus laborans humorum vitia cauſamque morbi vtrò aluerit, ægritudinem non grauiorem modò, ſed & inſanabilem efficiet.

An tam obuia notaque imagine non perſpicuè intelligitur poſſe interdum vtiliter à cœleſti hoc Sacramento diſcedi, tametſi tendere ad illud ſemper ac progredi oporteat? An vero quicquam vel veritati, vel ſupremæ quæ Christo ad altaria debetur venerationi magis aduerſarium fingi poteſt, quàm abſtrahi à Communione

VIII.

NON PROPO-
SITVM ESSE
HVIC LIBRO,
VT A FRE-
QVENTIORI
COMMVNIO-
NE QVEM-
QVAM AVER-
TAT.

fideles, dum veræ vtilitatis ad Dei honorem & salutem suam ex communione percipiendæ rationem & viam Sanctorum Patrum autoritate & consensu docentur? An ab Eucharistia abducit, qui iter quo ad illam pergant, commonstrat, eamque omnibus pœnitentiæ operibus finem ac præmium proponit? Quis medicum arguat, necessarium vitæ alimentum eripere, quod morbo laborantibus solidiorem cibum non præbeat? Quis vitio dederit, quod amaris quibusdam potionibus morbi fomitem & causam antea exauriri iubeat? Quis denique criminetur, quod panem infirmis subtrahat, quem valentibus porrigit, dum illo vt valentes valentiores, sic infirmos infirmiores fieri cogitat?

Quis Imperatorem milites à pugna deterrere infimulet, quod confectos vulneribus sanari primum iubeat, vel etiam reficiendarum virium causâ è castris emittat? Nonne contra in culpa sit, si ita affectos ac debiles obijciat hosti, & quod eis animi ac virium superest ad languorem potius minuendum tollendumque non conferat? Nonne Gedconi à Scriptura diuina laudi datum est, quod ignavis ac timidis omnibus dimissis trecentos solos milites ad petendum hostem debellandumque selegerit? Quod si figuræ veritatem adungere placet, nonne Christiani trecenti fidei ardore succensi plus Ecclesiæ ornamenti ac decoris afferant, quàm tricies milleni ignauæ Gedeonis turbæ simili-

mi? Quæ quidem comparatio eo verior videri debet, quod Christi corpus perinde ac telum, & gladius quo omnes tum externorum, tum internorum hostium expugnandæ sint copiæ, ab Ecclesia semper est habitum. Quocirca si quando accidisset, ut pœnitentes tantam charitatis ac pœnitentiæ flammam conciperent, ut martyrio etiam sese obijcere vellent, atque hoc animi propositum facultatum omnium derelictione testificarentur, Ecclesia cœlesti eos Eucharistia in antecessum impertiebat, ut ad certamen quo non veniam modò, ut ait Cyprianus, sed & coronam adepturi erant, armatos munitosque dimitteret.

*Cyprian. in fine
Tract. de lapsis.*

Non igitur à cœlesti Sacramento auocat, qui ad illud accedere docet, debitæque illi religionis ac reuerentiæ sensum animis inserit, maxime si quos ab Eucharistia velut à solidiori alimento submouet, ijs alium eorum infirmitati congruentiorem & pœnitentibus alendis idoneum cibum sufficiat, quem in hoc opere deinceps exponemus, ne omni penitus demptâ alimoniâ, non ad sanitatem, sed ad interitum veniant.

Omninò cunctis animarum Rectoribus propositum esse debet, eò illas perducere, ut quæ Communionem prorsus careant, uti ea incipere; quæ rarius vtantur, frequentius uti; postremò, quæ vtantur frequentius, iam etiam quotidie illa uti valeant. Quod si in Esdræ Libro maximus

Esdræ 2. c. 9.

quater faciat: adoret, id est, Deo preces offerat; peccata confiteatur; & diuinos Libros legat: nos ad Communionem toties, si fieri posset, iterandam Christianos non inuiti hortaremur, ne dum vnicam illam eis eripiamus quotidianam Communionem, quæ in votis vnicuique esse debet, propterea quod Christiani hominis is demum apex, eaque perfectio est, posse Christum primariæ Ecclesiæ fidelium instar quotidie suscipere, atque intimis complecti visceribus.

Hoc tandem fastigio ac fine supremo cumlatur sanctarum consummatarumque mentium eximia virtus & perfectio, velut, præter alia, nuper declaratum est religiosissimæ illius Viduæ exemplo, quam in seculo genere, honoreque spectabilem, extra seculum spectabiliorem fecit egregia virtus ac sanctitas, cui B. ille Episcopus Geneuensis quotidianam Communionem indulsit, cum in eius animo robur ac puritatem tam frequenti Angelici panis vsui paræm perspexisset. Quod si verus ac natius rerum ordo spectetur, Communionem frequentiore maioris virtutis, rariorem tenuioris notam & argumentum dicere licebit, & qui dispares istos obtineant gradus perinde inter se comparari, vt duo corpora quorum alterum firmum ac valens sit, alterum perpetuo languore depressum.

I X.

DE IIS QUI
IN POENITENTIA
HVMILI-

Quin & confirmare ausim, esse qui peccatorum laqueis quibus annos complures irretiti fuerant, tandem expediti, diuinæ gratiæ amorisque

pœnitentiæ adeò vehementi impulsu mouentur, vt acerbissimum quem ex Deo peccatis suis spreto ac violato capiunt dolorem Communionis quâ se indignissimos iudicant, ad vitæ exitum dilatâ testari sibi fas esse exoptent, eoque pacto admonitioni vel imperio potius Ambrosij ad Virginem lapsam parere, cui & Serapionem pietate singulari hominem Dionysius Alexandrinus paruisse narrat apud Eusebium, cum superiore omni vita religiosè traducta fidem in tormentis ad extremum abjecisset. Quod si disciplinam adeò sanctam, in quam Ecclesia institutis moribusque florente tantam fidelium multitudinem Dei Spiritus induxit, sibi sic affectis persequendam tamen non censent, hominum maxime sermones ac iudicia verentur, quorum ea mens est & indoles, vt pœnitentem animum re & charissima sibi & longè optatissima tandiu carere posse ne cogitatione quidem assequantur. Cæterum hominis sensus diuino sensui nusquam vehementius obluetetur, quàm si genus illud pœnitentiæ damnare non dubitet, à Christo suorum cordibus toties immissum comitemque illius altissimam humilitatem, pudoremque ac suffusionem illam animi quâ longè certius & efficacius quàm cæteris quibuscumque operibus à pudore illo quem Christi corporis interdictio affert sejunctis placatur & propitiatur Deus. Quod si cui forte peccatis grauioribus lapso, sanctissimam eiusmodi affectionem ac

TATE AD OBIVM VSQVE IACERE OPTENT.

Euseb. Hist. lib. 6. c. 36.

mentem Deus injecerit, is, si me audiat, pium religiosumque hoc votum pro eximio diuinæ gratiæ munere intimis præcordijs complectetur ac fouebit, Communionem tamen cum alijs de causis, tum ne quid singulare & insolens aucupari videatur, frequentius adire non grauiabitur.

X.
NON ESSE
DAMNANDOS,
QUI COMMV-
NIONEM POE-
NITENTIÆ
STVDIO IN-
TERMITTUNT.

Quanquam de affectione ista minime vulgari, ac vel penes veros germanosque pœnitentes rariore dicere nunc mihi non est consilium. De ijs duntaxat differendum mihi esse constitui, qui ab Eucharistia, vt ad eam puriores flagrantioresque redeant, tantisper secedunt: quorum imitatio si minus omnibus fortasse arrideat, quis tamen tantum pietatis munus damnare sustineat, propterea quod ad illius vsum adduci non possit? Quis lucem commodam ac iucundam neget, quod oculorum interdum aciem vincat? Quis præstantissima ipsa remedia salubria infirietur, quod languenti corpori minus aliquando conueniant? Quis panem succidum aliumque abnuat esse, quod nausenti stomacho sapidus non sit? Optima quæque non omnibus accommodata sunt; omnibus tamen probari debent. Quibus qui obrectare vel ignoratione veri, vel obscurâ æmulatione, vel interioribus vtilitatum suarum stimulis perstricti cœperint, non immeritò illius Ambrosianæ vocis vim formident & horrescant: *Frustra opem misericordiæ cælestis expectes, si alienæ fructibus virtutis inuideas. Aspernator enim Dominus inuidorum est, Et ab ijs qui*
diuina

Ambros. Lib. 4.
in Luc.

diuina beneficia in alijs persequuntur, miracula suæ potestatis auerit.

Quid igitur à Christiani, qui proximum vt seipsum, Deum plus etiam quàm seipsum diligere debet, pietate & charitate alienius, quàm eam institutionem quæ ad Dei gloriam & proximi salutem tota pertinet, oppugnare; quàm vniuersæ Ecclesiæ offensiones ac scandala ibi comminisci, vbi omnia ad Ecclesiæ vtilitatem salutemque consentiunt; quàm fabulis inanibus tetrisque figmentis occupare ac territare eorum animos, quibus hominum tam præclarè de Religione sentientium vitæ ratio minus comperta est, vt dum toti in recessu ac silentio colendo demerendoque Deo student, perturbationes, tumultuationesque illas ipsas quæ in eos ab alijs commotæ sunt, vltro commouisse videantur.

Bonæ res, neminem scandalizant, nisi malam mentem.

Agnoscant malum suum qui de tali bono scandalizantur.

*Tertull. de Virgin.
veland. c. 3.*

Quocumque tandem loco ac statu quis fuerit, quamuis cupiditatibus adstrictus scelerum vincula & iugum ceruicibus depellere non valeat: est tamen quod commodè speretur, si veritatem & quærat & amet; si oblatam amplextur; si seipse damnare illa coarguente malit, quam illam ipsam damnare quod se coarguat. Sicut enim sunt notæ & indicia quibus aurum in intimis terræ abstrusum visceribus à peritis deprehenditur: sicut sunt etiam quibus agri spinis

E

XI.

AMANDAM
VERITATEM,
ETIAM VBI AD
ILLAM IM-
PLENDAM
VIRTUS NON
SUPPETIT.

ac sentibus obsiti vis ac feracior natura se pro-
 dit : ita benignitatis Dei animas respicientis
 etiam medijs prauitatibus merfas nonnulla in-
 telligentibus vestigia sublucent. Quorum qui-
 dem nullum insignius fortasse veriusque repe-
 rias, quàm illum Christianæ veritatis amorem,
 qui in imis quorundam sensibus penitus infixus
 cernitur. Atque id in Euangelio Christus perspi-
 cuè declarasse videtur, vbi ait : *Eum qui ex Deo*
est verba Dei audire, atque è pluribus quibus
 oues ipsius internoscantur indicijs, primum il-
 lud affert : *Oves meæ vocem meam audiunt*. Talem
 animum adolescentiæ ac vitiorum æstu abreptus
 tot annos tenuit semper Augustinus, nec ab ar-
 denti veritatis indagandæ studio vlla re vnquam
 diuelli potuit. Ita quid in illo aliquando perfe-
 cturus esset Deus, iam tum laudabili isto amore
 præmonstrabatur, & in horrenda illa cæcæ no-
 ctis caligine splendidissimi ignis qui eius mente
 succensa Ecclesiam vniuersam sua luce comple-
 turus erat, tanto ante scintillæ promicabant.

Christiano homini semper ob oculos versari
 debet Deum quem colit, ^a Deum esse veritatis;
 Christum supremam ^b Veritatem; Spiritum
 Sanctum ^c Veritatis spiritum nuncupari; se ve-
 ro in Ecclesia ^d verbo Veritatis genitum; ^e in
 via Veritatis ambulare; ^f Veritate liberari; ^g Ve-
 ritate sanctificari; ^h Veritate pasci in hoc secu-
 lo; ⁱ eademque æternùm in cœlo Veritate pas-
 cendum. Quare non minus à minima quauis

^a *Psal. 30. v. 6.*

^b *Ioan. 14. v. 6.*

^c *Ioan. 15. v. 26.*

^d *Iac. 1. v. 18.*

^e *2. Ioan. v. 4.*

^f *Ioan. 8. v. 32.*

^g *Ioan. 17. v. 17.*

^h *Matth. 4. v. 4.*

ⁱ *August. Confess. lib. 9. c. 10.*

verarum doctrinarum particula, quas SS. Patrum & Conciliorum autoritate depromptas cernit, repudianda abhorreere debet, quam vel ab oppugnando Deo, qui fons est ac principium veritatis; vel à prodendo Christo, qui est ipsa Veritas; vel à repellendo Spiritu Sancto, qui cœlitus ad docendam Veritatem missus est; vel denique à profliganda Ecclesia, quam *columnam ac firmamentum Veritatis* dixit Apostolus.

Nec tamen consilium nobis est omnem illam austerioris pœnitentiæ disciplinam, quam sanctam Catholicamque asserimus, ad vsum etiam praximque reuocare. Non sumus nescij aliud esse quod optare liceat, aliud quod fieri possit; neque à Christianis in horum temporum infirmitate omnia postulanda, quæ olim ab iisdem valida ætate vigenteque virtute postulabantur. Sed si maxime commodiores ad cœlum ac faciliores quærendæ sint viæ; tamen intra veritatis fines quærantur necesse est. Itaque agnoscere eam & explorari oportet, cum nonnisi per eam semel amissa baptismi gratia recipi queat, Christoque viam sese Veritatem ac Vitam prædicante, ad ipsum nisi per ipsum, vt toties ait Augustinus, iri non possit.

Quod si nonnihil laxamenti afferri legi oporteat (quod interdum necesse esse non inficior) nemo est qui scientius adhibere illud possit, quàm qui penitus vim legis mentemque perceperit. Si quid humanæ imbecillitati tri-

XII.
NECESSA-
RIAM SACER-
DOTI VERÆ
POENITEN-
TIÆ COGNITIONEM.

buendum obsequendumque videatur; nemo fructuosius, salubriusque id præstet, quàm qui Dei in regendis hominibus consilia, rationesque omnes diligentissimè cognitæ habeat.

Vbi æger vri se ac secari patitur, haud ita exquisita arte ad eum sanandum opus est. Vbi vero eò deductus est, vt iam nec mala sua, nec remedia ferre valeat, singularem & eximiam eruditionem medicus afferat necesse est; vt circumspectis vndique artis finibus, quatenus recta indulgentia considerataque lenitas progredi possit, penitus norit; vt pariter & sauiam benignitatem & inconsultam seueritatem effugiat; vt denique ita comprimat ægritudinem, ne opprimat ægrum; ita ægro parcat, ne ægritudinem foueat. Quemadmodum igitur corporum medicis eo major peritia opus est, quo ægroti congruentia remedia minus admittunt: ita cœlestibus animarum medicis eò magis necessaria est diuinæ notitia veritatis, quò pœnitentes ad pœnitentiæ medicinam iniquiores se ac duriores præbent. Est enim illius vt & eorum infirmitatem tenuitatemque virium intimo cordis robore plerumque suppleat ac sustentet, & leuiora illorum opera solidæ firmæque pietatis motibus, ad quam eos sedulò deducere debet, extollat, fructuosaque illis efficiat.

*Jerem. 7. v. 24.
Rom. 9. v. 31.
Aug. in Psal. 77.
Ambr. lib. 9. Comment. in Luc.
Gregor. hom. 40.
in Euang.*

Nam si olim populo illi Iudaïco accurata obseruatio legis religiosorumque operum vis magna & multiplex nihil opis ad Deum ac meriti

contulit, quod ea omnia sic ageret, ut spiritu Dei non ageretur, ac ne finem quidem quod essent dirigenda cognosceret: esse nonnunquam similiter potest, ut austeriores pœnitentiæ labores incassum atque inutiliter subeantur, dum carent duce veritate, spirituque illo cuius est vim illis ac vitam gratiæ suæ vñctione inferere. Ita si absit veritas, sæpe numero quæ per se magna sunt, exigua fiunt: si adsit, quæ per se exigua sunt, magna efficiuntur.

Quare Gregorius Magnus & SS. omnes Patres consentiunt, *afflictiones pœnitentiæ ad delenda peccata tum demum idoneas esse, cum Sacerdotis fuerint iudicio imperata*: quod Sacerdos dum quamente ac spiritu suscipiendæ atque implendæ sint præcipit, vim eis quandam singularem ac præcipuam adijciat. Idem si quid illis desit, prudentiâ industriâque corrigere solus & explere potest: quin etiam earum partem in se transferat oportet, ne in illud quod Christus exprobrat Pharisæis, crimen incurrat: *Alligant onera grauia* *& importabilia, & imponunt in humeros hominum,* *digito autem suo nolunt ea mouere.*

Gregor. lib. 3. in
1. Reg.

Matth. 23. v. 4.

Quam porrò hæc veritatis Ecclesiasticæ notitia utilis ac necessaria foret, S. Carolus vniuersæ denunciauit Ecclesiæ, cum Sacerdotes omnia pœnitentiæ decreta sacris expressa canonibus tenere iussit, ut ijs semper ob oculos propositis ad regendos pœnitentium animos pro re nata vterentur, & quid de cuiusque illorum peccati

genere & grauitate Ecclesia semper senferit, aperirent. Quod vtique à Sanctissimo illo Cardinali tam prudenter ac sapienter institutum est, vt Sacerdos qui diuinos Canones, quemadmodum ab illo iussum est, teneat, dummodò Scripturæ sacræ lectionem & orationis studium, quæ à Sacerdotali officio abesse nunquam debent, adhibeat, atque ad munus suum rite ordineque vocatus sit (quod sine virtutis ac pietatis copia fieri non potest) huius solius scientiæ ope creditas sibi à Deo animas vtiliter regere atque instituire valeat. Nec enim eum doctrinâ Ecclesiasticâ præditum iure quisquam neget, qui leges ipsas & communia Ecclesiæ præcepta è Canonum fontibus, eorum vero singularem vsum è lumine ac spiritu gratiæ per assiduas preces peteret; quarum etiam subsidio ad intimos animorum sensus atque abditissimas mentium latebras penetraret.

Bernard. Serm. in
Obitu Humberti.

Hanc laudem B. Bernardus eximia ac verè Christianæ Humberti prudentiæ tribuit, quem in Monasterio suo animabus regendis, Confessionibusque excipiendis potissimum præfuisse significat, virtutem illius eo etiam nomine commendans: *Quod nec mundus ei placuisset, nec ipse mundo. Quis, inquit, multitudi-
ne, vel magnitudine tentationum percussus non audiuit ab ore eius & radicem tentationis, & curationis remedium: ita enim percurrebat omnes angulos conscientiae infirmantis, vt credere posset qui*

confitebatur; eum vidisse omnia, omnibus interfuisse.

Quod si hæc totius Ecclesiasticæ de pœnitentia doctrinæ cognitio animarum rectoribus perutilis, imo necessaria haberi debet: nihilo minus utilitatis cæteris fidelibus allaturam facile intelligi potest. Quid enim pœnitentis animum sanctius ac religiosius afficiat, quàm si attende-rit, etiamsi Deus hodie nec minus potens sit, nec minus iustus, nec minus tremendus quàm olim; etsi gratiam baptismus nec tenuiorem, nec vi-liorem præbeat; etsi crimen quo illa obruitur non minus habeat immanitatis; etsi non leuiorem plagam, nec minus ad curandum difficilem inurat, eoque magis, quod aliorum Sacramen-torum crebra violatione augeri atque ingraues-cere sit solita; proindeque æquisimum videri necesse sit, cum idem Christianus, eundem bap-tismum, eodem crimine, eiusdem Dei contem-ptu, in eadem Ecclesia perfringat, eâdem etiam pœnitentiâ, quæ ab omnibus per tot ætates Christianis repensa est, idem nefas expiari: Ec-clesiam tamen à filiorum suorum imbecillitate benignius remissiusque tractanda non abhorre-re, si eum animi habitum, quem ipsa velit, affe-rant, & quacumque alia ex causa quam ab oc-culto pristinæ prauitatis studio & gustu, vel à minus sincera ad Deum sese referendi voluntate profectam habeant imbecillitatem. Hæc enim Ecclesiæ benignitas illustribus præstantium Episcoporum exemplis declarata est, quos Deus

XIII.

EIVSDEM
DOCTRINÆ
COGNITIO FI-
DELIBVS PER
QVAM FRVC-
TVOSA.

postremis hisce seculis ad pœnitentiam instaurandam excitauit.

Equidem homini ad hunc modum constituto, vel illud pro pœnitentiæ initio iam esse existimari potest, quod pœnitentiæ veram vim germanamque rationem demisso animo agnoscit; quod sanctissimas illas institutiones tot cœlestium virorum autoritatibus consecratas religiosè veneratur; quod esse qui illis quadantenus obseruandis operam dent, vehementer gaudet; nec communi solum illa Ecclesiæ totius conglutinatione, quâ omnes vnius corporis membra sumus, in commune agimus, in commune oramus, vt loquuntur Patres, sed singulari etiam præstiti illis diuinitus beneficij sensu, & tacita gratulatione, eorum pietatis præmium laudemque participant.

XIV.
VARIA PRO
PERSONARVM
VARIETATE
PŒNITENTIA.

Non mihi hoc loco dirigendarum animarum artem excutiendam decreui, quam ijs quibus hoc negotij à Deo datum est, integram relinquo. Vnum dico, varia & innumera ab infinita Dei misericordia comparata esse subsidia, quibus qui ad eius gratiam sincerâ, rebusque & factis comprobâtâ voluntate se recipiant, præteritorum peccatorum iniurias pensare diluereque possint. Nam vt missam faciam, vel exteriorem eleemosynam, quæ plerisque pœnitentiæ austeritatem; vel interiorem ac spiritualem, quæ exteriorem ipsam supplere; vel charitatem etiam, quæ vtriusque vicem subire potest: vt
taceam

taceam fidem & æquitatem in cuiusque munere officioque fungendo, quæ non minus pœnitentiæ quàm pietatis potissima index est & norma: vt præteream tot interiores animorum cruciatus, qui exteriorum loco multis sunt; tot calamitates à Deo, tot injurias calumniasque ab hominibus redundantes, quæ fructum pœnitentiæ facile repræsentent, si pœnitentibus animis accipiantur: postremò, vt mansuetudinem illam animique tranquillitatem fileam, ab Apostolo patientiæ adjunctam, quæ omnem irruentium contumeliarum acerbitatem & ægritudinem exhaurit, ac velut concoquit; nec minus cuique firmâ in Deum fide quam in homines moderatione eximiam virtutis abundantiam sanctitatemque conciliat: vt igitur hæc omnia prætermittam, cui tandem dubium sit, quin conjugibus omnibus ac fidelibus quibusuis liberorum educatio, ijs autem qui vel in Ecclesia, vel in seculo maiores honorum gradus obtinent, tempora quædam singularia ac momenta rerum gerendarum semel in omni vita incidentia, tam copiosam veræ ac perfectæ pœnitentiæ segetem ac materiam præbere queant; vt de priore quidem Apostolus, mulierem per filiorum generationem, si videlicet eos sanctè & Christianè instituerit, salutem consecuturam pronunciet: de posteriori autem nobilis duodecimo seculo Scriptor, quo tempore pœnitentia primùm resoluti cœpta est, scribere non ve-

1. Tim. 2. v. 15.

Petrus Blesensis.

reatur, eam viris generis aut honorum splendore præcipuis præbere posse, vnde omnes superioris vitæ maculas facti vnus præstantiâ dispungant.

Atque hæc demum egregia est offensi Dei propitiandi ratio, Ecclesiæ vtilitates grauiore illius tempore tueri; veritatem oppugnatam obscuratamque testimonio subleuare; innocentiam per vim publicam oppressæ patrocinari; à tenuioribus, à viduis, à pupillis potentiorum impetum propulsare; Mathatæ zelum pari in causa, vocemque illam æmulari: *Et si omnes gentes Regi Antiocho obediant, ego & filij mei & fratres mei non audiemus verba Regis Antiochi, nec sacrificabimus*; aut illam Sacerdotis Eleazari: *Fortiter vitâ excedere malo, quam ut senectute meâ indignus appaream*; aut illam denique S. Thomæ Apostoli, aliorum Apostolorum Hierosolymam reuer-
 ti metuentium animos attollentis: *Eamus & nos, ut moriamur cum eo*. Quâ quidem voce tantum est consecutus, vt ei nonnulli acceptum referant, quod eius solius gratia Christus singulari benignitate se rediuuium exhibuit, tantum vni tribuens, quantum cæteris simul vniuersis; quodque eâ claruit laude, vt longissimè omnium Euangelium fidemque protulerit.

XV.
 SANCTORVM
 PATRVM DIS-
 CIPLINA SA-
 CERDOTII

Enimvero nihil adeo Sacerdotis præstantiam dignitatemque commendat, vt ministerio eius insita hæc potestas pro personarum affectionumque varietate varias ac dispares pœnitentiæ

rationes ineundi. Quare Dei ex SS. Patrum & Canonum præscripto placandi via ita Sacerdotis potestatem non imminuit, ut auctiorem etiam amplioremque efficiat, tum in pœnitentiæ instrumenta & opera, tum in pœnitentes ipsos, quibus illa imperantur. Hinc diuinum illud munus à Gregorio Nazianzeno, ac postea à Gregorio Magno Ars artium meritò appellatum: atque à viro nostra memoria primario vsque eo euectum, ut vnius animæ quàm regni cuiusvis vniuersi curam & administrationem magis arduam operosiolemque assereret.

MAGNITUDINEM ET DIGNITATEM ILLUSTRAT.

Cardinalis Berninus.

Nec vero Patres vnquam soluendi potestatem sejunxerunt à ligandi potestate, quâ videlicet Sacerdos, teste Augustino, ægri vulnera obligat, & idonea illis fomenta ac remedia adhibet, donec soluat eum, manuumque impositione Deo & Ecclesiæ reconciliatum, in integram libertatem perfectamque sanitatem restituat. Unde D. Anselmus Sacerdoti sententias duas, quæ in vnâ completam absolutamque coalescunt assignat, ac priorem in pœnitentia imponenda versari docet.

Anselm. in Elucidatio.

Sed quoniam non desunt, quibus pœnitentia extolli non posse videatur, quemadmodum ab Ecclesia in canonibus Concilijsque extollitur, quin Sacerdotis potestas quam eadem Ecclesia venerari iubet, continuò deprimatur: demonstrare in promptu est, quicquid SS. Patrum doctrina curandis pœnitentibus adhiberi præcipit


ad Sacerdotalis potestatis decus amplificatio-
nemque redundare.

Vt enim quæ ad huius SS. Patrum discipli-
næ (de quâ solâ nunc loquor) vsum administra-
tionemque pertinent exponam , ipsa primùm
Sacerdotis vox gratiæ vox est , quâ Deus infide-
les semper ab infidelitate , fideles sæpius à vitæ
prauitate deducit. Gratia vero prædicationis mi-
nisterio in animum illapsa flectit , emollit , con-
uertit funditus cor : cordis conuersio pœniten-
tem ad Sacerdotem trahit ; imo ne quidem sine
tacito ad eum respectu destinationeque concipi-
tur. Qui enim ad Deum sese conuertit , eiuf-
que præceptis noua sponsione submittit , primas
submissionis obsequijque istius partes in Christi
ministro , quemadmodum Euangelium iubet ,
audiendo adeundoque collocat , conuersioni-
que suæ fidem omnem abrogaret , si eum conue-
nire grauaretur.

*Gregor. Expos. in
lib. 1. Reg. lib. 3.*

Vbi Sacerdos Confessione pœnitentis auditâ
de interno animæ illius habitu iudicium tulit ,
pœnitentiæ modum ei præscribit , quæ quidem
gratiâ & virtute caret , nisi eam impositione Sa-
cerdotis , ministerijque illius vi ac potestate asse-
quatur. Iam toto pœnitentiæ curriculo , vt ex
medico æger , sic ille ex Sacerdote pendere , at-
que eius arbitrio & nutu regi debet. Quoties
cum illo congregitur , si modo eum demisso
animo , veroque iussa eius exequendi studio au-
diat , alijs super alia gratiæ donis augetur , quibus

in dies sensim confanescit. Quis enim dubitet, quin illius monita non minus certè ad sanationem animæ, quam ad corporum salutem medicorum consilia conducant?

Hac multiplici gratiarum accessione & incremento eum Sacerdos gradatim quasi conformat, parat, instruit, ad sanitatem ducit: quemadmodum Christus Apostolos per dies quadraginta quibus post resurrectionem cum illis est commoratus, paulatim conformauit & finxit. Cum vero interiorem illam, vt ita loquar, maturitatem, quam Deus ad reconciliandam sibi animam postulat, assecutus est, Sacerdos impositis manibus eum absoluit, quâ absolutione reconciliationis ac remissionis peccatorum gratiâ per concessam à Christo potestatem donatum, ad sanctum altare diuinamque Communionem continuò prouehit, quâ non gratiam modò, sed omnium fontem gratiarum; nec medicinam, sed medicum ipsum accipit, eius viscera gratiæ virtutisque abundantia cumulaturum. Iam enim sanato à Sacerdote solidum Christi corporis alimentum, quo in vitæ huius itinere sustentetur, velut panis ille mysticus ab Angelo Prophetæ porrectus ministratur. Quod dilucidè ac breuiter Cyprianus expressit, dum ait: *Manu*  *sacrificio Sacerdotis reconciliari pœnitentem.*

3. Reg. 19. v. 8.

Cyprian. Tract.
de lapsis.

Quibus omnibus quid tandem ad Sacerdotalem potestatem amplificandam addi posse videatur? Illud tamen SS. Patrum atque Ecclesiæ

sententiæ semper inhærentes affirmare etiam possumus, eum pœnitenti non modo absolutionis ac sacrificij pro ipso oblato, eidemque impertiti virtute gratiam afferre; sed dum totius vitæ deinceps instituendæ tenorem ad receptæ sanitatis integritatem retinendam accomodatum ei præscribit; dum sanctam illam libertatem, quâ in pœnitentiæ vinculis velut æger in lectulo iacens carebat, restituit, omnium diuinorum munerum & charismatum, quæ è pijs operibus ita præscriptis & ab anima illa toto pietatis ac vitæ stadio deinceps editis oriuntur, autorem etiam ac principem existere. Omnia enim manant ac defluunt ex absolutione ac benedictione illa Sacerdotis, quâ pœnitentis vincula dissoluit, liberamque illi sub Dei manu & imperio sui ipsius potestatem quodammodò permisit: nec Sacerdotem eorum velut caput ac fontem profectò quisquam neget, qui meminerit, vbi pia opera serie quadam alia ex alijs nexa & quasi religata pendent, posteriora quæque vim suam & robur à priorum, vnde velut scaturiunt, sanctitate ac fœcunditate depromere: præsertim si sanctitas ac fœcunditas illa superior à summa diuinissimaque potestate qualis Sacerdotis in Ecclesia proficiscatur.

Illud etiam præcipui habet gratia quam Sacerdotis absolutio SS. Patrum more ordineque administrata contulerit: quod cum animo præuijs pœnitentiæ fructibus adeò subactò præcul-

toque suscipiatur, amplam copiosamque admodum effici necesse est. Atque, ut B. Ioannes, teste Ambrosio, tres illos menses quibus Sanctissima Virgo apud Elizabetham commorata est, ad ministerij sui facultatem sensim imbutus & quasi vnctus fuit: ita meritò dixeris pœnitentis animum quandiu à Sacerdote in pœnitentiæ quasi stadio detinetur, paulatim præformari; quemadmodum à pictoribus diu multumque ante inficitur atque illinitur tabula, quam propositæ imaginis extrema lineamenta inducant. Atque hæc notâ illâ SS. Patrum de Catechumenis sententiâ confirmantur, eos qui pœnitentiæ Ecclesiasticæ præparatione omisâ baptisma susciperent, facilitè amissuros quod facilitè assequerentur. Quod in pœnitentes à baptismi gratiâ iam lapsos multo magis valere oportet.

*Ambros. Comm.
in Luc. lib. 1.*

Ad hunc igitur modum quem deinceps hoc Libro explanabimus, viri Sanctissimi tum Sacerdotis potestatem, tum pœnitentiæ vtilitatem, quales in Scripturis compererant, retinuerunt vindicaruntque studiosissimè; & quoniam veritas cum veritate non pugnat, probè inter ipsas conciliarunt. Nec vero homines tantos, quod Sacerdotis potestatem ista ratione acceperint, à nobis damnari par sit, cum illam perspicacius haud paulò ab ijs intellectam, fidelius administratam, studiosius assertam constet, quàm à quouis istorum qui hac in re dijudicanda suo arbitratu vti, quam vniuersæ

Ecclesiæ Doctores ac magistros audire malint.

XVI.
MAIOR SS.
PATRIBVS
FVIT CVRA
INDVCENDÆ
IN HOMINVM
MORES AC
VITAM POE-
NITENTIÆ,
QVAM SCR-
PVLOSIVS E-
DISSERENDÆ.

Atque hæc quidem ita excutere & enucleatè persequi nihil opus esset, si fidei simplicitatem tenentes ea demum complecti ac tueri vellemus, quæ Ecclesia Traditionis suæ perpetuitate præcepit, quæ duodenorum seculorum vsu servauit, quæ posterioribus etiam seculis nonnumquam seruari iussit, quæ denique, vt sibi optatissima intimis suis sensibus infixæ, primæque ac præcipuæ spiritus illius quo animatur ac regitur voluntati maxime consentanea, semper diligentissimè commendauit. Verum aliquid temporibus nostris ac plerorumque curiosioribus ingenijs dandum putauimus, qui sibi quæcumque ad fidem pertinent aperta explicataque tradi cupiunt, eaque in primis quorum rationem minimè omnium aperiendam duxit Ecclesia, in eiusmodi rebus vsu semper ac more disciplinæ perpetuitate ac SS. Patrum consensione firmato contenta. Quare hæc quidem singula perenni ætatum serie studiosissimè illam peregrisse reperimus, eorum vero singulares propriasque rationes anxie exquisisse, arcanosve motus à Spiritu Sancto immisos, eorumque causas quibus gratia vel inferitur, vel augetur, subtilius inuestigasse discussisseque non reperimus.

Hæretici primum, qui posterioribus hisce temporibus in Ecclesiam insurrexerunt; deinde philosophia, quam Theologi ad eorum cauillationes

tiones & calumnias confringendas subire coacti sunt, morosioribus istis disquisitionibus ac nimia intelligendi cupiditati locum fecerunt, ut à Ludouico Granatensi in Libro qui omnium manibus circumfertur, præclare est animaduersum. Quamuis enim philosophiam aduersus Hæreticos profuisse fateatur, eam tamen magnam vitæ Christianorum plagam appellare non dubitat, eamque Religiosorum etiam hominum animis duas labe, immoderatam scientiæ cupiditatem, & orationis intermissionem perturbationemque attulisse confirmat. Oratio enim primum est fidei germen, quo in Ecclesiasticæ Traditionis autoritate sine contentione tranquillè acquiescimus.

Caterùm tantæ illæ & tam variæ Sacerdotis in regendis pœnitentibus partes etiam sanctitate præcellentes viros ita commouerunt, ut ministerium illud pio quodam horrore defugientes, onus vel Angelicis humeris formidandum dixerint. Sapientia enim diuinissima quadam opus est, ut sese quis Dei & hominum conciliatorem, & inter utrosque velut medium interponat: Dei iura ita tueatur, ut ne hominum imbecillitatem opprimat: rursus hominum imbecillitati sic obsequatur, ut ne in Dei iura peccet. Quapropter sicut Cyprianus & Clerus Romanus acerrimè insectantur eos, qui animas inani clementiæ specie decipientes non expectabant, quoad necessaria temporis remedia conducerent cicatricem: Ambro-

XVII.

QVAM AR-
DVA REGEN-
DARVM ANI-
MARVM PRO-
VINCIA, VT
NEC REMIS-
SIONE ATQVE
INDVLGENTIA,
NEC DISTRI-
CTIONE SEVE-
RITATEQVE
PROLABARE.

Clerus Rom. Ep
31. ad Cyp.

fius alioquin Ecclesiasticæ disciplinæ retinentif-
 fimus, Presbyteros qui pœnitentes durius ac se-
Ambr. in Psal. 118. uerius habebant, arguit, quod *non compaterentur*
naturæ, nec possibilitatem æstimarent, ac Bernardus
Bernard. lib. 1. de ad Eugenium Pontificem de Ecclesiæ instaura-
Considerat. c. 5. tione scribens, *non se fortia loqui, sed possibilia*
profitetur.

Cum enim rector pœnitentis animum probè
 affectum ac sibi ad omnia morigerum nactus
 est, magnam assequitur potestatem re circum-
 spectâ vndique ac perpensa, quiduis quod eius
 salutis congruentissimum censuerit decernendi.
 Licet tum ad illius imbecillitatem sese attempe-
 rare: ita tamen ne blandiori indulgentia illam
 ipsam imbecillitatem foueat. Suscipere in illum
 debet amici personam, vt quæ toleranda sunt
 benignè toleret; pernicioso tamen obsequio ne-
 cessariam admonitionem anteponat. Medicum
 sese meminerit, vt ægri membrum tumens molli
 quam maximè ac suspensa manu attrectet: sed
 sanandum vulnus recondere, vel leuiter obdu-
 cere nolit. Postremò, virum se cogitet stantem
 & erectum, qui infantem humi stratum alleua-
 turus ita se demittit, ne dum lapsum attollere
 vult, ipse collabatur.

XVIII.
 NECESSARIUS
 AD REGENDAS
 ANIMAS TEM-
 PERATIONIS
 MODVS SINE
 NOTITIA VE-

Nemo est quin facile videat, eum qui anima-
 bus præsit sine eximia rerum diuinarum notitia
 tam accuratum tamque arduum temperationis
 modum tenere non posse. Hinc factum, vt Bea-
 tæ memoriæ Episcopus Geneuensis ab anima-

rum ductore non minus scientiæ quam charitatis & prudentiæ plenam copiam postularit, atque eam, quâ præditus esse debet, perfectionem, ijs verbis descripserit, ut si vel ea, quæ apertissimè illis continentur expromere quis cœperit, confectaria, futurum dubium non sit, quin Antistes ille omnium opinione mitissimus, eis ipsis qui feueritatis nimia arguuntur, feuerior duriorque videatur. *Auila*, inquit, *ex mille unum ad Directoris munus eligendum censet. Ego vero ex decem millibus. Pauciores enim sunt quàm dici potest, qui tanto operi sint pares. Charitatis, scientiæ, ac prudentiæ plenus sit oportet. Periculum ab eo est, quem trium istorum aliquid deficiat.*

RITATIS TE-
NERI NON
POTEST.

*Introduc. I. Part.
c. 6.*

Agnoscit hoc ipsum B. Theresia dum censet, *maximi interesse animarum Rectorem solidâ eruditione pollere. Perquam periculosum esse, ducem imperitum quantalibet integritate ac Spiritus gratia aut præstare videatur, aut reuera præstet. Semidoctos sibi plurimum obfuisse, tametsi unus Theologiæ stadium decurrisset. Satiùs videri imperitos prorsus, quàm tenuiter peritos esse, quod plane rudes nec ipsi sibi quicquam assumerent inconsultis eruditis, nec ipsis alij quicquam tribuerent. Nunquam se ab homine verè docto in errorem fuisse inductam. Si vero diuturna ægritudine quam incredibili patientia pertulerat, è vita excessisset, salutem suam in dubium fuisse venturam, tum ob præteritam miseriam, tum ob eorum qui confessionibus suis præfuerant, tenuem & exiguam eruditionem.*

*B. Theresia in Via
perfectionis.*

*In Vita B. Theresiæ.
c. 5.*

Ibid. paulo infra.

XIX.
CONCILIVM
TRIDENTI-
NVM POENI-
TENTIAM,
QVOD AD LI-
CVIT, INSTAV-
RANDAM SVS-
CEPISSE.

Cum igitur animarum præpositis ad sanctas & Ecclesiasticas pœnitentiæ leges percipiendas adjumentum aliquod afferre studerem, pœnitentiam hoc in Opere repræsentare institui, qualem eam in sacra Traditionis promptuario non à Patribus modo & Concilijs vetustioribus, sed & proximè à Concilio Tridentino expressam descriptamque offendi: quamuis enim sacra hæc Synodus propter temporum iniquitatem, cordiumque quam deplorat duritiem, pœnitentiam eadem prorsus quâ olim ratione præscribere non potuerit, tamen publicis peccatis publicam pœnitentiam instaurandam decreuit, sexque aut septem vias atque aditus ad antiquas leges in vsum reuocandas aperuit, quemadmodum interiore hoc Libro demonstrabitur.

*Orat. habita in sess.
76. Concilij Trid.*

Atque equidem adeò constat solâ temporum difficultate prohibitum sacrum illum cœtum ne Ecclesiasticam rem ad meliorem etiam perfectioremque statum redigeret, vt hanc ipsam causam extrema, quâ Synodus illa absoluta conclusaque est, oratio expresserit. Delectus enim Episcopus qui omnium nomine Synodi actorum summa velut fastigia exponeret, in hæc verba disseruit: *Cum duo essent in quibus agris atque infirmis hæreticorum animis medicina fuit adhibenda: alterum fidei Catholica, &c. alterum disciplina Ecclesiastica, cuius potissimum deprauatione illi se à nobis defecisse affirmant, fuit restitutio; vtrumque quantum in nobis fuit pro temporum horum ratione cumu-*

latè præstitimus. Qua in oratione tria vel maxima animaduertenda occurrunt.

Primum quidem agnosci à S. Synodo, disciplinam Ecclesiasticam deprauari posse, ac tum temporis deprauatam, illiusque deprauationes hæresum fontem ac sentinam euadere. Quare non schisma in Ecclesia conflant, vt nonnulli absurdè hariolantur, sed Ecclesiæ ipsius Spiritusque Sancti quo illa regitur mentem & consilium persequuntur, qui suborientes in ea labes & vitia inspiciunt, atque in disciplina illius redintegrandam assiduam operam ponunt, ne plurimum corruptela membrorum exitialem toto corpore ægritudinem effundat.

Alterum animaduertendum est, Tridentinos Patres cum *disciplinam Ecclesiasticam, quantum in ipsis fuit, sese restituisse* profiteantur, perspicuè significare nihil sibi iucundius, nihil lætius futurum, quàm omnia, si licitum esset, cumulatiue etiam pleniusque restituere, quemadmodum sæpius contestantur; nec proinde quicquam esse, quo sanctissimis eorum votis magis obsecramur, atque obsecundemus, quam si fideles in viam maxime Canonicam, Sancti Spiritus institutioni congruentissimam, duodecim amplius seculorum experimento atque autoritate spectatam inducamus. Quamuis enim posterioribus seculis, vt prioribus, indicta imperataque non fuerit, semper tamen probatam, & plerisque in causis etiam imperatam residua in

Sciant vniuersi, sacratissimos canones exactè ab omnibus, & quoad eius fieri poterit, indistinctè obseruandos. *Concil. Trident. Sess. 25. can. 13.*

pluribus adhuc Ecclesijs vestigia demonstrant.

Tertium denique illud erat animaduertendum, quo Ecclesiasticæ disciplinæ ratio ad superiorem absolutioremque formam à Concilij Patribus prouecta non fuerit, in causa fuisse, miserimi ac luctuosissimi temporis calamitatem. Quid enim Sacro-sanctus cœtus Dei numine illustratus ageret, cum *Remp. Christianam* videret, vt ait Paulus III. in Bulla Indictionis Concilij, *malis suis iamdudum vexatam & propemodum oppressam*; varios hæresum fluctus repentina quadam eluuione ac velut agmine facto in eam illisos; publicam illam luem errorisque noxium ac pestilentem spiritum longè latèque terras & maria transgressum penè temporis puncto Germaniam, Hungariam, Transiluaniam, Noruegiam, Daniam, Sueciam, Angliam, Galliam, Belgiumque peruasisse, immitem hostem Turcam, nouâ, vt testatur idem Pontifex, Rhodi expugnatione exultantem, Christianis regionibus imminere: Ecclesiæ aduersarios quotidie viribus ac numero inualescentes, filios eius degeneri ac fœdo languore iam pridem dejectos; licentiam populorum, inscitiam Sacerdotum, factiones Principum, dissidia Regum ac bella, prauitates denique omne genus & corruptelas in dies ingrauescentes? Quid igitur cum tantam temporum perturbationem oculis cerneret sanctissimus ille conuentus, quid amplius, inquam, efficere ac nauare potuit?

Animaduvertebat præterea dæmonem aduersus Ecclesiam excitasse Lutheranam Calvinianamque hæresim, Catholicorum imbecillitati, quo facilius in eorum animos influeret, accommodatam; hæresim quæ tota sensibus, tota carni & sanguini lenocinaretur; quæ homines ad cupiditates & voluptates vitæ perfruendas adducens, sempiternæ eis nihilominus felicitatis certissimam spem faceret; quæ non minus in Regum sceptræ & principatus quam in sacram Ecclesiæ Hierarchiam grassaretur; quæ denique pœnitentiam peccatoribus, virginitatem virginibus, vota Religiosis, cœlibatum Sacerdotibus, ieiunia fidelibus, vniuersæ denique Ecclesiæ piorum operum fructus vno impetu eriperet.

Est igitur quod Patrum illorum sapientiam magnoperè miremur, qui Christianos ad canonum pœnitentiam exertis planissimisque vocibus, aliorum Conciliorum more compellendos non putarint, cum vt tum quidem res se habebant, id tentare nec possent, nec deberent. Est quod eorum constantiam ac zelum suspiciamus, quod eam tamen si minus splendide, certe abundè, ad eorum intelligentiam qui aures audiendi habeant, vt Christi verbis utar, quemadmodum S. Carolus, totque alij probi auditores, asseruerunt & vindicarunt. Est denique quod miram illam diuinamque solertiam obstupescamus, quam ad Ecclesiæ disciplinam retinendam Sanctus Spiritus adhi-

buit, cum ad illius interitum consentire omnia
& incumbere viderentur.

XX.

CONCILIUM
TRIDENTI-
NUM DE SA-
CERDOTIBVS
EMENDANDIS
DECREVISSE,
QVÆ DE POV-
LO EMENDAN-
DO APERTE
DECERNERE
MINVS LICVIT.

Cum enim concitata à Dæmone toto orbe
tempeſtatis vim tantam eſſe perſpiceret, vt eâ fa-
cile palea omnis (quemadmodum Scriptura lo-
quitur) extra aream abripi, ſolo tritico ſuperſti-
te, hoc eſt, imbecilliores vniuerſi ſolis valenti-
bus perfectiſque ſtantibus concuti deſicique
poſſent, ne forte Catholicos homines vniuerſos
dum probè Chriſtianos facere vult, faceret apo-
ſtatas, ad Sacerdotes ſeſe conuertit, & numero
pauciores, & veris remedijs ferendis magis ido-
neos, eoſque ad priſcorum omnium canonum,
quibus vitæ ipſorum ac morum ſanctitas conti-
netur, obſervantiam noua lege reuocauit. Præ-
clarè enim intellexit fore, vt Paſtores ad anti-
quæ virtutis normam ipſi ſemel reſtituti, facili
negotio communem fidelium diſciplinam reſti-
tuerent, quemadmodum hiſce temporibus
exemplorum, quæ ab omnibus non ſine admi-
ratione celebrantur, recenti experienciâ com-
probatum eſt.

Cum igitur ſancta Synodus Clerum vniuer-
ſum ad auitæ integritatis leges formamque com-
pulerit: facile docuit, idem ſe nec minus illuſtri-
bus decretis in Laïcorum cauſâ fuiſſe facturam,
niſi varij temporum illorum caſus, totque hæ-
reſum maximam Eccleſiæ partem depopulan-
rium terror meritò prohibuiſſent. Sed ſi ægrum
ipſum ad remedia imbecillioſiorem ſolenni Conci-
liorum

liorum consuetudine conuenire non potuit; certe nacta est, quemadmodum paulò aliâ viâ hoc tamen ipsum efficeret, veramque illi sanitatem restituere conaretur. Medicos si quidem illi cœlestes ad priscorum canonum exemplum fingere instituit, quibus non ministerij eorum modo sed & vitæ totius ratio descripta est; nempe vt doceantur, cum ad faciem alijs præferendam constituti fuerint, præcipuas esse tum pietatis suæ, tum ministerij partes, fideles ad veriora semper officia ducere, eosque potissimum in pœnitentiæ & Eucharistiæ vsu ad Dei & Ecclesiæ leges dirigere.

Quare cum Sacerdos vniuersam Ecclesiam potestatis suæ magnitudine contineat, S. Synodus Sacerdotali disciplina restituta Laïcorum disciplinam eadem operâ restituit: riuulos in fonte, fructus in semine à se includi meritò existimauit. Sicut enim Deus in rerum natura sole accenso mundum vniuersum luce compleuit; mari refuso regiones omnes fluuijs & aquarum meatibus irrigauit: sicut in ciuilibus rei ratione, cum populo felicitatem parat, Principem deligit, quem verè regijs, hoc est, verè Christianis dotibus ac moribus exornet: postremò sicut in ipso diuinæ gratiæ ordine cum Ecclesiam condere vellet, in duodecim Apostolis diuinum succendit ignem, qui (vt ait præclarè Chrysostomus) in eorum animis exardescens ingens in vniuersum orbem incendium effudit: Ita cum

per Synodum Tridentinam Ecclesiæ, cuius res omnes tum naturales tum ciuiles umbræ sunt & imagines, disciplinam instaurandam susciperet, illud vnum agendum duxit, vt Sacerdotes & Pastores ad pristinum decus splendoremque redigerentur; quippe qui vera sunt lux mundi, eò mirabilior, quod non quæ cerni oculis possint, sed quæ non possint cernenda exhibeat; viuæ aquarum fontes non exundantes è mari & in mare redundantes, sed exilientes è cœlo, & subfuentes rursus ad cœlum; veri reges ac principes, non humani honoris sed regalis Christi Sacerdotij participes, quorum Israëliti Reges indices tantum ac symbola fuere. Denique cœlestis illius ignis non minus quam ministerij Apostolorum heredes, quo ipsi primùm inflammandi, vt peccatorum glaciem dissoluere, nouasque assidue flammæ in iustorum animos spargere valeant.

XXI.
DE VSV ECCLESIAE LEGIBUS CONTRARIO QUID SENTIENDUM AVTORE CONCILIO TRIDENTINO.

Concil. Trid. Sess. 22. de Reform. c. 1.

Caterum quo studio antiquos canones retinendos obseruandosque Ecclesia censeat, sacra Synodus significauit, cum etsi quibus conuocata fuit temporibus insignes in Clerum prauitates & corruptelæ inuasissent, quarum pleræque ipsa delinquentium non solum multitudine, verum etiam illustri dignitate concessæ licitæque viderentur, vt Bulla Pij IV. testis est, canones nihilominus vniuersos de Clericorum vita & honestate antiquitus editos *ipsædem*, quæ in superioribus Concilijs decretæ fuerant, *vel maioribus*

etiam pœnis obseruari iussit ; illud perspicuè innuens, quibuscumque & quocumque numero obstrepentibus, valere eos Ecclesiam velle, contrariasque consuetudines, quacumque tandem ratione irreperint, plurimumque, vt tum contingit, autoritate firmatæ, temporis etiam diuturnitate conualuerint, non tamen veros illi mores & vsus, sed abusus & aberrationes videri.

Quare Cardinalis Bellarminus prorsus asseuerat, *Vsum ieiunia soluendi circa meridiem, Et cœnulam sumendi sub noctem ab Ecclesia non imperari sed tolerari ; neque deesse inter Catholicos, qui vnica omnino refectione contenti, nihil omnino cibi degustent, nisi vel hora nona, vel sub vesperam.* Si igitur clarissimi Scriptoris sententiâ antiquam ieiunij formam etiamnum teneri Ecclesia optat, & vulgarem ieiunij vsum, etsi vniuersis penè fidelibus familiarem, tolerat tantum non præcipit : quis de pœnitentia, cuius ieiunium pars est, idem dici posse non videat ; cum ad eum modulum, qui nunc obtinuit, non vllius Concilij autoritate, vt S. Carolus, totque alij Antistites priscorum canonum vsu redintegrato docuerunt, sed morum collapsione incuriaque deuolutam constet ? Ita qui vel ad pœnitentiæ, vel ad ieiunij primæuum ac principem morem sese referre voluerint, non alius criminis rei erunt, quàm quod S. Spiritus & Ecclesiæ legibus & voluntatibus accuratius paruissse videbuntur.

*Bellarmin. de Bonis
operibus in part.
lib. 2. c. 2.*

Quin etiam in Notis ad Concilij decreta ex

In Notis ad Decreta Concil. Trid. ex Biblioth. Card. Bellarmin.

eiusdem Cardinalis Bibliotheca depromptis scriptum extat, cum Synodus sibi placere ait, ut fideles Quadragesimæ tempore peccata confiteantur, confitenda intellexisse, *non in fine, ut abusus irrepsit, sed initio huius temporis, ut olim rectè constitutum fuerat.* Ac Bonauenturæ aliorumque Scriptorum exemplo patet, eam fuisse clarissimorum qui post antiquæ pœnitentiæ inclinationem resolutionemque florere, virorum sententiam, ut fideles Quadragesimæ tempore ad peccatorum dolorem piorumque omne genus operum frequentandum vterentur, quo paratiores, ornatioresque ad Paschalem Communionem existerent. Sic enim Ecclesia pœnitentiam filiorum suorum defluente sensim pietate labantem fulcire quoquomodo ac sustentare conata est.

XXII.
CONCILIO
TRIDENTINO
IN VOTIS FUIT
DISCIPLINAM
INTEGRITATEMQUE ANTIQVAM INSTAVRARE.
Orat. hab. in Sess. VI. Concilij Trid.

Enimvero sacram Synodum antiquæ integritati & disciplinæ omni ex parte instaurandæ stituisse, vel ex eo liquet, quod hoc ipsum suprema illa quæ ei velut coronidem imposuit, oratione expressum est qua ex eo numero Episcopus cœtus vniuersi nomine quasi gratulatur in hæc verba : *Quid fuit, inquit, à maioribus nostris omissum quod cum ad rectè sentiendum, tum ad præclare agendum pertineret? Medicamentum quidem salutare compositum ac paratum iamdiu habemus; verum si morbum debet expellere sumendum est, ac per venas in omne corpus diffundendum. Poculo hoc salutis nos primùm inebriemur, Charissimi.*

Si igitur S. Synodus solenni Episcopi voce omnium quæ ad præclarè agendum pertinent, formulam ab antiquis Patribus præscriptam agnoscit, ad eamque tenendam omnes cohortatur: an eadem mens, eadem voluntas verti cuiquam vitio poterit? An Ecclesiam conturbat, qui Ecclesiæ cohortationibus paret? An schisma filijs inuehit, qui Patrum exaudit vocem? An Concilium Tridentinum despicit, qui iussa eius exequitur? An nouitiam doctrinam inducit, qui cum eo veterem quoad fieri potest, consecratur? An opinionibus priuatis studet, qui ad Ecclesiæ vniuersæ sensus se applicat? An erroris venenum propinat hominibus, qui hoc eis *poculum salutis* porrigit?

At S. Synodus non modo doctrinæ veteris salutare poculum haurire Pastores, sed *eo etiam inebriari* exoptat. Qua voce paulo vehementiore Scripturæque familiari grauissimam illam ab vniuersis Patribus traditam, à D. Bernardo ex illis depromptam renouatamque, innuere voluisse videtur doctrinam, vt in Christo, sic in Sacerdote gratiæ & veritatis plenam cumulatamque vim inesse oportere; vt plenus ipse & affluens in alios effluere exundareque possit.

Atque hæc de priscis canonibus obseruandis sententia & religio, postremorum etiam temporum nostrorum Episcopis ac Summis Pontificibus ita penitus insita fuit; vt Pius IV. in Bulla, *Super forma iuramenti professionis fidei* hæc præter

In Bulla Pij IV.

alia adjecerit : *Cetera item omnia à sacris canonibus & Oecumenicis Concilijs tradita, definita, & declarata indubitanter recipio atque profiteor.* Hanc vero ego normam in hoc omni opere mihi proposui. Normam Traditionis canonibus & Conciliorum decretis expressam : normam Catholicæ veritatis SS. Patribus, Pio autem Pontifici fidei normam. Quod si ad pœnitentiæ dogmatum ex purissimo illo ac diuinissimo fonte manantium venerationem fidelium animis immittendam tot tantaque testimonia minus valebunt, quidam in posterum vel Concilij Oecumenici auctoritate grauius, & sanctius, vel supremi Ecclesiæ capitis patrocinio tutius, vel ipsius petrae immobilitate firmitus & stabilius exquiri oportebit?

XXIII.
S. CAROLVS
BORROMÆVS
CONCILII
TRIDENTINI
SENTENTIÆ
DE POENITEN-
TIÆ DISCIPLI-
NÆQUE ANTI-
QVÆ INSTAV-
RATIONE IN-
TERPRES ET
CVSTOS.

Iam vero ne causari cuiquam liberum esset, Tridentinam Synodum pœnitentiæ leges, vt superiora Concilia non edidisse cordium duritiâ, vt Episcopi profitentur, ac temporum iniquitate deterritam, neue aditus illi & quasi gradus ad pœnitentiam instaurandam ab ea facti & traditi minus perspicerentur : Deus S. Carolum Borromæum excitauit, non modo Synodi grauissimum testem, sed & ad eam Pij IV. auunculi auctoritate absoluendam præcipuum adiutorem, vt sacrae Synodi mens & consilium in tanto viro, quem idem agebat spiritus, clarissimè cerneretur.

Cum enim Patres grauissimo illi Sapientis

præcepto infirmiores sensim, & quasi *partibus* Sap. 12.
corripiendos & de quibus peccant admonendos, pa-
 rendum intelligerent, Ecclesiæ fidem ab Hære-
 ticorum impetu vindicare, disciplinamque,
 quantum *pro tempore* licuit, restituere satis ha-
 buerunt. Cum vero decreuere, vt tertio quo-
 que anno Concilia Prouincialia Episcoporum
 haberentur, opus à se inchoatum absoluendum
 eis explendumque tradiderunt. Longe enim
 propensius & ab imbecilliorum periculis expe-
 ditius visum fuit singulares & ad cuiusque Diœ-
 cesis rationem accommodatas sensim formulas
 inducere, quàm generales vniuersæ Ecclesiæ le-
 ges imponere.

Nihil aliud toto vitæ suæ tempore studuit
 Beatissimus Carolus, nisi Tridentinæ Synodi
 consilium illud diligentissimè implere. Huc
 Diœcesana, huc Prouincialia Concilia moribus
 reformandis ab eo continenter habita specta-
 runt, vt manifestissimè pateat, omnem illius re-
 giminis summam in perficiendis quæ à Synodo
 illa mandata fuerant constituisse. Atque hoc aper-
 tè testatur Vitæ illius autor: *Sub Concilij Triden-*
tini finem, inquit, *statuit ingredi Apostolica per-*
fectionis iter, vitæque institutis exprimere ea quæ li-
teris & decretis comprehensa essent. Cumque Con-
 cilium absoluendum curasset, *egit*, inquit idem,
cum Pontifice Carolus, vt ex Cardinalium numero
 deligerentur, qui sua autoritate controuersias, quæ re-
 ligione, vel inscitia, vel prauitate interpretantium

*Ripamont. in Vita
 S. Caroli. lib. 2.
 p. 111.*

Ibid. p. 107.

Ibid. p. 108.

*Ibid. p. 145.
Iam habet Gius-
suno lib. I. c. II.*

oriri possent, in quotidiano decretorum usu dirimerent. Delecti sunt octo atque in eo numero Carolus fuit. Grauiissimam hanc actionem susceperat, ut Pontificatu ipso administrationeque Ecclesiæ Mediolanensis omnia Concilij Tridentini decreta disciplinamque repræsentaret usu rerum talem qualis hodie volumine inclusa circumfertur. Denique uniuersam prouinciam inspiciebat, num ad Concilij Tridentini præscriptum, sicut ab initio destinarat, conuenienter & aptè cuncta formarentur. Quare post eius Concilium Prouinciale I. Pius IV. Summus Pontifex ad eum scripsit, facile intelligi eum ad Ecclesiæ Mediolanensis instaurationem singulari Dei prouidentia fuisse delectum; quod in ea Tridentinæ Synodi decreta exultantibus atque applaudentibus vniuersis suscepta essent.

Itaque constat Concilij Tridentini decretorum & sinceram intelligentiam, & verum usum ac praxim à Sanctissimi illius Archiepiscopi vita & factis esse repetendam. Quî enim ambigere liceat, mentemne illius Synodi ac sensum affectus sit, penitusque perceperit, quàm & spectauit dum haberetur & perficiendam explendamque curauit; cuius Episcopos audiuit atque affatus est sapius; cuius Catechismo conficiendo præfuit; cuius interpretes Cardinales & diligendos prouidit, & in ijs ipse delectus est? Quis vero dubitet, quin Synodi mentem intelligentiâ penitus perspectam fideliter factis impleuerit, cum eam primum moribus expresserit ac
vita,

vita , cum Ecclesiæ suæ administrationem vniuersam ad decretorum illius amussim exegerit; cum sæpius id sibi in primis propositum esse testatus sit; cum id ipsum Summi etiam Pontifices publicè agnouerint ; cum denique idem frequentius ab illius Vitæ Scriptoribus sit proditum ?

Equidem cum Sanctissimi viri in Ecclesiastica disciplina tuenda inuictam animi firmitudinem atque constantiam , eiusque in Concilijs vel facta , vel dicta intueor : facere non possum , quin cogitationum illius à nonnullorum cogitationibus immensum discrimen admirer. Si enim illam pœnitentiæ praxim & disciplinam Summorum Pontificum ac SS. Patrum testimonijs stabilitam nimis antiquam & ab hisce temporibus remotiorem , imo , vt Scripti quod refellimus Auctori placet , temerariam fingere aspernarique sustineant ; effugere non poterunt , vt diuinissimum virum eadem opera non explodant , cuius acta omnia consiliaque eò spectarunt , vt Tridentinæ Synodi iussa perficeret ; eaque dum vixit morum sanctitate ; postquam viuere desiit , miraculorum gloria confirmauit.

Nam si non ferant esse qui Sacramentorum pœnitentiæ & Eucharistiæ abusus pariter cum Concionatoribus Pastoribusque indignentur & gemant ; si illorum suscipiendorum rationem ab vniuersa Ecclesia comprobatam , ijs qui sponte atque vltro eam amplecti voluerint exhiberi

XXIV.
S. CAROLI IN
ECCLESIASTICA DISCIPLINA
VINDICANDA , TOL-
LENDISQUE
ABUSIBVS
CONSTANTIA.

*Orat. habita in
Conc. Mediol. II.*

Ibidem.

non patiantur : quo tandem animo Sancti illius Antistitis voces audient , cum ad Episcopos secundo Concilio congregatos , tot rebus præclare gestis , se tamen in priore Concilio remissius ac mollius egisse confitetur , quod quæ agenda sint , non vno tempore , sed gradatim ac pedetentim Spiritus Sanctus aperiat : Morum corruptelam , ex qua hæreses fluant , penitus esse comprimendam. *Nam si vitiorum , inquit , semina non funditus tollere studuerimus , sed satis id esse putamus , ut externa quædam tantum , quæ oculis offensionem in vulgus præbent , quasi leui manu emendemus ; id nobis eueniet quod agricolis , qui dum herbas inutiles radicitus euellere negligunt , id sanè efficiunt , ut vberiores paucis post diebus emanent .* Atque in Concilio Prouinciali III. profitetur : *Se vix aut ne vix quidem inchoasse , ne dum absoluisse quod aggressus fuerat . Quod si quis nostrum , inquit , secus fortasse existimat , quoniam in hac prouinciâ aliquod maius pietatis Christianæ studium elucere videt quàm antea solebat , quamque alijs fortasse quibusdam locis apparet , nã iste plane quidem fallitur . Non est enim cur nos vel cum ijs quæ proximè antecesserunt temporibus , vel cum aliorum factis actiones nostras expendamus : sed comparemus oportet cum ea sancte agendi formula nobis diuinitus præscripta , quæ si ob oculos versabitur , facile cernemus quam longè ab ea distemus Quicquid enim externâ solum specie non solido agendi studio geritur , id quoniam non ullâ quasi radice fixum hæret , statim diffluit , statim euanescit .*

Si injurium Ecclesiæ putant disciplinam eius quadam ex parte à recto ordine detortam dici: quibus auribus hæc illius in Concilijs apud Episcopos querelas accipient? ^a *Nota sunt, inquit, vobis Ecclesiæ vulnera, grauissima mala.* ^b *Miserabiliter prolapsa institutio Ecclesiasticæ disciplinæ.*

^a Orat. habita in
Conc. Mediolan. I.
^b *Ibidem.*

Prope perierat Christianæ vitæ institutio: conciderat penè salutarium rerum usus, nulla ferè Cleri disciplina, quasque nullum populi in charitatis officijs studium: prolapsus denique miserabilem in modum erat totus ille ab Euangelij luce dimanans Christianarum virtutum ornatus. ^d *Vidimus nos, vidimus provincie nostræ faciem deformatam, nec plane collachrymabili illo templi Hierosolymitani aspectu dissimilem.* ^e *Quin & Ecclesiam cum Nosocomio ac valetudinario confert, in quo vis infinita languentium iaceat; omnemque omnium vitiorum penes Christianos licentiam ita effusam & in flagitiosis actionibus* ^f *eos usque adeo insanire ait, ut in tanta peccatorum, quæ inde existunt, colluione, ne culpam quidem agnoscant.*

^c Orat. habita in
Conc. Mediol. IV.

^d Orat. habita in
Conc. Mediolan. V.

^e Orat. habita in
Conc. Mediol. VI.

^f *Ibidem.*

Si Ecclesiam præsentem cum Aduersario nostro quam præteritæ antiquæque opponant, & cuius nomine quicquid ab omnibus vulgò non fiat, quacumque demum Summorum Pontificum & Conciliorum autoritate nitatur, repudient ac damnent, fingere velint: Si primitiæ Ecclesiæ integritatem commemorari, sanctorumque Patrum disciplinæ complectendæ mentionem fieri nolint, summum illum virum talibus verbis

Episcopos compellantem quomodo ferent?
g Orat. habita in 8 *Morum*, inquit, *disciplinam facile restituemus, si*
Conc. Mediolan. I. *quâ ratione, quibusve factis primum constituta diu-*
que conseruata est, eandem nos in restituenda adhibe-
h Orat. habita in *bimus.* *h Patres imitari oportet.* *i Non adumbratam*
Concil. Mediol. II. *quandam, sed expressam illam Christianæ disciplinæ*
i Ibidem. *formam afflante Spiritu Sancto decretis nostris resti-*
Orat. habita in *titudine querebantur expostulationem?* *Aliud*
Conc. Mediol. VI. *nos, inquit, Spiritus Sancti doctrina docet, aliud*
Apostolorum instituta monent, aliud Patrum exem-
pla declarant, aliud canonum leges iubent, aliud VE-
TVS ECCLESIAE VSVS IN OMNES PARTES
VTILIS postulat, aliud Tridentinæ sanctiones nuper
instituunt, aliud nos in hac prouincia iamdiu ad con-
suetudinem reuocauimus.

Si homines canonum autoritate ad puriorem
vitam reuocari, & ad quam rationem ac viam ille
tunc omnes adducere nitebatur, eam nunc ijs
solis qui vltro ingredi voluerint, aperiri stoma-
chantur; quam moleste audiant illas eius voces
tanto zelo prolatas, tanto autem studio diligen-
tiaque impletas? *k Si quæ oues, inquit, impura vi-*
Concil. Mediol. II. *tiorum labe extabescunt, salis acrimonia sanandæ sunt.*
l Orat. habita in *Quam inanes Et penè nefariæ voces hominum qui*
Conc. Mediol. VI. *populum nostrum decipiunt, dicentes: Pax, pax; Et*
m Orat. habita in *non est pax.* *m Ecquæ utilitas nobis existet, si iram*
Concil. Mediol. II. *Dei in nos concitantes hominum beneuolentiam popu-*

lari quadam indulgentia conciliemus? " Quin & in Concilio Mediolanensi VI. quicquid superioribus Concilijs actum esset, *disciplina* tantum primam delineationem atque *umbram* esse pronuntiat.

*n Orat. habita in
Conc. Mediol. VI.*

Si nefas putant proferri quicquam quod communibus omnium moribus sensibusque minus congruat; quam malè vrantur grauissimis eius increpationibus in eos qui pari animo præsentis mores veteri, quam nouitatis insimulabant, disciplinâ ab illo circumscribi abolerique querebantur? *Nec vero est, inquit, cur à muneris nostri ratione deterreamur, vel quia his Pastoralibus nostris studijs actionibusque animos eorum exulcerari videamus qui filij sunt perditionis: vel quia populares illæ quibus quasi ficus folijs, deformes prauique mores contegi solent, voces audiantur.* NON FERUNT HÆC TEMPORA VETERVM CANONVM SEVERITATEM: SIC IAM-DIV VIXIMVS; ITA VIXERVNT, ITA EGERVNT QVI ÆTATE NOS ANTECESSERVNT, VITÆ INSTITVTVM NIHIL EST QVOD MVTEMVS. *At nos hæc atque alia eiusmodi contemnamus.* Rursum alibi eandem querelam retundens: *Quousque tandem, inquit, Concilia provincialia toties conuocata? Quorsum Et tot constitutiones Et tot decretorum vincula? Vulgaris vox, Patres Sanctissimi, ac sicut ne tacita quidem cogitatione religioſæ mentis digna, longeque à sensu Episcopalis vestri animi aliena: ita hominum vel im-*

In Concil. Mediolan. II.

In Concil. Mediolan. IV.

piorum est Ecclesiam Dei oppugnantium ; vel Christianorum disciplinam abhorrentium ; vel imperitorum planeque nescientium quantas vires habeat frequens Synodorum actio atque usus ; vel illorum sanè qui angusto paruoque animo omnia metiuntur.

In Concil. Medio-
lan. VI.

Denique in ultimo Concilio eandem reprehensionem ita refellit : *An vero fortasse à curatione nostra deterremur , quia hoc nostro frequenti provincia sananda studio exulcerantur animi quorundam passim dictitantium : NON FERUNT HÆC TEMPORA VETERVM CANONVM ET ANTIQVÆ ECCLESIAE MEDICAMENTA ? Imo ardentius progrediamur , quoniam hac una medicina præstantissima est , maximeque opportunum id remedium , ut quibus olim rationibus disciplina Christiana sata & propagata fuit , iisdem ipsis & instauretur & conferuetur.*

XXV.
REPREHENDI
NON POSSE,
QVI ANTI-
QVAM DISCI-
PLINAM RE-
DVCEMAC RE-
DIVIVAM CV-
PIVNT, QVIN
EODEM IMPE-
TV S. CARO-
LVS REPRE-
HENDATVR.

Filios perditionis
vocat, qui causan-
tur hæc tempora

Cum igitur vir sanctissimus in pœnitentiæ ac disciplinæ totius ratione nihil aliud nisi S. Spiritus doctrinam , Apostolorum instituta , exempla Patrum , leges canonum spectare se profiteatur , idque veterem Ecclesiæ usum in omnes partes utilem ac Tridentinas sanctiones à se postulare confirmet : etiamne num Canonibus obsequi liceat , ambigetur ? Etiamne metuendum erit , ut publicæ consuetudinis violatæ , perturbatorumque animorum rei peragamur , posteaquam istas ipsas criminationes non responsionibus , sed plane verborum fulminibus ab eo in Conciliis , diuina illa , qua in eiusmodi cœtibus Episcopi flagrare solent ,

flamma, incenso, disiectas penitus oppressasque vidimus? Si facta illius sancta habenda non sunt, cur eum ipsum sanctum habemus? Sin habenda sunt, cur eorum imitatores damnamus? An sine Ecclesiæ offensione hodie exponi non potest quod cum Ecclesiæ plausu & fructu nuper ab eo imperari potuit? An eorum qui ipsi dum viueret obluçtati sunt, *seuera*que cum *injustas & novas* leges inuehere arguerunt; quàm illorum qui decretis ipsius studiosissimè paruere similiores iubemur esse, vt quam illi in terris etiam tum agenti, nos in cœlo Deo ipso perfruenti injuriam & contumeliam imponamus? An ille *Apostolorum & Patrum instituta* consecretans, sapientiæ laudem meruit, nos eadem persequentes in temeritatis crimen incurremus? An cum antiquam ille disciplinam tot molestijs laboribusque reuocauit, Summorum Pontificum atque Episcoporum sententijs & præconijs, vniuersalam summo atque omnium maximo beneficio affecit Ecclesiam; nunc si quem istius ipsius disciplinæ tangat amor, eamque ab ijs quibus talem mentem Deus dederit, aliqua ex parte coli cupiat, *summam atque omnium maximam eidem Ecclesiæ calamitatem importabit*? Postremò an quisquam Aduersario nostro assentiatur *Dæmonis stratagema* numerandam Apostolici illius viri rationem & disciplinam quam collaudarunt Summi Pontifices, amplexi sunt Cardinales, Episcopi æmulati sunt, Principes expetierunt, populi acceperunt,

non ferre veterum Canonum seueritatem. Locum paulo ante descripsimus.

vniuersa denique Ecclesia summo honore venerata est ?

*Doctor Giussano
in Vita S. Caroli.
lib. 2. c. 18.*

Atque hoc quidem illius veterum Canonum referendorum renouandorumque studium, eo acceptius omnibus esse debet, quod nihil aliud ei propositum fuit, nisi Synodi Tridentinæ vestigia persequi. Quod quidem ipse indicauit, cum Cardinale quodam Concilia toties ab eo haberi minus necessarium iudicante, protulit magnificam dignamque Ambrosij successore sententiam: *Cum Tridentina Synodus veterem Ecclesiæ disciplinam in usum reuocari iussisset, Concilia sibi usque eo cogenda, dum eam in primæuam integritatem restituisset.* Ita Tridentinam Synodum antiquam disciplinam restitui iussisse S. Caroli, qui Concilij interpret & quasi lingua extitit, voce accepimus. Quod profecto verbis ex Oratione quæ Synodo illi finem imposuit superius allatis consentaneum est, & omnia quæ de Patrum Tridentinorum voluntate hætenus disseruimus, abundè confirmat. Et vero Beatissimi illius viri dicta, facta, Synodi fidem faciunt, omnem eum totius vitæ operam, curam, ac studium in eo posuisse, vt illam Synodi de instauranda veteri disciplina iussionem impleret.

Quæ cum ita se habeant, an vitio cuiquam aut crimini dabitur, quod vel Concilij præceptis obtemperare, vel tanti viri zelum æmulari voluerit? An vero qui Ecclesiam Dei conturbare, item vt ille, insimulabuntur, quod sacros Canones quos

quos ipse quibuscumque frustra renitentibus obseruandos curauit, studiosius coli exoptent, nonne in amplissimi illius, quo Pius V. Summus Pontifex ab obrectatorum nimiam eius seueritatem accusantium moribus eum vindicauit, testimonij partem aliquam ac societatem venient: *Quæ ab ijs ipsi essent objecta, magnas esse eius laudes, atque ad disciplinam & salutem urbis haud dubie pertinere.*

Verum illud in primis Sanctissimi Archiepiscopi vitam omnem & instituta nos diligentius exquirere & in ijs persequendis diutius hære compellit, quod manifestissimè liqueat eum ad instaurandam pœnitentiam, nempe ad opus vnum Christianæ vniuersæ Religioni grauissimum saluberrimumque suscipiendum singulari Dei prouidentia fuisse delectum. Deus enim qui vnitatem suam multis modis in Ecclesia commendat, nunquam illustrat eam ac nobilitat impensius, quàm cum ad Ecclesiasticæ doctrinæ caput aliquod propugnandum, vel disciplinæ partem aliquam restituendam, vnius cuius operam ac studium adhibet; quem non aliter singulari illo dono insignem atque vnicum præstare consuevit, atque ipse essentiâ diuinitateque est vnicus.

Quanam igitur clariori in luce ac splendore pœnitentiam collocare potuit Deus, quam ut eius personam & partes tali viro imponeret? Aut quem tandem manifestius demonstrare potuit

XXVI.

DEVM S. CAROLVM RE-
STITVENDÆ
POENITENTIÆ
EXEMPLVM
TOTI ECCLE-
SIÆ PROPOSI-
TVM AD IMI-
TANDVM ESSE
VOLVISSE.

à se designatum & constitutum, quem inusitatis ac planè extraordinarijs dotibus ac præfidijs ornatum ad altissima summæ illius quâ Ecclesiam regit prouidentia consilia exequenda ministrum adiutoremque ascisceret? Illustrem ac præcelsum fecit generis claritate, copiarum abundantia, Archiepiscopali dignitate, Cardinalitiæ purpuræ splendore, supremâ Pij IV. auunculi potestate, vniuersæ Ecclesiasticæ reipublicæ administratione, sanctitatis præstantiâ, sapientiæ lumine, nefarijs in eius caput conatibus, admirabili ac plane diuinâ eorum depulsione, Ecclesiasticæ disciplinæ amore ac studio incredibili, Episcopali prorsus atque Apostolicâ virtutis magnitudine, immensâ illâ in primis pœnitentiæ laborum asperitate, contra eorum ipsorum sententiam quibus plurimum tribuebat, susceptâ, quod ijs hac in re nisi Sancti Spiritus & gratiæ instinctui renitendo parere non posset; ijs denique ornamentis adjumentisque omnibus quibus vel in Ecclesia, vel in seculo summa dignitas & gloria conciliari queat. His enim tot illustribus notis rebusque singularibus in vnum hominem præcipuâ quadam benignitate congestis perspicuè declarauit, eum quasi formam & exemplum à se constitutum, quod in renouando pœnitentiæ studio vniuersa Ecclesia intueretur: vt sicut in celebri illa, quam Mediolani grassante lue instituit, supplicatione, hostiam se & quasi piaculum pro gregis sui sa-

lute deuouit ; ita perpetuâ vitæ duritiâ & acerbitate vniuersæ quodammodò Ecclesiæ nomine ac pro vniuersa Ecclesia pœnitentiam gereret ; quando illius demum fuit , qui & successisset Apostolis , & insignem innocentiam insigni potestate coniunxisset, Christi se hoc in genere Apostolorumque imitatore exhibere.

Atque vt illum reducendæ in viam Ecclesiasticæ disciplinæ principem administrum à Deo adoptatum orbis agnosceret, Concilia prouincialia post Tridentinam Synodum habuit , ea-que illi velut appendicem & complementum adiunxit. Neque enim illius decretorum vim ac sententiam decretis tantum expresse suis ; sed cum meminisset Sacerdotes Christi instar, priusquam doceant facere oportere, omnium Concilij Patrum viam quodammodò effigiem præbere sese instituit, vt restitutæ Concilij decretis pœnitentiæ ad rem vsusque conferendæ rationem suo deinceps exemplo doceret, nec se ad ipsam tantum Synodum, sed multo etiam magis ad Synodi placita explenda cumulandaque cœlitus designatum contestaretur.

Et quidem quod illum restituendæ disciplinæ quasi formam quandam diuinitus factum fictumque dicimus, ita planum exploratumque est, vt à vitæ illius Scriptore proditum sit his ipsis verbis : *Clarissimè patet, atque omnibus constat, à sancto hoc viro Concilijs suis formam Episcopis, animarumque Pastoribus omnibus & normam expressam*

*Giussano libr. 2.
c. 18.*

Ecclesiarum ac Diœcesum reformandarum regendarumque, fidelium ad tutam cœli viam deducendorum, ac sacri Concilij Tridentini iussis obtemperando, sancti perfectique cultus Deo adhibendi. Quare Concilia eius per uniuersas Christianæ ditionis oras & leguntur & obseruantur, atque ad noui etiam orbis diuinitissimas penetrarunt regiones, pluribus exemplaribus eò perlatis : ac multus ab ijs fructus per uniuersam Ecclesiam magnaue emendationis disciplinæ accessio in dies existit.

XXVII.
ITA S. CARO-
LVS DISCIPLI-
NÆ INSTAV-
RANDÆ CVPI-
DVS FVIT, VT
MVLTA TAM-
MEN MODE-
RATIONEM
ATQVE IN-
DVLGENTIAM
ADHIBVERIT.

*Gregor. in 1 Reg.
lib. 4.*

Quapropter qui Beatum hunc Antistitem seuerum quendam ac tristem fingunt, qui suam quandam ac propriam vitæ viam ingressus sit; præterquam quod aberrant à vero insignem virtuti eius ac prudentiæ injuriam faciunt. Nihil enim egit, nisi vt Synodi Tridentinæ sententiam decretis suis exequeretur, quemadmodum & toties ipse præ se tulit, & Vitæ illius Scriptores consentiunt : ingentemque illum pœnitentiæ redintegrandæ ardorem ac zelum, eiusdemque peragendæ præcipuum studium tantâ moderatione consilioque leniuit, vt duas illas, quas Gregorius Magnus à Pastoribus optat virtutes. cumulatissimè consecutus videatur fuisse, simul & sibi rigidus & alijs temperatus. Cum enim in Concilijs profiteatur indulgentiorem sese inter initia fuisse, lenioribus primum rationibus homines ad meliora paulatim allecitantem; tum ad extremum eandem indulgentiam adhibuisse eum constat, cum homines ad omnem cano-

num pœnitentiam vsquequaque subeundam minus idoneos diuturno vsu comperisset.

Atque hoc ipse in sexto eodemque vltimo Concilio apertius pronunciat, acriter in eos inuehens, qui effecta ab illo ad eam diem Diœceſeos Mediolanensis temperatione contenti, nihil amplius requirendum putabant. Postquam enim factus est in superioribus ſuis Concilijs umbram tantum diſciplinæ fuiſſe inductam, orationem in hæc verba concludit : *Longe abſint à nobis voces iſtorum, qui conſuunt puluillos ſub omni cubito manus, & faciunt ceruicalia ſub capite vniuerſæ ætatis ad capiendas animas. Næ iſti ſuis adulationum vocibus vocumque blanditijs cum nos fallere ſtudent, tum iſtis etiam illecebris populos noſtros decipiunt : dicunt enim bonum malum, & malum bonum. O popule meus, quis poterit omnia mala quæ te vndique premunt enumerando percenſere ? Audent tamen iſti à ſalutis viæ te adulationibus longius abducere. Popule meus, qui te in tanta malorum colluione beatum dicunt, ipſi te decipiunt, & viam greſſuum tuorum diſſipant. Quæ quidem cum illa Iſaiæ voce quam tum in mente habuiſſe videtur, planè conſentiunt : Et erunt qui beatificant populum iſtum, ſeducentes ; & qui beatificantur, præcipitati.*

O. ſt. habita in
Conc. prouinc. VI.

Iſai. 9. v. 16.

Quis cum ita in vltimo Concilio differentem ſignificare non videat, exiguam partem eorum quæ in animo haberet, quæque ſi vita ſuppeditaſſet, ad exitum adducere contendiſſet, à ſe eſſe perfectam ? Vt enim obiter dicam illius animum

ad antiquæ disciplinæ instaurationem totum incubuisse, quinque argumentis manifestè conficitur.

Primo quidem, quod pœnitentiam publicam peccatis publicis, quibus hodie peccatorum pars magna continetur, ex Concilij Tridentini præscripto reddidit.

Secundo, quod ad secretas etiam culpas canones Sacerdotibus vt pœnitentiæ opera eorum autoritate imponerent, notos esse voluit: quibus operibus si pœnitentes pares non essent, saltem quid iure deberent, quidque indulgenter ac benignè illis Ecclesia remitteret, intelligerent.

Tertio, quod quantum malorum in omnes hominum ordines inconsultæ ac præcipites absolutiones inuexerint, declarauit; neque id in Concilijs tantum, sed in Libris etiam vernaculo sermone conscriptis, vt tanta res nemini lateret.

Quarto, quod tot leges dedit, quibus Presbyteros innumeris penè in causis absolutionem pœnitentium, quoad emendationis suæ fidem rebus & factis fecissent, differre iussit.

Quinto denique, quod hisce omnibus ad Diœcesim suam constituendam elaboratis nihil tamen à se actum existimauit. Quare in Synodo Diœcesana decima deplorauit increpuitque segnitiam suam, irritos conatus, & statum in quo relicturus Ecclesiam suam ipse esset. Sicut enim cum templum Hierosolymitanum reficeretur, exultantibus gaudio iunioribus, maiores natu veteris quod viderant templi

magnificentiam animo recolentes , illachrymabantur : ita si primaue Ecclesie sanctimoniam purosque animos , queis atas illa numen coluisset , oculis subiecissent , ex comparatione intellecturos , quam adhuc multa deessent sibi , & una cum misero Clero Episcopum infelicem posse commoueri , ne temperarent à lachrymis .

Itaque animaduertere est orationes illius in Conciliorum initijs habitas tantâ verborum vehementiâ , tanto Apostolici zeli vigore flagrare , vt Ecclesiasticam disciplinam ad ipsum antiquum splendorem vnaquaque in Synodo perducturus videatur . Verumtamen multum sese deinde in decernendo demittit , multa hominum imbecillitati condonat . In orationibus enim illis Deum , hoc est , veritatem ipsam , Episcoposque & Presbyteros , quos ijs quæ diceret capiendis pares nouerat ; in decretis vero mollietiem hominum prauamque assuetudinem inuebatur . Quid ergo fieri vellet apud Clerum profitebatur ; quid fieri posse existimaret sanctionibus demonstrabat .

Quare si cui nunc damnare libeat id ipsum agentes quod ille gregi suo agendum decernebat ; is tanti viri acta damnabit . Sin eos improbet , qui studiosius etiam quam tum illius populi captus ferebat , sacris canonibus parere velint ; is sanctissimi viri voluntatem ac studium improbet necesse est . Hoc enim vnum sibi cordi ac studio esse sæpius ipse testatus est , *vt instituta Patrum , canonum leges , veterem Ecclesie usum conse-*

Etaretur, nec à Concilijs habendis prius desisteret, quàm Ecclesiæ disciplinam in primæuam integritatem perfectionemque restituisset. Qua in re ita se firmum tenacemque propositi præbuit, vt duritia querelæque hominum illa morum vincula recusantium zeli eius ardorem inflammarent potius quam restinxerint.

Luc. 19. v. 23.

Rom. 11. v. 14.

Est enim Prophetarum, & Apostolorum, insigniumque Episcoporum qui & Prophetæ simul & Apostoli in Scripturis habentur, Euangelij ac disciplinæ Ecclesiasticæ communes ac publicas leges proferre, nec ab ea mente eorum quibus veritatis notitiam profuturam intelligant, paucitate deterri. A Christo enim in Euangelio iussu meminerunt, cœlestem verbi diuini pecuniam intrepidè scœnori dari, & quantum in singulis fructus peperit, minimè laborari; propterea quod vsurarum in tempore exigendarum, rationisque ab ijs quibus illa credita fuerit reposcendæ partes sibi ipse reseruauit. Norunt etiam Apostolum Paulum Euangelicæ illi voci præclarè paruissè, cum in adducendis ad fidem Iudæis perinde laborauit, ac si omnes perducere potuisset; tametsi non erat nescius eatenus sibi processurum laboris euentum, vt *aliquos ex illis*, hoc est, paucos admodum, *saluos faceret*, quod eorum gentem vniuersam Deus horrendâ execratione perculisset, editumque esset Scripturarum oraculis, eos sub mundi demum occasum in viam redituros.

Hanc

Hanc Apostoli sanctissimam voluntatem hoc in opere nobis æmulari propositum est, animorumque tranquillitate & pace incolumi hoc vnum spectare, ne tuendæ veritatis imposito nobis à Deo muneri defuisse videamur; feliciter nobiscum actum iri existimantes, si quem ille hac quam omnibus offerimus institutione commovere, nostramque operam non nemini fructuosam efficere cœperit.

Iam vero divinæ providentiæ ratio diligentius hoc loco suspicienda est. Posteaquam enim Deus homines varijs ac multiplicibus modis per Prophetas, per Filium, per Apostolos, denique per SS. Patres Apostolorum successores instituit atque commonuit, procedentibus temporibus Ecclesiâ morum sanctitatem sensim remittente, non aliter eos commonere instituereque de integro consuevit, quam per insigniorem aliquem Antistitem; qui prolapsas res ad initia & fontes ipsos reuocet, aliosque non minus factis quam dictis & præceptionibus ad rectam salutis regionem reducat: quâ eadem ratione singulas Religiosorum familias renouare ac refingere solet. Atque in hanc sententiam accipienda est vox illa Prophetæ: *Semel locutus est Dominus.* Nam post admonitionem institutionemque illam publicam repenti in seipsum quodammodò sese recondit, diuturnoque silentio eos qui ad vocem ipsius obsurdescentes interpretem ac legatum suum non audierint ita

Psal. 61. v. 12.

ulciscitur, vt in eadem illos morum vitæque totius ratione hæreere sinat, in qua, priusquam eos exciret è somno graui & quasi lethargo vitiorum odijque pœnitentiæ, volutabantur.

Quare sanctissimos quosque posterioris ætatis Episcopos, benigniores, hominibusque vitia sua amantibus minus molestos fuisse animaduertimus. Atque vtinam ne id nobis pœnæ loco vindictæque contigerit, quod priorem illum Episcopum pœnitentiæ doctorem vnicum ac vindicem non accepimus. Autore quippe Augustino nullum Dei in homines supplicium maius & grauius silentio illo ac patientiâ de quâ apud Prophetam loquitur: *Quiescam, nec irascar amplius.*

*August. Confess.
lib. 1. c. 18.*

Ezech. 16. v. 42.

XXVIII.
GRAVISSIMÆ
S. CAROLI OB
RESTITVENDÆ
DISCIPLINÆ
STVDIVM
ÆRVMNÆ ET
LABORES.

Illud præterea Beatissimi viri exemplo Deus etiam docuit, nihil esse quod miremur aliquantum commoueri homines, cum in veteri disciplina quæ prima eos specie nouitatis exterreret, aliqua ex parte restituenda elaboratur. Cui enim mirum id videri queat, intuenti crebras illas tempestates ac procellas, quibus vir tantus in omni vita iactatus est? In quas quidem diuino nutu eum incidisse credendum, non tantum vt probaretur ipsius virtus, atque ardens ille quo Ecclesiam prosequabatur zelus altior & constantior existeret; verum etiam vt in animis fidelium tot obluçantium aduersariorum contentionibus ac pugnis vehementius confirmaretur pœnitentiæ vis illa & praxis, quæ reuera ipsissima

erat antiquæ disciplinæ pœnitentia, tametsi hominum degeneri licentiâ paulatim in deteriora prolapsorum opinione recens ac nuper excogitata videretur. Cum enim Patrum omnium consensu, & creberrimis Augustini potissimum testimonijs exploratum sit, Dei prouidentiam hæreticorum certaminibus ad illustrandam fidei veritatem vti consueſſe : quis dubitet quin eadem turbulenta hominum in Ecclesia commotiones ad disciplinam, qui fidei & gratiæ flos primus ac germen est, commendandam magis stabiliendamque conferat?

Et quidem in tam salutari opere perficiendo Beatus Antistes obſtantia omnia & tanquam oppositas sibi moles tanta immoti animi firmitate perrupit; vt quod de Ieremia scriptum est, de illo verè prædicare liceat, *columnam eum ferream, murumque areum*, ad eorum omnium qui pœnitentiæ velut postliminio redeunti obſisterent, frangendos impetus, fuisse constitutum; præclaramque illam Gregorij Magni vocem penitus in animo semper velut insonantem habuisse: *Leonis nomine Doctorum seueritatem accipi* quia in plenitudine scientiæ quam habent, neceſſe est vt & bouum mansuetudinem teneant, & feruorem leonum, quatenus in disciplina quam prædicant, & ex sancto zelo accensi sint, & ex paterna dulcedine tranquilli.

Ierem. i. v. 18.

*Gregor. hom. 21.
in Ezech.*

Ab illius Vitæ Scriptoribus proditum accepimus, complurimum tum è Clero, tum è Religio-

forum familijs æmulorum operâ tantam in eum
 factionum ac tumultuationum flammam Ro-
 mæ concitatam, cum quartum suum Concilium
 Summo Pontifici approbandum obtulisset, alijs
Giuffano. lib. 5. c. 1. fictitia & ab eius mente diiunctissima glossema-
 ta excogitantibus, alijs aperto Marte oppugnan-
 tibus, atque vniuersum emendari iubentibus &
Ibid. c. 2. ad incudem reuocari, vt prolata animaduersionum
 incredibili copia, artibusque & coitionibus
 effecerint, vt quibus recensendi illius nego-
 tium datum fuerat, prorsus censurâ obruendum,
 ne vnico quidem decreto incolumi consense-
 rint. Quin & maledica illorum fraudulentia sic
Ripamont. lib. 5. animos Cardinalium occupauit, vt plerique vel
 pluribus locis interpolandum, vel omnino com-
 primendum esse censerent. Atque eò loci res
 deducta est, vt Beatissimus Archiepiscopus præ-
 termisiss omnibus Diœcesis negotijs Romam
 properare coactus sit, Monasteria alia ex alijs
 percurrrens, perpetuâque pœnitentiæ exercita-
 tione & continuis precibus à Deo postulans, vt
Ibidem. *contra fatuas hominum mentes adesse Ecclesiæ labo-*
ranti vellet. Vbi Romam accessit, repentina
 animorum facta est commutatio; discissum
 orationum illius vi velum illud, quo Chryso-
 stomus virorum Sanctorum virtutem ne ab ho-
Chrysoft. hom. 15.
in Matth. minibus agnoscat, à Dæmone obtendi ait.
 Ipse eius aspectus quos maledici dissipatis ru-
 moribus in falsam opinionem coniecerant, ad-
 miratione defixit. Postremò accusatores Deo

hominibusque iudicibus ignominiâ & dedecore oppressi discesserunt.

Talium procellarum quas ei disciplinæ veteris instauratio ac veritatis studium conciuuit, omnis illius vita referta est. Nec vulgus tantum ac plebs mores longo vsu corroboratos canonum renouatione ab eo labefactari fremuit : sed & summates laïci , Ecclesiastici , Regulares , tum singuli , tum totis suorum familijs conjuncti, eum oppugnarunt , neque vim modo , sed cædem ac necem intenterunt , quod (vt Philippo II. Hispaniarum Regi ipse significauit) *nihil prius neque antiquius habuisset , quàm vt tolleretur vitia , quæ in publicos mores calamitate temporum irrepsissent , remediisque ad eam vsus esset , primo leuioribus , deinde aliis etiam , postquam pastoralia monita non proficiebant.* Quibus verbis liquidò constat , pœnitentiæ ab interitu vindicandæ conatum præcipuam perturbationibus ac fluctibus illis causam præbuisse. Quin etiam quò Christi ac Beati Pauli similior esset , ipsi amici commutatis repentè animis bellum ei acerbissimum indixerunt.

Ripamont. lib. 5.

*Gruffano lib. 2.
c. 7. 8. 11.*

Religiosi Ordinis nobilis Concionator è sacro suggestu publicè in eum inuectus est , cæpitque , vt ait Scriptor Vitæ illius , *palam insectari nimiam Archiepiscopi seueritatem , obrectareque decreta eius ;* & affingendo finitima virtutibus vitia , salutarem disciplinam , immane iugum ; Apostolicas leges irritamenta populi appellabat. Apud Hispaniæ

Idem , lib. 4.

Ripamont. lib. 2.

Idem, lib. 3.

*Giussano libr. 2.
c. 19.*

Ripamont. lib. 4.

Idem, lib. 5. & 6.

Regem Majestatis est accusatus, captatorumque vulgi animorum; negatumque rem ac prouinciam Mediolanensem tutam vnquam fore, nisi illo in custodiam cum vniuersa familia coniecto. Apud Summum Pontificem insimulatus fuit peruicacis ac præcipitis ingenij. *Violentia* autem illi, quod sacros canones nihil consuetudinis assertorumque illius vi deterritus seruandos curaret, sic assiduè illi objecta est, vt à Vitæ Scriptoribus ea *vulgata* in eum & *inanis* criminatio dicatur. Decreta etiam illius *dura, iniqua, & noua* vocitata. Postremò in eius Vita scriptum extat, homines simul ac dæmones quo odio virtutem illius, morumque Ecclesiæ inductam ab eo emendationem sanctitatemque prosequerentur, illos maledictis, hos ira & fremitu demonstrasse.

Idem, lib. 4.

In his tamen tumultuantium ac reluctantium turbis, beatus Antistes immotus perstitit atque inconcussus, totque illis accusatorum *criminatibus neque offensus, neque deterritus* pergebat *alia insuper decernere consentanea* & *simillima istis quæ nuper vitio data essent*, constantiæ magnitudine non minus summisâ, Deo iudice, quàm forti & inuictâ, etsi superbiæ ab hominibus ac peruicaciæ ascriberetur.

Sic nimirum ille dicta factaque omnium qui tum summorum, tum infimorum animos in ipsum incendere conati sunt, despexit ac pro nihilo habuit, minimè nescius eum qui à maledi-

centiæ aculeis intactus esse velit, Deo ipso (si dici fas est) sanctiorem esse oportere; qui cum in terris mortali corpore indutus apparuit, nec infinitâ sanctitate, nec innumerabilium miraculorum splendore assequi potuit, ne eorum qui apud Iudæos magnam doctrinæ ac pietatis opinionem habebant, sermonibus ac probris ^a peccator audiret, ^b contemptor legis, ^c templi eversor, ^d Cæsaris hostis, ^e seditiosus ac publicæ pacis perturbator, ^f Samaritanus & hæreticus, ^g insanus ac furiosus, ^h seductor, ⁱ maleficus, ^k vorax ac vini potor, ^l publicanorum ac peccatorum amicus, ^m tyrannus regni que appetens, ⁿ blasphemus, ^o dæmonium habens: denique ^p incantator ac magus, magorumque vel maximus, qui dæmonia in Beelzebub principe dæmoniorum eijceret.

a Ioan. 9. v. 24.
b Ioan. 5. v. 18.
c Matth. 26. v. 62.
d Luc. 23. v. 2.
e Ibid. 23. v. 1.
f Ioan. 8. v. 48.
g Marc. 3. v. 21.
h Matth. 27. v. 63.
i Ioan. 18. v. 38.
k Matth. 11. v. 19.
l ibidem.
m Ioan. 19. v. 12.
n Matth. 26. v. 69.
o Ioan. 7. v. 20.
p Matth. 9. v. 34.

Meminerat Apostolos virosque sanctissimos qui post illum prodire, nihilo æquius acceptos. Apostolo Paulo affictum, eum dicere *facienda mala, ut bona euenirent*: Ioannem Euangelistam à Diotrephe qui potentiam dominationemque regiam in Ecclesia obsederat exagitatum: S. Stephanum blasphemix nomine *verborumque in locum sanctum & legem* in iudicium adductum: S. Athanasium adulterij insimulatum & cædis: S. Basilium ambitionis ac superbiæ: S. Martinum consensionis cum hæreticis: S. Chrysostomum arrogantix ac despicientix: S. Hieronymum violentix & hæreseos: S. Augustinum alie-

*In Epist. Pro Speri
ad August.
In Epist. Hilarij
ad August.*

norum de gratia dogmatum, quæ nullus unquam
Ecclesiasticorum sensisset, quæque desperationem
quandam hominibus exhiberent: S. Paulinum emo-
tæ mentis & infaniæ: S. Bernardum pseudopro-
phetiæ, quâ Christianos innumerabiles ad inte-
ritum impulisset: Postremò S. Thomam vitiosæ
erroneæque doctrinæ in Theologiæ Summam
effusæ. Nec vero eum fugiebat, cum veritate si-
mul & charitate pietas constet, quicumque il-
lam asserendam, hanc colendam exequendam-
que sibi proposuerint, in hominum fluctus ia-
ctationesque certissimas incurfuros, quemad-
modum illo Apostoli oraculo editum est: *Om-
nes qui volunt piè vivere in Christo, persecutionem pa-
tientur.* Quâ sententiâ Pius V. Summus Pontifex
Sancti Antistitis innocentiam vindicauit in litte-
ris ad regium Prætorem Mediolanensem illius
famæ falsis criminationibus obstrepentem.

XXIX.
DE OPINIO-
NIBVS PRI-
VATIS.

Constat igitur summi atque Apostolici viri
exemplo Ecclesiasticæ Traditionis ac Patrum
doctrinæ alumnis *seueras, duras, Et nouas* opi-
niones iampridem obijci cœptas: tametsi fateri
necesse est nemini adhuc, quod constet, in men-
tem venisse *priuatarum* eis *opinionum* nomine ne-
gotium facere. Quæ vox ad antiquam veritatem
subijciendam inuidiæ nuper excogitata est; vt
prauitatis species & color per fraudem & fallaci-
am ijs rebus illinatur, quas prauitatis damnare
palàm nemo audeat. Si enim opiniones illæ fal-
sæ sunt; cur errores apertius non appellantur?
vel

vel cur earum patroni Ecclesiæ legibus in iudicium non accersuntur? Sin autem veræ sunt, cur priuatorum illis nomen inuritur, atque ijs quos Catholicæ fidei retinentissimos, ne maleuoli quidem inficias ierint, vastis quibusdam & cœcis criminationibus inuidia conflatur, quæ cum nihil certi definiant quiduis suspicandi locum aperiunt, credulisque ac leuioribus animis eo acerbioris quo occultioris maledicentiæ venenum instillant. Recolendum vero istis & pauendum illud Euangelij: *Nolite iudicare, & non iudicabimini: nolite condemnare, & non condemnabimini.* Atque illud Pauli: *Nolite errare: neque idolatra, neque adulteri, neque maledici regnum Dei possidebunt.* Quæ quidem commemoranda non putarem, nisi non deessent, qui alienam famam ad istum modum lacerare securè se posse confidant, nec de ijs detrahere sibi videantur, quos persuadere firmo idoneoque nullo argumento contendunt, opinionibus periculosis implicitos, adeoque falsis & à Catholica veritate alienis. Quod enim verum Catholicumque est, id suspectum ac periculosum esse nullo modo potest.

Luc. 6. 7. 37.

1. Cor. 6. 9. 10.

Porrò etsi Archiepiscopi sanctissimi ad Synodum Tridentinam exequendam tota mente intenti autoritas doctrinæ quam tuemur honorem & religionem fidelium animis afferre abundè sufficiat: plurium tamen Cardinalium & Episcoporum, qui in Ecclesiarum suarum disciplina reformanda tanti viri instituta sunt æmulati,

Ripamont. lib. 6.

exemplis illustribus commendare eam Deus ac firmare voluit. Vitæ siquidem illius Scriptores produnt Cardinalem Paleotum Archiepiscopum Bononiensem, Cardinalem Ferrerium, Cardinalem Laurum, Valerium Episcopum Veronensem, postmodum Cardinalem, Federicum Cornarum Episcopum Bergomensensem, Bossium Episcopum Nouariensem, & Centurionum Episcopum Corsicanum, præter cæteros, suis in Diœcesibus, vt S. Carolum in Mediolanensi antiquos renouasse canones, illiusque imitatione magnum decus & splendorem fuisse consecutos. Quo in numero Cardinalis Paleotus pietate atque eruditione ita excelluit, atque in tantam apud homines sanctitatis opinionem venit, vt temporum illorum Scriptores eum in communi cum S. Carolo Ecclesiæ ad primam & antiquam integritatem reuocandæ studio haud inferiora perfecisse confirmet. Quin & Polonia Regem fratris sui filium, qui deinde Cardinalis Battorius fuit, ad S. Carolum Ecclesiasticæ disciplinæ notitia imbuendum misisse memorant, cumque postea *Romam abiisset*, eâ egregiâ notâ spectatum vrbi, & Cardinalem factum.

Ibidem.

Ripamont. lib. 6.

Ita Beatissimus vir non solum incubuit, vt Ecclesiam ex Synodi Tridentinæ præscripto ad pristinæ disciplinæ decus sanctitatemque reduceret: sed vt Antistites etiam sacre antiquitatis ac zeli sui imitatores effingeret, qui, vt ipsius verbis utar, *non adumbratam quandam sed expressam*

*Orat. habita in
Concil. Mediol. II.*

illam Christianæ disciplinæ formam afflante Spiritu Sancto decretis suis restituere curaret, quam nascente Ecclesiâ instituit viuus sermo Dei & efficax.

Neque enim primitivæ Ecclesiæ nomen in eam partem accipiendum est, ut ad primariam illam Hierosolymitanam Ecclesiam quæ in Actorum Libro describitur, solam pertineat: cum ex Eminentissimi Cardinalis Perronij ad maioris Britannia Regem Replicâ constet, ipsum illum Regem ab eorum sententia qui omnem primitivæ Ecclesiæ Historiam solo Actorum Apostolicorum libro comprehensam putent, longè abhoruisse; seque quarti etiam, imo & quinti seculi Patres colere ac venerari professum: tametsi compertum est, vulgò hæreticos, quo facilius è SS. Patrum testimonijs elabantur, Ecclesiæ primitivæ tempora contrahere quam maximè, & in angustum adducere: quam eorum artem Catholicos mutuari indignum prorsus ac turpe fuerit.

Quare Ecclesia primitiva propriè habenda est Ecclesia puræ & integræ disciplinæ retinens, quæ degeneri fidelium languore inclinata necdum erat atque infracta. Cæterum quoniam è tribus prioribus seculis pauca ad nos literarum monumenta peruenerunt, quod illa tempora persecutionum tempestates occuparint, quibus factum ait Hieronymus, ne Cyprianus, quem pœnitentiæ patronum ac vindicem Deus constituerat, plura nobis scripta relinqueret: Cardinalis Perronius quarto & quinto seculo, hoc est,

X X X.

Q V I D P R I M I -
T I V Æ E C C L E -
S I Æ N O M I N E
I N T E L L I G E N -
D V M.

Lib. 2. Obseru. 4.
c. 1.

*Card Perron. lib.
2. Rep 1. observ. 4.
c. 1.*

vt ait, quatuor primorum Conciliorum Oecumenicorum temporibus à Constantino ad Marcianum primitiuæ Ecclesiæ spatia definit, quod cum Patres plerique inter hæc tempora scripserint, vniuersa fidei doctrina, disciplinæque integritas ex eorum Scriptis facile perspici queat.

Ita primitiua Ecclesia nulla alia est, nisi Basilij, Ambrosij, Augustini æqualis Ecclesia: ac primitiuæ Ecclesiæ sententiam de pœnitentia, quam tractamus, exquirere ac persequi, nimirum est Ecclesiasticam disciplinam, qualis Patrum illorum monimentis descripta extat, exprimere denuò ac referre in vsum velle. Tum enim Ecclesia virtutis maturitate ac disciplinæ cumulo absoluta perfectaque foris apparuit: atque hanc deinceps rationem perfectionemque tradidit posteris nulla vnquam contraria lege labefactatam.

Hinc vero mira prorsus ac singularis corporis Christi & Ecclesiæ conuenientia & consensio elucet. Alterum enim in sacratissima Virginis aluo puncto temporis, alterum die Pentecostes, temporis item puncto, vtrumque autem pariter à Spiritu Sancto conformatum fuit. Alterum deinde in vtero Virginis per nouem menses, spatiaque ad corporum nostrorum incrementum constituta, omnem naturæ debitam firmitatem absolutionemque sortitum est: alterum illis primorum seculorum finibus ad debitum sibi Dei voluntate ac decreto virtutis ac perfectionis

modum peruenit. Quin & illud Christo cum Ecclesia conuenit, quod quanquam Euangelio teste, Christo spiritus sine vlla mensura sit datus; *Ioan. 3. v. 34.* vtrique tamen morum, virtutis, ac disciplinæ gradus & processus quidam exteriores dati ac definiti fuerint, vt fidelium omnium institutioni ac pietati formam & exemplum præferrent. Quare sicut Christus per Apostolos nobis illud dictum voluit: *Exemplum dedi vobis, vt quemad-* *Ioan. 13. v. 15.* *modum ego feci ita & vos faciatis:* sic Apostoli per vniuersos Patres, qui primis quatuor, aut quinque seculis florere, quique eorum vestigia studiosius sunt persecuti, similibus nos verbis videntur affati: Exemplum dedimus vobis, vt quod fecimus & vos faciatis. Atque vt Apostoli vitæ atque institutorum Christi præcones & Euangelistæ extiterunt; ita beatissimos illos Patres Apostolorum disciplinæ interpretes & quasi Euangelistas dicere licet, vt si Christi vita & pœnitentia sublimior est, quàm vt ad eam aspirare possimus, Apostolorum vitam & pœnitentiam in Patrum illorum moribus ac disciplina fulgentem, imbecillitatie nostræ propiorem accommodatioremque sectemur.

Hæc duo absolutissima Religionis nostræ exemplaria erectis cordibus intentisque animis assiduè spectare, eaque pro virili imitari & exprimere nos oportet: vt si qua in re deficere & elanguescere nos continget, recreari continuo atque assurgere ipsa capitis nostri, præcipuo-

rumque Ecclesiæ membrorum inspectione possimus, quæ sic illam olim conspicua potestate rexerunt, vt etiamnum arcana regant, perpetuisque illi apud Deum precibus adsint, orantes atque instantes vt perenne illi roboris ac virtutis supplementum & antiquæ perfectionis decus diuina benignitate subministretur.

XXXI.
O M N I V M
T E M P O R V M
V N A M E S S E
E A N D E M Q V E
E C C L E S I A M.

Aug. in Psal. 96.

Idem in Psal. 58.

Quare amplissimæ illius & Catholicæ charitatis quâ vniuersa Christi membra complecti debemus, haud ferè vel indicium certius, vel illustrior fructus existat, quam optare atque expetere, vt primitiuam Ecclesiam, qualem paulò ante descripsimus, pro se quisque affectetur; nec Ecclesiam præsentem, cum eo quem refellimus, comminiscatur, quam antiquæ disciplinæ, quippe nimia diuturnitate iam effœtæ & obsoletæ, ne dicam, *rancidæ* (quod verbum in antiquos canones nuper Scriptorem quendam conferre non puduit) opponat; sed eam cum magno Augustino potius cogitet societatem quandam vniuersitatemque Catholicam nullis terrarum vel temporum finibus circumscriptam. *Ecclesia enim est, inquit, non quæ hoc loco est, sed quæ hoc loco & per totum orbem terrarum: nec illa quæ hoc tempore, sed ab ipso Abel vsque ad eos qui nascituri sunt vsque in finem, & credituri in Christum. Christus enim est totum corpus Christi: & quicumque nunc Christiani boni, & qui ante nos, & qui post nos futuri sunt.*

Ita Doctorum principi sanctissimo, ac cæ-

teris Patribus, Ecclesia fluuius est è cœlo labens, ac per seculorum volumina in cœlum remeans; sicut flumina è mari manantia in mare reuoluuntur. Ecclesia homo cœlestis est, cui caput Christus, fideles omnes membra; cuius caput in cœlo regnat, membra in terris militant, laboreque & patientia conualescunt. Ecclesia dies ille est, quem Apostolus ait elapsâ iam nocte appropinquasse; qui exoriente sole iustitiæ primùm illuxit, florentissimis Ecclesiæ temporibus quasi meridianum splendorem assecutus est; qui denique mundo iam præcipitante in occasum vergit. Ecclesia diuinum est regnum diuinis legibus, diuino ministerio temperatum, cuius cœlestis disciplina & politia ætatum vicissitudine ita infringi potest, vt ipsum tamen immutabile maneat & æternum, cæteraque omnia regna, Prophetâ teste, obruat & obscuret.

Fluuius ille toto alueo lapsuque suo; homo ille omnibus ætatum suarum spatijs; dies ille totâ conuersione suâ & curriculo; regnum illud totâ diuturnitate suâ idem vnumque est. Sed quemadmodum nec fluuium parte aquarum exiguâ, nec hominem senectute, nec diem occasu, nec regnum rerum eius inclinatione ac deliquio metiri oportet: ita Ecclesiam non his tantum temporibus quibus teste Gregorio VII. consenescit, teste S. Bonauenturâ ad finem & occasum labitur, spectare consentaneum est; sed repetere vsque à Christo fluuij illius fonte, hœ-

Gregor. VII. Ecclesiam, *senescentem mundum* ab hinc annis fere DC. S. Bonauentura, *senilem Ecclesiam* ab hinc CCC. dixerunt.

minis illius capite , diei illius sole , regni illius Principe ; atque inde per Apostolos , eorumque heredes Sanctos Patres , illius fontis limpidissimos riuulos , capitis illius membra primaria , solis illius splendidissimos radios , summi illius Regis summos administratos , ad nostra vsque tempora deuolui.

Atque hanc ob causam Spiritus Sanctus noua identidem Concilia indicenda prouidit , quorum operâ omnem adulterinarum doctrinarum , quibus Ecclesiæ ipsius viuæ ac cœlestes aquæ inficerentur , aduentitiam colluuiem secreuit ac respuit ; tabentia omnia membra , quorum lues in vniuersum corpus serperet , recidit ; nebulas omnes , quibus splendor illius obscuraretur , fugauit ac dispulit ; omnia denique , quibus diuinæ ipsius leges conuellerentur , humana instituta damnauit.

Ex quibus certissimis & ineluctabilibus principijs prorsus liquet , non magis *Ecclesiam præsentem* antiquæ contrariam cum Aduersario nostro fingi fas esse , quàm alterum præsentem , alterum præteritum Christum , quandoquidem Ecclesia , autore Apostolo , ipse est Christus ; deque illa iuxta & ipso scriptum est : I E S V S - C H R I S T V S heri & hodie & usque in secula .

Hebr. 13. v. 8.

XXXII.
ECCLESIAE
TRADITIO
CATHOLICAE
VERITATIS
NORMA.

Hac solidâ ac verâ Ecclesiæ notione docemur , Catholicæ veritatis eam demum , quæ ab Ecclesiastica Traditione petitur , normam ac regulam tenendam ; nihil noui de nostro promendum ;

dum; nihil quod alij de suo deprompserint, accipiendum; nec Ecclesiasticas res argumentationibus moribusque humanis, sed diuina auctoritate, qua Christiana omnis Religio nititur, expendendas. Vnde & præstantissimi quique omnium ætatum viri, vt ait Augustinus, *quod inuenerunt in Ecclesia, tenuerunt: quod didicerunt, docuerunt: quod à Patribus acceperunt, hoc filijs tradiderunt.*

*Aug. lib. 2. contra
Iul. c. 10.*

Hæc Traditionis fundamento stabilita atque inconcussa veritas visiones, reuelationes, rationes, opinionisque priuatas nullas nouit, sed vniuersas, seu visiones, seu reuelationes, seu rationes, seu opiniones veras Catholicasque dijudicat verbo Dei & Spiritu duce, cuius solius est omnium quæ in humana mente & cogitatione versantur cognoscendorum, dijudicandorumque arbitrium ac potestas. Hanc normam hæretici vniuersi repudiant, quod omnia eorum commenta subuertat: hanc eandem Catholici vniuersi amplectantur necesse est, quod sine eius ope hæreticorum à se vim atque impetum propulsare non possunt. Si extra Ecclesiam teneretur, abessent hæreses omnes: si intra Ecclesiam, omnes errores, abusus, & dissidia quibus fideles iactantur, euanescerent. Qui ad eius ductum se applicant, ita certo atque exploratè rectam viam insistant & omnis prorsus sunt iustæ reprehensionis immunes, vt Clerus Romanus ad S. Cyprianum scribere non dubitet: *Bene sibi*

*Clerus Rom. ad
Cyp. ep. 31.*

conscium animum, & Evangelicæ disciplinæ vigore subnixum, & verum sibi in decretis cælestibus testem effectum, solere, solo Deo iudice esse contentum, nec alterius aut laudes petere, aut accusationes pertimescere. Quibus verbis, quæcumque ad Ecclesiæ decreta de pœnitentibus antiquæque & euangelicæ seueritatis præcepta vindicanda Cyprianus egerat, probat & tuetur.

Tantam vero hic veritatis canon atque hæc norma in Ecclesia vim semper habuit, vt Victor Summus Pontifex Orientis Ecclesijs eo solo nomine, quod Pascha eadem die quâ Occidentis Ecclesia celebrare nollent (quod ad disciplinam pertinuisse nemo non videt) Catholicâ communionem interdixit; nulla alia tam seueræ speciei ipsa animaduersionis ratione vsus, nisi S. Petrum eam legem Ecclesiæ traditam reliquisse. Quidnam igitur tantus Pontifex de ijs sensurus videtur, qui perpetuam inde ab Apostolis Ecclesiæ de pœnitentia sententiam atque doctrinam erroribus accensere non dubitant? Quonam modo supremæ potestatis aciem exeruisset, si nouitatis, falsarumque & priuatarum opinionum crimina ijs impingi accepisset, qui clementer & quietè, ac citra cuiusquam reprehensionem leges à Christo & Apostolis non sermone tantum, sed & perspicuis exemplis traditas, ac duodena amplius secula in Ecclesia obseruatas in medium proferunt.

Hac ipsa Traditionis vnica normâ Antichri-

Itum mirificis prodigijs maximaque adumbratæ sanctitatis specie orbi propemodum vniuerso illudentem fideles cuique & electi propulsabunt, artesque illius ac dolos & omnia præstigiæ machinamenta dissoluent. Nec enim erunt immemores iussisse Christum non hominibus quocumque sanctitatis nomine insignibus, nec miraculis solis, sed eius verbo Patrum & Conciliorum autoritate ad nos transmissis, atque ad mundi finem transmittendo fidem haberi. Quin & Apostolus planissimè scribit Iudæis, *quod charitatem veritatis non receperint, ut salui fierent, missurum Deum operationem erroris, ut credant mendacio*, hoc est, Antichristum mendacij principem, sicut Christus veritatis est princeps & parens, pronis animis accipiant. Ac S. Petrus postquam fidelibus Transfigurationem Domini quâ Christi gloriam oculis viderat, commemorauit: *habemus*, inquit, *firmiorem* (nempe illo miraculo cui testis erat) *Propheticum sermonem, cui benefacitis attendentes quasi lucernæ lucenti in caliginoso loco.*

2. Thessal. 2. v. 10.

2. Petri 1. v. 19.

Hac eadem ratione B. Ioannis à Cruce præclarum est illud: *Si quis tibi persuadere conetur doctrinam laxam, tametsi miraculis eam confirmet, ei non credas*: Euangelij enim oraculum *viam latam in perditionem ducere, viam autem quæ ad vitam ducit arctissimam esse*, longe vehementius animos nostros quam vlla humanæ sanctitatis species, aut quilibet miraculorum fulgor commouere debet.

Ioan. à Cruce in Sentent. sent. 72.

Matth. 7. v. 13.

XXXIII.
NON ODI EST
SED AMORIS
IN ECCLESIAM
DISCIPLINÆ
DELIQVIA ET
DEFLECTIONES
ANIMADVER-
TERE, ILLIVS-
QVE EMENDA-
TIONEM OP-
TARE.

Iam vero hac Traditionis Ecclesiasticæ incon-
cussa firmitate magna nobis datur copia eorum
animos metu ac religione soluendi, qui si quid
in Ecclesiæ disciplina vitij aberrationisque ani-
maduersum audierint, tantum non schisma con-
flari religionique exitium comparari suspican-
tur. Quæ cogitatio, ijs quorum preces, vota,
consilia, & labores nihil aliud agunt, quam vt
Ecclesiæ vtilitati & gloriæ inferuiant, adeo ini-
qua, eo fortasse facilius à quibusdam pietatis stu-
diosis suscipitur; quod dum Ecclesiam spirita-
lem penitus Christique sponsam sibi propo-
nunt, pulchritudinem eius nulla temporum vi-
cissitudine deteri, nec minus extremâ ætate
quàm primâ nitere ac splendere vellent.

ECCLESIAE FI-
DES CORRVM-
PI NON PO-
TEST: VITA ET
DISCIPLINA
POTEST.

Nec enim attendunt ijs qui Ecclesiam ab hæ-
reticorum calumnijs vindicant, duo illa pariter
asserenda, Ecclesiæ fidem semper incorruptam,
mores autem in plerisque eius membris posse
corrumpi: eamque quo propius occasum mun-
di deuoluitur, sensim à prima sua integritate
longius abituram. Atque hæc simul Euange-
lium docet; Ecclesiæ quidem fidem corruptio-
nis expertem, vbi *portas inferi præualituras aduer-*
fus eam negat: mores vero sensim in deterius
lapsuros, vbi fore ait, *vt refrigescat charitas multo-*
rum; filiusque hominis veniens secundo aduentu
vix inueniat fidem in terra.

Math. 16. v. 18.

Math. 24. v. 12.

Luc. 18. v. 8.

Quæ duo dogmata ita necessariam atque in-
timam cum religione nostra conjunctionem

habent, vt hæretici non aliam fere ob causam, quàm quod ea repudient, in hæresim incurrant, nec nisi eorundem præsidio Ecclesiam ab illorum conatibus tutam præstare Catholici possint. Quas enim postremorum temporum hæretici desertæ à se Ecclesiæ rationes causasque attulerunt, nisi quod in *cathedram pestilentie* commutata vera Ecclesia esse desiisset? Labem enim fidei cum morum corruptela commiscuentes ex SS. Patrum in vitia flagitiosamque Christianorum licentiam expostulationibus & querimonijs Ecclesiam inde à quarto aut quinto seculo non moribus tantum sed & doctrinâ inquinatam deprauatamque finxerunt.

Quod quidem à maioris Britanniae Rege Ecclesiæ objectum refellens Cardinalis Perronius, scribit: *Vitia illa & prauitates quæ à viris sanctissimis arguuntur morum esse ac priuatorum peccata, nunquam autem doctrinam Ecclesiasticam ab ijs reprehensam.* Et continuò subiicit: *Ecclesiam, si doctrina spectetur, nunquam: SI MORES, ELVI SEMPER ET EXPURGARI OPORTERE.* Ita hæretici Ecclesiam lapsam defluxisse ac perijsse contendunt, propterea quod morum ac vitæ corruptelam à fidei ac doctrinæ deprauatione secernere nolunt: Eminentissimus vero Cardinalis Perronius hoc vno Ecclesiam inuictò quasi telo tuetur, quod disciplinam eius contaminari posse, fidem non posse, adeoque illam semper, hanc nunquam emaculandam esse confirmat. Quod

*Perron. Repl. lib. 2.
obser. 4. c. 7.*

Idem lib. 1. c. 59.

cum altero eiusdem operis loco planè consentit, ubi Ecclesiam ait, *ad mundi finem usque de se illud predicaturam: NIGRA SUM, SED FORMOSA; nigra nimirum moribus, formosa doctrinis.*

Quare qui de hominibus Ecclesiæ morum prolapsionem tacitâ pietate deplorantibus ita existimant, ut ijs Ecclesiam funditus extinctam videri suspicentur, non satis attendunt eodem illos à se crimine peti, quo SS. Patres ab hæreticis impetuntur. Quo fit, ut summum quidem illis honorem imprudentes habeant, dum ad tantorum virorum societatem eos euehunt, ut simillimas utrorumque reprehensiones simillimus utrorumque zelus facile peperisse videatur: sibi vero summum dedecus ultro asciscant, dum in illorum sensus & cogitationes temerè incurrun, quorum placita execrantur.

Tapper. Orat. 10.

Eadem illa Cardinalis Perronij responsione usus est nuper patrum nostrorum memoria nobilis Theologus & Vniuersitatis Louanienfis Cancellarius, Ruardus Tapperus. Propositis enim hæreticorum in Ecclesiæ abusus querimonijs, hæc subiicit: *Agnoscamus hæc omnia, non minus quàm aduersarij; qui doctrinæ suæ gratiam, fauorem, & plausum abusu commemoratione conciliant. Sed DIVERSA EST RATIO MORVM ET DISCIPLINÆ ECCLESIASTICÆ, QVAM MVLTIS MODIS LAPSAM ESSE DIFFITERI NON POSSVMVS: ET ALIA RATIO DOCTRINÆ ET FIDEI ORTHODOXÆ*

QVÆ SANA, ET INTEGRA, ET INCOR-
RVPTA MANSIT, ET MANET ETIAM
IN MORIBVS CORRVPTISSIMIS. *Rogavit
enim Christus Dominus pro Petro totaque Ecclesia,
quod non deficiat fides eius. Disciplina autem restitu-
tionem & Ecclesiae reformationem in capite & mem-
bris, quotquot sunt pii, vehementer desiderant: quæ
& fiet quando Dominus misertus Ecclesiam suam spon-
sam charissimam respicere; & piorum preces exaudire
dignabitur. Ea autem sanctis moribus restituta, in Præ-
latis præcipuè, sicut fumus dispergentur & evanescent
uniuersæ hæreses & omnes errores.*

Quis non miretur quàm longè inanes istorum
formidines à solida clari huius Theologi doctri-
nâ dissentiant? Illi quippiam in Ecclesia quod à
recta norma deflexerit inesse arbitrari, prope-
modum hæretici esse existimant: hic hæreticos
ipso refellens plures in Ecclesia versari abusos,
disciplinamque Ecclesiasticam multis modis lap-
sam esse profitetur. Illi si morum prauitas argua-
tur, Ecclesiae doctrinam & fidem continuò ar-
gui censent: hic cum Cardinale Perronio etiam
*in corruptissimis moribus fidem incorruptam per-
stare contendit. Illi si quid restituendum in Ec-
clesia reformandumque dicatur, rei Ecclesiasti-
cæ perturbationi ac schismati viam sterni inter-
pretantur: hic eodem Cardinale adstipulante;
Ecclesiae disciplinam restitutione ac reformatione in-
digere, & quotquot sunt pii, vehementer id desidera-
re confirmat. Illi eorum voto qui mores ac disci-*

plinam meliorem emendatiorēque optent errores creari excitarique posse putant : hic cum sanctissimo Cardinale Borromæo non alia re magis quam morum integritate restituta errores omnes & hæreses extingui posse testatur.

XXXIV.
SS. PATRES
VNIVERSI
TEMPORVM
SVORVM VI-
TIIS INGE-
MVERVNT.

Atque hæc illius sententia eo grauior videri debet, quod cum omnium Sanctorum Patrum mente planè consentit. Duo siquidem ista, Ecclesiam fide immutabilem, moribus commutabilem esse ac fluxam, ita pro certis habuerunt, vt qui pro fidei ac doctrinæ illius vi incorrupta aduersus hæreticos acerrimè omnium propugnauerunt, morum illius labes & corruptelas omnium vehementissimè Catholicis objecerint & castigarint. Intelligebant enim vt bonis moribus, si absit fides; sic fide, si mores desint, salutem æternam consequi posse neminem : nec minus intra Ecclesiam perire homines, cum Evangelicas leges & præcepta vitæ improbitate per-rumpunt; quam extra Ecclesiam, cum Euangelicorum dogmatum sinceritatem fidei opinio-numque aberratione commaculant.

An igitur Ecclesiam hodie vel exscindere, vel attentare videantur, qui de ea cum diuinissimis illis sentiant & loquantur hominibus, quorum omnis vita illi impensa est, nec vllam pro ea mortis aut supplicij conditionem recusauit? An
1. Cor. 5. v. 5. & 6. damnandus Apostolus Paulus, quod incestum è fidelium cœtu, ne modicum fermentum totam massam corrumpere, arceri iussit; atque ita Ecclesiam

clesiam etiam primùm nascentem non modo corrumpi, sed ab homine vno corrumpi posse confessus est, (vt & Ambrosius ex Scriptura docuit populum Israëliticum patrumque exercitum, qui Ecclesiæ figuram gessit ab vno quondam homine corruptum) vel quod omnes ætatis suæ Christianos *quæ sua essent querere, non quæ Iesu Christi* exprobrare ausus est? An damnandus tertio seculo Cyprianus, dum Ecclesiam illis temporibus acerbissimè iactatam scripsit, *quod traditam diuinitus disciplinam pax longa corruperat; quod non in Sacerdotibus religio deuota, non in ministris fides integra, non in operibus misericordia, non in moribus disciplina vigeat?* An damnandus quarto seculo Gregorius Nazianzenus, quod ^a *Christianam omnem tempore ipso euauisse virtutem luceat: nihil ex ea vel parum admodum esse reliqui; nec iam se nisi lachrymas Ecclesiæ quidquam largiri posse?* An damnandus Hieronymus, quod seculum idem ^b *Christianæ religionis facem appellet?* An Seuerus Sulpitius, quod eo ipso tempore cuncta in Ecclesia ^c *turbata ac deprauata testetur?* An Augustinus, quod seculo quinto ^d *Ecclesias scribat plenas fuisse Christianis, qui pagani, Iudeis, omnibus denique pejus viuerent?* An Gregorius Magnus, quod sexto seculo ^e *in Ecclesiæ nauim undique intrare fluctus gemit; vt iam quotidianâ ac validâ tempestate quassatæ, putridæ naufragium tabulæ sonent?* An Gregorius VII. Pontifex maximus, quod vndecimo seculo se à periculosissimo

Ambros. ep. 37.

Philos. 2. 7. 21.

Cypr. Tract. de lapsis.

^a ὅτι, ἡ πόλις, ἡ
λειψάνος. Ἐκκλη-
σίας ἢ π' ἀπόστολοι,
ὁ δὲ χρυσοῦς.
Greg. Naz. Carm.
de Vita sua.

^b Hieronym. in
Vita Malchi.

^c Sulpic. Seuer. in
fine lib. 2. Sacre
Histor.

^d Aug. in Psal. 30.

^e Gregor. Magn.
lib. 1. ep. 4.

Gregor. [VII.
Epist. lib. ep. 9.

Petrus Damiani
Epist. lib. 2. ep. 1.

Bernard. Præfat.
in Vitam S. Ma-
lach.

Paulus III. in
Bulla Indiction.
Concil. Trid.

morbo recreatum dolere & ad cœlestem patriam toto pectore anhelare demonstrat, dum penè in oculis suis naufragantem Ecclesiam nullo vallet eripere gubernaculo : atque insuper adijciat : *Legem & religionem Christianam ita ferè ubique deperisse, ut Saraceni & quilibet pagani suos ritus firmitus teneant, quàm illi qui Christianum nomen acceperunt ? An etiam damnandus Petrus Damiani Episcopus Ostiensis & sacri Cardinalium collegij Decanus, quod eodem sæculo his verbis Ecclesiæ labem deploret : Totus mundus pronus in malum per lubrica vitiorum in præceps ruit. Et, ô nefas, ab eis in veritate Iudaicè vivitur, qui superficie tenus Christiano vocabulo palliantur ? An damnandus S. Bernardus, quod sua ætate duodecimo sæculo neminem penè ostendi posse prædicet, non magis de sublimi (hoc est, ex honorum Ecclesiasticorum apice) fumantem quàm flammantem ? Postremò, an, ut alios omittam, damnandus Paulus III. Summus Pontifex, quod loco superius allato, postremis hisce temporibus Ecclesiam scripserit malis suis iamdudum vexatam & propemodum oppressam fuisse ? An S. Carolus Borromæus quod toties Ecclesiæ vulnera, Ecclesiæ grauissima mala, Ecclesiasticam disciplinam miserabiliter prolapsam ingeminet ; omniaque ad componendos Ecclesiæ mores à se constituta præ illo ad quem eam reuocare conabatur splendorem ita pro nihilo duxerit, ut cum tot ab eo præclare gesta laudarentur, verbo illo sit usus : Tota nocte laborantes nihili*

cepimus? Itaque ad Summum Pontificem scripsit, in multorum se invidiam & offensionem incurrisse, dum Ecclesiam suam in aliquem tolerabilem statum conatur adducere. *Ripamont. lib. 3.*

Verum alterum D. Bernardi locum superioribus etiam vehementiorem tacitus nullo modo præterire possum. Eo enim plus ponderis atque autoritatis habere videbitur, quod hunc virum plerique non tantum pietatis ac morum magistrum, sed etiam suavi illâ & mellitâ pietate, quæ hodie tanto in pretio est, redundantem existimant. Quare perspicuo indicio erit, veram & germanam pietatis lenitatem cum acerrima severitatis specie præclarè consistere. *Serpit, inquit, hodie putida tabes per omne corpus Ecclesiæ & quò latius, eò desperatius : eoque periculosius, quò interius. Nam si insurgeret apertus inimicus hæreticus, mitteretur foras & arefceret : si violentus inimicus, absconderet se forsitan ab eo. Nunc vero quem ejiciet, aut à quo abscondet se ? Omnes amici, & omnes inimici : omnes necessarij, & omnes aduersarij : omnes domestici, & nulli pacifici : omnes proximi, & omnes quæ sua sunt quærunt : Ministri Christi sunt, & serviunt Antichristo. Olim prædictum est, & nunc tempus impletionis aduenit ; Ecce in pace amaritudo mea amarissima. Amara prius in nece Martyrum : amarior post in conflictu hæreticorum : amarissima nunc in moribus domesticorum. Non fugare, non fugere eos potest, ita inualuerunt & multiplicati sunt super numerum.* *Bernard. ser. 34. in Cant.*

I N T E S T I N A E T I N S A N A B I L I S

EST PLAGA ECCLESIAE, & ideo in pace amaritudo eius amarissima. Sed in qua pace? Et pax est; & non est pax. Pax à paganis, & pax ab hæreticis; sed non profecto à filiis. Vox plangentis in tempore isto: Filios enutriui & exaltaui: ipsi autem spreuerunt me.

Si igitur Apostoli, Patres, Summi Pontifices, Summi Episcopi, & sanctitate maximi quique viri illam morum & disciplinæ Ecclesiasticæ, fide incolumi & immutabili, labem ac defectiorem & animaduerterunt semper & deplorarunt: Si posterioribus quibusque seculis præstantissimi homines superiorum seculorum virtutem atque ordinem semper desiderarunt: quid minus consentaneum, quam accusari quenquam, quod eos qui coluntur ab omnibus studiosius imitari, eiusque animi ac voluntatis, quæ illorum virtutis & argumentum & fructus extitit, vestigium aliquod præ se ferre videatur?

XXXV.
SANCTISSIMI
VIRI ÆQUE
VT HÆRETICI
ECCLESIAE VI-
TIA NOTA-
RVNT, ANIMO
TAMEN AC
VOLUNTATE
LONGE DIS-
PARI.

Nam eorum quæ in Ecclesia peccantur obseruandorum, & recensendorum duplex est genus, ac longe dissimile. Alterum hæreticorum proprium est, alterum summorum è Catholicis sapientiaque ac pietate præstantium. Illi morum Ecclesiæ corruptelam dissensionis ac schismatis studio incessunt: hi misericordia & charitate deplorant. Illi vulnera eius ad ludibrium & dedecus ostentant: hi ad sanitatem conciliandam aperiunt. Illi proditores meri & perduelles contumelijs & conuitijs id agunt, vt iustè ab ea de-

fecisse videantur: hi filij & amici fratrum n̄uos indicant matri, vt ipsa puriores illos seque digniores efficiat. Illi denique morum eius vitia quam inuidiosissimè augent, quò illius doctrinam pariter vitiatam persuadeant: hi disciplinæ illius deformationem ac defluuium eò perstringunt, vt ad pristinum decus splendoremque referant, ac si fieri posset, quam fide ac doctrinâ tam moribus & vitâ incorruptam & puram præstent.

Ne igitur veritatem in inuidiam, charitatem in crimen vocemus. Nec dolorem ex Ecclesiæ incommodis sumptum pro vitio, nec ad ea securitatem & torporem pro laude ducamus. Omnium animi commotionum fons amor atque origo est. Sicut omnium quæ amata rei conducant cupiditatem, sic omnium quæ illi obsint odium auersationemque ingenerat, atque vbi acciderint dolores ac gemitus exprimit. Hinc Gregorij Nazianzeni præclara vox: *Et si proborum ac peccatorum, quæ apud Christianos vigent, impetum comprimere maius sit quàm pro virium nostrarum facultate, at certe odisse ac pudore affici pietatis partem esse non minimam.*

Quod si Ecclesiæ mores labi sensim ac defluere non constaret, quorsum tot omnium ætatum Concilia in quibus non minus de disciplina Ecclesiæ retinenda, quàm de hæresibus opprimendis est elaboratum? Quorsum innumerabilibus penè Concilijs præfixi tituli: *“ Causa reformanda*

ὡς εἰ καὶ ἡ σαρὰ
πλεῖστον καὶ κατὰ τὸν
ἥθελ' ἡμῶν, ἀλλὰ
τὸ γὰρ μόνον καὶ αἰ-
σχυνώδης, μέγας ἐν-
σθενείας, οὐ τὸ συμ-
κρίπτει. Gregor.
Naz. Orit. 1. In-
terprete Billio.

2 Concil. Oecum.
Vien. sub Clem.
IV. 1267.

^b Conc. Lateran.
Oecum. sub Innoc.
III. 1215.

^c Conc. Lateran.
III. Oecum. sub

Alex. III. 1179.

^d Conc. II. & V.
Roman. sub Greg.
VI.

^e Conc. Rhem. sub
Leone. I. X. 1049

In Concil. Basi-
leensi.

Imper. Sigismund.
in Conc. Constant.

In Concil. Trident.

XXXVI.
SINGVLIS RE-
LIGIOSORVM
FAMILIIS S.O-

*Ecclesiæ : ^b pro Ecclesiæ moribus reformandis : ^c pro reformanda in fide & moribus Ecclesiæ : ^d pro re-
stitutione Sanctæ Ecclesiæ : ^e pro disciplina & moribus Ecclesiæ reformandis ?* Quorsum Concilij etiam Tridentini fronti inscriptum, *ad reformationem Cleri & populi Christiani ?* Quorsum ab eadem Synodo decretum, vt tertio quoque anno Concilia prouincialia habeantur, cum eo pacto significarit, post illam ipsam totius Ecclesiæ corporis emendationem ab ea tentatam, plura etiam emendanda reformandaque superesse, quemadmodum tot Diœceseos suæ deformitatum & abusuum correctione S. Carolus comprobauit ? Quorsum Eugenius IV. Pontifex Episcopos in Concilio Basileensi congregatos rogat, vt Ecclesiæ reformationi inuigilent. *Nostis enim*, inquit, *quantum eâ (reformatione) indigeat religio Christiana : quia, vt ait Propheta, à planta pedis vsque ad verticem non est in ea sanitas ?* Quorsum illa Gallicanorum Episcoporum in Concilijs ad Ecclesiam postulata, vt *monstruosos mores in Clero & populo velit purgari, sicut contra hostes fidei congregari ?* Quorsum commentarij ad Ecclesiæ reformationem ab ipsis Imperatoribus oblati ? Quorsum denique à Regibus etiam Christianis per legatos rogati Tridentini Patres, vt quæ in Ecclesia essent deprauata, corrigerent ?

Equidem hanc Christianorum morum prolapsionem perspicuo exemplo facile quis animaduertat & percipiat : si modo quid singulis

Religiosorum familijs euenerit, quæ communis Religionis Ecclesiæque Catholicæ, imo principis illius ac primigeniæ Ecclesiæ Hierosolymitanæ, vnde hæc quæ nunctoto orbe effusa manauit contractiores quasi effigies sunt & compendia, studiosius attendere cœperit. Si enim tot Sanctissimi Religiosorum cœtus ab Apostolicis viris instituti, postquam propositæ sibi regulæ rationem diutius accuratissimè integerri-
mèque tenuerunt: postquam tot virtutis ac pietatis laude excellentes viros Ecclesiæ pepere-
runt; tamen sensim ab illo fastigio collapsi in-
stauracione eguerunt: Si, inquam, animæ illæ
selectissimæ, ac si, cum vniuersa Christianorum
multitudine compares, paucissimæ, posteaquam
è mundi periculis ac tempestatibus ad Monaste-
riorum quasi portus azylaque perfugerunt: po-
steaquam tres illos concupiscentiæ fomites, ma-
lorumque omnium pestiferas radices trium vo-
torum virtute in seipsis oppresserunt: postea-
quam eiusdem generis vitæ, eiusdem regulæ,
eiusdem voluntatis ac propositi societate coa-
luerunt: primam tamen instituti sui vim & vi-
gorem retinere minimè potuerunt: Quis vni-
uersam Religionem Catholicam, quæ non pau-
corum ac selectiorum hominum angustijs septa
est, sed viros pariter & mulieres, pueros & senes,
bonos & malos, fortes & infirmos, diuites &
pauperes, primarios & tenuiores complectitur,
antiquam integritatem tueri non potuisse, tem-

LEMNESCA-
SVS ET INCLI-
NATIONES
EARVM QVÆ
COMMVNICA-
THOLICÆQVE
RELIGION-
EVENIUNT, EF-
FIGIES QVÆ
DAM SVNT

porumque longinquitate à prima illa disciplina sensim defluxisse mirabitur? Quis non agnoscat longè facilius cohortem quàm exercitum, domum quàm ciuitatem, ciuitatem quàm prouinciam ac regnum ingens in ordine atque in officio contineri?

Sicut ergo Religiosarum familiarum languor languescentem ac deflorescentem Ecclesiæ statum: sic earum instauratio Ecclesiæ instauracionem repræsentat. Quemadmodum enim illæ ad primæuam semper regulam rediguntur, morefque & vsus quacumque diuturnitate corroborati, si ab ea dissideant, penitus euelluntur: ita Concilia Christianos semper ad Scripturarum & Euangelii j normam per SS. Patres ac Synodos superiores expositam illustratamque reuocant.

Atque hæc communis Religionis cum singulis Religioforum familijs similitudo eò verior est ac firmior, quod quemadmodum certi sunt Religiosi, qui B. Franciscum aliumve pro parente ac principe, instauraciones eius pro lege ac formula, vitæ vero eiusdem sanctitatem pro exemplo ad imitandum proposito habeant: ita nos Religione communi & Catholica Religiosum, cui Christus autor & princeps, Euangelium lex & regula, stupenda vitæ illius mortalis demissio & humilitas forma cuique ad intuentum exprimendumque præscripta, quemadmodum illud eius docet: *Exemplum dedi vobis;*

ut quemadmodum ego feci, ita & vos faciatis. Hinc illud est à S. Carolo præclarè dictum Diœcesim quampiam instauratam videri non debere, quod in ea maius pietatis Christianæ studium eluceat, quàm antea solebat, quamque alijs fortasse quibusdam locis appareat, sed mores illius cum sanctè agendi formula nobis diuinitus præscripta, hoc est cum Euangelio, comparari oportere.

Hac adhibitâ regulâ vtrum rectam insista-
mus viam explorare, & ex eorum numero eripe-
re nos licebit, de quibus ait Sapiens: *Est via quæ*
videtur homini recta, & nouissima eius ducunt ad
mortem, & in profundum inferni, vt à 70. Interpre-
tibus editum est. Quam sententiam cum D. Hie-
ronymus stupens expenderet, vnâ explanan-
dæ illius, animorumque fidelium leuandorum
tranquillandorumque rationem reperit, vt qui
viam quam in Ecclesia ingreditur veram esse, &
ad salutem ferre, compertum habere voluerit, in
Christum qui *factus est nobis sapientia à Deo, &*
iustitia, & sanctificatio, & redemptio, oculos ani-
mumque coniiciat. Quod idem S. Carolus sen-
sit, cum ad Euangelium, vbi quid agendum sit
Christi ore exemploque præcipiatur, referenda
omnia doceret. Ita vterque viæ nostræ explo-
randæ rationem vnâ tradit, supremam viam
intueri, quâ solâ ad veritatem, veritate ad iusti-
tiam, quæ vera vita est, acceditur. Atque hoc
eò magis obseruandum, quod à D. Hieronymo
deducitur ex illo Isaia loco, vbi septuaginta In-

Prou. 16. v. 25.

*Hieron. Comment.
in Isaiam. lib. 7.*

I. Cor. i. v. 30.

Joan. I. v. 17.

terpretum verbis iubet Deus in perdiscenda iustitia elaborari, quam eodem autore Hieronymo à Christo primùm didicimus, quando, Scriptura teste, *gratia & veritas per IESVM-CHRISTVM facta est.*

Ergo qui hominem Euangelij leges Christi vita & factis quasi diuinis quibusdam coloribus expictas, & à Patribus Conciliisque illuminatas quam religiosissimè persequentem, nouam & singularem agendi rationem captare, & turbas in Ecclesia concire criminetur, tam iniquus fuerit & præposterus, vt si Religiosum sodalem, qui disciplinæ studio in fratribus suis refrigerato ac restincto ad regiam regulæ viam regredi, institutorisque primi præcepta diligentius exequi studeat, priuati cuiusdam ac peregrini vitæ generis captatorem, & Monasterij perturbatorem designet ac fingat. Nam illius vita ac ratio cæterorum quidem collatione, à quorum nouis moribus institutisque discederet, propria & singularis videretur: at si vtrorumque vitæ consuetudo ad regulæ amussim exigetur, iam quæ priuata & singularis visa erat, vulgaris & familiaris agnosceretur, communique omnium qui ex familiæ illius formulâ legeque vixissent, vsu probata; quæ vero communis & publica habebatur, singularis ac priuata habenda esset, quippe quæ non publicis ac solennibus legibus nixa, sed primarijs verisque institutis, quæ in illo sodalicio plura secula vi-

guissent, superinducta, priuatorum incuriâ & ignauia paulatim irrepsisset.

Quod vero non desint, qui cum descriptam illam à SS. Patribus Deo satisfaciendi rationem, violati numinis infinitâ maiestate dignissimam, religione ac ratione ipsâ duce fateantur: tamen omnia ista pœnitentiæ instrumenta veterum consignata monumentis imaginum ad oculorum oblectationem compositarum simillima, admirationi magis omnium, quàm cuiusquam imitationi accommodata existiment; singulari Dei prouidentia nostris etiam temporibus pœnitentiæ veteris exemplum tam illustre insigneque nuper oblatum est, quam antea consuetudo illius & praxis inaudita ignotaque erat, vt facile intelligeretur, quod à Cardinale Groppero pœnitentiæ desuetudinem obliuionemque deplo-
rante scriptum est, *manum Dei abbreviatam non esse*, & quorum operum perficiendorum virtutem fidelibus olim subministravit, ad eandem illis largiendam etiamnum valere, adhibitis præsertim ijs exceptionibus ac lenimentis, de quibus initio diximus.

*Card. Gropper. in
Inst. Cath.*

Nemo enim nescit quinquagesimo milliari ab Vrbe Parisiensi antiquæ pœnitentiæ rediuuam velut imaginem nuper à Deo renouatam summâ totius populi voluntate, eximij Pastoris vigilantia & charitate, insignis Archiepiscopi, à quo is ad ministerium illud vocatus fuerat, sapientia & autoritate. Qui profecto Antistes

XXXVII.

INSTAVRATÆ
NOSTRIS TEM-
PORIBVS POE-
NITENTIÆ
MEMORABILE
EXEMPLVM.

quoscumque alios in sarcinda Ecclesiæ disciplina zelum ipsius æmulaturos, eo quidem vincet ac supereminebit, quod cum illos præclaro exemplo primus accenderit, omnium præmij partem iure consequetur, quoniam auctori & inceptorij cuiusque operis, opera omnia ex illo deinceps opere velut ex semine ac stirpe nascentia, quasi parenti & principi, Deo iudice, assignantur. Illic pœnitentes impositam pœnitentiam non solum volentes suscipiunt, sed etiam impensè flagitant, studiosè obeunt, asperioresque semper ac diuturniores efficere conantur. A sacra Eucharistia summoueri se non patiuntur modò, sed & vltro cupiunt. Ne templum quidem ingrediuntur, indignos se rati, qui seruatorum Dei vocibus suas admisceant, tremendorumque iuxta & venerandorum mysteriorum beatissimo aspectu fruantur. Stant pro foribus altissima humilitate dejecti, cæteris concinentibus, collachrymantes, gemitibusque magis, quàm verbis orantes. Salutari hoc vulnere suorum remedio apud homines non erubescunt, ne Christus eiusmodi filijs apud Deum & angelos olim erubescat. Temporario isto ab Ecclesiæ, quæ cœli imago est, exilio, æternum à cœlo exilium quod erant commeriti, sibi proponunt ac repræsentant. A Deo reuerentiâ deterriti recedunt, vt ipse ad eos misericordia compulsus accedat. Ad domus eius ostium mendicos professi hærent; sed intro inferre sese reos pro-

fessi non audent. Atque in tali vitæ cultu & labore illà Euangelij voce, suauissimâ humilibus, durissimâ superbis, recreant sese ac reficiunt: *Qui se humiliat, exaltabitur; & qui se exaltat, humiliabitur.* Luc. 14. v. 11

Quo exemplo, altoque sermonis existimationisque hominum contemptu planum faciunt, quod ab Augustino præclare dictum est, ignominia ac dedecoris metum cum pœnitentia minimè cohærere, quod vero peccatorum dolore punctus quisque ignominiam ignominia depellit, præsentem futuræ metu, quam pœnam terribile Dei vindicis iudicium in damnatorum animas omnium primam iniiciet. *Est enim confusio adducens peccatum, & est confusio adducens gloriam & gratiam.* Quod ipsum præclare docuit Flavianus in Concilio Constantinopolitano cum Monachis ab Eutychete missis, quod sui copiam Patribus facere nollet, respondit, nemini probro aut dedecori esse pœnitentiam, sed in peccato permanſionem. August. in Psalmi
33. Conc. 2.

Quid talibus omnipotentia Dei miraculis homines obijciant? An *ponent in cælum os suum* Psalm. 72. (vt Prophetæ verbis utar) diuinorum à Spiritu Sancto, quibus animas agit, motuum repetituri rationem, & quod praxi, quam, quia vetusta est, nouitatis insimulant, rursus excitatâ, suam ipse conturbet Ecclesiam, expostulaturi? An tam insigni Christianoque exemplo quo vel flagrantissimorum inflammata, vel languidissimo-

rum extimulata & exsuscitata pietas, exacerbari se exagitarique ferant, dum cœteri omnes religiosius ac diuinius afficiuntur? Quosnam potissimum accusare aggredientur; an Deum, qui solus tales voluntates animis indidit; an Pastores, qui fouerunt; an populum, qui suscepit; an pios quosque, qui earum fructum læti gratulanterque viderunt; an denique vniuersos, qui rem gestam admirantes ac venerabundi acceperunt? Postremò, an id agunt, vt cum summo ætatis huius, quam nonnulli potissimam absolutissimamque prædicant, dedecore verè dici queat, sanctissimas illas & saluberrimas pœnitentiæ regulas, quandiu prima Ecclesiæ disciplina vigit, seruatas, illa primùm deflorescente traditas & vindicatas; eadem grauius depressâ saltem toleratas ac retentas impunè; nunc vero eò recidisse, vt nec seruentur, nec doceantur, nec tolerentur?

Ego vero de tot eruditione ac pietate præstantibus viris veteris disciplinæ Ecclesiasticæ veneratoribus tam iniquè nunquam sentiam, vt vllam huiusmodi cogitationem in eorum animos cadere arbitrer. Quinimo ab ea vsque adeò alienam mentem Ecclesiæ proceribus diuinitus inditam constat, vt Episcopi eximia pietate præclari viros genere & dignitate insignes ad pœnitentiam publicam adduxerint, ob ea etiam facinora, quæ quamuis Deo iudice criminosa, temporum tamen vitio honestis ac laudabilibus annumerantur.

Quocircà spes magna nos tenet, hanc Traditionis Ecclesiasticæ doctrinam, non modo iucundam vniuersis fidelibus fore & acceptam, sed pluribus etiam salutarem, dum principum Christi ministrorum sacro-sancta & non violabili auctoritate commendabitur. Perspectum est enim Ecclesiasticam rem nonnisi auspicio ac studio Episcoporum in pristinum posse locum ac splendorem reponi. Quemadmodum ab Apostolis primùm fundata est: sic à solis Episcopis, Apostolorum successoribus reparari ac renouari potest, qui à regia illa ac diuina stirpe genus nunquam intercisâ serie ducentes, pro primis illis Patribus nati sunt illustres filij, cœlestis super omnem terram principatus hæredes. Nec vero aberret, qui omni benedictione cœlesti quam in alios effunderent illos à Christo cumulosos dixerit, non secus ac Christum ipsum eadem à Patre cumulosum, vt in illos eam effunderet, docet Apostolus. Ex quo præclarâ quadam ratione conuenientia elucet, sicut Episcopos à Christi, sic fideles ab Episcoporum plenitudine haurire omnia oportere.

Cum Ecclesia deficere nunquam possit, cum à Spiritu Sancto semper regenda Christique præsentia ad mundi finem fouenda ornandaque sit; si quid ei labis aut vitij contigerit ab illis refici & sarciri necesse est, in quibus singulari quadam ratione præsidet Spiritus Sanctus, & quibus præsto semper est Christus, quemadmo-

XXXVIII.
ECCLESIAE RE-
FORMATIO-
NEM A SOLO
EPISCOPORVM
ZELO ET AV-
SPICIO SPE-
RANDAM.

*Nicol. 1. epist. 42.
ad Gall. Episc.*

Ephes. 1. v. 3.

dum Apostolis ac per Apostolos eorum successoribus, in quibus etiamnum illi superstites, & ex morte tanquam immortales manent, solennibus illis verbis sponpondit : *Ecce ego vobiscum sum omnibus diebus usque ad consummationem seculi.*

Matth. 28. v. 20.

Quod si nec familijs nisi per earum patres, nec societatibus nisi per coryphæos ac duces, nec regnis nisi per reges suum decus ac splendor reddi ac reponi potest : quis Ecclesiam, quæ familia, societas, & regnum Christi est, aliter instaurari posse putet ac per Episcopos illius patres, duces, atque adeo etiam reges? Eorum enim umbræ ac typi fuere (sicut antè perstrinximus) Israëlitici reges vniuersi à Dauide ad Iosiam, quem præter cæteros hoc loco commemoro, quod vltimus regnum tranquillè habuerit, cumque secundum Dauidem Episcoporum effigiem absolutissimam gereret, Iudæorum religione in eum locum, quo superiorem præstantioremque à primis vsque temporibus nacta non fuerat, restituta, egregiè in primis docuit, Ecclesiam si quando pristinam suam receptura sit dignitatem, nonnisi Episcoporum zelo & consilio recepturam.

Quare cæteri Ecclesiæ ministri dum vtilem animarum saluti operam nauant, eorum quodammodò colonorum sunt similes, qui crebris irrigationibus flores quosdam & arbusculas tuentur ac fouent. At Episcopi suam curam & studium ad Ecclesiæ instaurationem conferentes,

res, amplissimis illis imbribus pares sunt, qui vno impetu totos campos complent, atque vniuersæ, quâ patet, prouinciæ fœcunditatem afferunt. Quod quidem eò congruentius videri debet, quia Scripturæ sacræ nubium typo Episcopos adumbrare consueuerunt, quippe à Deo constitutos, per quos gratiæ demittat imbres & verbi fulmina iaculetur.

Aug. in Psalm. 56.

Porro etsi tot Antistitum eruditione pariter ac dignitate illustrissimorum egregio studio, recentique adeò S. Caroli Episcoporumque ipsius sectatorum exemplo facile adducar, vt confidam doctrinam ex SS. Patrum monimentis depromptam, & à nobis, quàm accuratissimè ac fidelissimè licuit, hoc in Libro expositam, apud veros Ecclesiæ filios in honore futuram & laude: Sanctissimorum tamen virorum auctoritatem violare ipse mihi viderer, si ad eum, quo digni sunt, existimationis ac reuerentiæ locum in Christianorum animis obtinendum, alienis eos & aduentitijs commendationibus indigere arbitrarer. Non enim propterea obseruandi & colendi SS. Patres, quod S. Carolum obsequentem habuerint: sed propterea obseruandus & colendus S. Carolus, quod Patres secutus sit duces. Eorum præsidijs vt Ecclesiæ hostes frangimus: sic nos ipsi tueri ac regere debemus. Alioquin erit quod nobis hæretici exprobrent, *duplici nos* pondere uti, quod *apud Deum abominabile esse* Scriptura docet, dum eorum doctrinam Patrum

XXXIX.
DEBITA SS.
PATRVM AV-
TORITATI RE-
VERENTIA.

Prov. 20. v. 10.

ponderibus examinamus, quibus nostram de moribus & vita examinare refugimus, damnandosque arbitramur, qui ab ea regula discedant, à quâ nos ipsi sponte discedimus. Qui tandem igitur sanctissimorum Doctorem authoritati fideles obstrepere audeant, cum id conari non possint; nisi ut fidei suæ fundamenta subducant, Ecclesiæ doctrinam funditus perturbent, arma denique eripiant, quibus repulit semper antehac, quibus etiamnum repellit, quibus postremo in perpetuum repellat ac deiciet quoscunque demum aduersarios, qui vel fidei eius veritatem infringere, vel morum sanctitatem violare conentur.

Symmach. in Relat. ad Imperat.

Quoniam circumdederunt me canes multi, id est, pro consuetudine, nō pro veritate latrantes multi. Aug. in Psalm. 21.

Matth. 15. v. 6.

Nec verò solum consuetudinis præjudicium quasi vnicam pœnitentiæ regulam cœlestibus illis magistris opponamus. Si enim magnam vim in animis hominum consuetudo habere videatur, ut ab ethnico homine contra Christianos, & à Christianis contra ethnicos scribentibus est dictum: cogitandum vicissim Christum notissimo illo psalmo, ubi suæ seriem passionis exponit, interprete Augustino, prædicare, cruci se affixum, probrisque & contumelijs coopertum, quod veritatem contra consuetudinem assereret, nec enim illi ab inimicis aliam ob causam illata nex, nisi quod veritatem & Dei leges scripturis traditas aduersus traditiones illorum doctrinasque humanas tueretur, quemadmodum ipsum in Euangelio sæpius exprobrantem audi-

mus. Ex quo intelligitur, etsi quæcumque demum consuetudo repudiari non debeat, videntum tamen, ne qua sic vindicetur, ut ad vera dogmata tot seculorum usu praxique firmata, perpetuæque traditionis Ecclesiasticæ præsidio subnixa, damnanda repudiandaque conferatur.

Decet enim aduersus doctrinæ adeò exploratæ diffusæque assertores eandem moderationem adhiberi, quam ipsi in alios adhibent: ne temerè damnentur à quoquam, cum ipsi damnent neminem: neque qui in Ecclesia nullius auctoritatis sunt participes proprium Dei iudicium cordium, Episcopis concessum doctrinarum iudicium inuadant, nec se de aliorum mente atque intimis sensibus iudices voluntarios constituent. Denique illud semper animaduertendum, nos in hac causa id vnum agere, ut aliorum, à quibus laceßiti fuimus, impetum propulsemus: Quinque amplius annos esse, cum priuatis publicisque maledictis, scriptis etiam per omnium manus iactatis, hominum virtute ac fide spectatissimorum fama tentata est: nos tamen à conturbandis vel damnandis alienis animis ac sensibus usque adeo abfuisse, ut ne nos quidem ipsos propugnandos expurgandosque duxerimus: cumque Responßionem ad maledicos libellos absolutam expeditamque haberemus, eâ compressâ perspicuis illos quibus sca- tent mendacijs & commentis, perire sensim &

X L.

QVAMOBREM
ADVERSARI
SCRIPTVM PV-
BLICE REFEL-
LENDVM VI-
SVM FVERIT.

obruï passi simus , dum eorum quos petebant innocentiam & ipsa dies aperiret , & Dei vindicis prouidentia tutaretur. Hoc vero scriptum, quod nunc refellendum suscepimus , eodem consilio, sed maiori fraude, fallaciaque contextum est. Ac licet non publicè editum, sed certis tantum hominibus furtim inculcatum fuerit, ne noxiæ illius efficacitatis à lectorum animis idoneâ responsione auertendæ potestas esset , tamen fœtus & quasi vox ac vindex extitit publicæ illius maledicentiæ, quâ viri integerrimi, qui Ecclesiæ Catholicæ propugnandæ, hæresibusque proterendis se suasque omnes curas & vigilias deuouerant , quasi prauorum dogmatum fabri, nouique hæretici in odium inuidiamque vocati sunt. Illud vero etiam publicè atque aperto Marte agendi nobis causam attulit, quod diuturnum silentium nostrum in eam partem acceptum est, vt deteriora dogmata, quæ profiteri non auderemus, fouere & coquere insimularemur. Quare cum obrectatorum compri-mendorum causâ sensus iam nostros publicè declarare cogamur, permirum profectò videri debet , nos argui aliorum animos perturbare ijs sermonibus quorum imposita nobis est necessitas, & ad eas angustias redigi, vt iam nec loqui liceat , nec silere: quandoquidem vbi filemus, silentium nostrum subdolæ in Ecclesiam machinationis nomine damnatur: rursus vbi sensus nostros doctrinamque sic pandimus, vt Ca-

tholica veritate fundatissimam esse inficiari nemo queat, perturbatae fidelium pacis rei peragimur.

Est vero nobis ad crimen istud ex Gregorio Magno, Bernardoque facilis hæc & expedita responsio: *“ Melius est ut scandalum oriatur, quàm veritas relinquatur. ”* *“ Felix necessitas, inquit idem Bernardus, quæ cogit in melius. Quo exemplo felicem perturbationem dicere licet, quæ veram pacem ac securitatem pariat. Quemadmodum rei publicæ intelligentissimi quique bella interdum suscipienda norunt, ut quies & tranquillitas certior firmiorque efficiatur: ita rerum diuinarum scientiâ instructi facile intelligunt animas conturbari nonnunquam, ut placidissimam pacem consequantur. Cuius rei complura exempla Scriptura suppeditat. Tobias, Daniel, Zacharias, ipsaque Beatissima Virgo Angelorum conturbantur affatu, sed conturbationis illius nubecula diuinissimâ statim securitate dispellitur: Eua contrâ, serpente colloquente tranquilla consistit, sed tranquillitatem illam confusæ mentis æstus angorque subsequitur.*

Quapropter non continuò repudiandum quicquid sollicitos habet homines ac percellit: sed spectandæ motuum illorum causæ, & prosint an obsint exquirendum. Parentes perturbant liberos, dum eorum vitia objurgant & carpunt: sed perturbant ut emendent. Medici perturbant ægros, dum ijs accommodata ægritudini

XLI.

OCCVRRITVR IIS QUI
TIMENT NE EX
HAC DE POE-
NITENTIA
DOCTRINA
TVR BARVVM
ALIQVID
ORIATVR.

a Bernard. ad
Guillel. Abbatem.
b Idem de Prece-
pro & disp. c. 2. ex
Aug. ep. 45.

remedia offerunt : sed perturbant vt sanent. Vtrique iure accusentur , si aut illi liberorum pacem , morum emendationi , aut hi securitatem ægrotantium ægritudinis curationi antepo-
nant.

Ne quis igitur causetur, doctrinam quam pro-
ferimus, scandala in Ecclesia & offensiones com-
mouere. Cum enim Christus ijs qui *unum è mi-*
minis suis scandalizent , horrendum supplicium
est comminatus, designatos ab eo constat ho-
stes atque interpolatores veritatis, qui in dete-
rius alios quacumque demum ratione, seu exem-
plo, seu doctrinâ, seu consilio, seu silentio pa-
rientiâque compellunt. Quod si quis in animum
inducat verbis illis ab eo damnatos omnes, qui
quiduis quo hominum mentes concitentur &
perstringantur afferant : is illum à se ipso dam-
natum efficiet, cum eos *beatos* dixit, *qui in se non*
scandalizarentur, vitæ suæ humilitatem seuerita-
temque doctrinæ pluribus scandalo atque of-
fensionemque futuram significans. Damnauerint eum
& Euangelistæ cum toties scripsere, *in eo scanda-*
lizatos , qui eum audiebant. Damnauerint &
Apostoli, cum *Phariseos audito eius verbo scanda-*
lizatos monuerunt. Damnauerit Apostolus Pau-
lus, cum doctrinam illius Iudæis scandalum esse
conquestus est. Prophetæ denique aduentus
eius prænuncijs tanto ante illum damnarint, dum
lapidem offensionis ac petram scandalum fore prædi-
xerunt.

Quanto æquius dicere nos fas est, nullum in Ecclesia scandalum grauius comparari, nec maius hæreticis aduersus eam adjuumentum & robur præberi, quàm si doctrina omnium Patrum & Conciliorum autoritate consecrata repudietur: Si *pœnitentiæ lachrymæ*, vt Cypriani verbis Cypri. Tract. de lapsis. vtat, *peccatoribus eripiantur*, injecto illis remedij quo sanandi erant contempu & fastidio: si ad tremenda Christi altaria inconsultò protrudantur, vt in ijs, quemadmodum olim ab Ecclesia Romana scriptum est, *properatæ communionis uenena* percipiant: si quod à fidelibus vniuersis tandiu & in honore habitum & vsu seruatum est, temeritatis nunc demum damnetur: si noua quædam velut Ecclesia fingatur, in qua veteris Ecclesiæ alterius instituta quæque sanctissima & probatissima quibus ad pœnitentiam homines vocantur, in eum locum deuenerint, vt iam non contemnenda modò fidelibus, sed & scandalo inuidiæque subiecta videantur: si nouum quasi Euangelium quod pœnitentia ad salutem opus non esse doceat, inducatur, vero Euangelio velut è regione contrarium, quod *nisi pœnitentiam egerimus, omnes perituros* esse pronunciat: si denique nouum nescio quod excogitetur Concilium, à quo decretum sit turbas & scandala in Christianorum animis excitari, dum ad pœnitentiam accenduntur; vt Tridentino Concilio detrahatur autoritas docenti: *Totam Christianam vitam perpetuam pœnitentiam esse debere.* Conc. Trid. Sess. 4. de Ext. V. n. t.

Luc. 13. 2. 3.

Matth. 18. v. 6.

Ista demum est fidelibus metuendorum vera seges & causa scandalorum. Qui vero doctrinam ita Catholicam & concinentibus Scripturæ omnis & Ecclesiæ testimonijs præfultam conuel-
lunt, ijs atroces illæ in scandalorum autorem quemcumque pœnæ à Christo constitutæ longe verius extimescendæ, quàm ijs qui illam salutis hominum causâ vindicant & profitentur.

Matth. 16. v. 23.

Quod si Beatum Petrum Christus repulit, *Satanam, aduersariumque* nuncupauit, *scandaloque sibi esse*, quod à passione subeunda deterret, asseruit: quibus nunc modis eos accipiat, quamque graue scandalum Ecclesiæ ab illis afferri arguat, qui fideles non à perferendâ nece innocentibus ad suum exemplum illata, quod martyrij gratiæ non minus raræ quàm præstantis proprium est, sed à leuiori pœnitentiæ labore peccatorum eluendorum causâ subeundo abstertere contendunt. Qui profecto labor & iustissimus & Christiani hominis officio conjunctissimus videri debet, cum eò demum spectet, vt diuinæ Majestati violatæ suus honor vitiatis peccato mentibus sua sanctitas integritasque refundatur.

Enimvero est quod non mediocriter admiremur, dum ea doctrina in medium profertur, cuius in Christianorum mentes alia vis efficientiaque esse non potest, quàm vt eos ad maiorem aduersus Christum in sacris altaribus acquiescentem cultum ac reuerentiam commoueat, quam-

quamcumque demum perturbationem, quam
 ijs repentè afferre possit, grauiorem ac deterio-
 rem haberi, quàm tot horrenda piacula in Sa-
 cramenti huius diuinissimi maiestatem quoti-
 die suscepta, quibus auertendis instituta est at-
 que huic Libro proposita Ecclesiasticæ doctrinæ
 sententiæque expositio. Quis enim non stupeat
 ita Deum postponi hominibus, vt ne qua in eo-
 rum animis commotiuncula existat, Sancti Spi-
 ritus oracula doctrinæque Catholicæ veritate
 fundatissimæ obruendæ penitus opprimendæ-
 que videantur; execranda vero sacrilegia & con-
 tumeliæ, quibus Christi corpus sanguisque pol-
 luitur, velut inane nescio quid ac leue, nec que-
 rimoniâ nec commemoratione quidem vllâ
 magnoperè dignum, insuper habeantur.

Verum vt volent homines diuinas res acci-
 piant & tractent, pœnitentiam quidem certè
 nunquam ab Ecclesia depulsuros compertum
 habemus. Non deerunt vnquam piæ ac fideles
 animæ, quæ salutaris huius doctrinæ notitiam
 summo studio colant, eiusque obseruandæ gra-
 tiam à Deo & morum integritate & orationum
 assiduitate efflagitent. Imo vero si omnium ho-
 minum pietas & religio labasceret, Deum tamen
 vel lapides, hoc est, Christianos omnium vel
 durissimos excitaturum confidimus, quorum
 vitæ austerioris exemplo pœnitentiæ testimo-
 nium & autoritas tribuatur. Cælum enim & ter-
 ra citius dilabentur, quàm vel minima Euangelij

XLII.

PŒNITEN-
 TIAM SEMPER
 IN ECCLESIA
 MANSVRAM.

vocula, nedum illa quâ Ecclesia Christianaque Religio pœnitentiæ velut fundamento est imposita, vt vel primis S. Ioannis Baptistæ, Christi, Apostolorum, Discipulorum, posteriorumque omnium deinceps Patrum sermonibus declaratum est.

Atque vt pœnitentia ex cæteris orbis regionibus ac locis esset conuulsa, in solitudinibus tamen ac cœnobijs religiosarum sanctarumque mentium studijs exculta semper florebit; quæ non solum pacem à Deo sibi ac veniam peccatorum abundanti iustitiâ emereri, sed alijs etiam pœnitentiæ suæ acerbitate perpetuoque pietatis ardore misericordiam illius conciliare, ac veram reorum emendationem conuersionemque diurnis & nocturnis precibus flagitare non desinent.

Apocel. 11.

Postremò, quamlibet secula consequentia langueant ac remollescant, Scriptura docet, Eliam & Enoch sub mundi finem pœnitentiæ prædicandæ gratiâ processuros, ipso etiam pœnitentium habitu insignes, *amictos saccis*, hominumque duritiâ & obfirmatâ prauitate commotos, tantâ exarsuros iracundiâ, vt diuinam accersentes vindictam *terram omni plagâ percutiant*, vt pœnitentiam qui sponte amplecti noluerint, vel ingratijs subire cogantur. Ex quo intelligitur, quàm grauiter Deus & acerbè hominum peruicaciam & impœnitentiam ferat, cuius odio illos Eliæ vltimi pœnitentiæ præconis operâ, omni malorum ac cruciatuum genere vexat

turus sit. Atque hoc ille à Christo & Ioanne primis priore aduentu pœnitentiæ prædicatoribus differet, quorum vterque nulla vi ac pœna in contumacem inflexibilemque hominum nequitiam adhibita, ad pœnitentiam eos tantum vocare atque inuitare contendit.

Sed quoniam tunc temporis homines nec eam ad quam illos cohortabitur pœnitentiam fuscipere, nec illam quam reluctantibus infliget, ferre poterunt; tanto illius odio efferuescent, vt ei tandem afferant manus, corpusque eius inhumatum triduò relinquentes, adeo immensam quandam ex eius cæde capient lætitiā, vt eam *missis inuicem muneribus* celebraturos Scriptura testetur. *Ibid. v. 10.* At incomparabilis Propheta triduo reuiuiscens, & in cœlum spectantibus inimicis ascendens, nube subuectus, eos ad extremum rediuuius conuertet, quos prius viuens nec mansuetudine delinire, nec seueritate frangere potuerat.

Ita mirâ quadam ratione rerumque ac factorum conuenientiâ & quasi conuentu, quem Deus in maximis quibusque gratiæ prouidentiaque suæ consilijs adhibere consuevit, à pœnitentia cœpit Ecclesia, & in pœnitentiam desinet. Ante priorem Christi aduentum, Ioannem præconem habuit: ante secundum, Eliam est habitura. Ioannes in spiritu Eliæ venisse dictus est: Elias in spiritu Ioannis venturus non abs re dicetur. Quanquam Elias non Ioannem modò,

sed & Christum ipsum referet. Quare pœnitentiam prædicabit, vt Christus; prædicatione illius in odia hominum incurret, vt Christus; interficietur, vt Christus; resurget, vt Christus; postremò in cœlum euectus homines conuertet, vt Christus; eo tantum discrimine, quod Christus Iudæos, quamuis eum nec ab inferis reducem, nec in cœlum ascendentem viderint, Resurrectionis, gratiæque suæ virtute conuertit: isti autem duriores multò obstinatioresque ipso demùm Eliæ resurgentis & gloriâ circumfusi aspectu conuertentur.

*Apocal. 16. v. 9.
ES II.*

Ita Pœnitentiam semper diuina prouidentia tuebitur, quoniam sine illa non magis quàm sine fide aut stat, aut stabit vnquam Ecclesia. Tantumque abest, vt ab hominibus ea deleri possit, vt quod eam homines defugerint, orbem vniuersum extremo illo die tandem delendum Scriptura demonstret. Bis enim Apocalypsis disertis verbis docet, posteaquam Angeli diuinæ iræ administri horrendis plagis homines concusserint, eos tamen *pœnitentiam vt dent gloriam Deo nequaquam acturos*; atque ita varijs terroribus acerbissimisque cruciatibus jactatos, tandem totius orbis incendio absumendos.

Quis igitur Scriptori quem refellimus assentietur, grauissimam vnâ, quæ Ecclesiæ inuehi possit, esse calamitatem, vt homines ad pœnitentiam ante sacram Communionem impellantur, cum supremam omnium & extremam ca-

linitatem quæ vniuersâ mundum ruinâ obruet, propterea immittendam Scriptura sit testis, quod homines ceruicem pœnitentiæ non submiserint.

Sed quemadmodum duos illos præstantissimos Prophetas, vt paulo ante dixi, Deus lapforum restituendorum & conuertendorum causâ missurus est, quod & Sanctorum sit de rebus sanctis & pœnitentium de pœnitentia præcipere: ita ego temerè facturum meipsum statui, si quid hoc in opere de meo exprompsissem; atque has demum meas partes existimaui, vt summos illos viros, quos Deus pro Ecclesiasticorum temporum ratione varijs regionibus & ætatibus produxit, veræ omnes pœnitentiæ totâ vitâ obseruantissimos, etsi acceptæ in baptismo innocentia tenacissimos custodes, loquentes exhiberem, atque in hunc Librum, quasi in Concilium quoddam, vt alibi Augustinus loquitur, coactos adducere, eorumque verbis veram de pœnitentia Ecclesiæ mentem ac sententiam vel docerem ipse vel docerem. Quamobrem nihil mihi ferè operæ ac negotij sumpsi, nisi vt ipsorum orationem gallico sermone conuerterem, & sententias quàm maximè explanarem. A noua vero vlla opinione quam ipse pepererim venditanda ita animus abhorret, vt si quid, quod cum Sanctissimorum illorum Doctorum placitis non prorsus consentiat, occurrerit, iam nunc

XLIII.
LIBRO HVIC
PROPOSITVM
ESSE SS. PATRVM DOCTRINAM IN
MEDIUM AF-
FERRE, RELI-
CTA CVIQVE
ILLIVS EXE-
QVENDÆ LI-
BERA POTES-
TATE.

*Aug. lib. 2. contra
Iul. c. 10.*

ipse repudiem & indictum velim , nullamque ei apud quemquam fidem esse cupiam.

Ceterum verè hoc & ex animo professus , in eos qui hunc Librum sunt lecturi iniquior mihi videar , si quantum honoris eorum quos Pastores, Magistros, & Patres Ecclesia agnoscit & colit , sententijs & doctrinis habituri sint, addubitem. Neque enim metuendum reor, ne auctoritatem illorum vetustiore[m] quàm vt hac tempestate in præcipuis saltem & fixis immobilibusque capitibus retineri conseruarique possit , quisquam existimet , eosque velut duriores ac seueriores in pœnitentes pro nihilo habendos aspernandosque constituat. Caluini est, diuinissimos illos viros nimix in pœnitentia austeritatis damnare : Lutheri, alienum auersumque ab Hieronymo animum, quod ieiunia, laboresque pœnitentibus familiares sapius commendet , profiteri. Nos vero pacis & lucis alumni nihilo minus ab ista fidei hostium procacitate & contumaciâ quam ab impijs eorum dogmatibus abhorremus.

Equidem hac Sanctissimis viris debiti honoris & venerationis cogitatione me adductum fateor , vt eos hoc in opere duces mihi ac præfides adoptarem, eorum vestigijs ingrederer , eorum vterer oculis , ratione intelligerem , verbis eloquerer. Neque enim aliud egi, quàm vt paternæ doctrinæ, quâ vix in Religione vniuersa grauiorem certio[re]mve reperias, pa-

trocinium suscipierem, ne quis eam posthac damnare auserit, & si cui non ad intelligendam illam modo, sed & ad exequendam vitâ & factis aurem cordis Deus aperuerit, parere illi pro sua pietate inferuireque ne dubitet. Nam si quis eo animo hunc à me Librum emissum cogitet, ut pœnitentiæ disciplinam totâ quâ patet Ecclesia, renouem ac recenseam; is consilium mihi affinget, quod in priuato quidem homine fatuum ac delirum censeam; non minoris autem arrogantia quam temeritatis insipientiaque condemnem. Non me præterit, quantum vel ipsa consuetudo in animis hominum valeat, ut quod Romanus Scriptor de quibusdam amicitijs, id Patrum quidam de illa meritò scripserit, dissuendam videri, non discindendam. Quod ergo à clarissimis illis Ecclesiæ luminibus accepi, id fidelibus tradere aggressus sum, institutionis ac laboris huius euentum Deo permittens, cum tantam animorum commutationem à quocumque homine vno, quem etiam Prophetæ vice diuinitus missum constaret, fieri nullo modo posse, ipsâ experientiâ comperissem.

Vnum peto ab ijs qui Librum hunc legere non grauabuntur, ne vitio vertant, si nonnullâ spe teneri me fatear fore, ut voto laborique meo Deus obsecundet, in aliquorum saltem animis, qui prolata hoc Libro doctrinæ vim eò liberius ac libentius accipiant, quod nihil ab in-

uitis vllâ necessitate exigendum extorquendumque decreui. Veram enim intimamque cordis eorum conuerfionem in ipforum magis nutu & voluntate positam volo, quam in orationis fententiarumque mearum pondere & efficiëntiâ, majorem non cupiens quam quantam Deo indere viſum erit in voluntariorum pœnitentium illorum animis, qui gratiam fortaffis aliquam habebunt, ſe de tanta re à nobis admonitos, quam multo ante forſitan eſſent complexi, ſi antea cognitam habuiſſent.

F I N I S.

Illustrissimorum Antistitum Approbationes.

Illustrissimi Archiepiscopi Senonensis.

QUOD ab Augustino præclare dictum est, Eucharistiam venenum fuisse Iudæ, non quia malum accepit, sed quia bonum malus accepit: idipsum non sine maximo doloris sensu fateri cogimur sapius hoc tempore contingere sacro-sancto huic mysterio ac pœnitentiæ Sacramento, cui iam nudum pœnitentiæ nomen relictum est. Hic liber DE FREQUENTI COMMUNIONE inscriptus, quem accuratissimè, & magno cum fructu ac voluptate perlegi, Sacramenti vtriusque abusum, qui contra Ecclesiæ leges ac mentem vulgò increbuit, & hodierni illorum vsus ab antiquo illorum temporum vsu, cum in Christianorum animis primus fidei feruor ac Christiani spiritus primitiæ vigerent, discrimen immensum tam doctè, tam nervosè ac luculenter exponit, vt dubitari nequeat, quin si in lucem exierit, maximam vtilitatem sit Ecclesiæ allaturus. Quare non edendum modo censeo, quod penitus orthodoxam, sanctissimam doctrinam contineat, sed & ab omnibus legi, & ad mores vitamque transferri opto ac voueo. Cuius mei iudicii fidem faciet hæc syngrapha quam scripsi & chirographo meo obsignavi. Senonis IV. Non. Iun. Anno sal. M. DC. XLIII.

OCTAVIUS Archiepiscopus Senonensis.

Illustrissimi Archiepiscopi Tholosani.

CUM plurimos peccatores ad tremenda altaris mysteria crebrò accedentes nullum emendationis vitæ fructum edere ferè compertum sit, intelligere licet necessariam illos animi præparationem ad ea non asferre, adeoque approbatione & laude dignandos, qui diligenter exquirunt ac fidelibus tradunt veram & germanam vitalis almique illius panis capiendi rationem & disciplinam, vt ad Christianæ perfectionis apicem longius in dies prouehantur. Quamobrem lecto à nobis hoc Libro DE FREQUENTI COMMUNIONE in quo autor rectissimam, vt nobis visa est, ad peccatorum odium lapsoꝝ cordibus inurendum, augendumque desiderium animi, & cultum Christi corporis communioni debitum viam tradit, è sacræ antiquitatis vsu, Patrumque & Conciliorum sententijs repetitam: posteaquam in eo multam eruditionem & eximia ad pietatem præcepta. nec quod ab Ecclesiæ mente, aut à bonis moribus abhorreret, quicquam offendimus: ad animarum salutem Deique gloriam spectare censuimus, vt edatur, & à Christianæ perfectionis cupidis accuratè lectus, accuratius obseruetur. Quod his litteris manu nostrâ subscriptis testatum omnibus esse volumus. Parisijs prid. Kal. Iul. A. S. M. DC. XLIII.

CAROLVS Archiepiscopus Tholosanus.

S

Illustrissimi Archiepiscopi Burdigalensis.

CVM ad institutum à Christo Episcoporum munus ex æquo pertineat, prospicere ne illorum curæ ac fidei commissi greges exitialium doctrinarum veneno corrumpantur, & eos qui in tantis malis arcendis & fidelibus in Christianæ pietatis studio retinendis elaborant autoritatis suæ præsidio tueri: in felicitatis loco posuimus, quod post impletam, quoad licuit, priorem huius officij partem publica noxiorum librorum qui ad huius seculi alendas prauitates, vel augendas etiam amplificandasque adornati videbantur, circumscriptione ac censurâ; posterioris etiam præstandæ locus publicâ nobis huius DE FREQUENTI COMMVNIONE Libri approbatione offertur. In eo enim sanctissima & grauissima nostræ Religionis decreta, quæ ad antiquam regendarum animarum artem, & saluiferum sacrorum mysteriorum vsum spectant, tam luculenter explicantur, & firmissimis Scripturarum oraculis, Conciliorum Sanctionibus, SS. Patrum atque Doctorum testimonijs stabiluntur, vt facere non potuerimus, quin vtilissimum & Ecclesiæ in primis necessarium iudicarem, vt sanctissima illius instituta Patrum vocibus hîc expressa à germanis eius filijs cognoscantur & impleantur. Datum Parisijs xvi. Kal. Aug. A. S. M. DC. XLIII.

HENRICVS Archiepiscopus Burdigalensis.

Illustrissimi Archiepiscopi Turonensis.

LIBRVM cui titulus DE FREQUENTI COMMVNIONE, summa cum animi oblectatione legimus, nihilque in eo reperimus, quod veritati Catholicæ repugnet: imo talem esse arbitramur, quem non solum quiuus fidelis inoffenso decurrat pede, sed ex quo vltius discat tam reuerenter Sacris Mysterijs vti, vt ad ea non nisi secundum primitiuę Ecclesiæ vsum & sensum antiquorum Patrum, id est. verè Pœnitens accedat, probetque seipsum iuxta Apostoli præceptum, ne sibi iudicium manducet & bibat non dijudicans Corpus Domini. Illud ipsum est quod omnibus fidelibus Author persuadere conatur, solida ratiocinatione prædictorum Patrum auctoritatibus fulta, quas ita in aduersarios retorquet, tam facili, dilucida, & vera interpretatione, vt nemini dubium esse possit, quin eandem doctrinam omnes Catholici amplecti debeant, tanquam sibi salutarem, & summam erga sanctissimum Corporis & Sanguinis Christi Sacramentum reuerentiam excitantem. Hinc est quod ipsius opinioni ex animo subscripsimus. Datum Parisijs, die xxiii. Iunij, Anno M. DC. XLIII.

VICTOR, Archiepiscopus Turonensis.

Illustrissimi Episcopi Ambianensis.

LIBRI huius DE FREQUENTI COMMVNIONE autor purissimam. primitiuę Ecclesiæ formam natuius coloribus delineat. Propositâ pœni-

tentiæ illius feueritate, quanto antiquis fidelibus peccatum horrore esset, quantæ autem venerationi sacro-sancta mysteria, præclare ostendit. Nescias quid potissimum in eo suspicias, firmissima rationum momenta, an eximiæ antiquitatis notitiam, an flagrantem in Ecclesiam amorem. Nihil hîc non solidum, non Conciliorum ac Patrum autoritate robustum, quorum ex verbis ac sententijs totus penè Liber contextus est: Nihil quod Religionis nostræ sanctitati honorem reuerentiamque ampliorem non conciliet, amissæque pristinæ illius integritatis dolorem ac desiderium vehementius non afferat, dum docet, quàm longè à maiorum nostrorum summâ virtute abierimus, atque ab illo Spiritus Sancti feruore, qui eos ad peccatorum pœnas à semetipsis tantâ feueritate repetendas inflammabat. Quare hoc opere à nobis perlecto & diligenter examinato optandum censuimus, vt omnium manibus tereretur. quo antiquam disciplinam, quæ peccatores acrioribus pœnitentiæ remedijs expurgatos, sacris mysterijs purè ac religiosè adeundis idoneos præstat, nostrâ ætate reuiuiscens videre possimus. Datum Parisijs xiv. Kal. Iul. A. S. M. DC. xliiii.

FRANCISCVS Episcopus Ambianensis.

Illustrissimi Episcopi Lascariensis.

HIC Liber DE FREQUENTI COMMUNIONE tam præclare de Sacramentorum Pœnitentiæ atque Eucharistiæ usu disputat, vt autore sententiam de illo meam requirente teneri non potuerim, quin debitam scripto approbationem scriptoris commendatione cumularem. Tantis diuinæ lucis & gratiæ illecebris Sanctorum Patrum de pœnitentium satisfactionibus ac sacrâ Communione doctrinam expromit, vt Spiritus ille ipse qui Ecclesiam fouet ac regit, stylum eius impulsisse videatur. Frequentiorem communionem non damnat, sed per iustæ pœnitentiæ fructuum viam ad eam contendere hortatur. Non edebatur olim Agnus Paschalis sine amaris oleribus. Æquum est purificandis animis quàm maximè operam dent, qui eius Sacramenti participes fieri cupiunt, cuius comparatione impuri sunt Angeli. Nec vero timendum, ne hoc Libro exposita antiquæ pœnitentiæ ratio Ecclesiam conturbet, cuius prudentiam institutaque omnia veneratur autor ac suspicit; sed sperandum potius, magno plurimis vsui fore, qui tutissimâ ad Deum viâ pergere, & per angustam portam in cœlum eniti gestient. Datum Parisijs viii. Id. Sept. A. S. M. DC. xliiii.

I. HENRICVS Episcopus Lascariensis.

Illustrissimi Episcopi Massiliensis.

NO S Stephanus Puget Dei gratiâ & S. Sedis Apostolicæ Episcopus Dardanienſis, à Christianissimo Rege Massiliensis Episcopus nominatus, sacri Consistorij Comes, Testamur, nos Librum legisſe, cui titulus DE FRE-

QVENTI COMMUNIONE, eiusque de Sacramentis pœnitentiæ & Eucharistiæ deque salutifero illorum vsu doctrinam ita Catholicam nobis visam & solidam, vt publicâ luce dignissimum iudicemus. Cuius rei vt certa sit fides, hanc animi nostri sententiam manu nostrâ subscripsimus. Parisijs VII. Kal. Iul. A. S. M. DC. XLIII.

STEPHANVS Episcopus Dardanienſis, & Maſſilienſis nominatus.

Illuſtriſſimi Episcopi Adurenſis.

ÆGIDIVS Dei gratiâ & S. Sedis Apostolicæ Episcopus & Dominus Adurenſis, Omnibus has litteras lecturis salutem ab eo qui salutis est principium, vita & finis. In Libro cui titulus DE FREQUENTI COMMUNIONE accuratè à nobis lecto nihil deprehendimus, quod Sanctæ Matris nostræ Ecclesiæ Catholicæ, Apostolicæ ac Romanæ dogmatibus aut pietati aduerſetur, vel non penitus congruat. Quin etiam adeo perspicuam ac necessariam recommendâ Magni Pauli præceptionis, *Probet autem seipsum homo*, &c. interpretationem exhibere iudicauimus, vt eum diuinissimus Apostolus ad tollendum diuinissimi Sacramenti abusum hjs temporibus excitasse videatur, quemadmodum eundem ipse suis olim sanctissimis verbis compressit ac sustulit. Quare hunc Librum non approbamus modò, laudamus & magnificamus, sed fideles omnes hortamur, vt eum propensis animis accipiant ac legant, tanquam magni Patrisfamilias munus singulare, cuius prouidentia quod tempore locoque conueniat Ecclesiæ suæ nouit impartiri. Datum Parisijs XI V. Kal. Sept. A. S. M. DC. XLIII.

ÆGIDIVS Episcopus Adurenſis.

Illuſtriſſimi Episcopi Madaurenſis, Metenſis Suffraganei.

CVM Christiano à prima innocentia lapso nihil grauius magisve necessarium sit, quam plenam veramque pœnitentiam complecti, cuius ope à Dæmonis sese laqueis infernisque tenebris eripiat, secundæ innocentie gradum assequatur, amissamque peccatis gratiam recipiat; atque ita Christi corpus dignè suscipere, cuius particeps vnus cum Deo spiritus efficitur, æternæque electorum hæreditatis quasi naturæ ius adipiscitur: Facere non possum, quin huic Libro DE FREQUENTI COMMUNIONE iudicij mei approbationem tribuam, cum duabus istis Christianæ Religionis præcipuis partibus fructuosè ac salubriter implendis leges præscribat, ex antiqua Ecclesiæ disciplina depromptas, Sanctorum Patrum, sacratissimorum canonum, ac Summorum Pontificum testimonijs summâ fide prolatis, verissimèque expositis stabilitas, eximiâ denique differendi vi & acumine firmatas, vt hoc opus ad antiqua diuino lumine ac pietate flagrantissimorum ingeniorum monumenta accedere videatur. Datum Parisijs Kal. Iul. A. S. M. DC. XLIII.

M. MEVRICE Episcopus Madaurenſis.

Illustrissimi Episcopi Aurelianensis.

ECCLĒSIA disciplinæ ordine ac ratione continetur. Disciplina vera & Egermana non est, nisi quæ à spiritu gratiæ, vt fructus à radice proficiscitur; neque inde profecta intelligi potest, nisi quæ maiorum traditione firmata perpetuæ successionis serie ad nos permanauit. Ita cum præclari huius Libri autor Patrum vestigia semper insiliat, nec quicquam eorum doctrinæ nisi nouam lucem addiderit, eorum quos Deus viua Sancti Spiritus organa esse voluit interpretis munere solo contentus, merito videri potest veri ac probi Theologi laudem assēcutus. Nec tantum lucubrationem eius omnium calculo probari oportet, sed & veros omnes Christianos singulari venerationis sensu aduersus disciplinam vniuersorum canonum autoritate consecratam afficere, vt si minus ardoris ac zeli ad eam amplexandam conceperint, sanctissimam quidem certè & ad sanandas animas in primis opportunam agnoscant, certi humilem istam agnitionem ad impetrandas a Deo vires quibus illa aliquando impediatur, vel maxime esse appositam. Datum Parisijs III. Non. Iun. A. S. M. D. C. XLIII.

NICOLAVS Episcopus Aurelianensis.

Illustrissimi Episcopi Maclouiensis.

ACHILLES de Harlay de Sancy, Dei gratiâ Episcopus Maclouiensis, Omnibus ad quos spectabit salutem in eo qui est vera salus. Summa cum animi voluptate perlegimus librum cui titulus est DE FREQUENTI COMMVNIONE. In eo autem nihil quod sanæ doctrinæ, vel pijs moribus aduersetur; Omnia autem cum Sacro-sanctorum Conciliorum ac Orthodoxorum Patrum doctrina apprimè conuenientia deprehendimus. Quapropter dignissimum censēmus qui publici mereatur fauoris applausum. Datum Lutetæ Parisiorum die XXI V. Iunij, Anno reparatæ salutis M. D. C. XLIII. A. DE HARLAY, Episcopus Maclouiensis.

Illustrissimi Episcopi Vasatensis.

EGO Henticus opus hoc inscriptum, DE FREQUENTI COMMVNIONE legi, & pretium legenti fuit iterandæ lectionis auditas, quam sensi ipso labore aut potius ipso fructu crescere. Inde votum vt tereretur & amaretur ab omnibus quos religionis amor, quos diuini epuli legitimus ardor agit; qui ab eo audirent de re tanta Scripturarum oracula, Patrum placita, Conciliorum decreta, non adulterata, non torta, non vaga, non alterius fide intrusa, sed à suis petita fontibus, proprijs distincta sedibus, & natiuis descripta coloribus; qui, vt verbo dicam, viderent in illo antiquam Ecclesiam suis aris dignè consulentem, verè scituri quid illa crediderit, quid factitarit: quam frequenter

suos sponſi ſanguine potaret, quos nouerat ardentes & effundendi pro ſponſo ſanguinis auidos; quam raro è contra aris admoueret quos nouerat ſeiſiſ nondum penitus exutos, C H R I S T V M plene nondum indutos, vt hac morâ, tanti myſterij pretium, & amorem inſpiraret; Quam ideo aſpere eos inſectata, qui non vocati niſi ex otio, aut ab humano die, aut ab homine rerum dininarum imperito, ſe ſe in anguſta illa ac iſiſ Cœlitibus formidanda myſteria protruderent; quanto denique rigore illa reuoluerit & expenderit nuptialem & candidam eam veſtem, quam iubemur immaculatam perferre ante tribunal C H R I S T I, aras prohibitura ſi veſtem labes infeciſſet, nec reſeratura niſi longo lacrymarum fluxû ad candorem ſalutaris vndæ rediſſet. Hæc fuere naſcentis Eccleſiæ florentiſſima tempora, hæc fuit illius ſapienſiſſima circa cœleſtes menſas œconomia, & ea quæ ſollicitam ſponſam decuit auſteritas, quam nimîa huius noſtri æui licentiâ pene exanguem & emortuam oprat reuiuſcere hic noſter numquam ſatis laudandus Auſtor. Cuius bene precati conatibus, librum hunc typis ſemper victuris dignum cenſuimus. Datum Vaſati ſexto idus Aprilis anno Domini M. D C. X L I I I.

H E N R I C V S, Epiſcopus Vaſatenſis.

Illuſtriſſimi Epiſcopi Coadjutoris Montalbanenſis.

HIC Liber DE FREQUENTI COMMVNIONE quem legimus, ad debitam ſacro-ſanctæ atque adorandæ Euchariſtiæ venerationem excitandam renouandamque aptiſſimus eſt viſus. Nimium quippe deplorandâ experienciâ compertum eſt Chriſtum hoc myſterio oculis noſtris ſubduſtum iuſdem paſſum contumelijs affici, quas quondam apud Caiſpham velo faciem obtegente perpeſſus eſt. Et quemadmodum in Pilati prætorio multi flexo genu ante ipſum procumbunt, paucis aut nullis diuinæ ipſius maieltati corde ſubjectis; ſicut quem vniuerſa cohors ioculari adoratione illudit, vnus Centurio venerabundus agnoſcit: ita plurimis ad eius corpõs communionem aduolantibus pauciſſimi gratiæ illius ſpiritum aſſequuntur. Sed quamcumque Chriſtus in hoc myſterio dum ſeſe communis cibi ſpecie offert benignitatem præferat, nihilo minori nobis ſtudio humilitas eſſe debet, quâ propriæ indignitatis conſcij ab eo recedamus, quàm pœnitentia quâ deletis peccatorum maculis ad eum reuocemur. An hoc vitæ fructu vetus Adam veſci mereatur, cui fructus illius qui huius ſymbolum & vmbra mera fuit, deguſtandi ne ipſa quidem innocentia poteſtatem fecit, niſi ſingularis Dei voluntas conſeſſioque accederet? Vt qui peccato nefariâ criminum conſuetudine implicitus manet, ab omni proſus communionem repellendus eſt: ita cuius voluntas nondum peccati ſtudium guſtumque penitus abiecit, à Communionis frequentiâ continere ſe debet. Verum ita in hoc genere Eccleſiæ diſciplina extremis hiſce temporibus deferbuit, vt ruruſ cœleſtes Cherubini qui à veriore hoc terreſtri paradifo prophanos myſteriorum violatores excluderent, poſtulandi à Deo viderentur, niſi ſpes eſſet Theologos

antiquâ Ecclesiæ scientiâ illustratos, pristinaeque ipsius gloriæ zelo ardentibus stylo effecturos, quod igneus ille gladius ad iustissimam ultionem olim à Deo adhibitus, effecturus fuit. Quo in numero quoniam huius Libri autorem reponimus, utilissimum Ecclesiæ fore arbitramur, eius opus publicâ luce donari. Datum Parisijs IV. Non. Iul. A. S. M. DC. XLIII.

PETRVS Episcopus, Coadjutor Montalbanensis.

Illustrissimi Episcopi Sancti Papuli.

EXIMIVM hunc DE FREQUENTI COMMVNIONE Librum orthodoxum censeo. Ad huius ætatis languorem & corruptelam utilissimum imo necessarium fuit hoc argumentum altius penitusque tractari. Quicumque integrè ac Christianè sentiunt, absolutissimi operis huius euulgati gratiam auctori debent. Sanctorum Patrum, Conciliorum, Ecclesiæque antiquam doctrinam summâ fide profert, summo consilio euoluit, summâ perspicuitate pietateque illustrat: ad eius denique cultum & usum tanto rationum pondere trahit, ut ei non obsequi nihil aliud esse videatur, quam pertinaciæ contumaciæque litare. Non minus tuta salus animas cõ reuocari, unde blanditia indulgentiæque nimia eas detorsit, quam periculosa mollities cuius misererrimam licentiam turpis & fœda assentatio induxit. Sic censeo. Mediolani Santonum VIII. Kal. Aug. A. S. M. DC. XLIII.

BERNARDVS Episcopus Sancti Papuli.

Illustrissimi Episcopi Catalaunensis.

DOCTRINA hoc Libro DE FREQUENTI COMMVNIONE tradita meo iudicio perquam sana est, Ecclesiæ menti ac disciplinæ consentanea, atque omnibus qui eam penitus percipere voluerint, plurimum utilitatis allatura. Hoc ei post accuratam lectionem animi nostri testimonium deberi censuimus. Parisijs XV. Kal. Aug. A. S. M. DC. XLIII.

FELIX Episcopus & Comes Catalaunensis.

Illustrissimi Episcopi Briocensis.

ECCLËSIA feliciter renalescit, cum ad antiquam sese refert virtutem: disciplina eius nouum colligit robur, cum pristinum feruorem recipit: vera eius & solida doctrina enitescit, cum noua falsaque dogmata Christianæ Religionis decretis validè oppugnantur. Quamobrem hic Liber, qui DE FREQUENTI COMMVNIONE titulum præfert, summâ omnium voluntate accipiendus, omnibusque probandus videtur. Antiquum in eo Ecclesiæ primitiuarum spiritum agnoscimus; antiquamque illius disciplinam verè candideque deductam perpetuâ seculorum serie, canonum institutis, Conciliorum decretis, Patrum sententijs, quorum testimonia fide integrâ repræ-

sentat, accuratè interpretatur, verè exponit. Auctor, Ioannis Præcurforis instar, aduenienti Agno peccata mundi tollenti vias pœnitentiæ parat & demonstrat. Docet cum Apostolo probare nosmetipsos priusquam sacris epulis innocentiâ amissimus, nouam posteriori lachrymarum ac veræ pœnitentiæ baptismate comparandam. Denique omnium Ecclesiæ seculorum vsu, qualis etiamnum esse debeat, satisfactionis vsus ostendit. Ita in integrum restituendo vtiliter studet ei Sacramento cuius omnes partes hac ætate conuulsas videmus: Contritionem nimiam leuiorum attritionum tenuiumque pœnitentiæ signorum fiduciâ: Confessionem innumeris versutijs ac fucis quibus vulgus imbuatur: Satisfactionem laxiori aduersus peccatorum duritiem indulgentiâ, promiscuâque præmaturè absoluedi facilitate. Quibus rationibus adducor, vt auctoris huius zelum ac pietatem prædicem, operi eius libentissimè calculum meum apponam, palamque profitear, parum mihi fore videri, nisi hoc meum chirographum Diœceseos meæ vsu & praxi comprobetur. Parisijs die ipso natali S. Ioannis Baptistæ M. DC. XLIII.

D I O N Y S I V S Episcopus Briocensis.

Iudicium Synodi Prouincialis Aufcensis

Anni M. DC. XLV.

VNIVERSA Aufcensis Prouincia in Prouinciali Cœtu anni 1645, cui adfuerunt Illustriss. Archiepiscopus Aufcensis, ac decem Episcopi Suffraganei, plurimique inferioris ordinis Ecclesiastici vna voce & consentientibus suffragijs hunc Librum DE FREQUENTI COMMVNIONE approbavit: vt constat certissimo trium ex eo numero Episcoporum testimonio, qui ad generalem totius Prouinciæ approbationem peculiare suas adjungere voluerunt, quas è gallico in latinum conuersas hîc exhibemus.

Approbatio Illustrissimi Episcopi Oloronensis.

CHRISTIANI appellationem immerito sustinet, qui reipsa & factis implere non contendit, quod tam augusto nomine profitetur. Christi vero mors ac resurrectio Christiani fidem omnem continent & complectuntur. Mortuus est propter delicta nostra, resurrexit propter iustificationem nostram. Propter nos mortuus est, vt nobismetipsis moriamur. Propter nos resurrexit, vt ipsi ac propter ipsum viuamus. Baptismate, qui Christianæ Religionis aditus & ianua est, cum ipso consepulti sumus. Eucharistiæ mysterio, carne illius alimur, & in ipso manemus. Quod si quis exitiali ignauia tantæ dignitatis immemor, receptam semel innocentiam nouo crimine decoxerit, ad pristinæ integritatis honorem veræ pœnitentiæ ope redire, & decurrentibus lachrymarum riuiis velut altero baptismate sese expurgare contendat necesse est. Hoc enim si priusquam perfecerit diuinis altaribus manum

num afferre non dubitet, nihilo minoris temeritatis culpam suscipiet, quam si non regenitus diuinis epulis sese obtrudat. Mundo ac sibi moriendum, si quis mortis Christi fructum percipere velit: noua induenda vita, vt eiusdem resurrectionis beneficijs perfruatur. Excutiendæ penitus animi latebræ ac recessus, idoneaque perfectæ cordis ad Deum conuersionis indicia bonorum operum fructu, virtutum exercitatione, defæctæ charitatis officijs comparanda. Denique, vt verbo dicam, moriatur oportet vt reuiuiscat: Christi tumulum subeat, vt ipsius gloriæ vim efficientiamque capere possit, seriatimque sui ipsius probatione se iam non se dicere queat, priusquam ad mysterium aspires, quo vna cum Christo caro vnusque spiritus efficiatur. Hæc Liber DE FREQUENTI COMMUNIONE non minus neruosè quam copiosè demonstrat. Quare faciendum mihi existimaui, vt doctrinæ sanctissimæ, omnibusque qui salutis æternæ desiderio ingemiscunt vtilissimæ cum vniuersa nostra Prouincia suffragarer. Porro quo altiore in gregis mihi crediti animos eius amorem reuerentiamque infererem, hoc singulari etiam testimonio declaratum volui quanti eam faciam, quantoque affectu disciplinam adeo salutiferam, totque ac tantis Patrum, Pontificum, & Conciliorum auctoritatibus hoc Libro egregiè constabilitam vbique obseruari exoptem. Datum in vrbe Palensi Nauarræ Parlamenti sede XI. Kal. Maij M. DC. XLV.

ARNALDVS DE MAYTIE Episcopus Oloronensis.

Illustrissimi Episcopi Lectoratenfis.

CVM doctrinæ iudicium ad Episcoporum munus præcipuo iure pertineat, & Pastoralis eorum sollicitudini commissi fideles ex ipsorum labijs simul cum scientia eiusdem doctrinæ decreta exquirere possint ac debeant: culpæ me obnoxium arbitrarer, si posteaquam Librum DE FREQUENTI COMMUNIONE spirituale pabulum agnouî gregi curæ meæ diuinitus credito quam maximè salutiferum, non illud ei portigerem, & hoc nomine in primis commendarem. Quod vero complures simulata pastorum & agnorum specie Librum hunc noxium ac pestiferum fingere iactareque in vulgus ausi sunt: ad Episcopos vt veros Pastores, legitimofque iudices, quibus ius est sanitatem à lepra, verumque à falso secernere, adeoque ad nos spectat testimonium veritati quam integerrimum & ab omni reprehensione alienum apud populum Christianum tribuere, cuius est nos audire ac pastores sequi, si verarum ouium locum tueri velint. Quare est cur summo perè miremur miserrimis hisce temporibus Pastorum voci minus quàm mercenariorum præberi aures, filiosque alienis maiorem quàm parentibus fidem habere. Cæterum, quisquis mei suffragij futurus sit exitus, id diutius debere non potui, cum & animi mei conscientiæ obsequi, & Euangelicæ veritati totius Ecclesiæ, Conciliorum, & Sanctorum Patrum auctoritate firmatæ id honoris habere iubeam, vt eam ubicumque emicuerit, vltro agnoscam & venerer, & ad eius præsidium omnem acceptæ ab ea potestatis vim

atque amplitudinem conferam. Hanc vero vniuersam illi in hoc Libro DE FREQUENTI COMMVNIONE asserendæ vindicandæque sanè quam libens impendo, iudicijque istius mei calculum vnanimi & consentienti Illustrissimorum Collegarum meorum decreto, quo sanam eiusdem Libri doctrinam in postremis Prouincialibus comitijs comprobant, reuerenter & amanter adjungo. Quod vt omnibus constet, has litteras scripsi, & chirographo ac sigillo meo obsignaui. Lectorates IV. Kal. Maij M. DC. XLV.

I. DESTRESSES Episcopus Lectoratenfis.

Illustrissimi Episcopi Tarbensis.

ET si Christus vehementiori seipsum Apostolis in sacratissimo Euchari-
stia mysterio tradendi cupiditate teneretur, vt ipse est testis: ineffabilis
tamen consilij huius euentum vsque ad pridie quàm è vita excederet distul-
lit, & quantumcumque vis amoris vrgeret, immensa sapientia eam velut
compressit, quoad illorum corda diuinis institutionibus ac præceptionibus
suis exulta ad sacratissimum istud epulum, quo vt ipsius amoris summa,
ita mysteriorum omnium cumulus continetur, comparasset. Hoc vero Dei
humanam naturam induti, vt factis ac verbis ineundæ nobis vitæ formam
proponeret, exemplo docemur, quamlibet acri ad Communionem studio
impelli videamur, præcipiti tamen festinatione animo nostro nunquam in-
dulgendum. Laudanda quidem vel maximè animi affectio est, cœlestem il-
lum animarum cibum flagrantius expetere, quandoquidem sanctam hanc
esuriem Euangelium cœlo & felicitati ascribit, dum beatos pronuntiat, qui
ea vrgeantur, sed tamen vt vera sit, non fallax & fucosa esuries, creaturarum
rerum cupiditate sui que ipsius amore vacuum animum præstet necesse est.
Quàm maximam vim calorisque abundantiam animæ nostræ sinu ac velut
stomacho collectam esse oportet, vt tantam escam concoquat ac conficiat,
si tamen de eo cibo ita loqui fas est, qui eximio miraculo non in edentis na-
turam vertitur, sed eum transformat, in seque conuertit. Est utique votum
Christiana mente dignissimum oris sui osculum à Christo postulare, sed ex-
purganda prius ignito Prophetæ calculo labia, quàm tantæ felicitatis apicem
appetere liceat. Solius Sponsæ est hanc gratiam præsumere. Quare ante-
quam sacro-sancta subeamus altaria, videndum etiam atque etiam quam bel-
lè nobis appellatio ac dignitas ista conueniat, quæ flagranti in Deum amore,
non verbo ac lingua, sed re ac veritate expresso, perspicitur. Alioquin ma-
gnoperè metuendum, ne Christo ludæ osculum offeramus, non ab ipso Spon-
si ac Patris osculum assequamur. Denique piè & sanctè Christum æmulatur,
qui ita se illi conjunctum vult, vt ipse se nobis conjunctum voluit. Ac quem-
admodum ille præformandis discipulorum animis, atque ad hanc sacratissi-
mam conjunctionem imbuendis, temporis spatium adhibuit, ita in hoc ipso
premenda eius vestigia, vt per otium ac sensim nosmetipsos probemus, &
diuinissimo Emmanueli, qui vna nobiscum habitare, & in cordibus nostris

regiam sedem collocare cupit, viam aditumque comparemus. Nunquam igitur vel supra meritum laudabitur auctoris DE FREQUENTI COMMUNIONE zelus, vel pro merito Liber eius probabitur, dum mira portenta refellit, à nouitijs quibusdam animarum rectoribus excogitata, qui quosuis promiscuè quamlibet criminibus oneratos, dummodò prius ea confessi & relapsiendi voluntatem, quam frequentissima peccatorum eorundem vicissitudo cassam inanemque ostendit, professi fuerint, ad diuinam mensam ignauissima quadam indulgentia superbaque temeritate propellunt. Rectè ergo monet longiorem moram interponendam, vt certiora firmioraque emendatæ vitæ argumenta capiamus, & aliquandiu in solitudine fletibus ac suspirijs instandum, priusquam cœlesti manna satiemur. Non mediocriter gauisus sum, cum ab vniuerso Prouinciæ nostræ cœtu doctrinam hanc saluberrimam vna voce probatam vidi, eique lubentissimè cum viris tantis suffragium meum adjeci. Quo autem testatior animi mei sententia foret, placuit hanc etiam tabellam chirographo nostro insignitam & amanuensis nostri manu subnotatam extarre. Tarbæ IV. Kal. Maij. A. S. M. DC. XLV.

S. DIHARSE Episcopus Tarbenfis.

Approbationes Doctorum.

Approbatio R. D. Castellani in sacra Parisiensi Facultate Theologiæ Doctoris, & Metropolitane Ecclesiæ Parisiensis Canonici.

LIBER DE FREQUENTI COMMUNIONE à D. Antonio Arnaldo Doctore Sorbonico conscriptus, salutarem institutionem ex SS. Patrum doctrina, atque antiqua Ecclesiæ praxi depromptam exhibet, qua Christianæ animæ in Sanctissimo Eucharistiæ pane, qui Angelorum ac fortium panis, ac solidus, auctore Apostolo, perfectorum cibus est, vsurpando, regantur. Quare meritò censet auctor in diuina illa esca tribuenda, alio modo tractandos, qui vel baptismatis sanctitatem inuiolatam seruauere, vel peccatorum maculis pœnitentia deletis secundam gratiam studiosè tumentur ac retinent: alio homines à lethali ægitudine tantùm emergentes, ex qua ea illis infirmitas ac languor hæreat, vt è solido alimento, non eum quem sani & valentes fructum capere queant. Interdictio vel dilatio cœlestis illius cibi vitæ spiritualis incolumitati nihil officit, sed perceptio illius tum demum eam auget ac vegetat, cum animus à Christi gratia eas quibus ad frequentem Communionem sanctius componatur, vires ac firmitatem acceperit. Quocirca consilium auctoris cum antiquo Christianorum vsu SS. Patrum ab eo laudatorum testimonijs confirmato planè contentit: nec difficilius cuiquam aut seuerius, sed potius longè vtilissimum videri debet, cum peccandi licentiam quasi vinculis quibusdam coerceat, Christianosque ad supremum regem ac dominum diligentius, religiosius, amantiusque accipiendum adducat. Quare Librum eius pietate sanctitateque insignem censeo, nec in eo quicquam

legi vel animaduerti, quod fidei Catholicæ, Apostolicæ, ac Romanæ, bonif-
que moribus omnino non congruat. Quod chirographo meo confirmaui.
Idib. Iul. A. S. M. DC. XLIII. CHASTELLAIN.

*R. D. Fabri S. Theologiæ Doctoris Sorbonici, Aurelianensis
Ecclesiæ Theologi.*

I E S V S , M A R I A .

FAXIT Sanctissima Trinitas IESU-CHRISTI Domini nostri supremi
Sacerdotis ac primi Episcopi meritis, vt ego Sacerdos pacificus pacem
inter fratres meos conciliem. Librum DE FREQUENTI COMMVNIONE
à D. Antonio Arnaldo, Doctore Sorbonico conscriptum intentius legi.
Alij putant consilium ei esse, vt à frequenti nos Communione deterreat:
alijs verentur, ne nos ad rigidam sanctissimorum primitiæ Ecclesiæ institu-
torum obseruationem adigere conetur. Non eò spectat eius animus, sed vt
Christianis omnibus Conciliorum, Patrum, Ecclesiæque Doctorum men-
tem ac sententiam aperiat, eos qui Eucharistiam frequentare velint, sanctos
esse oportere, innocentes, vitæ secretioris & à detestandis sæculi moribus at-
que infelicissimis voluptatibus alienæ appetentes, rectorum & angustorum
Euangelij callium sectatores, dum vel Baptismatis gratiam singulari Dei be-
nignitate retinent, vel eâ lapsi laboriosæ pœnitentiæ subsidio, per quam à
sanctissimo Christi corpore & honoris causa & congruentioris tanto myste-
rio præparationis gratia se abstinere, Dei amicitiam sibi magna eius miseri-
cordia reconciliare contendunt. Nonne hæc via atque hæc doctrina aposto-
lica est? Nonne hoc ipsum seu rarius, seu crebrius communionem ventibus
præcipiendum, vel ad tanti regis honorem, vel ad eorum qui Eucharistiam
adeunt utilitatem & fructum? Neque enim vbi Sacerdoti peccata enarra-
runt, continuo reconciliati sunt Deo, nisi serio doleant, & in posterum diuini
amoris studio vitam in melius referre, à sæculi moribus se se abducere, car-
nem vexare, ac sancti Euangelij pœnitentiæ & crucis disciplinam indigentis
decretis parere, firmo ac fixo animi motu constituent. A quo statu Eucharis-
tiam frequentantium plerique longè absunt, vt & qui semel tantum, bis,
terve in anno eam accipiunt. Sancta quidem Ecclesiæ canit: *Pinguis est panis
Christi, & præbebit delicias regibus.* Quotus verò quisque est, seu frequentior
in Communionem, seu infrequentior, qui spiritualem illam voluptatem & deli-
cias capiat? Quotus quisque est, qui Communionis crebritate à publicis
ambulationum curriculum, à saltantium choris, à circulis & congressionibus
amœnioribus, à conuiuiorum ad luxum & voluptatem comparatorum con-
suetudine abducatur? Sæpe nos ad cœlestem sanctamque lætitiæ christianæ
religionis oracula vocant: *Ierusalem, gaude gaudio magno. Letetur Israël in
eo qui fecit eum, & filia Sion exultent in rege suo.* Eucharistiam tamen vel fre-
quentius vel rarius percipientium pauci hæc capiunt. *Animalis homo non per-*

capit ea quæ sunt spiritus Dei. Vnde & moribus atque institutis planè ethnicis mundi gaudia, periculosas voluptates, comœdias, aleam, aliaque sæculi filiorum oblectamenta venantur. An verò tales Christianæ Religionis participes, aut de Baptismi votis ac promissis magnopere sollicitos censeas? Si quid nobis veri atque integri sensus superest, in Christianis plerisque regionibus templa diruta, euerfos populos, hæresum lue, bellorum cladibus, nunc etiam annonæ gravitate vexatos videre licet; propterea nimirum quod Baptismi gratiam vel incolumem tueri, vel amissam vera pœnitentia recipere nihili pendunt, sed confessionibus ac communionibus sacrilegis indulgent. Atque hæc recogitat nemo. Numquid excœcavit nos ignavia nostra? Calamitatis nostræ fontem nemo intuetur. O quàm nobis Sacerdotibus, Concionatoribus, Missionarijs, Confessoribus illa Dei per Ieremiam edita reprehensio extimescenda: *Curabant contritionem filia populi mei cum ignominia dicentes: Pax, pax; & non erat pax.* Quam multi tum sæpius, tum rarius Eucharistiam sumunt, qui ne ad Baptismum quidem, si decisset, suscipiendum idonei forent? Neque id tantum in insigniorum urbium, oppidorum, vicorumque parœcijs, sed & in præcipuis etiam Religiosorum familijs, siue ea spectes quæ contra fidem, siue quæ contra bonos mores ac vitæ christianæ præcepta peccantur. Hinc illæ lachrymæ, hinc calamitas Christianorum, qui Religioni cui se addixerunt, quæ mysterijs, quæ Sacramentis, quæ consilijs & legibus longè sanctissimæ, integritati vita ac factis minimè respondent. In tot ac tantis difficultatibus, ex celeberrima Sorbonæ domo, splendidum sidus, ad communem fidelium omnium tum spiritualium, tum secularium, dummodo oblatâ luce frui velint, utilitatem, singularis Dei bonitas excitauit. Libri huius autorem vberissima sapientia illum esse prodit animarum rectorem, quem B. memoriæ Episcopus Geneuenfis ex decem millibus felligi iubet. Rectorem, inquam, & Magistrum, non vulgi fidelium modò, sed Concionatorum, Missionariorum, Confessorum. Vnde & cum Israëlítico populo dicere licet: *Eamus ad Videntem*; Verba vitæ, Euangelijque IESU-CHRISTI Domini nostri docebit. Ne illorum peruicacitatem æmulemur, qui in Ieremiam Prophetiæ dono & insigni in Deum fide præstantem contumaces, sibi dedecus & ignominiam pepererunt. Hic enim liber præceptis adeò veris, christianis, catholicis, pijs, sanctisque refertus est, ut si vel ipse D. Antonius Arnaldus qui tantam in eo lucem fidelibus effundit, vel quiuvis alius, vel etiam Angelus contraria docere aggrediretur, audiendum non putarem. In tam deprauati sæculi caligine hic profectò singulari Dei beneficio eluxit, qui rectam paradisi, veræque animorum quietis ac pacis viam monstraret, qui ad cœleste regnum duceret, qui Sanctorum denique scientiam, non eius tantum Theologiæ quæ in scholis versatur, aut quæ è SS. Patrum monumentis profertur, sed eximia etiam illius quæ in moribus componendis occupatur, luce ac subsidio subministraret. Huius vltimæ gratia laudo illum potissimum ac probò, quod eam maximè Christus & verbis docuerit, & factis expresserit, quam tamen summo temporum nostrorum

dedecore pauci iam appetunt, pauci exquirunt, pauciores exequentur. Ita quivis, opinor, intelliget, quàm præclare de hoc libro sentiam, quem ex animo probo, laudo, commendo; nec ijs modò qui perfectæ virtutis viam sectantur fructuosissimum, sed & vulgò fidelium, qui cum annos complures fallacibus promissis Presbyteros malè credulos eluserint, à moribus planè ethnicis ad christianam pietatem remigrare, eamque studiosius tueri nolunt, planè necessarium prædico. Quin etiam eundem Confessoribus, tum Ecclesiasticis, tum Regularibus parum à prudentiâ, parum ab usu atque experientia instructis, tum in vrbibus, tum in vicis apprime accommodatum & salutiferum fore existimo. Vt hoc sentiam ac prædicem **C R I S T I I E S V** in nos omnes effusa charitas, amor singularis quem tot nominibus Ecclesiæ debeo, tot denique annorum experimento quæ sita notitia me compellit. Ac Regum, Principum, Optimatum, Magistratuum, vel ad cœlestem gratiam, vel ad præsentem populorum felicitatem permagni interest, vt opem suam & præsidium ad Christianæ Religionis collapsum decus ex huius libri doctrina instaurandum conferant. Datum Aureliæ. v. Kal. Nouemb. A. S. M. DC. XLIII. **LE FEBVRE.**

R. D. Flauinj Doct̃oris ac Socij Sorbonici, Litterarum Hebraicarum in Parisiensi Vniuersitate Professoris Regij, necnon Ecclesiæ Metropolitanae Rhemensis Canonici.

NEc sancta canibus dari, nec maiores omni pretio margaritas porcis proijci decet. Nihil luci commune cum tenebris, nec sine piaculo Christo Belial confociari potest. Denique vt verbo absoluam, Sancta Sanctis seruanda. Cum ergo diuinissimo Eucharistiæ Sacramento nihil sanctius, Christi corpore & sanguine nihil pretiosius, eum qui mensæ dæmoniorum paulo ante assederit ad Christi mensam continuò adhibere, quæ tandem ratio est? In Euangelio qui Regis aulam filio nuptiale præbentis conuiuium veste nuptiali carens ingreditur, pedes ac manus ligatus in exteriores tenebras detruditur. Quin etiam autor est B. Paulus eam ob causam plerosque iactari morbis & repentina morte opprimi, quod ad sanctissimum illud tremendumque mysterium minus parati ornatique se conferant. Probet enim, inquit magnus Apostolus, seipsum homo, animique sinus & latebras excutiat, quoniam qui panem illum manducat, aut calicem haurit indignè, iudicium manducat & bibit, non dijudicans corpus Domini. Quare cum his temporibus homines mira quadam cœcitate ab Apostolorum & Christi disciplina adeo descivisse perspicuum sit, vt illius vel ad extrema vsque vestigia obliterationem studio habere videantur: ijs gratia pro meritis haberi non potest, qui dictis ac factis eandem ad usum reducere, primorumque Christianorum pietatem ac zelum ab interitu vindicare contendunt. Hoc vero Liber **DE FRE-
QUENTI COMMVNIONE** à D. Antonio Arnaldo Doctore Sorbonico

publici iuris factus, tanta argumentorum perspicuitate, dignitate, ac robore perficit, vt sine assentationis nota præstantissimum opus facile dici queat. Quod ei me testimonium impertiri animi mei sententia & fides iubet, lectorique omni asseueratione confirmare, nihil ab eo non summè orthodoxum sanumque proferri. Datum in Collegio Sorbonæ xvi. Kal. Iul. A. S. M. DC. XLIII.

VALERIANVS DE FLAVIGNY.

R. D. Feroni, Doctoris ac Socij Sorbonici, in Carnotensi Ecclesia Canonici, & Archidiaconi Dunensis.

LIBRI huius DE FREQUENTI COMMVNIONE doctrinæ, veritatis Lac sanctitatis laudem eò securius & fidentius testimonio meo tribuere possum, quod eâ in primarijs regni huius vrbibus è sacro suggestu sæpe propositâ expertus sum, non aliam vel ad fidei Christianæ communem sensum, vel ad animarum emendationem conuersionemque accommodatiorem reperiri. Semper enim tantus eam plausus, tanta omnium gratulatio consecuta est, vt cœlestem quandam vim & efficacitatem hisce diuinæ veritatis oraculis adjunctam penè oculis intuear. Ac iamdiu optavi existere aliquem excellenti facultate, eximijs ingenij dotibus, & Christi gratia in primis instructum, qui ea eruditione, & pondere grauitateque orationis quam hic Autor præstitit, Ecclesiæ, Conciliorum, Sanctorumque Patrum veram super his rebus sententiam proferret. Semper enim precibus assiduus à Deo flagitandum putavi, vt maiorem in Ecclesia Pastorum numerum, qui B. Caroli more Sanctissimam istam regendarum animarum rationem tenere vellent, excitaret. Quippe publicis & illustribus exemplis constat, Christianum populum ad disciplinæ huius praxim facile accessurum, vbi aderit dux, à quo in regiam hanc & Euangelicam viam constantis zeli ac veræ pietatis exemplo inducatur. Datum Carnuti xii. Kal. Maij. A. S. M. DC. XLIII.

B. FERON.

R. D. Munieri, Doctoris ac Socij Sorbonici, Ecclesiæ Aurelianensis Canonici & Archidiaconi, ac Illustrissimi Aurelianensis Episcopi Officialis ac Vicary generalis.

EGO Doctor ac Socius Sorbonicus, omnibus, quibus opus erit, testifcor, legisse me, ac diligenter excussisse Librum DE FREQUENTI COMMVNIONE inscriptum, qui adeò nihil a fide bonisque moribus dissentaneum habet, vt eximia præcepta è Sacris Scripturis, atque antiquorum Patrum monimentis repetita passim effundat, quibus sanctissimi Sacramenti reuerentia in Christianorum animis augeatur, priscaeque disciplinæ quam temporum corruptela deleuit, renouandæ reformandæque cupiditas inseratur. Datum Aureliæ iv. Id. Iul. A. S. M. DC. XLIII.

MEVSNIER.

R. D. Bardæi, Metropolitana Parisiensis Ecclesiæ Canonici.

HIC Liber DE FREQUENTI COMMVNIONE Ecclesiasticæ disciplinæ ipsissimâ integritate fundatus satis per se laudis & commendationis habet, vt aliorum nec testimonia requirar, nec criminationes reformidet: *Qui enim abiicit disciplinam, infelix est*, inquit Sapiens. Quod autor alium in primitiua Ecclesiâ frequentandæ communionis vsûm innocentibus, alium lapsis fuisse; aliud pœnitentiæ fungendæ tempus; aliud reconciliationis assequendæ; alia crimina, alia peccata habita docet; SS. Patrum doctrinæ atque institutis plane consentit. Quod vero ijs qui de vita emendanda seriò cogitant ad tempus ab Eucharistia discedendum suadet, vt dilata absolutione verâ pœnitentiæ seueritate animos sanent & expurgent, non est ipsius ingenij commentum, consiliumve hesternæ alicuius doctrinæ nouitate inductum, sed vt Ecclesiæ Romanæ ad Cyprianum scribentis auctoritatem & voces adhibeam: *Antiqua hæc apud nos seueritas, antiqua fides, disciplina legitur antiqua*. Sanctæ huius disciplinæ antiquitas & vsus canonum decretis, Sanctorumque Patrum testimonijs summa fide prolatis, verissimèque expositis, dilucidè ab eo ac solidè comprobatur. Quare cum Libri huius doctrina & Catholica sit, & ad deprauatos extremorum horum temporum mores corrigendos apprimè necessaria, publica eum luce dignissimum censeo, vt qui ad regendas animas sunt vocati, sui muneris leges ac formam ab eo accipiant: pœnitentes veram vitæ emendationem non verbis tantum sed & factis Sacerdoti exhibendam esse doceantur: ipse denique ab vniuersa Ecclesiâ doctrinæ suæ vsu illius auctoritate vbique constituto meritam laudem approbationemque consequatur, Datum Parisijs Prid. Kal. Iul. A. S. M. D. C. XLIII.

LEONORIUS DE LA BARDE.

R. D. Rullæi, Doctoris ac Socij Sorbonici, S. Bartholomæi in Parisiensi vrbe Pastoris.

LIBRVM DE FREQUENTI COMMVNIONE à D. Antonio Arnaldo Doctore Sorbonico conscriptum legi, in eoque Catholicæ, Apostolicæ, ac Romanæ fidei, bonisque moribus omnia planè congruere animaduerti. Stylus verborum nitore pariter & moderatione insignis; eruditio exquisita & operosa; doctrina Ecclesiæ antiquis moribus & praxi prorsus consentiens. Licentiam & vitia communionum æquo frequentiorum iure sic arguit & damnat, vt earum frequentiam laudet, quibus integritas, reuerentia, & religio operis sanctitati, ac Dei qui suscipitur maiestati conueniens insit. Eucharistiæ vel suscipiendæ, vel differendæ tempus non præfinit. Hoc enim statuere, quaque vel seueritate, vel clementiâ fideles accipi par sit, decernere, Ecclesiæ est. Caput autem rei vt probus adsit animæ rector, cuius eas doctes & notas profert, quæ mihi quidem (quis enim aliter possit?) inprimis probantur.

probantur. Ac ne cui dubia sit mea de doctrinæ illius veritate sententia, Approbationem hanc chirographo meo consignavi III. Non. August. A. S. M. DC. XLIII.

ROVLLÉ.

R. D. Burgesij, in S. Theologiæ Facultate Doctoris Parisiensis, insignis Ecclesiæ Virodunensis Canonici & Cantoris.

SI institutoribus vnquam & ducibus lapsi eguere, nunc certè vel maximè Sindigent. Eo enim calamitatis rectorum quorundam faciliorem ac sua quærentium molli & degeneri obsequentiâ ventum est, vt ad opem ferendam, eruditorum ac piorum omnium zelum exardescere oporteat. Vel vulnerum grauitas ægrorum cognitioni subducitur; vel si maximè illa nota sit, de remediorum, quibus sananda erant, veritate celantur. Pœnitentia vnicum reorum perfugium, iam vel ipsum nomen ægrè tuetur, & è Pœnitentiæ Sacramento in Confessionis Sacramentum abiit. Pœnitentes, vel confitentes potius à Sacerdote absolutionem velut creditores à debitore pecuniam exigunt; sententiam Sacerdos non iam vt iudex pronunciat, sed vt minister recitat & præco. Satisfactiones non minus voluntariæ atque arbitrariæ sunt, quàm peccata, fereque in futuram vitam vniuersæ retruduntur, quasi in præsentia nihil Deo debeatur. Hinc ad tremenda mysteria securè prosiliunt, augustissimique omnium Sacramenti sanctitate calcata in criminum omnium atrocissimum imprudentes incurrunt. Tanti mali labes iam peruagata nimium est, quàm vt ferri aut dissimulari sine piaculo possit; Ecclesiæque in Concilijs, Sanctorumque Patrum monumentis eam deplorantis gemitus æquiores ac veriores sunt, quam vt filiorum ipsius pectora misericordiâ quadam pietateque non commoueant. Legum suarum integritatem & sanctitatem a morum corruptelis seculique prauitatum contagione vindicet oportet: nec existimationis ipsius ratio patitur, vt non Theologorum saltem, Doctorumque suorum voce à vitijs illis se abhorrere, neque vllam ijs autoritatem tribuere profiteatur. Nec minus meâ quidem sententiâ eorum qui Ecclesiasticis honoribus funguntur, virtutis & officij est, vt in pœnitentiæ vsu, quem olim ita necessarium Ecclesia censuit, insigniter restituendo omnem operam ac studium conferant, & in multiplici abusu, qui nimîa Presbyterorum indulgentiâ in Sacramentorum vel maxime necessariorum administrationem irrepsit, tollendo ac refutando, charitate & æquitate temperatam seueritatem adhibeant. Theologus quidem hic Doctor, verè nominis sui vir, ad eam rem perficiendam libro pariter & vitâ commodissimè viam sternit, & quidquid difficultatis ac moræ obijci posset, tantâ luce depellit, vt eam non ab ipso, sed à patre luminum proficisci satis appareat. Tot Conciliorum decreta opportunissimè intexta; tot Patrum testimonia summo delectu exprompta, summo iudicio adhibita; summâ fide & arte conuersa tot Scripturæ oracula expressa & illustria; tot denique sanctorum etiam ætatis nostræ virorum exempla æquiores omnes ac præiudicijs liberas mentes ad doctrinæ

Ecclesiasticæ ab hoc Autore explanatæ veritatem agnoscendam facile compellant & cogant. Quorum Deus corda tetigerit, fructum illius capient, alij voluntariâ cœcitate excusationem sibi omnem eripient. Vtinam hos illi numero vincant. Ita voueo, & hunc Libri mihi probati calculum esse volo. Parisijs x v. Kal. Iul. A. S. M. DC. XLIII. I. BOVRGEOIS.

*R. D. Floridi, Doct̃oris ac Socij Sorbonici, Virodunensis
Ecclesiæ Canonici.*

LIBRUM DE FREQUENTI COMMVNIONE à D. Antonio Arnaldo, Doctore Sorbonico conscriptum, in quo omnia Fidei, Ecclesiæ Catholicæ, Apostolicæ & Romanæ, bonisque moribus consentiunt, publicâ luce dignum iudico. Quoniam vero Patrum & Ecclesiæ Doct̃orum præcepta, decreta Conciliorum, primorum Christianorum consuetudinem, ac sacræ Antiquitatis de Pœnitentiæ & Eucharistiæ Sacramentis administrandis suscipiendisque sententiam perspicuè in primis distinctèque exponit (vt cum Petro Blesensi dicere queat: *Nihil de spiritu meo propheto, sed micæ colligo quæ ceciderunt de mensa dominorum meorum*) ad tantorum luminum splendorem Christianos complures euigilaturos, oculosque aperturos spero, vt deplorandus tandem abusus tollatur, qui nunc inoleuit, plerisque idonea & necessariâ animi præparatione omisâ Sacramenta illa consuetudinis potius causa temerè aut perfunctoriè, quàm considerato studio ex animo & vera voluntate frequentantibus. Ita semiplenæ confessiones, absolutiones præproperæ, vanæ satisfactiones, ac sacrilegæ communiones longè in posterum facessent. Animarum etiam præpositos singularem ex Libri huius lectione fructum percepturos speramus, si modo eum quietis animis, nec præjudicatarum opinionum fumo impeditis legant. Datum in Collegio Sorbonæ iv. Non. Iul. A. S. M. DC. XLIII. FLEURY.

*R. D. Nullÿ, Doct̃oris ac Socij Sorbonici, Ecclesiæ Bellouacensis
Canonici & magni Pœnitentiarij.*

SI quis fidelium veram Mysteriorum nostrorum notitiam assequi, atque in primis duorum grauissimorum Sacramentorum præstantiam, eorumque dignè suscipiendorum rationem exploratam penitusque perceptam habere cupiat, non alio mea quidem sententia, quam Libri huius subsidio voti compos cumulatus efficietur. Antiquæ enim Ecclesiæ super ea re morem & praxim, Sanctorum Patrum doctrinam, ac nonnullos abusus qui sensim obrepserunt, tanta eloquentiæ copia, ingenij vi, dextérité, ac solertia demonstrat, vt hoc opus legentibus omnibus mirè probatum iri confidam. Me quidem eo perlecto sic affectum fateor, vt veritati deesse mihi viderer, nisi hunc animi sensum palam facerem, & vniuersæ illius doctrinæ suffragarer. Datum Parisijs vii. Kal. Aug. A. S. M. DC. XLIII. I. DE NULLY.

R. D. Thirementij S. Theologiæ Doctoris Parisiensis, ac Bellouacensis Ecclesiæ Canonici.

LIBRUM quem DE FREQUENTI COMMVNIONE D. Antonius Arnaldus S. Theol. Doctor Sorbonicus scripsit, diligentissimè euolui: in quo non tantùm omnia fidei legibus ac decretis penitus congruere, sed doctrinam etiam vbique solidam, veram, sanctam, ac piam spirare sunt visa, eamque Ecclesiæ non vtilem modo, sed plane necessariam, tum fidelibus ad germanam & sinceram Christianæ Religionis pietatem, quam in plerorumque animis vel extinctam prorsus, vel labefactatam ac fractam iacere experientiâ quotidianâ compertum est, reuocandis, tum magno onere leuandis adiuuandisque animarum rectoribus. Nihil in toto opere occurrit quod non omni ratione probatissimum habuerim. Autoris verò tum ingenij, tum eruditionis, in illa argumentorum quibus vtitur varietate ac pondere, magnitudinem sum admiratus: arcano denique mentis instinctu hoc veritati testimonium dare compulsus sum, me dum librum hunc legerem ex animo vouisse, vt Deus sensa illius omnia & præcepta in omnium fidelium cordibus atque ante alios in me ipso pro sua benignitate insculperet. Neque enim meo iudicio, vel Christiano populo maior vlla salus, vel effusa vndique morum corruptela præsentior medicina fieri potest, quam earum rerum vsu & praxi quæ hoc libro præscribuntur. Quem ideo Dei respicientis iam plebem suam & de peccatorum cæno eruere parantis singulari prouidentia natum existimo. Ergo publicâ luce iterum iterumque meritissimò donandum censui. Quippe quem fidelis anima sine ingenti fructu & emolumento legere nequeat; atque hanc animi mei sententiam chirographo confirmaui.

XI. Kal. Nou. A. S. M. DC. XLIII.

THIREMENT.

R. D. Mazurij, Doctoris Sorbonici, Ecclesiæ S. Pauli Parisiensis Parochi.

EGO Presbyter, sacræ Theologiæ Facultatis Parisiensis Doctor Sorbonicus, & Ecclesiæ S. Pauli Parisiensis Pastor, Librum DE FREQUENTI COMMVNIONE à D. Antonio Arnaldo, Doctore pariter Sorbonico scriptum legisse me profiteor. Quem, quod doctrinam solidam ac verè Christianam vbique exhibeat, publicæ salutis utilissimum & Ecclesiæ in primis necessarium censeo. Datum Parisijs VII. Kal. Aug. A. S. M. DC. XLIII.

MAZURE.

*R. D. Loislj, Doctoris ac Socij Sorbonici, Ecclesie S. Ioannis
Parisiensis Parochi.*

LIBER DE FREQUENTI COMMVNIONE inscriptus Communio-
nis frequentiam minimè damnat. Inter rerum sanctarum verum vsum
& abusionem rectum discrimen statuit. Vt optimis, quibus refertus est, Chri-
stianæ vitæ præceptis vana illa & adumbrata pietas in frequentandis Sacra-
mentis hærens conuellitur: ita sanctarum mentium purior religio compro-
batur, quæ antequam mysteria adeant, ipsæ se probant, atque ab ijs inter-
dum honoris causâ secedere, quàm inuerecundius plerumque accedere sa-
tius arbitrantur. Graui morbo grauius parandum erat remedium. Vocibus
de sacro suggestu circumsonantibus eruditi styli subsidium adjungi oportebat,
qui celeritate efficacitateque scribendi quis diuini illius panis vitam aut
mortem accipientibus asserentis rectus sit vltus aperiret. Quare & operi &
autori summa omnia opto & voueo, quem nihil scripsisse reperi, quod fidei
Catholicæ, doctrinæ SS. Patrum, & antiquis Ecclesiæ moribus non prorsus
consentiat. Legendum ergo & euoluendum eò studiosius profiteor, quod ex-
ploratum habeo plurimum adiumenti ad dijudicandum corpus Domini om-
nibus allaturum. Ita testor v. Kal. Aug. A. S. M. DC. XLIII.

L O I S E L.

R. D. du Bourg-l'Abbé S. Theologie Doctoris Sorbonici.

LIBRI DE FREQUENTI COMMVNIONE à D. Antonio Arnal-
do, Doctore Sorbonico editi laudem qui taceat, iniustitiæ; doctrinam
qui improbet, proditæ veritatis meritò arguatur. Boni eum ad vnum omnes
intimis sensibus probant: periti animarum rectores mente simul & ore præ-
dicant: Christum non sua quærentes quique manantem ex eo fructum lau-
de & gratulatione prosequuntur. Autoris consilium pium in primis, argu-
menta validissima, sententiæ graues, sermo præclarus, omnia planè christia-
na, planè Catholica. Datum III. Id. Ian. A. S. M. DC. XLIV.

E. DV BOVRG-L'ABBE'.

*R. D. Trifani, Doctoris ac Socij Sorbonici, Ecclesie Bellouacensis
Canonici & Archidiaconi.*

Hic Liber DE FREQUENTI COMMVNIONE probum simul & vi-
tiosum illius vsum, pœnitentiamque fidelibus violatæ Baptismi gratiæ
reis necessariam demonstrat. Doctrinæ illius capita prorsus Catholica, nec
SS. Patrum de illis sententias suauius aut fidelius facile quisquam exponat.
Qui eas ex fontibus ipsis hauserint, hoc mecum continuo agnoscent. Qui
vero cœli viam ingredi, vel alios in eam deducere ex animo studeat, doctri-

nam eius non bonis duntaxat moribus consentaneam, sed fructuosam, faustam, efficacemque fatebitur. Ut approbationem illi commendationemque adijcerem vix adductus sum, quod eam suâ sponte fronti velut inustam gerat, quod plus fidei & laudis habeat ipse per se, quàm aliundè mutuari possit, nec alio egeat testimonio, quàm quod ei sana mens purumque Christiani cuiusvis pectus, qui ad eum legendum animo à præjudicijs, corde à peruicacia vacuo accefferit, suoapte nutu largietur. Datum Bellouaci v. l. Id. Iul. A. S. M. DC. XLIII.

CL. TRISTAN.

R. D. Fougexi Descurij, Doctoris ac Socij Sorbonici, & Carnoiensis Ecclesiæ Canonici.

ANTIQUVM illum Ecclesiæ nascentis ardorem si quis in pretio habeat, doctrinæque illius decreta prober, abesse non poterit, quin huius DE FREQUENTI COMMVNIONE Libri institutioni meritam laudem impertiat. In legentium animos diuinum illum quo primarij fideles flagrabant, quique in salutari Pœnitentiæ & Eucharistiæ Sacramentorum vsu potissimum splendebat, ignem immittit. Sacram Antiquitatem graphicè exprimit ac repræsentat; Conciliorum ac SS. Patrum testimonia perspicuè exponit; eorumque verba tantâ fide interpretatur; vt pateat eadem vi quâ diuina illa Christianæ veritatis oracula ipsi fuderunt, mentem Autoris huius manumque impulsam, vt eorum orationi sub alienæ linguæ quasi cultu natiuam ac primigeniam dignitatem & vigorem incolumem integrumque præstaret. Siue ergo materiæ grauitatem, siue artificis industriam, hoc est, styli copiam & venustatem, differendique rationem spectem, facere non possum, quin veritatis conscientia ductus tester ac profitear, Autorem excitatum à Deo, tantisque instructum dotibus videri, vt varios, qui in diuinissimorum illorum Sacramentorum administrationem incubuere, abusus fortius etuar, & ab illis temerè indignèque accipiendis maiore quadam religione & grauissimi sacrilegij iusto horrore deterreat. Quocirca publicâ approbatione dignissimum opus haberi necesse est, cum fidelium omnium commodis & salutis consular, innocentes in sancta frequentandæ Communions consuetudine confirmet, alienos à pœnitentia & impios propositis criminosâ ignauia, quæ cœlestem illum panem aspernetur, supplicij concutiat, reosque ac pœnitentes sic à mensâ Sanctorum auocet, vt ijs ad veram illius recipiendæ viam facem præferat. Ita censeo. Datum Carnuti Kal. Aug. A. S. M. DC. XLIII.

E. FOUGEY.

R. D. Mangleni, Bellouacensis Ecclesiæ Canonici.

HIC DE FREQUENTI COMMVNIONE liber scientiam Sanctorum sanctius edisserit, quàm vt vulgarium approbationum subsidij egeat. Publicam & communem omnium quibus Dei gloria & Ecclesiæ sa-

V ij

lus cordi sunt, laudem & prædicationem meretur. Atque vt hos Christi charitas lugere compellit peruersi sæculi labem, vbi hominum inter prophanam Sacramentorum frequentationem eadem crimina identidem redintegrantium, perpetui lapsus plerosque adduxisse videntur, vt non minus pœnitentia iplius quàm peccatorum pœnitentiam agere concessum, criminaque criminum ac sacrilegiorum multitudine posse deleri existiment: ita eadem charitas diuinæ prouidentiae benignitatem agnoscere iubet, quæ tam firmum ac præstantem antiquæ pietati defensorem pararit, cuius eruditio singularis summo animarum zelo coniuncta extremorum horum temporum incitiae ac prauitati validum sufflamen obijciat. Salutarem enim germanæ pietatis formulam eo orationis pondere & copiâ statuit ac definit, vt magna spes sit fore, vt christianæ veritatis tanta vis ac splendor fidelium illustres mentes & corda permoueat, atque ita à iusto Christi corporis & sanguinis per indignas communionem violandi metu sapientiæ ducentes initia, res sanctas dijudicare, seque ipsos Dei iudiciorum effugiendorum causâ probare ac iudicare condiscant. Datum Bellouaci VII. Id. Iul. A. S. M. DC. XLIII.

M A N G V E L E N,

R. D. de Beauharnois S. Theologiæ Doctõris Sorbonici.

DE operis huius, quod DE FREQUENTI COMMVNIONE inscribitur, veritate ac firmitate dubitare nemo potest, nisi qui duo ipsa fundamenta quibus stat omnis Christiana Religio in dubium reuocet. Vnum, fidei normam, traditione: alterum, traditionem, SS. Patrum & Conciliorum monumentis contineri. His enim geminis fundamentis vniuersa nititur doctrina libri huius, quæ proinde hominum commendationem non requirit, cum diuina autoritate fulciatur: vt qui firmam eam in perpetuum & inconcussam fore dixerit, nihil vtique nisi petram in qua Christi Ecclesia fundata est moueri ac concuti non posse dicere videatur. Quare non immerito hic autor verus Theologus haberi hoc in genere debet, cum nihil non acceptum à Patribus tradiderit, & qui pœnitentiæ arcana, præcipuosque eius nodos ac difficultates tam perspicuè simul ac solidè dissoluerit, adhuc in Gallijs inuentus sit nemo. Atque vtinam qui de rebus Theologicis aliquid in posterum elucubraturi sunt, opus istud quasi formam intueantur, & cum auctore hoc cœlestium illorum Doctõrum discipuli esse contendant, vt aliorum magistri esse possint, diuinarumque rerum præstantiam maiorum traditione, non ingeniorum cogitationumque suarum momentis expendentes, fidelium animis quos antiqua veritate ac publica Ecclesiæ doctrina pascere debuerant, nouarum ac priuatarum opinionum tenebras non offundant. Datum Aureliæ XIV. Kal. Iul. A. S. M. DC. XLIII.

M. DE BEAUVHARNOIS.

*R. D. Maleudi S. Theologiæ Doctoris Parisiensis, Paræcia
S. Michaelis Ambianensis Pastoris.*

VT nihil in Ecclesia luctuosius quam diuinissima Christi mysteria tot improborum Christianorum prauitate assidue dedecorari & pollui: ita eorum qui ad hanc labem depellendam animum suum eruditionemque conferunt, zelus ac pietas prædicari pro merito non potest. Quod quidem libri huius *DE FREQUENTI COMMUNIONE* Autor tanta vi simul ac prudentia exequitur, & quæ in Sacramentorum administratione vel fuerit olim, vel nunc etiam sit Ecclesiæ mens ac sententia, tam liquidò aperit, ut muneris mihi à Deo credito deesse me arbitrarer, nisi præclaro eius studio & consilio gratulatus, quanti adeo eximium opus ab omnibus fieri debeat, publicè testatum relinquerem. Datum Ambiani xv. Kal. Aug. A. S. M. DC. XLIII.

I. MALEUDE.

R. D. de l'Isle-Marivault, S. Theologiæ Doctoris Parisiensis.

POST tot summorum virorum, quos amplissima in Ecclesia dignitas ac pietati iuncta eruditio supra vulgarium Doctorum gradum euehit, illustra testimonia, quid huic libro *DE FREQUENTI COMMUNIONE* adijci à me honoris potest, nisi ut in illo summa cum delectatione perlecto, nedum ut Ecclesiæ Catholicæ, Apostolicæ & Romanæ decretis alienum quicquam offenderim, hoc ei testimonium ex animo à me deberi profitear: Agnoscere me ac toto pectore venerari in tam excellenti lucubratione misericordem Dei providentiam, quæ autoris profectò mentem rexit, & manum, ut his calamitosissimis temporibus, quibus peccatorum numerus immaniter augetur, dum pœnitentium minuitur, antiquum veræ pœnitentiæ sensum aperiret. Omnino enim ea libri huius vis est, ut non modò piorum ac fidelium animis congruentem sanctissimo Eucharistiæ Sacramento honorem ac reuerentiam ingeneret, sed & contumacissimi cuiusque & in flagitijs obdurati pectus veræ ac seriæ pœnitentiæ legibus subijciat. Cuius quidem iam fructum pene omnem amisimus, atque (ut verbo dicam) ipsa vestigia tum obstinata lapsorum peruicacia, tum molli ac degeneri Presbyterorum indulgentia, propemodum deleta lugemus. Ita ex animo sentio. Parisijs x. Kal. Iul. A. S. M. DC. XLIII.

DE I'ISLE-MARIVAULT.

R. D. Sarazini S. Theologiæ Doctoris Parisiensis.

CVM Ecclesiæ corpori pœnitentia remedium, Eucharistia pabulum sit, videndum in primis, ut neque adulteretur illa, neque hæc polluat & impietur. Libri huius *DE FREQUENTI COMMUNIONE* Autor, insignem in vtrunque partem operam nauauit. Antiquæ pœnitentiæ ab eo

propositæ vigor nostræ mollietatem ignauiamque coarguit. Dum eam ad peccatorum maculas eluendas, atque ad animos Eucharistiæ parandos aptandosque refert, tanti mysterij veritatem ab hostium oppugnatione, pium religiosumque illius usum à profanorum audacia vindicat. Ita hoc opus & eruditorum approbatione & populorum fide dignissimum videri necesse est, quod nihil nisi ipsissimam Christianorum seculorum omnium doctrinam, certissima Ecclesiæ oracula, Sanctorumque Doctorum mentem ac sensus exhibeat. Mihi quidem eius lectionem admirationi simul & voluptati fuisse fateor : atque vt veritati honorem debitum, omnibus vtilitatis quæ ex eo percipi queat indicium ac testimonium præbeam, autoris fidem sinceram, zelum scientiæ temperatum, sermonem gratiæ sale conditum, doctrinam denique non ipsius, sed Sanctorum esse confirmo. Datum Parisijs Kal. Iul. A. S. M. D. C. XLIII.

P. SARAZIN.

R. D. Guilleberti S. Theologiæ Doctoris ac Socij Sorbonici.

DOCTRINAM suam, non suam, sed Patris esse in Euangelio asserit Christus. Libri huius DE FREQUENTI COMMUNIONE Autori doctrinam item suam, non suam, sed Christi esse asserere licet, cum nihil non è perpetuæ Traditionis quæ Christi Spiritus & scientia continetur, monumentis haustum proferat. Quod si hæreticorum commenta omnia falsa erroneaque habemus, propterea quod ab immobili æternaque illa veritatis via discesserint, in id ipsum quo eos premimus crimen incurrere mihi viderer, nisi Sanctissima, summeque Catholica eximij Libri huius, qui diuini illius fontis limpidissimus riuus est, dogmata toto pectore amplecterer. Illud optandum superest, vt Deus illi benignitatis gratiæque suæ vim adijciat, magis etiam corda afficiat quam mentes, & eorum quæ docet ac præcipit amorem instillet : non enim remediorum notitia sed vsus salutem parit. Rouillæ XI V. Kal. Iul. A. S. M. D. C. XLIII.

GUILLEBERT.

R. D. Greneti S. Theologiæ Doctoris ac Socij Sorbonici, Paroeciæ S. Benedicti Parisiensis Pastoris.

LIBRORVM ac nummorum eadem propemodum ratio est. Vt enim hi potiores quorum minor materia, pretium maius : ita fructuosiores illi qui paucioribus verbis vberiore doctrinam exhibent. Hæc Libri DE FREQUENTI COMMUNIONE verissima laus. Cum enim alibi multiloquio implicata veritas plerumque obscuretur, hîc orationis breuitate tam solidè ea stabilitur, materiæ sanctitas tam grauius deducitur, antiquitas sacra tam perspicuè euoluitur, vt pristina Ecclesiæ facies velut in punctum collecta legentibus appareat. Ex quo facillè intelligas, quàm longè abierimus à pristino illo in frequentandis Eucharistiæ mysterijs ardore, quo fidelium animi agebantur,

bantur, priusquam consuetudinis cuiusdam repentinae quæ paucis abhinc annis omnia in contemptum adduxit, mollities & socordia sinceram patrum nostrorum pietatem expugnasset, ac de vltimarum illarum ætatum feruentiore zelo, disciplinæ nimia indulgentia vel dissolutæ vel deprauatæ labes quasi triumphum egisset. Quare cum hoc opus, quantum Dei gratiæ munere assequi possum, purissimæ primorum Christianorum in sacram Eucharistiam pietatis diligentiaque singularis qua sese ad illam fruendam seuerioris pœnitentiæ contentione formabant, viuam exprellamque imaginem habeat, non modò omnia in eo fidei orthodoxæ ac bonis moribus vndeque consentiunt, sed & eximie summæque eruditioni adjunctam verissimam pietatem, accuratissimamque religionem representant, vel eo nomine ab omni suspitione alienam, quod è scripturis sacris, SS. Patribus, Concilijs, atque antiqua Ecclesiæ disciplina omni ex parte deprompta est. Quod si nonnullos huius ætatis abusus perstringit, hoc vnum spectat, vt doctrinam corruptam vindicet, disciplinam dilapsam restituat, pietatem postquam fide temporum fides Euangeliorum depressa est, debilitatem fractamque confirmet. Sic Euangelica doctrina nimium iam infucata libri huius ope natio colore splendescens, & pietati pristinum decus, & disciplinæ integritatem obseruationemque pleniorē restituet. Ego quidem sancta hac & cœlesti doctrina reuerenter iuxta & accuratè sanctuarij ponderibus examinata, veritatem inuerecundius in iniustitia detinerem, nisi muneris mihi à Deo crediti ratione adductus, hoc ei apud populum mihi commissum testimonium darem, non tam deformem peruersis fidelium moribus Ecclesiæ faciem, nec tantam animorum in peccatis miserrimè obdurescentium contumaciam, non tantam denique labentium identidem ac relabentium mortalium frequentiam fore, si tradita hoc libro doctrina & disciplina piè religioseque coleretur. Non ita palam atque impunè pœnitentia contemptui, Eucharistia ludibrio esset. Postremo, Sacramenta Dei nec tam contumeliosè acciperentur à fidelibus, nec tam indignè administrarentur ab ijs, qui cum turbidos vitiosæ consuetudinis riuulos consecrari soleant, ne ipsos quidem fontes puriores vnquam fuisse possunt suspicari. Quæ omnia libri huius non minus ad Dei gloriam illustis, quàm ad fidelium institutionem necessarij lectio tam dilucida efficiet, vt meam hanc de illo opinionem ac sententiam & operis dignitate, & auctoris merito longè inferiorem esse quiuis faciliè agnoscat. Parisijs VIII. Kal. Iul. A. S. M. DC. XLIII.

G R E N E T.

R. D. Duhamelij S. Theologiæ Doctoris ac Socij Sorbonici, tunc Parisiæ S. Mauricii, nunc verò S. Mederici Parisiensis Pastoris.

LIBRVM DE FREQUENTI COMMVNIONE perlegi, nec vulgari approbatione sed singulari laude vndique dignum censui. Sermonis in eo magna dignitas, disserendi vis præcipua, argumentorum ineluctabilis firmitas, sensuum ratio prorsus Euangelica, doctrina vsquequaque cœlestis.

Vitæ institutio in eo descripta non humani ingenij commentum, sed disciplina est sancta, quam Spiritus sanctus in Ecclesia fixit, Apostoli & SS. Patres castè inuolateque seruauerunt. Ac pios quidem omnes de hoc opere ita cenfuros confido : me vero præter cæteros testimonium hoc veritati tribuere priuata quædam ratio compellit, quod experienciâ non longissimâ illâ quidem, sed tamen idoneâ, docere me dignatus est Deus, vix aliam esse eorum qui à Deo discesserint in viam reducendorum veram certamque rationem; multo leuiores quam quidam putent in ea tenenda exequendaque subesse difficultates; majorique longe ad eam rem impedimento esse segnitiei nostram ac desidiam, quàm populorum auersationem, qui salutis suæ non vsque adeo sunt infesti, vt si modo rectè instituantur, fallaci perniciemque adducendi clementiæ salutarem seueritatem non faciliè anteponent. Datum in nostro Mauriciano XXIII. Kal. Apr. A. S. M. DC. XLIII. HENRICVS DV HAMEL.

Extrait du Priuilege du Roy.

PAR grace & Priuilege du Roy, il est permis au Sieur Arnaud, Prestre, Docteur de Sorbonne, de faire imprimer, vendre, & debiter par tel Imprimeur ou Libraire qu'il voudra, vn Liure intitulé. **DE LA FREQVENTE COMMUNION.** Et defenses sont faites à tous Marchands, Libraires, Imprimeurs, & autres, d'imprimer, ou faire imprimer, vendre, ny debiter ledit Liure, en quelque sorte & maniere que ce soit, sinon du consentement dudit Sieur Arnould : Et ce durant le temps de vingt ans entiers, à peine de quinze cens liures d'amande, & de confiscation de tous les exemplaires, comme il est plus amplement porté par ledit Priuilege. Donné à Paris, le 29. May 1643. Signé par la Majesté en son Conseil, **LE C O Q.** Et seellé.

Ledit Sieur Arnould a transporté son droit de Priuilege à Antoine l'itré, Imprimeur ordinaire du Roy, de la Reyne Regente, & du Clergé de France, pour en jouir par luy le temps y porté, ce 22. Aoust, 1643.

ERRATA SIC CORRIGENDA.

IN PRÆFATIONE.

Pagina 27. linea 7. statuat, *lege*, statuit. p. 40. lin. 17. participant, *l.* participat. p. 54. lin. 3. quo, *l.* quod. p. 106. lin. antep. splendorem, *l.* splendore.


IN LIBRO.

P. 4. lin. 9. oportere, *l.* debere. p. 38. l. 26. tuis simillimos, *l.* tui simillimos. p. 39. l. 13. hac, *l.* quā. p. 40. l. 10. fornicationi, *l.* fornicatione. p. 43. l. 18. baptisimis, *l.* baptismi. p. 45. l. 15. vllum esse, *l.* vllum est. p. 52. l. 16. præcipuè, *l.* perspicuè. p. 57. l. 4. rationem, *l.* recensionem. p. 73. l. antep. & p. 84. l. 2. quoquo, *l.* quoque. p. 94. l. 12. docuit, *l.* decuit. p. 95. l. 11. dies diuinā, *l.* dies ad montem Dei diuinā. p. 97. l. 8. capere, *l.* cupere. p. 98. l. 4. fidelibus, *l.* fororibus. p. 99. l. 5. ei qui, *l.* qui ei. p. 118. l. 16. instruere, *l.* instituere. p. 119. l. 9. auditores, *l.* auditorem. p. 123. l. 9. maxinè, & hoc. *l.* maximè, hoc. p. 129. l. 2. iniuria, *l.* incuria. p. 137. l. 17. tua, *l.* tua. p. 141. l. 3. de mortali, *l.* mortali. p. 146. l. vlt. soloque, *l.* in solo. p. 149. l. 13. admisisset, *l.* admisisset. p. 159. l. 6. facta, *l.* factam. p. 162. l. 2. quod, *l.* quam. p. 164. l. 25. mansuetudinis, *l.* mansuetudine. p. 171. l. 3. addita, *l.* addicta. p. 172. l. 15. cognosceret, *l.* cognosceret. p. 173. l. penult. in modici, *l.* immodici. p. 177. l. 21. labe, *l.* labore. p. 188. l. 23. quasi, *l.* quali. p. 196. l. 20. demonstrauius, *l.* demonstrabimus. p. 197. l. 1. adhibendæ, *l.* adhibenda. p. 202. l. 21. blasphemix, *l.* blasphemias. p. 232. l. 18. mortalia, *l.* moralia. p. 238. l. 22. eorum, *l.* erunt. p. 254. l. 2. siue, *l.* sine. p. 256. l. 26. necessarium insulsißima, *l.* necessarium. Insulsißima. p. 257. in marg. l. 21. Ambros, *l.* 1. Ambros l. 2. p. 269. l. 11. Ecclesia, *l.* Ecclesiæ. p. 278. l. 21. Si què, *l.* Si quomodo. Ibid. in marg. *lege*, Clerus Rom. Ep. 3. ad Clerum Carth. p. 302. l. 24. iudicia, *l.* indicia. p. 309. l. 7. cerimonia, *l.* ceremonia. Ibid. l. 18. trahuntur, *l.* trahantur. p. 316. l. 12. commentationibus, *l.* commendationibus. p. 327. l. 9. cauendum, *l.* cauendus. p. 332. l. 13. inscititia, *l.* inscitia. p. 336. l. 4. eum, *l.* cum. p. 363. l. penult. sententiæ, *l.* sententia. p. 366. l. 18. quoad, *l.* quo ad ea. p. 368. l. 27. exitium, *l.* exitum. p. 373. tit. Ecclesia, *l.* Ecclesiam. p. 398. l. antep. poenitentium, *l.* poenitentiam. p. 404. l. 20. latebras, *l.* latebris. p. 405. l. 26. peccati, *l.* peccatis. p. 415. l. 4. actionem dent, *l.* actionem poenitentia dent. p. 425. l. 26. seruare, *l.* seruari. p. 447. l. 15. hæc, *l.* hæ. p. 448. l. 13. plerique, *l.* plerisque. p. 453. l. pen. est, *l.* esse. p. 477. l. 6. duritiæ, *l.* duritie. p. 490. l. 20. delictis, *l.* dilectis. p. 497. l. 11. idoneas, *l.* idoneæ. p. 510. l. 20. singularis, *l.* singulari. p. 512. l. 24. peccatorum, *l.* de peccatorum. p. 537. l. antep. extinctam, *l.* extinctum. p. 570. l. 4. particeps, *l.* participes.

INDEX CAPITVM.

P A R S P R I M A.

IN QVA LOCORVM SCRIPTVRÆ
Sacrae, & Sanctorum Patrum in Commentario isto ad
astruendam Communionis frequentiam prolatorum
vera sententia exquiritur. De virtutibus probo animæ
Moderatori necessarijs ad constituenda Communionis
tempora. Num quosuis promiscuè homines ad Com-
munionem intra octauum quemque diem impellere
oporteat. Quidnam frequenti Communioni venialia
peccata officiant.


- Caput i.  *Ecclisime positum à quæstionis autore, nullam esse
potiorem certioreque regulam, quam ut ad om-
nia Antiquitatis auctoritatem, Sanctorum Tradi-
tionem, veteres Ecclesiæ mores audiamus ac teneamus. p. 1*
- Caput ii. *Qua ratione frequentem primorum Christianorum Commu-
nionem imitari oporteat. 8*
- Caput iii. *De frequenti Communionem quàm memorat liber Actuum
Apostolorum. 13*
- Caput iv. *Quinam à S. Dionysio digni habeantur qui Missæ Sacrificio
intersint. 18*
- Caput v. *De quotidianæ Communionis consuetudine. 21*
- Caput vi. *De Communionis præcepto in primitiua Ecclesia obseruato. 22*
- Caput vii. *Quo sensu frequentiore Communionem S. S. Patres sua-
deant. 25*
- Caput viii. *Quid de pœnitentia & sacra Communionem B. Basilius sen-
tiat. 26*
- Caput ix. *S. Epiphanium aduersario nulla in re suffragari. 31*
- Caput x. *Explicatur locus S. Ignatii. 33*
- Caput xi. *Quid de pœnitentia & frequenti Communionem senserit Cypria-
nus. 36*
- Caput xii. *S. Athanasium perperam fuisse prolatum. 42*
- Caput xiii. *Quid B. Ambrosius de pœnitentia senserit. 43*

INDEX CAPITVM.


Caput xiv.	<i>Explanatur eximius B. Augustini locus S. Hilario ab aduersario perperam attributus.</i>	47
Caput xv.	<i>Quantum B. Augustinus ab huius Autoris opinione dissentiat.</i>	55
Caput xvi.	<i>Testimonium Gennadij perperam usurpatum quod alio loco fufus explanabitur.</i>	58
Caput xvii.	<i>S. Hieronymus improuide citatus.</i>	59
Cap. xviii.	<i>Qua affectione animi ex Ioannis Chrysostomi sententia, sacra sit adeunda Communio.</i>	60
Caput xix.	<i>De duobus Dogmatis D. Chrysostomo ab Aduersario falso ascriptis. Altero, cum qui à Christi corpore se abstinet maiorem illi reuerentiam non exhibere: Altero, Communionis dilatione & morâ nos eadem digniores minimè effici.</i>	67
Caput xx.	<i>Insignis locus Gennadij de præparatione animi ad frequentem Communionem tum ab Innocentibus & leuium tantum erratorum, tum à Peccatoribus & mortalium post Baptismi susceptionem criminum reis adhibenda.</i>	71
Caput xxi.	<i>Qua ratione lethaliū post Baptismum peccatorum rei ad sacram Communionem se componere debeant. Vbi & de Religiosæ ac Cœnobitica vite ad agendam pœnitentiam oportunitate.</i>	74
Cap. xxii.	<i>Quenam eorum qui in venialia tantum peccata labuntur, ad frequentandam Communionem affectio animi esse debeat. B. Episcopi Geneuensis de Eucharistia octauo quoque die sumenda mens explanatur.</i>	82
Cap. xxiii.	<i>D. Iustinus perperam prolatus.</i>	91
Cap. xxiv.	<i>Concilium Basileense de frequenti Communione.</i>	92
Cap. xxv.	<i>Concilij Tridentini de frequenti Communionem sententia.</i>	95
Cap. xxvi.	<i>De Scripturæ sententijs quibus ad sanctam Communionem inuitamur.</i>	99
Cap. xxvii.	<i>De Regulis ad quas dirigenda sit Laïcorum Communio ab Aduersario propositis.</i>	110
Ca. xxviii.	<i>De prima Regula Aduersarij: Probi Moderatoris consilijs parendum esse.</i>	112
Cap. xxix.	<i>Probi animæ Reſtoris dotes rectè ab Aduersario descriptas: Primam, Vt doctus sit.</i>	118
Caput xxx.	<i>Secunda virtus probi animarum Reſtoris, ut sit spiritalis.</i>	119

INDEX CAPITVM.

- Cap. xxxi. *Tertia virtus animarum Rectoris. Experientia. Qualem eam esse oporteat. Vbi & de vocationis necessitate.* 123
- Cap. xxxii. *Quarta virtus probi Rectoris : Sententiarum priuatarum & à SS. Patrum mente alienarum fuga. Merito atque optimo iure hanc ab Aduersario postulari.* 129
- Cap. xxxiii. *Aduersarium quotidianam Communionem omnibus promiscuè suadere non ausum, cum tamen eius dogmata per se cò inducant quoslibet, etiam tenuissima virtute imbutos.* 136
- Cap. xxxiv. *Communionis tempora ex cuiusque hominis negotiorum & occupationum ratione non esse potissimum constituenda.* 142
- Cap. xxxv. *An omnes promiscue ad Communionem intra octauum quemque diem impellendi, & Sacerdotes qui secus faciant, imprudentiæ vniuersim insimulandi sint.* 145
- Cap. xxxvi. *Refelluntur rationes quibus vniuersos qui octauo quoque die communicent, collaudandos Aduersarius contendit. Quarum prima est, SS. Patrum cohortatio.* 153
- Ca. xxxvii. *Refellitur altera ratio: Octiduanam illam omnium promiscuè hominum Communionem ad quotidianam primitiua Ecclesiæ Communionem propius accedere.* 158
- Ca. xxxviii. *Refellitur vltima ratio. Nullum esse vitæ genus in quo tempus non suppetat, animo ad Dominicorum festorumque dierum Communionem præparando.* 160
- Cap. xxxix. *Quenam in præscribendis Communionis temporibus peccatorum venialium ratio habenda sit. SS. Patrum ea de re sententia.* 162
- Caput x l. *Exempla Sanctorum illustrium, qui ob peccata venialia suspensos & alios à Communionem submouerunt.* 172



INDEX CAPITVM.



P A R S A L T E R A.

IN QVA EXCVTITVR HÆC QVÆSTIO,

An præstet, atque Animarum saluti expediat, homines peccatorum mortalium conscios, mox à Confessione ad Communionem se conferre, an tempus aliquod spatiumque sumere, quo priusquam sacris se fiant altaribus, peccatorum maculis pœnitentia diluendis incumbant.

- Caput I. *Q*uestio exponitur, & in tria Capita distribuitur. p. 183
- Caput II. *Q*uestionis pars prima: in qua testimonia omnia, in eos qui peccatorum mortalium pœnitentiam certo tempore peragendam ante Communionem decernunt, ab aduersario prolata refelluntur. 186
- Caput III. *Q*uestionis præcipua pars secunda proponitur. Verumne sit quod Aduersarius scripsit, nunquam in Ecclesia vsu positum fuisse, ut mortiferorum peccatorum rei per plures dies pœnitentiam agerent, antequam ad sacram Communionem admitterentur. Primis Ecclesiæ seculis non solis publicis, grauissimisque criminibus Pœnitentiam publicam indictam fuisse. 201
- Caput IV. De sanctorum Patrum sententia, ob quauis peccata mortifera pœnitentiam aliquandiu agendam ante Communionem. Primum huiusce rei argumentum, mortiferorum peccatorum à venialibus distinctio. 211
- Caput V. Secundum argumentum. Sanctos Patres excommunicationem, hoc est Eucharistiæ interdiCTIONem mortiferorum cuiusquemodi peccatorum meritam & debitam pœnam statuere. 221
- Caput VI. Tertium argumentum. Sanctos Patres tria tantum pœnitentiæ genera agnouisse. Vnam ante baptismum; geminam post baptismum, quarum altera peccata venialia, altera mortifera expiarentur; atque huic postrema à sacra Communionem separationem semper adiuuasse. 231
- Caput VII. Quartum argumentum. Sanctos Patres Clauium Ecclesiasticarum

INDEX CAPITVM.

carum ministerium ad eorum tantummodo peccatorum remissionem necessarium existimasse, quæ Communionis interdictione plecterentur. Ex quo alterutrum necessario sequitur, aut eos remittendis peccatis omnibus mortiferis clauēs à Christo datas necessarias non putasse, quod sine hæresi dici non potest, aut ipsos ob vniuersa peccata mortifera Communionē interdixisse quod verissimum est. 237

Caput viii. Quintum argumentum. Ex SS. Patrum norma hanc agendæ mortiferorum omnium peccatorum pænitiæ seriem atque ordinem esse. Primum Confessionem, ac petitionem pænitiæ. Deinde pænitiæ impositionem. Tum imposita pænitiæ iusto temporis spatio peractionem. Postremo Absolutionem, quam Communio mox consequebatur. 241

Caput ix. Sextum argumentum. Violationem Baptismi, quæ peccatorum omnium mortalium communis est, causam fuisse sanctis Patribus ad longam & laboriosam pænitiā peccatores adigendi. 251

Caput x. Septimum argumentum. Disciplinam istam non ad populi modo exemplum (ut nuperi hæretici contendunt) sed ad eius qui à Communionē prohibebatur salutem spectasse, ut vel ex eo apparet, quod eiusmodi prohibitio arcana nonnunquam & occulta esset. Superiorum omnium argumentorum clausula. 262

Caput xi. De causis, quibus inducti SS. Patres in administrando Pænitiæ Sacramento, quem suprâ diximus ordinem seruauerunt; ac primum de absolutionis mora, quam adhibendam censuere, ut esset peccatoribus spatium & facultas saluari satisfactione crimina expiandi, & in Christiana sese obsirmandi vita & pietate. 271

Caput xii. Pertexitur instituta explicatio causarum quibus impulsī SS. Patres absolutionem differendam censuerunt. Ex eorum mente, nec puncto temporis peccatores ad Sacerdotis absolutionem fructuosè percipiendam componi solere, nec solis pænitentium vocibus Sacerdotem de sincera eorum conuersione certiores fieri. Vbi etiam nonnihil de expedita illa & facili quam quidam predicant via, quosvis ho-

INDEX CAPITVM.

- mines ad Contritionis actus, vt vocant, perducendi. 288*
- Caput XIII. *Accuratam animi præparationem quam Eucharistia requirit in causa fuisse, cur SS. Patres non ante peccatoribus eius copiam facerent, quam illi se diu multumque pænitentiae exercitationibus purgare studuissent. 308*
- Caput XIV. *Quid sit SS. Patribus pænitentiam agere. Vbi nostri temporis Hereticorum error de vi vocis Pænitentiae confutatur. 327*
- Caput XV. *Diluitur quod aduersus Patrum doctrinam de peragenda ante Communionem pænitentia obijci potest: Illos Eucharistiam impertiisse morituris qui nullam ante pænitentiam egissent. Vbi & quid Patres de morientium pænitentia senserint, explicatur. 335*
- Caput XVI. *Rursus occurritur obijcientibus: Homines more Patrum diuturniori pænitentia operam dantes, si absolutionis expertes moriantur, in salutis discrimen venturos. 353*
- Cap. XVII. *Proposita quæstionis pars tertia. An verè dictum sit ab Aduersario hominem hisce temporibus mortalium peccatorum sibi conscium, non posse sine temeritatis nota plures dies pænitentiam agere, antequam ad Communionem accedat. 370*
- Cap. XVIII. *Ecclesiam ex animo semper optare, vt peccatores ex sacris omnium Patrum institutis ac doctrinis pænitentiam agant, eosque abuti indulgentia, quam illa posterioribus sæculis adhibuit, qui temeritatis hominem arguant, quod disciplinam ab ea per tot ætates ubique seruata nec vlllo Canone aut decreto rescissam sequi velit. 373*
- Caput XIX. *Antiquus pænitentiae mos in Ecclesijs Orientis ad hæc tempora seruatus. 381*
- Caput XX. *Per Canonem, Omnis vtriusque sexus, Sacerdotibus ius esse, vt peccatores pænitentiae operibus ad Communionem præformant. 382*
- Caput XXI. *Concilium Tridentinum multiplices ad pænitentiam antiquam instaurandam vias aperire, eiusque omnia fundamenta constituere. Priora duo eiusce rei argumenta. 388*
- Cap. XXII. *Concilium Tridentinum tertiam ad pænitentiae instaurationem viam dedisse, cum Lutheri errorem omnem pæniten-*

INDEX CAPITVM.


- tie vim in noua vita constituentis damnauit.* 391
- Cap. xxiii. *Quartam instaurandæ pœnitentiæ viam Synodus Tridenti-
nam patefacere, dum Sacerdotes iubet conuenientes gra-
uitati criminum satisfactiones injungere, ne eorum par-
ticipes efficiantur.* 394
- Cap. xxiv. *Eos qui Concilij legem de Pœnitentiâ ad peccatorum & cri-
minum varietatem pro portione accommodanda negli-
gunt, rationes omnes quibus fructus & necessitas satis-
factionis ab eo astruitur, vanas & inanes efficere.*
I. Ratio. Pœnitentiâ laboriosum esse baptismum. 399
- Caput xxv. *Alterâ Concilij ratio. Peccatores metu pœnarum à peccando
renocari.* 401
- Cap. xxvi. *Tertiâ Concilij ratio. Pœnitentiæ exercitationibus vitiosos
habitus contrarijs virtutum actionibus tolli.* 404
- Cap. xxvii. *Quarta Concilij ratio. Opera Pœnitentiæ ad Deum placan-
dum quam maxime valere.* 407
- Ca. xxviii. *Quinta & vltima Concilij ratio. Pœnitentiæ illis asperitati-
bus & afflictationibus Christi patientis similes nos effici.*
409
- Cap. xxix. *Quintâ ad instaurationem pœnitentiæ viam Concilium
aperire, dum docet: Clauium ministerium non ad solu-
dum modo, sed & ad ligandum à Sacerdotibus adhiberi
oportere ex antiquorum Patrum sententiâ.* 412
- Cap. xxx. *Sextâ ad idipsum Concilium viam aperire, dum docet di-
stinctam & enucleatam peccatorum confessionem ad impe-
nendas piaculares pœnas tanquam ad finem referri.* 414
- Cap. xxxi. *Septimâ ad instaurandam pœnitentiâ Concilium viam
aperire, imo eam innumeris in causis instaurandam pror-
sus edicere, dum peccata publica publicâ pœnitentiâ mul-
tari iubet.* 418
- Cap. xxxii. *Concilij Tridentini doctrinæ de Pœnitentiâ anacephalæosis.
Quantopere instituto ab aduersario reprehensò, pœnitenti-
am plures dies ante Communionem agendi, suffragetur.*
419
- Ca. xxxiii. *Antiquus pœnitentiæ mos à S. Carolo varijs modis compro-
batus: ac primum Pœnitentialibus Canonibus in inte-
grum restituitis, Sacerdotibusque eos tenere ac pro norma*

INDEX CAPITVM.

- habere iussis.* 422
- Cap. xxxiv. *Secundum argumentum ex eo peti, quod B. Carolus peccatoribus publicis publicam pœnitentiam decreuerit.* 436
- Cap. xxxv. *Tertio idipsum ostendunt leges complures quas S. Carolus in Sacramento Pœnitentiæ administrando religiose observari voluit: Ac primum de differenda eorum absolutione, qui vestium luxu & immoderatione labuntur.* 440
- Cap. xxxvi. *Altera lex à S. Carolo Presbyteris lata, De peccandi occasionibus ante absolutionem tollendis. Quantopere proximarum peccandi occasionum dyjudicandarum doctrinam nuperi Theologiæ Moralis Scriptores corruperint.* 442
- Ca. xxxvii. *Tertia sancti Caroli lex. Cum plerique sint quibus suscepta vitæ conditio, etsi sua sponte innoxia, peccandi causas afferat, absolvendos eos non esse, nisi aut illam dimittant, aut saltem certo temporis spatium non obscura vera emendationis testimonia dederint. Quam graviter vir Sanctus conqueratur, Confessorum socordia innumeras in omne artium & professionum genus corruptelas irrepsisse.* 448
- Ca. xxxviii. *Quarta sancti Caroli regula. Absolvendos non esse quos Presbyter merito existimat in eadem peccata denovo lapsuros, quantumvis profiteantur ac spondeant ea se deinceps non admissuros.* 452
- Cap. xxxix. *Duo postremæ D. Caroli regulæ corollaria: Quorum primum, breues & ad tempus conversiones non injuriâ falsas videri.* 353
- Cap. xl. *Alterum in D. Caroli regulâ observandum: Nihil esse quod Presbyteros cogat hominum gravioribus delictis irretitorum de corrigenda vita sponfiones accipere, nisi rebus & factis exploratas.* 468
- Cap. xli. *Ecclesiam quod olim sensit, idem etiamnum de Pœnitentia sentire. Sanctum Carolum disciplinam Ecclesiasticam altius etiam attollere in animo habuisse.* 475
- Cap. xlii. *Sanctum Carolum peccatores ad pœnitentiam suo exemplo prouocasse.* 479
- Cap. xliii. *Magnoperè expendendam, & gravem in primis videri oportere consensionem generalium Concilij Tridentini de pœnitentia decretorum, & singularium eadem de re san-*

INDEX CAPITVM.

- Etionum B. Caroli, cuius operâ Concilium illud absolutum est.* 481
- Cap. XLIV. *Sanctus Carolus cum beatæ memoriæ Episcopo Geneuensi col-
latus.* 485
- Caput XLV. *Alia horum temporum postremorum testimonia de peragen-
de ante Communionem pœnitentiæ utilitate. 492. Conci-
lium Senonense. 493. Synodus Augustensis. ibid. Synodi
Provinciales Mechliniensis, Coloniensis & Bituricen-
sis. 497. Cardinalis Gropperi de Pœnitentia instauranda
insignis locus. 498. Marianus Victorius Italus Episco-
pus. 506. Sanctus Franciscus Xaverius. 508. Doctores
Scholastici & Theologiæ Moralis Scriptores huius æta-
tis. 512. Cardinalis Baronius. 513. Pontificia diploma-
ta. 514. Superiorum omnium testimoniorum summa. ibid.*
- Cap. XLVI. *Praxin, quam explosa quavis aliâ Aduersarius vsquequaque
seruari iubet, non esse totius Ecclesiæ praxin.* 518
- Cap. XLVII. *Morem & praxim in Ecclesia vulgatiorem interdum sine
temeritatis nota omitti posse.* 520



INDEX CAPITVM.

P A R S T E R T I A.

DE INTERIORIBVS ALIIS QVIBVSDAM
ad Communionem fructuosè obeundam adjuementis.
An quisque quamuis se tepidum, torpentem, à diuina-
rum rerum studio & gustu remotum, gratiæ diuinæ ina-
nem, sui ipsius amore plenum, ac seculo immaniter ad-
dictum sentiat, ad Eucharistiam tamen intrepidè acce-
dere debeat, vt Aduersarius autor est. An dilatio Com-
munionis ad eam sanctius & religiosius percipiendam
vui esse non possit.

- Caput i. *V*trum Eucharistiam quantumuis tepidum ac frigidum
sumere oporteat. Scriptoris Libri de Imitatione
Christi & D. Bonauentura super ea re mens expla-
natur. 525
- Caput ii. *In administranda Eucharistia, nullane infirmitatis, languo-
ris, ac morborum anima habenda sit ratio.* 534
- Caput iii. *An propter mentis ad diuinas res cogitandas languorem &
inertiam, ab Eucharistia vsu continere se sit nefas.* 542
- Caput iv. *Aduersarij horrendum dogma: Quo quis gratiã inanior sit,
eò confidentius ad Eucharistiam accedendum.* 544
- Caput v. *Rationes ab Aduersario allatae confutantur: quarum prima
est: Christum nulla re æquè vt donorum suorum largitione
delectari. Duo loci insignes è Vitis Patrum.* 547
- Caput vi. *Secunda ratio refellitur: Christum quamdiu in terris versa-
tus est, nunquam à se peccatores submouisse. Eorum ipso-
rum exemplis doceri sacram Eucharistiam nonnisi summa
cum reuerentia adeundam.* 549
- Caput vii. *An ad fructuosam Communionem alia non opus sit prepara-
tio, quàm gratiam adipisci, aut eam se adeptum opinari,
& ad pios animi motus eniti. Sanctorum Patrum ea de re
sententia. 553. Sanctus Dionysius. 555. S. Iustinus Mar-
tyr. 556. S. Basilius. ib. S. Ambrosius. 557. S. Ioannes Chry-
sostomus. ibid. S. Hieronymus. 559. S. Augustinus. 560.*

INDEX CAPITVM.

Theodoretus & Pſellus. 561. Gennadius. 562. S. Gregorius. 563. S. Bernardus. 564. S. Thomas. ibid. S. Bonaventura. 565. Ioannes Auila. 566. Superiorum testimoniorum summa. 568

Caput viii. *An quicumque peccati mortalis sibi non conscj Eucharistiam accipiunt, extra noxiam sint, vt contendit Aduersarius. Cæcitatem & negligentiam culpæ non eximere eos, qui crimine implicati, quo se non teneri arbitrantur, ad Communionem adeunt.* 570

Caput ix. *De pio religiosoque motu ad fructuosam Communionem necessario.* 576

Caput x. *An qui sui ipsorum amore pleni, & mirandum in modum sculo adstricti sunt, Eucharistiam optimè frequentent.* 581

Caput xi. *An eorum qui ab Aduersario ad frequentandam Eucharistiam impelluntur Communionibus, Christus magnum honorem assequatur.* 594

Caput xii. *Nihil-ne ad Communionem sanctius obeundam adiuuet illius dilatio. Nonnulla in eam rem exempla Sanctorum.* 599

Caput xiii. *Num aduersus Eucharistiam reuerentiæ sit, humilitatis causâ ab ea interdum secedere, aut aliquantisper Communionem differre. Sanctorum illustrium eam in rem exempla.* 605

Caput xiv. *Nunquam-ne timendum sit, vt contendit Aduersarius, ne crebrior Communio debitam tanto mysterio reuerentiam minuat.* 609


Caput xv. *Quinam reprehendantur à Sanctis Patribus, quod plus æquo à sancta Communionem se subtrahant.* 614

Caput xvi. *Vtrum acerbissimam Ecclesie calamitatem importet, artificioque ac stratagemati Diabolico subferriat, qui peccatores ad pœnitentiam adducere, horrendumque illum, quo Sacramenta passim hodie dedecorantur, abusum pro viribus minuire conetur.* 621

Caput xvii. *An qui Pœnitentiæ exercitationibus, hoc est, orationum assiduitate, ieiunjs, eleemosynis, alijsque bonis operibus à peccatorum sordibus se expurgare student, argui meritò possint, prætermisâ expurgandarum animarum ratione à Christo institutâ, nouam comminisci.* 631

Indicis Capitum Finis.





DE FREQUENTI
COMMUNIONE,
ADVERSUS COMMENTARIUM,
cui titulus: *Quæstio, Vtrum præstet sacra Commu-
nionem frequentius uti, an rariùs.*

PARS PRIMA.

IN QVA LOCORVM SCRIPTVRÆ

Sacræ, & Sanctorum Patrum in Commentario isto ad
astruendam Communionis frequentiam prolatorum
vera sententia exquiritur. De virtutibus probæ animæ
Moderatori necessariis ad constituenda Communio-
nis tempora. Num quosuis promiscuè homines ad
Communionem intra octauum quemque diem impel-
lere oporteat. Quidnam frequenti Communioni ve-
nialia peccata officiant.

CAPVT PRIMVM.

RECTISSIME POSITVM A QVÆSTIONIS
autore, nullam esse potiore certiorémque regulam, quam
ut ad omnia Antiquitatis auctoritatem, Sanctorum Tradi-
tionem, veteres Ecclesiæ mores audiamus ac teneamus.

Aduersarius.

NVlla est certior regula, quâque facilius vel in hac
re, vel in alijs omnibus errorem effugere possi-
mus, quam si studiosè attendamus, quid Antiquitati,
Sanctorum Traditionibus, Et priscis Ecclesiæ moribus
atque institutis conueniat. Hæc regula deprompta est ex
prima Epistola S. Ioannis cap. 2.

RESPONSIO.



PRIMA hæc sententia cui veluti fundamento vniuersam orationem tuam superstruere cupis, adeò solida, sanctaque est, vt ego me Catholicum non deputem, nisi eam toto pectore complectar & præcipua quadam animi religione accipiam atque audiam tuas illas voces, *Nullam esse certiore regulam, quâque facilius vel in hac re, vel in alijs omnibus errorem effugere possimus, quam si studiosè attendamus, quid Antiquitati, Sanctorum Traditionibus, & priscis Ecclesiæ moribus atque institutis conueniat.*

Quid enim tandem est vnde exploratum esse possit, mentem nostram quæ suapte natura erroribus ac tenebris vndique circumfusa est, in animarum dirigendarum ratione non aberrare, nisi sese ad lumen illud applicuerit, quod à Christo Ecclesiæ collatum perpetua eiusdem Ecclesiæ Traditione continetur.

Si enim ipse Dei Filius ab æterno Patre ad docendum atque illuminandum orbem missus, nihil aliud dixit quam quod ab æterno Patre audiuit, vt ipse de se in Euangelio testis est: Si Spiritus Sanctus à Filio postmodum missus, nihil aliud quam quod ab ipso audiuit est locutus, vt idem Filius de ipso testatus est: Si Apostoli in omnem terram à Spiritu sancto missi nihil aliud docuerunt quam quod ab ipso didicerunt: Si Episcopi denique & Sancti Patres ab Apostolis missi, nihil aliud tradiderunt aliis

quàm quod sibi ab Apostolis traditum fuerat : absurdum omninò sit, vt tute meritò existimas, nos imperitos ac cœcutientes homunculos rerum diuinarum institutiones quas à nobis fideles expectunt, ad propriæ mentis nutum arbitriumque comminisci, aliasque eis doctrinæ ac pietatis Christianæ leges ac regulas imponere, quàm quas à Sanctis Patribus quasi manu traditas per tot ætatum decursus Ecclesia accepit, sicut eas Patrum antiquissimi ab Apostolis, Apostoli à Spiritu Sancto, Spiritus Sanctus à Filio, Filius à Patre acceperat.

Noli enim existimare, ita me Ecclesiasticæ doctrinæ rudem esse & imperitum, vt tuam excellentem istam regulam, solis fidei ac dogmatum finibus circumscribere velim. Agnosco tecum eam ad omnia virtutis & pietatis Christianæ officia, in quibus est quæstio quam tractas, pertinere, atque in omnibus & vbique, vt ais, tenendam esse, hoc est, in cunctis fidei ac morum præceptionibus obseruandam.

Et vero quis tandem Catholicus à te hac in re dissentiat? Quis diuinæ Traditionis autoritate fidem dirigendam, non mores existimet? Quis Patrum doctrinæ approbationem nobis imperatam, vitæ autem institutorumque imitationem vetitam esse arbitretur? Quis ne ab iis quæ docuerunt discedamus interdictum putet; vt autem salutis vias iis quas ingressi sunt vel dissimiles, vel etiam contrarias exquiramus, concessum? Postremò quis improbè dici fateatur, *Fidem temporum & non Euange-*

4 DE FREQUENTI COMMUNIONE.

liorum : probè autem dici, *Mores temporum Et non Euangeliorum*, contendat ?

Certe quidem Sancti Patres declarant, atque in primis Gregorius Magnus in libris *Moralium* virtutem, pietatemque Christianam, non minus quam doctrinam & fidem in Apostolica successione fultam fundatamque esse oportere; adeoque *Episcopos etsi subsequen-
tium populorum Patres sint, præcedentium tamen Patrum se filios meminisse oportere.* Quod etiam in libro de Cura Pastoralis post *Moralium* Opus scripto ab eodem confirmatur, ubi notat, in *Sacerdotis magni Rationali* vigilanter adjungi, ut duodecim *Patriarcharum nomina* describantur. *Ascriptos etenim Patres semper in pectore ferre, est antiquorum vitam sine intermissione cogitare. Nam tunc Sacerdos IRREPREHENSIBILITER* graditur, cum exempla *Patrum præcedentium* indefinenter intuetur, cum *Sanctorum vestigia* sine cessatione considerat.

*Gregor. l. 30.
Moral. c. 7.*

*Greg. Pastor.
part. 2. c. 2.
Et Epist. l. 1.
Epist. 24.*

Hæ sunt partes, Magno Gregorio autore, hoc officium Pastoris Euangelici, fidelisque animarum ductoris. Hæc regiminis administrationisque ipsius forma: hæc via quâ sibi & ab hominibus laudem & à Deo præmium paret. Hoc præsidio & ab imperitorum conatibus tutus est, & ad obrectatorum calumnias septus, & eruditis ac piis iudiciis semper insons, culpâque omni ac reprehensione superior.

*Adrian. 11.
in libello per
legatos lecto
in Synod. 8.
ad 1.*

Hanc eandem legem fidelibus omnibus præscribit Summus Pontifex Adrianus II. *Prima salus*, inquit, est, rectæ fidei regulam custodire, deinde à

constitutis Dei *Et* Patrum nullatenus deuiare, vnum quippe horum ad fidem pertinet, alterum ad opus bonum. Sicut enim scriptum est, Sine fide impossibile est placere Deo, sic rursus legitur, Fides sine operibus mortua est.

Quid vero splendidis illis vnus è Gallix nostræ Conciliis vocibus addi potest, quibus declarat, *Obseruandum nobis magnoperè esse ante omnia & super omnia, vt mandatum Dei & non nostras Traditiones populo obseruandas tradamus: & nihil nisi Scripturarum diuinarum auctoritate fultum statuamus agendum, nihilque de cordibus nostris, nihil extra præceptum Domini Et Sanctorum Patrum (quod absit) constituere, docere, vel jubere præsumamus.*

Concil. Lemons. ex M.S. Bibliothecæ Thauricæ.

Si igitur ita Patres, ita Concilia loquuntur, nos homunciones tantum audaciæ assumemus, vt sacras Christianæ pietatis leges, tot Sanctorum monumentis factisque traditas pro nihilo habeamus, tutiusque arbitremur vias quasdam nouas, priscis illis veræ virtutis magistris plane ignotas insistere, quam antiquum iter persequi, quod eos ad cælestem patriam felicitatemque perduxit.

Hoc vero tu quidem merito non ferendum censes: quippe cum ab ipso Christianæ Religionis sensu ita alienum sit, vt præclarus alius Pontifex scribat, non minus coercendos qui Sanctorum Patrum decreta de moribus conuellant, quam qui eorum fidem expugnent. Hoc enim iudicium fuit Gregorij VII. in Apologia quam pro Concilio Romæ à se habito edendam curauit. *Quamuis, inquit, modo quidam non tam apertè cum Ario & reliquis Hæresiarchis*

In Apologia Decretorum Gregorij VII.

6 DE FREQUENTI COMMVNIONE.

fidem Sanctorum Patrum impugnent, tamen eorum moralibus statutis cum ipsa quidem fide per eosdem Sanctos Patres eodem tempore, eadem subscriptione roboratis obstinate resistunt, quæ & cum eadem fide ex sacratissimo fonte scripturarum emanauerunt. Sed & in eorum nefandissima rebellionē, etiam ipsam fidem Sanctorum Patrum probantur annullare, cum in authenticis sanctionibus auctoritatem illorum pro nihilo ducunt, qui & fidem sua auctoritate confirmauerunt. Nullatenus sanè alicui fides Sanctorum Patrum proderit, qui eorum Canonicis atque Moralibus præceptis non obedire, sed pertinaciter resistere studuerit. Nam, ut Iacobus frater Domini testatur, Fides sine operibus mortua est, qualem & Dæmones habere fatetur. Non ergo minus est resistendum pertinacibus authenticarum institutionum impugnatoribus, quam sacræ fidei violatoribus, cum & Dæmonibus assimilentur, quicumque institutionem Sanctorum Patrum in fide tantum, & non etiam in conuersatione pro viribus affectantur.

Quod si trium clarissimorum Pontificum, cæterorumque Patrum auctoritas abundè est, ad constabiliendam tuam illam certissimam constantissimamque regulam; ipsum quod attulisti Scripturæ ac Sancti Spiritus oraculum satis valere possit ad eos comprimendos qui illam non ut par est, colere ac venerari velint.

Ioan. 2. v. 24.

Cum enim B. Ioannes verbis à te descriptis Christianis omnibus præcipiat ut in eo quod ab initio audierunt, firmi permaneant, quò & ipsi in Patre & Pater in ipsis maneat: nonne Dei ipsius vocem aspernari videbitur, qui tanti Apostoli, vel potius

qui communem Apostolorum Prophetarumque omnium vocem repudiet, qui in Veteri passim ac Nouo Testamento nihil seuerius sanciant, quam ne ab antiquis viis recedamus, transcensisque Patrum limitibus patiamur nos doctrinis variis & peregrinis abduci ac prophanis vocum nouitatibus captari.

Itaque ex altera quidem parte hoc affecutus es, vt fundamentum disputationis tuæ ieceris prorsus inuictum atque inconcussum: vt nemo te nisi armis impugnare tuis, nemo de tuis conclusionibus nisi ex principij à te positi veritate existimare queat. Ex altera vero valde metuendum tibi est, ne diuino illi fundamento, non aurum, argentum, lapides pretiosos, sed ligna, fœnum ac stipulam superstruxeris, sicque Dei Verbum quod Scripturæ sacræ ignem vocant, totam ædificij tui molem in cinerem Hierem. 30. fumumque dissoluat. Valde, inquam, metuendum tibi, ne tela quæ in alios torsisti in teipsum redeant, ne doctrina tua eius potissimum veritatis quâ eam stabiliendam sperasti, firmitate labefactetur; tremendaque illa ex Euangelio voce te Christus ipse percutiat, *Ex ore tuo te iudico*. Hoc nempe Respon- sione mea demonstraturum me tibi confido, teque ipsum ultro id agniturum, si modo minus apud te valeat priuatæ opinionis defendendæ cupiditas, quam studium percipiendæ veritatis. *Quando ani-* August. l. 6. contra Iu- lian. 6. ult. *mositatem quâ teneris viceris, tunc veritatem poteris te- nere quâ vinceris.*

CAPVT II.

*QV A R A T I O N E F R E Q V E N T E M
primorum Christianorum Communionem imitari
oporteat.*

Aduersarius.

V Ideamus ergo quis olim Communionis vsus in Ecclesia fuerit, quidque nobis à Sanctis Patribus de illa traditum sit.

R E S P O N S I O.



R E M explicare meditaris longè intellectu dignissimam. Sed quoniam orationis perturbatio non minus ad occultandum errorem quam distinctio ad illustrandam veritatem facit, vt in ea ad quam nos vocas quæstione ordine progrediamur, considerandum ante omnia est, quod vniuersi Patres docuere, Ecclesiam ex duplici hominum genere constare, *Innocentium & Peccatorum*, hoc est illorum qui baptismi gratiam incolumem, inuiolatamque tenuerunt, & eorum qui eandem lethali aliquo peccato violarunt & extinxerunt.

Ex huius distinctionis, diuersæque in duo ista hominum genera disciplinæ ignorance (pace tua dixerim) omnes argumentationum tuarum errores prodierunt. Vniuersa enim ista testimoniorum congeries, quorum fontes ipsos, vt æstimare facile est, nunquam fortassis adiisti, nihil aliud demonstrat,

strat, nisi quid Ecclesia aduersus priores obseruaret, hoc est, aduersus *justos & innocentes*; atque item aduersus illos è posterioribus, hoc est *ex peccatoribus*, qui postquam criminum maculas longa & accurata pœnitentia eluissent, ad laudabilis & Christianæ vitæ institutum sese retulerant.

De iis verò, qui è lethalis peccati cœno primùm emergerent, infrà ostendam, tantùm abesse vt frequentem sacræ Communionis vsum Patrum vllus eis vnquam suaserit, vt ex perpetuo vfu ac disciplina Ecclesiæ, à pane illo cœlesti, velut à solidiori cibo, & eorum imbecillitati minus accommodato in aliquod tempus submoti fuerint. Quare qui normam & doctrinam de præbenda *peccatoribus & pœnitentibus* Eucharistia (quod præcipuum est quæstionis nostræ caput) ex veteri Ecclesiæ aduersus *innocentes ac justos* disciplina metiri velit, is profectò nihilo minus absurdè faciat, quam qui Hippocratis & Galeni præcepta omnia de sanorum cibis & victu in vnum congesserit, vt eosdem cibos ægrotis, aut tantum conualescentibus adhibendos esse conficiat.

Verum vt intelligas hac in re nihil me de meo afferre velle, accipe quid doceat D. Bonauentura de ipsa quæ à te proposita est Quæstione, *Vtrum præstet sacra Communionem frequentius vti, an rarius*, ac de eodem quod apponis exemplo frequentioris Communionis Ecclesiæ primitiæ. Summus enim ille vir cuius doctrina cœterorum omnium Scholasticorum doctrinæ à Gersone antefertur, Com-

IO DE FREQUENTI COMMVNIONE.

mentario in Magistrum Sententiarum, postquam exposuit quæ de frequenti Communione in utramque partem dici posse videbantur, his tan-

*D. Bonavent.
in 4. sentent.
dist. 12. part.
2. art. 1. q. 2.*

dem verbis suam sententiam promit : *Si quæritur utrum expediat frequentare alicui : dicendum, quod si videat se esse in statu Ecclesiæ primitiue* (hoc est, ut paulò antè significat in baptismatis sanctitate, in vitæ innocentia, in Charitatis ac sancti Spiritus ardore) *laudandum est quotidie communicare. Si autem in statu Ecclesiæ finalis utpote frigidum & tardum, laudandum est quod rarò. Si autem in medio modo, medio modo debet se habere; & aliquando debet cessare VT ADDISCAT REVERERI*, aliquando accedere ut inflammetur amore; quia tali hospiti debetur honor, debetur & amor; & tunc secundum illam partem secundum quam viderit se magis proficere, ad illam magis declinet : quod homo solum experientia discit. Vnde concludit, *Omnes ergo rationes intelliguntur salua debita præparatione, quæ est in paucissimis ut semper.*

Hic vnus locus integræ ad Scriptum tuum responsionis vice esse possit, cum opinionum tuarum omnia commenta paucis verbis dissoluat. Tu enim omnes promiscuè homines, quantumuis imbecillos atque imperfectos proposito primorum fidelium exemplo ad Eucharistiam frequentandam impellis. At S. Bonaventura exempli huius imitationem ad eos tantum pertinere asserit, qui eorundem nascentis Ecclesiæ Christianorum sanctitatem, ac diuinæ pietatis ardorem imitentur, quique eorum instar cœlestis regenerationis gratiam, ac

sancti Spiritus plenitudinem Baptismo & Confirmatione acceptam inuiolata puritate conferuent.

Tu hominem quemlibet vtcumque tepidum se ac frigidum experiatur, frequenter atque intrepidè Communionem sacram adire debere censes : Ille contra asserit animas tardas ac frigidas, & in Ecclesiæ finalis statu constitutas, de quo à Christo ipso prædictum est fore, vt multorum charitas refrigesceret, diuino illo pane raro tantum refici oportere.

Tu honoris ac reuerentiæ in Christi corpus esse negas, ab eo nonnunquam humilitatis causa sese abstinere : Ille contra asseuerat eos ipsos qui ad altiorem perfectionis gradum, quam senescentis Ecclesiæ status & conditio ferat ascenderint, quasdam amoris ac venerationis vices alternare debere, mysteriumque istud tum religiosa abstinentia, tum sancta auiditate ex æquo honestandum atque adorandum esse.

Tu Communionis dilationem ad Eucharistiam religiosius accipiendam quicquam conferre aucter inficiaris : At D. Bonauentura ita errorem istum refellit, vt conceptis verbis asserat, ei qui iam aliquid in Christiana virtute profecerit interdum à Communionem desistendum, *Vt addiscat reuereri.*

Postremò tu aliam pietatis viam quam Communionum crebritatem ac multiplicationem non nosti : At vir ille sanctissimus cum spiritu longè alio ageretur, minimè nescius quam variis ac multiplicibus modis Christus suos regere soleat, suo quemque experimento definire iubet, sibine ad incre-

12 DE FREQUENTI COMMVNIONE.

mentum virtutis magis expediat Eucharistiam frequentius adhibere an rarius, & quam viam consuetudinemque Deo acceptiorem senserit, quamque vberiori gratiæ suæ munere Christus prosequetur, eam deinceps tenere ac persequi.

Iam vide amabo te, quæ & qualis doctrina tua habenda sit, quæ cum tam insignis Theologi doctrina velut aduersa fronte confligat. Vide etiam atque etiam vtrum ea demum sit *maxima calamitas, quæ Ecclesiæ incidere possit* (vt in extremo tuo scripto loqueris) suadere nonnullis ex tanti Doctoris mente, vt ab Eucharistia interdum humilitatis ac reuerentiæ causa secedant, & animas flagitiis ac peccatis commaculatas à frequenti eius vsu detertere, an vero omnes prorsus homines indiscriminatim (vt in scedula tua contendis,) ad crebram Communionem impellere.

Postremò vide obsecro tua ne an illius doctrina *dæmonis stratagemati*, vt tuo verbo vtar, ascribi debeat, & concede vt Sancti Bonauenturæ diuino antiquorum Patrum spiritu instructi, lumine incensi, iudicium pluris faciamus, quam eius hominis qui ea demum tenere se prodit, quæ Patres ignorarunt, ea ignorare, quæ Patres tenuerunt. Concede vt sapientiam quâ nascentis Ecclesiæ firmissimam ac velut heroicam ætatem ab eiusdem inclinatione ac senio, decimi tertij seculi Christianos à primi seculi Christianis, postremò cœlestis ignis tenues scintillas, ab acerrimis illis flammis quæ orbem vniuersum olim peruaferunt, secernit & diuidit, perindè

suspiciamus, vt incogitantiam improbamus quâ tam disiunctas ætates, tam diuersas res atque dissimilitudines temerè confundis. Concede denique vt institutionem antiquam à tantæ sanctitatis Religioso, tanti nominis Doctore, tantæ dignitatis Præsule traditam exequi ac seruare malimus, quam noua Doctoris ignoti consilia, cui virtus fortasse mediocris, eruditio certè exigua, auctoritas verò in Ecclesia nulla.

CAPVT III.

DE FREQUENTI COMMUNIONE
quàm memoras liber Actuum Apostolorum.

Aduersarius.

Apostoli qui à Christo ipso edocti eius mentem ignorare non potuerunt, vulgarem fidelium omnium Communionem instituerunt, vt patet 2. Actuum, vbi fideles dicuntur perseuerasse in doctrina Apostolorum in orationibus, & in communicatione fractionis panis: quæ fractio ab omnibus Catholicis interpretibus de sacra Communionem intelligitur.

RESPONSIO.



REcte tu quidem istud, nec rectius poteris, si quæ modo exposita sunt à nobis illustrare ac confirmare decreuisses. Apostoli vulgarem fidelium omnium Communionem instituerunt. Quorum tandem fidelium? nempe eorum

14 DE FREQUENTI COMMUNIONE.

qui à Baptismi fonte recentes, veteri ac terreno homine cum factis suis omnibus nuper exuto, nouum ac cœlestem induerant : qui Apostolicarum manuum impositione Spiritus sancti plenitudinem paulò antè acceperant : quorum fides innumeris quotidie miraculis effulgebat : quorum spes sublimia semper ac cœlestia consecretans, terrenas omnes diuitias velut infra se positas jacentesque calcabat : quorum charitas (quæ Christianæ perfectionis apex est) ita absoluta erat, vt eorum omnium Scriptura teste, *cor esset unum & anima una*. Eorum denique fidelium, quos vt Christianæ sanctitatis religiosarumque omnium societatum formam quandam & effigiem cumulatissimam vniuersa semper Ecclesia contemplata est.

Attende, obsecro, vim & acumen argumentationis tuæ. Prisci fideles diuino illo igne, quem ad inflammanda hominum corda Christus è cœlo effuderat cum maximè ardentes, diuino ac cœlesti pane frequenter reficiebantur : Igitur *quantumlibet torpentem se ac tepidum quis experiatur*, siue id humana infirmitas, siue contractus ex antea actæ vitæ corruptela languor efficiat, istud exemplum confidenter exequi debet. Hæc tua nempe doctrina est.

Primi illi Christiani, quos feruescens adhuc & quasi ebulliens Christi sanguis flagranti illius amore nuper impleuerat, tremendis sæpè se sistebant altaribus : Igitur *qui immenso sui ipsorum amore pleni sunt*, optimè faciunt, si Eucharistiam sæpiùs sumant. Hæc tua est disciplina.

Qui ab omnibus humanis rebus ita expediti ac disiuncti erant, vt suas omnes facultates ad Apostolorum pedes læti proijcerent, per frequentem sacrae Eucharistiæ vsum, intimam cum Christo coniunctionem sæpiùs appetebant: Igitur *qui mirandum in modum seculo addicti sunt, si sæpiùs itidem Christi corpore pasci voluerint, magno eum honore affecerint.* En verba, en consilia tua.

Qui abundantia gratiæ proximè cumulati fuerant, fortium pane sæpiùs vescebantur: Igitur *vt quisque gratiæ inanissimum sese experitur, ita ad sacram Eucharistiam confidentissimè accedere debet.* Agnoscis, opinor, orationem tuam, actuas ipsas voces. Per quas tandem argumentandi leges, è talibus principiis tales conclusiones elicere fas est? Equidem si paulò attentius Dei verbum expendisses, duo in hoc eodem Actuum loco præcipuâ quadam animaduersione digna reperisses.

Primum enim illos nascentis Ecclesiæ filios Scriptura declarat, in doctrina Apostolorum: deinde in sacra Communione perseuerasse: quorum posterius ex priore consequebatur. *Erant, inquit, perseuerantes in doctrina Apostolorum & communicatione fractionis panis.* Nonne metuis ne in sacrilegij crimen incurras, dum ordinem à Spiritu sancto præstitutum perturbare audes, perseuerantiam in sacra Communione, perseuerantiæ in doctrina Apostolorum semper hoc in scripto anteuertens; cum perseuerantia in doctrina Apostolorum, hoc est obseruatio diuinarum institutionum quas Apostoli à

16 DE FREQUENTI COMMUNIONE.

Christo didicerant, quasque alios edocere ab eodem jussi fuerant, Scriptura teste, illam in sacra Communione perseverantiam antecedit?

Alterum animadversione dignum illud est, ex quo facile perspicias quanta animi puritate ad Dei mensam accedi oporteat. Cum enim in 2. illo Actuum capite de fidelibus recens conuersis discrete scriptum sit, eos in doctrina Apostolorum, & in sacra Communione perseverantes fuisse; in primo capite ubi accuratius describitur quid interim agerent centum illi & viginti homines, qui à Christi Ascensione promissum ab eo munus expectabant, nihil aliud scribitur, nisi omnes perseverantes fuisse vnanimiter in oratione, tacitâ penitus Eucharistiâ. Ex quo facile intelligitur Apostolos, cum post Saluatoris resurrectionem tantis ab eo gratiæ muneribus donati essent: cum Spiritum sanctum diuinissimo ipsius oris flatu accepissent; cum doctrinæ illius per orbem vniuersum disseminandæ, miraculisque omne genus confirmandæ potestatem essent adepti: minus tamen idoneos, paratosque sibi visos esse ad cœlestem illum panem attingendum; ac sancti Spiritus plenitudinem præstolari voluisse, quo dignius ac sanctius tremenda illa mysteria peragerent. Atque hinc perspicuum est, quo ordine ad Eucharistiam, si verè ac legitimè illâ vti volumus, progrediendum sit. Quod etiam credibile est Ecclesiam sanctam sponsi cœlestis ductu atque impulsu secutam fuisse, dum diuinissimi Sacramenti festum diem proximè post festum Pentecostes celebrari

celebrari iussit, vt doceret alterum alterius viam esse ac præparationem, sanctique Spiritus illapsu homines ad illum Angelorum panem edendum idoneos fieri, vt videlicet ille Spiritus qui Virginem Matrem ad mortale Christi Corpus in eius aluo conformandum præuiis gratiæ suæ muneribus abundantissimè instruxit: idem nunc Christianorum animas ad istud ipsum corpus jam passionis expers, immortale ac gloriosum sinu suo excipendum cœlestibus donis præmuniat atque illustret, ex præclara SS. Patrum sententiâ, Eucharistiam *Incarnationis extensionem*, quandam esse, & quasi propagationem.

Quæ quidem Ecclesiæ cogitatio adeò grauis ac vera est, vt ex Euangelio ipso manifestum sit Christum cum discipulis in Emaütem proficiscentibus Corporis sui Communionem impertiit, (quod ante Spiritus sancti descensum nonnisi tunc temporis factum esse legitur) priùs in eorum corda diuini illius ignis flammam iniecisse; quod & ipsi profitentur, dum perceptæ gratiæ quasi impetu abrepti exclamant: *Nonne cor nostrum ardens erat in nobis?* Sicut ergo eorum causa corporis sui distributionem, ita & sui Spiritus effusionem maturauit & quasi anticipauit, mentes extraordinaria Sacramenti sui communionem pascendas extraordinariæ gratiæ largitate præparauit: vt in illis quid post sancti Spiritus aduentum fidelibus omnibus euenturum esset velut typo & imagine quadam delinearet: quemadmodum in Euangelio quæ vniuersæ

18 DE FREQUENTI COMMVNIONE.

Ecclesiæ euentura erant innumerabilibus penè figuris depinxit ac præmonstrauit.

CAPVT IV.

*QVINAM A S. DIONYSIO DIGNI
habeantur qui Missæ Sacrificio intersint.*

Aduersarius.

Apostolorum Canone nono decernitur, ut fideles omnes qui ingrediuntur in Ecclesiam, quique in ea Sacras Scripturas audiunt, aut Eucharistiam itidem sumant, aut à cæteris secernantur. In S. Jacobi Liturgia idem constitutum habetur. Beati Apostolorum discipuli Clemens & Dionysius testes sunt, hanc olim fuisse Ecclesiæ consuetudinem, ut Euangelio pronuntiato, lectisque Scripturis Sacris, qui ad percipiendam Eucharistiam idonei non erant, foras pellerentur, ac demum Sacerdos diuina Communionem omnibus impertita tremenda mysteria cum gratiarum actione perageret. Anacletus à Beato Petro Pontifex V. decernit, ut ex consuetudine ab Apostolis instituta, & ad illa usque tempora conseruata qui in Missæ Sacrificio Communionis particeps esse noluerit in Ecclesiam ne intro-mittatur, adeoque post confectam consecrationem ad Communionem omnes accedant.

R E S P O N S I O.



I sanctioris illius disciplinæ quæ inter Ecclesiæ primordia tenuit, vim & quasi mentem perspectam animo & cognitam haberes, non commisisses vnquam, ut eam ad sententiæ tuæ præsidium accer-

sendam putares; facillimèque intellexisses nihil fingi aut cogitari posse, quod cum dogmate tuo capitalius pugnet, quodque destruat magis & euertat quicquid adstruere meditaris. Quorsum enim attinet commemorari hîc à te, omnes qui ad Eucharistiam percipiendam minus idonei videbantur ante mysteriorum celebrationem pelli solitos, nisi eadem operâ doceas, quinam tales Ecclesiæ iudicio haberentur? Nam si in istum numerum tum referebantur, non ij modo qui virtutis studium non profitentur (quibus tamen vt infrà patefiet Communionis frequens vsus à te suadetur) sed etiam qui à sanctitate Christianæ vitæ semel lapsi essent, quamuis eam repetere in animo haberent; non ij solum qui cum in Sacerdotis sinum inolita vitia, criminaque penè flagrantia festinanter effuderint, ad Eucharistiam, si fides tibi habenda est, continuo recipiendi sunt, sed ij etiam qui cum à deteriore vita discesserint, nondum tamen animos à pristina impuritatis phantasmatis satis expurgarunt: non ij solum qui sui ipsorum amore pleni sunt, sed ij etiam qui diuinum amorem ab omni alieno affectu purum ac liberum nondum affecuti sunt: non ij solum qui stupendum in modum seculo addicti sunt, sed etiam ij qui nondum soli Deo vnicè adherent, nondumque omnino irreprehensibiles & immaculati sunt. Si, inquam, pateat istos omnes tunc temporis à sacrificij aditu fuisse prohibitos, quid aliud religiosâ disciplinæ huius obseruantia declarabitur, nisi ex mente beatissimorum illorum virorum, quorum sensum initio disputationis tuæ pro lege &

norma sequendum nobis cum Catholicis omnibus es professus, eos quos ad creberrimum sacræ Eucharistiæ vsum propellis potiùs quam admittis, ne solâ quidem tantorum mysteriorum inspectione fore dignandos? Nec verò hac in re vt me audias postulo; sed ambo, si placet, audiamus eos ipsos qui à te laudati sunt testes, & ex illis eum potissimum à quo de hac materiâ quam penè vnus speciatim explanauit, optimè possumus edoceri.

Autor est magnus ille Dionysius, sicut à te commemoratur, hunc olim fuisse Ecclesiæ morem, vt Euangelio, sacrisque literis publicè pronuntiatis qui ad percipiendam Eucharistiam idonei non erant, foras pellerentur. Sed quoniam quinam illi essent, dicere prætermisisti, id te Dionysius suis ipse verbis commonefaciat oportet. Fac igitur vt mentis & oculos & aures aperias, ac vide num fulgurum istorum splendorem, diuinique huius tonitruï sonitum perferre queas.

Ἐπὶ δὲ τῷ
θεῷ γεγόνα-
σι ἔξω τὰς
καὶ τὸ ἱερ-
οσύνης αὐ-
τὸς ἱερὰ
κλῆς, καὶ τῶν
τελευτῶν αὐ-
τῶν καὶ τῶν
αὐτῶν αὐ-
τῶν οἱ τῶν
ἐξ ὧν δόξα αὐ-
τοῦ ζῶντος.
ἐπομῶς τε
τῶν οἱ τῶν
τοῦ τῶν ἐξ αὐ-
τῶν δὲ αὐ-
τῶν φάσ-
μαται δὲ αὐ-
τῶν δὲ αὐ-
τῶν δὲ αὐ-

plo Dei, & sacrificio à cuius sublimi & diuina excel-
sitate nimium absunt, primùm qui mysterijs nondum initiati eo-
rum omninò expertes sunt, nempe Catechumeni:
Deinde qui à sanctitate vitæ Christianæ descuerunt,
quorum scilicet baptismalis integritas lethali ali-
quo vulnere corrupta est: Postea, qui ea sunt animi
infirmirate, vt ad hostis terriculamenta & visa facile
commoueantur, hoc est, Energumeni, quippe qui ad di-
uini ac deifici habitus immobilitatem, vt ita dicam, vimque
actuosam constanti & inuicta animi ad res diuinas appli-
catione nondum peruenere: Præterea qui à deteriore qui-

dem vita jam discefferunt, nimirum Pœnitentes, sed animos à pristinae impuritatis phantasmatis nondum satis expurgatos gerunt habitu amoreque Dei purissimo ac simplici. Denique qui nondum soli Deo unicè adherent, quique, ut Scripturæ more loquar, nondum omnino irreprehensibiles sunt atque immaculati.

An hæc doctrina cum tua consentit? An vero si eximius ille Doctor aberrationes & corruptelas quas inducere moliris prospexisset (quas spiritus certè quo agebatur facilè prospexit) fortiùs eas atque expressiùs opprimere potuit?

C A P V T V.

DE QVOTIDIANAE COMMVNIONIS
consuetudine.

Aduersarius.

D Hieronymus in Epistola contra Iovinianum & S. Augustinus pluribus in locis asserunt suis temporibus quotidiana Communionis morem in Romanis & Hispaniensibus Ecclesijs adhuc perseverasse.

R E S P O N S I O.



ERGRATVM feceris, si loca illa in quibus hæc de Romanis & Hispaniensibus Ecclesiis ab Augustino scripta prædicas, nobis indicaris. Nisi enim me vehementer fallit opinio, inò à te dabitur.

Hieronymus quidem Romanarum duntaxat

22 DE FREQUENTI COMMVNIONE.

Ecclesiarum meminit in Apologia pro Libris suis contra Iouinianum ad Pammachium missa; quibus in Epistola demum ad Lucinium Hispanienses adiungit. Sed nusquam omninò ait consuetudinem illam ab Apostolorum temporibus ortam in ipsis perseuerasse, vt innuere ac persuadere velle videaris. Præterea tacitum à te ac prætermissum non oportuit, quod eodem illo loco acrioribus verbis Hieronymus inuehitur in eos qui per consuetudinis istius causam tanti Sacramenti maiestatem animo non satis composito atque expurgato contingere auderent. Ex quo manifestum est, quicumque tandem Eucharistiæ frequentandæ mos in Ecclesia viguerit, eatenus tamen id concessum fuisse, vt ea quæ pro cœlestis huius mysterij dignitate necessariò priùs adhibenda essent, adhiberentur. Quare cum jam non quærat inter nos sitne vtile Eucharistiam adire frequentius, sed quâ se ante componere debeat is à quo frequentius adeatur, satis erit in præsentia, vt ad Dionysium à quo quid Apostoli, quid Apostolorum discipuli hac de re fenserint edoceare, te remittamus.

C A P V T VI.

DE COMMVNIONIS PRÆCEPTO in primitiua Ecclesia obseruato.

Aduersarius.

*Q*uotidianam Communionem in primitiua Ecclesia præcepto sancitam fuisse censet D. Thomas, &c.

alij Scholæ Theologi. Fateor tamen præceptum illud satis firmis rationibus adstructum non videri. Sed veriùs dixeris eum tum fuisse Ecclesiæ morem, vt qui quotidie templum adirent ac sacrificio interessent, sacra item Eucharistia impartirentur.

R E S P O N S I O.



ERITO agnoscis nullum esse satis firmum argumentum, quo Communionem quotidianam in primæua Ecclesia præcepto sancitam fuisse conficiatur. De illa autem primorum fidelium consuetudine, quâ quotiescumque sacrificio intererant, diuinissimâ etiam hostiâ vescebantur, jam suprâ ostensum est, nihil aliud inde consequi, quam sanctissimos illos Apostolorum discipulos parem pietatem à fidelibus qui sacro interessent, atque ab iis qui Sacramentis cœlestibus impartirentur postulasse; adeoque mirum non esse, si eorum qui sacrificio intererant pars maxima, sacrâ Communionem donaretur.

Cum igitur ab Ecclesia repuleris eos omnes qui tum ab ea Sancto Dionysio autore arceri soliti erant, eos nimirum qui à sanctitate vitæ Christianæ lapsi sunt, qui deteriore quidem vita jam dimissa animum tamen ab impuritatis pristina phantasmatis nondum satis expurgarunt habitu amoreque Dei purissimo ac prorsus simplici. Denique, qui nondum soli Deo unicè adherent, quique, vt Scripturæ more loquamur, nondum omninò irreprehensibiles sunt atque immaculati. Cum igitur hos

24 DE FREQUENTI COMMVNIONE.

omnes primorum illorum fidelium exemplo ab Ecclesia eieceris, atque à sacrificio remoueris, tanquam *ab eius sublimi & diuina excelsitate nimium disjunctos*, quin reliquos omnes quibus Myfteriorum celebrationi interesse concessum fuerit ad cœlestem mensam accersas atque adhibeas, nemo impedit.

Vt autem sanctissima hac disciplina abutare, ad eos quos illi nec templi ingressu dignati essent altaribus ipsis passim admouendos, hoc nimirum illud est quod sine gemitu, sine dolore ferre non possumus. Atque, vt hîc obiter tibi ostendam, quod fusiùs alio in loco explanaturi sumus, morem illum, vel si mauis præceptum frequentandæ Communionis in primitiua Ecclesia ad *Innocentes* demum & *Iustos*, non autem ad *Peccatores*, *Pœnitentesque* pertinuisse, consule interim, quæso, diuini Officij Librum, vbi docere Sanctum Soterem Romanum Pontificem dum Cœnæ Domini die fidelibus vniuersis sacram Communionem indicit, nominatim excipere eos qui ob susceptum in se aliquod lethale peccatum à diuina Eucharistia submoti fuissent. *Statuit enim vt Christi corpus in Cœna Domini sumeretur ab omnibus, ijs exceptis, qui propter graue peccatum id facere prohiberentur.*

CAPVT VII.

*QVO SENSU FREQUENTIOREM
Communione SS. Patres suadeant.*

Aduersarius.

*P*atres omnes frequentem Communionem suadent.

RESPONSIO.



VIS tandem eam pariter cum ipsis non suadet? At tu controuersia nostra mediam tantum partem semper attingis. Non enim solum ostendi oportuit SS. Patres frequentem suasisse Communionem, sed etiam quibusnam suaserint exponi. Omnes Medici panem & carnes ad alendum corpus saluberrimè adhiberi censent. An inde efficias eosdem id alimenti genus promiscuè & indiscriminatim ad quoslibet adhibere, eoque ægrotos alere, etiam cum primum febris ab iis discesserit? Quare per sacrum illius nomen qui proprio sanguine redemptas oues pestifera doctrina pasci prohibet te oro atque obtestor, vt dicas, num existimes crebram illam de qua Patres loquuntur Communionem ad omnes ex æquo pertinuisse seu nocentes, seu innocentes; seu iustos, seu pœnitentes. Si in ea opinione es, eorum omnium quos laudas Patrum testimoniis ipsis, te in eorum doctrina hospitem esse & peregrinum planissimum faciam.

Sin aliter censes, in re tam graui in qua animarum salus agitur, aliorum ignoratione perperam abuteris, quos in eam sententiam inducis, vt ex mente SS. Patrum sacram Communionem frequentius adire se posse confidant, cum nihilominus magnam eorum partem ijdem SS. Patres, vel ipso Mysteriorum aspectu, multo tempore prohibendam esse censuissent.

CAPVT VIII.

QVID DE POENITENTIA ET SACRA
Communione B. Basilii sentiat.

Aduersarius.

Sanctus Basilii testis est, eum in Diœcesi sua fuisse morem, vt fideles omnes diebus Lunæ, Mercurij, Sabbati, Dominicis, alijsque quibus Sancti alicuius festum celebraretur, sacram Communionem adirent.

R E S P O N S I O.



QUOD hîc profers de S. Basilio (vnde enim singula quæ profers testimonia eruantur, nobis, vt video, relinquis indagandum) in collectione Epistolarum ipsius operibus adjecta reperitur, quæ magnam partem ipsius non sunt. Quin & admodum credibile est eam ipsam qua de agitur, falso ei ascriptam fuisse. Vt-vt sit, si modo vocolam (omnes) quam de tuo addidisti, sustuleris, cœtera declarant tantum quo pacto cum iis ageretur qui

vitam verè Christianam colerent, non autem quid iis fieret qui ab ea per peccata mortifera prolapsi essent. Et tamen hic est cardo controuersia nostræ: cum nemini dubium sit, quin Communio frequentior purioribus animabus fructum afferre possit.

Quod autem pertinet ad illos qui pœnitentiæ remediis egent, si in Basilij lectione paululùm modò versatus esses, non commisisses vnquam vt eum hoc loco velut dogmatum tuorum approbatorem confirmatoremque produceres. Si enim ex operibus illius indubitatis duas modo ad Amphilo- chium Epistolas legisses, quæ cum ab Ecclesia Græca in ipsum Canonum corpus insertæ fuerint, non jam vnius Basilij mentem & sensum, sed totius Orientalis Ecclesiæ repræsentant; ea ibi offendisses, quæ ad stabiliendam doctrinam tuam ægrè admodum adhiberi queant.

Reperisses videlicet pœnitentia, segregatione- que ab Eucharistia in multos annos vulgaria pec- cata, nonnullaque in mortiferorum genere leuiora vindicata. Vidisses pœnitentiam ^a in vnum, in- terdum ^b in duos annos furto inflictam; ^c in qua- tuor, & nonnunquam ^d in septem simplici forni- cationi; ^e in annos vndecim perjurio; ^f in quin- decim adulterio; ^g in idem tempus matrimonio intra prohibitos cognationis gradus inito, ^h in an- nos viginti homicidio, ⁱ totam denique vitam ex- piandæ voti castitatis violationi Monacho aut san- ctimoniali præstitutam.

^a Epist. 2.

Can. 61.

^b Ibid.

^c Ibid. can.

22.

^d Ibid. can.

59.

^e Ib. can. 64.

^f Ib. can. 58.

^g Ib. can. 63.

^h Ib. can. 56.

ⁱ Ib. can. 60.

k Epist. 1.
an. 4.

Quin & reperisses homines ^k in annum integrum à sacro altari fuisse prohibitos, ob factum per se innoxium, propterea quod incontinentiæ speciem quandam & imaginem præferret, quodque ab aliqua remissione ac mollitie profectum insignem illam integritatem, quàm iis qui ad Christi corpus accederent necessariam Ecclesia judicabat, nonnihil imminuere videretur: ob secundas, inquam, nuptias quas tamen idem Sanctus pro rato se ac legitimo matrimonio habere pronuntiat.

Verum ne te nimiùm fortasse exterreat temporum illorum disciplina seuerior, duo te docebit idem Pater, ex quibus intelligas, quem tandem modum adhiberi jubeat spiritus Dei, ne deflectatur vnquam vel in acerbam seueritatem, vel in remissionem dissolutiorem. Primum est, etiamsi tempora ista Canonum essent præscriptione definita, penes Episcopum tamen fuisse, vt si quis impositam sibi pœnitentiam diligentius ac fructuosius obiret, aliquid ei de præstituto tempore condonaret. Alterum est, si quando legibus istis peccatores parere nollent, Sanctos tamen illos viros in vigore Euangelij retinendo nihilo segniores aut verecundiores fuisse.

Πάντα ὅ
τιντα καὶ φε
ρῶν, ὅτε τις
καρποὺς ὀφεί
λει εἶναι τῇ
μετανοίᾳ. ὅ
τι πᾶν τὸ
τῷ Χριστῷ
κεῖσθαι τὰ
εἰωθῆτα, ἀλλὰ
τῷ τριπλῶ τ

Vtrumque testatur Basilius his verbis notatu dignissimis in altera ad Amphilochem Epistola: *Hæc autem omnia scribimus, vt pœnitentiæ eorum fructus probentur. Neque enim hæc omninò ex temporis spatio judicamus, sed modum pœnitentiæ attendimus. Quod si qui à proprijs moribus non faciliè auellantur, & carnis volu-*

ptatibus potius quàm Deo seruire voluerint, vitamque ex Euangelio institutam non amplectantur, nulla nobis cum illis intercedit communis ratio. Nos enim aduersus populum non credentem & contradicentem illud audisse meminimus, Saluans salua animam tuam. Non ergo cum eis perire consentiamus, sed graue iudicium reformidantes, & tremendam illam retributionis Domini diem præ oculis habentes caueamus alienorum peccatorum ruina inuolui. O vocem animarum moderatoribus salubrem perinde ac formidolosam!

Verum vt plenius ab eodem maximo sanctissimoque viro discamus quali animi affectione ad Eucharistiam accedere oporteat, legere satis erit, quæ cap. vlt. lib. i. de Baptismo scribit: ^a Eos scilicet qui per Baptismum regenerati sunt, participatione deinceps diuinorum mysteriorum nutriri debere: Indutos autem nouum hominem & filios Dei declaratos opus esse deinceps vt alantur cibo vite æternæ, quam nobis quoque ipse unigenitus viuientis Dei Filius tradidit. Hunc vero cibum esse verbo Dei obsequi eiusque voluntatem facere (de quo Christus ait, Non in solo pane viuit homo, &c. Et, Cibus meus est vt faciam voluntatem eius qui misit me Patris) necnon Eucharistiam de qua dixit, Qui manducat carnem meam, &c.

Ita D. Basilius duplicem illum cibum copulat atque connectit, id veluti certum exploratumque constituens, qui Euangelij legibus per morum corruptelas infractis supremæ Dei voluntati reluctatur, eum à sacra Communione esse submouendum; hoc est eum, qui bonis operibus velut cibo

μετανοίας
πρὸς τὸν
ἐὰν δὲ δου-
ποποιῇ τὰς
ἐχθρὰς τῆς
ἰδὼν ἐπὶ αὐτῷ,
καὶ τοῖς ἡ-
δοῖσιν τὸ σῶ-
κός μαλλον
δουλεύει θε-
λῶν πρὸς ἡ-
τῶ κρείον
καὶ τὴν με-
τὰ ἀγαθῶν
ζῶν μὴ
ἐκτρέφον-
ται, ὅτις ἡ-
μῶν πρὸς αὐ-
τὸς κοινὸς
λόγος. ἡμεῖς
γὰρ ἐν λαῷ
ἀπειθεῖ καὶ
ἀπειθήσει
ἀποδιδόμεθα
ἀκούει, ὅτι,
Σώζων σὺ ζῶ-
ντι σῶντι
ψυχῶν. μὴ
τοῖον κατα-
διδόμεθα
συναπόλυ-
ος τοῖς τοῖν-
τοις, ἀλλὰ
φροντίζοντες
τὸ βρῦν κρεί-
ον καὶ τὴν
φειδελίαν ἡ-
μεῶν τὸ ἀ-
ποπορεύσας
τὸ κρεῖον πρὸς
τῆς οὐρανῶν
μὴ λατρί-
τες μὴ τῶν
σώων ἀμάρ-
τίας ἄλλο-
τρίως συνα-
πλήρουσθαι.
Basil. ep. 3.
ad Amphil.
c. 84. ὅτι 85.
α Γερνήτες
ἵ καὶ ἐν τῷ

30 DE FREQUENTI COMMVNIONE.

οἱ οὖν τῷ
 ἰησοῦ, βαπτι-
 ζόμενοι τῷ
 Χριστῷ ἐν
 ὕδατι,
 ὁ. Basil. l.
 1. de Bapt.
 c. 3.

cœlesti spiritualique non sese primum aluerit, ab altero diuiniore cibo, quæ est Eucharistia, arceri oportere. Nec verò de iis tantùm hæc scribit, qui vitiorum cœno immersi lethali-
 bus peccatis assidue sese commaculant, sed & de iis quorum est vitæ ratio tolerabilior partim Christo partim seculo mancipata nec quemadmodum spon-
 derunt in Baptismo vni Christo dedita. Atque hoc dogma stabilitum fixumque asserit D. Pauli verbis quibus ait, *Christum Dominum nobis corpus suum man-
 ducandum præcepisse in perpetuam mortis suæ commemorationem: quia scilicet nunquam veriùs mortis Christime-
 moriam recolimus, quàm cum iuxta eundem Apostolum re-
 cogitamus illum unum pro nobis omnibus mortuum, ut qui
 viuunt jam non sibi uiuant, sed ei qui pro ipsis mortuus
 est: atque adeò nos erga mortem ipsius religiosos ac memo-
 res præstandos vitæ nostræ castitate ac sanctimonia, quam
 qui non habet, & ad sancta nihilominùs accedit, horren-
 dam sibi damnationem acquirit. Et inferiùs subdit, Eum
 contristare Spiritum sanctum qui charitatem non habens
 quæ urget nos ut illi soli uiuamus qui pro nobis mortuus est*

Δεῖ οὖν τῷ
 πιστῷ τῷ
 σώματι καὶ
 τῷ αἵματι
 τοῦ Χριστοῦ,
 εἰς ἀνάμνη-
 σιν αὐτοῦ τῷ
 ἰησοῦ ἡμεῖς
 ἀποθνήσκοντες
 καὶ ἐκτενέ-
 ρως, καὶ μετὰ
 παύσει
 ἀπὸ παντός
 μελλουσίου
 σκάνους καὶ
 κτηνώδους,

ad Eucharistiam tamen accedere non veretur. Denique legem hanc certam & ab omnibus seruandam constituit, oportere nimirum, ut quisquis accedit ad Corpus
 & Sanguinem Domini in commemorationem eius qui pro nobis mortuus est ac resurrexit, non solum purus sit ab om-
 ni inquinamento carnis & spiritus ne iudicium sibi man-
 ducet & bibat; verumetiam apertè palamque ostendat se
 memoriam eius recolere, qui pro nobis mortuus est ac resur-
 rexit, exhibendo se mortuum quidem peccato, mundo ac

sibi, viuentem autem Deo in Christo IESV Domino nostro.

ἰη. μὴ εἰς
κεῖνον φά-
γη, καὶ πί-
νῃ. καὶ ἡ
ἀ. καὶ ἡ
ἀφ' ὧς δι-
κρίθῃ τῷ
μυ. αὐτῷ τῷ
ἰω. ἡ μὲν
ἀποτ. αὐτοῦ
καὶ ἐχέρ-
τος, ἐπὶ τοῦ
ἐκ τῶν
τῇ ἀμ. ἡ
καὶ τοῦ
μὲν ἐν αὐτῷ,
ἔτι τῷ
Θεῷ ἐκ
τῷ ἰσθ. καὶ
εἰς ἡμῶν.
Basel. ibid.

Expende amabo tanti viri voces, & vide num qui ad Eucharistiam adeundam satis non habet, si quis ab omni carnis & spiritus inquinamento mundatus sit, homines peccatis mortiferis inquinatos, post simplicem ac nudam eorum confessionem, ad cœlestem mensam è vestigio accersendos existimaret. Vide, inquam, num qui statuit quemque peccato se mortuum manifestis indiciis demonstrare oportere, hoc est testimonio bonorum operum, quæ beatæ istius mortis certi & perspicui sunt fructus; octauo quoque die sacris altaribus admoueret eos quorum in animis diu inolitæ & corroboratæ vitiorum ac scelerum radices etiamnum viuunt ac vigent. Vide denique, num qui clara argumenta postulat, quibus nos nobis & huic seculo demortuos vni Deo viuere comprobemus, ad Communionem crebrius adeundam, more tuo impelleret eos, qui vt planè ac disertè scribis, *sui ipsorum amore tument, ac seculo mirandum in modum addicti sunt.*

CAPVT IX.

*SANCTVM EPIPHANIVM ADVERSARIO
nulla in re suffragari.*

Aduersarius.

Epiphanius ait fidelibus in Diœcesi sua degentibus mandatum fuisse, vt ter in hebdomada Eucharistiam su-

merent; nec cæteris diebus vetitum; quibus etiam plerique ad eam accederent.

RESPONSIO.



In eadem semper aberratione versaris, id de quo agitur nusquam probans. Quin etiam quamuis mos iste Volumina integra nullo loco sigillatim annotato proferendi perquam commodus sit ne Autoribus falsa adscripsisse facile coarguare, ausim tamen confirmare hoc loco, vel te ipsum falli, vel (quod difficilius crediderim) alios fallere conari.

Συνάξεσι ὅ
ἐπιλαμβάνου
με χθ' ἑσπέραι,
εἰσὶν δὲ τὸ ἴδιον
ἀποστολῶν,
τετραδάσι ὅ,
καὶ ἐν ᾧ
σαββάτω,
καὶ ἐν κυριακῇ.

Quod affers de S. Epiphanio aliundè eruere non potuisti quàm ex fidei expositione ad calcem operis ipsius contra hæreses attexta in quâ hæc demum habet *diem dominicam & quartam sextamque feriam ad συνάξεις, siue conuentus Christianorum celebrandos ab Apostolis fuisse institutos*. Vbi quod vocem Græcam *συνάξεις*, quæ pro Eucharistia sæpè vsurpatur, Germanus quidam Medicus temerè vertit, *Communiones*, interpretationem istam continuò arripuisti ad conficiendum mandatum ter in hebdomada Communionem adeundi; illud insuper addens de tuo Sanctum Epiphanium de sua nominatim Ecclesia hæc scribere.

Possset sanè institui quæstio, an quoties conuenirent Christiani sacra Eucharistia impartiri soliti essent. Verum ea non est ad rem nostram, neque hoc loco necessariò attingenda. Vt enim se res ita habuerit

habuerit certè pœnitentes exclusi essent, cæterisque fidelibus ne eam acciperent liberum atque integrum fuisset. Vnde patet, quâ fide S. Epiphanium prædicantem inducas fidelibus in Diœcesi sua degentibus mandatum fuisse, vt ter in hebdomade Communionem adirent. Atque vt clareat te verbum illud, *mandatum*, quod præceptum ac necessitatem sonat vrgeri potissimum, addis *id cæteris diebus minimè vetitum fuisse*, quibus etiam plerique ad Eucharistiam accederent. Quod quidem ita insignitè est falsum, meumque ita perculit animum, vt tuam vicem erubescere coegerit. Nec enim in Epiphanio verbulum reperire est, vnde hæc vlla ratione exsculpantur, quæ ei nec per somnium in mentem venerunt. Quod si fortè in errore versamur, tuum erit scilicet nos ab eo reuocare, simulque edocere mirificam istam artem in Patrum monumentis legendi, quæ inibi nemo adhuc legerat.

C A P V T X.

EXPLICATVR LOCVS SANCTI

Ignatij.

Aduersarius.

S *Anctus Ignatius ad frequentem Communionem hortatur hac subiectâ ratione, quod illius ope Sathanæ vires repellantur, qui facta sua transmutat in sagittas ardentes ad peccandum.*

RESPONSIO.



ON TORTÆ verborum tuorum obscuritati lucem splendoremque Ignatij verborum opposuisse satis erit, vt liqueat germanum illius sensum à cogitatione tua longissimè abesse. Sic enim loquitur S. Martyr in Epistola ad Ephesios, è qua sola testimonium istud depromere potuisti, quanquam vt quidem à te profertur, non ita facile

internosci queat. *Date igitur operam, vt crebrius conueniatis, ad gratias Deo reddendas eiusque gloriam celebrandam. Quando enim sapius conuenitis, labefactantur vires Sathanae, & ignita illius ad peccandum jacula irrita resiliunt. Si quidem vestra concordia & consensus fidei exitium illius & satellitum eius supplicium est. Nihil præstantius est pace Christi, quâ frangitur dissipaturque omnis impugnatio immundorum spirituum, tum aëriorum, tum terrenorum. Neque vos vlla lædet diabolica cogitatio, si perfectam exhibueritis in Christum fidem, & charitatem, quæ vita principium & finis est.*

Non sum nescius Interpretes nonnullos verbis illis Græci contextus ἀποδίδετε ὁὖν πυκνότερον σιμῶν χροται εἰς εὐχαριστίαν Θεῷ, καὶ δόξαν, adductos, initium testimonij huius de sacra Eucharistiâ intelligendum censuisse. Verum cum vox Θεῷ à voce εὐχαριστία, regatur & voci εὐχαριστία, vox δόξα, statim annexa sit, perspicuum est his verbis aliud nihil significari, nisi eam quæ Deo fit gratiarum actionem & laudem, cuius referendæ nec tantum Commu-

ἐποιδίετε
ὁὖν πυκνότε-
ρον σιμῶν
χροται εἰς εὐχα-
ριστίαν Θεῷ,
καὶ δόξαν
τοῦ γὰρ σιμῶ-
νος ἐστὶ τὸ αὐ-
τῷ γένεσθαι κα-
τασκευαστὴν αἰ-
διμαμῆς τῆς
συνταξὸς καὶ
ἀποδομῆς
ἐκ τῆς πε-
ρὶ τῆς εὐχα-
ριστίας ἀμαρ-
ταν, ἡ γὰρ
ἡμετέρα ὁ-
μοιοῦσα καὶ
συνθετικὴ
πῶς, ἀπὸ
ἀπὸ τοῦ ὁμο-
γρον, καὶ ὁ
ὑπακούοντος
ἀπὸ δόξα-
τος. οὐδὲν ἄ-
λλοις ἢ καὶ
καὶ τὸν εἰ-
ρημῶν, καὶ
πᾶς πόλεως
καταργεῖται
ἀεὶ καὶ καὶ
ἐπὶ τῇ περὶ
μαρτυρίας

nionis adeundæ causa Christianos temporibus illis conuenire solitos esse nemo nescit.

ἐκ οὗδ' ἄλλο-
σε τε ἡμῶς π
τῷ νομαίῳ
τῷ δ' αὖθις
ἐὰν τε λείας
εἰς Χρῆστος
ἔχῃτε πῶ
πίστεως καὶ
πῶς αἰσθ
πῶν.

Liquet prætereà vim illam labefactandarum dæmonis virium de quâ loqueris, Eucharistiæ hoc loco vt eam tibi Græca voce *εὐχαριστία* designari concedam, minimè attribui, sed fidei ac spiritus vnitati, vinculo pacis & concordia quæ sanctis illis conuentibus alebatur, hymnisque & canticis inflammabatur, quibus quod ab Angelis in cœlo geritur, in terra repræsentare atque æmulari satagebant.

Hæc enim S. Ignatij sententia planè congruit cum illis Tertulliani vocibus, *Corpus sumus de conscientia religionis, & disciplina unitate & spei fœdere. Coimus ad Deum quasi manu facta precationibus* * *ambientes: hæc vis Deo grata est.* Quis quod Deo gratum acceptumque sit, Dæmonibus odiosum, vt ait eximius ille Martyr formidolosumque esse non videat? Quis dubitet, quin tenebrofi illi spiritus ad Deum maledictis & blasphemis impetendum nefariè conspirantes, pessimè oderint eos, qui ad eius laudes celebrandas summa animarum consensione conspirent?

Apolog. c.
39.

* *al. ambia-*
mus.

Cæterum interpretatio hæc quamuis verissima congruentissimaque videatur, nihil prohibet quin generalibus illis actionis gratiarum, laudumque Deo referendarum vocibus Eucharistia comprehendi queat, quippe quæ gratiarum actio longè omnium perfectissima sit, & sacrificium laudis propriè nuncupetur. Verum vbi animaduerneris

eos ad quos scribit vitæ sanctitate vsque adeò excellenti fuisse, vt paulò superiùs summæ gratiæ loco à Deo postulet

Christianorum Ephesinorum, qui in Christi gratia firmi permanserunt sortis ac felicitatis socium & participem se fieri. Vbi animaduenteris eum de iisdem in eadem Epistola sic loqui. *Qui sim, & quibus scribam intelligo. Ego minimus Ignatius, similis eorum qui capitalis iudicij periculo obnoxij sunt. Vos misericordiam consecuti & in Christo IESU confirmati.* Vbi, inquam, hæc animaduenteris, nihil erit cur testimonio illo vt maximè de Communione sola intelligatur, quod secus se habet, abuti velis ad Eucharistiam pariter iis obtrudendam, qui Christianorum illorum Ephesi degentium virtutis ac pietatis ne speciem quidem & vmbra præferant, quique, vt verbis vtar tuis, tanto sui ipsorum amore pleni, tamque ardenti cupiditate seculo adstricti sunt, quanto Dei amore prisci illi fideles pleni, quamque inflammato studio Christo vni addicti erant.

Ἰς (ζωὴς αὐτοῦ
ἀλιπτῶς) ἡ
ἐν τῷ κυρίῳ
ἐκείνῳ, ἵνα ὁ
ἐκείνῳ Εφ
σίῳ εὐρεθῶ
ἡ Χρησία
τοῦ, οἱ καὶ
τοῖς Αποστό
λοις πιστοῖς
συνηκεῖ ὡς
δυναμει Ἰη
σοῦ Χριστοῦ.
Οἷον τίς ἐσ
με, καὶ τίσι
γράφω. ἐγὼ
ὁ ἐλάχιστος
Ἰσραήλ, καὶ
τοῖς ἁποστό
λοις καὶ ἀδελ
φοῖς παρό
μοιος· ὑμεῖς
ὅτι ἡλεημένοι,
ἐς ἡμεῖς γὰρ
ὡς Χριστῷ.
Ignat. ibid.

CAPVT XI.

QV ID DE POENITENTIA ET FREQUENTI
Communione senserit Cyprianus.

Aduersarius.

*S*anctus Cyprianus exponens verba illa Orationis Dominica, Panem nostrum quotidianum da nobis hodie, de sanctissimo Sacramento ea interpretatur, diuinumque illum panem nobis vult esse quotidianum, vt assidue in Christo viuere & manere possimus. Idem Sermonem de

Cœna Domini frequentem Communionis vsum diligentissimè suadet.

RESPONSIO.



I qua tibi Ecclesiasticæ Antiquitatis notitia inesset, Librum illum de Cœna Domini (tametsi nihil habet quo sententia tua non elidatur) D. Cypriano adscribendum non censeret; imò te de hac materiâ disputantem, vel solum Beati illius Martyris nomen perterritum ac percelleret. Nemo est enim è Sanctis Patribus, qui te luculentius doceat quantum discrimen adhibendum sit inter Communionem *Iustorum* siue *Innocentium*, & eorum qui cum animas suas lethali vulnere confoderint, easdem in nouam vitam reuocare ac restituere student, hoc est, *Pœnitentium*. Libri illius magnam partem exscribendi erunt, si demonstrare velim quanta vi, quamque sancta & cœlesti quadam iracundiâ incitata feratur eius oratio, dum inuehitur in illos qui sæuiente persecutione lapsi, antequam Dei misericordiam longa & seuera pœnitentia, assiduis gemitibus, inexhaustis lachrymis, vigiliis, ciliciis, precibus, ieiuniis, eleemosynis, piis denique omnis generis operibus placare studuissent, ad Sacramentorum vsum admitti postulabant.

Vnum tantum aut alterum eius locum proferam, quò tibi vel coram hominibus, vel coram Deo agnoscere liceat, quam improuidè atque inconsideratè prauam doctrinam tuam tanti viri patrocini-

nio fulcire ac commendare ausus fueris. Accipe igitur hæc pauca ex Tractatu eius *de Lapsis* decerpta.

Emersit, fratres dilectissimi, nouum genus cladis, & quasi parum persecutionis procella saeuierit, accessit ad cumulum sub misericordiæ titulo malum fallens & blanda pernicies. Contra Euangelij vigorem, contra Domini ac Dei legem temeritate quorundam laxatur incautis Communicatio. Irrita & falsa pax, periculosa dantibus, & nihil accipientibus profutura. Non quærunť sanitatis patientiam, nec veram de satisfactione medicinam. Operiuntur morientium vulnera & plaga lethalis altis & profundis visceribus infixæ dissimulato dolore contegitur. Persecutio est hæc alia & alia tentatio, per quam subtilis inimicus impugnandis adhuc lapsis occultâ populatione grassatur, ut lamentatio conquiescat, ut dolor sileat, ut delicti memoria euanescat, ut comprimatur pectorum gemitus, statuatur fletus oculorum, nec Dominum grauius offensum longâ & plenâ pænitenţiâ deprecetur, cum scriptum sit, Memento unde cecideris, & age pænitentiam.

*Ibid. paulo
superius.*

Quod si ne verborum quidem illorum tam manifesta luce conuinci te pateris, iisque auditis per inanem clementiæ speciem animas etiamnum in fraudem illicere pergis, in te etiam feretur illa, quam in tuis simillimos contorquet oratio. Hoc sunt eiusmodi lapsis, quod grando frugibus, quod turbidum sidus arboribus, quod armentis pestilens vastitas, quod nauigijs seuæ tempestas. Solatium spei æternæ adimunt, arborem à radice subuertunt, sermone morbido ad lethale

contagium serpunt, nauem scopulis ne in portum perueniat, illidunt.

Quod si hæc ipsa minus sufficere videantur, addet idem Sanctus illam Epistolæ suæ decimæ vocem: *Hæc qui subtrahit fratribus nostris decipit miseros, ut qui possunt agentes pœnitentiam veram Deo Patri misericordie precibus & operibus suis satisfacere, seducantur ut magis pereant, & qui erigere se possent, plus cadant.*

Ac ne tergiuersando respondeas eum tantum de Idololatris loqui, subiiciet ibidem continuò etiam in minoribus peccatis agere peccatores pœnitentiam iusto tempore, & secundùm disciplinæ ordinem ad Exomologesim venire (hac voce significabant totam agendæ coram Ecclesia pœnitentiæ disciplinam) & per manus Episcopi & Cleri jus communicationis accipere.

Ne verò verba hæc ipsi excidisse suspiceris, id ipsum Epistola duodecima planius ac vehementius inculcat. *Nam cum in minoribus delictis, inquit, quæ non in Dominum committuntur pœnitentia agatur iusto tempore & Exomologesis fiat inspecta vita eius qui agit pœnitentiam, nec ad communicationem venire quis possit, nisi prius illi ab Episcopo & Clero manus fuerit imposita, quanto magis in grauissimis & extremis delictis cautè omnia & moderatè secundùm disciplinam Domini obseruari oportet? Quin & ipso quem citauimus Tractatu asserit, vel solam criminis admittendi voluntatem huiusmodi pœnitentia & Exomologesi antequam ad altare tremendum accedatur esse expiandam.*

Denique omne tibi effugium præcludet in Epi-

Denique quanto & si de maiore & timore meliore sunt, qui quauis nullo sacrificij aut libelli faci-

40 DE FREQUENTI COMMVNIONE.

nore con-
stricti, quo-
niam tamen
de hoc vel
cogitaue-
runt, hoc ip-
sum apud
Sacerdotes
Dei dolent-
er & simpli-
citer confi-
tentes Exo-
mologesim
conscientiæ
faciunt, &c.
*Cyprian. de
Lapsis.*

stola ad Antonianum, scribens, *Cum corpora nostra membra sint Christi, & singuli simus templum Dei, quisquis adulterio templum Dei violat, Deum violare, & qui in peccatis committendis voluntatem Diaboli facit, Dæmonijs & Idolis seruire* (quod genus locutionis cæteris etiam Patribus familiare est) adeoque *Libellaticorum* crimen, (hoc est, eorum qui libellos ab Ethnico Magistratu acceperant, quibus sacrificasse dicerentur, cum tamen minimè sacrificassent) multum adulterio ac simplici fornicationi leuius esse. Hæc si attentius expendere, non temerè audebis posthac, nisi me animus fallit, sententiam tuam clarissimi illius Martyris patrocinio atque autoritate defendere.

*Cyprian. de
Orat. Dom.*

Quod si ostendam in eo ipso loco quem profers, disertis verbis te ab eodem Cypriano damnari, quis tibi relictus esse videbitur defensionis locus? Accipe ergo voces ipsas testimonij à te prolati, imò refectis iis omnibus quæ cogitationes tuas refellebant, mirandum in modum deprauati. *Hunc panem dari nobis quotidie postulamus, ne qui in Christo sumus & Eucharistiam quotidie ad cibum salutis accipimus, intercedente aliquo grauiore delicto, dum abstinenti & non communicantes à cælesti pane prohibemur, à Christi corpore separemur.*

Nonne perspicuum est D. Cyprianum his verbis frequentem Communionis vsum nullo pacto suadere, tantumque asserere eos qui sunt, manent ac viuunt in Christo, quique Eucharistiam singulis diebus accipiunt, Deum precari, vt à grauioribus,
hoc

hoc est mortiferis peccatis, per quæ à Christi corpore separarentur tutos atque immunes præstet. Quod quidem paulò pòst clariùs etiam sic explana-
nat: Ideò panem nostrum, id est Christum dari nobis quo-
tidie petimus, vt qui in Christo manemus, à sanctificatio-
ne eius & corpore non recedamus. Hoc illum Tertul-
 lianus docuerat, qui in Tractatu de Oratione id ip-
 sum breuiter ita complectitur. *Petendo panem no-*
strum quotidianum, perpetuitatem postulamus à Christo,
& indiuiduitatem à corpore eius.

Idem etiam S. Augustinum imitatum videmus,
 qui Homilia 42. istum ipsum Orationis Domini-
 cæ locum exponens, studio habuisse videtur Cy-
 priani mentem & sententiam pluribus verbis de-
 clarare; quod & aliàs sæpiùs ab ipso factitatum no-
 runt, qui in Operibus ipsius euoluendis exercitati
 sunt. *Panem nostrum quotidianum da nobis hodie, Eu-*
charistiam tuam, quotidianum cibum. Norunt enim fide-
 les quid accipiant, & bonum est eis accipere panem quoti-
 dianum huic tempori necessarium. PRO SE ROGANT
 VT BONA FACIANT, VT IN BONITATE ET
 FIDE ET VITA BONA PERSEVERENT:
 HOC OPTANT, HOC ORANT, QVIA QVI
 NON PERSEVERANT IN BONA VITA,
 SEPARABVNTVR AB ILLO PANE. Ergo pa-
 nem nostrum quotidianum da nobis hodie, quid est? Sic vi-
 uamus, vt ab altari tuo non separemur.

Nonne vides duos illos sanctissimos viros, per-
 petuam illam in pietate, in virtute, in fide, in recta
 vita, in bonis operibus permansionem & constan-

42 DE FREQUENTI CÔMMVNIONE.

tiam, prorsus necessariam constituere, ne quis à diuina Eucharistia repellatur. Tu contra censes nulla scelera, nulla quamlibet horrenda ac detestanda facinora officere, quominus qui ea modo confessus fuerit, hoc est qui post plurimos annos diabolo datos semihoram Deo dederit, è vestigio coram suo se iudice sistat intrepidè. Nec verò homines modo ad tantam audaciam impellis, sed & temeritatis nomine condemnas eos, qui diuinorum iudiciorum terrore perculsi tempus ac spatium sumere velint, quo illius misericordiam piis operibus placabilem sibi ac propitiam facere possint, antequam diuinissimo eius corpore animas suas pascere audeant.

C A P V T XII.

*SANCTVM ATHANASIVM PERPERAM
fuisse prolatum.*

Aduersarius.

*S*anctus Athanasius in prioris Epistolæ Pauli ad Cor. cap. ii. ait: *Quotiescumque quis animi sui conscientiam rectè excusserit ne expectato quidem die festo diuini Sacramenti compotem fieri debere.*

R E S P O N S I O.



COMMENTARIOS aut Homilias in Epistolas Pauli non scripsit Athanasius, quod tamen ab illo factum esse tua verba significant. Qui enim in antiquioribus Operum illius editionibus commentarij

in Paulum eius nomine circumferebantur, rectè ab aliis sublatis sunt, vtpote qui certo illum autorem non habeant. Verum quod ab illo proferis quis non amplectatur lubens? Illud tantum quærendum est, quid sit animi conscientiam rectè excussisse. Quod dum explicare conaris, quam multa pecces omnibus me planissimè demonstraturum spero.

CAPVT XIII.

*QV ID B. AMBROSIVS DE POENITENTIA
fensèrit.*

Aduersarius.

S *Anctus Ambrosius lib. 5. de Sacram. cap. 4. & lib. 4.
cap. 6. clarè loquitur de quotidiana Communione.
Valde notanda illius verba. Si quotiescumque effunditur
sanguis, in remissionem peccatorum funditur, debeo illum
semper accipere vt semper mihi peccata dimittantur. Qui
semper pecco, semper debeo accipere medicinam.*

R E S P O N S I O.



MATVRIORI alius iudicio facilè animaduertisset Libros de Sacramentis ab Ambrosio (si tamen Ambrosij sunt) Neophytis fuisse conscriptos, qui cum è Baptismis aquis innocentia & puritate, imò Christo ipso induti emerfissent, moxque S. Spiritus plenitudine in Confirmationis Sacramento cumulati fuissent, ad percipiendam Eucharistiam eam quâ ne sanctior quidem optari queat,

44 DE FREQUENTI COMMUNIONE.

*Ambros. l. 5.
de Sacram.
cap. 2.*

animi præparationem afferebant. Quod ut liquidiùs percipias, audi obsecro quibus illos verbis compellet. *Venisti ad altare. Vocat te Dominus IESVS. Videt te mundum esse ab omni peccato, quia delicta deterfa sunt. Ideo te Sacramentis cœlestibus dignum iudicat, & ideo inuitat ad cœleste conuiuium, Osculetur me osculo oris sui. Anima tua videt se ab omnibus mundatam esse peccatis, & dignam quæ ad altare Christi possit accedere. Videt Sacramenta mirabilia, & ait, Osculetur me osculo oris sui, hoc est, Osculum mihi Christus infigat.*

*Ambros. l. 2.
de Pœnit. c.
9.*

Non igitur ex Opere illo in quo solos Innocentes affatur, leges peccatorum ad Eucharistiæ vsum reuocandorum nobis ab Ecclesia præscriptæ eruentur, sed ex duobus de Pœnitentia Libris qui sine controuersia ipsius sunt, & in quibus de materia illa plenè ac cumulatè differitur. Audi ergo super hac re verba ipsius pauca illa quidem, sed Christiani vigoris, veritatisque plenissima. *Nonnulli ideo poscunt pœnitentiam, ut statim sibi reddi Communionem velint. (Potuitne planiùs sententiam tuam efferre?) Hi non tam se soluere cupiunt, quam Sacerdotem ligare: suam enim conscientiam non exuunt, Sacerdotis induunt.*

*Idem l. 1. c.
14.*

An huic iudicio quidquam addi potest? Idipsum tamen, si ita postulas, Apostoli exemplo confirmabit. *Venit in virga (Paulus) quia à Communione sacrâ conuictum remouit. Et benè dicitur tradi Sathana qui separatur à Christi corpore. Venit etiam in Charitate spirituque mansuetudinis: vel quia sic tradidit ut spiritum eius saluum faceret, vel quia eum quem antè sequestrauerat, postea à Sacramentis reddidit.*

Audis priuationem Eucharistiæ ab Apostolis inter præcipuas Pœnitentiæ partes fuisse institutam. Tu vero *diabolicum commentum ac stratagema* appellare audes, quod sancti Spiritus discipuli, quod omnium Doctores ac Magistri nationum Ecclesiæ vniuersæ tradidere.

Audis etiam B. Ambrosium non minoris lenitatis ac clementiæ existimare, istam peccatori in animæ salutem pœnam infligere quam eundem postmodum Sacramentorum, vbi per Pœnitentiæ opera à Deo dignus effectus est, Communioni restituere. Adcò illa demum germana ac verè Christiani spiritus propria lenitas est, animarum saluti variis pro varia ipsarum affectione viis, rationibusque consulere: nec vllum esse veriùs crudelitatis genus, quam cum praua indulgentia certa ipsis labe ac perniciës importatur, fitque *blanditijs & palpationibus*, quod ait S. Cyprianus, *ut patiatur lapsorum saucia & ægra mens quod corporaliter quoque agri & infirmi sæpè patiuntur, ut dum salubres cibos & utiles potus quasi amaros & abhorrentes respuunt, & illa quæ oblectare, & ad præsens suauia videntur esse, appetunt, perniciem sibi & mortem per inaudientiam & intemperantiam prouocent.*

Cyprian. Ep.
28.

Quod si insuper animaduertamus illos Ambrosij de Pœnitentia Libros aduersus hæresim Nouatianorum, qui hominibus post baptismum in peccatum lethale prolapsis recuperandi Eucharistiæ vsus spem omnem dura quadam inhumanitate intercludebant, fuisse conscriptos: facilè judicabimus,

46 DE FREQUENTI COMMVNIONE.

si tantum Doctorem opere in illo à veritatis norma
vſpiam deflexiſſe ſuſpicari fas eſſet, ipſum nimia in-
dulgentia potiùs quam nimia ſeueritate fuiſſe pec-
caturum. Et tamen audi obſecro, qua ratione im-
moderatam hæreticorum iſtorum ſeueritatem
acerbitatemque coerceat, qualemque delictorum
etiam latentium, vt in Eccleſiæ Communionem
reſtitui quis poſſit, pænitentiam exigat. *Si quis igitur*
Ambroſ. de
Pœnit. l. 1. c.
16.
tur OCCULTA CRIMINA HABENS, propter
Chriſtum tamen ſtudioſè pænitentiam egerit, quomodo
iſtic recipit, ſi ei Communion non refunditur? Volo veniam
reus ſperet, petat eam lachrymis, petat gemitibus, petat
populi totius fletibus; vt ignoſcatur obſecret, & cum ſe-
cundo & tertio fuerit dilata eius Communion, credat re-
miſſiùs ſe ſupplicaffe, fletus augeat, miſerabilior poſtea
reuertatur, teneat pedes brachijs, oſculetur oſculis, lauet
fletibus nec dimittat, vt de ipſo dicat Dominus I E S V S:
Dimiſſa ſunt ei peccata multa quoniam dilexit multum.
Cognoui quosdam in pænitentia ſulcaſſe vultum lachry-
mis, exaſſe continuis fletibus genas, ſtrauiſſe corpus ſuum
calcandum omnibus, ieiuno ore ſemper & pallido mortis
ſpeciem ſpiranti in corpore præbuiſſe.

En vera ac germana Ambroſij ſententia, de præ-
paratione quam qui mortiferis peccatis cœleſtem,
vt in eodem Libro loquitur, gemmam, hoc eſt,
baptiſmini innocentiam perdiderunt, ad Commu-
nionem ſacram afferre debent. Verum quo tua ti-
bi incogitantia planior fiat, addo etiam eodem il-
lo, quem Libri 5. de Sacram. cap. 3. producis loco,
te ipſum apertè confici ac jugulari. *Accipe quotidie,*

quod quotidie tibi proſit, ſic uiue, vt quotidie merearis accipere. Nonne hæc poſtrema verba animum ſtylumque præcipitantem ſuſtinere atque inhibere debuerunt, cum generatim ſine vlla exceptione aſſeuerare non dubitaſti, peccata mortalia nihil offi- cere quominus qui ea confeſſus fuerit, diuina Eu- chariſtiâ continuo impartiat, vt jam tibi homi- nem his Ambroſio planè contrariis vocibus affari liceat, Qualemcumque vitam viuas, qualiacum- que crimina admittas, dummodò frequenter con- fitearis, frequenti etiam Chriſti corporis commu- nione dignus eris.

CAPVT XIV.

EXPLANATUR EXIMIVS B. AVGVSTINI
locus S. Hilario ab aduerſario perperam attributus.

Aduerſarius.

Sanctus Hilarius hæc ait: Si peccata tanta non ſunt
vt excommunicandus quiſquam homo iudicetur, non
ſe debet à quotidiana medicina Dominici corporis ſeparare
confeſſione ſcilicet aut peccati contritione priùs adhibita.

RESPONSIO.



HALLVCINARIS. Sanctus Hilarius quem Gratiani autoritate ac fide citas, nuſquam dicit quod hîc ab illo di- ctum proferſ. Hic locus nonniſi apud Auguſtinum reperitur. Verum ſi illum è fonte ipſo non è fallacibus commentariis prom-

psisses, ac tanti viri cœlestem doctrinam degustasses, non commisisses vnquam vt eo potissimum testimonio vterere, quo pleraque inanis doctrinæ tuæ capita funditus euertuntur. Hoc vero perspicuè demonstrare operæ pretium est, ad leuandos errore fidelium animos, quibus sanctissimorum virorum nomine quasi aureo calice venena propinas.

Extat locus ille apud Augustinum Epistola 118. in qua ad amicum scribens duorum hominum piè viuientium diuersam de adeunda Eucharistia sententiam profert, controuersiamque illam verissima & planè Christiana definitione componit. *Dixerit aliquis, non quotidie accipiendam Eucharistiam: Quæsieris, quare? Quoniam, inquit, eligendi sunt dies, quibus purius homo continentiusque viuat, quo ad tantum Sacramentum dignius accedat: Qui enim manducauerit indignè iudicium sibi manducat & bibit. Alius contra, Imò, inquit, si tanta est plaga peccati atque impetus morbi, vt medicamenta talia differenda sint, autoritate Antistitis debet quisque ab altario remoueri ad agendam pœnitentiam & eadem autoritate reconciliari. Hoc est enim indignè accipere si eo tempore accipiat, quo debet agere pœnitentiam, non vt arbitrio suo cum libet vel auferat se Communioni vel reddat. Caterum si peccata tanta non sunt, vt excommunicandus quisquam homo iudicetur, non se debet à quotidiana medicina Dominici corporis separare. Rectius inter eos fortasse quisquam dirimit litem, qui monet vt præcipuè in Christi pace permaneant. Faciat autem unusquisque quod secundum fidem suam piè credit esse*

esse faciendum. Neuter enim eorum exhonorat Corpus & Sanguinem Domini, si saluberrimum Sacramentum certatim honorare contendunt. Neque enim litigauerunt inter se, aut quisquam eorum se alteri praposuit Zachaeus & ille Centurio, cum alter eorum gaudens in domum suam suscepit Dominum: Alter dixerit: Non sum dignus ut intres sub tectum meum. Ambo Saluatorem honorificantes diuerso & quasi contrario modo: ambo peccatis miseri, ambo misericordiam consecuti. Valet etiam ad hanc similitudinem quod in primo populo unicuique Manna secundum propriam voluntatem in ore sapiebat. Sic in ore cuiusque Christiani Sacramentum illud quomodo sumatur aestimandum. Nam & ille honorando non audet quotidie sumere, & ille honorando non audet ullo die pratermittere. Contemptum solum non vult cibus ille, sicut Manna fastidium.

Ex tam præclaro testimonio quinque maximi ponderis obseruationes elici possunt.

Prima est, verba quæ ex hoc loco à te producuntur, Augustini suo nomine loquentis non esse, sed alterius è duabus ab ipsa prolatis sententiis rationes continere, quas quidem ita proponit, vt non magis probet, atque haud scio an minùs, quam eas quæ in contrariam partem afferuntur. Sicut inferiùs, vbi testimonio illo iterùm abuti conaberis, planum me facturum spero.

Alterà est, Controuersiam quæ illic instituitur non attingere Semichristianos illos qui Euangelij leges cum animorum suorum prauitatibus & corruptelis conciliare nituntur. Qui sempiternam ita

felicitatem consequi vellent, ut nihil eorum quibus illa paratur, efficiendum ipsis ac præstandum foret: qui seipsos quodammodo diuidere student, ut partim Deo, partim seculo seruientes æternæ veritati mendacium impingant, quæ apertè denuntiat, *Neminem duobus dominis seruire posse*: quorum omnis vita peccatorum etiam mortalium, Confessionumque inanium atque infructuosarum perpetuâ vicissitudine continetur. Denique, ut vno verbo, eoque tuo, primam illorum mali labem aperiam, *qui sui ipsorum amore tument*, quo fit ut in æternum perire nolint; *Et huic seculo stupendum in modum addicti sunt*, quo fit ut quod æternæ perditioni auerendæ necessarium est, amplecti nolint. Non ergo inter eiusmodi homines ab excellenti illo Doctore controuersia talis instituitur, quibus quidem quotidianæ ius Communione adeò non concessisset, ut vix siuisset ipsos sacris dumtaxat mysteriis interesse. Verum tota eius oratio ad eos pertinet, quorum vita & factis Christianæ religionis sanctitas non dedecoratur, quorum fides spe roboratur, spes charitate alitur atque animatur; qui quotidie peccant quia homines sunt, sed grauiter & lethaliter non peccant quia filij Dei sunt; quibus jus est pasci corpore Christi quòd *ipsi sint*, ut rectè Augustinus, *corpus Christi*. Denique, ut omnia complectamur, disceptatio illa inter duos homines inducitur, quorum alterum sancta quædam teneat auiditas cum illo Zachari zelo & ardore, quo ad dimidiam bonorum suorum partem pauperibus elargiendam ad-

De Can. Dei
l. 22. cap. 10.

ductus est, meritò conferenda: alterum religiosus quidam pavor cum altissima Centurionis humilitate cuius fidem Christus ipse vniuersi Israelis fidei prætulit, merito comparandus.

Tertia obseruatio est, quæ è secunda fluit & consequitur, D. Augustinum tametsi duas de percipienda Eucharistia dissidentes sententias in medium adducat, Num scilicet præstet eam quotidie sumere, an ab eadem interdum reuerentiæ causa abstinere, disertis tamen verbis veluti rem inter fideles omnes exploratissimam, quamque in dubium nemo reuocare posset, asserere, vsum cœlestis illius cibi ob mortales culpas esse differendum, peccatoremque ad agendam pœnitentiam ab altari remoueri, nec ad ipsum nisi Sacerdotis autoritate perfunctum pœnitentia reuocari oportere. Neque enim dubium esse potest, quin ab Augustino *plagæ peccati nomine & impetus morbi propter quem medicamenta talia* solis valentioribus animis congruentia *differenda sint*, intelligantur peccata quæuis mortalia, quæ, vt alibi loquitur, *uno ictu perimunt*, cum id ipse vtrò agnoscas, hoc eodem testimonio inferiùs probans leuiores & quotidianas culpas ad sacram Communionem impedimento esse non debere. Sin aliter, Augustinus detestabilem atque ab ipsius sensibus longè disiunctissimam opinionem probauerit, eum qui se flagitiis mortalibus inquinet, sacram tamen Eucharistiam sumere quotidie oportere.

Non sum nescius cum homines earum demum

rerum imaginibus animos impressos habere soleant, quas oculis videre consueuerunt, cumque his temporibus Excommunicatio certis tantum peccatis, grauibus illis quidem, sed non semper Deo iudice grauissimis, per longas formularum, obseruationumque variarum moras vulgò infligitur, vbi apud SS. Patres in Excommunicationis nomen incidunt, ad eam Excommunicationis imaginem quam in animis informatam habent, continuò illud referre; Et quoniam peccatorum pleraque mortalium, nunc quidem ab Ecclesia Excommunicatione plecti minimè vident, faciliè adduci, vt suspicentur ea longè dissimilia esse peccatorum illorum quæ à Patribus Excommunicatione digna memorantur. Verum demonstrare faciliè est (quod suo loco nos ita præcipuè facturos speramus, vt nulla cuiquam de eo dubitandi causa relinquatur) in sacræ Antiquitatis, ac potissimum in B. Augustini doctrina, has voces, *Excommunicare, A Communionē prohibere, Ab altari remouere, A cœlesti pane prohibere*, sonare vnum & idem, tametsi in hac vna eademque pœna pro personarum vel pœnitentium vel impœnitentium varietate, quædam etiam varietas inesset, vt alibi dicturi sumus: Deinde pœnam illam peccatis omnibus lethalibus irrogari solitam, hoc est, iis quæ appellantur ab ipso *crimina, scelera, flagitia, peccata mortalia, mortifera, lethifera, quæ vno vulnere perimunt, quæ contra se claudi faciunt regnum Dei*: quæque opponit semper peccatis venialibus, quæ etiam vocat *peccata venialia, leuia, minuta,*

parua, quotidiana, delicta iustorum. Illud satis erit indicasse in præsentia quam absurdè in eo quem exponimus loco sanctissimi Doctoris oratio alium in sensum detorqueretur, cum inde consequens esset, quotidianæ Communionis potestatem eum permisisse hominibus, qui peccata mortalia in se susciperent, quæ tamen Christiani boni minimè admittunt, sicut alibi disertis verbis ab ipso asseritur, *Quæ non facit bonæ fidei & bonæ spei Christianus.*

August. de verb. Apost. serm 29.

Quarta, & quidem ad eam quam tanta audacia violasti veritatem, propugnandam grauissima obseruatio est, ex doctrina Ecclesiastica à sanctissimo illo Doctore exposita Christi Corpus indignè sumi, non solum cum sumitur ab eo cuius mens peccati alicuius mortiferi labe corrupta sit, sed etiam cum eo tempore quo peccatorum esset agenda pœnitentia suscipitur. *Hoc est enim, inquit, indignè accipere, si eo tempore accipiat quo debet agere pœnitentiam.* Potuitne clariùs propositionis illius coarguere falsitatem qua asseris, *nunquam Ecclesiæ morem fuisse, ut peccatorum mortalium reis pœnitentia ante Communionem certo tempore peragenda indiceretur.* An non metuis ne præclarissimus ille Ecclesiæ Magister, quem in iis qui sanctissimis illius decretis parere velint, confidenter damnas, in te coram Deo iudice insurgat aliquando, contendatque non se sed Ecclesiam vniuersam, cuius ipse hac in causa nonnisi testis & quasi vox fuit, tua sententia fuisse damnatam.

Hoc tibi quietiùs expendendum relinquo, vt

jam quintam postremamque obseruationem adijciam, ex quâ agnoscas quam inconsultè jubeas, ad sacram Eucharistiam sine vlla prorsus formidine accedi, vniuersèque arguas eos qui religiosi timoris ac reuerentiæ causa se ad quoddam tempus ab ea submouent. Modò enim demonstrauimus illum virum, cuius mentem Deus eximia & singulari luce cumularat, duorum hominum quorum alter Communionem frequentissimè adeundam, alter ab ea interdum modestiæ causa secedendum arbitratur, propositis vicissim rationibus in gratiam alterutrius iudicium ferre minimè ausum, sed hortari tantum vt pacem concordiamque teneant, & suæ quisque fidei impulsu sequantur. Centurio enim ille, vt idem inquit, qui Saluatori ait, *Non sum dignus vt intres sub tectum meum*, & Zachæus qui gaudens eum in domum suam suscepit, *ambo quidem Saluatorem honorificarunt, sed nec litigauerunt inter se, nec quisquam eorum se alteri præposuit. Neuter enim, inquit, duorum illorum hominum exhonorat Corpus & Sanguinem Domini, sed certatim potius honorare contendunt, solumque fastidium & contemptum cibus iste non patitur.*

Agnosce, obsecro, quam eximiæ hæ voces æquissima moderatione temperatæ à iudiciorum tuorum præcipiti confidentia discrepent, nec posthac ita labora, in Patrum multorum qui tibi nomine tantum noti sunt, congerendis testimoniis, quò rudibus & imperitis ex eorum mente & sensibus disputare videare.

CAPVT XV.

QUANTVM B. AVGVSTINVS AB HVIVS
Auctoris opinione dissentiat.

Aduersarius.

AVgustinus serm. 28. de verbis Domini. Quotidianus panis est, accipe quotidie, quod quotidie tibi proffit. Sic vine, vt quotidie merearis accipere.

RESPONSIO.



RVDITIOR quispiam & solidi iudicij, respondendi ad hunc articulum onere me leuasset. Modò enim Augustini locum Hilarij nomine producebas; nunc quasi tantundem restituens ipsi quantum abstuleras, alterum illi ab eo prorsus alienum adscribis quem alterius nomine ipse paulò antè protulisti. Disce igitur (quando id nescire te probas) Sermonem illum 28. de verb. Domini, nihil aliud esse quam Ambrosij de Sacramentis lib. quinti caput quartum, vt à Doctoribus Louanienfibus jam pridem obseruatum est. Hoc nimirum specimen est eruditionis tuæ: Iudicij verò, quod testimonium istud iterum profers, cui assentire nequeas, vt superiùs à nobis ostensum est, quin eadem operâ in te ipse sententiam feras.

Æquum tamen haud fuerit nos tua ista aberratione impediri, quò minùs palàm aperiamus, quid super hac materia senserit vir ille maximus, in quo

exornando natura & gratia certatim quasi conspicerentur, ut splendidissimum, quod ab Apostolorum temporibus Ecclesiæ præluxerit, lumen excitarent. Ac verborum quidem quæ in superiori Capite ab illo in te contorta sunt, vis ac splendor, mentis, opinor, tuæ oculos etiamnum perstrictos tenet. Quod si quid contra mutire audeas, aliis etiam alio loco à se prolatis vocibus continuò te obruet, quarum propriæ auctoritati Ecclesiæ insuper quæ illas in diuinum officium inferi dignas censuit, accessit autoritas. Extant illæ in Sermonem 252. de Tempore, & habes eas in solennibus Ecclesiæ Dedicationis Lectionibus. Quò libentiùs eas mihi proferendas censui, quod ignotæ tibi esse non possunt. Lege illas, obsecro, quieta & sedata mente, atque vtrum cum doctrina tua consentiant, vel ipse iudex esto.

Ideò, fratres charissimi, unusquisque consideret conscientiam suam, & quando se aliquo crimine (hoc est peccato mortali, quemadmodum Pater ille passim loquitur) vulneratum esse cognouerit, PRIUS ORATIONIBVS, IEIUNIIS, VEL ELEEMOSYNIS STVDEAT MVNDARE CONSCIENTIAM SVAM, ET SIC EVCHARISTIAM PRÆSVMAT ACCIPERE. Si enim agnoscens reatum suum, ipse se à diuino altari subtraxerit, citò ad indulgentiam diuinæ misericordiæ perueniet. Quia sicut qui se exaltat humiliabitur, ita è contrario qui se humiliat exaltabitur. Qui enim sicut dixi, cognoscens reatum suum ipse se humiliter ab altari Ecclesiæ pro emendatione vitæ remouere voluerit,
ab

ab aeterno illo & cœlesti conuiuio excommunicari penitus non timebit.

Quam incommodè cum Ecclesia actum est, quod ad postremam Breuiarij rationem à Summo Pontifice accersitus haud fueris. Admonuisses scilicet, vt Lectiones illas quibus adeò perniciosum & Ecclesie presentis vsui, vt ais, adeò aduersarium dogma contineretur, rescandas curaret. Docuisses etiam *temerarium* quempiam per eas moueri posse, vt à ratione & praxi tua, hoc est, à praxi generali Ecclesie, quandoquidem totam Ecclesiam ex nutu tuo suspendis, discedere audeat. Denique eam de te opinionem præbes, vt credere liceat, si quando ad Lectiones illas recitandas accesseris, daturum operam, vt *artificium istud ac stratagemata Dæmonis*, quo nomine doctrinam quam exhibent appellas, abomineris & exsuffles: aut si fortè tanti zeli æstum Augustini autoritas comprimet, aliquid saltem tecum excogitaturum, quo tanquam antidoto venenum depellas, ne cui fortè rudiori ac minimè malo ea cogitatio, *quæ à S. Spiritu oriri nequeat*, suboriatur, vt à diuino altari per modestiam recedendum putet, vbi se peccato mortali vulneratum esse cognouerit, nec eodem redeundum, nisi posteaquam orationibus, ieiuniis & eleemosynis conscientiam aliquamdiu mundare studuerit.

CAPVT XVI.

TESTIMONIUM GENNADII PERPERAM
usurpatum quod alio loco fusiùs explanabitur.

Aduersarius.

Verum quidem est in Libro de Ecclesiasticis Dogmatibus, quem multi S. Augustino, alij Gennadio Presbytero eius equali attribuunt, quotidianam Communionem nec probari, nec improbari. Sed id generatim ac vniuersè accipiendum est, non singulatim de ijs qui piè & cum virtute viuere instituunt.

RESPONSIO.



ITO quod nihil dum explorati habes de vero Autore Libri Dogmatum Ecclesiasticorum, quem eruditorum consensus jampridem Gennadio restituit, vel quod ipsum Augustino æqualem facis, qui sexaginta ampliùs annis, antequam Gennadius ad scribendum se contulisset, obierat. Vtinam grauiora nusquam peccasses.

Verum glossematis tui absurditas vix ferenda est. Censes enim cum Augustinus, vel Gennadius quotidianam Communionem nec probat nec improbat, de ijs qui piè viuere volunt intelligendum id minimè esse. Restat ergo vt id de alijs intelligatur, quam de ijs qui piè viuere volunt. Ita iuxta mirabilem istam interpretationem Augustinus vel Gennadius decernere ac pronuntiare noluerit,

num iis quos in illorum numero reponere non possis qui piè viuere volunt, fructuosa sit quotidiana Communio. Et quoniam idem Autor Communionem diei cuiusque Dominicæ suadet iis quibus quotidianam suadere non audet, efficietur eos qui piū viuendi genus non profiteantur, ab ipso ad Eucharistiam die quaque Dominica percipiendam impelli. Intelligis, opinor, è tuis verbis propositiones istas necessariò fluere, quibus tamen ita pietas Christiana violatur, vt iis vel teipsum percelli crediderim. Hæc tantum in præsentia de Gennadij testimonio de quo plura addituri sumus alio loco, vbi ad adulterinæ doctrinæ tuæ subsidium illo iterum rursus abuteris.

*Infrà cap.
20. 11. & 12.*

CAPVT XVII.

S. HIERONIMVS IMPROVIDE CITATVS.
Aduersarius.

Sanctus item Hieronymus quotidianam Communionem nec probat, nec improbat: tantum conjuges cum Eucharistiam sumere parant conjugij vsu optat abstinere. Quod consilium optimum est, cum illo vti licet, saluis matrimonij legibus.

RESPONSIO.



Nihil erat cur hoc Hieronymi testimonium proferendum tibi arbitrare, tum quod attingat argumentum de quo prudenter admodum sobriè-que dicendum est; tum quod nihil afferat quod tibi

planissimè non repugnet. Si enim Sanctus Doctor censet ob rem per se innoxiam, quæ tamen aliqua generalis illius labis, quâ humana natura per peccatum infecta est, contagione implicetur, Communionem differendam; quid eum tandem de flagitiosis eiusdem generis criminosisque actionibus æquum est censuisse? An ille impudicitiam mitius & clementius quam matrimonium tractaret? An qui fideles sacro illo vinculo copulatos antequam ad sacram Eucharistiam adeant, Apostoli consilio existimat uti debere, homines quorum mens tota libidinum atq; impuritatum suarum fœdis etiamnum imaginibus obducitur, statim ut confessi essent, quemadmodum jubes, ad altare tremendum mitteret? Pluribus tecum hoc loco non agam. Erit fortasse ubi quid Hieronymus de præparationibus ad cœlestes illas epulas adhibendis censuerit, opportunius edisseratur.

CAPUT XVIII.

*QUA AFFECTIONE ANIMI EX IOANNIS
Chrysostomi sententia, sacra sit adenda Communio.*

Aduersarius.

DIuus Chrysostomus varijs in locis mira loquitur, ut fideles omnes ad Communionem frequentandam inducat. Ex quibus duo in primis notanda sunt: alterum, non esse cur qui Eucharistiâ abstineat, ampliorem se ei honorem ac reuerentiam exhibere putet: Alterum ipsa Communionis dilatione nos ad eandem paratiores atque instructiores non effici.

RESPONSIO.



Æ tu homines leues admodum & credulos existimas, si postquam tot in proferendis autoribus hallucinationum manifestè conuictus fuisti, nunc cum vndecim volumina verbulo citas, fidem tibi tantum affirmanti habendam censes. Et tamen ingens illa Operum Chrysostomi moles ac varietas nihil prohibebit, quin te non minùs illius quam cæterorum Patrum autoritate abuti doceam, nec quicquam ex eo quo veritas quam assero non adstruatur, fallacesque quas propugnās regulæ non destruantur, afferre te posse defendam.

Oppones forsitan ex quadam eius homilia, *faciem esse ac mortem, mystici illius conuiuij communicatione non frui, mensam illam esse animæ nostræ robur, mentis cum Deo vinculum, fiduciæ nostræ firmamentum, spem, salutem, lucem denique ac vitam nostram. Nos si sacrificij huius participes è vita excesserimus, magna cum fiducia cæli atria sacra ingressuros, quasi quibusdam aureis armis septos vndequaque ac communitos. Quin tanti mysterij virtute terram in cælum conuerti: si quidem quod in cælis pretiosissimum est, maximèque venerandum Angelorum scilicet omnium Regis ac Domini corpus nobis videndum exhibeat, neque videndum modo, sed etiam contrectandum ac degustandum.*

His omnibus prorsus ac libenter assentimur, eaque si opus erit, vel sanguine nostro obsignabimus. At ne forsitan illis abutare, quod subiicit ibidem,

Pars I.

H iij

ἀποφασίζοντες ὅτι αὐτὸς
ἐστὶν ὁ θεὸς ὁ πατήρ.
καὶ οὐκ ἔστιν ἄλλος.
καὶ οὐκ ἔστιν ἕτερος.
καὶ οὐκ ἔστιν ὁμοῦς.
καὶ οὐκ ἔστιν ὁμοειδής.
καὶ οὐκ ἔστιν ὁμοφύς.
καὶ οὐκ ἔστιν ὁμοπατήρ.
καὶ οὐκ ἔστιν ὁμογενής.
καὶ οὐκ ἔστιν ὁμοκτίτης.
καὶ οὐκ ἔστιν ὁμοκαταγωγός.
καὶ οὐκ ἔστιν ὁμοκλήτης.
καὶ οὐκ ἔστιν ὁμοῦς.
καὶ οὐκ ἔστιν ὁμοειδής.
καὶ οὐκ ἔστιν ὁμοφύς.
καὶ οὐκ ἔστιν ὁμοπατήρ.
καὶ οὐκ ἔστιν ὁμογενής.
καὶ οὐκ ἔστιν ὁμοκτίτης.
καὶ οὐκ ἔστιν ὁμοκαταγωγός.
καὶ οὐκ ἔστιν ὁμοκλήτης.

ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.

hîc attexemus. Tu vide quî tandem cum tuis com-
poni possint.

Tua sententia est, *quantumcumque languorem & quasi frigus in seipso quis experiatur, modo absit lethale peccatum, sacram eum Eucharistiam adire debere*: At vir ille sanctissimus ^a non sine fervore & inflammata at-
que ignita charitate adeundam illam censet, ne in suppli-
cium incurramus.

Tua sententia est, etiam cum exiguus in anima inest
pietatis sensus, conuolandum nihilominus intrepidè ad al-
tare, & quicquid à Christo 6. Joannis capite de hoc my-
sterio dicitur, ad omnem quæ ab illo detertere nos posset
depellendam formidinem dictum videri: Ille contrà iu-
bet, ^b ut sacro quodam horrore perfundamur, & reue-
rentiam multò majorem hîc exhibeamus, quam cum Magi
procidentes Christum adorauerunt: ne si temerè & incon-
sideratè accesserimus, carbones ignis super caput nostrum
congeramus.

Tua sententia est, quo quis à gratia desertior est, eo
ad percipiendam Eucharistiam confidentiorem esse debere.
Contra Patriarcha beatissimus nos admonet, ^c Ne
nobis ipsis per impudentiam mortem consciscamus, atque
ut nonnisi tremebundi ac purissimi cœlesti illi mensæ ac-
cumbamus.

Tua sententia est, eos qui sui amore tument, ac stu-
pendum in modum seculo addicti sunt, si Eucharistiam
frequentent, optimè facturos, & magno Christum honore
affecturos: Ille contrà asserit, ^d Christum aquilas vo-
care eos qui ad corpus suum conueniunt, iuxta illud Euan-
gelij oraculum, Ubi corpus, ibi congregabuntur & aquilæ,

ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.
a ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.
b ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.
c ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.
d ὡς περ πῶς
ἐσθλούς χρυ-
σούς. *Εὐχα-*
ριστία
παντοθεν. καὶ
π λέγω περ
μελλοῦται ἐν-
ταῦτα γὰρ σοὶ
πλεῖστον γὰρ
ἐστὶν ποιεῖν
ταῦτα τὸ μυσ-
τήριον, &c.
Chrysost. ho-
mil. 24. in c.
10. I. ad Cor.

64 DE FREQUENTI COMMUNIONE.

τις ὅσοι μὴ
μετέχουσιν ἐν
μυστηρίᾳ εἰσὶν.
οἱ γὰρ ἐν μυσ-
τηρίᾳ εἰς με-
τέχουσιν οὐκ
ἐφείλδουσιν.

qui in peccatorum sordibus etiamnum demersi voluntantur, sed & eos qui fungendæ pœnitentiæ student, à templi liminibus arcere. Quapropter quamdiu vox ista in sacris Ecclesiæ conseruata monimentis auribus nostris insonabit, tuam qua peccatores ex more & praxi Ecclesiæ pœnitentiam vnquam ante Communionem pluribus diebus egisse negas, audire atque accipere omnino difficile erit.

Alterum est, D. Chrysostomum tametsi hoc loco prauam ac peruersam eorum negligentiam, qui per contemptum vel salutis iniuriam, perrarò ad Eucharistiam sacram accederent, insectari statuisset, tamen intra fines ac limites in huius administratione Sacramenti ab ipso Spiritu sancto præfixos studiosè se continuisse, nec inconsultis aberrationibus tuis vllum vel in speciem locum reliquisse. Fideles omnes promiscuè ac sine delectu (quod ei falsò adscribis) ad Communionem non impellit. Monet atque hortatur ante omnia vt se dignos qui eâ frequenter impartiantur, præbeant. Obtestatur & obsecrat ne sacris intersint mysteriis si eorum perceptione digni non sint. Qui in Pœnitentiæ actione versantur, indignos Communionem pronuntiat. Eos denique vehementiùs increpat, qui Communionis tempora insigniorum solennitatum occursum non animæ integritate metiuntur. Sed jam diuinas ipsius voces ex eadem Homilia depromptas audiamus.

Πολλοὶ ὅρα
τῶν σωματικῶν
τῶν χειρῶν

Multos video, inquit, qui Corpus Christi accipiunt temerè & perfunctoriè, idque eo potiùs quod in vsum ac legem

legem quandam videatur abuisse, quam quod iudicio & Ra-
tione ducantur. Si Quadragesimæ tempus instet, aut Epi-
phanie celebritas, qualescumque tandem illi fuerint, Sa-
cramentorum participes fieri volunt. At certè temporis ra-
tio tempestiuum ad ea accessum non facit. Neque enim
Quadragesimæ, neque Epiphaniæ dies nobis conferunt ut
dignè accedamus, sed animæ integritas atque innocentia.
Hæc si adsit, semper accedito: si absit, nunquam. Cogita
quantam adhibebant diligentiam ac reuerentiam, qui ad
veteris sacrificij victimas participandas se accingebant,
quanto conatu ac studio omnia agebant, ut omni ex parte
puri ac mundi accederent. Tu verò qui hostiam attingis,
quam vel ipsi tremebundi ac stupentes Angeli veneran-
tur, nihil aliud curas, nihil aliud obseruas, quam stata tem-
porum festorumque recurrentium intervalla. Intuere vasa
ipsa lota & tersa quanto nitore fulgeant. Atqui his longè
nitidiores oportet esse animas nostras, longè sanctiores &
splendidiores. Illa enim nonnisi nostra causa tanto studio
adornantur.

Verum vt vel maximè cœcis clareat, magnum Antistitem de fidelibus ad eam quæ cœlestis huius Sacramenti vsui necessaria est morum sanctitatem adducendis, quam de quibuscumque indiscriminatim (vt persuadere niteris) ad frequentandum ipsum propellendis, longè vehementiùs laborare: patere, obsecro, nos aliquas etiam cœlesti eius eloquentia, diuinoque quo feruebat spiritu dignissimas voces afferre. Habentur illæ Homilia eiusdem 17. in Epistolam ad Hebræos, in quâ Eucharistiæ sacrificio diuinitus explanato, hæreticorumque nostrorum

Pars I.

I

μετ' ἡμῶν
 ἀπὸς καὶ
 αὐτὸς ἐτύχη καὶ
 σωθείη
 ὡς πολλοὶ καὶ
 ῥόμοι, ὁ λο-
 γισμὸς καὶ
 ἡ ἀπορία· ἀ-
 γαστὸν φέρεται
 ὁ δ' ἄλλος τε
 ἀπελευθερώσας
 τοὺς αἰῶνες
 ἐκ τῆς με-
 τάνοιαν· ἀ-
 γαστὸν γὰρ Ε-
 πιφανίαι ἐ-
 μέλει· καὶ τοὺς
 τοὺς αἰῶνες
 ἐκ τῆς Ε-
 πιφανίας, ἐν
 ᾗ πεπονη-
 μένος ἡ πόλις
 αἰῶνι τῷ σ-
 πεινῶν, ἀλλὰ
 φησὶς εἰς
 κελεύει καὶ
 ἀντιπαρῶν.
 ἡ δὲ ζωὴ
 αἰῶνι σπλν-
 χεῖς ζωὴς
 μετὰ τῶν
 ἀνθρώπων· οἱ δὲ
 ἡσυχία μετ-
 ἄλλους τὴν
 λαοῦ, πόσι
 καὶ χερσὶν
 φέρει, τὴν
 ἐκ τῆς πό-
 λιν ἐπορεύ-
 σαι τε καὶ
 ἡσυχίαν· οἱ δὲ
 ἡσυχία σ-
 πεινῶν, ὡς καὶ
 ἀνθρώποι φέ-
 ρει, καὶ τοὺς
 αἰῶνες ὁ
 πᾶσι καὶ ὁ
 ἐκ τῆς πό-
 λιν ἐκ τῆς
 πόλιν ἐκ τῆς

[illegible]

crimine impellere, qui eos omnes qui cordis puritatem atque inculpata vitæ integritatem non afferunt, à Sacro sanctis arcet altaribus? Num hæc oratio ad cœlestem mensam inuitet eos qui sui amore pleni atque huic seculo tenacissimè adstricti sunt? Num qui in quibuscumque hominibus nec frequentiam nec raritatem Communionis, sed adhibitæ tantum affectionis animi integritatem probandam existimat, dogmatis assentiatur tuis, qui pari temeritate quotquot Eucharistiam frequentant vniuersè collaudas, & quotquot ad eam rariùs adeunt, quocumque demum consilio id faciant, vniuersè ac sine vlla exceptione condemnas? Denique tremendæ illæ voces quæ vel iustissimo cuique horrore sunt, tibine dæmonis stratagemata homines à frequentanda Eucharistia deterrentis poterunt esse, etiam sanctissimo Episcopo palàm apud populum proficiente se non nisi sancti Spiritus oracula editurum?

παῖς τὸ ἐλπί-
 στω μετέχον
 συλλαβῆς θ
 καὶ ἡ δὲ δυ-
 οῦν πέντε, π
 ρας ἀποδίδέ-
 μιν, τὴν α-
 παξ, τὴν
 πολλὰς, τὴν
 ὀλιγάκις· οὐ-
 τε τὴν ἀπαξ,
 οὐτε τὴν
 πολλὰς, οὐ-
 τε τὴν ὀλι-
 γάκις ἀλλὰ
 τὴν μετ' ἐκ-
 θαρρῶ συνει-
 δότες, τὴν
 μετ' ἐκθαρρῶ
 καρδίας, τὴν
 μετ' ἐκθαρρῶ
 πιν. οἱ οὖτοι
 τὴν αἰετὶ
 σίπουσι· οἱ θ
 μὴ εὐνοῖται,
 μηδὲ ἀπαξ,
 π' ὁποῖται, ὁ-
 π' ἔκμας, ὁ-
 σωτὴς λαμ-
 βάσιν, καὶ
 κατὰ κράτος,
 καὶ κολαπ.
 καὶ πρὸς ἐκ-
 καὶ μὴ ται-
 μαυτὸς, αἰ, ὅ
 γὰρ ἡ τρυφὴ
 φέρει, οὐδὲτα
 θροῖται, ἐκ-
 εἰς χακοστοί,
 ἐμπῶσι πλε-
 τα ὑπολλυσι
 καὶ ἡκαφεί-
 ρει, καὶ ἡκα-
 ρται ἰόντων ἀ-
 φορῶν, οὐτὶ
 δι' αὐτὴν τῶν
 ταὶ τῶν φεα-
 ρῶ μωγεῖται.

C A P V T XIX.

DE DVOBV5 DOGMATIS D. CHRYSOSTOMO
ab Aduersario falsò ascriptis. Altero, eum qui à Christi corpore se abstinet majorem illi reuerentiam non exhibere : Altero, Communionis dilatione & morâ nos eadem digniores minimè effici.



VERVM nimis jam multa de re adeò
perspicua. Sequitur vt ad duo illa ve-
niamus quæ tu animaduersione digna
existimas, & reuera sunt, sed longè alio
modo ac existimas. Cum enim D. Chrysostomum

docentem facis nihil esse quod qui à Christi corpore secedit, maiorem se illi reuerentiam exhibere putet, & Communionis dilatione nos eadem digniores minimè effici: vel de iis loqueris qui per desidiam diuinarumque rerum incuriam à sacra Eucharistià se remouent, & ob eam causam dum ab illa absunt de animo ad susceptionem illius præparando ac componendo nihil laborant; & ita vanissimam ac planè superuacaneam obseruationem affers. Quis enim dubitet, quin is qui per supinam illam negligentiam, aut exiguam de tantis mysteriis opinionem, aut superbiam, aut solum timorem omni humilitatis atque amoris sensu destitutum à Communione se abstinet, summam vituperationem mereatur? Hoc quippe illud est commemoratum ab Augustino, quod cœlestis ille cibus non potest ferre fastidium. Quare vniuersum hoc hominum genus SS. Patrum æquissimis ac verissimis reprehensionibus exagitur. Sin autem generatim istuc intelligis (quemadmodum orationis tuæ series significat) de iis omnibus qui ab Eucharistia secedunt, quacumque tandem voluntate ac consilio id agant, quocumque interim studio ac diligentia ad eam puriùs postmodum ac sanctiùs suscipiendam se componant, prauissimi dogmatis istius ex quo vnam è regulis concinnas tuis falsitatem ex Scripturæ sacre, SS. Patrum, & Ecclesiæ totius consensu aperiendam opportuniùs in alium locum referuamus. Nunc quidem satis habeo D. Chrysostomum à calumnia tua vindicare, docereque duo

ista capita quæ illi obtrudis à germanis ipsius sensibus non minùs quam à luce tenebras dissidere.

Tantum enim abest, vt insignis ille Doctor improbet, si quis Christi sanguinis per peccata mortalia sæpiùs conculcati sibi conscius suo se ipse iudicio mysteriorum perceptione indignum iudicet, indignitatisque illius causa ab iis tantisper abscedat, dum peccatorum maculas pœnitentiæ laboribus eluerit : tantum, inquam, abest, vt D. Chrysostomus secessionem istam improbandam, dilationemque eiusmodi vanam & inutilem existimet (quæ duo illi temerè affingis) vt contra ex communi conspirantique omnium Patrum doctrina veros Pœnitentes eam à qua prolapsi sunt morum integritatem hoc humilitatis genere sensim ac pedetentim redintegrare, & Christi priùs verbo quam Christi corpore pasci debere existimet.

Quod vt planè intelligas, consulenda tibi homilia de filio prodigo, in quo eximium vnum misericordiæ Dei exemplum omniumque verè pœnitentium præclarissimam imaginem constituit. Explicans enim verba illa, *Jam non sum dignus vocari filius tuus : fac me sicut vnum ex mercenarijs tuis*, ita loquitur : *Ne me abigas ab aula tua, Domine, vt ne rursum me inuentum hostis errantem velut captiuum abducat. Neque me ad tremendam & mysticam mensam tuam accedere compellas. Non enim ausim impuris oculis Sancta Sanctorum intueri. Patere me tantum cum Catechumenis in ima Ecclesiæ parte ad fores consistere : vt mysteria contemplan- quæ in ea celebrantur eorum rursus particeps sensim fieri*

μήτε τῷ κυ-
λίῳ σου ἰδοῦ-
μεν. φῆς μὲν,
δέεσθαι, ἵνα
μὴ πάλιν ὁ
πολέμιος ἐν-
ταῖς μοῖς πε-
πλησμένον
ὡς αἰχμάλ-
ωτον ἀπα-
γοίγη. μήτε
πλησίιν ἐλ-

ἐν σὺν μὲ καὶ concupiscam, ut sacris Verbi diuini laticibus perfusus,
 φοβερῶς σου sordes abstergam, quas aures meae spurcarum cantilenarum
 ἡμῶν μωροῦν πρᾶξις, οὐ auditâ turpitudine contraxerunt, ut cum margaritas tuas à
 γὰρ τέλει τοῦ φθαρταῖς sanctis viris piè rapi videro, ego quoque tanti muneris sus-
 ἐν ἀγάπῃ σου ceptione dignas manus habere studeam.

ἴνα, εἰς τοῦ
 μετῴμαι μὲν
 τοῦ καὶ τοῦ
 ἀφ' αὐτοῦ, τοῦ
 οὐκ ἐκ κλη-
 σίας εἰδὼν ἵνα
 θεωρῶν πατέρα
 αὐτῆς τελευ-
 τῶν μετῴμαι
 εἰς, ποιεῖται
 καὶ μικρόν
 παρὰ πάλιν
 ἀπολαβεῖν.
 ἵνα τοῖς θεοῖς
 εὐμαρῶς ἐ-
 γωνεύσας
 ἀπομνησθῶ
 τῆς ἀρχαῖς
 τοῦ ἀρχαῖς

Ita vir summus interpretatur solennem Ecclesiæ disciplinam in eos qui per flagitiorum lethalium fordes baptismatis sanctitate polluta, diuinissimo-que thesauro dilapidato in cœlestis Patris sinum confugere vellent. Talem sententiam Diaconi vo- ce in eos intorquebat Ecclesia, cum omnes qui in Pœnitentia versarentur, discedere juberet. Sic illa accipiendam docebat Apostoli vocem, *Numquem-que probare seipsum* ac dijudicare præcipientis, ne Christi corpus in iudicium suum damnationem-que conuertat.

1 Tali ab Eucharistia secessione summa peccato-
ris demissio ac depressio, adeoque summus Dei qui
à solis honoratur humilibus honor ac reuerentia
continetur: summa denique restituendi peccato-
ris spes, quoniam ipsa spondente veritate, *Qui se
humiliat exaltabitur.*

Tali dilatione quæ ex intimo humilitatis sensu, non ex amoris inopia manat, peccator boni quo excidit præstantiam reputans, ad omnes animi maculas piorum operum virtute abstergendas vehementius inflammatur, quo deinde paratior & dignior recipiendæ diuinissimæ Communionis existat. Quæ cum ita se habeant, pergesne etiam Chrysostomo duo ista generatim imponere, *Nihil esse cur*

Chryf. tom. 6.
in Parab. de
Prodigo.

is qui à Christi corpore secedit , maiorem illi reuerentiam exhibere se putet , Communionisque dilatione nos eadem digniores minimè effici.


CAPVT XX.

*INSIGNIS LOCVS GENNADII DE
preparatione animi ad frequentem Communionem tum ab
Innocentibus & lenium tantum erratorum , tum à Peccatori-
bus & mortalium post Baptismi susceptionem criminum reis
adhibenda.*

Aduersarius.

I Am si quæcumque à Patribus in hanc sententiam dicta sunt referre velim , longior fuero. Tantum addam, S. Augustinum Christianos omnes qui peccati mortalis labe non tenentur ad Communionem die quaque Dominica ad- eundam hortari.

RESPONSIO.



SCHEDIS & Commentariolis tuis jam exhaustis imperitos schemate Rhetorico ad extremum ludificari pergis. Sed cum hætenùs quæcumque attulisti è Patribus , nihil aliud nisi locorum quorumdam fallaciter prolatorum , vel in alienos sensus detortorum congeriem esse demonstratum sit , restat vt postremum hoc additamentum superioribus quasi coronidem ac cumulum accessisse demonstramus.

Equidem loco isto quem modò Augustino ,

modò Gennadio vero eius auctori assignas, toties abuteris, vt integrum, sicut habetur in fonte ipso, hoc est in Libri de Dogmatibus Ecclesiasticis cap. 53. repræsentare necesse sit. Audi ergo semel locum tuum; imò audi damnationem tuam. *Quotidie Eucharistiæ Communionem percipere nec laudo, nec reprehendo. Omnibus tamen Dominicis diebus communicandum suadeo & hortor, si tamen mens sine affectu peccandi sit. Nam habentem adhuc voluntatem peccandi, grauari magis dico Eucharistiæ perceptione quam purificari. Et ideo quamuis peccato mordeatur, peccandi de cetero non habeat voluntatem, & communicaturus satisfaciat lachrymis & orationibus & confidens de Domini miseratione qui peccata piæ confessioni donare consuevit, accedat ad Eucharistiam intrepidus & securus. Sed hoc de illo dico quem capitalia & mortalia peccata non grauant. Nam quem MORTALIA CRIMINA POST BAPTISMVM COMMISSA PREMUNT, HORTOR PRIVS PVBLICA POENITENTIA SATISFACERE, ET ITA SACERDOTIS IVDICIO RECONCILIATVM COMMVNIONI SOCIARI, SI VULT NON AD IVDICIVM ET CONDEMNATIONEM SVI EVCHARISTIAM PERCIPERE. Sed & secreta satisfactione solui crimina non negamus, sed mutato prius seculari habitu, & confesso Religionis studio per vitæ correctionem, & iugi, imò perpetuo luctu miserante Deo, ita duntaxat vt contraria pro his quæ pœnitet agat, & Eucharistiam omnibus Dominicis diebus supplex & submissus vsque ad mortem percipiat.*

Equidem

Equidem de mente ac iudicio tuo iniquius existimem, si auditis hisce verbis te vltro non intellegendum putem, vel hunc locum vnicum omnibus vitiosæ doctrinæ tuæ capitibus deiiciendis satis superque esse. Quin etiam omnibus perspicuam fore arbitror animi tui cœcitatem, quâ factum est, vt cum olim Ethnici Dæmonum energemata in Idolis velut in ascrititiis corporibus vim suam exerentium pro diuinis operibus habuerint: tu contra consilia institutaque Christi in Ecclesia velut in vero corpore vim suam exerentis, pro consiliis spiritus erroris habeas, & stratagematis diabolici, grauissimæque, quâ Ecclesia percelli possit, calamitatis nomine afficias.

Cernis enim quantoperè cauendum sit, ne (quod semper facis) Innocentes cum peccatoribus, Iusti cum pœnitentibus, in societate Christi Baptismo inita constantes & inuicti, cum iis à quibus eadem societas mortalibus flagitiis est violata, confundantur. Nec vero mirum videri debet, si hoc euerso fundamento, sanctissima quæque Christianæ Religionis decreta subuerteris, cum ex vno principiorum errore, vt Philosophi norunt, errores innumeri in conclusionibus pullulent, sicut vitiato semel ac corrupto fonte riui etiam corrumpantur necesse est. Sed illud in primis stupendum, quod cum Genadius ita fideles ad Communionem octauo quoquo die adeundam hortetur, vt de iis qui lethalia post baptismum peccata commiserint, se non loqui disertissimè profiteatur: tu tamen rem tanti

74 DE FREQUENTI COMMVNIONE.
ponderis, in qua potissimum nostræ disceptationis
cardo vertitur, egregiè dissimules.

C A P V T X X I.

*QVA RATIONE LETHALIVM POST
Baptismum peccatorum rei ad sacram Communionem se com-
ponere debeant. Vbi & de Religiosa ac Cœnobitica vitæ ad
agendam pœnitentiam opportunitate.*



T igitur ab eo in quo Gennadius desijt
ordiamur, atque Ecclesiæ in Eucharis-
tia hominibus peccatorum mortua-
lium consciis administrandâ mentem
& sensum aperiamus, nonne iubet eos
(quod tamen zelus tuus quia secundum scientiam
non est, pati non potest) ante Communionem pœ-
nitentiæ pluribus diebus operam dare, gemitibus,
supplicationibus, lachrymis, ieiuniis, eleemosynis
& orationibus, quæ omnia vel vno pœnitentiæ pu-
blicæ nomine continentur, diuinæ iustitiæ satisfacere,
quo deinceps ad sacram Eucharistiam admit-
ti possint? Nonne istam Communionis dilationem
& moram adeò necessariam censet, vt qui aliter
agat, eum salutis nostræ pretioso pignore capien-
do damnationem suscipere, cibumque diuinissi-
mum in venenum conuertere existimet?

Exceptionem ille quidem vnâ agnoscit, quâ
quis è vulgari ordine pœnitentium eximi, publi-
camque illam supplicationem & exomologesim in
priuatâ satisfactionis genus commutare queat: sed
ea exceptio sanctissimam regulam firmiorem ef-

ficat. Quæ enim pœnitentia Deo acceptior, imò quadam etiam ratione magis publica esse potest, quàm initam cum inimico illius, hoc est, cum seculo amicitiam palàm dirumpere: quàm omnes mundi voluptates vel insanias in perpetuum repudiare: quàm omni præsentium spe abjecta, piæ ac religiosæ vitæ genus amplecti: quàm in solitudinem tot insignium Sanctorum exemplo, vel in Monasterij latebram secedere, continuis gemitibus Dei iram placaturum: quàm in peccatorum suorum expiationem quotidianas *lachrymas, tanquam vulnerati sanguinem cordis*, vt Augustini verbis vtar, *Deo sacrificare*: quàm denique in studiis & exercitationibus quæ culpis propter quas gemas plane aduersentur, reliquum ætatis tempus omne traducere.

Equidem eximiam hanc Gennadij vocem mirari satis non possum, quâ pœnitentiam publicam ad mortalium delictorum veniam impetrandam ita salutarem ac tanti ponderis esse existimat, vt eos solos ab ea liberet, qui alteram, occultio-rem, sed laboriosorem, austeriorem, diuturnioremque delegerint.

Atque hoc loco in mentem venit, quod excellentem pietate virum, rei que Ecclesiasticæ diuiniore scientia eximium dicentem audiui, stupendam planè esse Dei ad Ecclesiæ salutem assiduè inuigilantis prouidentiam, dum purissimæ Gennadij doctrinæ veritatem consilio sapientiaque sua ita comprobauit & sanxit, vt futurorum euentuum quasi prophetia & prædictio quædam fuisse videatur:

*In Vita S.
Malachie.*

excitatis nempe circa duodecimum ac decimum tertium seculum maximam partem Religiosis Ordinibus, cum antiquæ pœnitentiæ vsus imminui cœptus est per duritiam cordis Laïcorum, & Sacerdotum inscitiam, sicut à S. Bernardo declaratum videmus ac deploratum.

Cum enim Christiani post baptismi gratiam peccatis mortalibus amissam publicâ pœnitentiæ januâ in Ecclesiam regredi neglexerunt, publicas pœnitentiæ domos Deus aperuit, vt quibus pœnitentiæ studium immisisset, & veram salutis curam, paratum haberent velut azylum ac perfugium, vbi ab aliorum impœnitiâ, ab aliorum inscitâ tuti esse possent, faciliusque & commodius, non mensibus aut annis paucis, sed vniuerso vitæ spatio ieiunijs, orationibus, vigilijs, voluptatum omnium contemptui, cæterisque pœnitentiæ publicæ officijs operam darent.

*Hieron. in
Isaiam. c. 3.*

Hinc splendidissima illa Religiosorum Ordinum lumina Bruno, Bernardus, Stephanus Grandimontensis, Norbertus, Albertus, Dominicus & Franciscus ætate aut æquales aut suppare in Ecclesia extiterunt; in omnibus Christianis regionibus vexillum pœnitentiæ sustulerunt: à *Christo Pœnitentiæ principe*, vt præclare ab Hieronymo dicitur, *eorumque capite qui saluantur per pœnitentiam*, missi & instructi prodierunt; innumeris miraculis ac prodigijs, & penè infinitæ tum hominum, tum fœminarum multitudinis conuersione missionem suam obsignarunt & confirmarunt, senescentisque Chri-

stianæ Religionis velut noui ac secundarij Apostoli fideles innumerabiles violatæ prioris baptismatis innocentia reos, posteriore lachrymarum ac gemituum baptismate in integrum restituerunt.

Quo etiam loco illud obseruare licet, sicut olim cum ab Ethnicorum Imperatorum persecutionibus Ecclesia quiescere inciperet, nec jam publici belli dimicationes publico, cui illustrissima corona deferebatur, martyrio locum darent; Deus antiquissimos solitarios vltimosque illos Heremitas in Asiæ atque Africæ desertis excitauit, qui vitæ duritate & voluntario cruciatu penè incredibili, ex quo etiam dubitatio nasceretur homines ne essent, in media Ecclesiæ pace nouum martyrij genus induxerunt ac celebrarunt? Ita cum antiquus pœnitentiæ vsus in Ecclesia obsolesceret, Deus ingentem illam Religiosorum multitudinem, sacram illam pœnitentium turmam produxit, qui sacco & cinere quo seculares rei vix tegi se patiebantur, vtrò se contexerunt; morum conuersionem quæ pœnitentibus omnibus communis esse debet, publicè sponderunt; probandis iis qui ad ipsos accederent, certum tempus constituerunt, sicut criminossissimi quique ad pœnitentiam publicam nonnisi diu ac multum excussi ac probati olim admittebantur, Augustini præsertim ac Gennadij temporibus, quibus ad eam semel accedere ferè concedebatur: denique castigationibus & ærumnis quas Patrum Conciliorumque decreta secularibus in certos menses vel annos

*V. Theodoret.
in Historia
Dei amantissimum, in vita
Simeonis
Stylite.*

irrogabant, vitam omnem se contrituros publico voto professi sunt.

Nec minùs Dei suum illud Pœnitentiæ in Ecclesia retinendæ consilium fulcientis singulari nutu factum est, vt ab excessu S. Bernardi, Sanctorumque Dominici ac Francisci exortu, Religiosi ex ipsa Regularum suarum sanctissimarum mente mundo se paulò magis inferuerint, quo faciliùs homines in seculo degentes ad pœnitentiam, quâ, vt ait Genadius, ad eluenda peccata indigebant, allectarent atque inuitarent, ipsoque vsu & consuetudine sua vitæ illis pœnitentis speciem iucundiorẽ efficerent, quam in perfectorum solitariorum, quales superiorum temporum Monachi personis ac Monasteriis visa esset. Peccatores enim ferè ac seculares percellit atque absterret ipsa solitudinis facies.

Sed quoniam ex Euangelij oraculo quo longiùs à Solis iustitiæ ortu seculorum spatiis discedetur, eo hominum mores deteriores in Ecclesia fient & colabentur, sicut in natura rerum quo Sol longius à nobis mensum spatiis discedit, eo vis frigoris magis ingrauescit : hæc animorum labes & corruptela postremis hisce temporibus multo durior ac vehementior effecta est. Cum enim tot hæresum quasi seminarium fuisset (quæ vno ore pœnitentiæ labores & peccatorum confessionem, Ecclesiâ SS. Patrum consensu vtrumque propugnante repudiauerunt) eo denique rem adduxit, vt Theologi Catholici pœnitentiam non nisi in Scriptis, Concionatores non nisi in suggestibus asserere ac tueri

possent, legum autem illius obseruatione & vsu impetum & quasi torrentem seculi amorisque mundi huius, qui fons omnium vitiorum est, idemque pœnitentiæ infestissimus hostis, fascinationem raro admodum vincere ac frangere valerent.

Verum ne sic quidem destitit Deus Religiosorum conditis nouis Ordinibus, antiquis instauratis nouas etiam pœnitentiæ familias excitare, maloque multiplicato multiplicatis remediis occurrere; vt peccatores quibus libera esset vitæ deligendæ potestas, quorumque imbecillitas ad plenam & integram pœnitentiam in seculo obeundam impari se sentiret, Religiosum vitæ genus, si Spiritus sancti motione atque impulsu cò ferrentur, commodiùs amplecti possent.

Et verò beatæ memoriæ Episcopus Geneuensis fœminis, seu virginibus, seu viduis quæ in seculo degant, vsque adeò necessarium existimauit ad Cœnobia confugere, vt vel pœnitentia non egeant, vel vitæ superbiam ac vanitatem extra seculum in quo committuntur deffenda & raro admodum commissa deffentur, lugere possint, vt post constituta tot sanctimonialium monasteria, nouum etiam Ordinem, cuius disciplina omnium mirrissima videretur, Deo instigante fundare compulsus fuerit, ne qua jam virgo aut vidua naturæ tenebritudine impediretur, quo minùs se à funestis mundanæ atque impœnitentis vitæ laqueis explicaret.

Verum cum illam à seculo migrandi, vel oneris pœnitentiæ publicæ subeundi optionem à Genna-

dio peccatoribus factam, animaduerto, venit mihi in mentem consimilis penè conditionis à Stephano Summo Pontifice, qui nono seculo viuebat, Aistulpho viro illustri oblata, qui vxorem suam zelotypiâ percitus interemerat. Consilium enim quam mitissimum dare illi professus, duorum alterum eligere jubet, vt vel in Monasterium sub Abbatis potestate subijciendus, & pœnitentiam quoad vixerit acturus secedat: vel si in seculo pœnitentiam obire maluerit, hanc ei vitæ normam summam præscribit. *In ieiunijs & vigilijs, & orationibus, & eleemosynis perseuera omni tempore. In conuiujs letantium nunquam te misceas. In Ecclesia segregatus ab alijs Christianis post ostium & postes humiliter te repone, ingredientium & egredientium orationibus suppliciter commenda te.* COMMVNIONE CORPORIS ET SANGVINIS DOMINI CUNCTIS DIEBUS VITÆ TVÆ INDIGNVM TE EXISTIMES: *In ultimo tamen exitus vitæ tuæ die, si merueris, pro viatico, si sit qui tribuat, tantummodò venialiter vt accipias, tibi concedimus. Veniæ igitur & indulgentiæ causâ hoc ei concedit. Ac deinceps, Sunt, inquit, & alia multa quæ tibi nimis durius & satis acrius erant, juxta magnum pondus peccati, infelix, adiicienda. Sed si hæc omnia quæ supra misericorditer dicta sunt, perfecto corde Deo auxiliante feceris & custodieris, confidimus de immensa clementia Dei remissionem peccatorum tuorum te habiturum. Sin autem aliter feceris, & sanctæ matris Ecclesiæ salubrem admonitionem despexeris, ipse tibi sis iudex, & in laqueo diaboli quo irretitus teneris permanebis,*

*Pœnitent.
Roman. tit. 1.
c. 11. Grat. 33.
q. 2. c. 8.
Burch. lib. 6.
c. 40.
Iuo part. 2.
c. 126.*

nebis, & sanguis tuus super caput tuum. Nos alieni à consortio tuo pro aliorum filiorum Dei salute, ipso opitulante omni sollicitudine nitimur desudare, & Domini misericordiam attentius quotidie implorare.

An & in his Sancti Pontificis vocibus occultam pessimi Dæmonis fraudem subesse suspicabere, cum non modo hominem à frequenti Communione deterreat, sed omninò à Communione quoad vixerit excludat, quod idem antè illum à S. Ambrosio Virgini lapsæ constitutum videmus. Tamen qui diuinas leges ac regulas quibus Spiritus Sanctus Ecclesiam regi voluit, collegerunt, hanc illius Pontificis sententiam, adè Petri successore dignam, zeliq; illius æquissimi qui Sanctuarij pondere delictorum grauitatem examinans, peccatores solidioribus alimentis tum demum vti sinit, cum pœnitentiæ peccatis æqualis remedio curati fuerint, plenam esse censuerunt, vt illam in Sanctorum Canonum corpus veluti depositum condiderint, vt decretum ad hominis vnius salutem comparatum, ad vniuersam quâ patet Ecclesiam ac seculorum omnium posteritatem instituendam extenderetur. Nec sine prouidentiâ factum est, vt nuper S. Carolus Borromæus eidem decreto nouam etiam lucem splendoremque contulerit, iis Canonibus inserto, quos Christi ministris proposuit, vt ex iis quemadmodum Clerus Romanus ad Cyprianum scribit, discant animas clementi seueritate curandas potius quam crudeli indulgentiâ occidendas.

*Ambros. ad
Virg. lapsam
cap. 8.*

CAPVT XXII.

*QVAENAM EORVM QVI IN VENIALIA
tantum peccata labuntur, ad frequentandam Communionem
affectio animi esse debeat. B. Episcopi Geneuensis de Eucharis-
tia octauo quoque die sumenda mens explanatur.*



AM vt ad Gennadium vnde digressi
sumus reuertamur, quam ratione
mortalium peccatorum reis, ante-
quam ad Eucharistiam se conferant,
animi sordes eluendæ sint, ex ipsius
sermone perspeximus. Ex quo cuius iudicare pro-
cliue est, quid de eo sentiendum sit, qui talem vn-
quam in Ecclesia morem ac disciplinam fuisse ne-
get, vt peccatores pœnitentiæ ante sacram Com-
munionem pluribus diebus operam dare iuberen-
tur. Restat vt de peccatis venialibus (quæ Genna-
dij propositionis altera pars erat) ad præfinienda
Communionis tempora quid statuendum sit, dis-
piciamus.

Cum enim animaduerneret autor ille, quanta
integritate animi ac puritate diuinissimi illius my-
sterij maiestas esset adeunda, ne fidelibus quidem
piè viuentibus, qui lethaliū expertes vulnerum,
in leuiore tantum plagas & quasi morsus incur-
rant earum culparum, ob quas quotidie autore Au-
gustino, sanctissimus quisque pectus tundit, quo-
tidianam Communionem suadere ausus est. Satis
habuit illos ad Eucharistiam die quoque Domi-

nico percipiendam hortari, idque duabus maximi momenti conditionibus appositis; altera, vt priusquam sacram illam mensam attingant, culparum maculas leuiore licet, lachrymis & orationibus abstergant: Altera (quæ ad animas probè regendas grauissima est, quâque vnâ doctrina tua omnis funditus corrui) vt ne ipsorum voluntas peccatis illis leuioribus adhæreat & implicetur.

Longè enim differunt, vt præclarè docet in Philothea sua beatæ memoriæ Episcopus Geneuensis, peccatum veniale & affectus peccati venialis. Venialia enim, inquit, & leuia peccata omninò vitare nunquam possumus, ipsorum vero affectu & amore carere omninò possumus. Hinc amorem illum & affectum ex animo penitus euellendum docet, adeo vt nulli quantumuis leui peccato inhærendi voluntatem foueamus. Affectus enim illi (vt confirmat ibidem) veræ pietati penitus contrarij sunt, animamque licet lethali ictu non conficiant, grauissimè tamen sauciant. Quod etiam illustrat appositione exempli adeò insignis, vt teneri non possim quin ipsas illius voces hîc repræsentem. Musca morientes, inquit Sapiens, perdunt suauitatem vnguenti, hoc est, musca si in vnguento minùs hæreant, illudque obiter strictimque delibent, nihil ferè ex illo nisi quod abstulerunt inficiunt. Si verò in vnguento ipso immoriantur, præstantiam eius & dignitatem extinguunt, atque id in contemptum adducunt. Ita leuiore culpe cum in animam piam inciderint, si in illa diutius non hæreant, haud magnoperè ludent, quod si in ea studio quodam & affectu permanserint, vnguenti, hoc est, sacræ deuotionis suauitatem procul dubiò extinguunt.

Quare tametsi titillantis peccati offensusculæ Communionem octauo quoquo die obiri minimè vetent, eam tamen si in ipsis voluntas implicetur meritò arcebunt. *Tumenim, ut ait Gennadius, Eucharistia perceptione mens grauatur magis quam purificatur*, atque intelligere licet, in eiusmodi animæ, quamuis alioquin sanæ, quasi stomacho noxij aliquid humoris insidere, qui quominus diuinus ille cibus concoquatur, impediat.

Atque idipsum Beatus ille Episcopus Geneuen-
sis cum rectissimè perspexisset, adeundæ Communionis quam præscribit legem, huius Gennadij loci autoritate stabiliiuit. Quam quidem iis expressit verbis quæ hîc palàm exhibere necessarium duxi. Multi enim quæ peruersè ac præposterè faciunt, Sancti illius viri patrociniò defendere nituntur, consiliumque de Eucharistiâ singulis hebdomadis vsurpandâ ab ipso propositum à necessaria præparatione ab eodem indicta diuellentes tuo more atque distrahentes, quacumque tandem ratione ad Communionem frequenter accedant, eximij illius Antistitis mentem ac doctrinam præclarè se tenere miseranda quadam cœcitate opinantur: Non secus ac Iudæi quondam præceptis aliquibus ex littera quæ occidit, non ex Spiritu qui viuificat, obseruatis, diuinæ Legis casti ac religiosi cultores sibi videbantur.

Accipe ergo veram viri sanctissimi sententiam.

*In Philoth. 1.
Part. c. 20.*

Quotidie Eucharistiæ Communionem percipere nec laudo nec reprehendo. Omnibus tamen Dominicis diebus com-

municandum suadeo & hortor, SI TAMEN MENS SINE AFFECTV PECCANDI SIT. Utor ipsis B. Augustini verbis (depromptis videlicet è Libro de Ecclesiasticis Dogmatibus Augustini nomine sæpè citato) quem sequens quotidianam Communionem omninò ne claudò nec vitupero, &c. At cernis Philothea, D. Augustinum vehementer suadere atque hortari, vt die quoque Dominico Eucharistia percipiatur. Hoc ergo quoad poteris, facito. CVM ENIM TE AB OMNI TVM MORTALIS, TVM VENIALIS PECCATI STUDIO AC VOLVNTATE ALIENAM EXISTIMEM, eam planè quam requirit Augustinus animi affectionem & preparationem es adeptus.

Ijs ergo solis qui talem animi affectionem & cordis puritatem tenent, Eucharistiam octauo quoque die percipiendam B. Episcopus censuit, non omnibus promiscuè & indiscriminatim, vt tu existimas, qui ne Sacerdoti quidem pro variis animarum morbis aliud constituendi potestatem relinquis. Ac ne fortè re non satis cogitatâ & expensâ in hanc illum sententiam abijsse suspiceris, in eiusdem Capituli clausulâ eam denuò inculcat, atque hanc veluti perpetuam & constantem regulam statuit, *Vt quis octauo quoque die Eucharistia Communionem percipiat, ab omni eum mortalis peccati labe, ab omni venialium peccatorum studio ac voluntate immunem esse, ac præterea sacra Eucharistia vehemente desiderio flagrare oportere.*

Non igitur, vt cernis, Beatus hic Episcopus satis habet à peccatis lethalibus quempiam abesse, vt eum die quoque Dominico Communione dignetur:

cum tu tanto munere dignos censeas quicumque in eiusmodi crimina passim labuntur, dummodò toties confiteantur quoties peccant. Duas enim præterea conditiones requirit ac prorsus necessarias putat, quas non adeò vulgares & obuias constat esse, ut Sacerdos qui frequentem adeò Communionem cuius minùs suadeat, continuò imprudentiæ (ut tibi visum est) insimulandus videatur.

Prima est, ut mens nullo prorsus peccati venialis studio & affectu teneatur. Nec verò hoc animo protinus esse censendus est, quisquis (ut plerique solent) se ipse fallens pietatis remissioris negligentiaque suæ vitia in communem naturæ imbecillitatem conferrat; sed ut liquidò constet, mentem à peccati venialis studio liberam reuera esse & expeditam factis ipsius & operibus quæ interiorum animi studiorum tanquam radicum sunt fructus, declaretur & pateat, oportet nos peccata illa pro viribus fugere, quicquid in ea inducit declinare, quicquid ab ijs auertit studiosè sectari. Quod in eo maximè situm est, ut solitudine ac secessu domus quisque suæ maximè delectetur, minimè vero secularium hominum consuetudine, quâ talis animus nonnisi necessitate compulsus atque inuitus utetur, ut veris communis vitæ officiis satisfaciat, non ut vanis & inanibus indulgeat. *Fieri enim non potest*, quemadmodum à B. Theresia præclare est animaduersum, ut qui secularibus curis implicatur aliquid in virtute proficiat, vel etiam in eodem statu sine periculo maneat, nisi negotijs omnibus non planè necessarijs, quantum ipsius ge-

B. Theresia
in Castello
anime c. 1.

nus vitæ patitur, se subducat. Nam inter tot venenatas, inquit, ac pestilentes feras versari nemo potest, quin earum sæpè morsibus vulneretur. Vt igitur à venialium culparum libidine ac visco solutum se quis merito existimet, occasionem & negligentiam fugiat necesse est. Eiusdem enim pij Episcopi vocis in eodem Libro scriptæ, ad omnes pariter lethales & veniales culpas veritas valet, tacitam eum peccati rependi voluntatem alere, (adeoque peccati studium retinere) qui peccandi declinare occasionem ac necessarias vitæ emendandæ rationes & vias sequi nolit.

*Introduç. r.
Pari. c. 6.*

Altera conditio à Beato illo Antistite proposita hæc est, ut quis percipiendæ Eucharistiæ vehementi amore flagret. Quibus verbis duo in primis magna & graua præcipit. Alterum, ut quis ad Communionem diebus etiam Dominicis commodè impelli possit, priuati potissimum sensus ac studij, quo ad cœlestem illum cibum appetendum ducitur, habendam esse rationem, proptereà quod singularis ille Dei & gratiæ impulsus propriam fidelis cuiusque indolem & veluti temperationem continet, ad quam illius quotidiani victus ratio dirigenda est. Alterum, ad octauæ cuiusque diei Communionem admodum sana & valente anima opus esse, quia scilicet vehemens ille Eucharistiæ percipiendæ amor de quo loquitur Geneuensis Antistes, quodque appellatur à S. Bonauentura *inuitata deuotionis feruor* & *intemperata desiderij sitis pro illius susceptione qui solus sufficit amantis animæ ardorem refrigerare, non aliunde quam ab animæ sanitate ortum*

*Bonauent. de
Profectu Re-
ligiosorum c.*

88 DE FREQUENTI COMMVNIONE.

Aug. Ep. 121.
 Et in Psal. 37.
 Et alibi.

habet, vt edendi appetitus à bona corporis valetudine. Vnde præclarum illud ab Auguftino sæpè repetitum, *Animam Deo plenè feruientem beatam vitam qua Deo aternùm fruatur sine intermissione desiderare* (hanc autem fempiternam Dei fruitionem ex Ecclefie mente ac voce temporalis Euchariftie perceptio præfigurat, eiusque pignus eft & primitie) *augefcantisque pietatis indicium eſſe maximum cum deſiderium iſtud magis ac magis inflammatur.*

Li. 2. Ep. 48.

Sed quoniam vt à Beato illo viro rectè in Epistolis eft obſeruatum, *Cibi appetentia duplex eſt, altera quæ proba & legitima concoctione, altera quæ attrahentis virtutis ſtomachi deprauatione gignitur* : prouidendum magnoperè eſt, vt vehemens illud Communionis deſiderium quod ad Euchariftiam ſingulis hebdomadis percipiendam neceſſarium exiſtimat, vera ſit alimenti illius ſpiritalis appetentia, nimirum ex animæ diuino amore ſuccenſæ (quem talis deſiderij fontem atque originem eſſe debere docet S. Thomas) feruore profluens; non autem fallax & adumbrata fames, quam externa quæpiam cauſa aut noxiuſ humor effecerit: cuiuſmodi appetentie ludibrium in nonnullis hominibus quorum eſt vita peruerſa, quoſque mandatorum Dei obſeruandorum cura nulla tangit, interdum reperiri teſtatur Scholæ antiquus Doctör, quodque ab ipſo meritò inſtigationi Diabolicæ, & vt ipſius verbis vtar, *meridiani Demonis, non ſancti Spiritus calori adſcribitur.*

Thomas de
 Argenina.

Vt autem dijudicetur proba ſit necne ſpiritalis fames,

fames, sic habendum est; quemadmodum corporei cibi cupiditas à noxia aliqua affectione procul du-
biò manat, cum corpus ex alimenti vsu nihil vi-
rium, nihil firmitatis trahit : Ita vel ardentissima
Communione desideria fallaciæ suspicionem ha-
bere, cum anima cœlesti illo pane pasta non vege-
tatur & quasi impinguatur, de quo Ecclesia canit,
Pinguis est panis Christi & præbebit delicias regibus, hoc
est, verè regales animas sublimi quadam delecta-
tione efferet. Hoc enim manifestum indicium est,
calorem animæ cum sit debilior ac languidior
quam vt diuinissimo illi cibo concoquendo suffi-
ciat, alimenti exuberantia obrui potiùs quam fo-
ueri. Ex quo facilè intelligitur, quâ fiat vt tot Chri-
stiani alioquin pietatis non omninò expertes sa-
cram Eucharistiam frequentent, in quibus tamen
nullum tot Communione dignum emolumen-
tum, nullus fructus appareat.

Hæ sunt leges ab Episcopo Geneuensi ad singu-
lorum dierum Dominicorum Communionem
præscriptæ, quæ cum non aliæ sint quam quas San-
cti Ecclesiæ Patres tradidere, frustrà tutiores vel
sanctiores quæras. Ad has se exigant & excutiant,
obsecro, quoscumque tu ad Communionem tam
crebram promiscuè impellis. Cogitent etiam at-
que etiam sitne in ipsis talis affectio animi qualem
B. ille Episcopus postulat. Non alium iis iudicem
nisi ipsorum animi conscientiam offero. Audiant
hanc vocem quæ ferè non alium decipit, quam qui
se ipse decipere statuit. Speculentur & explorent

*Ecclef. c. 37.
secundum
textum Gre.
cum.*

se se oculo illo, qui Scripturâ teste, septem speculatoribus oculatio est. Imos animi sui recessus seriò scrutentur, quem si omnis peccati, etiam venialis amore defunctum perspexerint, ab omnibus quæ Deo offensioni esse possint abhorrentem, ad omnem vitæ suæ rationem ex diuinis legibus moderandam toto pectore intentum; denique sancti Spiritus ardore, ex quo vehemens illud sacrae Eucharistiæ desiderium nasci debet, flagrantem: accedant sanè frequentius ad cœlestem mensam; minutas labe ac næuos quos ex animo oderunt & detestantur in ea deponere atque abstergere studeant; omnium quibus hæc mortalis vita assiduè conflictatur ægritudinum leuationem ac remedium indidem petant; postremò ipsa quæ vrget eos Christi charitate, ad eundem Christum vt ad vnicum in ærurnis consolatorem, in miseriis liberatorem, in infirmitate adiutorem sapiùs adducantur.

Sic nimirum ad crebram Communionem Philotheam suam, hoc est, animam pietatis studiosam, Beatus ille Antistes impellit, quod in ea excellentiorem etiam quam Gennadius Augustini nomine ab ipso citatus postulet, animi affectionem inesse constituat, hoc est, vitæ verè Christianæ firmam ac stabilem voluntatem, nec ab omni tantum mortali delicto, sed & à quauis peccatorum leuiorum cupiditate & quasi glutine quam longissimè diiunctam. Indignè ergo (iterùm dico & quo altiùs hæreat assiduè inculcare velim) doctrinâ illius abutitur, quisquis ad homines virtute infimos ac debi-

lissimos, ne improbos & inquinatos dicam, consilia ab illo iis qui eximie cuiusdam pietatis solida fundamenta jecerint, & diuturnis virtutum exercitationibus ad magnam jam integritatem puritatemque peruenerint, descripta & oblata detorquere moliuntur.

CAPVT XXIII.

D. IUSTINVS PERPERAM PROLATVS.

Aduersarius.

Scribit *Justinus Martyr* suis temporibus fideles tum ruri, tum in urbibus degentes in Ecclesias conuenisse; ibi Eucharistiam presentibus datam, ad absentes missam.

RESPONSIO.



QUID vero est causæ cur ea omiseris quæ Sanctus ille Martyr eodem subijcit in loco, nimirum, nemini licere Eucharistiæ participem fieri, quin prius Christianæ Fidei susceperit veritatem & regenerationis lauacro in peccatorum remissionem ablutus consentaneam Christi præceptionibus vitam agat. Quam magni ponderis sint hæ voces, ij facile intelligunt, qui mentis oculo diuinâ gratiâ illustrato quantum oneris solenni illa baptismatis sponsione nobis impositum sit, quamque perfecta & absoluta Christiani hominis vita esse debeat, intelligunt. Nec eos præterit, quam pauci nunc ad sacram Communio-

Justin. in A-pol. 2.

nem adhiberentur, si i omnes quorum à legibus & præscriptione Euangelij vita dissentit, ex B. illius Martyris sententiâ, Ecclesiæque cuius hîc tantummodò sensum aperit mente, à diuinis altaribus arcerentur.

CAPVT XXIV.

CONCILIVM BASILEENSE DE FREQUENTI
Communione.

Aduersarius.

Quid de hac re Ecclesia sentiat ex duobus Concilijs generalibus satis liquet. Hæc enim habet Concilium Basileense : Quod autem sæpè accedere ad Eucharistiam percipiendam dignè & cum discussione debita sit utile & valdè proficuum, imò summè necessarium cupienti & desideranti in via Domini non regredi sed progredi, omnes Doctores Catholici laudant, hortantur, admonent & obsecrant incessanter fidelem populum. Cum igitur Concilium ita loquatur, quid de ijs censeas qui homines à frequenti Communionem deterrent?

RESPONSIO.



AT ego breuiter respondeo. Cum Concilium ita loquatur, quid de te censeamus qui tales calumnias spargis atque animi cœcitate præceps ruis? Quo enim alio quam calumniæ nomine odiosam istam confictamque criminationem afficere licet, quâ persuadere niteris esse homines pios

ac probos, qui alios generatim & vniuersè à frequenti Communione deterreant; qui à Sacramentorum vsu eos etiam qui necessariam ad ea animi præparationem afferunt, retrahant ac submoueant; qui veros Israëlitas in diuinissimi huius mannæ contemptionem ac fastidium inducant; qui denique de duobus quæ in Eucharistiæ vsu incidere possunt, extremis vitiis, seu ad eam nimium vrgendo homines, seu ab ea nimium reuocando, id ipsum in vno peccent, quod tu in altero? De tali criminatione rationem olim à te reposcet Deus, nisi veræ ac Christianæ satisfactionis præsidio iustitiæ illius seueritatem occupare atque anteuertere studeas.

Nec verò minùs in eo cœcutis, quod Concilij orationem à tuis dogmatis haud minùs quam cœlum à terrâ distare non videas. Vtilissimum esse docet, *sapè ad Eucharistiam accedere dignè & deuotè* (quo loco vocem illam, *deuotè*, refecandam censuisti, quod necesse non existimas, vt quis ad Sacramentum illud deuoti animi pietatem afferat, sed tantùm vt afferre conetur) *& cum discussione debitâ*. Quis doctrinam istam toto pectore non amplectatur? Verum vt antequam ad Communionem accedas, *ea dignus*, vt Concilium loquitur, efficiare; hoc nimirum opus, hic labor est. Quod quidem vt assequamur, postquam per peccata mortalia indigni facti fuimus, docent SS. Patres tantisper ab altari secedendum, vt interim solitudine, ieiuniis, precationibus, & eleemosynis mens expurgetur. Opus

est eâ deuoti animi pietate quam tremenda illa mysteria postulant; quæque in animas, vt tuis verbis vtar, *quæ sui amore tument, ac stupendum in modum seculo addictæ sunt*, non cadit. Denique intimos animi recessus scrutari antea & explorare necesse est *cum discussione debitâ*, inquit Concilium, atque is ex sacræ Antiquitatis doctrina à Sancto in primis æui huius Antistite confirmata, non à peccatis modò mortalibus, sed, & ab omni vel leuissimarum culparum affectu ac studio liber & purus inueniatur oportet.

Obseruare prætereâ docuit, Concilium non dicere Eucharistiam frequentandam, vt virtutis ac perfectionis Christianæ viam ingrediamur, sed vt progrediamur in eâ nec regrediamur. Quibus verbis innuit, nos in ea jam quadantenus versari, nec aliud superesse nisi vt permaneamus, atque in dies longiùs prouehamur. Quod & cum SS. Patrum placitis apprimè congruit, qui vno ore docent eos tantum qui per angustam hanc viam quæ ad vitam fert, quæque perfectionis perfectorumque via est, gradiuntur, victimæ huius salutaris degustandæ ius habere.

Hic est enim verè Paschalis Agnus ab iis duntaxat comedendus qui ad ambulandum parati, ac rebus omnibus necessariis instructi sunt; qui peregrinorum instar in terra versantur, nec cuiquam earum rerum quas in eo itinere obuias habent, immorantur; omnem suum amorem ac conuersationem in cœlum velut in patriam suam, paradisumque è

quo expulsi sunt, transferunt; atque ad beatam illam regionem cum perpetuo illius desiderio, assiduoque gemitu, quem idem ille diuinus Spiritus à quo in intimis eorum mentibus elicitur, solus nouit, toto vitæ suæ tempore feruntur.

Hic est ille subcinericius panis solis Eliæ æmulatoribus concessus, qui Iezabelem, hoc est, mundi corruptelas contagionemque fugientes jam dici vnus iter in solitudine confecerunt. Qui quidem tantum ipsis roboris ac virium addit, vt cibi illius virtute firmati post quadraginta dies diuinâ illius societate fruituri perueniant. Quibus perspicuè significatum est, eos post mortalis huius vitæ, quadragenario numero laboribus ac pœnitentiæ dicto, in Scripturis Patrumque monimentis semper designatæ, curriculum, in domum Domini sanctumque illius montem esse recipiendos, vbi sacro hoc cibo non jam corporeis & sensibilibus velis inuoluto, sed remotis omnibus integumentis eademque prorsus quâ ipsi Angeli ratione reficiantur.

CAPVT XXV.

CONCILII TRIDENTINI DE FREQUENTI
Communione sententia.

Aduersarius.

Sancta Synodus Tridentina hortatur atque obsecrat fideles omnes ita viuant, vt panem illum supersubstantialem frequenter suscipere possint. Eademque ait alio loco, optare se vt renocare sibi liceret antiquam Ecclesiæ

consuetudinem, ita vt fideles omnes quotidie in sacrificio Missæ cui interessent, Communionem sumerent, quo uberiorẽ ex sanctissimo illo Sacramento fructum caperent.

RESPONSIO.



ONCILIA duos nos consulere iussisti, vt ab iis mentem Ecclesiæ accipere-
mus. Quorum si in priori nihil quod
tibi adstipuletur inesse jam ostendi-
mus, altero perspicuè preme te ac ju-
gulari faciliore etiam negotio ostendemus. *Synodus
Tridentina*, inquis, *hortatur atque obsecrat fideles omnes
ita viuant, vt panem illum supersubstantialem frequenter
suscipere possint.* Votum id quidem est sacrosancto
illo ac Dei spiritu animato cœtu dignissimum, nec
illius proprium, sed piorum etiam omnium com-
mune. Tu solus mira animi cœcitate in omni scri-
ptione tua votum tale non facis, imò & vanum ac
inutile existimas. Indicat enim vt Eucharistia fre-
quentetur vitæ integritatem præesse oportere, &
ad tantum bonum, nisi in cuius moribus pietas elu-
ceat, jure ac meritò aspirare neminem posse. Tu ve-
ro qui frequentis Communionis leges ac regulas
proponere aggressus es, quique ad decem propo-
sisti, vbinam tandem rectæ vitæ & cum pietate
conjunctæ quasi ad illam Communionis frequen-
tiam necessariæ vel verbo meministi? Ex quo per-
spicuè intelligitur, vt Christianos ad cœlestem il-
lam mensam sæpiùs accedere optemus, non neces-
sariò per doctrinam tuam optandum esse, vt se
tanto

tanto beneficio vitæ integritate dignos præstent, sed ad summum vt quacumque demum ratione vitam instituant sæpius peccata confiteantur.

Alter locus quem è Synodo Tridentina exhibes, nihil aliud quam votum ei quod jam antea fecerat consimile habet. Haud ignara siquidem Synodus, quam parum mysterij huius sanctitati plerorumque fidelium animi congruant, rem illam capere atque optare satis habuit, ac ne suadendum quidem arbitrata est, quod à perpaucis ritè impleri posse prouidebat.

At singulari equidem audacia sacras Concilij voces contaminasti. Nihil enim aliud ait eo loco, nisi optare se vt in singulis Missis fideles adstantes, non solum spiritali affectu, sed Sacramentali etiam Eucharistiæ perceptione communicarent, quò ad eos huius sanctissimi Sacrificij fructus uberius proueniret. Vbi reperias his in verbis optare Synodum, vt reuocare sibi liceret antiquam Ecclesiæ consuetudinem, ita vt fideles OMNES quotidie in Sacrificio Missæ cui interessent, Communionem sumerent, quo uberius ex sanctissimo illo Sacramento fructum caperent? Vbinam de fidelibus omnibus loquitur, & de omnibus passim permittenda quotidiana Communionem?

Id verò demum Synodus reuocare quantum fieri posset, in animo habuit, vt in singulis Missis essent quibus Eucharistiam Sacerdos impertiret, sicut optimè intellexit B. Geneuensis Antistes, qui Synodi mentem hac Constitutionum suarum sanctione subsecutus est. *Concilium Tridentinum*, inquit, *Consist. c. 21.*

significauit optare se, ut singulis Missis adessent, quibus Eucharistiam Sacerdos ministraret, ideoque ut nos quantum possumus sancto huic Ecclesiae optato respondeamus sacrae Communionis beneficium ita fidelibus omnibus impartiri volumus, ut alternis vicibus tres quotidie Eucharistiam sumant. Quod ipsum illi qui per insignem calumniam frequentem Communionem damnare insimulantur castè ac religiosè obseruant; & eo quidem animo qui non minùs cum vniuersæ & Catholicæ Ecclesiæ in Concilio illo proloquentis mente conspiret, quam ab omni dissensionis & partium studio abhorreat.

Iam verò si voces quas ex hoc Concilij loco resecasti attentius consideremus, nonne iis quæ tu illi affingis contrarium planè eliciendum videatur? Cum enim Synodus ait, *optare se ut in singulis Missis fideles adstantes non solum spiritali affectu, sed Sacramentali etiam Eucharistiæ perceptione communicarent*, clarissimè testatur se eos tantum ad Sacramentalem Eucharistiæ perceptionem inuitare, qui ita se habent, ut spiritali affectu Communionis participes esse valeant. Quinam verò ita se habent ex ipsis Concilij verbis? Ij nempe, *qui voto propositum illum cælestem panem edentes, fide viuâ quæ per dilectionem operatur, fructum eius & utilitatem sentiunt.* Quid enim est aliud Communionem spiritali illa ratione percipere, nisi Christi Corporis efficacitatem & gratiam per S. Spiritus in nobis insidentis vim ac virtutem elicere, atque ut verbo dicam, ad Christum spiritu sese adungere.

*Concil. Trid.
sess. 13. c. 8.*

Dispiciamus iam vtrum ij quos ad Sacramentalem Communionem impellis, vel ad Communionem illam spiritualem idonei videantur. Quæramus à Paulo quisnam adiunctus Christo, quis vnus cum eo spiritus effectus sit? Nempe ei qui adhæret. *Qui adhæret, inquit, Domino, vnus spiritus est.* 1. Cor. 6. An verò adhæret Domino, qui huic seculo mirandum in modum affixus est? An cum Deo amore copulatur, qui cum infestissimo Dei hoste summo amoris ac cupiditatis vinculo colligatur? Manifestum est igitur eos quos ad Sacrificij fructum ac Communionem vocas, ex Concilij sententiâ ne dignos quidem esse qui Sacrificio intersint. Non enim ita sunt affecti, vt Communionem spiritualiter percipere valeant, quales tamen qui Sacrificio intersint Synodus statuit esse debere.

CAPVT XXVI.

DE SCRIPTURAE SENTENTIIS
quibus ad sanctam Communionem inuitamur.

Aduersarius.

*S*Anè vt cætera deessent, vel sola Christi blandè nos inuitantis atque allectantis voces abundè sufficiant, vt ad ipsum in sanctissimo Sacramento residentem crebriùs accedere audeamus. *Matth. 11. Venite ad me omnes qui laboratis & onerati estis, & ego reficiam vos. Quis non his verbis vehementer moueatur? Ioan. 6. Nisi manducaueritis carnem meam & biberitis meum sanguinem, non habebitis vitam in vobis. Qui manducat hunc panem viuet*

in æternum. Si Christum in nobis manere volumus, hunc panem edere nos oportet. Quicquid eo in loco ad sacram Eucharistiam pertinet, eò tantum spectare videtur, ut omnem quæ suboriri posset adeundæ illius formidinem deponamus. Alia occurrunt in Euangelio loca quamplurima, quibus satis innuit Christus, mentem suam esse, ut cœlesti eius Sacramento frequentius reficiamur.

RESPONSIO.



VM omnis error quandam cum hæresi affinitatem & cognationem habeat, ac ferè nihil aliud præstet hæresis, quam ut ea quæ antè illam error inchoauerat, ipsa perficiat atque absoluat; ipsorum Ecclesiæ filiorum si quando doctrinam eius quæ vel ad fidei firmitatem vel ad morum integritatem pertinet, adoriantur, conatus, ad hæreticorum molimina quadantenus non accedere omninò difficile est.

Cuius rei disputatio tua illustre exemplum suppeditat. Sicut enim hæretici repudiati nos ac damnati matrimonij reos peragunt, quod ipsum Ecclesia Sacerdotibus, & iis quos sacri voti Religio puriori atque excellentiori vitæ indissolubilibus vinculis adstrictos tenet, ex Apostolica Traditione minimè indulgeat: Ita tu pios insimulas Communionis frequentiam damnare, ac fideles ab ea deterere, quod ex SS. Patrum sensu æquo animo ferre non possint diuinorum mysteriorum vsum indignissimè peruertere ac deprauari; frequentandæ

Communione præcipitem confidentiam ingenerari iis, qui ex Ecclesiæ mente à sacris altaribus diutius arcendi essent; fidelibus suggeri, ut quo se à gratiâ nudos magis ac desertos senserint, eò audacius vel impudentius potiùs sacrum Christi corpus inuadant; Ad ineffabile mysterium in quo omnes infiniti sui in humanum genus amoris diuitias Deus effundit, impelli eos qui sui ipsorum amore pleni ac mundi studiis prodigialiter adstricti sunt: *Canibus* denique, qui, ut scribit Augustinus, *conuersi ad vomitum suum oculis Dei horribiles facti sunt* filiorum panem sine ullo delectu ac discrimine prodi.

Atque ut hæretici nos erroris conuicisisse sibi videntur, dum Pseudopphetas nos eos esse quos Paulus nuptias prohibitueros esse prædixit, rudibus atque imperitis persuadere conantur, atque in matrimonij honorem & commendationem plurima Scripturæ testimonia congerunt: Ita eorum qui tua dogmata non probant, confictam à te impietatem funditus euertisse te existimas, vbi aliquas Euangelij sententias quibus Christus nos in ipso per Eucharistiam manere iubet, inscitè atque inconditè protulisti. Itaque sicut hostium Ecclesiæ notissimas artes præclarè æmularis, ita nos iisdem telis ab eadem Ecclesia depromptis easdem laruas ac præstigias facilè dispellemus. Quemadmodum igitur cum nobis obijciunt hæretici quod à Paulo scriptum est, *honorabile connubium in omnibus*, respondemus ipsis post Eusebium Cæsariensem, *Iis dun-*

Hebr. 13.

Euseb. de demonstratione

Enäg. l. 1. c. 9. taxat qui ad Sacerdotium vocati non sunt honorabile con-
Chrysoſt. ad nubium à Scriptura prædicari: & poſt Chryſoſtomum,
Theodorum Iuſtas quidem & honorabiles eſſe nuptias, verum non eo-
lapſum pa-
ram. 2. rum eſſe qui continentia voto ſe aſtrinxerint, nuptiarum
1. Cor. 7. jure gaudere. Cum afferunt quod idem docet Apo-
Hieron. ad poſt Hieronymum, Non illa virgo, quæ ſemet Dei cul-
nerſ. Ioni-
viat. l. 1. tui dedicauit. Harum enim ſi qua nupſerit, habebit dam-
 nationem quia primam fidem irritam fecit. Virgines enim
 quæ poſt conſecrationem nupſerint, non tam adulteræ ſunt,
1. Cor. 7. quam inceſtæ. Denique cum clamitant, Melius eſſe
Ambroſ. ad nubere quam vri, reſpondemus poſt Ambroſium,
Virg. lapſam
cap. 5. Hoc dictum ad non pollicitam pertinet, ad nondum vela-
 tam. Caterum quæ ſe ſpōndit Chriſto & ſanctum ve-
 lamen accepit, jam nupſit, jam immortalī juncta eſt viro,
 Et jam ſi voluerit nubere, communi lege coniugij adulte-
 rium perpetrat, ancilla mortis efficitur.

Simillimè nos paria argumenta pari reſponſione
 diluimus, quæque ex locis quibuſdam Scripturæ
 ſacræ prauè intellectis elicere laboras, oppoſita ger-
 manæ SS. Patrum explanationis luce deiicimus.
 Præcipitem adeundæ ſæpiùs Communionis auda-
 ciam omnibus promiſcuè ingenerare conaris, pro-
 poſitis Chriſti blandè nos inuitantis atque allec-
 tantis vocibus. Sed reponent Chryſoſtomus & Am-
 broſius, Chriſtum aquilas eos vocare quos ad Corporis ſui
 Communionem inuitat, animas ſcilicet ſublimes & in cæ-
 lum erectas, quæ nullum cum terra commercium habeant,
 neque deorſum trahantur aut repant rerum creaturarum cu-
 piditate illectæ, ſed quæ aſſiduè ſuſum euolent, ipſumque

Chryſoſt. ho-
mil. 24. in 1.
Cor.

Ambroſ. lib. 8.
Comment. in
Luc. Et de
Sacram. l. 4.
c. 2.

justitiæ Solem acutis ac perspicacibus mentis oculis intueantur. Addent etiam Theodoretus & Psellus, Sponsum ad hoc mysticum conuiuium non nisi virginis simul & sponsæ suæ filios inuitare, non nisi perfectos qui eius imaginem incorruptam & inuiolatam seruant, quique ipsi vniri summoperè exoptant, ijs verò imperare non vt bibant modò, verum etiam vt inebrientur, dum sic illos sed dignos tantum quos & propinquos suos ita esse dixit alloquitur, Comedite propinqui mei, & bibite & inebriamini fratres mei. Quicumque estis, inquit, operibus fratres mei, corpus meum comedite & sanguinem meum bibite.

*Theodor. &
Psell in c. 1.
Cantic.*

Neminem esse ais quin hac blandissima Christi voce vehementer moueatur: *Venite ad me omnes qui laboratis & onerati estis & ego reficiam vos.* Blanda est illa verò ac vehemens, sed sancti omnes Scripturæ interpretes te docebunt, nihil aliud eâ nisi generalem ad Euangelij gratiam vocationem contineri, Christumque illâ inuitare omnes qui grauissimis peccatorum premuntur oneribus, quæ à Propheta Zacharia vt Hieronymus in eundem Euangelij locum obseruat *talentum plumbeum* appellantur, quæ supra se velut *graue onus* incubuisse Regius Prophetâ ingemiscit, quæ eodem Dauide & Iob autoribus hominem sibi ipsi grauem efficiunt. Vnde animaduertunt SS. Patres Christum his verbis designare duos populos quos inter sese antea dissidentes suo sanguine consociauit, & è quibus æterni Ecclesiæ suæ ædificij geminos parietes coagmentauit. *Omnes vocat* (inquit Theophylactus post S. Hilarium) *non Iudæos modò, sed etiam Gentiles. Si quidem per eos*

*Hilar. Can.
11. in Matth.
Theophyl. in
eundem lo-
cum Matth.*

qui laborant intelligendi veniunt Iudaei, legis difficultatibus laborantes, & legalium praeceptorum multiplici observatione fatigati. Oneratos verò accipe Gentiles, peccatis seculi impeditos atque onustos. Vtrosque porro reficit Christus. Quis enim in credendo, quis in confitendo, vel in baptismo recipiendo labor?

Aug. de verb.
Dom. serm. 9.
c. 1.

Ibid. Serm.
10. c. 3.

Vides igitur has voces ad infideles impios & peccatores potissimum ferri, adeoque ad Communionem sacram eos inuitare non posse, nisi prius Christi iugum ut inibi iubet, in se sustulerint, quod, teste Augustino, nihil aliud est, quam pie vivere in Christo, nisi ab eo quam mitis sit & humilis corde didicerint, hoc est, eodem Augustino interprete, nisi foderint fundamentum humilitatis ut perveniant ad fastigium charitatis: nisi denique quam iugum illud suave & sarcina illa levis sit experti fuerint, hoc est, ut exponit idem insignis Doctor, nisi Spiritum Sanctum acceperint, quo gustata requie spiritali in affluentia deliciarum Dei, in spe beatitudinis futura omnia praesentia deliniuntur aspera, & omnia grauiarelevantur.

Ambr. serm.
Dom. 4. Ad-
uent.

Minatur, inquis, Christus nos vitam in nobis non habituros, nisi manducaverimus eius carnem & biberimus eius sanguinem. Sed respondemus cum Ambrosio hæc eadem Christi verba expendente: Mutet ergo vitam, qui vult accipere vitam. Nam si non mutat vitam, ad iudicium accipiet vitam, & magis ex ipsa corrumpitur quam sanetur; magis occiditur quam vivificetur.

Aug. Tract.
26. in Ioan.

Addis, Qui manducat hunc panem, vivet in æternum. Sed Augustinum audi hunc ipsum Evangelij locum explanantem. Aliud est Sacramentum: aliud est virtus

virtus Sacramenti. Quam multi de altari accipiunt & moriuntur, & accipiendo moriuntur ! Nonne buccella Dominica venenum fuit Iudæ ? Et tamen accepit, & cum accepit in eum inimicus intrauit : non quia malum accepit, sed quia bonum malè malus accepit. Videte ergo, fratres, panem cælestem spiritualiter manducate, innocentiam ad altare portate. Hoc est ergo manducare illam escam, & illum bibere potum, in Christo manere, & illum manentem in se habere. Ac per hoc qui non manet in Christo, & in quo non manet Christus, procul dubiò nec manducat spiritaliter panem eius, nec bibit eius sanguinem, licet carnaliter & visibiliter premat dentibus Sacramentum Corporis & Sanguinis Christi : Sed magis tanta rei Sacramentum ad iudicium sibi manducat & bibit, quia immundus præsumpsit ad Christi accedere Sacramenta, quæ aliquis non digne sumit, nisi qui mundus est, de quibus dicitur, Beati mundo corde quoniam ipsi Deum videbunt.

Pergis porrò & asseris, Si Christum in nobis manere volumus, panem hunc edere nos oportere. Nihil quidem veriùs à te dici potuit, sed non minùs verùm quod asserit Bernardus, vel quisquis autor est Libri de Modo benè viuendi, Qui ergo Christi Corpus vult ac- Cap. 18.
cipere, priùs studeat in Christi fide & dilectione manere. Hinc est quod ait Dominus in Euangelio, Qui manducat carnem meam & bibit sanguinem meum, in me manet, & ego in eo : ac si diceret, Ille in me manet, qui in bonis operibus voluntatem meam adimplet. Alioquin nisi priùs maneat in me per fidem & bonam operationem & ego in eo, carnem meam manducare non potest, nec sanguinem bi-
bere.

Concludis ad extremum: *Quicquid eo in loco ad sacram Eucharistiam pertinet eo tantum spectare videri, ut omnem quæ suboriri posset adeundæ ipsius formidinem deponamus.* Tam felicitis conjecturæ quæ adhuc in cuiusquam Euangelij Interpretis mentem non venerat, tibi scilicet vni laus & palma debetur. Animaduenterunt quidem his in Christi verbis SS. Ecclesiæ Doctores, immensi ipsius in humanum genus amoris inæstimabiles diuitias, singulare illud ac planè ineffabili Sapientia dignum consilium, quo effecit, ut spiritali eius ac diuinæ carni agglutinati, Spiritu ipsius ac diuinitate viuamus: Illam denique infinitam benignitatem quâ subministrato nobis in terra peregrinantibus eodem cibo quo beatos in cœlo regnantes pascit, sempiternam nostram felicitatem repræsentare quodammodo atque anteuertere voluit. Animaduenterunt etiam quanta ad hoc cœleste mysterium adeundum officij obligatione teneremur, quam necessariò eum qui vellet viuere ad ipsum vitæ fontem confugere oporteret, quamque nostrum mortale corpus immortali illo semine indigeret, quo à corruptionis ac mortis labe æternùm vindicaretur. Verum adeò nunquam cogitarunt omnem mysterij huius adeundi formidinem ipsa illius dignitate ac virtute nobis repellendam; ut contra ex ea ipsa collegerint, hominem nonnisi sacro horrore perfusum ad mensam quam nec Angeli sine religioso quodam metu contueantur, accedere fas esse.

Hinc tam excellentem mysteriorum illorum

opinionem ac reuerentiam conceperunt, vt ea semper Ecclesiæ vox consentiens *tremenda mysteria* nominarit. Hinc existimarunt eius qui tanti Sacrificij particeps fit, integritatem, ipsius Victimæ integritati aliquâ ex parte respondere debere; ac *Sancta Sanctis* (vt in omnibus Liturgiis canitur) esse impartienda. Animos ignauos ac desides cœlesti hoc cibo minimè donandos, & qui eum attingant zelo atque ardore succensos esse oportere. Omnium denique qui seu crebriùs, seu rariùs Communionem vterentur, eos solos laude dignos censerì, qui ad Communionem sacram, sinceræ mentis conscientiam, cordis puritatem, ac vitæ inculpatæ castimoniam afferrent.

Quorum omnium grauem autorem habemus Chrysostomum, quem meritò Eucharistiæ Doctorem appelles: quippe qui diuinâ prouidentiâ selectus videatur, vt summi huius mysterij ineffabilem præstantiam, quatenus hominum atque humani sermonis captus est, explanaret, eademque operâ, omnia impietatis venena, quæ hæresis extra Ecclesiam fundere, prauitatemque vnâ & abusione, quam vel inscitia vel malitia in Ecclesiam inducere aggrederetur, præcluderet ac præfocaret. Eximius enim Doctor postquam infinitam Christi benignitatem admiratus est, " *qui nos secum in vnâ veluti massam redigat, nec solum fide, sed & re ipsâ corpus vnum efficiat*, hæc adiicit: *An igitur quicquam tam mundum & nitidum esse potest, quod ab eo vinci non oporteat, qui ad hoc Sacrificium participandum accedit? An non ra-*

2 Α' μα' και
α' α' φ' ο' ε'
α' α' ο' η' μ' η',
και' ο' ο' τ' η' π' η'
π' η' μ' ο' ο' α' μ'
α' α' ο' τ' α'
π' η' α' ο' ο' ο'
ο' ο' η' α' ο' ο'
α' α' ο' ο' ο'

hoc ornari, hoc inflammari, atque ipso igne clariorem reddi, & auro splendidiorem. Ab hac mensâ salire fontem fluvios spirituales diffundentem juxta quem non steriles salices adnascuntur, sed arbores quæ cælum ipsum attingunt, ac tempestiuos semper & nunquam marcescentes fructus afferunt. Hunc lucis fontem esse veritatis radios spargentem, cui superni spiritus adstantes aquas eius limpidissimas intuentur, quippe qui plenius atque apertius tantæ pulchritudinis excellentiam & inaccessum splendorem perspicunt.

χῶς καὶ τρέ-
φοι τῶ
τῷ αἵματι
ξίως λαμ-
βάνουσιν, ἐ-
λαύνει μὲν,
διαιτῶν καὶ
πρόωται ἡ-
μῶν ποίει,
καλεῖ θ' ἀγέ-
λως πρὸς ἡ-
μᾶς καὶ τῷ
διασώτῃ ᾧ
ἀγέλων.....
τῶ ἡ σωτη-
ρία ᾧ ἡμε-
τέροι ψυχῶν.
τῷ ἡ δίδται

ἡ ψυχή. τῷ καλλοπίζειται. τῷ πρὸς λαμψέτεροι ἐργάζεται τῷ τοῦ ἡμετέ-
ροι. τῷ χουσίον φαεινότερον πλεῖον ψυχῶν ποιεῖ..... ἀπὸ τῆς τραπέζης τῆς ζωῆς αἰψὸς πηγῇ, ποτινύει
αἰψὸς πνευματικοί, καὶ τῷ πλεῖον πηγῇ πνευματικῶν εἰσι, οὐκ ἰσχύοντες ἀκαρτοί, ἀλλὰ διδρα-
σκῶν αὐτοὶ φθάνουσι τῷ οὐρανῷ καρπὸν ἔχοντες αἰψὸν αἰψὸν..... αὐτῇ ἡ πηγῇ, φανερὸς
ἔστι πηγῇ αἰσθλὺς αἰσθλὴς αἰσθλῆς. τῷ καὶ αἰσθλῶν παρρησιασθῶν διδάμει πρὸς τῷ καλλοπίζειται
ῥῶτον ᾧ ῥῶτον, ἐπειδὴ καὶ σὰ φέρονται ἐκείνῃ καὶ πρὸς κειμένη θεοῦ σὺν δυνάμει, καὶ τὰς μαρμα-
ριζὰς τὰς ἀποστόλους. Ckrysoz. Homil. 45. in 10an.

Denique postquam in explicanda magnitudine ac diuinitate huius mysterij omnes ingenij sui ac eloquentiæ opes exhaustit, attende obsecro, an illius conclusio cum tuâ conveniat. Sed sicut magnum est & admirabile hoc Sacramentum, ita si purè accesseris, ad salutem accessisti: Sin verò cum impura conscientia ad pœnam & supplicium. Qui enim manducat & bibit indignè, iudicium sibi manducat & bibit. Nam si qui Regiam purpuram colnquinant, haud secus quam qui lacerant puniuntur: quid mirum, si qui immunda conscientia Corpus Christi accipiunt, eodem cum illis supplicio afficiantur, qui ipsum Cruci affixerunt?

εἰ μὴ ὅσπερ
ἔστι μέγα καὶ
θαυμαστόν,
οὕτως αὐτὸ μὴ
μὲν καὶ ἀνό-
μιος πρὸς α-
βυσσὸς σωτη-
ρίας πρὸς α-
βυσσὸν ὅτι μὲν
ποταμὸν σω-
εἰδότες, εἰς
κόλασιν καὶ
πυρρῶν. ὁ
ὅλῳ ὁ δίδται
φῶς καὶ πῶ-
ται αἰσθλῶς
τῷ κυρίῳ,
καί μὴ ἐαν-
τῷ ὁ δίδται καὶ
παρεῖ. εἰ τῷ
πυρρῶν ὁ δίδται

Maneat igitur ac fixum sit omnium Patrum consentiente sententiâ, sicut Christi verbis ad animorum cibum corporis eius susceptione peten-

110 DE FREQUENTI COMMVNIONE.

πες τὴν πορ-
φύραν τῆς
βασιλικῆς
καὶ αἵ οἱ δευ-
τέρου πρὸς τὴν
ἀπὸ τοῦ χυ-
τῆς ἀναβα-
τῶν δευτέρου
δεξιῶν τῆς
αὐτῆς ἱερ-
μῆται πρὸς
εἰς τὴν αὐ-
τῆς δευτέρου
ἑασι δευτέρου
ἡλων Ibid.
infra.

dum compellimur: ita iisdem verbis ad idoneam tam sancto muneri animi affectionem comparandam nos compelli. Adeoque sicut eorum negligentia qui cœlestis huius Sacramenti fructum capere pro nihilo duxerint, illis vocibus coarguetur ac percellitur: ita multò acriùs etiam ac vehementiùs iisdem coarguendos ac percellendos qui superbâ quam in eorum mentes immittere niteris confidentiâ præcipites ad cœlestem mensam vitæ ac piorum operum puritate quâ ad eam componerentur omisâ, aspirare ausi fuerint.

Bern. de Or.
dine vite, vel
quisquisalim
est auctor hu-
ius Tract.

Supereſt, vt ad fideles ab vtroque periculo vindicandos aurea hæc S. Bernardi verba eorum animis diuinitùs inſculpi orem ac voueam: SIC VIVENDVM EST, VT PANEM ILLVM SVPERSVBſTANTIALEM SEMPER ACCIPERE VALEAMVS, QVIA VÆ EI QVI SE ALIENVM FECERIT AB EO, ET MVLTVM VÆ ILLI QVI SPVRCVS ET IMMVNDVS ACCESSERIT. VTROBIQVE GRANDE PERICVLVM: IDEOQVE MAGNA NECESSITAS INSTAT, NE INDIGNI INVENIAMVR.

CAPVT XXVII.

DE REGVLIS AD QVAS DIRIGENDA
ſit Laicorum Communio ab Aduerſario propoſitis.

Aduerſarius.

Regulæ à Laïcis ad dirigendam eorum Communionem
obſeruandæ.

Catholicī Doctores Regulas quasdam præscribunt, quibus doctrina superior velut explorata, & à Catholicis omnibus amplectenda ad vsum prudenter transferatur.

RESPONSIO.



NOLI, quæso, in Ecclesiam ita iniurius esse, vt omnibus generatim eius Doctoribus dogmatum tuorum labes imponas. Christi sponsa immortalis sponsi gloriam ardentius æmulatur; quàm vt placita sacræ illi doctrinæ ab ipso è cœlis in terras delatæ, ac sanguine eius obsignatæ, adeò repugnantia probare vnquam ac tueri queat. Certius ab ipso Dei spiritu gubernatur ac regitur, quàm vt aberrationum tuarum comitem vnquam & confectatricem se præbeat. Postremò in eam quæ in immobilis petræ stabilitate nititur, non cadit ea inconstantia & leuitas, vt lucem instituendis moderandisque filiis suis diuinitùs acceptam ipsa obscuret atque obducatur; exploratissimamque illam *Traditionis Sanctorum regulam* peruertat, quâ nullam potiore certioreque esse, vt cum in cæteris rebus tum in hac errorem fugiamus tute agnoscis, quamque renouare verbis sequentibus, quæ ad præfringendas regulas tuas in primis faciunt, ipsius te vis veritatis compulit.

CAPVT XXVIII.

DE PRIMA REGVLA ADVERSARII:
Probi Moderatoris consilij's parendum esse.

Aduersarius.

I. **M**oderator & Confessarius opus est, scientiâ excultus, Spiritu diuino instructus, usu & experientiâ doctus, à priuatis opinionibus & SS. Patrum mente alienis abhorrens, cuius consilio Communionis tempora constituentur.

R E S P O N S I O.



VM veritate nihil sanctiùs, nihil inuiolatiùs esse debeat, diligentissimè à mendacio cum quo interdum confunditur atque implicatur, secernenda est, ne dum id quod antè omnia odisse nos conuenit, refellere videmur, eam quam antè omnia colere ac diligere debemus refellamus. Ex quo fit, vt primam quam hîc statuis regulam probandam vehementer ac laudandam existimem, quippe quæ veritati quam vbicumque sese exhibet, toto pectore veneror, planè congruat, idoneamque ad fallaciarum tuarum vmbbras omnes discutiendas lucem præferat.

Iure ac meritò censet cum de frequenti Sacramentorum usu agitur, rem tanti ponderis nonnisi prudentis alicuius viri consilio esse moderandam. Hunc ordinem vel in natura, vel in gratia Deus ipse constituit,

constituit, vt perfectioribus imperfectiora subia-
ceant. Ex hac causarum inferiorum ac superiorum
continuatione colligationeq; admirabilis illa mun-
di totius harmonia & quasi concentus existit. Hac
ipsâ membrorum mutua inter sese subiectione &
ordine præcipua penè Christi corporis species ac
pulchritudo continetur. Pedes, vt rectè gradientur,
oculorum nutum sequantur oportet: Ita ad virtu-
tem tendentium, nouitiorum præsertim, perma-
gni interest, vt iis quos Dei spiritus vberiori luce
cumulauit, regendos sese ac gubernandos commit-
tant. Qua de re præclare D. Bernardus: *Simplicitas*,
inquit, *initium aliquod in se ipsâ habens creaturæ Dei,*
hoc est, voluntatem simplicem & bonam, quasi futuri bo-
ni hominis informem materiam, in primordio conuersionis
sua offert auctori suo eam formandam. Jam enim cum bona
voluntate habens initium sapientiæ, id est, timorem Do-
mini, ex ipso colligit per se eam formari non posse.

*Bernard. ad
fratres de
Monte Dei,
c. 1. scilicet quis
quis alius est
auctor huius
Tract.*

Quocirca neminem reperias, qui quibus potis-
simum rationibus Dei viam fideles ingrediantur
accuratiùs docere instituerit, à quo hæc regula ve-
luti grauissima præfixa non fuerit, vt nimirum deli-
gatur vir probus, dux itineris longè difficillimi, iis
maximè qui diuinos eius calles & anfractus perspe-
ctos non habent.

Ex Recentioribus beatæ memoriæ Episcopus
Geneuensis consilium hoc *admonitionem admonitio-*
num vocat, ac Presbyterum Auilam secutus *istâ hu-*
milis obedientiæ ratione viam tutiorem exploratioremque
nullam agnoscit.

*In'roduç. 1.
Part. c. 6.*

II4 DE FREQUENTI COMMUNIONE.

*Basil. in Af-
getica. Serm.
1. de abdic.
seculi.*

Ex antiquis verò Basilius Magnus adolescentem instituens, qui se totum Deo tradere cogitabat, Magnâ curâ, inquit, & solitudine operam dato, ut aliquem tibi virum inuenias, quem in istâ quam amplexus es vitæ institutione certissimum ducem sequaris, qui probe sciat Deum requirentibus viam monstrare, qui virtutibus omnibus ornatus sit, cui facta sua idoneum charitatis erga Deum dederint testimonium, qui Sacrarum literarum scientiam habeat, firmum prætereâ ac constantem, neque ijs rebus quæ hominum mentes labefactare solent, loco suo dimouendum, ab avaritia abhorrentem, à negotijs secularibus liberum atque omninò alienum, quietis cupidum, Dei amantem, pauperum & paupertatis studiosum, non iracundum, iniuriarum immemorem, qui lubens incumbat in instituendis atque informandis ijs qui ad ipsum accedant, quem inanis gloria non inflat, nec superbia extollat, qui adulationem & blanditias oderit, qui denique cæt. ris omnibus rebus Deum longè anteponat.

Quod si in rebus minimis ducem sequi perutile est; id ipsum in re omnium longè grauißima, in sacra videlicet Communione grauißimum sit necesse est. Nec verò quidquam Christus magis in ministrorum suorum potestate quam diuinorum mysteriorum dispensationem esse voluit, ut hominum vel ad altare admittendorum, vel ab altari remouendorum dijudicatio in eorum officio autoritateque resideret. Atque hæc potestas in ligandi & soluendi potestate continetur. Vnde Patribus eadem sunt, ligare, ad pænitentiam cogere, ab altari remouere: sicut & soluere, pænitentibus veniam relaxare, altari reconciliare.

Atque vt hæc potestas testatior esset, tametsi fideles olim Eucharistiam in manum acciperent, atque adeò domum ad sese & peregrinantes secum deferrent, nunquam tamen eam ab altari ipsi sumebant, sed Sacerdotis manu traditam accipere jubebantur. *Eucharistia Sacramentum non de aliorum manu quam presidentium sumimus*, inquit Tertullianus. Quod ad exemplum inuiolatæ Traditionis, cuius in Scripturis mentio non extet, ab eo vsurpatur. Sacramentum verò de manu sumere Sacerdotis quid tandem aliud est, quam eius consilio auctoritateque accipere? Quare si peccatorum mortaliū conscius non eo sit animo vt communionem inconsulto Sacerdote capeſſendam sibi non putet; si Eucharistiæ veluti cibi solidioris atque infirmitati suæ minùs congruentis dilationem, perfectiori sanitati per pœnitentiæ opera ipsi procurandæ comparatam ferre non possit, præcipuam Sacerdotalis potestatis partem euertit; *Christi Corpori ac Sanguini vim infert*, vt Cypriani verbis utar. Ac si Augustino assentiamus, propter contumaciam quâ ab eo quod in terris est altari tantisper submoueri recusat, dignus est qui ab eo quod in cœlis est altari æternū excludatur. *Quomodo enim, inquit, in interiora veli, & in illa inuisibilia Sancta Sanctorum introire audebit aut poterit, qui medicinam cœlestis disciplinæ contemnens noluit paulisper à visibilibus separari.*

*Tertull. de
Corona c. 3.*

*Cypri. Tract.
de lapsis.*

*Aug. homil.
50. c. 3.*

Iam verò ductoris necessitate constituta & fixa, superest vt de virtutibus eius dicendum sit. Quamuis enim utilis ductor videatur, nullum tamen ha-

*Introduç. 1.
par. c. 6.*

bere satiùs multo est, quàm eum qui prudenter regere aut nesciat, aut nolit. Hinc pius Episcopus Geneuensis eum demum necessarium scribit, *qui charitatis, scientiæ ac prudentiæ plenus sit, periculosumque ac metuendum quem trium istorum aliquid deficiat.* Hinc Presbyter Auila *ex mille unum* ad hoc muneris feligendum censet. Beatus autem ille Antistes *ex decem millibus, quoniam, inquit, pauciores sunt quam dici possit qui tanto operi sint pares.*

Atque hoc quidem pius Episcopus ex Euangelio propheticaque illa Christi voce deprompsit, *Quis, putas, fidelis, seruus & prudens?* Quæ verba summam eiusmodi ductoris reperiendi difficultatem pariter demonstrant, (Chrysostomo enim Gregorio & Bernardo autoribus vocola, *Quis*, maximam penuriam sonat) & easdem quæ ab Episcopo illo postulantur partes ac dotes summatim complectuntur. Nam nec eximiè fidelis, nisi qui eximiè bonus sit, esse quisquam potest. Vnde quem fidelem, eundem & bonum hoc loco dicit Christus, *Euge serue bone.* Ex mente autem Euangelij in nemine virtus excellit & bonitas, nisi in quo excellat charitas. Nec minùs patet prudentiâ illâ de qua Christus loquitur scientiam ab Episcopo Geneuensi commemoratam contineri. Ipsâ enim communis sensus luce satis intelligitur, prudentiam sine scientia nullam esse. Vt enim in bello nemo prudens, nisi qui rei militaris gnarus atque intelligens fuerit: ita animas hominum prudenter nemò ac sapienter regat, nisi qui diuinæ illius artis cogni-

tionem & scientiam non mediocriter teneat. Itaque trium illarum partium alia ex alia neſcitur atq; ſuſpenſa eſt. Ex quo efficitur, vt ſi ex pij illius Antiſtiſtis ſententiâ in animarum ductore abundantia, & vt ſic dixerim, plenitudo charitatis ineſſe debet, in eo etiam ſcientiæ ac prudentiæ plenitudo ineſſe debeat. Quod uſque adeò verum eſt, vt qui vnus hominis animam ſapienter regere norit, idem pluribus regendis par merito haberi queat. Sicut qui olim in vnica familia gubernanda probè ac ſapienter verſatus fuerat, Eccleſiæ quæ multos homines multasque familias continebat, gubernandæ, ordinandæque idoneus ab Apoſtolis habebatur.

Quare qui animam vnâ quam vniuerſum mundum regere difficiliùs eſſe dixit, rem veriſſimam complexus animo eſt, quæ, ſi rationis ac fidei congruentiam conſenſionemque Patrum autoritate firmatam ſpectes, facilè probetur cuius homini, qui norit modo quid inter corpus interſit & animas, Chriſtiſque gratiam quâ vnâ anima viuit, multo magis animæ antecellere, quam anima corpori antecellat. Vnde à duobus ſanctiſſimis Gregoriis meritò ſcriptum eſt, *Artem artium eſſe regimen animarum*.

1. Ad Tim.
3. v. 4.
Cardinalis
Benedictus.

Greg. Naz.
Or. 1.
Et Gregor.
Magn. part.
1. Fuſtor.



CAPVT XXIX.

PROBI ANIMAE RECTORIS DOTES
rectè ab Aduersario descriptas:

Primam, Vt doctus sit.



GO vero facere non possum, quin tuam in SS. Patrum sensibus etiam hoc loco consecrandis fidem ac religionem agnoscam, dotesque probi animarum rectoris à te breuiter perstrictas, ita æquitati ac rationi consentaneas fatear, vt si modo ritè accipiantur, eximiam quandam illius formam & velut ideam referre possint, quæ, vt Platonis voce utar, merito appelletur, *Ipsæ Director.*

Principiò postulas, *vt doctrinâ instructus sit.* Quî enim conuenit, vt lucem tenebræ subministrant, atque vt cæcus aliis se ducem præbeat? Omnino qui animarum regendarum munus suscipere velit, fidei doctrinæ notitiâ abundet ac refertus sit necesse est; & priusquam instruere alios aggrediat, diu ac multum in seipso instituendo, erudiendoque laborarit. Ex studio simul ac pietate efflorescat & redundet eiusmodi eruditio oportet: nec eâ quæ contentionis vsu comparatur scientiâ contentus sit, sed excelsiorem illam asciscat, quæ à Scriptura, *Scientia Sanctorum* appellatur, quam solus Dei Spiritus instillat, quam denique gemitus orationesque assiduæ exprimunt atque impetrant.

Quare triplex illi scientia opus est. Vna, quæ è Scholâ petitur: Altera, quæ ex perpetua Ecclesiæ Traditione: Tertia, quæ ex fonte ipso hauritur per familiarem vsum & consuetudinem quâ cum Christo pias ac religiosas mentes feruor pietatis & charitatis conglutinat. Prima illum eorum disciplinæ, qui vulgo Doctores appellantur, alumnum: Altera Ecclesiæ Catholicæ discipulum, vt loquuntur Patres: Tertia auditores efficit ipsius Christi, qui Pastorum & Ecclesiæ rectorum animas arcanis illustrationibus, quibus, vt Euangelium loquitur, *docibiles Dei* fiant, informat, diuinarumque rerum notitiam mira & ineffabili inserit ratione, quam *nemo nouit, nisi qui accipit*. Hinc toties ab Augustino inculcatum, Verbi Dei præconem, animarumque moderatorem, nihil apud eas nisi quod ipso illo tempore dum ad docendum accedit, cœlitus suggeritur, proferre oportere; nec minùs intentâ cordis aure interioriorem Christi vocem secretaque monita excipere, quam qui ipsum audiunt exterioriorem illius orationem & linguæ sonos accipiant.

V. Aug. l. 4. de Doctr. Christi. c. 15. Et Serm. 38. de verb. Domini c. 4. Et alibi. Necnon D. Gregor. l. 3. c. 4. in 1. Reg. Et D. Tho. in supplement. q. 18. art. 4.

CAPVT XXX.

SECUNDA VIRTUS PROBI ANIMARVM
Rectoris, vt sit spiritualis.



ENSES prætereà animarum Rectorem spiritualesse oportere. Quod quidem si absit, vniuersa mundi Sapientia insania est, luxque omnis eruditionis ignis quidam fatuus quo ad perniciem

præcipitiumque deducimur. Verumtamen hæc virtus tot alias complectitur, ut ea non tam obuia & prompta cuius sit, ut tu fortasse opinere. Quod quidem sermone proprio è Patribus deprompto seorsum demonstrare perfacile erit, si vel dubitare vel cupere te proficere. Verum in præsentia satis fuerit ad Gregorij Magni Pastoralem librum te dimittere, in quo videas præter cætera spiritualis Rectoris ornamenta, hæc duo excellere in eo atque eminere oportere, prudentiam spiritus, generosamque libertatem, quam Spiritus Sanctus iis quos impleuit ingenerat, teste Apostolo, *Vbi Spiritus Domini, ibi libertas.*

Hæc duo dona Apostolis contulit Christus, cum eos *sal terra*, ac *mundi lucem* constituit: ut quemadmodum lucis titulo illustrandarum vim animarum; ita ipso salis nomine incorruptam in seipsis firmitatem quâ alios à labe & corruptelâ tuerentur, susciperent.

Hac prudentia spiritus, quæ prudentiæ carnis ab Apostolo semper opponitur, verè spiritualis animarum Rector ex prauis ac peruersis hominum sensibus sententiam non feret, sed quæ sunt spiritus ad spiritus regulam exiget, juxta Apostoli præceptum, *Spiritualibus spiritualia comparantes*. Peccata vel rectè facta non *pensabit*, ut Augustini verbis utar, *in statera dolosa consuetudinum humanarum, sed in statera aqua diuinarum Scripturarum*. Semper infixum habebit in animo post baptismatis fœdus per lethalia peccata infractum ac violatum, iustitiæ Dei necessario

Gregor. Pastor.
Part. 1.
c. 10. & 11.
Et Part. 2.
c. 1. 2. 3. &
4.

2. Cor. 17.

1. Cor. 2. 13.

August. l. 3.
contra Par-
menian. c. 2.

cessario satisfieri oportere. Dabit operam quantum licebit, vt ex Patrum & Concilij Tridentini mente, remedium vulneri respondeat; pœnitentia crimini par sit. Sæpiùs hoc Saluatoris mandatum reuoluet animo, *Nolite sanctum dare canibus, neque projiciatis margaritas vestras ante porcos: Hoc est, Ambrosio interpretate, immundis spiritibus sacra Communionis non faciliè impartienda commercia. Non subministrabit pro salutaribus dilationum remedijs exitiosa properata Communionis venena*, vt ad Cyprianum scribit Clerus Romanus. Arbores juxta Euangelij præceptum, ex fructibus potiùs quam ex foliis æstimabit, hoc est, internam animorum affectionem factis potiùs quam verbis expendet. Peccatores denique qui vitam in melius referre meditantur, etiam atque etiam admonebit, haud satis esse ad Sacerdotes & Sacramenta confugere, sicut Pharisæi olim & Sadducæi qui summa inter Iudæos virtute habebantur ad Ioannis baptisma confugiebant; sed prætereà sicut Beati illius Christi præcursoris ore Spiritus Sanctus edixit, *dignos pœnitentiæ fructus esse faciendos*, hoc est, si Patres audiamus, vnumquemque verum ac sincerum antè actæ vitæ scelerum dolorem, conspicuarum actionum quasi publicâ voce profiteri debere. Quemadmodum enim peccatores ad veniam delictorum obtinendam satis non est dignos pœnitentiæ fructus edere, nisi etiam à Sacerdotibus absolutionem animis rectè paratis petant: Ita Sacerdotibus recta eorum animi præparatio, interiorque pœnitentia, nunquam satis cognita & ex-

*Ambros. de
Pœnit. l. 2.
c. 9.*

*Cler. Rom.
Ep. 30. ad
Cypr.*

plorata est, quantum hæc vita patitur, nisi pœnitentiæ illorum opera fructusque perspiciant.

Libertas autem spiritus, huius comes ac socia prudentiæ, nulli eum cupiditati ac præsentium desiderio seruire patietur. Hæc illum supra terrena & caduca omnia elatum solis cœlestibus atque æternis infiget, expeditumque creaturarum seruitio, vni omnium subijciet Creatori. Sæpius antè oculos proponet, quod de Apostolis à Chrysostomo

a Chrysost.
hom. 15. in
Matth.

dictum est : *“ Fuisse illos doctores orbis vniuersi, nec simpliciter doctores, sed seueros quosdam ac terribiles, ὡς ἀ-*

b Hom. 13.

καὶ φοβεροὺς. “ Diabolo peculiare esse blandiri ut noceat, Dei verò maximè proprium, corripere ut profit. In memoriam etiam reuocabit, cum in se persecutionum

c Hom. 15.

æstus commoueri sentiet, *“ Christum Dominum in Euangelio singularem pseudoprophetarum notam assignasse, si ab omnibus hominibus benedicantur. “* Diaboli

d Ibid.

quoque fraude, quod idem Scriptor obseruat, non raro accidere, ut iustorum ac bonorum virorum virtuti tenebræ offundantur, quo faciliùs iniurijs contumelijsque varijs exagitari atque affligi possint : fieri nihilominùs frequentissimè, ut si conscientiam eorum conuenias à quibus

e Ibid.

vexantur, *“* occultè admirari, ac suspicere deprehendas quos publicè insectantur : Contraque ut plurimum quibus iidem palàm adulantur, clàm eorum improbitatem accusare atque odisse. Denique iterum atque iterum animo versare iubebit, quod sapienter monet idem Autor : se tanquam sal terræ à Christo datum, cuius ea virtus est, ut laxa queque ac mollia vrendo ac constringendo diffluere non permittat. Forti igitur atque acri animo

opus esse, qui probris ac maledictis lacerari non refugiat, cum multo magis timendum sit, ne si adulari ac dissimulare velit, ut hominibus placeat, ipse corrumpatur salis instar infatuati, quod ad nihilum valet ultra, nisi ut mittatur foras & conculcetur, ac prætereà sterilitatis vitium agris ubi sparsum fuerit inferat.

C A P V T XXXI.

TERTIA VIRTUS ANIMARVM RECTORIS.

*Experientia. Qualem eam esse oporteat. Vbi & de
vocationis necessitate.*



TERTIAM in animarum Rectore postulas, Experientiam & vsum. Verum illud animaduertendum maximè, & hoc inter eam & cæterarum experientiam artium discrimen intercedere, quod non minùs ex interno animi habitu quam ex externo vfu atque exercitatione spectanda sit. Cum enim corporum medicus artis suæ tyrocinium in aliis curandis non sine eorum periculo & damno deponere soleat: Contra animarum medicus antè omnia in seipso quid possit periculum faciat oportet, primumque operis sui rudimentum in suæ ipsius animæ curatione constituere.

Diu Spiritus Sancti discipulus fuerit oportet, qui se aliorum Doctorem ac Magistrum exhibere paret. Diu factis docendi sunt homines, antequam verbis edoceantur. Diu in abdito atque in solitudine consulendus Deus, antequam in publicum

prodeas, & responsa edas, quæ oraculorum vice habeantur.

Postremò quantaui virtute, quantaui eruditione quis polleat, accedat ad eam oportet non externa tantum sed & interna Dei vocatio, quæ non in hominum modo à quibus vocamur opinione, sed & propriæ mentis conscientia nullum majus vitium nobis inesse, Deumque in præsentia nobis administris uti velle, niti debet. Non enim minore quis culpâ munus ad quod à Deo vocari se sentiat detrectet, ubi sincerum quod ab ipso fertur de se ipso iudicium, ab eorum à quibus vocatur honorifica existimatione perspicuè non discrepat, quam in idipsum per vim inuolet ac sponte se ingerat, Dei nutum & vocationem præcipiti ac temeraria cupiditate præuertens.

Hæc enim Apostoli ex Euangelio, quod ille semper imitatur atque exprimit, deprompta sententia, *Nec quisquam sumit sibi honorem, sed qui vocatur à Deo tanquam Aaron*, Ecclesiâ ipsâ cuius fundamentum est, non minùs inconcussa atque immota manet, nec ullis vnquam humanis interpretationibus infringi aut adulterari potest.

Ioannes Baptista, cum longè antequam in lucem ederetur Prophetæ voce Messia venturi Præcursor esset designatus: cum non aliam ob causam quam ut oraculum istud impleret, nasciturum eum Angelus asseuerasset: cum ut idem de integro confirmari sibi audiret, impeditam patris linguam ipse soluisset, totum tamen penè vitæ tempus silentio

atque in solitudine traducit, nec priùs ad munus suum ad quod se toties, tamque miris modis à Deo vocatum intelligebat obeundum, prodit è deserto, quàm nouum prætereà mandatum, nouam à Spiritu Sancto missionem acceperit. *Factum est*, inquit Luc. 3. Euangelista, *verbum Domini super Ioannem in deserto.*

Ac multo antea Moyses Ministrorum Ecclesiæ Synagogâ adumbratæ princeps, cum à Deo terque quaterque vocatus esset, semper tamen Dei palam sese exhibentis, planiusque etiam cum ipso quam cum Patriarchis colloquentis, manifestæ voci reluctatur. Deum videlicet ab annis quadraginta in deserto colens, delectabatur tali vitæ genere, & eo facile contentus erat, nec aliud sibi quam pascendarum ouium munus quærebat, quamuis in aula regia educatus, in bellis diu versatus, heres regni designatus fuisset, nec Ægyptiorum modò, sed & Sanctorum Patriarcharum vberimam scientiam animo complexus esset: quoque magistalem illius cum Deo pugnam stupeas, seipsum vt Iudaicum populum olim à seruitute liberaret, morti mirabiliter ereptum, & à Pharaonis filia adoptatum fuisse pernouerat.

Ecce autem aliud in eo genere longè admirabilius. Christus ipse è cœlo in terram missus vt mundi lux esset, triginta annos vitam integritatis ac sanctitatis plenissimam, sed abditam penitus ac vulgò hominum ignotam colit, quasi opus illi fuisset tam diuturna secessio, quo sensim perfectionis apicem, virtutesq; muneri ad quod missus fuerat fungendo

necessarias consequeretur. Quodque summopere est animaduertendum, diuinæque vocationis in animarum regimine suscipiendo necessitatem confirmat, quamvis Ioannis & æterni Patris testimonium illius vocis tonitru, *Hic est filius meus dilectus*, publicè editum, quo eum Pater & Filium suum & delicias suas esse declarauit, vna cum Sancti Spiritus in eum illapsu vocationem ipsius omnibus hominibus cumulatissimè probaret, eumque vt Dei Patris legatum ad eos instituendos venisse planissimum faceret: tamen in patria atque in ciuitate sua nonnisi missione Isaiaë verbis palàm in Synagoga prælectis omnibus declarata atque asserta Verbum Dei prædicare orsus est, cum idem antea tot miracula coram Capharnaïtis edidisset, quæ ad ciuium illius aures notitiamque peruenerant, quibus ipsum à Deo ad homines de regni sui veritate edocendos missum facilè certiores efficerentur.

Hic fuit sensus, hæc mens omnium omninò Sanctorum. Cuius illustre exemplum in Gregorio Nazianzeno elucet. Ex familia pietate insigni oriundus erat: patre egregio Antistite natus: ab ineunte pueritia scientiarum virtutumque studiis excultus. Neque tamen tot eximiis dotibus Evangelicæ prædicationis sua sponte aggrediendæ jus aut licentiam sibi arrogare posse putauit: imprefsam Christi ipsius vestigiis viam studiosè persequi voluit. Ante baptismatis susceptionem, Christi instar, longum tempus sumpsit, quo ad ipsum paratior accederet & sanctior. Suscepto baptismo,

Christi instar, in solitudinem secessit. Plures annos in solitudine commoratus est, vt virtuti suæ robur ac firmitudinem adderet, & acceptam in baptismo gratiam ieiuniorum & orationum exercitationibus, assiduaque Scripturæ sacræ & Ecclesiasticarum doctrinarum meditatione cumularet. Postremò è solitudine nonnisi necessitate coactus discessit, nec ad Clerum & Sacerdotium nisi vi adhibita & imperio compulsus ascendit, vnde se ad regendarum animarum curam à Deo vocari clariùs ac certius intelligeret.

Ita Sanctorum suorum Deus in vtroque Testamento vitam & mores rexit. Nos contrà, cum multo maximam vitæ partem in rebus planè secularibus, atque interdum etiam in multis impuritatibus flagitiisque contriuerimus, in Ecclesiæ doctrina, in germana eius disciplina & institutis hospites etiam & peregrini, Sacramentorum dignitatis, castimonie denique animi, sine qua nullum Deo gratum opus ne ab infimis quidem Christianis fieri possit, ignari & rudes, vt primum tenui motu Deus animos nostros percellere, & reuocare ad se cœperit, continuo nos Prophetas effectos, dignosque Evangelicæ gratiæ præcones atque administratos esse opinabimur? Quod si grauium etiam peccatorum nobis conscij simus, ne insigni quidem illo gratiæ Dei beneficio, quo nobis & vitæ præteritæ odium, & futuræ in melius componendæ voluntas ingenerata est contenti erimus: sed eam demum acceptissimam Deo pœnitentiam fore suspicabimur, si Sa-

128 DE FREQUENTI COMMVNIONE.

cerdotio adiunctisque ei muneribus quorum prædicatio verbi & animarum regimen præcipua sunt, nos vltro immisceamus atque implicemus.

Bern. Serm.
18. in Cant.
Cant.

Quod tuum est, inquit Bernardus, spargis & perdis, si priusquam infundaris tu totus, semiplenus festines effundere. Quamobrem si sapis, concham te exhibebis & non eanalem. Hic si quidem penè simul & recipit & refundit: Illa verò donec impleatur expectat, & sic quod superabundat, sine suo damno communicat. Verum canales multos hodie habemus in Ecclesia, conchas verò perpaucas. Tanta charitatis sunt per quos nobis fluentia cœlestia emanant, ut antè effundere quam infundi velint, loqui quam audire paratiores, & prompti docere quod non didicerunt, & alijs præesse gestientes, qui se ipsos regere nesciunt. Ego nullum ad salutem gradum pietatis illi gradui anteponendum existimo, quem Sapiens posuit, dicens: Misèrere animæ tuæ placens Deo. Quod si non habeo nisi parumper olei quo ungare, putas tibi debeo dare, & remanere inanis? Seruo illud mihi, & omninò nisi ad Prophetæ iussione non profero. Si institerint rogitantes aliqui ex his qui fortè existimant de me suprà id quod vident in me, aut audiunt aliquid ex me, respondebitur eis: Ne fortè non sufficiat nobis & vobis, ite potiùs ad vendentes & emite vobis. Et nihilominùs castè imitans illum de cuius plenitudine omnes accepimus, disce & tu non nisi de pleno effundere: nec manat ille in riuum, nec in lacum extenditur, donec suis satietur aquis. Non pudeat concham non esse suo fonte profusiores.

At sunt nonnulli qui hunc Bernardi locum memoriter teneant, nec sibi tamen aut aliis accommodent.

modent. Quod aliunde proficisci non potest, nisi vel à degeneri quadam iniuriâ, vel ab insolenti arrogantiâ, vel à secretiore quodam animi præiudicio, quo inducti antiquiora ista Patrum decreta jam exoleuisse, sermonesque illos nonnisi S. Bernardi personâ dignos, aut æui fortasse illius Sacerdotibus animarumque ductoribus vtilis atque appositos fuisse persuasum habent.

CAPVT XXXII.

QUARTA VIRTUS PROBI RECTORIS:

Sententiarum priuatarum & à SS. Patrum mente alienarum fuga. Merito atque optimo jure hanc ab Aduersario postulari.



OSTREMAM in animæ Rectore describis, *Sententiarum priuatarum & à SS. Patrum mente alienarum fugam.* Hæc cæterarum velut apex & cumulus, omnium vna fortassis grauissima merito habeatur. Cum enim omnia Rectoris consilia ab ipsius sensibus manare necesse sit, quis se ab eo probè regendum speret, qui priuatis opinionibus additus salutare doctrinas ab ipso Dei Spiritu per SS. Patres quasi per diuiniora quædam organa jam inde à tot seculis promulgatas repudiare atque aspernari non vereatur.

Hoc enim religionis nostræ caput & quasi fundamentum est, *Sapientiam Dei*, vt ait Augustinus, *miscuisse se carni, vt inualidis hominum mentibus late-
resceret*, adeoque doctrinam ipsis & institutionem

August. Confess. lib. 7. c. 18.

*Idem de di-
uersis. Serm.
34. c. 11.*

omnem ab æterno illo fonte esse repetendam. *Omnes condiscipuli sumus*, inquit idem B. Doctor, *vnus in hac Schola magister est*. Iussit Pater vt Filium audiamus. Hic animorum primus est atque vnicus moderator: homines qui idem muneris obeunt, ministri eius & instrumenta. Quod ab eo didicerunt, docere debent: quod acceperunt tradere ac subministrare. Atque hac Christianæ Religionis primaria lege vetantur, nos priuatis ingenij sui præscriptionibus regere, propriasque nobis tenebras pro luce quam sequamur obtrudere.

Quod si hoc fidei nostræ fundamento quid fugere debeant admonentur, *priuatarum nempe opinionum licentiam*: ex altero quod hinc consequitur, facile intelligent, quid inter præstigias & fucos quibus diuina Veritas à spiritu erroris obducitur, spectare oporteat. Hoc autem illud est, quod à te verissimè præscribitur, vt *animos cum SS. Patrum sensibus consentientissimos gerantur*.

Sicut enim hac principe notâ vera religio à fallaci quauis religione secernitur, dum æternum Dei Verbum quod ab illis omittitur, suæ omnis eruditionis fontem atque originem statuit: sic alterâ notâ veriores doctrinas ex illo fonte manantes à figmentis & erroribus, qui verbi Dei nomine in hominum opinionem irrepunt, internosci oportuit. Hæc verò nihil aliud est quàm *Traditio originalis*, vt loquitur Irenæus, quàm sacer aquæductus, per quem è cœlesti illa scaturigine fluente salutis in nos deriuantur: quàm catena aurea & insolubilis quâ

omnes Ecclesiæ ætates vno eiusdem fidei ac pietatis vinculo aptæ inter sese ac nexæ arctissimè colligantur.

Huius sanctissimæ Traditionis præsidio semper vsa Ecclesia est ad corruptelas omnes erroresque opprimendos, quibus hominum vel improbitas vel inscitia integerrimam sponsi eius doctrinam pollueri ac deprauare conata est.

Hac Concilium Oecumenicum Ephesinum Nestorianorum conuincit audaciam, nonnullis superiorum Patrum testimoniis demonstrans, doctrinam ab illis impugnatam ipsam esse quam Sanctissimi illi Patres ab Apostolis acceptam studiosissimè coluerant.

Hac S. Augustinus omnes Pelagianorum machinas disturbat, cum aliquot Patribus quibus eorum jugulabantur errores productis, *Quod, inquit, in Ecclesia inuenerunt, tenuerunt; quod didicerunt docuerunt; quod à patribus acceperunt, hoc filiis tradiderunt.*

Hac Aërianos comprimit Epiphanius iisdem propè verbis: *Qui ante nos, inquit, testes extiterunt, eandem Traditionem in Ecclesia tenuerunt, quam & ipsi à parentibus suis acceperant, & ipsorum parentes à maioribus suis didicerant.*

Hac Arrianorum impietatem profligat Athanasius: *Sententiam nostram, inquit, ostendimus à Patribus ad nos usque continuata serie quasi per manus esse propagatam: Vos autem noui Iudæi & Caipha discipuli, quos dogmatum vestrorum patres, quos autores producetis?*

Cypr. Ep. ad Cæsiliū. Hac vini in calice aquâ miscendi consuetudinem contra quosdam æui sui Nouatores B. Cyprianus asseruit.

Cypr. Tract. de lapsis. Hac idem Sanctus duplex hominum genus rejecit ac fregit, qui diuersis ac planè contrariis rationibus eandem pœnitentiæ labem exitiumque moliebantur : cum alteri peccatores longâ ac salubri pœnitentiâ non peractâ, ad Sacramentorum vsum præproperè restitutos falsâ ac peruersâ indulgentiâ corrumperent : Alteri ab omni recuperandæ Communionis spe deiectos, durâ & crudeli acerbitate in salutis desperationem adducerent.

Vinc. Lirin. in Commun. c. 9. Hac S. Stephanus Summus Pontifex Cypriani ipsius, Episcoporumque eius sectatorum, qui cum ipso hæreticos iterum baptizandos censebant, errorem compescuit, cum hanc iis solam vocem, *Quod traditum est non innouetur*, opponeret.

Hac S. Anicetus ac deinde S. Victor Pontifices Paschatis celebrandi legitimum tempus contra Asiæ minoris Episcopos asseruerunt, cum Episcopi illi contraria consuetudine quæ à S. Ioannis Apostoli necessaria indulgentia originem ducebat, niterentur. Et tamen nihilo secius à Sanctis illis Pontificibus antiquæ ac primæ veritatis consciis, quam à B. Petro acceptam Occidentis Ecclesia perpetuo vfu tenuerat, consuetudinem illam repudiare atque abdicare compulsi sunt.

Tertull. contra Praxeam c. 1. Hac eadem denique facillimè hæreses omnes mendacij & imposturæ victricis Antiquitatis testimonio conuinci Tertullianus docet, quod *aduersus*

uniuersas hæreses jam hinc præjudicatum sit, id esse verum quodcumque prius, id esse adulterum quodcumque posterius: & hac vnicâ, vt ipsius verbo utar, præscriptione, aliud ab ijs doceri, quam quod Ecclesiæ ab Apostolis, Apostoli à Christo, Christus à Deo suscepit.

*Idem de P. x.
script. adue.
hæret. c. 21.*

Nec verò etiamnum Ecclesiæ Catholicæ ad hostes quoslibet frangendos ac debellandos validiora vlla tela suppetunt, quàm hic vniuersorum Patrum consensus à Synodo Tridentina toties prolatus; quàm nobilissimorum testium post clarissimam mortem in beata æternitate viuentium incorrupta vox; quàm integerrimorum iudicum sententia, quos vt sapienter notat Augustinus, *Nemo potest dicere partium contententium alterutri perperam vel aduersari, vel fauere potuisse.*

*Aug. contra
Iulian. l. 2.
c. 10.*

Etenim cum ab hæreticis ob inuocationem Sanctorum, & eorum reliquiarum venerationem superstitionis & Idololatriæ insimulamur, quî clariùs apud quosuis æquioris animi homines calumniarum illarum ineptam ac futilem leuitatem refellere possumus, quam cum in ea re antiquam Patrum nostrorum pietatem nos æmulari, & eum qui Christi seruis defertur, in Christum ipsum redundare honorem, ab illa superstitionis & Idololatriæ victrice Ecclesiâ nos accepisse demonstramus?

Atque vt à proposito nobis argumento minùs recedamus, cum iidem hæretici persuadere moliantur, Pœnitentiam vitæ nouitate contineri; minimè necessarium esse, vt offenso Deo ieiuniis, precibus & eleemosynis satisfacere laboremus; Christi

benignitatem & clementiam violari, atque intolerandam induci seueritatem, si homines tot cruciatibus & ærumnis expiare peccata jubeantur; Deum non vt in lege Veteri, sic in Nouâ sanguine delectari, nec vt belluinum, sic humanum expetere:

*Concil. Trid.
sess. 14. c. 8.*

Satis est respondere cum Concilio Tridentino, *Satisfactionem ex omnibus Pœnitentiæ partibus à Patribus nostris Christiano populo perpetuo tempore fuisse commendatam, & Sacramentum istud laboriosum quoddam baptisma fuisse habitum, in quo prioris baptismatis per flagitia violati vnda salutaris lachrymarum decurrentibus aquis supplenda sit.* Satis est

*August. hom.
50. c. ult.*

respondere cum Augustino: *Non sufficit mores in melius commutare, & à factis malis recedere, nisi etiam de ijs quæ facta sunt satisfiat Deo per pœnitentiæ dolorem, per humilitatis gemitum, per contriti cordis sacrificium cooperantibus eleemosynis.* Satis est denique respondere

*a Gregor. I.
6. in 1. Reg.*

cum Gregorio Magno: " *Quid prodest confiteri flagitia, si confessionis vocem non sequitur afflictio pœnitentiæ?*

*b Idem in
Pastor. part.
3. admonit. 31.*

b Neque enim Deus nostris cruciatibus pascitur, sed delictorum morbos medicamentis contrarijs medetur: ut qui voluptatibus delectati discessimus, fletibus amaricati redeamus; & qui per illicita diffluendo cecidimus, etiam à licitis nosmetipsos restringendo surgamus; & cor quod insana letitia infuderat, salubris tristitia exurat; & quod vulnerauerat elatio superbiæ, curet abjectio humilis vitæ.

Quod si hæreticos Traditionis autoritate ita reuincimus, vt eandem in domesticis disceptationibus ipsi aspernemur: nonne jam duas regulas planè discrepantes, alteram seueram aliis, alteram remis-

fam nobis ipsis; duas mensuras, alteram æquam, alteram iniquam; duo pondera, alterum legitimum, alterum leuius inducimus? *Pondus & pondus*, inquit Scriptura, *mensura & mensura*, utrumque est abominabile apud Deum. Quare probum animarum moderatorem priuatis, & à SS. Patrum mente alienis sensibus vacuum esse oportere meritissimò censes, vt cum Augustino verè possit affirmare, *Non aliam se fidem sequi quam Catholicam fidem, venientem de doctrina Apostolorum, plantatam in nobis, per seriem successionis acceptam, sanam ad posteros transmittendam: Vt præeunte* Vincentio Lirinensi profiteri queat, *Nullam se aliam doctrinam amplecti, nisi Catholicam & vniuersalem, & vnã eandemque per singulas ætatum successiones incorrupta veritatis Traditione manentem, & vsque in secula sine fine mansuram. Vt ei denique dum alios docet, his ipsis Chrysostomi populum suum docentis vocibus vti liceat, Non nostra loquimur, neque enim nobis Magister ullus est super terram, sed quæ à Christo per Apostolos accepimus ea tradimus.*

Prom. 20. v.
13.

Aug. Tract.
37. in Ioann.

Vinc. Lirin.
in Comm.
nt. c. 13.

Chrysost. homil. 33. in
Matth.

Sed satis multa de Rectoris animarum virtutibus. Reliquum est, vt dispiciamus num regulæ tuæ cum illis congruant, præsertimque cum postremâ, hoc est, num à SS. Patrum mente non abhorreant.

CAPVT XXXIII.

ADVERSARIVM QVOTIDIANAM

Communione omnibus promiscuè suadere non ausum, cum tamen eius dogmata per se eò inducant quoslibet, etiam tenuissima virtute imbutos.

Aduersarius.

SEcunda Regula. Qui ter, quaterve in hebdomade, vel etiam quotidie Communione pasci cupiunt, quo consilio agantur, diligenter attendere debent; atque hoc idem Sacerdos accuratè excutiat, in talium enim hominum mentes superbiæ spiritus facile irrepit. Si quid in eiusmodi voluntate vitij deprehendatur, minùs frequenter Communione utendum erit.

RESPONSIO.



QUANTVAM Regula ista nihil quod minùs probandum sit præ se ferat, cum homines ad quotidianam Communione nisi re maturè perpensâ accedere vetet: quid tamen in eo incommodi, imò quid periculi lateat, si cum cæteris tuis dogmatibus comparetur & connectatur, demonstrare in promptu est. Ex ea enim sequitur homines innumerabiles qui ad virtutem pietatemque Christianam nihil omninò progressionis fecerint, quique, vt tuis vtar verbis, *sui ipsorum amore pleni, ac mirum in modum seculo astricti sunt*, imò qui sæpiùs in peccata lethalia prolabantur, rectè ad Communione

nionem sacram singulis diebus adituros: quod sanè Catholicis omnibus, tibi que ipsi horrorem incutiat.

Fingamus igitur, si placet, istorum aliquem ad te se conferre, vt doceat in animo sibi esse quotidie Communionem vti. Monebis videlicet, quod & hîc mones, videndum diligenter quid spectet, quid animum moueat, ne fortè spiritu superbiæ ducatur. Qui si responderit, optimo se consilio & fine moueri, spe nimirum, fore vt à rerum secularium & à sui ipsius amore diuellatur; persuasum sibi esse ex dogmatis tuis, *si in frequenti Communione perstet, procul dubiò consecuturum quod cupiat*, atque interim *Christo magnum & honorem & delectationem allaturum*: an recusare poteris quin eius voluntatem probes, & eum quotidie, tametsi vita cum Euangelij forma parum congruat, diuinis altaribus tuæ autoritate admoueas?

Atque vt omnis tibi causa præcidatur exoptulandi, me cauillari, nec candidè tecum agere, quod plures alias Communionis adeò frequentis vetandæ causas agnoscas, licet hîc vnâ duntaxat expresseris: paucis ostendam te alias omnes rationes, quibus is qui tam alienam ac degenerem animi affectionem gerat, à quotidiana Communione deterreri queat, in tuæ processu scriptionis euertere. Quid enim causari vltro possis quod ille statim tuis ipsis verbis non refellat?

Non existimabis, opinor, illud ei magnoperè inculcandum, tanta Communionis frequentia ne-

cessarias eius occupationes disturbatum iri. Hanc enim rationem non satis latè patere intelligis: Nec te præterit innumerabiles esse qui verissimè asseuerare possint, haud ita se occupationibus vrgeri, quin saluis humanis rebus suis æternæ salutis curæ vnâ quotidie horam impartiri queant. Nec es nescius, quam hoc de iis verè dici possit, quos potissimum in Scriptione tua intuebare.

Quid ergo? An dices cum Chrysostomo, eum qui adeò frequenter cœlesti illo cibo reficiatur, charitatis ardore incensum esse oportere, non secus ac illum qui crebrius alimenta adhibeat, nativo calore abundare oportet? Respondebit ille te autore, *Christus ignis est, quamuis quis algeat, modo absit lethale peccatum* (hoc est, te interprete, modo peccatorum confessio antecesserit) *ad eum accedere oportet: sæpè enim qui ad Communionem frigidus accessit, feruidior atque ardentior ab ea redijt.*

An dices, sicut solidorum ac succulentorum alimentorum copia ægris corporibus non officere non potest: ita animo infirmiori ac debiliori discrimen imminere, si tam crebrò diuinissimo illo pane vescatur. Eos, teste Hieronymo, *hunc panem comedere qui in Christo robusti sunt, & ad quos Ioannes Euangelista loquitur, Scribo vobis, iuvenes, quia sermo Dei in vobis manet, & fortes estis, & viciistis malignum.* Respondebit ille: Imò verò, cum eam ob causam nobis Eucharistia subministrata sit, ut esurientibus cibus, ægris sanitas, infirmis robur addatur, qui esurit, qui ægrotat, qui languescit, absurdè faciat, si se ab ea remoueat.

Hieron. in
Zach. Proph.
c. 9.

An demonstrare conabere, summam venerationem quam Christo debeat, non ferre, vt eius benignitate temerè abutatur, toties ad eum prope-
rans, antequam familiari tanti hospitis consuetudi-
ne dignum se vitæ ac morum sanctitate præbuerit.

Chrysostomum docere, *Mensam illam solis aquilis esse paratam*, hoc est, vt ipse interpretatur, *animis sublimibus & excelsis, quibus nihil cum terra commune.*

*Homil. 24.
in 1. Cor.*

Cyrillum eos tantum *qui sanctè viuunt*, ad mysteria illa cohortari? Facilis & expedita erit responsio:

*Libr. 4. in
Iohann. 6. 17.*

Qui ita agat, Christi clementiâ non abuti, sed eius potius voluntati & consilio parere. Nec verò à debito illi summo honore ac veneratione discedere, vt Chrysostomus ac Cyrillus, si tibi fides habeatur, assenerant.

An subiicies, eam esse mysterij huius dignitatem atque præstantiam, vt ab illo interdum reuerentiæ causa digredi expediat. Hanc esse S. Bonauenturæ sententiam, qui ne Sacerdotibus quidem Sacrum existimat quotidie peragendum; quod qui nunquam prætermittat, non satis ipsum vereri videatur. Reponet ille ex tuis placitis (quæ Chrysostomo atque Ambrosio falsò ascribis) *non esse, cur qui à Christi corpore recedit, maiorem illi cultum ac reuerentiam adhibere se putet.*

An eò te conuerteres vt dicas, si certum tempus ieiuniis, orationibus, aliisque pœnitentiæ officiis impendat, dilatione illa paratiorem ad Communionem euasurum. Vnde præclarè dictum ab Hieronymo: *Ipsam quoque Dominum, verum Jonam missum ad prædicationem mundi ieiunasse quadraginta dies,*

*Hieronym. in
Iohann. c. 5.*

Et hereditate nobis ieiunij derelicta, ad esum corporis sui sub hoc numero nostras animas preparasse. At continuo tibi referet: Nihil ad eam rem conferre Communionis dilationem. Imò istud ipsum Communionis frequentiam potissimum effici posse. Hoc enim ipse docuisti.

*In 4. sent.
dist. 12. q. 3.
ari. 1. q. 2.*

An ad illum S. Thomæ locum confugies, *A quotidiana Communionē abstinere debere eum, qui sentiat per quotidianam frequentationem reuerentiam minui Et feruorem non multum augeri, ac proinde metuendum esse, ne dum hoc Sacramento familiarius utitur, debita ei obseruantia ac reuerentia minuat. At ille tua tibi regerens verba: Hoc quidem, inquiet, in hominibus ita comparatum est, ut crebrior amicorum usus contemptum pariat, dum amici neuos ac vitia detegit. At contra, quo familiarius Deo utimur, eò ipsum studiosius colimus ac veremur. Ad eum enim quo propius acceditur, hoc de eo accipitur, Et notitia clarior, Et existimatio magnificentior, Et amor ardentior.*

An admonendum putabis, cum in tot quotidie peccata prolabatur, quamuis leuia ac venialia, æquum esse, ut emendare ea & omni quoad fieri possit, illorum occasione abjecta, ut beatæ memoriæ Episcopus Geneuensis autor est, ab iis animum saltem affectumque diuellere studeat, antequam Sanctuarij cœlestis adita ingredi toties audeat? Contra ille, *Sanctorum, dicet, sententiam esse, neminem ob peccata venialia ab Eucharistiâ recedere oportere.*

An instabis, cum sæpius peccatis lethalibus se inquinet, si ad omnium Ecclesiæ Patrum normam se dirigi velit, antequam Communionē potiatur,

scelerates illas ei pœnitentiæ lachrymis esse diluendas? Ille verò, sicut quotidie Communionem adhibere: ita quotidie, aut saltem quoties de mortali se delicto obstrinxerit, peccata confiteri velle profitebitur. *Patres censere* (quemadmodum imperitis persuadere niteris) *peccatis eiusmodi Communionem non excludi, si modo Contritio adsit, vel ubi Sacerdotis copia est, Confessio. Non licere ipsi sine crimine temeritatis ante Communionem ad agendam pœnitentiam plures dies sumere.* Ita, quodcumque demum flagitium admiserit, exiguâ horæ particulâ Eucharistiâ se dignum præstare posse.

An commemorabis hanc esse Catholicorum omnium Doctorum vocem, eum qui toties Communionem pasci velit, eximio quodam pietatis motu efferri oportere? At ille dare se operam dicet, ut eum motum animo concipiat, quem cum in se leuiorem quàm velit experiatur, animum ob eam rem deijcere ac summittere, sicque ad Eucharistiam sine vlla dubitatione accedere.

Denique, si ad hunc modum respondentem diutius non ferens, verbo eum compescere aggrediar, jamque commotior adijcias, cauillationibus & suffugiis istis minimè fieri, quin constet hunc esse communem Christianæ pietatis sensum, quotidiana Communionem nonnisi sanctioribus animis gratiæ muneribus ac Christi amore plenis concedi oportere. Os ille tibi hac responsiunculâ obstruet. Istum quem narras pietatis sensum rudium hominum inanem esse opinionem, si modo verum sit

quod doces, Quo quis à gratia se imparatiorem experi-
tur, eò confidentiùs ad Christum accedere debere, quippe
qui nulla re æquè ac donorum suorum effusione delectetur.

Vide obsecro & maturiùs expende, quò tan-
dem homines præcipites agas, vbi eos semel extra
veritatis metas detorseris.

CAPVT XXXIV.

COMMVNIONIS TEMPORA EX
cuiusque hominis negotiorum & occupationum ratione
non esse potissimum constituenda.

Aduersarius.

SI quis frequenti adeò Communione impediatur, quo
minùs quæ sui sunt muneris exequatur, non erit ei
concedenda. Si Iudex, exempli gratia, cui ex officio cognos-
cendæ sunt causæ ac lites, quotidie Communionem vsurpa-
re velit, præposterè faciat. In foro enim versari, contro-
uersiarum instrumenta excutere, de ijs ad Collegas referre,
studijs etiam ac lectioni incumbere debet, quæ cum quoti-
dianâ Communionem minimè coherent. Plebeia mulier, quæ
dimissâ officinâ quotidie ad Communionem excurrat, lau-
dem non mereatur. Igitur in Communionis frequentia de-
finienda, cuiusque statum & genus vitæ diligenter pon-
derare oportebit.

R E S P O N S I O.



HANC secundam rationem affers, quæ
Communioni quotidianæ officiat.
Verum præterquam quod ea minùs
latè patet, nec ad magnam hominum,
qui vel leuibus, vel nullis occupationibus detinen-

cūr, multitudinem pertinet, vt suprā dictum est, perspicuè indicat, secundam illam virtutem quam in animarum moderatore postulasti, vt sit vir spiritualis, in teipso non ita reperiri: quippe qui res diuinas sensuum potiùs arbitrio carnisque prudentiâ quam lumine fidei, ac prudentiâ spiritus metiaris. Peccatis quispiam leuioribus, imò grauioribus etiam ac mortiferis, sit implicitus (præuiâ modo eorum confessione) mentis eius studium omne refrixerit, de diuinis rebus cogitare vix possit, pietas eius elanguerit, omnibus animi morbis atque ægritudinibus conflîctetur, sui ipsius amore tumeat, tenacissimis huic sæculo vinculis astringatur: hæc omnia, te iudice, cum Communionem sacrâ optimè cohærent; Magistratus officia, vel familiæ negotia non item. Iudex, inquis, cui jus dicendum aliis, ad Communionem aspirare non debet. Mulier verò quæ in animum induxerit, non aliud sibi negotij in vita esse quam vt crines componat, scenicum sibi vultum fingat, publicarum deambulationum curricula, saltantium choros, ludentium confessus frequentet, nullo impedimento tenebitur, quin ad Communionem quoties libuerit, accedat. Satin' iste sensus atque ista mens cum Christianæ pietatis sensu ac genio congruit?

Nec verò inficias ierim, in Communionem præfînienda aliquam cuiusque occupationum habendam esse rationem. Verum illud affirmo, alia priùs expendenda, quam istuc venias. Pharisæi esse externa inspicere, antequam interiora scrutatus sis,

cumque Christiana Religio omnem in animo sedem habeat, ex animo utique & intimo, quem Dei spiritus in eo ciet motu, mysterij diuinissimi susceptionem esse metiendam.

Addo præterea, si qui sint in quibus ea vitæ sanctitas quæ ad Communionem quotidianam adhibenda est reperiatur, illiusque ita frequentandæ voluntatem Spiritus sanctus iis immittat, hos raro admodum, (nisi fortè alterius nutui ac ditioni sub sint) occupationum multitudine ab eâ re prohibitum iri. Si enim talibus illos occupationibus Deus ipse alliget, ijque in illis obeundis spiritus ipsius instinctu, ut fides jubet, agantur, orationis diligentiorisque ad Eucharistiam præparationis locum ac vicem ipsæ implebunt. Tempus verò actioni eiusmodi necessarium nemo etiam occupatissimus non faciliè reperiatur, si modo studiosè & prudenter quæsierit, Christi nomini & gloriæ scilicet impendendum. Nonne Sacerdotes iisdem quæ tu cum quotidiana Communionem coherere non posse existimas, muneribus addictos sacrum quotidie facere videmus? Quid verò nascentis Ecclesiæ Christiani? Nonne frequentissimo Communionis usu nihilominus in rerum domesticarum cura, familiæ administratione, manuum etiam ex Apostoli præcepto labore versabantur, vitamque non minus externa specie cæterorum hominum vitæ similem, quàm Deo & Angelis iudicibus ab ea dissimilem agebant?

CAPVT XXXV.

AN OMNES PROMISCVE AD

Communione intra octauum quicumque diem impellendi, & Sacerdotes qui secus faciant, imprudentia vniuersim insimulandi sint.

Aduersarius.

Qui octauo quoque die ad Communionem accedunt, rectissimè agunt, nec Sacerdotem qui hoc vetet, prudenter facere reor. Primum, quia eo nos SS. Patrum cohortationes ducunt. Deinde, quia hæc praxis ad quotidianam Communionem in primæua Ecclesia vsitatam, cuius renouatio ac restitutio à Tridentina Synodo expetita est, magis accedit. Deinde, quia vitæ genus nullum est in quo tempus non suppetat præparandi se ad Communionem diebus Dominicis alijsque festis adeundam.

RESPONSIO.



ORD O ipse quo istas digeris regulas, vel confusio potius quàm eas permisces, perspicuè demonstrat, te non ea mente scribere aggressum, vt fidelium animos verà ac sincera Christianæ pietatis doctrinâ imbueres, sed vt eos ad periculosam Sacramentorum frequentationem inconsultâ leuitate præcípites ageres. Antequam de præparatione ad Communionem necessaria verbum feceris, perinde quasi nulla necessaria foret, omnes omnis generis homines ad Communionem octauo quo-

que die vsurpandam sine vllo discrimine impellis; ac nulla penitus ratione præmonitos quâ animi castitate, quâ vitæ integritate altare illud Sanctis ipsis imò & Angelis, Paciano teste, formidandum adiri conueniat, otiosius atque incautiùs ad tantum mysterium, quam si de opere aliquo vulgari ac prophano ageretur, dimittere vel immittere potius non vereris.

Adeone abjectè sentis de virtutibus animi, quas tam crebra & assidua cum Christo consuetudo conjunctioque postulat, vt in hac corruptelâ ac deprauatione temporum, omnium eas hominum esse existimes? Equidem hunc tuum esse sensum prodis, teque quam purè & religiosè Mysterij huius præcella maiestas tractanda sit, ne suspicatum quidem vnquam fuisse demonstras. Cum enim Sacerdos qui homines quoslibet intra octauum quemque diem Eucharistiam sumere haud sinat, tibi non satis prudenter agere videatur, manifestum est, tuo iudicio vix fieri posse, vt nemini non semper adsit, animi præparatio, quæ ad frequentem adeò Communionem afferenda est.

Enimuerò, quum his temporibus Sacramentorum abusus adeò increbuerit, quum sacri suggestus assiduis in istam labem clamoribus & querelis circumsonent; quum isto ipso, quasi velo, tam multi vitia sua tegere ac prætexere studeant; quum inani quadam Dei misericordiæ specie sibi blandiantur, piis operibus omissis, vitæque integritate neglectâ, solumque Sacramentorum vsu salutis spem omnem

ac fiduciam collocantes: quid agis tandem, obsecro, nisi vt errori tanto arma subministres, & de eorum, qui expugnare ipsum velint, manibus tela veritatis eripias? Miseris enim mortalibus istis causam præbes, vt Sacerdotum à quibus reguntur consilia, velut imprudentiæ plena, & longè sanctissimæ Christianorum praxi ac disciplinæ contraria respuere audeant.

Verum vt remedium ipsis & antidotum minimè suspectum interim propinemus, quoad germanam & idoneam ad Sacramentum istud frequentandum animi affectionem Ecclesiasticæ Traditionis autoritate adstruxerimus (quod in eum locum vbi de ea mentionem facis, reseruamus) vnum tantum sanctissimi viri & insignis posteriorum ætatum Doctoris testimonium proferam, ex quo vel minimè perspicacibus judicare liceat, num Sacerdos qui quosuis promiscuè homines ad Eucharistiam intra octauum quemque diem inducit, prudentiorem se exhibeat eo qui ad Communionem toties repetendam præparationem non vulgarem postulat, quique eam demum in hac re certissimam regulam statuit, vt Sacerdos consilium suum ad varios Spiritus Sancti motus & propensiones cuique immixtas moderetur & accommodet.

Accipe igitur B. Bonauenturæ de hac quæstione sententiam, idque in Libro vbi de instituendis duntaxat Regularibus agit, qui cum genus vitæ purioris ac sanctioris quam seculares profiteantur, ad cœlestem hunc cibum sæpiùs percipiendum in-

*De Profectu
Religiosorum
l. 2. c. 77.*

structiores ac paratiores esse consueuerunt. *Si aliquis desiderat experiri, utrum sit melius sapius an rarius Corporis Christi suscipere Sacramentum* (quæ est perspicuè nostra quæstio) *videtur mihi quod non possit super hoc omnibus dari regula uniformis.* En primis statim verbis temeritatem tuam refellit, quâ imprudentiæ eos condemnas, qui vnâ eandemque omnibus Communionis octauo quoque die adeundæ regulam præscribere noluerint. Sed ausculta etiam quibus rationibus & argumentis nitatur.

Varia sunt hominum merita (eorum igitur in Communionem præfinienda habenda ratio est) *& diuersa operum studia, & differentia desideria, & multiplices Spiritus Sancti operationes in singulis.* Tu verò non ita religiosus ac meticulosus es, vt tam multa tibi dispicienda arbitrere. Satis tibi est, nullum vitæ genus extare, in quo id temporis quod præparationi ad Eucharistiam festis ac Dominicis diebus frequentandam necessarium est reperiri non possit, vt quemlibet ea dignum existimes. Sancti viri *hominum merita, opera, studia, desideria, Spiritus Sancti operationes* expendunt, ne Dei voluntati præcurrere, & ad altare sacrum quos ille minimè vocat, impellere videantur. Tibi verò qui Phariseorum more speciem externam intueris, tot cogitationibus & curis animum implicare non libet.

Et tamen satis perspicuum est B. Bonauenturam longè plura disquisitum fuisse, si seculares instituendos suscepisset. Prorsus enim cogitasset eorum quorum de Communionem definiendâ agitur, alios

acceptam in baptifmate innocentiam tenere, alios ab eâ lapfos effe: horum rurfus alios vno, alios pluribus peccatis mortalibus eâ excidiffe: alios in peccatorum fordibus hæfiffe diutiùs, alios continuò emerfiffe. Quas ille varietates attingendas non putauit, etfi in Communionis ratione conftituenda magnum momentum habeant, quia cum Religiofis hominibus fcriberet, ipfa religiofæ vitæ fufceptione innocentiam, iis velut altero baptifmate reftitutam fuiiffe ftatuebat. Hæc enim eft & D. Bernardi perpetua fententia & oratio, dum Monafterij fui Religiofos compellans, nunquam iis grauiora quæ in feculo admisiffet peccata commemorat, quod ipfo Religionis aditu, quafi quodam baptifmatis genere, renouatos eos ac velut in integrum reftitutos habet. Vnde & illam Euangelij vocem, *Et erunt nouiffima illius pejora prioribus*, folis Monachis diffolutioribus, & poft regularis vitæ profefionem grauiter prolapsis accommodat. Quod fi B. Bonauenturæ de Laïcorum Communionem in eo Libro agere mens fuiffet, varia illa Communionis impedimenta, quæ pro peccatorum ratione vel temporis quo quis in eis hæfit, grauiora leuiorave ducenda funt, procul dubiò fpectaffet. Sed quoniam de Religiofis duntaxat erudiendis tum maximè cogitabat, pergit deinceps:

Et diuerfi etiam ftatus in Religione. Tu ergo Sacerdotem prudenter facturum negas, fi fecularibus quibufuis id concedere vereatur, quod eximius ille Doctör Religiofis omnibus indulgere non audet.

Ille enim octauis cuiusque diei Communionem prorsus omnibus qui propter Deum omnia dimiserunt, quique solennis ac publici voti sponsione perfectiori Christianæ pietatis generi se addixerunt, sine exceptione vniuersè addicere dubitat: Tu verò eiusmodi Communionis usum Laïcis sine vlla dubitatione decernis, quamuis languidis & remissis, quamuis Dei gratiâ vacuis, sui ipsorum amore plenis, seculi studio irretitis; atque adeò, si rariùs ad Communionem adhibeantur, Ecclesiæ leges penè infringi putas.

Et ideo, pergit idem Sanctus, sicut ægrotantibus non potest una forma seruari in dandis medicinis corporis, propter diuersitates complexionum, aut loci, aut temporis, aut diæ, aut aliarum considerationum, pro quibus aut rariùs, aut sepiùs, aut majori, aut minori quantitate eadem medicina datur: Ita de medicina spiritali, quæ est Corpus Christi, intelligendum. Verbis tam splendidis nihil adijcere attinet, ad vitiosæ tuæ animarum regenerandarum rationis imaginem exprimendam. Clarissimè enim indicant te pharmacopolarum illorum circumforaneorum rudium planè & imperitorum esse persimilem, qui nulla temperationis corporum, nulla ægrotantium affectionis habita ratione, idem omnibus remedium adhibent, sicque longè pluribus exitium quam sanitatem afferunt.

Mundanis enim, inquit vir Sanctus, curis occupati rariùs possunt se ad illud recipiendum expedire quam illi, qui tantum spiritalibus studijs sunt intenti. His tu tamen hominibus mundanarum sollicitudinum tur-

bâ implicitis , octauæ cuiusque diei communionem inuiolabili scilicet regulâ præscribis : cum eam S. Bonauentura ne ijs quidem omnibus qui mundum abdicarunt , præcipere audeat. Quodque etiam deterius , hominibus non tantum mundi curis quæ interdum innoxia sunt , sed & mundi studijs ac cupiditatibus , quæ non vitiosæ esse non possunt , impeditis , hæc à te lex communionis imponitur : adeo cum Sanctorum Doctorum placitis tua dogmata consentiunt.

Prætereà, subdit idem Doctor, alij magis, alij minus sunt circumspecti in custodia vitæ suæ & morum & conscientia suæ puritate. Non igitur satis est sanctissimo doctissimoq; viro autore, confiteri sapiùs, vt sapiùs Communionem mereare: Non satis est flagitiosam vitam accusare semper, nunquam emendare: Non satis est perpetuâ vicissitudine labi, exurgere, relabi rursus; diuinæ denique misericordiæ turpiter illudere. Summa cautione ac diligentia primum animæ salutis & incolumitati consulendum, hoc est, vt non solum vitentur ea ex quibus certa illi pestis ac perniciës, sed etiam è quibus vel minima ei offensio detrimentumq; immineat. Deinde mores rectè componendi, hoc est, dirigendi ad immutabilem Evangelicæ doctrinæ normam, & viuendi via, quam Christi ipsius vestigia impressere, persequenda. Denique studiosè tenenda animi castitas atq; integritas, hoc est, omnium secularium cupiditatum sordes procul amouendæ, ac tenuissimi naxi igne charitatis & lachrymarum aquis sedulò abstergerendi.

Iam verò posteaquam B. Bonaventuram præcipientem audijmus, quid prudens animarum moderator sequi & expendere debeat, ut rectè dijudicet, vtiliusne sit frequentius Communionem uti an rarius, quæ ipsissima quæstio est à te in Scripto tuo proposita : accipe nunc quam ferat de hac quæstione sententiam, eamque cum tuâ quæso compara. *Vix tamen aliquis ita religiosus esse videtur, & sanctus, exceptis Sacerdotibus, quin semel in septimana sufficiat ei ex consuetudine communicare.* Ecquid his vocibus perculsus es ? Tu enim generalem velut Catholicorum omnium Doctorum nomine legem ferre non dubitas, quâ Communionem octavo quoque die quibusvis hominibus præbere necesse sit. At Communionem eiusmodi Sanctus ille Doctor præstantissimæ penè virtuti præmium & mercedem constituit. Ille vix quemquam ad tantum religionis & sanctitatis apicem prouectum existimat, quin ei talis frequentandæ Communionis licentia satis esse debeat : tu contra vix quemquam adeò vel imbecillum vel prauum reperiri censes, quin hac eadem Communionis frequentia dignus habendus sit.

Denique B. Bonaventura illud arctè tenens, accurateque semper obseruans, cœlestis huius mysterij vsum pluribus circumstantiis ac potissimum vario Sancti Spiritus in animis motu esse expendendum, postquam professus est sibi ita videri, vix quemquam esse qui tantam in virtute progressionem fecerit, cui octavo quoque die Communionem adhibere satis esse non debeat, hanc sententiæ suæ

suæ exceptionem apponit. *Nisi specialis causa quandoque vel ratio plus suadeat. Infirmitas superueniens, vel singulariter festiuitas solennis, vel inusitata deuotionis feruor, & intemperata desiderij sitis sit pro illius susceptione, qui solus sufficit amantis animæ ardorem refrigerare. Et quia talis ardoris impetus non nisi à Spiritu Sancto, ut creditur, ideò legibus humanæ consuetudinis & statutis mortalium non arctatur.*

CAPVT XXXVI.

REFELLUNTUR RATIONES QVIBVS vniuersos qui octauo quoque die communicent, collaudandos Aduersarius contendit. Quarum prima est, SS. Patrum cohortatio.



ERVM si tua, quam D. Bonauenturæ minùs grauis est autoritas, tuæ quam illius grauiore sunt fortasse rationes. Idipsum igitur paucis dispiciamus. Illæ verò tres à te proferuntur, quarum prima est, ad Communionem octauo quoque die adeundam SS. Patres nos cohortari. Quod quidem vnius Dogmatum Ecclesiasticorum auctoris, quem Augustini nomine citare soles, testimonio demonstrasti. Nec verò locus illustrior è sacra omni Antiquitate facillè eruatur, quem idcirco Scriptores vniuersi posteriores qui in hoc argumento versati sunt, fundamenti loco constituisse sibi videntur. Verum quid contra peritiam, quid contra fidem hac in re peccaris, tam perspicuè, ni fallor, superiùs est demonstratum, ut jam Lectorum patientia

Cap. 20. 21.
& 22.

abuti videar, si de integro inculcem Gennadium, eos qui mortalis post baptismi criminis sibi conscij fuerint ab illa octauæ cuiusque diei Communionem nominatim excludere, & donec pœnitentiæ laboribus sese emacularint à cœlesti mensa censere prohibendos: Denique (quod idem beatæ memoriæ Episcopus Geneuensis sentit) consilium istud ad pias mentes referre, quæ non modo à criminosis cupiditatibus, sed & à minimarum (quæ major est quàm vulgò æstimetur virtus) ac tenuissimarum offensionum studio atque affectu liberæ sint.

Quare idem Beatus Antistes qui Philotheam suam ad Eucharistiam octauo quoque die sumendam impellit, quippe cui sanctam illam, quam ad frequentem adeò Communionem necessariam declarat, animi affectionem attribuit: ad primariam fœminam scribit non probari sibi vt filiam decimo quinto quoque die Eucharistiam adire sinat, nisi non solum sanctissimæ Communionis ardenti quodam studio teneatur, sed etiam leuiora ætatis illius vitia diligenter euellere studeat. Qua de re insignis est illius oratio. *Nolim, inquit, filiam tuam ad frequentem adeò Communionem adducas, nisi antea quid sit Communio frequens rectè perpendere nouerit. Aliud est Communionem ab aliarum rerum perceptione; aliud frequentem Communionem à rariori Communionem discernere. Si tenella illa anima satis perspicit ad hoc mysterium crebrius adeundum magna mentis puritate, magnæque flagrantia opus esse; si ad eam enitatur, si ea sese ornare studeat, tum verò sæpius, hoc est, decimo quinto quoque*

die eam ad illud admouendam assentior. Sin Communionis tantum percipiendæ, non leuium puerilis ætatis macularum eluendarum studio tenetur, confiteri eam octauo quoque die, & menstrua tantum Communione uti, commodius censeo. SACRA COMMVNIO, charissima filia, SVMMO, VT MIHI QUIDEM VIDETVR, AD PERFECTIONEM COMPARANDAM ADIVMENTO EST. SED EAM ITA A NOBIS ADIRI OPORTET, VT QVICQVID DEO, QVEM RECIPERE VOLVMVS, DISPlicet, EVELLENDI ATQVE AMOVENDI STVDIVM ACRE AC DILIGENS AFFERAMVS.

Si Beatus hic Antistes leues puerilis ætatis offensusunculas impedimento esse statuit, quo minus puella optimæ parentis cura in virtutis ac pietatis studio educata crebrius quam singulis mensibus Communione vteretur, nisi nævis illis abstergendis magnam operam ac diligentiam adhiberet: an tecum sensisset homines seculo immerfos, longè aliis vitiis atque offensionibus obnoxios, ita facile ad Eucharistiam octauo quoque die adeundam probè comparatos esse posse, vt qui eos à tali vsu deterrerent, imprudentiæ accusandos fateretur? An ad eandem Communionis frequentiam protrussisset istos nostrorum temporum Semichristianos, qui vitæ ac moribus Ethnici, sanctissimâ Eucharistiâ crebrius vsurpandâ se sanctitatem adepturos sperant? Qui nouam ad Cælum viam conspersam floribus, & ab angusta Euangelij semitâ multum

diffidentem reperisse sibi confingunt. Qui Contritionis inani nescio quo & commentitio actu Deum se pulchrè demeritos putant, cum intercà ipsorum pectus auaritiæ cupidine ac cæco ambitionis æstu ferueat. Qui denique in Saluatoris ærumnis ac doloribus salutem suam repositam habere velint, modò ne quam illorum attingant partem, ac toto vitæ tempore deliciis ac voluptatibus circumfluant. Postremò, an in illius viri Dei animum, tua illa præclara opinio incidisset, hominem quoquomodo affectum, quantumuis in pietatis studio languentem, si modò Eucharistiam frequenter, vberriam gratiam consecuturum: cum tanta sobrietate profiteatur, quamuis *Communio sacra summo nobis ad comparandam perfectionem sit adjuumento*, nihilominus vt ex eâ fructus capiatur, ita eam fieri oportere, vt quicquid Deo quem accipere volumus, displicet euellendi atque amouendi studium acre ac diligens afferamus: adeoque si talis absit affectio animi, eandem, vt rectè docet Gennadius, obesse magis quam prodesse.

Huic Geneuensis Antistitis saluberrimæ admonitioni teneri non possum, quin & alteram atexam hominis postremo hoc seculo pietate spectatissimi, qui ab eodem Antistite summo in pretio habitus est. Sanctum Presbyterum Auilam dico, qui de tempore ac modo Communionis terminando ad quendam animarum Rectorem scribens, ita loquitur: *Noli sinere eos ad Dei mensam accedere, quoties cupient. Multi enim animi leuitate potius quam*

intimo pietatis ac venerationis sensu Eucharistiam adeunt. Unde accidit, ut ex ea nihil fructus capiant, nec meliores efficiantur. Quod quidem damnum animæ permagnum est, & quoad fieri potest, summoperè vitandum. Fac ut mysterij huius sublimitati profunda ac religiosa animi dejectione se substernant. QVOD SI QVEM SECVS SE HABERE DEPREHENDERIS, ARGVE ILLVM, COELESTEMQVE PANEM EI SVBTRAHE, QVOD ILLVM VEHEMENTER CONCVPISCAT, SEQVE EO INDIGNVM FATEATUR. V' alius fidelium ter quaterve per annum: alios nouies aut decies: Religiosos decimo quinto die Communionem percipere satis fuerit. Coniuges tertiamque hebdomadam, vel singulis mensibus idem præstare commodè poterunt. IN QVIBVS AVTEM EXIMIVM QVENDAM DEI ZELVM ATQVE AMOREM SIC FERVERE PERSPEXERIS, VT EORVM INVITÆ SANCTITATE INCREMENTVM ATQVE PROGRESSVS QVASI AD OCVLVM PATEAT, IIS OCTAVO QVOQVE DIE SACRA COMMVNIONE VESCILICEBIT. Hæc enim B. Augustini sententia est (hoc est autoris Libri de Dogmatibus Ecclesiasticis Genadij) Communio crebrius indulgenda minimè est: nisi forte aliud suadere videatur aut fames ardentior, aut reuerentia insignior, aut tentatio acrior, aut necessitas manifestior. Quæ quidem animaduertenda in nonnullis & prudenter gubernanda sunt. Rarum autem eorum genus exisimo, quibus sæpius quam octauo quoque die Communionem adire conueniat. Hinc D. Bonauentura testatur ex

omnibus quos notos habuerit, cui frequentior expediret Communio, se prorsus reperisse neminem. B. Franciscus Paduanus initio ter quaterve omninò per annum ad Confessionem & Communionem accedebat. Postmodum in vitæ integritate ac sanctitate proficiens, idem singulis diebus Dominicis factitabat. Qui verò cælesti illo pabulo dignatus fuerit, in tanti beneficij memoriam opere atque officio aliquo Christi liberalitatem remunerari debet, vel aliquâ animi labe quotidie detersâ, vel aliâ operâ quapiam, quæ cuique Communioni quasi vicem rependere videatur.

Cernis, opinor, quantoperè vir pietate summus à fallaci tuo illo commento dissentiat, omnes omnis generis homines octauo quoque die Communionem vti rectissimum esse, imprudentiæque Sacerdotem arguendum qui iis tam frequentem Communionem non indulgeat.

CAPVT XXXVII.

REFELLITVR ALTERA RATIO: Octiduanam illam omnium promiscuè hominum Communionem ad quotidianam primitiue Ecclesiæ Communionem propius accedere.



SUPEREST, vt eruditissimi Auilæ sententiam aspernere, quasi Ecclesiæ menti contrariam. Eius enim sensu sensum tuum adstruere moliris dum doces, Octiduanam Communionem ad Communionem quotidianam primitiue Ecclesiæ quam restitutam sacra Synodus Tridentina optauit, propius accedere. Hanc alteram rationem in opinionis tuæ præ-

fidium affers. De Synodo autem Tridentina iterum falsum scribi à te contendo, planeque profiteor, testari quidem Synodum votum suum esse, vt nunquam fiat Sacrum, quin aliqui Eucharistiâ impartiantur, sed quotidianæ fidelium omnium Communionis renouandæ nullam prorsus facta ab ea mentionem.

Quod ad primitiæ Ecclesiæ vsum spectat, jam à me responsum est, frequentem quam inducis Communionem, illi quidem fore finitimam, si eadem mente, eodemque affectu suscipiatur. Sin eius tantum speciem & quasi corticem habeat, absit autem comestio interior, quæ fidei integritate & charitatis ardore perficitur, quæque, vt SS. Patres asserunt, exteriori Communioni velut anima debet accedere; non secùs se habebit comparatio quam instituis, ac si hominem mortuum viuo homini dicas esse persimilem.

Atque hoc loco rursus proferre liberet eximium illum B. Bonauenturæ locum, qui jam à nobis Libri huius initio prolatus est; eum qui in primitiæ Ecclesiæ statu versetur, hoc est, qui baptismatis sanctitatem, vitæ innocentiam, charitatis ac Sancti Spiritus ardorem obtineat, primores illos Christianos, vt moribus, ita Communionis frequentiâ laudabiliter æmulari: Qui verò se in Ecclesiæ finalis statu, hoc est, in iis quæ ad Deum pertinent, frigidum remissumque deprehendat, consultiùs facturum, si rarò tantum Communionem vtatur. Quod si quis medio quodam modo se habeat, mediam itidem

*D. Bonau. in
4. sent. dist.
12. part. 2.
art. 1. q. 2.*

ab eo & quasi temperatam rationem tenendam, vt nunc à cœlesti menſa reuerentiæ cauſa ſecedat, nunc ad eam amore regrediatur; & pro eo quantam pietatis progreſſionem ſe feciſſe ſenſerit, duarum alteram vel frequentandi, vel abſtinendi conſuetudinem retineat, aut repudiet.

CAPVT XXXVIII.

REFELLITVR VLTIMA RATIO.

*Nullum eſſe vitæ genus in quo tempus non ſuppetat,
animo ad Dominicorum feſtorumque dierum
Communione præparando.*



Luce. 9. v. 55.

RATIO vltima quæ mentem tuam procul dubiò vna maximè afficit, hæc eſt, *Nullum eſſe vitæ genus in quo tempus deſit ſeſe ad Dominicorum, feſtorumque dierum Communione præparandi. Nescitis cuius ſpiritus eſtis.* Chriſtianæ legis mentem ac genium magnoperè ignoras. Altiffima Religionis noſtræ myſteria Phariſæorum normâ expendis. Ad rei prorſus externæ amuſſim, grauiffimam Chriſtiani hominis actionem exigendam putas?

Ergone omnem Euchariftiæ ſuſcipiendæ præparationem præuiis quibuſdam precationibus contineri cenſes, vt ſcilicet Communione dignus ſit, quiſquis eas per tempus euoluere potuerit? Quî tandem exploratum habes Sanctum Spiritum, temporum tuorum momentis ſeruiturum, ac poſteaquam ſeculo addictus hebdomadam ipſam in voluptatum, ambitionis & auaritiæ ſtudiis contriueris,

ueris, hoc est, tota hebdomada Deum animo memoriaque abjeceris, illum nihilominus ea sese lege obstricturum, vt die quoque Dominico necessariis gratiæ adjuuentis prosequatur, quibus à Sancto Sanctorum indignè attingendo vindicare?

Iubent SS. Patres ad definiendum præstet ne crebrius Communione vti an rariùs, meritorum cuiusque, animi affectuum, morum probitatis, vitæ integritatis, Sancti Spiritus munerum ac donorum haberi rationem: Tu verò, vt Chrysostomi verbis vtar, hominem ad tantum opus audendum, ad victimam quam Angeli trementes contuentur, attrectandam, præclarè instructum putabis, dummodo dierum Dominicorum festorumque intervalla, residuaque ab aliis negotiis tempora sequatur ac seruet?

*Chrysostomus.
3. in Ep. ad
Ephes.*

Si quis Rex fidelissimis quibusque subditis hoc meritorum præmium, atque hoc egregiæ in eos voluntatis suæ pignus constituisset, vt ad mensam regiam adhiberentur: nonne is risui meritò ac ludibrio habebitur, qui contendat jus cuiquam esse ad illas epulas accedendi eo solo nomine, quod tempore Regiam adeundi & ad conuiuium tam illustre se comparandi non deficiatur? Hoc idem à te peccari perspicuum est. Regum Rex summus ad eximiam & inauditam benignitatis specimen, incredibilisque in fideles seruos amoris argumentum non eos modo mensam suam dignatur, sed & corpore suo pascit, idem *Conuiuia & Conuiuium*, vt præclarè à B. Hieronymo scriptum est. Nullum diuinius ab eo

præmium charissimis amicis suauissimisque filiis hac in vita conferri: nullum æternæ quod iis in futuro seculo parat felicitatis dulcius pignus præberi potest. Tu tamen persuadere niteris, neminem esse adeò remissum, adeò à virtute ac sanctitate nudum & desertum, quin ad tam insignem gratiam ob id vnum quam sæpissimè aspirare debeat, quod nullum vitæ genus sit, in quo tempus & spatium ad frequentandam Communionem reperire non liceat.

Quâ in re plerorumque mundi amatorum similis es; quorum cum flagitiis, prauitatibusque omnibus inquinata vita sit, de salutis spe nihilominus sibi blandiuntur, dum horas pauculas quibus ad mortem se comparent, sibi à Deo concessum iri confidunt. Sicut enim hi ad felicem mortem satis esse putant, si modo breue tempus supersit, vt eam mente pertractent: ita frequenti Communione is probè dignus tibi videtur, cui otium non defuerit ad eam frequentandam sese accingendi.

C A P V T X X X I X.

*QVAENAM IN PRAESCRIBENDIS
Communionis temporibus peccatorum venialium ratio
habenda sit. SS. Patrum ea de re sententia.*

Aduersarius.

V. *S* Anctorum Patrum sententia est, hominem ob peccata venialia à Communione secedere non debere. *Augustinus & Hilarius disertis id verbis asserunt.*

RESPONSIO.



RECTE à B. Augustino est animaduersum, si Episcopum vt sine crimine, ita sine peccato esse debere Paulus statuisset, neminem ad hoc munus idoneum reperiendum fuisse. Quamuis enim qui Christianam Dei Spiritu duce ac moderatore vitam degunt, crimina, hoc est, delicta mortifera vitare debeant & possint, innumerabilia tamen peccata, quibus diuinæ justitiæ obnoxij tenentur, effugere non possunt. Simillimè hoc loco dicere licet, si peccata quælibet venialia nos ab Eucharistiæ Communione prohiberent, orbem vniuersum quasi generali quodam interdicto Sanctuarij arcendum aditu, nec caducis ac fragilibus homunculis, quales nos sumus, tanti mysterij sanctitatem atque præstantiam à Christo institutam visum iri. Veruntamen propositio à te vniuersè posita, eo videlicet animo, ne quam omninò cuiquam à Communionem per reuerentiam interdum secedendi causam relinquas, nonnullis cautionibus ne infirmiores ea ad suam perniciem abutantur, temperanda est & quasi munienda. Quatuor ergo jam proferam, quarum tres primas obiter perstringam, vltimam quæ ad institutum nostrum propiùs accedit, vberius paulò fusiùsque persecuturus.

Prima est, improbam hominum persuasionem quâ peccata venialia pro nihilo ducunt, nec minori quam laudatissima quæque opera confidentiâ sus-

cipiunt, eò jam processisse, vt permagni intersit eam non fouere mollioribus sermonibus ac disputationibus, delicta illa extenuando tanquam nihil ab iis metuendum, neque de iis magnoperè laborandum sit, ne quidem cum ad mysteriorum omnium maximè terribile acceditur.

Altera est, quamuis hæc peccata non vt mortalia vno animam ictu perimant; summo tamen studio ac diligentia prouidendum, vt eorum maculæ pœnitentiæ remediis, orationibus, eleemosynis, fortioribus animi inductionibus ex quibus certæ ac crebræ actiones consequantur, impuriorum hominum consuetudinis fugâ, frequentiore in priuatæ domus latebras secessu, operum denique pristinis operibus contrariorum vsu ac meditatione assidue deleantur. Ita desidia, occupatione; loquacitas, silentio; maledicentia, laude & commendatione; suspiciones iniquæ, interpretandi benignitate; nimia parsimonia atque in egenos durities, liberalitate ac munificentia; superbia, summissione & modestia; voluntatis alienatio, blandâ appellatione & amoris indiciis; segnities, vigilantia; voluptatum amor, sensuum castigatione & continentia; domestica denique acerbitas & iracundia, quibus exterior domus interiorque perturbatur, mansuetudinis ac morum commoditate compensabitur. Alioquin metuendum, vt rectè monet Augustinus,

August. homil. 50.

ne omnia illa peccata simul congregata velut scabies, nostrum decus ita exterminent, vt ab illius sponsi speciosi forma præ filiis hominum castissimis nos amplexibus separent.

Quare iusti hominis officium, quod ad peccata attinet, duplex ab eo constituitur. Primum, ut se à peccatis illis abstineat, quæ etiam crimina vocantur, hoc est, à peccatis mortalibus. Deinde, ut illa peccata sine quibus hic non uiuitur (hoc est venialia) mundare operibus misericordiæ *Et* pijs operibus non negligat. Quo magis prouidendum est, ne propositione tuâ adeò diffusâ & latè patenti fideles in peccatorum venialium diluendorum, etiam cum sanctissimum Sacramentum adire parant, obliuionem negligentiamque adducantur.

*Aug. Ep. 89.
Et lib. de perfect. iust. c. 9.*

Equidem dum quæ B. Hieronymus de studio quo S. Paula eiusmodi culpas assiduâ pœnitentiâ persequebatur, scripsit, commemoro, teneri non possum, quin ea hoc loco proferam, quò perspicuè intelligatur qua cura & diligentia piæ & religiosæ mentes vel minimas labes ingentis satisfactionis remedio abstergere laborent. Primaria illa scœmina Romanæ nobilitatis decus, cuius in omni vita singularis quædam castitatis ac pudicitix forma præluxerat, non minùs tamen duriter atque acerbè se habebat, ac si omnium scelerum, omnium flagitiorum impuritates in se suscepisset. *Super durissimam humum*, inquit Hieronymus, *stratis ciliciolis quiescebat: si tamen illa quies dicenda est, quæ jugibus penè orationibus dies noctesque iungebat*, illud implens de Psalterio, *Lauabo per singulas noctes lectum meum, lachrymis meis stratum meum rigabo. In qua fontes crederes lachrymarum, ita LEVIA PECCATA plangebat*, ut illam grauissimorum criminum crederes ream. Cumque à

*Hieron. in
Epi. aphro
Paula.*

nobis crebrius moneretur, ut parceret oculis & eos seruaret Euangelica lectioni, aiebat : Turpanda est facies, quam contra Dei præceptum purpurisso & cerussa & stibio sæpè depinxi : Affligendum corpus quod multis vacauit delictijs : Longus risus perpeti compensandus est fletu : Mollia linteamina & serica pretiosissima asperitate cilicij commutanda : Quæ viro & seculo placui, nunc Christo placere desidero.

Tertia cautio est, ut homines ad pietatis Christianæ cultum ex fœderis in baptismo initi lege probè instituerentur, distinguendum fuisse diligentius peccati venialis amorem & affectum ab ipso veniali peccato. Est enim constans Antiquitatis à Sancto in primis ætatis huius Episcopo nuper instaurata ac sine vlla dubitatione proposita pietatis norma, affectum istum justo frequentandæ Eucharistiæ esse impedimento; quemadmodum c. 22. demonstrauius, quem locum consulere pius Lector non grauabitur, ad pleniorẽ tantæ rei intelligentiam.

Quarta denique & postrema cautio, quæ regulam tuam generatim sumptam perspicuè refellet, hæc erit : etsi peccatorum omnium venialium commune sit, ut ab æterna diuini regni possessione non excludant, eorum tamen adeò variam & multiplicem esse rationem ac diuersitatem, ut eam confundi ac permisceri more tuo non oporteat, si liquidò internoscere velimus ecquæ eorum ad differendum tantisper Communione tempus merito adducere debeant. Alia voluntaria sunt, alia inuo-

luntaria, vt Patres loquuntur: Alia à peruerſa animi affectione & vitio, alia ab externa & aduentitia tentatione proficiſcuntur: Alia volentes ac ſcientes ſuſcipimus, in alia incauti atque imprudentes incurrimus: Alia vſus & aſſuetudo diuturnior, alia brevis & temporaria occaſio parit: Horum negligentia, illorum fragilitas: Horum malitia, illorum ignorantia mater eſt: Alia exteriora ſunt, alia interiora: Aliis magis, aliis minus animi caſtitas atque integritas violatur: Alia aliis proximi charitatem magis attingunt: Alia ſcandalo ſunt, alia non item: Aliis grauius, aliis leuius animi perturbantur: Denique alias eorum maior multitudo eſt, alias minor.

Si propoſitio tua omnia hæc peccatorum venialium genera & varietates complectitur, firmiſſima Chriſtianæ pietatis fundamenta ſubuertit, ſanctosque innumerabiles condemnat, qui nos ſolis peccatis venialibus ad religioſam interdum ac verecundam cibi huius cœleſtis abſtinentiam adduci debere, & monimentorum ſuorum & exemplorum autoritate docuerunt. Teſtimonia eorum pauca proferam è diuerſis Eccleſiæ ætatibus repetita, quò magis illius in hac doctrina conſtantiam perpetuitatemque agnoſcas.

B. Auguſtinus autor eſt peccata etiam venialia, quibus caſtitas paulùm inſuſcatur, præſertim ſi in ea ſæpiùs incurras, in Communionis indignè ſuſcipiendæ diſcrimen adducere, niſi priùs miſericordiæ operibus ſtudioſè redimantur. In ſermone

enim 244. de iis qui matrimonio intemperanter ac extra liberorum procreandorum fines vtuntur, hæc habet. *Sed dicis peccatum quidem est, sed tamen paruum est. Nec nos dicimus, quia capitale peccatum est. Sed tamen si frequentius exerceatur, & ieiunijs vel eleemosynis non redimatur, nimis immundam animam facit. Noli despicere peccata tua quia parua sunt. Nam & pluuiarum guttae sunt, sed flumina implent & moles trahunt, & arbores cum suis radicibus tollunt. Tu qui dicis, quia paruum peccatum est, velim scire quoties tale peccatum admittis, si tot paruulas plagas in corpore, & tot maculas aut scissuras in vestibus tuis fieri velis. Cum ergo in corpore tuo plagas, nec in veste tua scissuras vel maculas fieri acquiescis, quâ conscientiam tot facere in animâ tuâ non metuis? Ac sic quicumque hoc fecerit, plus amat vestem aut carnem suam quam animam. Cum enim ad imaginem Dei facti simus, quoties aliquid turpe aut loquimur aut facimus, toties Dei imaginem sordidamus. Etiam videte si hoc deceat vos, aut oporteat. Verè dico vobis, fratres charissimi, quia non hoc de nobis Deus meretur, ut in nobis imago ipsius per malas concupiscentias iniuriam patiatur. Et cum nullus homo velit cum tunica sordibus plena ad Ecclesiam conuenire, nescio qua conscientia cum anima per luxuriam sit inquinata præsumit ad altare accedere, non timens illud quod Apostolus dixit: Qui enim manducat Corpus, & sumit Sanguinem Domini indignè, reus erit Corporis & sanguinis Domini. Si erubescimus ac timeamus Eucharistiam manibus sordidis tangere, plus debemus timere ipsam Eucharistiam intus in anima polluta suscipere.*

Hoc

Hoc vno testimonio SS. Augustini & Hilarij, in quibus sententiæ tuæ fundamentum præposterè collocaſti, doctrina à tuis conatibus abundè vindicatur. Nihil enim habes quod à duobus illis Patribus proferas, quam quod antea 14. capite protuliſti. Iam verò ad eum locum à nobis ostensum est in Hilario adeò improuidè citando quàm sis harum rerum rudis & insciens, teipsum satis prodidiſſe. De Augustino verò, qui vnus testimonij quod duobus illis Patribus assignas germanus autor est, jam eum non suo nomine loqui, sed aliorum rationes & verba proferre ostendimus. Ex quo fit, vt monita & documenta in eo sermone descripta tanto plus ponderis habeant ad veram ipsius assequendam sententiam. Nam & Epist. illa 118. de eo quod vulgò vsu venit, ac de peccatis venialibus in quæ naturæ imbecillitate assiduè impingimus, intelligi debet.

Gregorius Magnus qui Ecclesiasticæ inferiorum temporum doctrinæ testis idoneus esse potest, ita loquitur. *Qui quotidie non exhaurit quod delinquit et si minima sint peccata quæ congerit, paulatim anima repletur, atque ei meritò auferunt fructum internæ saturitatis. Hac repletionem nos euacuare Paulus insinuans, ait, Probet seipsum homo, & sic de pane illo edat & de calice bibat. Quid est enim hoc loco probare, nisi euacuatâ peccatorum nequitia se probatum ad Dominicam mensam & purum exhibere?*

Gregor. lib:
2. in 1. Reg.
c. 1.

S. Bonauentura, cuius ætas postremis seculis finitima est, Libro de Præparatione ad Missam hæc scribit: *Proba teipsum ex quanta charitate & quali fer-*

uore accedis. Non solum enim mortalia vitanda sunt, sed etiam venialia peccata per negligentiam & otium multiplicata, & etiam per inconsiderationem ac per distractionem dissolutæ vitæ & malæ consuetudinis, licet non occidant animam, tamen reddunt hominem tepidum, grauem, & obnubilatum, & indispositum, & ineptum ad celebrandum, nisi dicti pulueres & stipulæ venialium per afflatum spiritus & flammam Charitatis ventilentur & consumantur exardescente igne cordis, & ex consideratione propriæ vilitatis. Ideò caue ne nimis tepidus & inordinatus accedas & inconsideratus: quia indignè sumis, si non accedis reuerenter, circumspectè & consideratè. Vnde Apostolus, Iudicium sibi manducat & bibit. Quod aperitiùs insinuat dicens, Ideò inter vos imbecilles multi, scilicet per fidei inconstantiam; & infirmi, id est, graui peccato sauciati; & dormiunt multi, scilicet per torporem & desidiam. O quam graues angustiae me undique affligentes! Accedere indignè, horrendum: non accedere ex notabili negligentia vel contemptu, damnabilis est culpa.

His præclarissimis B. Bonauenturæ vocibus tuum illud decretum funditus corruere vel tu ipse fateare necesse est. Disertissimè enim asserit, non mortiferis tantum sed & venialibus peccatis si per negligentiam ac desidiam coaceruentur, animum ab ea affectione & statu, quem mysterij huius excelsitas postulat, depelli ac dimoueri.

Postremò, vt ad nostram ætatem accedamus, beatæ memoriæ Episcopus Geneuensis adeò ab illo tuo placito abhorret, nullam in Communiorum temporibus præfiniendis peccatorum venialium habendam

esse rationem, vt ad primariam spectatæ virtutis fœminam scribens, cui testimonium illustre tribuit, sensum animi, quo sibi tota Deo addita videretur, minimè esse fallacem, eam tamen ob vuculas acerbiores quæ ipsi per impatientiam excidere solebant, à Confessario frequentioris Communionis solatio multatam, vehementer probet. *Quod Confessario*, inquit, *morem gessisti rectè ac prudenter à te factum est*, siue tibi crebrioris Communionis solatium eripuerit, vt tui periculum faceret; siue quod impatientiæ frangendæ, sanandæque non satis studeres. Imò verò utramque ob causam, id ab illo factum, tibi que ea in pœnitentiâ quoad iusserit perstandum esse existimo. Nihil enim ab eo nisi perspectè & sapienter fieri statuere debes. Quod si modestè ac demissè obedieris, vberior tibi & fructuosior vel vna Communio fuerit, quam duæ, tresve alia mente susceptæ. Nunquam enim salubrior cibus est, quam cum ab exercitato & esuriante percipitur. Interuallo autem esuries atque appetentia crescet; comprimendæ verò impatientiæ exercitatione stomachi spiritualis vis ac firmitas redintegritur. Intereà placidè ac tranquillè humilitatem cole, ac propriæ abiectionis amorem frequenta. Chananæ partes tantisper suscipe. Etiam Domine, exclama, indigna sum quæ filiorum pane reficiar. Canis utique sum quæ proximum quemque iracundo & præcipiti sermone allatrem & inuadam. Quod si canes integro pane non fruuntur, micæ certè è mensâ Domini defluentes accipiunt. Ita suavissime Domine, si minùs tuum sanctissimum corpus, gratiæ saltem stillas quas in eos qui ad ipsum amore se applicant, effundit, supplex postulo.

*Epist. lib. 2.
Ep. 39.*

CAPVT XL.

EXEMPLA SANCTORVM ILLVSTRIVM
*qui ob peccata venialia seipsos & alios à Communionem
 submouerunt.*



AM verò ad conuellendum apertius
 tuum hoc effatum, *Sanctorum esse sen-
 tentiam, nemini ob peccata venialia à Com-
 munionem secedendum*, operæpretium fue-
 rit vt proximè Sanctorum verbis, sic
 nunc eorundem factis illud refellere, rationisque
 ipsorum pondus exemplorum autoritate cumu-
 lare.

B. Chrysostomus (vt in Vita ipsius à Palladio
 qui eum familiariter nouerat, scripta memoratur)
 cum in Episcoporum cœtu Constantinopoli adef-
 set, atque ex iis vnus, Eusebius nomine, Antonini
 Ephesini Episcopi accusatorem se profiteretur, ma-
 gnoperè petiit ab eo, antequam accusationis capita
 cognoscet, ne longiùs progrediretur, spondens, si
 quid offensus aut violatus esset, se iniuriam farcien-
 dam curaturum. Cumque Paulum Heracleensem
 Episcopum qui Antonino fauere videbatur esset
 hortatus, vt eos in gratiam reduceret, ingressus est
 in Ecclesiam instante sacrificij tempore, & benedi-
 ctione populo impertita cum aliis Episcopis conse-
 dit. Ibi Eusebius eodem furtim ingressus accusa-
 tionis libellum vniuerso inspectante populo ei ob-
 tulit, horrendis vocibus contestans, vt iustum sibi

judicium redderet. Tum Chrysostomus obsecrationibus eius permotus libellum accepit, ne quid turbæ popularis oriretur, & cum Scriptura Sacra de more publicè prælecta esset, rogato quodam Episcopo vt Sacrum faceret, continuò excessit è templo; eo quod *animo*, inquit Palladius, *commotiore sacrificium offerre nollet*.

Quo tamen loco si propiùs inspicias, nihil in viro sanctissimo reperiesset, nisi continuam charitatem, ac miram animi tranquillitatem, quæ pacem non modo sibi retineret, sed aliis eam violentibus restituere conaretur. Quoniam verò alienæ perturbationis aspectus ipse nonnullà mentem ipsius quasi nebulà & caligine fortè suffuderat, idoneam sibi causam esse statuit, quamobrem ab altari quo jam ascensurus erat discederet, ingentemque fidelium multitudinem cœlestis cibi proprij Pastoris manu accipiendi solatio fructuque priuaret.

Hinc profecto perspicuè patet, quam is aduersus insignem illum Doctorem injurius fuerit, qui in iis quæ de summâ ac singulari animi integritate ad tanti mysterij susceptionem adhibenda disse-ruit, verborum cum exaggeratione & hyperbolarum oratoriarum licentia abusum esse suspicetur. Ab eo enim reuerentiæ causâ ob rem adeò, vt videbatur, leuem ipse se subtrahens, quam in aliorum mentibus insculpere studuit, hanc ei ipse venerationem ac reuerentiam primus exhibuit. Nec quiscquam orationem ipsius in modici feruoris, alienæque à veritate redundantia arguere possit, quia

idem factum ipsius nimiae religionis, superstitosæque imbecillitatis damnet, & Orientalium Episcoporum generosissimo ac firmissimo degeneris & improuidæ humilitatis crimen obijciat.

Quod si tu tanta audacia es, zeli istius imperum in S. etiam Hieronymum conuerte, qui contra Vigilantium scribens, hæc de seipso profitetur: *Quando iratus fuero, & aliquid mali in meo animo cogitauero, & me nocturnum phantasma deluserit, basilicas Martyrum intrare non audeo, ita totus & corpore & animo pertremisco. Rideas forsitan, & muliercularum deliramenta subsannes. Non erubesco earum fidem, quæ primæ viderunt Dominum resurgentem; quæ mittuntur ad Apostolos; quæ in matre Domini Saluatoris Sanctis Apostolis commendantur.* Ita qui ad propugnandam Reliquiarum sanctitatem summorum Christianæ Religionis virorum eruditionem & sapientiam æquabat, is se ad illas adcundas infimis mulierculis animo verecundia parem fuisse ibidem ostendit.

Statue nunc ex hisce Hieronymi vocibus, num is opinioni quam Sanctis attribuis Communio- nem ob peccata venialia minimè differendam, esset assensus, cum ob iracundiæ motum, ob cogitationem intemperatiorem, ob nocturnam illusionem, quæ sæpè culpâ vacant, ne in Martyrum quidem basilicas ingredi auderet? An ille ad altare tremendum aspirasset, tum cum ne ad Sanctorum quidem Reliquias adstare sustineret? An maiorem aduersus feruum, quàm aduersus Dominum reuerentiam exhibuisset? An præsentia illius cuius ma-

jestas & gloria Angelos ipsos diuino quodam horrore percellit, leuiorem illi terrorem incussisset, quàm præsentia sacrorum corporum, quæ in his etiamnum infimis locis constituta venturæ gloriæ expectatione ingemiscunt? Postremò an cineres mortuos, qui à semine vitæ quod immortalis ac viuificæ carnis Christi contactus, ex SS. Patrum omnium consentienti doctrina ipsis iniecit, præcipuum decus ac dignitatem trahunt, magis colendos suspiciendosque censuisset, quam illam ipsam carnem à qua tantus ad eos splendor sanctitasque peruenit? Hanc profectò mentem & cogitationem in sani hominis sensum conuenire non putem. Nec verò quæquam est cui minùs quam Hieronymo congruat, cum nemo nesciat, quàm vehementer infectetur eos, qui post matrimonij vsum, cum in Ecclesiam ingredi non auderent, sacram Communionem domi priuatim sumebant, atque ita præpostero mentis errore cum ad subeundas basilicas Martyrum minùs puri sibi viderentur, ad Regem ipsum Martyrum in se recipiendum satis puros & integros se esse censebant. Fatere ergo Hieronymum valdè censuisse, vt ob veniales culpas sacra interdum Communio differretur; adeoque erade ipsum ex albo Sanctorum, quo faciliùs efficias sententiam tuam sententiam esse Sanctorum.

Verum aliis etiam exemplis demonstremus religionem istam sanctioremque metum in generosissimas mentes atque in altissimorum quorumcumque animorum firmitatem & fortitudinem

*Hieron. in
Apologia pro
Libris adu.
Iovinian.*

cadere. Theodosius Magnus (vt in Historiæ Ecclesiasticæ monimentis est proditum) cum de Eugenio tyranno gloriosissimam ac miraculis insignem victoriam deportasset, de quâ à Deo ipso eximij cuiusdam solitarij voce præmonitus fuerat, in qua sub eius quasi signis atque auspiciis venti tempestatesque militauerant; quaque Christianæ Ecclesiæ pax, atque Orbis vniuersi tranquillitas stabilita ab eo est; cœlestis mensæ sanctitatem attingere diutius non est ausus, cum ad diuinissimum altare hostium licet justissimè fuso cruore respersas manus afferendas non putaret. Ita cum Davidis pœnitentiæ singulare exemplum publica pœnitentia pius Imperator esset imitatus, eundem rursus hoc facto æmulatum videmus. Idipsum enim pietate sua impulsus præstitit quod à Dauide Dei iussu præstitum est, à quo mandatum accepit, ne Templum vbi arca Eucharistiæ figuram præferens asseruabatur, ædificandum susciperet, quod Israël ac Dei ipsius hostium sanguis ab eo fusus esset.

*Basil. Epist.
1. ad Amph.
can. 13.*

Quod si hanc Theodosij humilitatem quasi inconsultæ pietatis fructum minùs probas, scito eam Christianæ Religionis legibus adeò respondisse, vt, autore Basilio, qui in bello hostem interfecissent, diutius ab Eucharistia Ecclesiæ interdicto remouerentur. Vt hinc planum fieret, quantam animi integritatem ad mysteria illa afferri oporteret.

Quare S. Ambrosius in funebri tanti Imperatoris laudatione præter alia eximia facinora quæ insignem illi in Ecclesia nominis commendationem pepererunt,

pepererunt, hoc ipsum singularis Elogij prædicatione exornat, pœnitentiamque illius hac velut superemâ laude absoluit. *Dilexi, inquit, virum, qui magis arguentem quam adulantem probaret. Strauit omne quod utebatur in signe regium: defleuit in Ecclesia publicè peccatum suum, quod ei aliorum fraude obrepserat. Gemitu & lachrymis orauit veniam. Quod priuati erubescunt, non erubuit Imperator publicè agere pœnitentiam; neque ullus postea dies fuit, quo non illum doleret errorem. Quid quod præclaram adeptus victoriam, tamen quia hostes in acie strati sunt abstinuit à consortio Sacramentorum, donec Domini circa se gratiam filiorum experiretur aduentu.*

Tanti Principis pietas honorificentissimo B. Ambrosij testimonio commendata, omnibus sine dubio admirationi ac venerationi esse debet. Atque harum actionum quarum altera pœnitentiæ, altera humilitatis est, ab eo expressâ conjunctio & societas præcipuè indicat, vtramque ab eodem fonte proficisci. Fit enim eiusdem gratiæ instinctu atque impulsu, vt peccator lethalia vulnera pœnitentiæ labe curaturus, se Eucharistiæ vsu per plures menses prohiberi æquo animo ferat, (sicut id ipsum tantus Imperator octo menses patientissimè tulit) & vt ob leuiores peccati venialis nauos, imò verò ob indecorum nonnunquam potius quam peccatum, per dies aliquot à Communione secedendum sibi existimet. Pœnitentiæ sensus vtrumque suscipi iubet, impœnitentiæ contumacia sæpenumero vtrumque repudiat. Christianæ humilitatis vis à Sancto Sanctorum attingendo interdum auertit;

humanæ superbix elatio ad Christi corpus quouis tempore, quouis modo, post quævis scelera ac flagitia in tremendis altaribus sine vlla dubitatione inuadendum nonnunquam extimulat.

Hunc cultum, hanc reuerentiam aduersus Sacram Eucharistiam exhibuit vir totius orbis reuerentiâ honestatus. Hæc mens, hæc religio fuit prudentia & pietate illustrissimi Romani Imperatoris, puro ac sincero Ecclesiasticæ doctrinæ lacte nutriti, diuina Ambrosij disciplina exculti, post mortem denique sanctitatis laude ac titulo ab eo ipso insigniti, à quo dum viueret, plurimum opis ac subsidij ad comparandam sanctitatem acceperat. Nonne est igitur quod te jam pudeat, Ambrosij nomine asseuerasse, *Communione intermissione maiorem Eucharistia cultum ac reuerentiam minimè adhiberi?* Nonne est quod pius lector admiretur, eas nobis hodie actiones esse purgandas, quas SS. Patres ad cælum vsque extulerunt, censuramque & vituperationem nouitij Doctoris Veterum Ecclesiæ Catholicæ Doctorum & luminum testimoniis ac laudationibus esse refellendam?

Sozomen. l. 8.
c. 6.

(Verum vt Ambrosij dicta audiuius, sic facta contemplemur. Vnus è Diaconis ipsius Gerontius nomine (vt apud Sozomenum legitur) cum dæmonem noctu apparentem catenis à se constrictum fuisse ridiculè iactasset, ei ministerio interdixit, iussitque eum aliquandiu domi se continere, sermonis quem Christi ministro indignum iudicabat, leuitatem pœnitentiæ operibus expiaturum. Impe-

ratæ quippe illi secessionis quam Eucharistiæ abstinentia necessario consequeretur, hæc vna causa ab Scriptore illo memoratur. Vides ergo Ambrosium nihil hoc in genere locutum, nisi ad Ecclesiæ mentem quam non minùs institutis quam sermonibus subsequeretur: nec tantum ob leuiiores culpas, aut etiam leuiori interdum de re Communionem censuisse honoris causa posse differri, sed etiam ob erratum quod lethale non videbatur, ob solam linguæ intemperantiam Communionis dilationem vltro imperasse.

Vis etiam exemplum addam viri sanctissimi cuius in Ecclesia eminuit dignitas illustrior, autoritas grauior. Gregorius Magnus (vt in eius vita habetur) cum accepisset hominem quendam pauperculum in vico Vrbi vicino mortuum repertum, metuens ne sua culpa fame aut egestate interiisset, per dies aliquot à sacris altaribus secedens, pœnitentiæ se dedit. Ita eximius Pontifex fideles cœteros non minùs virtutis quam dignitatis excellentia supereminens, cuius in pectore ea vis charitatis ardebat, vt ad sacrificium illud amoris Deo assiduè offerendum satis instructus videretur: quique id muneris eo magis sibi necessarium ducere poterat, quod consentaneum appareret, vt vniuersalis Ecclesiæ Pastor adorandam illam, in fidelium omnium curæ suæ concreditorum salutem & fructum, victimam perpetuè immolaret; subueritus per quendam suspicionis odorem, ne qua in re proximi charitati defuisset, altaria deserit, ac singulari hu-

militatis exemplo cœlestium sibi ipse mysteriorum celebrationem interdicit. Et tamen tua illa mirifica norma statuere nos iubebis, nefas esse quenquam ob peccatorum venialium lapsus, humilitatis ac reuerentiæ studio tantisper à Communionem secedere?

De S. Romualdo memoriæ proditum est, eum Religiosos qui orationis tempore somni obrepentis illecebris aliquantulum cessissent, ne Sacrum postea facerent, prohibere solitum esse.

S. Malachias à B. Bernardo laudatur, quod Diaconum qui præcedenti nocte ludibrium passus, nihilominus ad sacrum altare ministrauerat, verbis castigauit. Quem cum ei pœnitentiam imponeret, ita affatum scribit. *Non debueras hodie ministrasse, sed verecundè te subtrahere sacris, & deferre tantis tamque diuinis Mysterijs, vt hac humilitate purgatus dignius exinde ministrares.*

Quin etiam vt ad inferiores Ecclesiæ ætates delabamur; quibus hunc sensum in Sanctorum animis à Spiritu Sancto conseruatum semper intelligas: nonne ab Historiarum Scriptoribus est animaduersum, illustrem illum Martyrem, Angliæ Præfulum decus, S. Thomam Cantuariensem Archiepiscopum, quòd Regis leniendi ac Cleri ab imminente vexatione vindicandi spe adductus, de solito Ecclesiasticæ libertatis asserendæ vigore ac firmitate nonnihil remisisset, seipsum à Missæ sacrificio exclusisse, nec ad altare nisi absolutione sibi à Summo Pontifice impartita regredi voluisse.

Nonne legimus nostra etiam memoria S. Carolum Borromæum, cum in Missæ ritibus nonnihil ab eo peccatum esset, pluribus diebus pœnitentiæ causa à Sacrificio se abstinuisse, eamque secessionem pia humilitate susceptam diutiùs propagaturum fuisse, nisi populi qui ipsum ad altare ociùs contemplandi, fructusque ex ipsius sacrificiis capiendi desiderio inflammabatur, studiis ardentibus cedendum existimasset.

Nec verò præclaros illos Antistites fugiebat nota illa venerabilis Bedæ, toties decantata, toties ab imperitis hominibus in peruersum vsum detorta vox: *Sacerdos non legitime impeditus celebrare omittens, quantum in eo est, priuat Sanctam Trinitatem laude & gloria; Angelos letitia; peccatores venia; justos subsidio & gratia; in purgatorio existentes refrigerio; Ecclesiam spiritali Christi beneficio, & seipsum medicina & remedio.* Sed neque fugiebat eos sacrificium justè ac legitime omitti, cum pœnitentiæ spiritu ob leuiores etiam culpas omittitur; Deum qui à solis humilibus honoratur, contriti coram ipso atque humiliati cordis Sacrificium velut hostiam sibi gratissimam accipere; Angelos qui improborum quorumque pœnitentiâ delectantur, piorum nihilominus pœnitentiâ delectari: Et Episcopi lachrymas, quæ olim cum pœnitentium semper lachrymis conjungebantur, apud Deum ad eius misericordiam peccatoribus, munificentiam justis, indulgentiam mortuis, beneficia Ecclesiæ, ipsimet gratiam eliciendam quamplurimum valere.

Iam ergo tot Patrum testimoniis, tot Sanctorum exemplis fixum atque indubitatum manet, quamvis non semper adeundæ Eucharistiæ lapsus veniales impedimento esse debeant, cum præsertim ab humana potius imbecillitate, quam à culpa aut negligentia proficiscuntur; tamen accidere interdum, ut ob errata illa humilitatis ac reuerentiæ sensu à Communione secedere vehementer expediat, ubi Dei instinctu eò impellimur, talemque pœnam adhibendam deprehendimus, tum ut maculæ quibus infecti videmur abstergantur, tum ut ad eas fugiendas diligentiores in posterum euadamus. Et hæc est mens beatæ memoriæ Episcopi Geneuensis, qui ad matronam virtute ac pietate præstantem scribens, ita loquitur. *Jam tuæ tibi mentis cura seriò habenda est, ut pro tot tamque ardentibus votis tuis puriorem eam in dies ac firmiorem efficias. Nec ab re censeo te tantisper sacrâ Communione priuari, quandoquidem ita visum est moderatori tuo, si fortè ipsum Eucharistiæ desiderium majorem etiam vitæ emendandæ curam tibi ac diligentiam allaturum sit.*

*Epist. lib. 2.
Ep. 52.*

PRIMÆ PARTIS FINIS.



DE FREQUENTI
COMMUNIONE,
ADVERSUS COMMENTARIUM,

cui titulus: *Quæstio, Vtrum præstet sacra Communionem frequentius uti, an rarius.*

PARS ALTERA.

IN QVA EXCVTITVR HÆC QVÆSTIO,
An præstet, atque Animarum saluti expediat, homines peccatorum mortalium conscios, mox à Confessione ad Communionem se conferre, an tempus aliquod spatiumque sumere, quo priusquam sacris se fistant altaribus, peccatorum maculis pœnitentia diluendis incumbant.

CAPVT PRIMVM.

QVÆSTIO EXPONITVR, ET IN TRIA
Capita distribuitur.

Series verborum Aduersarij.

VI. *S* Anctorum etiam sententia est, peccata mortalia Communioni officere non debere, modo Contritio adsit, & antecedat Confessio ubi est copia Sacerdotis, juxta Apostolum 1. Cor. c. 11. Chrysostomus, Augustinus, Anselmus, Theophilaëtus id satis innuere videntur. Nicolaus I. Gregorius VII. Concilium Colonienſe, Isidorus disertis verbis id docent, Omnes Scholæ Theologi hoc idem inculcant, Synodus Tridentina à peccatore, ut fructum è

sacra Communionem capere possit nihil aliud postulat, nisi ut conteratur, ac si adsit Confessor, confiteatur. Non postulat ante Communionem plures dies agenda pœnitentiæ tribui; nec unquam talem usum & praxim Ecclesia tenuit. Tantum qui ob atrocia crimina publicæ pœnitentiæ subijciebantur, Communionem, quoad reconciliati essent, abstinebant. Verum aduersus Ecclesiæ præsentis usum nihil inde effici potest. Atque ut talis mos olim tenuisset, cum eum Ecclesia jam omiserit, nemo priuatus ab usu & praxi vulgari sine temeritatis nota discedere potest.

R E S P O N S I O.



QUO spiritu agaris nescio, ut tantum pœnitentiæ odium tam apertè significes. Verum haud facilè crediderim omnes, qui Christianam pietatem ex animo profitentur, adeò tenui eius tuendæ studio teneri, ut te vnum è præcipuis illius fundamentis subuertere æquo animo ferant, nec aliquantum commoueantur, cum te non minori æstu ac vehementia in eos inuehi videant, qui singulari Dei munere de ruinis suis reparandis, vulneribusque curandis sedulò cogitantes, dies aliquot, aut si opus sit, menses ante Communionem pœnitentiæ dare instituant, quam si de insigni aliqua seculi prauitate & corruptela ex hominum mentibus extirpanda ageretur.

Quod nisi veritatem aperiendam & illustrandam potius, quam intemperiem istam exagitantem mihi esse statuissem, nonne atrocem quam Ecclesiæ

Ecclesiæ imponis iniuriam vehementiùs exprobrare hoc loco liceret? Pœnitentiam enim quam fides vnicum peccatoris post ruinam perfugium, vnicam post naufragium tabulam, vnicam Dei post grauissimam offensionem placandi viam, cœli gaudium, terræ leuamen agnoscit, adeò è Christianorum mentibus hoc tempore esse deletam contendis, vt sanctissimæ illius partes ac munera in criminibus numerari jam queant.

Verum vt ne egrediar è cancellis quos ipse mihi circumscripsi, atque vt quod à te confusè ac perturbatè proponitur in aliquem ordinem adducam, cum hic quæratür conducibiliùs ne sit ac fructuosiùs hominibus peccatorum mortalium sibi confeciis, statim à Confessione Communionem adire, an tempus aliquod spatiumque sumere, quo priuſquam sacris se sistant altaribus peccatorum maculas pœnitentia diluant totam responsionem meam in tres Partes distribuam.

In prima omnia Scripturæ, Patrum & Conciliorum, quibus sententiam tuam fulcire niteris, testimonia paucis expendam.

In altera planum faciam verumne sit quod affirmas, nunquam Ecclesiæ fuisse morem, vt ante Communionem pluribus diebus pœnitentiæ incumberetur.


In tertia demonstrabo quid censendum sit de temeraria censura, qua temeritatis arguis eos, qui hisce temporibus pœnitentiam, vt Canones loquuntur, honorant carnisque vexatione, ac pio-

rum operum officiis Dei misericordiam flectere student, antequam ad Sancta Sanctorum accedere audeant.

Et quoniam ista quam hic spiras acerbitas satis prodit, tibi illud ipsum quod ad fidelium pietatem incendendam plus valet majori offensione & scandalo esse, nec minùs tibi propositum esse ac deliberatum homines à pœnitentia deterrere, quam ad Communionem præcipiti leuitate compellere, veniam dabit ac boni consulet æquus lector, si hic paulò diutiùs immorer; vt in re tam graui verum ac germanum Christianæ pietatis sensum, ab adulterinarum tuarum opinionum contagione vindicem.

CAPVT II.

*QVÆSTIONIS PARS PRIMA:
in qua testimonia omnia, in eos qui peccatorum mortalium
pœnitentiam certo tempore peragendam ante Communionem
decernunt, ab aduersario prolata refelluntur.*



ECVRE admodum veluti de re certa, Patrumque omnium consensu explorata pronuntias, Mortalia peccata vt primum Confessione prolata sunt, minimè officere quin ad Communionem statim aduoletur. Atque vt imperitis fucum facias, multorum nomina Patrum appellas nulla eorum voce subiecta, eo videlicet consilio, vt & doctrinæ fallaciam tantorum in Ecclesia virorum titulis commendes, & illius reprehensionem diffi-

ciliorem efficias, cum ei qui refellere illam instituat, tot volumina solo verbo temerè citata scrutari & inuestigare necesse sit: quæ tamen ars quo minus tibi ex sententia cedat facilè me perfecturum confido.

Ac ne multis morer, fateor primum mihi non constare quid illo Apostoli loco I. Cor. II. probare instituas: sic enim agis quasi omnis quam ad sumendum Christi Corpus Apostolus exigit animi præparatio, sola Confessione contineatur. Quæ quidem manifesta scripturæ corruptela ac deprauatio fuerit. Docet quippe Paulus summam curam & diligentiam adhibendam, vt ad tantum Mystrium mente probè instructa & composita accedamus, ne ex eo non salus nobis sed perniciēs ac damnatio existat. Atque hinc aduersus nostrorum temporum hæreticos rectissimè colligimus cum ad diuinam illam mensam, casti animi integritatem afferri oporteat, qui eandem in se criminum mortalium impuritatibus violarint, eius instaurandæ vias à Christo traditas ingredi, constitutumque ab eo in Ecclesia tribunal adire debere, vt sua illis peccata Sacerdotum opera ac ministerio remittantur. Ad hunc nempe modum Pauli præcepto probare se quemque iubentis antequam Panem Cœlestem edat, peccatorum Confessio continetur. Qui verò ita hoc interpretari velit, vt nihil præter Confessionem præcipi statuatur, debitum ineffabili Sacramento honorem ac reuerentiam indignis modis deprimet atque deiiciet, & ipsis Apostoli verbis,

vt de Patribus interim taceam, facilè refelletur.

Vt enim auctor Commentarij qui Anselmo adscribitur, & ante illum Augustinus præclare animaduenterunt, Apostolus Corinthios Christi Corporis indignè habiti non arguit, eo quod ipsum animo ingentium criminum conscientia oppresso, prætermissa Confessione susceperint; sed quod cœlestem illum cibum non satis à terrenis ac vulgaribus cibis, eximia quadam & illi propria veneratione secreuerint. Quod quidem ex eo liquere affirmant, quia postquam scripsit de tali homine *judicium sibi manducat & bibit*, continuò subiicit, *non dijudicans Corpus Domini*. Non igitur id agebat potissimùm Apostolus, vt qui sacra Communionem pascitur peccatis mortalibus vacet, quales Corinthiorum plerosque tum fuisse nemo dubitarit: sed majus quiddam spectabat, vt videlicet ad tantum Mysterium præter animi castimoniam peccatorum mortalium immunitate majorem, præcipua quædam animaduersio & religio singularis adhibeatur. Quare B. Bonauenrura non veretur affir-

*De preparat.
ad Miss. c. 5.*

mare, ad hoc vt quis ex Apostoli mente seipsum probet, necesse esse vt consideret ex quanta charitate & quasi feruore accedat. Neque solum mortalia vitanda esse, sed etiam venialia peccata, quæ per negligentiam & otium multiplicantur, & etiam per inconsiderationem & distractionem dissolutæ vitæ. Indignè illum Eucharistiam sumere qui non accedit reuerenter, circumspectè & consideratè talesque inter illos computari qui secundum Apostolum iudicium sibi manducant & bibunt.

Atque, vt rem à principio & fonte repetamus, sicut Apostolus quæ nobis tradidit à Domino se accepisse testatur, vniuersa illa legitimarum ad Eucharistiam præparationum ratio, ipsa Christi Mysterium hoc in mortis suæ memoriam celebrari iubentis præceptione continetur. Oportet enim, auctore Basilio, quem suprà retulimus, vt quisquis accedit ad Corpus & Sanguinem Domini in commemorationem eius qui pro nobis mortuus est ac resurrexit, non solum purus sit ab omni inquinamento carnis & spiritus, ne iudicium sibi manducet & bibat : verum etiam apertè palamque ostendat, se memoriam eius recolere qui pro nobis mortuus est ac resurrexit, exhibendo se mortuum mundo, peccato, ac sibi ipsi, viuentem autem Deo in Christo Iesu Domino nostro. An videtur obsecro vir tantus solam peccatorum Confessionem exigere, vt ex Christi atque Apostoli mente diuinissimum illud Corpus edere quis & Sanguinem bibere mereatur, postquam illum ipsum Sanguinem, per lethalia quibus se obstrinxit flagitia polluerit toties & conculcarit ? Sed de hoc argumento iam satis. Infrà à nobis explicabitur : nunc cætera quæ affers testimonia persequamur.

Chrysostomus, inquis, Augustinus, Anselmus, Theophilactus satis id nobis innuere videntur, hoc est, peccata mortalia simul ac Confessio præmissa fuerit, Communionem nihil morari. Quin tu eadem opera Cyprianum, Basilium, Hieronymum, Ambrosium, Theodoretum, & quantum velles SS. Patrum vna congregabas ? Eos enim sententiæ tuæ patrocinari nihilo

Lib. 1. de Bapt.
tism. c. ult.

impuniùs asserere potuisti, nec rudes & minimè mali homines verbo tuo fidem ægriùs haberent. Adeone ubi æterna fidelium salus agitur, & viuorum credulitatem, & demortuorum auctoritatem ludificari, ac S. S. Patribus pro libidine affingere, quæ ne per somnium quidem cogitarint, imò quæ planè refellerint?

*Homil. 8. in
Epist. ad E-
phes.*

An enim post admissa peccata mortalia, Confessionem solam adhibendam, nec plures dies ante Communionem pœnitentiæ incumbendum censuit Chrysostomus, qui ubique docet; *Quicumque agant pœnitentiam ne Sacrificio quidem interesse oportere, utpotè qui obtemperare debeant Diacono proclamanti: EXEANT QVOTQVOT SVNT IN POENI-*

*In parabol. de
Prodigio.*

TENTIA. Qui cœlestis gratiæ patrimonium dissiparint, ijs quidem incumbere ut in diuinissimi Patris familias domum remigrare studeant, non tamen ut ad tremendam & mysticam mensam statim accedant. Non confestim ijs ad sanctorum mysteriorum Communionem adspirandum, sed sensim tantummodo, & ubi sacris diuini verbi laticibus sordes absterferint. Denique cum Sancta Sanctis demum conueniant, qui sanctus non sit eum ab illa mensa recedere debere, quique ad ipsam accedere audeant, non à vitiorum modo cæno purgatos, sed virtutum ornamentis & bonorum operum diuitiis honestatos esse oportere.

*Homil. 17. in
Ep. ad Hebr.*

An tuæ sententiæ accedit Augustinus, dum toties scribit in hunc modum: “ *Qui pro illis peccatis quæ legis Decalogus continet, & de quibus Apostolus ait, quoniã qui talia agunt regnum Dei non possidebunt, (hoc est pro peccatis mortiferis) pœnitentiam agunt, remotos esse à Sa-*

*a Hom. 50.
hom. 27. Ep.
108.*

cramentis altaris participandis. ^b Hanc ab ipsis pœnitentibus aduersus semetipsos sententiam proferri oportere. ^c Eos optimè hoc pacto prouidere posse ne ab æterno cœlestique conuiuio prorsus excommunicentur si cognoscentes reatum suum ipsi se humiliter ab altari Ecclesiæ pro emendatione vitæ remouere voluerint. ^d Qui autem medicinam cœlestis disciplina contemnens noluerit paulisper à visibilibus Sanctis separari, illi planè metuendum esse ne ab æternis & inuisibilibus Sanctis æternum se jungatur. ^e Hoc esse indignè accipere Eucharistiam, si eo tempore quis accipiat quo debet agere pœnitentiam. ^f Postremò, Quisquis se aliquo crimine vulneratum cognouerit prius orationibus, ieiunijs, vel elemosynis conscientiam suam mundare debere antequam Eucharistiam accipiat.

^b Hom. 30.

^c Ibidem.
Eg. Serm. 252.
de Temp.

^d Hom. 50.

^e Ep. 118.

^f Serm. 252.
de Temp.

Quod si duo illi Patres nihil aiunt quod non apertè doctrinam jugulet tuam, multominùs duos alteros Suffragatores habebis. Cum Anselmus, imò Heruæus, quem pro Anselmo venditas, assiduum Augustini discipulum ac sectatorem agat, vt Theophilactus Chrysostomi. Et verò si instituti mei esset facilè docerem quicquid ab autore commentariorum Anselmo attributorum in 1. Corinth. 11. caput, (quem vnum locum respicere potuisti) memoratur, ex variis Augustini sententiis esse collectum. Verum in præsentia monuisse sat erit, eum cum de illis loquitur qui indignè Christi Corpus edunt & Sanguinem bibunt, statuere cum Augustino, Hoc esse indignè accipere si eo tempore quis accipiat quo debet agere pœnitentiam. Quin etiam in hæc Apostoli verba, Si nosmetipsos iudicarem non utique judi-

caremur, præclaram illam ex quinquagesima Augustini homilia sententiam profert, qua Apostoli præcepto inhærens, mortalium peccatorum sibi conscios æterni Iudicis tribunal præuertere atque occupare jubet, ut ita constituto in corde iudicio, adsit accusatrix cogitatio, testis conscientia, carnifex timor, inde quidam sanguis animi confitentis per lachrymas profluat. Postremò ab ipsa mente talis sententia proferatur, ut se indignum homo iudicet participatione Corporis & Sanguinis Domini. Si Sanctos hosce Patres, ut verum animarum institutorem decebat, tuis oculis inspexisse, an iis vnquam, nisi fortè horrenda illa ab Isaia commemorata, qua videntes non vident cœcitate percussus, sententias ipsorum sententiis planè contrarias ac repugnantes, adscribere ausus esses?

Nec verò apud Theophilaetum quidquam quod quæstionis huius proprium sit reperio, nisi quod Chrysostomum ducem ac magistrum secutus, cum eum qui Christi Corpus & Sanguinem indignè sumit, non minùs graue facinus, quam carnifices qui illum ipsum sanguinem effuderunt in se suscipere confirmasset; concludit Eucharistiam sacram nonnisi integra & casta mente accipi oportere, quem eundem locum antea S. Athanasio adscripsisti.

Atque hæc est conjecturarum tuarum inanitas: nunc quanto firmiora afferas argumenta videamus. Nimirum addis *Nicolaum I. Gregorium VII. Concilium Colonienſe, Isidorum disertis verbis opinionem tuam asserere. Quis non miretur os hominis, rem falsam*

falsam & commentitiam, ea fidentia qua Oracula funderentur expromentis?

Nicolaus I. Responsionis ad consulta Bulgarorum cap. 9. quem vnum locum ad rem nostram proferre potes, nihil aliud ait, nisi expedire vt fideles *in Quadragesima maiori quotidie communicent, si tamen mens in affectu peccandi non sit*: qui gradus pietatis est altior fortasse quam reris, vt jam ostendi ad locum Gennadij quem Pontifex ille videtur imitatus. Prætereà verò ab illa Communionem non solum eum qui *fratri discordanti suo vitio minùs reconciliatus existat* nominatim excipit Pontifex, sed etiam eos *quos de criminalibus peccatis conscientia impænitens, vel non reconciliata fortassis accusat*. Ex quo patet etiam si quis à pœnitentia jam non abhorreret, ac peccata Confessione aperuisset, priusquam tamen reconciliatus ad Sacramentorum Communionem admitteretur, tempus spatiumque intercessisse, quo pœnitentiâ illi à Sacerdote impositâ defungeretur (quod Nicolai I. ætate, qui nono seculo vixit, ac multo post factitatum certissimis argumentis infrà demonstrabimus.) Adeoque neminem ea tempestate mortalium flagitiorum reum in Communionem restitui potuisse, quin expiandis illis plures dies in pœnitentiæ studiis & laboribus posuisset. An hæc approbant, quod jactabas sententiæ tuæ Nicolaum disertis verbis suffragari?

De Gregorio VII. quod obtendas nihil esse existimo præter Epistolam ad Principem fœmi-

nam Mathildem, quam sine vlla prorsus vel peccatorum mortalium, vel Confessionis vel Contritionis mentione ad frequentem Communionem hortatur. An ergo exerte opinionem eam adstruit de qua ne verbum quidem facit? Quod si etiam tantæ Principis eximiam virtutem, si egregia singularis pietatis illius argumenta, si summa in Apostolicam Sedem turbulentis temporibus merita consideraremus, nihil erit quod Pontificem illum frequentandæ ei Communionis autorem esse magnoperè admiremur. Illud demum mirandum fuerit te mulieris tanta pietate excellentis exemplo abuti non veritum, ut peccata mortalia quorum pius quisque expers esse debet, nemini quominus simul ac ea confessus fuerit Communionem vsurpet, impedimento esse conficeres.

*Ep. lib. 4. Ep.
21. 25. 26.
40. 47. 50.
83. Lib. 3. Ep.
5. 8. Lib. 4.
Ep. 2.*

*a Lib. 1. Ep.
50.*

Matrem habuerat Beatricem Henrici IV. Imperatoris Amitam. Gregorij VII. epistolæ tum matris tum filiæ elogiis scatent, vbi singularis earum ad Ecclesiæ defensionem zeli prædicandi finem non facit. His autem verbis grauissimum illarum pietati testimonium tribuit. *“ Si charitas mater omnium virtutum quæ Deum de calo in terram ut nostram miseriam ferret compulit venire me non instrueret, & esset qui miseris & oppressis Ecclesiis vestra vice subveniret, ac uniuersali Ecclesiæ deferuiret, ut seculum relinqueretis cum omnibus eius curis monere procurarem. Sed quia de vestra Aula ut multi Principes Deum non abijcites, imò sacrificio iustitiæ ad eam venire inuitatis, rogamus vos, & ut charissimas filias admonemus bonum*

quod cœpistis , ad perfectum finem perducatis . En virtutem, en pietatem fœminæ quam Gregorius VII. ad crebram Communionem hortatur Epist. 47. (quam solam opinioni tuæ firmandæ prætexere potes;) videlicet significat eam humilitatis sensu à frequentiori Communione reuocari. Quod erat virtutis. Hortatur autem eam illa Ambrosij voce, *Sic viue, vt quotidie merearis accipere.* Qua re mentem ei purissimam & ad frequentem adeò Communionem idoneam esse censebat. Profert etiam hunc Gregorij Magni Dialogorum locum; *Debemus præsens seculum tota mente contemnere; quotidiana Deo lachrymarum sacrificia, quotidianas carnis & sanguinis hostias immolare.* Ex quo intelligitur eum qui frequentare Communionem velit, ita animo comparatum esse debere, vt Christum quotidiano lachrymarum sacrificio demereatur antequam Corporis ei ac Sanguinis ipsius sacrificium offerat. Quo pacto igitur Epistolæ huius mentionem vsurpare audes, vt ad Eucharistiæ frequentio-
Hilar. in
Matthæi
rem con-
fuetudinem eos impellas, qui *vita gentium viuunt*, qui arctissimis seculo vinculis adstringuntur, qui in voluptatibus ac deliciis consuetandis toti hærent? Quo pacto inde elicias Gregorium VII. disertis verbis profiteri peccatis mortalibus, simul ac Confessione resecta sunt, Communioni moram nullam afferri? Quasi Epistola illa homines lethalibus criminibus implicitos ad Eucharistiam vocet, dum eò lectissimam & Christianis moribus spectatissimam inuitat, ac proinde peccatorum

De verb. A- mortalium expertem, quæ autore Augustino *non*
post. Ser. 29. *facit bonæ fidei & bonæ spei Christianus.*
c. 6.

Verum ut hoc ipso Mathildis exemplo perspicuè pateat, quantum Gregorius VII. ab ea quam illi affingis opinione dissideat; cum eadem errore prolapsa Marchioni Azoni quarto, propinquitatis gradu coniuncto nupsisset, non jam illam ad Communionem sed ad iustitiam Dei placandam hortatur. *Tibi præcipimus*, inquit, *ut à consortio & cohabitatione sua omnino te auferas, & de perpetrata iniquitate ita dignè pœniteas quatenus gratiam Dei valeas recuperare.* Usque adeò ab Ecclesiæ mente ac spiritu abhorret peccatorem de Communione suscipienda cogitare, antequam de criminibus digna pœnitentia expiandis sedulò cogitarit.

Ep. lib. 2. Ep.
32.

Iam ut ad reliqua testimonia tua redeamus. Concilium Colonienſe non multo inconsultiùs à te profertur. Docet quidem aduersus horum temporum hæreticos (quod idem de Concilio Tridentino infrà demonstrauiſimus:) neminem nisi priùs animi recessus Sacerdoti aperuerit ac peccatorum dolore contritus fuerit ad Eucharistiam accedere debere; verum pœnitentiam ab eo rescindi ac fidelem peccatorum mortalium sibi conscium ne dies aliquot piis operibus, eleemosynis & orationibus impendat, quibus animi integritatem Christi Corporis sanctitati accommodatam paret, prohiberi minimè reperio. Quin etiam idem Concilium (quod in primis obseruandum est) insignis illius Gennadij testimonij de præparatione ad frequen-

tem Communionem adhibendæ, magnam partem totidem verbis refert.

Ifidorum verò quanta confidentia inuitum ac reluctantem in eam sententiam trahas, cui contrarium planè doceat, idque eo loco quem vnum tibi in hanc rem producere liceat, quis sine dolore aliquo & vindicandæ veritatis zelo videre queat? vter nostrum æquiores causas habeat ipsa verborum eius lectio dijudicabit, quibus planissimum fit illum hoc loco Augustini Epistola 118. voces à nobis capite 14. commemoratas esse mutuatum. *Dicunt, inquit, aliqui nullo interueniente peccato Eucharistiam quotidie accipiendam. Hunc enim panem dari, iubente Domino, quotidie postulamus dicentes: Panem nostrum quotidianum da nobis hodie. Quod quidem benè dicunt, si hoc cum religione & deuotione & humilitate suscipiunt, ne fidendo de iustitia superba præsumptione id faciant.*

COETERVM SI TALIA SVNT PECCATA, QVÆ QVASI MORTVVM REMOVEANT AB ALTARI, PRIVS AGENDA POENITENTIA EST, AC SIC DEINDE HOC SALVTIFERVM MEDICAMENTVM SVSCIPIENDVM. QVI ENIM MANDVCAT ET BIBIT INDIGNE IVDICIVM SIBI MANDVCAT ET BIBIT. HOC EST ENIM INDIGNE ACCIPERE, SI EO TEMPORE QVIS ACCIPIAT, QVO DEBET AGERE POENITENTIAM.

An disertis verbis docet hominem lethaliū delictorum sibi consciū pluribus diebus ante Communionem pœnitentiæ operam dare non debere,

qui difertè docet, Eucharistiam tum demum accipiendam, cum peccatum mortale non interuenierit: peccatis omnibus mortalibus hominem quasi mortuum ab altari remoueri: peccatorum agendam, non Confessionem tantum, sed pœnitentiam, antequam hoc salutiferum medicamentum suscipiatur. Hoc esse denique Christi Corpus indignè accipere, si eo tempore quis accipiat quo pœnitentiam agere debet. Ex quo manifestè demonstratur post mortales culpas antequam Eucharistia adeatur *iusto temporis spatio*, vt loquitur Cyprianus, animi sordes elui oportere.

De Scholæ Theologis, cum eos enucleatiùs ac planiùs proferes tibi satisfacere conabimur. Verum ad omnia quæ Doctores illi de hoc argumento vspiciam scripserint perscrutanda nos opinor adigendos minimè putabis. Tantum dicam illud constare inter eos omnes, Sacerdotem posse jure suo exigere à pœnitente vt pœnitentiam præscriptam impleat antequam ei absolutionem impertiatur, adeoque antequam ei accipiendæ Eucharistiæ potestatem permittat.

Vltimum testimonium repetis à Synodo Tridentina, in qua quidem haud scientiorem te demonstras, quam in Patribus ante commemoratis. Sacer ille cœtus, ad exortas postremis hisce temporibus hæreses confodiendas singulari Dei munere destinatus, Sessione 13. quæ est de Eucharistia ad profligandam Lutheri impietatem, qui argumentis tuorum similibus, quo quis grauiori criminum

pondere premeretur eo promptiùs ad Eucharistiam accedere debere asserebat; Docet primo *quo magis sanctitas & diuinitas cœlestis huius Sacramenti viro Christiano comperta est, eò diligentius eum cauere debere ne absque magna reuerentia & sanctitate ad id percipiendum accedat, reuocareque in memoriam illud Pauli præceptum: probet seipsum homo & sic de pane illo edat & de calice bibat.* Deinde communem alterum omnium huiusce temporis hæreticorum, qui Confessionem funditùs tollunt errorem elidens, hæc addit. *Ecclesiastica autem consuetudo declarat eam probationem necessariam esse, vt nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad sacram Eucharistiam accedere debeat.* Quid istuc quæso ad Controuersiam nostram? aut cuiusnam Dialecticæ leges ita argumentari sinunt: jubet Synodus vt peccatorum mortalium reus Confessionem Communioni præmittat; vetat ergone idem ante Communionem per dies aliquot iniuriæ diuinæ expiandæ, criminibusque pœnitentiæ labore diluendis incumbat? Quis tam insolens ratiocinandi genus assequatur? Imò quis ipsum omnibus Synodi Tridentinæ principiis funditùs conuelli non videat?

Si enim quæras, quodnam sancta Synodus Sacramentum pœnitentiæ intelligat quo peccatores omnes viam sibi ad Communionem sternere jubet: Respondebit illa *ad nouitatem nos & integritatem per Sacramentum pœnitentiæ sine magnis nostris fletibus & laboribus diuina id exigente iustitia peruenire*

nequaquam posse, ut merito pœnitentia laboriosus quidam baptismus à Sanctis Patribus dictus fuerit. Respondebit Sacramentum istud tribus partibus constare, earumque postremam Satisfactionem, (quæ ut alibi docet, ieiuniis, eleemosynis, orationibus, ac cæteris vitæ spiritualibus operibus peragitur,) à Patribus nostris Christiano populo fuisse perpetuo tempore maxime commendatam. Respondebit denique, Cur peccatorum omnium mortalium singularis & enucleata Confessio jure diuino sit necessaria hanc præcipuam esse rationem, quod Sacerdotes iudicium hoc incognita causa exercere, nec æquitatem quidem in pœnis iniungendis seruare potuerint, si homines in genere duntaxat & non potius in specie ac sigillatim sua ipsi peccata declarassent. Hinc facile intelligitur, an Tridentina Synodus cum vetat, ne quisquam peccati mortalis sibi conscius prætermisso pœnitentiæ Sacramento ad sacram Eucharistiam transfiliat, vnam è præcipuis eiusdem Sacramenti partibus, qua peccator piis operibus Deo satisfacit, & cuius causa Confessionem ipsam à Christo fuisse institutam docet, prætermitti velit.

Verum sanctæ huius Synodi de pœnitentia mentem fusiùs alibi explicabimus, & quantum illa à tuis dogmatibus recesserit planum nos facturos speramus. Interim illud nunc animaduertatur eam disertis verbis profiteri, hoc loco se id vnum agere ut Ecclesiæ morem sanctè inuiolateque tueatur. Quare ad controuersiam hanc dirimendam superest ut qui mos Ecclesiæ fuerit exquiratur. Cuius quidem

quidem tractationis causam secundo è tribus capitibus propositis ipse attulisti.

CAPVT III.

QVAESTIONIS PRAECIPVAE PARS secunda proponitur. Verumne sit quod Adversarius scripsit, nunquam in Ecclesia usu positum fuisse, ut mortiferorum peccatorum rei per plures dies pœnitentiam agerent, antequam ad sacram Communionem admitterentur.

Primis Ecclesie seculis non solis publicis, grauissimisque criminibus Pœnitentiam publicam indictam fuisse.



QUOD affirmas nunquam in Ecclesiæ usu positum fuisse, ut lethaliū criminum rei per plures dies pœnitentiam agerent antequam ad sacram Communionem admitterentur: tantam rerum Ecclesiasticarum inscitiam præ se fert, ut vel sola legendi peritia satis sit ad comprimendam tuam incredibilem confidentiam, cum innumera Sole ipso clariora in Conciliorum Canonibus Sanctorumque Patrum scriptis argumenta passim occurrant, quibus perspicuè euincatur, quod non minus audacter quàm imperitè inficiari audes. Sed quoniam diuinam illam sacrorum integerrimorumque testium nubem qui aduersum te per omnes Ecclesiæ ætates & in cunctis orbis vniuersi regionibus testimonium dicunt, dissipasse te ac dissipasse existimas, & grauissimam illorum autoritatem hoc vno verbulo fregisse; quicquid illi de peragenda ante sacram Synaxim pœnitentia prædicent, de solis

pœnitentibus publicis intelligendum esse quibus ob atrociam quædam crimina sacrorum usus interdiceretur quoad reconciliati essent: Satiùs est, ne multis morer, tuam istam ad quam confugisti arcem continuò inuadere, ut ipsa veritas quæ longè herculè fortior est, vanum tuum commentum in ipso latibulo falsæ distinctionis tanquam semihominem Cacum in sua spelunca suffocet.

*Aug. contra
Academ. l. 3.
c. 10.*

Ac primum *atrocium criminum* nomen quo vteris ad fallendos imperitos maximè valet: quippe qui facilè suspicentur nihil aliud his vocibus subijci, nisi immania quædam & insolita scelera, ut parricidia, & ea quæ à Tertulliano *monstra* appellantur; ex eoque occasionem capient de peccatorum suorum etsi ingentium gravitate, molliùs existimandi quàm par sit, dum ea eiusmodi non esse arbitrantur, quæ publica pœnitentia debeant expiari.

Non eo tamen te vel imperitiæ, vel confidentiæ progressurum puto, ut negare ausis, saltem homicidia, adulteria, fornicationes, sacrilegia, perjuria, blasphemiarum pœnitentia publica mulctari consueuisse: adeoque ex Ecclesiæ Sanctorumque Patrum mente rectè facturos, quicumque se his criminibus maculauerint (qui nimis heu multi sunt ad seculi nostri dedecus & infamiam) si se pluribus diebus, imò etiam mensibus à sacra Communionem remouerint, quo peccatorum suorum pœnitentiam hoc temporis spatio peragant. Id verò vel vno Fabiolæ exemplo confici potest, cunctisque planum fieri quantum abhorreat à veritate, ob atrociam de-

mum crimina pœnitentiam olim publicam indictam fuisse. Refert enim S. Hieronymus qui nobilissimæ illius fœminæ sanctitatem scripto elogio celebravit, eam, cum à viro discessisset ob adulterij causam, alterique nupsisset, hac persuasione decepta, prius matrimonium solutum esse, culpam in quam Hieronymo teste inscitia potius & imprudentia quàm voluntate lapsa fuerat, pœnitentia publica diluere non recusasse. *Quis hoc crederet* (inquit Sanctus Doctor) *ut post mortem secundi viri in se reuersa, quo tempore solent viduæ negligentes iugo seruitutis excusso agere se liberiùs, saccum indueret, ut errorem publicè fateretur, tota vrbe spectante Romana ante diem Paschæ in Basilica quondam Laterani qui Cæsariano truncatus est gladio, staret in ordine pœnitentium, Episcopo & Præsbyteris, & omni populo collachrymantibus, sparsum cinerem, ora lurida, & squallidas manus, sordida colla submitteret. Non est confusa Dominum in terris & ille eam non confundetur in cælo. Aperuit cunctis vulnus suum, & decolorem in corpore cicatricem flens Roma conspexit. Dissuta habuit latera, nudum caput, clausum os. Non est ingressa Ecclesiam Domini, sed extra castra cum Maria sorore Moysi separata consedit, ut quam Sacerdos eiecerat, ipse reuocaret. Descendit de folio deliciarum suarum, accepit molam, fecit farinam, & discalceatis pedibus transiit fluenta lachrymarum, sedit super carbones ignis: hie ei fuere in adiutorium. Faciem, per quam secundo viro placuerat, verberabat, oderat gemmas, linteamina videre non poterat, ornamenta fugiebat. Sic dolebat quasi adulterium commisisset, & multis impendijs medicaminum*

*In Epitaphio
Fabiole ad
Oceanum.*

unum vulnus sanare cupiebat. Hoc exemplum intueri, ac vel ipse judica, num ex eo fornicatores & adulteri, quos longè plurimos habet seculum hoc corruptissimum in eam opinionem adduci possint ut serió existiment sibi opus non esse pœnitentiam agere antequam ad Eucharistiam accedant.

S. Leo Epist.
80.

Cauendum prætereà est, ne quod à plerisque fit, publicam peccatorum Confessionem cum pœnitentia publica misceamus ac confundamus. Necessè enim non est pœnitentiam publicam agenti palàm & coram omnibus peccata sua sigillatim exponere. Nunquam Ecclesiæ disciplina vulgò pœnitentium hoc onus imposuit, ne quidem cum eos ad pœnitentiam publicam adigeret. *Sufficit*, inquit S. Leo, *reatus conscientiarum solis Sacerdotibus indicari Confessione secreta*, tum verò Sacerdotis erat peccatorem in pœnitentium ordinem referre, à justorum consortio segregare, sicut ægri à sanis semoueri solent, congruentia vulneribus remedia præscribere, & maximè legitimum temporis spatium quo se pœnitentiæ laboribus affligeret, antequam ad cœlestium epularum gaudium aspirare posset. Et tamen quia nonnulli quid inter Confessionem publicam, publicamque pœnitentiam interesset non satis attenderunt, & quòd licet pro certo statuendum sit Confessionem publicam, nunquam in promiscuo Ecclesiæ usu fuisse, tamen insignioribus quibusdam peccatoribus qui palàm deliquissent, & ad hoc Confessionis genus promptos se exhiberent, ea rarò admodum atque extra ordinem

vel præscripta fortè nonnunquam fuit , vel concessa , hinc factum est, vt nonnulli autores sibi persuaferint pœnitentiam publicam in publicorum duntaxat scelerum vindictam olim decretam fuisse. Et si verò qui nuper his de rebus accuratiùs disserere cœperunt , vt Illustrissimus in primis Albaspinæus Aurelianensis Antistes , alijque commentum istud disiecerint, palamque agnouerint prioribus Ecclesiæ seculis pœnitentia publica , non publica modo sed occulta etiam crimina plecti consueuisse (quod vel ex vno Ambrosij loco, quem suprâ adduximus, manifestè patet) hæsit tamen in multorum mentibus contraria sententia, longo scilicet vsu assuetorum apertissima quæque respuere , si à præjudicatis ipsorum opinionibus abhorreant.

Si quis occulta crimina habens,
&c. *Vide 1.
Part. c. 13.*

Quia verò sæpè fit, vt error alius alium pariat, nonnulli, cum ex antiquorum Patrum, præsertimque Tertulliani lectione non in alios olim Ecclesiam quam in eos qui pœnitentia publica defungerentur, clauibus sibi à Deo datis vt consueuisse animaduertent : hanc veritatem copulantes cum falsa illa sententia , pœnitentiam publicam publicorum duntaxat peccatorum fuisse, falsam conclusionem hanc pepererunt, primis illis temporibus solis peccatis publicis expiandis Ecclesiæ ministerium adhibitum fuisse, qui sanè odiosus est error, ad doctrinam Catholicam de necessaria peccatorum omnium mortalium remissioni Sacerdotali absolutione labefactandam accommodatus.

Enimuerò vt ex Tertulliano patet (reliquos

enim Patres omitto) non aliam eum pœnitentiam agnoscere, qua lapsi restituerentur, quam publicam, quod etiam ab Illustrissimo Albaspinæo demonstratum est: non minùs perspicuum esse deprehendet quisquis mente à præjudiciis libera autorem illum legerit, huic pœnitentiæ publicæ peccata quævis mortifera seu publica, seu arcana secretaque indiscriminatim subjecisse.

*Tertull. de
pœnit. c. 10.*

Vt enim omittam quod ait hic autor aduersus eos, *Qui hoc opus pœnitentiæ ut publicationem sui, aut suffugiebant, aut de die in diem differebant pudoris magis memores quam salutis, quos etiam cum illis comparat, qui in partibus verecundioribus corporis contracta vexatione conscientiam medentium vitant, Et ita cum erubescencia sua pereunt, quodque subjungit, non grande emolumentum verecundiæ occultationem delicti polliceri, cum si quid humanæ notitiæ subduxerimus, non proinde simus & Deum celaturi: neque verò meliùs sit damnatum latere, quam palàm absolui, ut hæc inquam missa faciam, quæ tamen satis indicant non de solis criminibus publicis hanc ab eo disputationem institutam esse, quippe quæ hominum notitiæ subducta non sint, totius libri series & contextus euincit pœnitentiam illam publicam, de qua differit ut necessarium mortiferis omnibus delictis remedium ab eo proponi.*

ibid. c. 7.

Explicatis enim in priori operis parte quæ ad Catechumenorum pœnitentiam spectant, ubi ad baptifatorum pœnitentiam ventum est, his verbis orditur. *Huc usque Christe Domine de pœnitentiæ dis-*

ciplina seruis tuis discere vel audire contingat, quousque etiam delinquere non oportet audientibus: vt nihil jam de pœnitentia nouerint, nihil eius requirant. Piget iam secundæ, imò jam ultimæ spei subtexere mentionem: ne retractantes de residuo auxilio pœnitendi, spatium adhuc delinquendi demonstrare videamur. Sed enim peruicacissimus ille hostis nunquam malitiæ suæ otium facit: atquin tunc maximè sæuit, cum hominem sentit plenè liberatum: tunc plurimum accenditur cum extinguitur. Doleat & ingemiscat necesse est venia peccatorum permissa, tot in homine mortis opera diruta, tot titulos damnationis suæ retrò erasos. Dolet quod ipsum & Angelos eius Christi seruus ille peccator iudicaturus est. Itaque obseruat, oppugnat, obsidet, si qua possit aut oculos carnali concupiscentia ferire, aut animum illecebris secularibus irretire, aut fidem terrenæ potestatis formidine euertere, aut à via certa peruersis traditionibus detorquere; non scandalis, non tentationibus deficit.

Dubium non est, quin dæmonis furor & sæuitia, de qua Tertullianus, aduersum hominem Baptismi beneficio ab eius faucibus ereptum, plenè exsaturetur, si cum in quodlibet mortale delictum impellere potuerit: ita enim in durissimam illius seruitutem denuò retrahitur, paruique admodum interest cuiusmodi sit peccatum illud, manifestum an occultum, carnis an spiritus, modo ipsum à filiorum Dei libertate dejectum eius impurissimæ dominationi subijciat. Quin etiam credibile est eum spiritualibus delictis quæ in intimis cordis recessibus latent, vt superbiâ, inuidiâ, hypocrisi, hæresi-

bus quas hic autor designat, vt naturæ nequitiaque suæ conuenientioribus vel maximè delectari.

Ibidem.

Hæc igitur venena prouidens Deus, inquit ille summo vir ingenio, clausa licet ignoscentia ianua & intinctionis sera obstructa, aliquid adhuc permisit patere. Collocauit in vestibulo pœnitentiam secundam quæ pulsantibus patefaciat. Cum remedia æquè latè patere debeant ac morbi; neque dubium sit, quin artes & infidia quibus ille peruicacissimus humani generis hostis collatam nobis in Baptismo sanctitatem intercipere nititur, mortifera quæque delicta completantur; consequens profecto est, pœnitentiam illam secundam, quam Tertullianus his diaboli infidiis & venenis remedium vnum à Deo prouisum esse docet, lethifera omnia peccata complecti.

Præterea Tertullianus affirmat clausa quæ intinctionis & Baptismatis est priori ianua, non nisi per alteram, quæ pœnitentiæ est, reditum ad Deum patere. Mortiferis autem delictis omnibus, etiam arcanis, *intinctionis sera obstruitur*, cum salutaris lauacri gratia quouis eiusmodi peccato amittatur: qui ergo mortalia crimina commisissent, seu manifesta, seu occulta, non alia iis ad reconciliationem via, nisi per illam secundæ pœnitentiæ ianuam, quam is autor ita describit, vt publicam illam fuisse dubitare fas non sit.

Habes, inquit, quod iam non merebaris, amisisti enim quod acceperas, (partam scilicet in Baptismo sanctitatem, quæ mortifera quacunque culpa amittitur) si tibi indulgentia Domini accommodat, vnde restituas
quod

*quod amiseras, iterato beneficio gratus esto, nedum ampliato, majus enim est restituere quam dare, quoniam miserius est perdidisse, quam omninò non accepisse. Cum nulla sit mortalis culpa, siue palàm siue clàm commissà quæ diuinis Baptismi ornamentis hominem non spoliet, nonne euident est pœnitentiam illam quam prosternendi & humiliificandi hominis disciplinam, appellat, quæ conuersationem injungeret misericordiæ illi-
cem, sacco & cineri incubare, animum mœroribus deijcere, plerumque verò ieiunijs preces alere, ingemiscere, lachry-
mari, & dies noctesque mugire ad Dominum, necnon etiam coram Ecclesia supplicis & deiectionis animi cuiusque modi testificationes adhibere, Presbyteris ad-
uolui, & caris Dei adieniculari, omnibus fratribus legationes deprecationis suæ injungere. Hanc inquam pœnitentiam mortiferis omnibus peccatis inflictam fuisse, vnde sequitur multum eos à vero aberrare, qui existimant pœnitentiam publicam, ne olim quidem nisi ob crimina publica indici consueuisse.*

*Tertull. de
Pœnit. c. 10.*

Vt autem id cuius non pertinacissimo persuadeam, ab eo solum postulo, vt perpendat ex innumeris Canonibus, qui fornicatores & adulteros pœnitentiæ publicæ subijciunt, nullum esse qui eam illis non generatim præscribat sine vllò publici facinoris, occultive discrimine, cum tamen non ignorarent sapientissimi illi Canonum conditores, si vnum aut alterum ex eiusmodi flagitiis palàm erumpat, esse longè plurima quæ nunquam ex infamibus tenebris emergant quas ad tegendam turpitudinem suam captare solent.

Itaque & hodie Episcopi cum in animo non habeant inter casus, vt aiunt, sibi reseruatos adulteria etiam arcana comprehendere, non ita cæcutiunt vt Decretum faciant, quo generatim adulterium sibi referuent, sed planè exprimunt *adulterium publicum*, hoc est vt ipsi interpretantur, *quod vel iudicio probatum est, vel nulla tergiuersione in tota vicinia celari potest*. Quod profecto luce omni clariùs argumentum est, antiquos priorum seculorum Episcopos, si mos iste quem consequentium temporum indulgentia introduxit, peccatis duntaxat publicis pœnitentiam publicam injungendi jam apud illos extitisset, eandem cautionem adhibituros fuisse, neque vniuersè, vt in Canonibus faciunt fornicationem & adulterium quæ plerunque arcana sunt, pœnitentiæ publicæ legibus constricturos, sed ita demum si famosa essent & in publicum erumperent.

Denique vt diligentiolem hac de quæstione disputationem differamus, & id vnum agamus quod ad veritatem, quam tu apud imperitos falsa illa tua pœnitentiæ publicæ & atrocium criminum distinctione obscurare conaris, confirmandam pertinet, Sanctos Patres omnes in ea sententia fuisse contendendo, vt post commissâ mortifera peccata qualiacunque tandem essent, plurimis diebus, quod tu ferre non potes, pœnitentiam agi oportere existimarent antequam ad Eucharistiam accederetur. Hanc tu pœnitentiam publicam appelles necne, nihil moror, cum id ad controuersiam nostram non faciat, fatis habeo, si quod confidentissimè negas, id San-

etorum Ecclesiæ Doctorem testimonio verissimum esse conuicero. In quò vt perspicuitati simul & breuitati consulam, innumera quæ afferri possunt in hanc rem argumenta, ad sex aut septem capita reuocare visum est.

CAPVT IV.

DE SANCTORVM PATRVM SENTENTIA,
ob quæuis peccata mortifera pœnitentiam aliquamdiu agendam ante Communionem.

Primum huiusce rei argumentum mortiferorum, peccatorum à venialibus distinctio.



PRIMUM hoc argumentum reliquis omnibus pro fundamento erit, quippe quo explanabitur, quidnam inter mortalia peccata venialiaque discriminis intercedat. Hac enim distinctione, quam nostrorum temporum hæretici abnegare ausi sunt, vix quicquam est apud antiquos Patres exploratius. Nam quæ venialia dicimus, tum ipsi hoc eodem nomine appellare solent, tum verò etiam dicunt, peccata leuiora, minuta, parua, quotidiana, delicta iustorum, peccata innumera, quorum fraudibus nullus immunis est, & quæ meliorum operum compensatione curantur. Mortalia verò vocant magna peccata, grauiora, lethalia, mortifera, damnabilia, quæ vno ictu perimunt, quorum vnum damnatio subsequitur, & de quibus ait Paulus, Quoniam qui talia agunt regnum Dei non possidebunt.

Plurimis in locis hanc peccatorum differentiam confirmat Augustinus. Ac vel maximè perpendendum est quod ea de re disputat Sermone 29. de verbis Apostoli: *Non autem quia dico, quod non possumus hic esse sine peccato, homicidia facere debemus, aut adulteria, vel cætera mortifera peccata, quæ uno ictu perimunt. Talia non facit bonæ fidei & bonæ spei Christianus: sed illa sola, quæ quotidiana orationis peniculo tergantur.* Quibus verbis duo intelligimus quæ maximi momenti sunt: Primum, cum Augustinus mortifera peccata ea dicat, *quæ uno ictu perimunt*, nullum esse dubitandi locum, quin iis annumeret ea omnia, quibus diuinæ gratiæ munus deperditur, seu publica, seu occulta sint, seu à Canonibus nominatim expressa, seu prætermissa. Alterum, cum qui mortifera peccata committat, licet rariùs, indignum illo autore qui inter probos Christianos, hoc est, qui ex fidei regulis vitam instituunt, & *propositam Christianis spem, ut ait Apostolus, firmè retinent, censeatur.*

Verum ea sæpissimè occurrit peccatorum venialium à mortiferis distinctio, quod hæc speciatim *crimina*, illa verò tantum *peccata* nominentur. Non sum nescius quotidiano vernaculoque sermone *criminis* nomine grauiùs aliquid designari quouis peccato mortali. Sed Ecclesiastica loquendi consuetudo, præsertim Latina, quæcumque delicta animam perimunt, Sanctumque Spiritum extinguunt ea voce complectitur.

Ad hunc modum intellexit Ecclesia quod præ-

scribit Apostolus, vt qui eligatur in Episcopum *sine crimine sit*. Non ait, inquit Augustinus, *si quis sine peccato est*: hoc enim si diceret, omnis homo reprobaretur, nullus ordinaretur. Sed ait, *Si quis sine crimine est, sicut est homicidium, adulterium, aliqua immunditia fornicationis, furtum, fraus, sacrilegium, Et cætera huiusmodi. Cum cæperit ea non habere homo, DEBET AVTEM NON HABERE OMNIS CHRISTIANVS HOMO, incipit caput erigere ad libertatem. Et libro 14. de Ciuitate Dei cap. 9. Nunc satis benè viuitur, si SINE CRIMINE* (an si criminis vox peccata quauis mortifera non comprehendat, satis benè viuere censendus erit, qui in ea prolabetur, dummodò à criminibus se abtineat?) *sine peccato autem qui se viuere existimat, non id agit vt peccatum non habeat, sed vt veniam non accipiat. Et in Enchiridio c. 64. Omnes peccant, interest tamen quantum. Neque enim quia peccatum est omne crimen, ideò crimen est omne peccatum. Itaque Sanctorum omnium vitam, quandiu in hac morte viuitur, inueniri posse dicimus sine crimine: peccatum autem si dixerimus quia non habemus, vt ait Sanctus Apostolus, nosmetipsos seducimus. Et Sermone 82. de Tempore. Quamuis serui & amici Dei capitalia crimina vitauerint, Et multa bona opera fecerint, tamen sine minutis peccatis eos fuisse non credimus. Et libro De perfectione iustitiæ c. 9. Ingredi autem sine macula, non absurdè etiam ille dicitur, non qui iam perfectus est, sed qui ad ipsam perfectionem irreprehensibiliter currit CARENS CRIMINIBVS DAMNABILIBVS, atque ipsa peccata venialia non negligens mundare eleemosynis.*

Tit. c. 1. v. 7.

Tract. in

Ioan. c. 41.

Et ad Boni-

fac. l. 1. c. 14.

Adeone quisnam cœcus animo sit, qui ex hac *criminum damnabilium, peccatorumque venialium*, vt membrorum sibi inuicem oppositorum tam aperta distinctione non intelligat, *criminis* appellatione apud Sanctos Patres peccata quæcumque mortifera, seu palàm, seu clàm admissa, seu expressa Canonibus, seu tacita, necessario contineri? Quod ex eo clariùs etiam patet, quod eum hominem *sine macula* non absurdè dici ait, *qui criminibus damnabilibus caret*. Cui autem in mentem venire possit inquinatum mortifero delicto animum, quodcumque tandem illud sit, immaculatum posse nuncupari?

Sed majus aliquid audet homilia 41. Certissimam enim salutis æternæ spem facit cuicumque baptizato qui *sine crimine vitam duxerit*. Certus sum, inquit, *quia homo baptizatus, si vitam, non audeo dicere sine peccato, quis enim sine peccato? sed vitam SINE CRIMINE duxerit, Et alia peccata habuerit quæ quotidie dimittuntur in oratione dicenti, Dimitte nobis debita nostra, &c. quando diem finierit vitam non finit; sed transit de vita in vitam, de laboriosa ad quietam, de misera ad beatam*.

D. Hieronymus, aut si quis alius autor est Commentariorum in Psalmos quæ inter eius opera videntur, non minùs apertè confirmat Ecclesiastico loquendi more *criminis* verbo mortiferas omnes culpas vniuersè subijci. Docet enim non secus ac
 1^o Psal. 118. Augustinus, *Eum esse sine macula, qui sit SINE MOR- TALIBVS CRIMINIBVS*, quia etsi, inquit, *sine minutis esse non possumus*, (hoc est sine venialibus,

quæ à damnabilibus criminibus secernit) *tamen in
majora incidere non debemus.*

Neque verò aliter hanc vocem posterioribus se-
culis Ecclesia vsurpauit, vt patet ex S. Eligio, qui
seculo septimo scribens crimina capitalia culpis ve-
nialibus opponit, hoc esse statuens probi Christia-
ni officium, *capitalia crimina non admittere,* (hoc est
delicta mortifera) *minuta verò peccata, sine quibus esse
non possumus, per indulgentiam inimicorum, & eleemosy-
nam pauperum indefinenter redimere.*

S. Elig. Tom.
2. Epi. P. 1. r.
hom. 6. quod
ter etiam re-
petit in ho-
mil. 8.

Vndecimo verò seculo Fulbertus Carnotensis
Episcopus de delictis agens quæ à collata in baptis-
mo sanctitatis hoinem deiiciunt; *Ea esse, ait, quæ
non solum peccata sunt, sed etiam crimina, qualia sunt
homicidia, adulteria, fornicationes, sacrilegia, rapina, fur-
ta, falsa testimonia, superbia, inuidia, auaritia, diutina
iracundia, ebrietas assidua.*

Fulbert. Car-
not. Serm. 2.
ad pop.

Deinceps Petrus Blesensis sexto & decimo Ser-
mone, *peccata criminalia venialibus* contraria facit,
criminalibus accensens ea etiam quæ sola cogita-
tione committuntur, vt libidinofam fœminæ cu-
piditatem. Ita loquitur etiam Gratianus.

Nostra verò ætate Concilium Tridentinum vni-
uersa peccata, *quorum reos ante tribunal Ecclesia sisti
neceffe est, cuiusmodi sine controuersia sunt cuncta
mortifera vna criminis appellatione comprehendit.*

Erit fortasse qui doctrinam tam præclarè funda-
tam Origenis autoritate conuellere nitatur. Ille
enim videtur innuere culpas esse mortales quæ cri-
mina non sint quibusque quoties quis vellet di-

Quos Chri-
stus Domi-
nus lauacro
baptismi sui
corporis
membra ef-
fecit, si se
postea CRI-
MINIBUS aliquo
contamina-
uerint ante
hoc tribunal
tâquam reos
sisti voluit.
Concil. Trid.
sess. 14. c. 2.

Origen. hom.
35. in Leuit.

luendis pœnitentiæ locus concederetur. Verba apponam ex Latina versione: Græcum enim exemplar nondum lucem aspexit. *Si nos aliqua culpa mortalis inuenerit, quæ non in crimine mortali, non in blasphemia fidei, quæ muro Ecclesiastici & Apostolici dogmatis cincta est, sed vel in sermonibus, vel in morum vitio consistat, hoc est vendidisse domum quæ in agro est. Hæc ergo venditio, huiusmodi culpa semper reparari potest; nec aliquando tibi interdicitur de commissis huiusmodi pœnitentiam gerere. In grauioribus enim criminibus semel tantum, vel rarò pœnitentiæ conceditur locus: Ista verò communia, quæ frequenter incurrimus, semper pœnitentiam recipiunt, & sine intermissione redimuntur.*

Hæc tum
Auctor ex
conjectura;
cuius verita-
tem astruit
antiquissi-
mæ & emen-
datissimæ
Origenis E-
ditiones, vt
Basileenses
duæ: Altera
Frobeniana
an. 1536. ab
Erasmo: Al-
tera Episco-
pijan. 1571.
à Iacobo
Grynæo re-
censita.

Sed hic locus operosa responsione non indiget. Facile enim quisque paulò attentior intelliget, objectionis vim ex manifesto librarij errore conflata, ac legendum, *culpa moralis*, non culpa mortalis. Primum enim facilis fuit lapsus vnius litterulæ additamento. Deinde mendum planissimè liquet ex intestina horum verborum pugna, *culpa mortalis quæ non in crimine mortali consistat*. Vbi enim fando auditum vllum è Patribus culpam mortalem à crimine mortali discreuisse: plana verò omnia existunt si legas, vt profectò legendum est, *culpa moralis, quæ non in crimine mortali consistat*. Præterea quid per moralem culpam Origenes intelligat sequentia verba declarant, dum illam esse ait, *quæ vel in sermonibus vel in MORVM vitio consistat*. Postremò quî clariùs significare potuit, se per culpas quas mortalibus criminibus opposuit venialia delicta designasse,

designasse, quàm cum eas in extremo ita ipse interpretatur, *Ista communia quæ frequenter incurrimus*. His enim ipsis verbis peccatorum id genus à reliquis Patribus describi solet: quamobrem & *peccata quotidiana* passim vocantur. Denique quis seriò existimet Origenem aut quemquam è Patribus, qui omnes vno ore grauissimis vocibus miserabilem hominis Christiani à baptismi gratia lapsi casum, summamque recuperandæ illius difficultatem persequuntur, de vllis mortalibus peccatis locutum vt *culpis leuibus, communibus, vulgaribus, in quas frequenter incurramus, & quæ sine intermissione redimantur*? Nihil est quod ab vnanimi Sanctorum Patrum doctrina magis abhorreat. Longè enim ab ea opinione absunt, vt ista facilitate, quam nonnulli hodie prædicant amitti gratiam & recipi putent; familiareque illud & quotidianum Christianorum arbitrentur, vt modò Dei filij, modò Diaboli sint: paulò pòst cum Christo in gratiam redeant, rursus primo quoque tempore flagitiis eum conculcent: viuant, moriantur: reuiuiscant, moriantur iterum: nunc sancti, nunc dæmonum mancipia: jam æternæ felicitatis qua Deo fruuntur digni, continuò æterna damnatione multandi, idque perpetuis reciprocactionibus, & totius vitæ decursui æqualibus. Itaque locus hic Origenis communem Sanctorum omnium sententiam non modo non labefactat, sed etiam, si rectè legatur & intelligatur, prorsus confirmat, quidq; intersit inter mortiferorum venialiumque peccatorum remissionem planissimum efficit.

Aug. Epist.
108. Caesar.
Arelat. hom.
8.

Hac igitur distinctione posita, totiusque disputationis constituto in ea fundamento, primum hoc argumentum vnica sententia concludam, at clara & expressa, autorisque omni exceptione maioris, quem præclara eruditio ad amplissimam dignitatem adjuncta ignorare non fuit, quid sua ætate in administratione Sacramentorum Ecclesia sequeretur. Is est S. Cæsarius Arelatensis Antistes, clarum in primis Ecclesiæ Gallicanæ decus ac lumen, qui sexto seculo floruit.

Hic ergo homilia 8. quæ à nonnullis falsò Augustino ascribitur, vbi Apostoli sententiam de eo qui *supra fundamentum quod positum est, quod est Christus IESVS, ligna, fœnum, stipulam superædificat, quem saluum fore ait, sic tamen quasi per ignem*, tractat, totus in eo est, vt peccata mortifera à venialibus separet, & quæ vtrisque pœna debeat definit. Alteris criminum capitalium, alteris minutorum peccatorum nomen imponit. Illis asserit animam occidi; his verò non occidi quidem, sed admodum deformem effici: ab illis probos Christianos, ab his nullum Sanctorum immunem esse: Illis Tartarum, his Purgatorium ignem esse indictum. Denique qui posterioris generis delictis inhærentes pœnitentiæ lachrymis illa non diluerint, eos æternam damnationem manere: Priora verò *transitorio illo igne de quo loquitur Apostolus purgatum iri.*

Huius orationis series, quâ peccata illa perpetuò inter se committit, perspicuè demonstrat, eum criminum capitalium nomine vniuersa prorsus mor-

tifera peccata complecti. Accipe nunc quid ei præscribat, qui illis se contaminauerit. Cum enim pleraque eiusmodi criminum genera enumerasset, & in eorum numero computari debere docuisset *sa-* *Caesar. Arelat. homil. 8.*
crilegium, homicidium, adulterium, falsum testimonium, furtum, rapinam, superbiam, inuidiam, auaritiam, & si longo tempore teneatur iracundiam, & ebrietatem si assidua sit. Quicumque, inquit, aliqua de istis peccatis in se dominari cognouerit, nisi dignè (si habuerit spatium) longo tempore pœnitentiam egerit, & largas eleemosynas erogauerit, & à peccatis ipsis abstinuerit, illo transitorio igne de quo dixit Apostolus purgari non poterit, sed æterna illa flamma sine ullo remedio cruciabitur.

Quod si tam tremendis verbis nondum planè conuictus es, sequentibus obruare necesse est. Nam postquam docuit minuta peccata, quæ quotidie committimus, quotidie esse redimenda, redimi autem quoties infirmos visitamus, in carcere positos requirimus, discordes ad concordiam reuocamus, indicto in Ecclesia ieiunio ieiunamus, hospitibus pedes abluimus, ad vigilias frequentius conuenimus, eleemosynam ante ostium prætereuntibus pauperibus damus, inimicis nostris quoties petierint indulgemus. Vbi, inquam, istis operibus & his similibus minuta peccata quotidie redimi monuit, addit, Pro capitalibus verò criminibus non hoc solum sufficit, sed addendæ sunt lachrymæ; & rugitus, & gemitus, continuata & longè protracta ieiunia, largiores eleemosynæ; etiam plus quam nos ipsi valere possumus erogandæ. Ultrò nos ipsos à Communione Ecclesiæ remouentes, in luctu & tristitia multo tempore permanentes, &c. Quæ verba in-

terprete non indigent, quo vel à pertinacissimo homine extorqueant vt fateatur, Sanctissimo illo Antistite autore, Ecclesiæ mentem ac sensum eò spectare, vt mortiferorum delictorum conscij plures dies agenda pœnitentiæ impendant, antequam Corporis Christi Communioni restituantur: quod tamen vnquam in Ecclesia obseruatum tu scilicet inficiari audes.

Locum Gennadij ex libro, De Dogmatibus Ecclesiasticis & S. Augustini ex Sermone 252. possem hîc attexere, sed ne longior sim malim adea te remittere, quæ super illis jam in prima parte à me dicta sunt. Vnum addam in hac mortiferorum peccatorum à venialibus distinctione adeò Patribus vniuersis certum & exploratum fuisse; pro lethiferis quibuscumque ab Eucharistia semouendos esse peccatores, donec pœnitentiam implerint, vt dum significant peccata quæpiam venialia esse, non mortifera, sic ea describere soleant, *quæ talia non sunt, vt à diuinis remoueri compellant altaribus.* Sic Augustinus cum docere vellet culpas omnes etsi veniales non mortiferas misericordiæ sacrificiis expiandas, *Quicquid, inquit, post eam quæ sit in baptismo ablutionem peccatorum in hac vita manendo peccamus, ETIAMSI NON TALE SIT, QVOD A DIVINIS REMOVERI COMPELLAT ALTARIBVS, non dolore sterili, sed misericordiæ sacrificijs expiatur.* Et alibi necessariam optimo cuique obleuia & quotidiana errata pœnitentiam explicans, hac eadem loquendi formula superbiam, quam

Cap. 15. 20.
Eg. 21.

Aug. Ep. 54.

lethiferorum peccatorum vacuitas ingenerare posset, comprimit, *Quæ uniuersa*, inquit, *ob hoc dicta sunt, ne quis per baptismum, quamuis justificatus sit à prioribus peccatis, tamen superbire audeat, SI NIHIL COMMITTAT, VNDE AB ALTARIS COMMVNIONE SEPARETVR.*

*Hemil. 50.
cap. 3.*

CAPVT V.

SECUNDVM ARGVMENTVM.
Sanctos Patres excommunicationem, hoc est Eucharistie interdictionem mortiferorum cuiusquemodi peccatorum meritam & debitam pœnam statuere.



ALTERVM argumentum ab excommunicatione duci potest, qua omnes vulgò laïcos, quibus mortales culpæ expiandæ essent, plecti consueuisse contendimus. Nouum opinor & insolens hoc tibi videatur, sed in veterum monimentis certissimum, quod adeò clarè me probaturum esse confido, vt qui opinionum præiudicia exuere, & veritati se permittere voluerit repugnaturum arbitrer neminem.

Quo verò id faciliùs intelligatur, diligenter primum obseruandum, ita excommunicationem lethiferis omnibus peccatis propositam pœnam fuisse, quemadmodum infrà docebimus, vt duo illius genera fuerint pro duplici quæ in peccatoribus reperitur animorum affectione, aliis in suorum criminum cœno obstinata mente defixis, aliis ea exhorrescentibus, lachrymarumque & gemituum vi

222 DE FREQUENTI COMMVNIONE.

diuinam implorantibus opem, vt eorum pondere subleuentur.

Auguſt. De vera Relig. c. 6. Horum priori genere in desperatos & insanabiles peccatores, qui delictum aut errorem suum *per-*
tinaci animositate defenderent, vt ait Augustinus, Episcopus utebatur, putrida scilicet corruptaque membra ab Ecclesiæ corpore amputans, & *pastorali ne-*
cessitate, vt idem Augustinus loquitur, *ne per plures*
serperent dira contagia ab ouibus sanis morbidas separans.

De Corrept. & grat. c. 15.

Alterum genus Episcopus adhibebat, hominem Christianum antea cta scelera ex animo auersantem Communione prohibens, vt laboriosis pœnitentiæ exercitationibus dignum se præstaret, cui ad eam rursus aditus pateret. Priori prorsus pœna nulla in Ecclesia maior, teste ibidem Augustino: posterior secundum illam est maxima: quæ cum mortiferorum omnium peccatorum pœnitentiæ semper adjuncta esset, eam potissimum ob rem hæc pœnitentia *grauior* atque *luctuosior* appellabatur, vt frequenter apud Augustinum videre licet.

Prior in hominem etiam inuitum distringitur. Est enim vltimum Ecclesiæ hominis in sceleribus & flagitiis obdurati contumacia permotæ velut fulmen. Posterior volentem ferit, dum peccator diuinitus concussus debitamque suis flagitiis pœnam agnoscens, Sacerdotem supplex adit, vt eius autoritate ac sententia à sacra Dominici Corporis Communione & aspectu amoueat, vnde se suo pte iudicio prior ipse depulisse debuit, quem admodum homilia 50. docet Augustinus, & post

eum Cæsarius loco ante commemorato homil. 8. Et planius apertiusque 13. vbi asserit, *ab illo altari quod est in cælo remotum non iri, qui se ipsum modo à Communionem pro suo reatu suspenderit.*

Postremò licet duo excommunicationis genera, quibus in peccatores Ecclesia vtitur; tremenda illius excommunicationis, quam in reprobos Christus supremi iudicii die pronuntiabit, imagines quædam sint & formæ (sicut enim Eucharistiæ conuiuium cœlestis conuiuij ac felicitatis præformatio effigiesque est: ita ab eo conuiuium depulsio quandam speciem damnationis præ se fert) inter eas tamen hoc interest, quod altera ita futuri iudicii imago sit, vt etiam autore Tertulliano, *Summum sit eius præiudicium*: Altera verò damnationem eo solo repræsentet, quod eam expungat, & propitiæ Christi sententiæ veluti pignus ac prænuncia sit, *Vt qui separari*, inquit Augustinus homilia illa 50. omnium ferio pœnitentium cordibus insculpenda, *à regno cœlorum timet per ultimam sententiam summi Iudicis, per Ecclesiasticam disciplinam à Sacramento cœlestis panis interim separetur. Versetur ante oculos imago futuri iudicii: vt cum alij accedunt ad altare Dei, quo ipse non accedit, cogitet, quam sit contremiscenda illa pœna, qua percipientibus alijs vitam æternam, alijs in mortem præcipitantur æternam.* Huic ergo quasi damnationi sponte se subiiciens, eam quam Deus minatur auertet, voce illa Apostoli fretus, *Si nosmetipsos dyjudicemus, non utique iudicemur.*

*Tertull. in
Apol. c. 39.*

Atque hinc factum est autore S. Eligio homil. 8.

Aug. Serm.
252. de Tem-
pore.

ut pœnitescentes ad sinistram in Ecclesia collocati contextis ex hædorum pilis vestibibus operirentur, ut se peccatis dignos effectos agnoscerent, qui ad sinistram supremi Iudicis, & inter hædos ac reprobos constituerentur, atque ita præclarè secum agi ducerent, quod lachrymis & gemitibus tantam calamitatem effugere liceret, & humiliter se ipsos ab altari Ecclesiæ pro emendatione vitæ remouerent, ut ab æterno cœlesti conuiuio non arcerentur.

Aug. homil.
50. c. 4.

D. Augustinus duo ista Excommunicationis genera tum pœnitentiam detrectantibus, tum eam capeffentibus infligi solita satis exprimit, dum vnam mortalem, alteram medicinalem appellat. Ad utramque tamen significandam his verbis promiscuè SS. Patres vtuntur, *Excommunicare*, à *Communione prohibere*, à *Communione suspendere*, *ab Altari remouere*, *ab Ecclesia separare*, ac sæpenuerò *abstinere*, non tantum passiuæ voce, ut eum notent qui se ipse ab Eucharistia abstinere, sed etiam actiuæ, ut actionem dicat alterum ad illam abstinentiam adigentis: Vnde *abstentus* illis idem est atque excommunicatus.

Id videre est apud D. Cyprianum (à quo argumenti de excommunicatione quibusuis peccatis mortiferis iniusta exponendi initium ducemus) dum postulationem quartam Orationis Dominicæ in libro quem de ea scripsit, ita explanat, *Hunc panem dari nobis quotidie postulamus, ne qui in Christo sumus, & Eucharistiam quotidie ad cibum salutis accipimus, INTERCEDENTE ALIQUO GRAVIORE DELICTO,*

DELICTO, DVM ABSTENTI ET NON COMMUNICANTES A COELESTI PANE PROHIBEMVR, A CHRISTI CORPORE SEPAREMVR. Quo loco perspicuum est, *excommunicationem* his verbis expressam, *abstenti & non communicantes*: Illis excommunicationis effectum, à *cœlesti pane prohibemur*: eius autem causam prioribus istis, *intercedente aliquo grauiore delicto*. Vnde intelligitur quælibet grauiora delicta, hoc est mortifera, vt superius probatum est, excommunicatione & cœlestis panis amotione multari consueuisse.

Qui tam claro lumini oculos claudere in animum induxerit, is saltem sibi persuadeat diuino Augustino perspicaciæ vim & ingenij non defuisse, qua Sancti Martyris, cuius libros tanto studio euoluerat, sententiam perspiceret: ac proinde ab illo huius loci explicationem accipiat, quem integrum cum retulisset in libro De dono perseuerantiæ c. 4. *Hæc verba, inquit, sancti hominis Dei perseuerantiam prorsus à Domino Sanctos indicant poscere, quando hac intentione dicunt, Panem nostrum quotidianum da nobis hodie, ne à Christi corpore separentur, sed in ea sanctitate permaneant, QVA NVLLVM, QVO INDE SEPARARI MEREANTVR CRIMEN ADMITTANT. Crimen autem apud SS. Patres, præsertim Augustinum, peccatum quoduis mortiferum significare, abundè, vt opinor suprâ demonstratum est. Ac præter jam dicta vnicus qui nunc venit in mentem locus vel pertinacissimo cuique comprimendo satis erit. Sed planè, inquit,* *qui* Ang. Ep. 89.

misericordia Dei adjutus & gratia se ab ijs peccatis abstinuerit, quæ etiam crimina vocantur: atque illa peccata, sine quibus non hîc viuitur, mundare operibus misericordiae, & pijs orationibus non neglexerit, merebitur hinc exire sine peccato. Equidem dubium esse non potest, quin peccata, sine quibus hîc non viuitur, venialia sint. Quæ ergo his opponit, & crimina vocat, vniuersa penitus mortifera esse necesse est.

Concil. Turon. III. can. 22.

Verum vt institutam disputationem prosequamur, Concilium Turonense III. anno 813. imperante Carolo Magno habitum, eadem *abstinendi* voce, qua Cyprianus, vtitur, ad sacræ Communionis interdictionem, qua etiam tum lethalia quæcumque peccata Ecclesia vindicabat, exprimendam. Nam Episcopos & Presbyteros, vt probè & ex Ecclesiæ mente munere suo fungantur, admonens, *Episcopis*, inquit, & *Presbyteris* diligenti cautela pertractandum, qualiter hominibus sua sibi delicta confitentibus tempus *ABSTINENDI* præscribant, vt juxta modum peccati, *Pœnitentibus* *ABSTINENTIA* indicatur.

Fulbert. Carnot. Serm. 2. ad popul.

Ac longo post tempore Fulbertus Episcopus Carnotensis disertè docet, sanctam hanc disciplinam suo seculo, hoc est quingentis circiter ab hinc annis adhuc tenuisse. *Si permansissemus illa in munditia, quæ nobis per baptismum data est, verè felices essemus. Sed non permansimus: cecidimus enim per nostram culpam, non solum in peccata, sed etiam in CRIMINA, (hoc est peccata mortalia) PROPTER QUÆ PECCATORES AB ECCLESIA SEPARAN-*

TVR: qualia sunt homicidia, adulteria, fornicationes, sacrilegia, rapinae, furta, falsa testimonia, superbia, inuidia, auaritia, diutina iracundia, ebrietas assidua. Nonne hinc constat, vndecimum ad vsque seculum propter omnia peccata, quibus data per baptismum munditia deperditur, ne ebrietate quidem, iracundia, inuidia, auaritia exceptis, peccatores ab Ecclesia separandos fuisse, quibus verbis nulla sunt ad excommunicationem significandam expressiora & luculentiora.

Quin etiam quod est apud Iuonem, Furberti in Episcopatu successorem, perpetuam illius doctrinae quasi successionem palam demonstrat. Moris enim fuisse ait, *Vt crimina sua confitentes aliquandiu à* *Iuo Ep. 130.*
Corporis & Sanguinis Christi Communionem Ecclesia suspenderet: hoc est, ex ipsius praedecessorum & omnium Patrum certissimo sensu, qui peccata mortifera confiterentur.

Quod si quis vocem ipsam *Excommunicationis* petat (quanquam vbi de re constat de verbis litigare minimè decet) vnus Augustinus plura suppeditabit exempla, quam æquiori cuiquam conuincendo necesse sit. Is in libro *De fide & operibus peccatorum* tria genera facit, quorum alia *grauia* scribit esse, *ut etiam excommunicatione plectenda sint, & ea humilitate pœnitentiae sananda, qualis in Ecclesia datur eis qui propriè pœnitentes vocantur.* Alia tali pœnitentia docet non indigere, *sed quibusdam correptionum medicamentis curari ex Christi praescripto, Corripe eum inter te & ipsum solum, & si te audierit lucratus es fratrem tuum.* Tertia denique statuit, *sine quibus hac vita non*

*Aug. De fide
& operib. c.
16.*

228 DE FREQUENTI COMMUNIONE.

agitur, quorum quotidianam medelam posuerit Christus in oratione quam docuit. Horum generum manifestum est vltima duo ea demùm peccata complecti, quæ sine Ecclesiæ ministerio expiari poterant. Quare cum nullum mortale eiusmodi sit, superest vt ad primum genus mortalia reuocanda sint, ac proinde vniuersa prorsus excommunicatione plecterentur.

In eodem libro falsam quorundam suæ ætatis hominum opinionem commemorans, tria tantum esse mortifera peccata *impudicitiam, homicidium, & idololatriam*, cœtera verò eleemosynis faciliè redimi, & in eis hærentem sacro baptisinate ablui posse, his verbis vtitur, *Qui opinantur & cœtera (peccata) eleemosynis faciliè compensari; tria tamen mortifera esse non dubitant* EXCOMMUNICATIONE PUNIENDA, *donec pœnitentia humiliore sanentur, impudicitiam, idololatriam, homicidium.* Ex quibus duo necessariò consequuntur. Vnum cum de grauitate peccati agitur, idem prorsus haberi SS. Patribus, *mortiferum, & excommunicatione puniendum.* Alterum non contumaces modo, sed & pœnitentes ipsos excommunicatos fuisse, hoc est à Sacra Communionem seclusos, quoad pœnitentia perfuncti essent, quemadmodum alibi etiam docet periculis instantibus ad reconciliationem homines currere consueuisse, *si fortè per pœnitentiam malamve conscientiam quisque ab eodem corpore separatus esset.*

*De Civitate
Dei l. 20. c. 9.*

Neque minùs apertum est, quod ex Epist. 118. jam sæpiùs attulimus. Quid enim ad hæc verba di-


ci potest: *Ceterum, si peccata tanta non sunt, ut EXCOMMUNICANDVS quisquam homo iudicetur, non se debet à quotidiana medicina Corporis Domini separare.* Nisi enim in eorum peccatorum numero, quæ excommunicationem merentur, vniuersa prorsus mortifera reponeret Augustinus, consequens foret eum existimasse esse peccata mortalia quæ impedimento non sint, quominus iis contaminati ad sacram Communionem singulis diebus accedant. Quis autem istuc in animum inducat, nisi qui commento cuius potius fidem adhibiturus sit quàm veritati?

Denique S. Augustinus Epistola 108. duplex tantum pœnitentiæ genus præter eam quæ ante baptismum agitur, agnoscit. Vnam *bonorum, quæ sibi dimitti volunt quæ humanæ fragilitati quamuis parua, tamen crebra subrepunt*: Alteram eorum qui post baptismum ita peccauerint, ut EXCOMMUNICARI & postea RECONCILIARI mereantur, sicut agunt in omnibus Ecclesiis illi qui propriè pœnitentes appellantur. Atque ut eam, cui excommunicatio annexa erat, ab institutione Apostolica non ab Ecclesiæ decreto ortam doceat, subiungit: *De tali enim pœnitentia loquutus est Apostolus Paulus ubi ait, Ne iterum cùm venero humiliet me Deus apud vos, & lugeam multos ex iis qui ante peccauerunt, & non egerunt pœnitentiam super immunditia & luxuria, & fornicatione quam egerunt.*

Equidem quiuis peccator & quoduis peccatum pœnitentia indiget. At ex sententia Augustini duplex tantum est pœnitentia post baptismum, qua-

rum altera iustis competit, ad culpas diluendas quibus sanctitas non exstinguitur. *Est pœnitentia, inquit, bonorum atque humilium penè quotidiana, qua nobis dimitti volumus, illa utique quæ humanæ fragilitati quamuis parua, tamen crebra, subrepunt.* Consequens ergo prorsus est, alteram quibusuis hominibus necessariam esse qui à iustitia exciderunt, & quibusuis delictis quibus sanctimonia violatur, quod mortiferorum omnium commune est. Quare cum postremum hoc pœnitentiæ genus eorum tantum sit *qui excommunicationem merentur; peccata quæcunque mortifera excommunicationem, hoc est ab Eucharistia separationem mereri necesse est.* Quinetiam morem hunc & disciplinam per vniuersam Ecclesiam viguisse non obscurè significat, dum de ea se pœnitentia loqui ait, *quam in omnibus Ecclesiis agerent illi qui propriè pœnitentes appellabantur.* Itaque ab Apostolica traditione manasse illam oportebat, juxta regulam ab eodem sanctissimo Patre traditam, & ab omnibus Catholicis oraculi instar acceptam; *Quod vniuersa tenet Ecclesia nec Concilij institutum, sed semper retentum est, nonnisi autoritate Apostolica traditum rectissimè creditur.*

*August. De
Ept. contra
Donat. lib. 1.
c. 24.*



CAPVT VI.

*TERTIVM ARGVMENTVM. SANCTOS
Patres tria tantum pœnitentiæ genera agnouisse. Vnam ante
baptismum: geminam post baptismum, quarum altera peccata
venialia, altera mortifera expiarentur; atque huic postrema
à sacra Communionem separationem semper adjunxisse.*



INC ad tertium argumentum aditus patet, quod ex variis quas agnouit antiquitas pœnitentiæ formis repeti potest.

S. Augustinus pluribus locis, præsertim Epistola illa 108. quam modo protulimus, homilia 27. & homilia 50. accuratè tradit, cum peccata omnia pœnitentia indigeant, triplicem esse pro triplici peccatorum genere pœnitentiam. Vnam, quæ baptismum antecedit, eorum tantum peccatorum quæ ab hominibus nondum regeneratis commissa fuerint. Alteram, iustorum pœnitentiam & quotidianam appellat, pro leuioribus culpis quas humana infirmitas quandiu in hoc mundo viuitur omni ex parte effugere non potest. Vltimam, austeriorem, cui Ecclesiasticarum clauium autoritas adhibenda est pro omnibus peccatis quæ æternæ damnationi obnoxios homines efficiunt, de quibus ait Paulus, *Quoniam qui talia agunt, regnum Dei non possidebunt.*

Hæc verò diuisio adeò cum ipsis fidei initiis congruit, vt Augustinus homilia 50. eam populo explanare aggrediens his verbis vtatur. *Tres sunt,*

inquit, actiones pœnitentium quas mecum vestra eruditio recognoscit: sunt enim usitate in Ecclesia & diligenter attendentibus notæ.

D. Thom. 3.
par. 9. 90.
art. ult.

Itaque veteres Scholæ Doctores post Magistrum Sententiarum, recentiores post S. Thomam eandem diuisionem pariter tradidere. Nam S. Thomas ultimo summæ Theologicæ articulo, (cui singularis honor tribuendus, quippe qui nouissimas admirabilis illius ingenij jam è terreno carcere quasi euolantis cogitationes nobis exhibeat) titulum fecit. *Vtrum conuenienter diuidatur pœnitentia, in pœnitentiam ante baptismum, pœnitentiam venialium, & pœnitentiam mortalium.* Quam diuisionem postquam Sancti Augustini autoritate stabiliuit, hac deinceps ratione confirmat. *Pertinet ad pœnitentiam, ut detestetur peccata præterita cum proposito vitam immutandi in melius, quod est quasi pœnitentiæ finis. Et quia mortalia recipiunt speciem secundum finem, ut in secunda parte habitum est, conueniens est quod diuersæ species pœnitentiæ accipiantur secundum diuersas immutationes quas pœnitens intendit. Est autem triplex immutatio à pœnitente intenta. Prima quidem per regenerationem in nouam vitam, & hæc pertinet ad pœnitentiam quæ est ante baptismum. Secunda autem immutatio est per reformationem vitæ præteritæ jam corruptæ, & hæc pertinet ad pœnitentiam mortalium post baptismum. Tertia autem immutatio est in perfectiorem operationem vitæ, & hæc pertinet ad pœnitentiam venialium, quæ remittuntur per aliquem feruentem actum charitatis.*

Ex hac verò pœnitentiæ in tria illa genera partitione,

tione, necessariò & ἀποδεικτικῶς, vt ita loquar, concludi potest ex antiquorum Patrum sensu, post cuiusquemodi peccata mortifera plures dies pœnitentiæ incumbendum fuisse antequam ad Communionem adiretur. Quod planissimè intelligetur, si modò qualem vbique pœnitentiam peccatorum mortiferorum propriam, atque à peccatorum venialium pœnitentia sejunctam describat Augustinus, & quibus eam conditionibus instruat, paulò attentius consideremus.

Iam quidem animaduertimus eum in libro de fide & operibus, ac planius etiam in Epistola 108. *Excommunicationem & à Christi corpore separationem* illi pœnitentiæ adjunxisse. Quod superuacaneum foret rursus hoc loco ingerere.

In Homilia verò 27. post constitutam pœnitentiæ in tres illas partes diuisionem, prioresque duas expositas, vnâ eorum qui se ad baptismum comparabant, qui *Competentes appellabantur*; Alteram quotidianam pro quotidianis iustorum debitis; Tertiam quæ ad delicta mortifera pertinet, his verbis explanat: *Restat ergo, inquit, pœnitentiæ tertium genus, unde aliquid breuiter dicam, vt adiuuante Domino proposita & promissa persoluam. Est pœnitentia grauior atque luctuosior, in qua propriè vocantur in Ecclesia pœnitentes, REMOTI ETIAM A SACRAMENTO ALTARIS PARTICIPANDI, NE ACCIPIENDO INDIGNE IUDICIUM SIBI MANDUCENT ET BIBANT.* Si quis lucis quippiam huic orationi afferre velit, Solem ipsum illustrandum suscipiat.

Aug. homil. 27. c. 3.

Eandem doctrinam tradit ac diffusius exponit præstantissimus Ecclesiæ Magister homil. 50. quam jure diuinam dixeris. Vbi enim eandem pœnitentiæ diuisionem proposuit, primamque illius explicauit speciem, *Quæ nouum*, inquit, *hominem parturit donec per baptismum salutare omnium præteritorum fiat ablutio peccatorum, ut tanquam puero nato dolores trans-eant, quibus viscera urgebantur ad partum, & tristitiam letitia consequatur*; Alteram aggreditur quam baptizati omnes, ne sanctissimis quidem exceptis, quandiu in hoc mortali corpore vitam ducunt, agere debent, ut continenter tota humilitate supplicantes diuino adiutorio se exaudibiles præbeant. Huius vi & utilitatis magnitudine demonstrata, & si solis venialibus delictis, *Quæ*, ut ait, *singula non lethali vulnere ferire sentiuntur*, eluendis inferuiat, ad eam quæ pro mortiferis peccatis omnibus agenda est, explicandam ita progreditur.

Aug. homil.
50. c. 2.

Aug. ibid. c.
3.

Tertia est, inquit, *actio pœnitentiæ, quæ pro illis peccatis subeunda est quæ legis Decalogus continet, & de quibus Apostolus ait, Quoniam qui talia agunt regnum Dei non possidebunt*. Potuitne expressius omnia prorsus lethifera peccata commemorare? Qua de re post eorum enumerationem quam inferius ex Epistola ad Ephesios & ad Galatas refert ne dubitari quidem potest. In hac ergo pœnitentia maiorem quisque in se seueritatem debet exercere, ut à seipso iudicatus non iudicetur à Deo, sicut idem Apostolus ait, *Si enim nos iudicaremus à Domino non iudicaremur*. Ascendat itaque homo aduersum se tribunal mentis suæ, si timet illud, quod

oportet nos exhiberi ante tribunal Christi, ut illud recipiat unusquisque quod per corpus gessit, siue bonum, siue malum. Constituat se ante faciem suam, ne hoc ei postea fiat: nam minatur hoc Deus peccatori: *Arguam te & statuam ante faciem tuam.* Atque ita constituto in corde iudicio, adsit accusatrix cogitatio, testis conscientia, carnifex timor. Inde quidam sanguis animi consentientis per lachrymas profluat. POSTREMO AB IPSA MENTE TALIS SENTENTIA PROFERATUR, VT SE INDIGNVM HOMO IVDICET PARTICIPATIONE CORPORIS ET SANGVINIS DOMINI: VT QVI SEPARARI A REGNO COELORVM TIMET PER VLTIMAM SENTENTIAM SVMMI IVDICIS, PER ECCLESIASTICAM DISCIPLINAM A SACRAMENTO COELESTIS PANIS INTERIM SEPARETVR. Versetur ante oculos imago futuri iudicij: ut cum alij accedunt ad altare Dei, quo ipse non accedit, cogitet quam sit contremiscenda illa pœna, qua percipientibus alijs vitam æternam, alij in mortem præcipitantur æternam. Ad hoc enim altare quod nunc in Ecclesia est in terra positum, terrenis oculis expositum, ad mysteriorum diuinorum signacula celebranda multi etiam scelerati possunt accedere; quoniam Deus commendat in hoc tempore patientiam suam, ut in futuro exerat seueritatem suam: Ad illud autem altare quo præcursor pro nobis introiuit IESVS, quo caput Ecclesiæ præcessit membris ceteris secuturis, nullus eorum accedere poterit, de quibus, ut iam commemoravi, dixit Apostolus, Quoniam qui talia agunt regnum Dei non possidebunt. Solus enim Sacerdos, sed planè ibi totus assistet,

adiuncto scilicet corpore cui caput est, quod iam ascendit in cælum. Ipse est cui dixit Apostolus Petrus, Plebs sancta, regale Sacerdotium. QVOMODO ERGO IN INTERIORA VELI ET IN ILLA INVISIBILIA SANCTA SANCTORVM INTROIRE AVDEBIT AVT POTERIT, QVI MEDICINAM COELESTIS DISCIPLINÆ CONTEMNENS NOLVIT PAVLISPER A VISIBILIBVS SEPARARI. Qui enim noluit humiliari vt exaltaretur, cum exaltari voluerit deijciatur; & in æternum sejungetur ab æternis Sanctis, quisquis hoc tempore per merita obedientiæ, & per satisfactionem pœnitentiæ non sibi prouidit locum in corpore Sacerdotis.

*Aug. Enchir.
cap. 74.*

Ad tam magnum tonitruum qui non expergiscitur non dormit, sed mortuus est, vt eiusdem sanctissimi viri alia de re vocem vsurpem. Ego verò his vltimis verbis quicquam addere non ausim, satisque habeo ad tertij huius argumenti coronidem, vnã è certissimis Doctrinæ Catholicæ notis, quam aduersus hæreticos Catholici omnes vsurpant, adscribere. Eam eruditissimus Cardinalis Perronius in egregia illa ad Casaubonum Epistola, quæ omnium illius operum celeberrimo causam dedit, ita declarat: Cum Patres loquuntur non vt Doctores, sed vt testes Communis suis temporibus in Ecclesia consuetudinis, neque aiunt; Censeo ita credendum, aut intelligendum, aut obseruandum: sed, Ecclesia per vniuersum orbem ita credit, aut ita obseruat; tum id quod tradunt, non vt ab ipsis, sed vt ab vniuersa Ecclesia traditum amplectimur, præsertim ijs de rebus quas ignorare non potuerunt, siue ob earum

naturam & conditionem, vt cum facti quæstio vertitur (talis est de qua disputamus) siue ob illorum grauitatem & doctrinæ præstantiam (nemo hanc, vt opinor, D. Augustino laudem inuiderit) nec jam ex eorum verbis probabilia argumenta ducimus, quemadmodum cum loquuntur vt priuati doctores, sed planè necessaria & quæ demonstrationis vim obtineant.

CAPVT VII.

QVARTVM ARGVMENTVM. SANCTOS Patres Clauium Ecclesiasticarum ministerium ad eorum tantummodo peccatorum remissionem necessarium existimasse, quæ Communionis interdictione plecterentur. Ex quo alterutrum necessario sequitur, aut eos remittendis peccatis omnibus mortiferis clauis à Christo datas necessarias non putasse, quod sine hæresi dici non potest, aut ipsos ob vniuersa peccata mortifera Communione interdixisse quod verissimum est.



QUARTVM argumentum ex Ecclesiasticarum Clauium ad lethaliū omnium peccatorum remissionem necessitate repeti potest. Ea enim semper fuit Ecclesiæ mens, quantumcumque peccator *se indignum iudicet participatione Corporis & Sanguinis Domini*, hoc iudiciū nihil illi profuturum, neque docilem & ad omnia paratum animum eius demonstraturum, nisi mox Sacerdotem conueniat, illi se totum dedat, ex illius autoritate pendeat, nec nisi ex illius sententia quicquam agendum putet; hoc enim maximè pœnitentiæ exercitationi vim ac pondus affert & fructuosam

*Aug. homil.
50.*

illam efficit; quippe quæ Sacramenti esse pars nisi à Sacerdote præscripta, non potest. Aliter quantacumque fuerit, virtutis pœnitentiæ officium est, eiusque qui in hoc iudicio rei personam gerit, actio, non actus judicialis Sacerdotis, qui iudicis partes sustinet. Quamobrem S. Gregorius cum peccatores admonuisset vt diuinæ placationis fructum compunctionis fletu quærerent, atque etiam carnem quæ delectationi subiacuit affligerent, mox subiicit, Afflictionem illam pœnitentiæ ad delenda peccata tum demum idoneam esse cum Sacerdotis fuerit iudicio imperata, cum ab eo confitentium actibus discussis, pro modo criminis onus eis decernitur afflictionis.

Id. Elucid.

*Aug. homil.
49. c. 3.*

Ad eundem sensum Anselmus Pœnitentiam sententiam vocat, quod de ea intelligendum, quæ à Sacerdote imponitur legitimo veroque iudicio quod auditis per Confessionem peccatis pronuntiat. Ex quo etiam fluxit celebre illud Augustini effatum: Nemo, inquit, sibi dicat occultè pœnitentiam ago; Apud Deum ago; Nouit Deus qui mihi ignoscit quia in corde ago. Ergo sine causa dictum est, Quæ solueritis in terra, soluta eorum in celo. Ergo sine causa sunt clauæ data Ecclesie Dei. Frustramus Euangelium Dei; frustramus verba Christi.

Atquæ si de Patrum sententia ex eorum monimentis iudicandum est, vt certè fieri debet, nusquam eos animaduertimus Ecclesiæ ministerium necessarium habuisse, nisi ad grauiorem illam pœnitentiam quam qui obibant, Eucharistia prohibebantur. Vnde Augustinus de remediis peccato-

rum quæ huic pœnitentiæ obnoxios homines non reddunt, passim verba faciens, nusquam nisi preces, eleemosynas, jeiunia, aliaque misericordiæ opera commendat, tacita prorsus Sacerdotis ad-eundi necessitate, quam non omittit cum de pœnitentibus loquitur à Communione semotis.

In homilia 50. posteaquam peccatoris officium esse dixit, *ut se indignum iudicet participatione Corporis & Sanguinis Domini*. Hanc ei legem præscribit; Et cum ipse, inquit, *in se protulerit seuerissimæ medicinæ, sed tamen medicinæ sententiam, veniat ad Antistites per quos illi in Ecclesia clauæ ministrantur, & tanquam bonus iam incipiens esse filius, maternorum membrorum ordine custodito à præpositis Sacramentorum accipiat Satisfactionis suæ modum*. Et homilia 27. pœnitentiæ tertium genus, quod eorum esse declarat, *qui remoti sunt à Sacramento altaris participandi*, ne accipiendo indignè iudicium sibi manducent & bibant, explicare aggressus; statim ministrorum Ecclesiæ, datæque illis à Christo potestatis, ut quodcunque soluerint in terris solutum sit & in cœlis, mentionem facit. In alio verò Sermone de peccatis iis disputans, quæ alibi separationis ab altari remedio sananda testatur: *Sunt quedam, inquit, graua & mortifera quæ nisi per vehementissimam molestiam humiliationis cordis & contritionis spiritus, & tribulationis pœnitentiæ non relaxantur: hæc dimittuntur per clauæ Ecclesiæ*. Ad hæc in Epistolis 108. & 118. reconciliationem excommunicationi ex aduerso ponit, videlicet indicans Ecclesiam eos duntaxat reconciliare solitam fuisse quos

Aug. Serm.
34. de diuers.

ante excommunicasset, hoc est à Sacramentorum Communionem remouisset.

Hoc ipsum in reliquis Patribus videre licet, quibus vnum idemque est *reconciliari* & *Communioni restitui*. Vnde & *reconciliare altari* pro *absolvere* & *remittere peccata* passim vsurpant; ea nimirum ratione ducti, quod perfectam peccatoris in integrum restitutionem, perfectamque cum Deo reconciliationem tum demum expleri statuerent, cum ad Eucharistiam, à qua per peccata exciderat quousque pœnitentia perfunctus esset, denuò admitteretur.

Docemur etiam à venerabili Beda qui octauo seculo floruit, ea tantum peccata quæ aliquanto tempore pœnitentiæ lachrymis eluenda erant Sacerdotis adeundi necessitatem attulisse. Hæc enim Iacobi Apostoli verba explanans. *Confitemini alterutrum peccata vestra: In hac, inquit, sententia illa debet esse discretio, vt quotidiana leuiaque peccata alterutrum coequalibus confiteamur, eorumque credamus oratione saluari: porro grauioris lepræ immunditiam iuxta legem Sacerdoti pandamus, atque ad eius arbitrium qualiter & quanto tempore iusserit purificari curemus.*

Cum igitur existimare sit nefas Ecclesiam cum maximè sanctitatis laude effloruit sponsi sui grauissimam legem, qua fideles omnes qui se mortiferis peccatis inquinarent ad ministrorum suorum tribunal reos sisti voluit, tanto tempore infregisse; consequens profecto est vt cum tot seculis Sacerdotes non in alios, saltem vulgò, quam quos à
Communionem

Communione prohibuerant autoritate sibi à Christo data vsos esse videamus ; eos omnes à Communione prohibuerint qui mortiferum aliquod facinus admisissent.

CAPVT VIII.

QVINTVM ARGVMENTVM. EX SS.

Patrum norma hanc agenda mortiferorum omnium peccatorum pœnitentiæ seriem atque ordinem esse. Primum Confessionem, ac petitionem pœnitentiæ. Deinde pœnitentiæ impositionem. Tum imposita pœnitentiæ iusto temporis spatio peractionem. Postremò Absolutionem, quam Communio mox consequebatur.



Iam ipse ordo ac series legitimæ apud SS. Patres pœnitentiæ nouum nobis probandi genus suppeditat, & hoc postremum firmiùs facit. Certè enim constat Ecclesiam per duodecim secula hunc morem tenuisse, vt posteaquam peccatores omnia animarum suarum vulnera Christi ministris aperuissent, idonea illis curandis remedia ex eorum præscripto acciperent. Hoc verò à S. Augustino dicitur, *satisfactionis suæ modum accipere*. Ab eodem & post eum à S. Leone Magno, *actionem pœnitentiæ dare*. A Concilio Carthaginensi tertio, *secundùm peccatorum differentiam Pœnitentiæ tempora decernere*. A Concilio Turonensi tertio, *tempus abstinendi præscribere*. Atque ante hos omnes à Clero Romano *per necessaria temporis remedia obducere cicatricem*.

Aug. homil.

59.

Ep. 91.

Can. 31.

Can. 22.

In Epist. ad

Cypri.

Deinceps pœnitentium partes erant, præscri-

Pars II.

Hh

ptum Satisfactionis modum accuratè implere, omnesque pœnitentiæ acerbitates constanter subire, certum ac fixum animis habentes quod ab vniuersis Patribus vno ore asseritur, quò quisque in seipsum seuerior, atque immitior fuerit, eò mitiorem ac placabiliorem Deum experturum. *Qui enim benè*

*Serm. 34. de
diuersis.*

*In Paren. ad
pœnit.*

agit pœnitentiam, inquit Augustinus, suus ipse punitor est. Sit oportet in se seuerus, ut in eum sit misericors Deus.

Et S. Pacianus ad pœnitentes, *In quantum pœnæ vestrae non peperceritis, in tantum Deus vobis parcat.*

Cæterum lachrymarum, vigiliarum, ieiuniorum, & omnis generis ærumnarum ac submissio-
num tempore jam exacto, pœnitenti per imposi-
tionem manuum absolutio, & continuò sacra Eu-
charistia, vt veræ cum Deo reconciliationis pignus
& complementum impertiebatur. Pœnitentiæ igitur decursus hic fuit. Primum Confessio peccatorum, pœnitentiæque postulatio. Deinde imposi-
tio pœnitentiæ: Postea impositæ pœnitentiæ ex-
pletio: Ad extremum absolutio, adjunctaque illi
Communio. Ad huius verò ordinis demonstratio-
nem, quem tot sæculis tam eximium ac salutiferum
censuit Ecclesia, nunc quidem tres tantum profe-
ram Pontifices maximos, quos faciliè dicere liceat,
nemini eorum qui in B. Petri Sedem successerint,
vel virtutis vel eruditionis laude concedere; Inno-
centium I. Leonem I. & Gregorium Magnum.

*Homil. 16. in
Euangel.*

Horum postremus in ea verba Euangelij, *Quorum remiseritis peccata remittentur ijs: Videndum est, inquit, quæ culpa præcessit, aut quæ sit pœnitentia secuta*

post culpam: vt quos omnipotens Deus per compunctionis gratiam visitat, illos Pastoris sententia absoluat. Tunc enim vera est absolutio præsidentis cum æterni arbitrium sequitur iudicis. Quis non videat quam necessarium beatissimus hic Pontifex prædicet, peccatorem, non solum ante sacram Communionem, sed & ante absolutionem pœnitentiâ defungi? Quod quidem cum Innocentij I. Leonisque Magni verbis ita congruit, vt vel hac congruentia & consensu facile pateat, istam Gregorij doctrinam, non tam illius, quam Sedis illius esse doctrinam, atque ad ipsum à maioribus vnà cum suprema & Apostolica dignitate fluxisse.

Innocentius enim I. in Epistola i. decretali, quæ in Canonum corpus inserta est, ita loquitur, *Cæterum de pondere æstimando delictorum, Sacerdotis est iudicare, vt attendat ad Confessionem pœnitentis, & ad fletus atque lachrymas corrigentis, ac tum iubere dimitti, cum viderit congruam Satisfactionem.* Annon his verbis perspicuum est, Sacro-sanctorum institutorum ac præceptorum, quæ celeberrimus Pontifex à perpetua vniuersæ Ecclesiæ Traditione accepta, eidem Ecclesiæ tradidit, hanc esse vim ac sententiam, vt Sacerdotes, in administranda, quam à Christo mandatam habent diuinissima ligandi & soluendi potestate peccatores tum demùm absoluant, cum eos lachrymis ac gemitibus probatos, ad pœnitentiam criminibus parem præstandam exhibendamque perduxerint.

Multò etiam apertiùs hoc ipsum demonstrat

S. Leo, & qua tandem ratione Sacerdotes peccatorum dimittendorum potestate à Christo accepta, ex ipsius mente ac legibus vti debeant, planissimum facit. Hæc enim habet Epist. 91. ad Theodorum Episcopum. *Multiplex misericordia Dei, ita lapsibus subuenit humanis, vt non solum per baptismi gratiam, sed etiam per pœnitentiæ medicinam spes vitæ reparetur æternæ, vt qui regenerationis donum violassent, proprio se iudicio condemnantes, ad remissionem criminum peruenirent, sic diuinæ bonitatis præsidij ordinatis, vt indulgentia Dei, nisi supplicationibus Sacerdotum nequeat obtineri. Mediator enim Dei & hominum homo Christus IESVS hanc præpositis Ecclesiæ tradidit potestatem, vt confitentibus actionem pœnitentiæ darent, & eosdem salubri Satisfactione purgatos ad Communionem Sacramentorum per januam reconciliationis admitterent.*

Hæc nimirum est Romani Pontificis oratio, & eius Pontificis, cuius voces in Concilio Chalcedonensi vniuersa Ecclesia Oraculorum vice coluit, cuius summis virtutibus ac singulari eruditioni magni nomen est inditum.

Loquitur verò generatim de remedio ad spem æternæ vitæ reparandam post regenerationis donum amissum necessario; ne fortè hîc familiarem illam tuam de publicis ob enormia crimina pœnitentiis cauillationem obtrudendam putes. Non loquitur de consuetudine quam politia, aut institutio Ecclesiæ induxerit, sed de ipsa Christi lege ac præscriptione, vt Catholici omnes agnoscunt, dum hoc ipso testimonio aduersus nostri temporis

hæreticos peccatorum omnium mortalium Confessionem diuinitus sancitam probant.

Hanc tamen doctrinam quâ tandem cum placitis tuis componere possis, non equidem intelligo. Iubes enim lethaliū criminum conscios, mox vt confessi fuerint, Communionem inuadere: prorsus autem damnas, qui plurimis diebus antè pœnitentiam agere velint quàm Eucharistiam vsurpent, nouæque *temeritatis* ab Ecclesiæ vsu ac mente alienæ reos pronuntias. At magnus ille Pontifex Christi mentem esse docet, vt peccatores ad Communionem Sacramentorum admittantur: Primùm peccata confessi: Deinde pœnitentia accepta: Tum pœnitentia illa perfuncti, & pro delictorum grauitate idonea satisfactione purgati: Postremò Sacerdotis absolutione reconciliati: atque ita demùm ad cœlestem mensam aspirent; in qua Eucharistiam velut reconciliationis signaculum, peccatorumque remissionis complementum percipiant.

Itaque ex mente Summi illius Pontificis, primùm peccata Ecclesiæ Ministris confiteri oportet, quia *cum Sacerdotes à Christo constituti sint iudices, incognita causa iudicium exercere, atque in pœnis injungendis æquitatem seruare non possunt*, vt rectè à Synodo Tridentina declaratum est. Dehinc pœnitentem pro peccatorum retinendorum potestate sibi Christi ore commissæ pœnitentiæ vinculis ligare debent, antequàm eum reconciliando exoluant, iuxta præclaram Ambrosij sententiam, qua monet *Dominum ligandi soluendique potestatem pari conditione*

Seff. 14. cap. 5.

Lib. 1. de pœnis. c. 2.

Epist. 3.

permisſiſſe, itaut alterum ſine altero uſurpari non debeat, & Eccleſia in utroque ſeruet obedientiam, dum peccatum & alligat & relaxat. Vnde etiam Pacianus eundem in pœnitentia agenda ordinem notans, *Sine*, inquit, *ad pœnitentiam cogimus, ſeu veniam pœnitentibus relaxamus, Chriſto id autore tractamus.*

De Pœnit. c.
6.

Tum ſatisfactionis à Sacerdote impoſitæ operibus peccata expianda ſunt, priuſquam ad reconciliationem, & Sacramentorum uſum adeatur, *Cum*, ut ait Tertullianus, *pendente uenia pœna proſpicitur; cum adhuc liberari non meremur, ut poſſimus mereri; cum Deus comminatur, non cum ignoſcit, quia tempus pœnitentiæ idem quod periculi & timoris.*

Poſtremò ex tanti Pontificis ſententia peccatores ſalutari pœnitentiæ ſatisfactione mundati, ad Communionem Sacramentorum per januam reconciliationis adducendi ſunt: ac proinde (quod incredibile inſcitia negare auſus es) tum demum ſacra Communionem dignandi, cum pluribus diebus, ne dicam menſibus, imò plerumque annis agenda pœnitentiæ incubuerint.

ἡ γὰρ ὁ ἀφ' ἑ-
στὶ ἀμάρτυ-

Atque hæc omnia Leonem Magnum ex comuni totius Eccleſiæ ſenſu deprompſiſſe argumeto eſt, quod Theodoretus Cyri Episcopus eius æqualis, hæreticorum Audianorum erroribus annumerat, eos crimina quidem confiteri peccatores juſſiſſe, ſed conſtitutis ab Eccleſia pœnitentiæ temporibus omiſſis conſeſſos ſtatim abſoluiffe, plenam ſibi ac ſummam quandam condonandorum peccatorum licentiam arrogantes. *Jubent*, inquit, *unum-*

quemque peccata sua confiteri; deinde confessis dant veniam, non tempus ad pœnitentiam definientes, sicut Ecclesiæ leges præcipiunt, sed potestate condonantes.

Hæc nempe est via, qua Christus iuxta mentem Sanctorum Patrum homines à baptismo lapsos resurgere voluit, porcorumque sordibus pastos ad cœleste conuiuium sese recipere, & Corporis ac Sanguinis sui pabulum promereri. Quippe B. Leonis verbis planissimè liquet, Sanctos illos pœnitentium labores non tantum ad Sacerdotis absolutionem viam atque aditum parasse, sed ad sacram potissimum Communionem, velut ad peccatorum remissionis consummationem & cumulum, quem admodum docet Ambrosius de pœnitentium restitutione sic scribens, *Sicut semel pro omnibus immolatus est (CHRISTVS) ita quotiescumque peccata donatur Corporis eius Sacramentum sumimus, ut per Sanguinem eius fiat peccatorum remissio. Quamobrem Nouatianos meritò arguit pœnitentiam funditus tollere, quamlibet ad eam homines verbo hortarentur, quod videlicet dum Eucharistiæ recuperandæ spem pœnitentibus præcidebant, pœnitentiæ fructum interimerent: Frustrà, inquit, dicitis vos prædicare pœnitentiam, qui tollitis fructum pœnitentiæ. Nonne aduertitis id euidenter jam à nobis expositum, quod merendi gratia Sacramenti, hoc est sacra Eucharistiæ, ad precandum impellimur, & hoc auferre vultis propter quod agitur pœnitentia. Tolle gubernatori perueniendi spem, & in medijs fluctibus incertus errabit. Tolle luctatori coronam, lentus iacebit in stadio. Tolle piscatori capiendi efficaciam,*

καὶ τῶν ποιῶ-
ντων... ἔχουσιν
καὶ αὐτοὶ τὰ
πλῆμμελιν
θῆται ὁ μισθός
αὐτοῖς εἶτα τῶν
ἀμολογηκό-
ντων ἰδοὺ τὰς
πλῆμμελιν
ἐχούσιν ὁ ἐλ-
ξάντες εἰς
μετάνοιαν
καὶ αὐτοὶ
οἱ τὸ ἔκκλη-
σίας θεσμοῖς
ἀλλ' ἔχουσιν
ποιῶμεν τὰς
συγχύσεις.
Theod. heres.
Fabul. l. 4. c.
10.

Lib. 2. de pœ-
nit. c. 2.

Lib. 1. de pœ-
nit. c. 16.

Lib. 2. c. 3.

desinit iactare retia. Quomodo ergo potest qui famem patitur animæ suæ studiosus Deum precari, si sacram desperet alimoniam?

Nonne eadem ratione dicere nunc liceat ad hunc modum: Frustrà Pœnitentia prædicatur, dum eius antè fructus conceditur, quam ad eam agendam seriò accesseris. Postquam in portum inuectus est nauta, tempestatis non meminit. Defer coronam stadium ingredienti Athletæ, certandi studium abijciet. Piscator ubi piscium vim quam sperabat captauerit, retia iactare desinet. Quid igitur abesse poterit, quin is quem tu inconsiderata ista facilitate ad Sacramentorum vsum compellis potius, quàm admittis, contentionem, curamque omnem à se amoveat id labore suo assequendi, quod jam nullo negotio consecutus fuerit?

Præterea priscam illam pœnitentiæ disciplinam ad præparandam muniendamque Eucharistiæ viam maximè spectasse inde etiam intelligitur, quod Canones quibus pœnitentium gradus describuntur, eos Eucharistiæ, veluti pœnitentiæ scopi & complementi perceptione vniuersi concludunt, *Placuit eos, inquit Concilium Ancyranum, inter audientes uno anno constitui, tribus autem alijs annis agere pœnitentiam, tertio autem anno reconciliari Sacramentis. Et in alio Canone, Biennio maneant in pœnitentia, tertio verò anno communicent, sed sine oblatione. In quarto verò anno perfectionem suam recipiant; id est Eucharistiam. Gregorius etiam Nyssenus in Epistola Canonica, Restituantur Ecclesiæ, & ad boni participationem*

participationem admittantur. Gregorius item Thaumaturgus, cuius primùm in libris quatuor pœnitentium gradus distincti descriptique extant, videlicet gementium, qui *κλαῶσις*, audientium; qui *ἀκρόασις*, prostratorum; qui *προπῆσις*, orationibus communicantium; qui *σύστασις* dictus est, Sacramentorum eos participatione terminat ac definit, quam *μέτεξιν τῆς ἀγίας μύτης* vocat. Idem videre est apud Basilium, Gregorium Nyssenum, & alios Græcos Patres.

Quinetiam Ecclesiasticæ Historiæ monumentis illustre exemplum antiquæ huius disciplinæ proditum est, quo egregiè comprobatur SS. Patrum solenne illud, Eucharistiam remissionis peccatorum signaculum esse ac velut coronidem. Eusebius enim S. Dionysij Alexandrini Epistolam profert, in qua scriptum est, Serapionem quendam, qui piè semper sancteque vixisset, persecutionis tempore humanæ infirmitatis vitio lapsus, eamque ob rem fidelium Communione dejectum, reliquam vitam in pœnitentiæ studio ac labore consumpsisse. Cumque ad extremum penè spiritum aliquando venisset, vocis vsum, quem triduo amiserat, repentino miraculo ei redditum, vt per nepotem admodum puerum Sacerdotem accersi juberet, à quo reconciliaretur, & sacra ei Eucharistia ministraretur quod vbi iussisset, rursus eum vocem defecisse. Sacerdotem verò, quòd morbo impeditus accedere ipse non posset, puero Eucharistiæ particulam tradidisse, qua ad Serapionem de-

Ecclef. Hist. lib. 6. c. 36.

lata secundo miraculo vocem eum recepiſſe, diuinituſque certioſiorem factum, Sacerdotem Euchariftiam, quam deferre non potuiſſet, ad ipſum miſiſſe, eaque accepta continuò vitâ defunctum. Quade re S. Dionyſius ſcribit in hæc verba, *An non igitur ſatis conſtat, eum fuiſſe reſeruatum, & uſque eò in vita manſiſſe, quoad eſſet penitùs culpæ vinculis ſolutus, & ita labe, qua erat idolis immolando aſperſus, omninò deleta, poſſet pro multis bonis quæ geſſiſſet in vita in numerum Confefſorum referri.*

Ex quo manifeſtè intelligitur SS. Patres ita certum habuiſſe remiſſionem peccatorum Euchariftia perfici & conſummari, vt inſtante neceſſitate per eam etiam ſolam peccatores reconciliari, animæque maculas elui exiſtimarent, quamuis id uſitatè niſi adjuncta Sacerdotis abſolutione fieri non poſſet.

Prorſus igitur vniuerſæ Antiquitatis testimoniis conſtat, Euchariftiæ Communionem pœnitentium reconciliationis velut apicem fuiſſe ac faſtigium: adeoque cum nemini ad reconciliationem aditus fuerit, niſi poſt lethalia omnia crimina, quibus ſe à baptiſmo inquinaret, diuturnæ laborioſæque pœnitentiæ feruore decocta, quemadmodum ipſa quæ tum vigit Sacramenti huius adminiſtratione demonſtratum eſt, manifeſtè ſequitur, agendam peccatoribus fuiſſe pluribus diebus pœnitentiam, antequam ad Communionem admitterentur.

CAPVT IX.

SEXTVM ARGVMENTVM. VIOLATIONEM Baptismi, quæ peccatorum omnium mortalium communis est, causam fuisse SS. Patribus ad longam & laboriosam penitentiam peccatores adigendi.



QVAM SS. Patres causam habuere vt peccatoribus longo tempore ingemiscendi, illachrymandi, precibus, elemosynis, ieiuniis, diuinam misericordiam inflectendi, antequam ad Sancta Sanctorum accedere fas esset, necessitatem imponerent, ea sextum nobis suppeditabit argumentum. Si enim causam illam eiusmodi esse constiterit, vt ad omnia prorsus lethifera peccata pertineat, cui dubium esse tandem poterit, quin ex illorum mente & doctrina ob quacumque eius generis delicta plures dies pœnitentiæ vacandum sit antequam Communio adeatur.

Quis verò est in præstantium illorum Ecclesiæ Doctorum monimentis vel mediocriter versatus qui compertum non habeat, grauioris illius & austerioris pœnitentiæ causam ab eis semper afferri violati Baptismatis noxam, quæ lethifero quouis peccato sine vlla dubitatione contrahitur.

D. quidem Augustinus rationem reddens cur de eorum potiùs salute qui morte instante baptizantur, quam de illorum qui extremo tantum illo tempore pœnitentiam petunt benè sperare debeamus: *Qui nondum, inquit, accepit baptismum, non-*

Aug. homil. 41.

dum violauit Sacramentum: qui autem violauit Sacramentum malè & perditè viuendo, ET IDEO REMOTVS EST AB ALTARI, ne iudicium sibi manducet & bibat, mutet vitam, corrigat se, & reconcilietur cum viuit, dum sanus est: Et infra, Ergo qui veraciter egerit pœnitentiam, & solutus fuerit à ligamento quo erat obstrictus, & A CHRISTI CORPORE SEPARATVS quandocumque defunctus fuerit ad Deum vadit.

An non hæc verba luce clariùs ostendunt peccata omnia quibus baptismi sanctitas violaretur, (id est, nullo dissentiente, omnia prorsus peccata mortifera) peccatori necessitatem attulisse, vt remotus ab altari & à Communione separatus aliquamdiu pœnitentiam ageret.

Et verò alij Patres omnes cum de imposita peccatoribus laboriosioris longiorisque pœnitentiæ necessitate quo Christi misericordiam flectant, & ad optatissimam illam à qua peccando exciderunt sacri ipsius corporis fruendi felicitatem aspirare possint, grauiùs acriusque disputant, vnum istud potissimum vrgent violati Baptismi piaculum quod Augustinus commemorat; illam peccatorum gratiam eo Sacramento collatam extinguentium grauitatem; illam denique diuinæ iustitiæ rationem quæ exigit, (quemadmodum sacra Synodus Tridentina præclare docet,) vt aliter ab eo in gratiam recipiantur qui ante baptismum per ignorantiam deliquerunt: aliter verò qui semel à peccati & demonis seruitute liberati, & accepto Spiritus Sancti dono scienter

templum Dei violare & Spiritum Sanctum contristare non formidauerint.

Quamobrem ab eadem Synodo, Patrum omnium vestigiis inhaerente hoc inter Baptismi & pœnitentiæ Sacramentum discrimen statuitur, quod ad eam nouitatem & integritatem quam baptismus affert *per Sacramentum pœnitentiæ sine magnis nostris fletibus & laboribus id diuina exigente iustitia nequaquam peruenire possumus, ut merito Pœnitentia LABORIOSVS QVIDAM BAPTISMVS à Sanctis Patribus dictus fuerit.*

Ibid. cap. 2.

Quod intelligens Cardinalis Bellarminus hanc ipsam Concilij doctrinam aduersus nostri temporis hæreticos Patrum omnium autoritate confirmat, *Qui semper, inquit, peccantibus post baptismum grauissimos labores imposuerunt antequam eos reconciliarent: Atque hinc Nouatorum errorem coarguit, qui falso sibi persuaserunt eadem facilitate commissa post baptismum peccata condonari, quàm ante baptismum, secundamque reconciliationem nihilo operosiorum aut laboriosiorum esse debere quam primam; quo certissima diuinæ traditionis & Sacrarum Scripturarum oracula funditus euerunt.*

Bellarminus de Baptism. c. 18.

Per Domini gratiam (inquit Ioannes Damascenus) *lachrymarum fons baptismus appellatur, TAME-*
SI LABORE AC TEMPORE OPVS HABEAT.

Ioan. Damas. vel si quis alius aut. Hist. Barlaami & Iosaphat.

Quot afferemus lachrymas (inquit Psellus) *ut fonti baptismi exæquentur? Etenim nisi tantæ fuerint lachrymæ, ut per eas nostræ iniquitates obruantur, non inue-*

Idem habet Damascel. 4. de fide c. 16. a Psellus in disput. An deitur plena

remissio Monachalem habitum suscipiens, quod a S. Gregor. Nazianz. mutatus est.

nientur eis superiores. Et infra: Diuinum quidem lauacrum sicut superius est dictum etiam siue lachrymis largitur remissionem peccatorum. Quamobrem quod talis lauacro adest potestas, *Et* quod facile condonari possunt quæ ante baptismum peccata sunt, ut quæ sint admissa propter ignorantiam ostensum est: quæ autem post baptismum multis lachrymis indigent, *Et* non facile condonantur, quoniam prudentes scientesque peccamus.

Ἰδοὺμα τοι-
 ζαρυνῶν τὰ
 μέγ' ὁ βαπ-
 τισμα γενό-
 μενα πρῶ-
 ματα· ἰδοὺ-
 μαί, ὅς ἐκ ὧς
 παλαιὰ ἔργα
 στίπας ὡσὺς
 ὁ ἀφ' ἑσέως
 ἐφ' ἀδράμης
 αἰμὰ δέξαι δι-
 κρῶν πολ-
 λὰν δέχετε ὁ
 θυρεὺς, καὶ
 κλαυθμῶν,
 καὶ πένθους,
 καὶ πένθους-
 ῶν, καὶ πόνου
 τῇ πᾶσι τῇ
 γενομένης
 αἰματίας
 σμικτρῶ-
 νων· ὅτε γὰρ
 ἀπογαυρῶν
 ἰδοὺ θανάτου
 τὸς αὐτοὺς ὅτι
 ἐγκαταλείψας,
 ὡς περὶ ἐλ-
 λους μὲν διδο-
 ναι ὅτι τείον·
 μὲν βάλτε
 γὰρ φῆς ἀγνο-
 ῶς χυσι, καὶ
 βίβετε τὸς
 μαρμαρίτας
 ἐμπερὶ
 ὧν γίνεσθαι

Atque utroque prior Theodoretus Cyri Episcopus de omnium qui à baptismi sanctimonia lapsi sunt reconciliatione sic scribit. *Medicabilia sunt etiam quæ post baptismum sunt vulnera. Medicabilia autem non ut olim per solam fidem data remissione, SED PER MVLTAS LACHRYMAS, ET FLETVS, ET LVCTVS, ET IEIVNIA, ET LABOREM COMMISSI PECCATI MAGNITVDINI RESPONDENTEM. A Christo enim docti sumus eos qui sic affecti sunt nec desperare debere, nec illis facile sacra impartiri. Nolite inquit sanctum dare canibus, nec projiciatis margaritas ante porcos. HAS ECCLESIA DE POENITENTIA LEGES HABET.*

I nunc, quære qui tibi fidem habeat asserenti nunquam Ecclesiæ morem fuisse, vt qui mortali- bus culpis baptismi sanctitatem inquinassent plu- res dies pœnitentiam agerent antequam Eucha- ristia donarentur. Ac scito te nihil acturum, nisi antea vel cuncta veterum monimenta aboleas, vel Patribus omnibus fidem abroges, eosque in- scitiæ cœcitatique coarguas, cum Ecclesiæ legi- bus sancitum affirmant, quod tu ab Ecclesiæ

mente & spiritu omnino alienum arbitraris.

Quod si tanti Episcopi ex omni ferè antiquitate eruditissimi & sacrarum Ecclesiæ legum peritissimi disertum apertumque testimonium tibi non sufficit, Sanctus Ioannes Chrysostomus, quem is ut magistrum in omnibus ferè affectatur, docebit te comparationem illam pœnitentiæ cum baptismo à se acceptam, quippe qui multo antè tradiderit, *ut semel aqua & spiritu, ita denuò lachrymis & exomologesi nos mundari.*

Nec minùs ante Chryſoſtomum, Gregorius Nazianzenus ipſius in Conſtantinopolitana Sede deceſſor, Noui, inquit, lachrymarum baptiſmum, ſed aſperioſiorem & laborioſiorem, quo quidem ille tingitur, & qui per ſingulas noctes lectum ſuum ac ſtratum lachrymis lauat, cui ipſe quoque vitij cicatrices ſcærent, qui lugens & contriſtatus ingreditur, qui Manaffis reſipiſcentiam ac Ni-niuitarum humilitatem cui miſericordia impertita eſt, imitatur, qui Publicani verbis in templo vtitur, ac ſuprà inſolentem & ſuperbum Phariſæum iuſtificatur, qui denique Chanaanæ in modum deprimitur, Et miſericordiam implorat, ac micæ poſcit, hoc eſt canis vehementi fame correpti pabulum.

Vt igitur hoc lachrymarum baptismo prioris baptismi jactura repareretur Publicani humilitatem sanctissimus Doctor imitari jubet, ab altaris aditu & Sanctorum cœtu longiùs abscedere, indignum se arbitrari qui vel oculos in cœlum leuare audeat, nedum cœlorum regem hospitio excipiat; pectus assiduè percutere, non idoneum arbitrari vt sedem

τοῦ δ' ἐκ
 ἀρχῆς, καὶ
 ἀπὸ ἀρχῆς
 ἐκ τοῦ τό-
 πους. Theod.
 λεγ. αἰ. Fab.
 lib. 9. c. 29.

[illegible]

μετὰ λαυχοι
 φαινοίσι.
 Eccl. Gregor.
 Nazianzen.
 or. in Sancta
 Lumina.

Christo præbeat: Denique satis superque habere si Deum exorare liceat, ut *propitius sit misero peccatori*, non sibi tantum arrogare ut ad maxima illius beneficia confestim aspi-ret.

Aug. homil.
 50.

Quinetiam in Chananaeam tanquam in exemplar intueatur, canemque se cogitans, ac *canem horribilem oculis Dei*, ut loquitur Augustinus, quippe *reuerſum ad vomitum suum*, non statim filiorum panem inuadat, sed cadentibus è mensa Domini micis contentus eodem Christum quo mulier illa

Aug. Serm.
 de Temp. 74.
 c. 6.

apud D. Augustinum Sermone compellet: *Modicum quoddam Etj exiguum beneficium desidero NON MENSAM INVADO SED MICAS QVÆRO.*

Hæc mens ac sententia magni Ecclesiæ Doctōris, cui Theologi cognomen ob eruditionis præstantiam antiquitas posuit. Quo verò magis pateat doctrinam eiusmodi ab illius ingenio minimè natam, sed per vniuersas Ecclesiæ oras vbique traditam, à contraria mundi extremitate repetamus eius æqualem Sanctum Pacianum Barcinonensem Episcopum, hæc eadem in Hispania grauissimè detonantem aduersus Nouatianos, qui inhumana quadam austeritate commissa post baptismum crimina per Ecclesiam dimitti non ferebant: Si *pœnitentibus*, inquit, *remissio peccatorum dari potuit (ais) baptisma non fuit necessarium insulsissima comparatio! Baptismum enim Sacramentum est Dominicæ Passionis: pœnitentium venia, meritum confitentis. Illud omnes adipisci possunt, quia gratiæ Dei donum est, id est gratuita donatio: Labor verò iste paucorum est, qui post casum resurgunt,*

Pacian. Ep.
 3. ad Sym-
 pronianum.

resurgunt, qui post vulnera conualescunt, qui lachrymosis vocibus adiuuantur, ^a qui carnis interitu reniuiscent.

Neque vero hoc mirabitur qui quod Ambrosium scripsisse cuncti sciunt, pauci ut par est considerant, paulò diligentius expendit, *Facilius nempe se innocentes inuenisse, quam veros pœnitentes, hoc est, qui innocentiam seruauissent, quam qui congrue egissent pœnitentiam.* Cuius rei eam ipsam quam Pacianus causam affert: quod scilicet ut quis congrue pœnitentiam agat, *Renunciandum sæculo sit, somno ipsi minus indulgendum quam natura postulat, interrumpendus sit suspirijs, sequestrandus orationibus, viuendum ita, ut vitali huic moriamur vsui, se ipsum sibi homo abneget, & totus mutetur.* Sicut quendam Adolescentem fabulæ ferunt post amores meretricios peregrè profectum, & abolito amore regressum postea veteri occurrisse dilectæ, quæ ubi non interpellata mirata putauerit non recognitam, rursus recurrens dixerit; *Ego sum: responderit ille; Sed ego, non sum ego.* Unde benè Dominus ait, *Qui vult post me venire, abneget semetipsum sibi, & tollat crucem suam, & sequatur me.* Etenim qui mortui & sepulti Christo sunt, non debent iterum velut viuentes de hoc mundo discernere.

^a Alludit ad Apostoli verba. 1. ad Cor. 5. v. 5. unde patet eum existimasse cum Ambrosio, Chrysostomo, Augustino, alijsque incestum istum Corinthus germanum fuisse penitentem ab Ecclesia eiectum ut per penitentiam ad eam reuocari mereretur. Ambr. l. 1. de penit. c. 10. Ibidem.

Quod si sursum versus ad Ecclesiæ originem recurramus, Sanctos illos Ecclesiæ magistros præsertim Pacianum hæc omnia à Cypriano, Cyprianum à Tertulliano, vniuersos pariter à Traditione Scripturisque sacris hausisse deprehendemus. Ut enim intelligatur quantopere diuinæ iustitiæ satisfieri oporteat post amissam baptismi innocentiam, pen-

sanda sunt Apocalypscos verba, toties à Cypriano commemorata, *Memento unde excideris & age pœnitentiam.* Clarissimè enim monent vt pœnitentiæ magnitudo peccati magnitudini respondeat, vt quo grauius crimen, eò grauior sit satisfactio, eò autem esse grauius, quo maiora & excellentiora bona disperdit. Quamobrem spectanda modò est baptismi excellentia (præsertim vbi duobus illis Sacramentis, quibus homines perfecti Christiani efficiuntur, Confirmationi & Eucharistiæ conjunctus est) vt intelligi queat, quantum illius sanctitate violanda crimen admittatur, & quàm sit *in Dominum*

Tertul de pœnit. 6. 5. *contumax & ingratus, vt Tertullianus ait, qui cum æmulo eius Diabolo pœnitentiā renuntiasset, & hoc nomine illum Domino subiecisset, rursus eundem regressu suo erigit, & exultationem eius seipsum facit, vt denuò malus recuperata præda sua aduersus Dominum gaudeat.*

Atque hac de re tanto studio mundi Seruator nos admonitos voluit, vt ea velut clausula & coronide quatuor Euangelij locos grauissimos terminauerit. Primò enim primum longissimumque omnium sermonem, quo tota Religionis Christianæ institutio continetur, non aptius concludi posse arbitratus est, quam Christianos admonendo, quanta futura sit spiritualis ipsorum domus ruina, si infirmiori nixa fundamento tentationum impetu concutiat.

Luc. 14.

Altera huic similis clausula est illius sermonis, quo necessariam ad religionem Christianam præparationem exponit. Postquam enim docuit suum

esse non posse discipulum, *qui non renuntiet omnibus quæ possidet*, mox demonstraturus, quanti momenti sit præstantissimam Christi discipuli conditionem quam semel assecutus fueris retinere, quamque difficilè semel amissa recuperetur, altissimam & reconditam (quam etiam suo illo solenni in proponendis maioribus mysteriis Epiphonemate prosequitur, *Qui habet aures audiendi audiat*) sententiam adjungit; *Bonum est sal; sed si sal euanuerit, in quo condietur? Neque in terram utile est, neque in sterquilinum, sed foras mittetur*: quasi dicat: Præclarum est meum esse discipulum, & vita, verbo, factisque omnibus alios quasi condire: sed si sal iste amore rerum, quibus renunciandum erat infatuetur, & diuinæ Sapientię vigorem & acrimoniam amittat, quoniam modo in pristinum statum restituetur, cum ad nihil aliud utile sit, quàm vt foras mittatur, hoc est, vt in gehennam exterioresque tenebras proijciatur.

Iansen. Ipr: in illum Evangelij locum, Bonum est sal.

Tertiò mirificam ægri illius annum jam octauum & trigessimum decumbentis curationem simili prorsus sententia conclusit Christus. Æger enim ille baptizati hominis typus erat, vt piscina baptismi: mysticoque illius annorum numero charitatis penuriam, qua peccatum grande efficitur, expressam docet Augustinus. Hunc ergo hominem sanitate donatum sic affatus est Christus: *Vade. Noli amplius peccare, ne quid tibi deterius contingat.* Quare teste ipsa veritate hominis Christiani, qui à baptisinate mortifero crimine sese obstringit, anima deteriore in statum deuoluitur, quam Iu-

Ioan. c. 5.

Ioan. 5.

dæus, quam Paganus, quam ipsius illius hominis corpus octo & triginta annorum morbo sic implicatum, ut nisi miraculo sanari non posset.

Luc. c. 11.

Quartò denique solennem illam Iudæorum condemnationem, quam SS. Patres ad fideles post baptismum lapsos transtulerunt, pari itidem conclusione Christus subtexit. Nam cum *immundus spiritus exierit ab homine*, quod in baptismo fieri constat, ubi à potestate tenebrarum eruimur, septem dæmonum pejorum se comitatu instructum eodem redire denuntiat, ac *fieri nouissima hominis illius peiora prioribus*. Reuersus enim ad vomitum canis, inquit Bernardus, odibilis erit multo plus quam antè, & fiet filius gehennæ multipliciter, qui post indulgentiam delictorum in easdem denuò sordes inciderit, ut sus lota in volutabro luti.

Bern. Serm.
2. de As-
sumpt.

Cum igitur Patres omnes necessitatem diuinæ iustitiæ satisfaciendi veris pœnitentiæ fructibus, maximeque humili, ac verecunda Eucharistiæ omissione, à peccati, quo baptismi gratia extinguatur, grauitate deducant, generali hac pœnitentiæ lege omnia pro rata parte peccata mortalia comprehendere necesse est, cum omnia inæstimabile damnum illud afferant, ac proinde omnia immanium criminum nomine haud absurdè affici possint, si quidem soli immanium criminum rei te autore ad agendam ante Communionem pœnitentiam compelli queant.

Si enim Adæ peccatum *ingens* à Patribus *præuaricatio* nominatur, eo quod constitutum ipsum

inter ac Deum fœdus violarit, quanto magis ea ratione Christiani hominis lapsus peccatum ingens censeri debet, cum arctius multo sanctiusque fœdus, quod in baptismo cum Christo ictum est dirumpat? Ideoque si primus ille homo statim ac primum illud fœdus perfregit, procul à ligno vitæ, quod Eucharistiæ figuram gerebat, eiectionis est: quanto potiori jure Christiani, qui fœdus alterum frangunt indignos se Corporis Christi Communionem efficiunt? Nonne igitur in maximis Dei beneficiis reponi debet, & magna, vt Scriptura loquitur, *Dei misericordiæ* ascribi, quod Christus Corpus suum & Sanguinem iis denuò concedit, qui ad ipsum post mortifera delicta, quibus illum grauissimè offenderunt, corde contrito & humiliato confugientes, veris pœnitentiæ fructibus aditum sibi rursus ad diuinas epulas aperiunt.

Quod si tuos æstus imitari liberet, æquiori multo quam tu jure conquereris, *maximam vnā hanc esse quam Ecclesia possit accipere calamitatem*, quod animarum rectores non satis expendant in quantum malorum mare mortiferarum culparum vel leuissimæ homines præcipitent: quanto animi mœrore vicem suam dolere debeat, qui in antiquam Dæmonis seruitutem reuolutus sit: quantis denique gemitibus & lachrymis animæ suæ mortem ac perniciem eum lugere oporteat. *Si quem de tuis carum mortalitatis exitu perdidisses*, (inquiebat olim Cyprianus cum fœminas in persecutione lapsas increparet) *ingemisceres dolenter & fleres, facie inculta, veste*

Alienandus
Adam fuerat a ligno vitæ vel jam moriturus, vel etiam tanquam excommunicatus sicut etiam in hoc paradiso, id est, Ecclesia solent à Sacramentis altaris vitiis homines disciplina Ecclesiastica remoueri. *August. de Gen. ad lit. lib. 11. c. 40.*

Cypr. de hœr. 13.

mutata, neglecto capillo, vultu nubilo, ore dejecto indicia mœroris ostenderes. Animam tuam misera perdidisti spiritaliter mortua superuiuere hic tibi, & ipsa ambulans funus tuum portare cœpisti, & non acriter plangis, non iugiter ingemiscis? Non te vel pudore criminis, vel continuatione lamentationis abscondis? Ecce pejora adhuc peccandi vulnera; Ecce maiora delicta: peccasse, nec satisfacere: deliquisse, nec delicta deslere.

CAPVT X.

SEPTIMUM ARGUMENTUM. DISCIPLINAM istam non ad populi modo exemplum (ut nuperi hæretici contendunt) sed ad eius qui à Communionem prohibebatur salutem spectasse, ut vel ex eo apparet, quod eiusmodi prohibitio arcanam nonnunquam & occulta esset. Superiorum omnium argumentorum clausula.



*Philippus
Melancthon
in Apologia
Confessionis
Augustanæ
art. de Con-
fess. & satisf.
Scholastici
viderunt in
Ecclesia esse
Satisfactio-
nes: sed non
animadu-
tebant illa
spectacula
instituta es-
se, tum ex-
empli causa,
tum ad pro-*

ED jam tempus est, ut superiorum argumentorum vim non cumulet modo, sed confirmet etiam vltima ratio, falsamque hæreticorum nostrorum opinionem confutet, qui longas illas & laboriosas satisfactiones Eucharistiæ Communioni à peccatoribus præmitti solitas, rem prorsus politicam fuisse, & exempli duntaxat causa institutam, fallaciter aut imperitè persuadere conati sunt.

Sed facilè perniciosæ doctrinæ vanitatem deiciemus, simulque demonstrabimus, non in eum modò finem, ut Ecclesiæ honos sarciretur, & quæ ex fidelium sceleribus in ipsam redundauerat, infamia elueretur, legitimum agendæ pœnitentiæ,

& à Communionē abscedendi tempus præscriptum fuisse, sed vel maximè, vt lapsorum salutē consuleretur, iisque religiosa abstinentia & dilatione salutari veræ integræque sanitatis recuperandæ via & ratio traderetur. Ad hoc enim comprobandum vnum illud satis fuerit, quod cum Ecclesia singularibus de causis eorum qui clàm deliquissent pœnitentiam à vulgi oculis subducendam censeret, vt ea jam aliis exemplo esse non posset: tamen ab interdictæ pœnitentibus Communionis lege eos non eximeret, quemadmodum proculdubio fecisset, si publicum duntaxat exemplum spectasset: sed ea duntaxat aduersus illos benignitate utebatur, vt quo temporis spatio cæteros palàm in hominum oculis lugere cogebat, eodem istos solis Deo & Angelis testibus lugere pateretur.

Talem verò fuisse veterem Ecclesiæ disciplinam duobus duntaxat argumentis, quæ omnem dubitationem tollant, confirmare possumus. Primum est, quod cum mulier, quæ clanculum adulterio se polluisset, delicti conscientia stimulatâ Sacerdoti vulnus suum aperiret, ne publica pœnitentia suspicionem criminis faceret, viroque ad eam duriùs accipiendam, aut etiam necandam doloris stimulos adderet, autor est S. Basilus, Ecclesiæ legibus, quæ nunquam prudentia vacant cautum fuisse, vt ea clàm pœnitentia defungeretur, statutoque Canonibus aduersus adulteros tempore, hoc est pluribus annis ab Eucharistia se abstineret. Qua ex re graua multa & in primis obseruanda de anti-

bandos hos qui petebant recipi ab Ecclesia. In summa non videntur esse disciplinam, & rem prorsus Politicam. Ideo supersticiosè finxerunt eas, non ad disciplinam coram Ecclesia, sed ad placandum Deum valere. Idem habet Caluinus lib. 3. Instit. c. 4. §. 39.

Epist. 2. ad Amphilocho. can. 34.

qua illa Eucharistiæ interdictione perspicimus.

Primum, eam non ob sola peccata publica, sed etiam ob occulta indictam.

Deinde, non soli aliorum exemplo, sed eius qui à Communionem remouebatur salutem potissimum inferuisse.

Tertiò, non ita pœnitentiæ publicæ, cui vulgò adhærebat alligatam fuisse, quin idonea de causa posset ac deberet seorsum obseruari, cum tam distincta quam conjuncta magnam ad stabilem constantemque animarum curationem vtilitatem afferret.

Quartò, licet nunc pœnitentia publica passim non usurpetur, nihil tamen obesse quominus peccatorum mortiferorum rei possint, & sæpè debeant ab Eucharistia semoueri, ut ad eam, pro tanti mysterij dignitate accipiendam sese componant, maxime cum diuino igne vehementius succensi antiquam istam sanctamque disciplinam, quam damnare nemo queat, nisi Sanctos omnes Patres velut duces cæcos damnatos velit, sponte amplexantur.

Postremò illud hinc docemur (quod ab omnibus diligentius animaduerti velim) etsi priscas Ecclesiæ leges, antiquamque disciplinam, qua vigente tot sæculis Ecclesia floruit, examussim sequi, omnique ex parte reuocare hoc tempore minus liceat, non continuò omnia illius delenda esse vestigia, nec committendum, ut infinita quadam licentia negligentiaque soluti diffluamus, quandoquidem Sancti Patres mulieres ad pœnitentiam adigere,

gere, & ab altaris aditu prohibere non dubitabant, quæ ritus omnes & statuta ac legitima omnia pœnitentium iura subire non possent.

Alterum exemplum eorum est, qui in Ecclesiasticum Ordinem cooptati erant, & sacris ministeriis addicti, quos nemo nescit pœnitentiæ publicæ saltem vulgò & passim obnoxios non fuisse: nec minùs tamen, si in mortiferum facinus prolapsi essent, ab altaris aditu depulsos, & secretò Deum pœnitentiæ operibus placare iussos, antequam ad ministeria pristina redeundi daretur copia, si tamen daretur; rarò enim admodum antiquioribus præsertim sæculis id concessum.

Quod vtrumque perspicuè docet S. Leo Epistola 92. ad Rusticum Narbonensem. *Alienum est, inquit, à consuetudine Ecclesiastica, ut qui in Presbyterali honore aut qui in Diaconij gradu fuerint consecrati, ij pro crimine aliquo per manus impositionem remedium accipiant pœnitendi, (hoc est pœnitentiæ publicæ colla submittant.) Vnde huiusmodi lapsis ad promerendam misericordiam Dei priuata est expetenda secessio, ubi illis Satisfactio, si fuerit digna, sit etiam fructuosa.*

Idem patet ex S. Ambrosij in Diaconum quendam Gerontium animaduersione, quem, ut Sozomenus testis est, *prescripto tempore manere domi, & pœnitentia expiari iussit.* Quod imitatus Sanctissimus eius successor Carolus Borromæus, Clericos qui culpam maiorem aliquam contraxissent, in Palatii semotiore loco abditos lugere peccata, & ieiuniis, precibus, voluntariisque castigationibus ex-

Sozom. lib. 8. c. 6.

Ripam. in vita S. Caroli lib. 7.

piare certo tempore jubebat, donec pœnitentiæ fructibus Deo satisfecissent.

Ac post antiquorum illorum Patrum tempora Concilium Ilerdense in Hispania Ioannis I. ætate, *Concil. Ilerd. scilicet. 2.* ineunte sexto seculo ita decreuit, *De his Clericis, qui in obsidionis necessitate positi fuerint, statutum est, ut ab omni humano sanguine etiam hostili abstineant. Quod si in hoc inciderint, duobus annis vigilijs, jeiunijs, orationibus, & eleemosynis pro viribus quas Dominus donauerit, expientur.*

Concilium verò Hibernicum apud Gratianum Presbytero in fornicationem lapso, & crimen sponte confesso annorum decem pœnitentiam injungit. Et inter alia statuit, *Dist. 81. c. Presbyter.* *Ut tribus quidem mensibus priuato loco à ceteris remotus pane & aqua à vespere in vespeream utatur: sacco indutus humi adhæreat: die ac nocte jugiter misericordiam Dei omnipotentis imploret: finitis tribus mensibus continuis exeat: tamen in publicum non procedat, ne grex fidelis in eo scandalum patiatur. Nec enim debet Sacerdos publicè pœnitere sicut laïcus.*

Fulbertus verò Episcopus Carnotensis rogatus, quid statuendum esset in Presbyterum, qui sacrum faciens Communionem omisisset, respondit in hæc verba, *Fulberti. Ep. 83.* *Videtur diligenter inquirenda esse causa, qua Sacro-sanctam Communionem subterfugerit: videlicet utrum hæretica infidelitas sit, an timor ex conscientia planè mortalis criminis: an timor ex conscientia ebriositatis aut libidinis, quæ quidem miseri Sacerdotes mortalia peccata esse, aut nesciunt, aut scire dissimulant, remordente conscientia mala, &c. Si ergo infidelitas in causa inuenta*

fuerit, aut aliud planè mortale crimen, deponendus est auctoritate canonica usque ad legitimam satisfactionem. Si autem appetitus ebriositatis aut libidinis, quandoquidem & ipsa mortifera sunt, ab officio remouendus est, & tandiu abstinencia castigandus est, quousque relicto vitio, & per Dei gratiam superato reuocari videatur idoneus. At si ex frequenti Missarum celebratione tadium, ita corripiendus, & per annum integrum à Communione pellendus, sicut scriptum est in 13. Concilio Toletano c. 5. Si verò indiscretus timor de leui culpa, castigandus esse videtur cum pietate, sicut legitur in Capitulario lib. 1. c. 6.

Hæccine omnia consentiunt cum tuo illo audacissimo placito, publicos duntaxat pœnitentes ob atrocia crimina ad agendam pœnitentiam ab Eucharistiæ Communione semotos olim fuisse? An tu ebrietatem inter *atrocia crimina* numerabis; nisi fortè pari ratione omnia mortifera isto nomine appelles, quod quidem Deo iudice illis deberi constat? Postremò an in ea opinione perstabis, vt neminem à Communione prohibendum contendas, quin ad agendam publicè pœnitentiam continuò adigatur, cum luce clariùs pateat Sacerdotes ab ea prohibitos, licet pœnitentiæ publicæ iugo nunquam subderentur.

Sed quid S. Prospero respondeas, qui eodem loco apud S. Leonem, quo Hieronymus apud Damasum fuit, grauissimis verbis scribenti, hominem Ecclesiasticum mortiferi delicti, quamuis occulti, reum, excommunicationis voluntariæ sententia seipsum percellere debere, vt animam suam mor-

Prosper. lib.
2. de vita
contempl. c. 7.

tuam plangens efficaciae pœnitentiæ fructibus Deo reconciliari possit. *At hi, inquit, qui in aliquo gradu Ecclesiastico constituti aliquod occultè crimen admittunt, ipsi se vana persuasione decipiunt, si eis propterea videatur communicare, & officium suum implere debere, quod homines occultatione sui criminis fallunt. Exceptis enim peccatis, quæ tam parua sunt ut caueri non possint, pro quibus expiandis quotidie Deo clamamus, & dicimus, Dimitte nobis debita nostra, sicut & nos dimittimus debitoribus nostris (hoc est exceptis venialibus culpis) illa crimina caueantur, quæ publicata suos autores humano faciunt damnari iudicio. (Quod planè congruit cum illo Augustini, Neminem à Communione prohiberi posse, nisi aut sponte confessum aut conuictum.) Qui autem ea commiserint, & ideo proderè metuunt, ne sententiam justæ excommunicationis accipiant (quod clarè indicat eos omnes, qui mortifera delicta, etiam occulta, Sacerdotibus panderent, à Communione remoueri consueuissè) sine causa communicant. Imò verò dupliciter contra se iram diuinæ indignationis exaggerant, quod & hominibus innocentiam fingunt, & contempto Dei iudicio abstinere se ab altari propter homines erubescunt. Quapropter Deum sibi faciliùs placabunt illi, qui non humano conuicti iudicio, sed ultrò crimen agnoscunt: qui aut proprijs illud confessionibus produnt, aut nescientibus alijs quales occulti sunt, ipsi in se voluntariæ excommunicationis sententiam ferunt, & ab altari cui ministrabant, non animo, sed officio separati, vitam tanquam mortuam plangunt, certi quod reconciliato sibi efficaciae pœnitentiæ fructibus Deo, non solum amissa recipiant, sed etiam ciues*

supernæ ciuitatis effecti, ad gaudia sempiterna perueniunt.

Non jam ergo ob externam duntaxat disciplinam peccatorum mortiferorum reos ab Eucharistia discedere par est, sed vt efficacis pœnitentiæ fructibus Deo reconcilientur, vt supernæ ciuitatis ciues efficiantur, vt ad gaudia sempiterna perueniant.

Sed minimè necessarium in re adeò clara longiorem operam ponere, cum sex septemve hæc argumenta satis superque fore videantur, vt vel ipse agnoscas, quàm inscitè asserueris; *Nunquam in Ecclesia vsu positum fuisse, vt lethaliū criminum rei per plures dies pœnitentiam agerent, antequam ad sacram Communionem admitterentur, nisi ij soli, qui ob atrociora crimina publicâ pœnitentiâ defungebantur.*

Primò enim demonstrauius, si distinctionis peccatorum ratio spectetur, Sanctos Patres existimasse, omnia peccata, quæ venialibus opponunt & crimina appellant, Eucharistiæ priuatione multanda.

Secundò, si debita peccatis pœna attendatur, mortifera omnia Excommunicatione affecisse.

Tertiò, si varia pro expiandarum varietate culparum pœnitentiæ genera quærantur, duplicem duntaxat pœnitentiam illos post baptismum agnouisse, alteram peccatorum venialium, alteram mortiferorum: huicque postremæ Communionis prohibitionem semper annexam.

Quartò, si omnium qui à gratia exciderunt, Deo reconciliandorum potestatem Sacerdotibus à

Deo collatam intueamur, eam vix in alios olim adhibitam, quam quos antè à cœlesti pane repulissent, adeoque ob vniuersa delicta, quibus animi sanctitas deperit, pœnam illam decreuisse.

Quintò, si ordinem in administrando Pœnitentiæ Sacramento ab iis obseruatum inquiramus, planissimum esse, si nulla major necessitas, velut instantis mortis, cogeret, eos qui baptismum violassent, nonnisi longa & laboriosa satisfactione peracta reconciliatos ab illis, & ad mysteriorum Communionem admissos.

Sextò, si salutaris huius seueritatis fontem & originem perscrutemur, non aliam ab iis causam afferri, quam violatum baptismi Sacramentum, patetque cum Christo fœderis perfractionem, quæ in omnibus mortiferis delictis necessario implicata est.

Vltimò denique, si finem & scopum sanctissimi huius instituti nosse cupimus, non ad fidelium modo exemplum spectasse, sed ad peccatoris potissimum salutem, vt piis illis pœnitentiæ exercitationibus, & verecunda ab altari secessione ad vitam verè Christianam, & diuinorum mysteriorum, ad quæ animo contendebat, sanctitati congruentem conformaretur.

Ea porrò est rationum istarum omnium colligatio & consensio, vt qui simul vniuersas contempletur, & lucem qua sese inuicem collustrant aspiciat, neminem repugnare illis posse existimem, nisi fortè perturbati animi nebulæ officiant, vel alie-

narum opinionum præjudicia nullum veritati locum relinquant, hoc est, vt Tertulliani verba hic vsurpem, *Si non præsumptio aut iniquitas iudicet, altera quæ desperat, altera quæ recusat veritatem.*

*Tertull. in
Apolog. c. 10.*

CAPVT XI.

DE CAUSIS, QUIBVS INDUCTI SS.

Patres in administrando Pœnitentiæ Sacramento, quem supra diximus ordinem seruauerunt, ac primùm de absolutionis mora, quam adhibendam censuere, vt esset peccatoribus spatium & facultas saluari satisfactione crimina expiandi, & in Christiana sese obfirmandi vita & pietate.



AT ET igitur nunc opinor, quæ sit Patrum, Conciliorum, Summorumque Pontificum de vsu & more quem damnare ausus es, mens & sententia.

Id verò Ecclesiæ Catholicæ filio satis superque esse debet ad illius disciplinæ sanctitatem agnoscendam, quandoquidem vnum è præcipuis Religionis Christianæ fundamentis ruere necesse sit, si quis in dubium reuocet, num doctrina à SS. Patribus vno ore tradita, tot Conciliis stabilita, & per tot Summos Pontifices confirmata, sancta Catholicaque haberi debeat. Tibi quidem Sanctorum Ecclesiæ Doctorum sensu jam explicato nihil reliqui est quod cauferis, quominus illum amplexere, cum vltro constitueris, *Fidelium animarum magistrum à priuatis opinionibus Et Sanctorum Patrum mente alienis abhorreere oportere.*

Verum cum rerum diuinarum intelligentia fru-

ctus & merces fidei sit, si ea quâ par est reuerentia sanctissimos illos viros audiuerimus, pia docilitas dignos, vt speramus, nos efficiet, qui in illorum sententiam interiùs penetremus, diuinâque rationes, quarum ductum secuti hunc *disciplinæ cœlestis*, vt appellat Augustinus, Salutarem ordinem religiosè coluerunt, propiùs indagemus.

Vt autem dilucidior ea de re sit oratio, considerari potest pœnitentia, vel vt dispositio ad Sacerdotis absolutionem, vel vt præparatio ad Communionem Eucharistiæ. Quamuis enim penes illos hæc inter se indiuiduo nexu cohærescerent, neque alia esset pœnitentia quæ absolutioni, alia quæ Communioni (quæ absolutis statim exhibebatur, vt jam ostendimus) viam muniret, tamen duplicem veluti rationem ac respectum in pœnitentia distinguere possumus, & studiosiùs quærere. Primum, quid tandem illos doctrina sanctimoniaque præstantissimos viros adduxerit, vt tam diuturno tempore peccatores morarentur, antequam iis criminum remissionem concederent. Deinde quid spectarint, ac secuti sint, dum eos nonnisi longa & laboriosa satisfactione purgatos ad sanctissimam Christi mensam accedere voluerunt.

Quod ad primum attinet, ex vniuersæ illorum doctrinæ serie constat, hanc præcipuam illis fuisse causam, cur tandiu criminum per Confessionem editorum absolutionem protraherent, quod existimarent quoscumque demum à gratia lapsos, & æternæ damnationis reos ante omnia magno studio

dio incumbere oportere, vt ex Sacerdotis præscripto precibus, lachrymis, & cuiusquemodi bonis operibus Deum propitient, seipsos salubri satisfactione, vt ait S. Leo, & peccatis congruenti pœnitentia, vt Innocentius Papa, mente purgatos exhibeant, atque à diuina misericordia veræ solidæque conuersionis gratiam impetrent, antequam Ecclesiæ ministerio palàm reconcilientur.

Hinc S. Gregorius loco suprâ allato, *vt ligandi atque soluendi potestas ritè exerceatur, videndum esse, quæ culpa præcesserit, aut quæ sit pœnitentia secuta post culpam, vt quos omnipotens Deus per compunctionis gratiam visitat, illos pastoris sententia absoluat: tunc enim veram esse absolutionem præsentis, cum æterni arbitrium sequitur iudicis.* Atque vt nihil se docere ostenderet, quod à verbo Dei non didicisset; *Quod bene, inquit, quatruiduani mortui resurrectione illa significat, quæ videlicet demonstrat, quia mortuum Dominus priùs vocauit & viuificauit dicens, Lazare, veni foras, & post modum is qui viuens egressus fuerat à discipulis est solutus, sicut scriptum est; Cumque egressus esset qui fuerat ligatus in stitis, tunc dixit discipulis, Soluite eum & finite abire. Ecce illum discipuli jam viuentem soluunt, quem Magister resuscitauerat mortuum. Si enim discipuli Lazarum mortuum soluerent, factorem magis ostenderent quam virtutem. Ex qua consideratione intuendum est, quod illos nos debemus per pastorem auctoritatem soluere, quos autorem nostrum cognoscimus per suscitantem gratiam viuificare.*

Gregor. hom.
26. in Euang.

Quam doctrinam quemadmodum sanctissimus Pontifex à superioribus Patribus, præsertim Augu-

*Conc. Aquif-
gran. an. 816.
c. 37.*

stino, traditam acceperat, ita posteriores sacri depositi loco ad posteros transmittendam ab ipso acceperunt. Concilium Aquisgranense Stephano V. Ecclesiam, & Ludouico Pio Romanum Imperium gubernante, cum plurima ex Sanctis Patribus & Canonibus sumpta instituta Ecclesiæ Ministris obseruanda proponere decreuisset, vt Episcopos & Presbyteros concessæ sibi à Christo ligandi soluedique potestatis rite administrandæ rationem doceret, hæc ipsa quæ diximus D. Gregorij verba, tanquam longè excellentissimam in hoc genere formulam refert.

Ac S. Eligius Nouiodunensis Episcopus, qui centum circiter annis ante hoc Concilium, centum itidem post S. Gregorium floruit, eundem locum integrum ab eo mutuatur, ad monendos pœnitentes, ne à Sacerdotibus facinorum suorum absolutionem priùs flagitent, quam ea lachrymis diluerint, peccatisque mortui per suscitantem gratiam reuixerint. Sic enim in homilia II. eos alloquitur: *Ad vos præterea nunc spiritualis noster sermo transfertur, quos sub pœnitudinis habitu constitutos facie squallida, & crine demisso, peccamina vestra planxisse, & vitia carnis in vobis mortificasse, quantum homini videre possibile est, consideramus. Ante omnia autem vobis scire necesse est, quia licet impositionem manuum nostrarum accipere cupiatis, tamen absolutionem peccatorum vestrorum consequi non potestis, antequam per compunctionis gratiam diuina pietas vos absoluerè dignabitur. Tunc enim (vt B. dicit Gregorius) vera est absolutio præsentis, cum*

interni arbitrium sequitur iudicis. Quod cum eodem Lazari exemplo iisdem Gregorij verbis suprà à nobis allatis confirmasset, eadem etiam clausula hunc locum absoluit. Ex qua consideratione intuendum est, quod nos debemus per Pastoralem auctoritatem eos soluere, quos cognoscimus autorem nostrum per suscitantem gratiam viuificasse.

Idem Episcopus in alio Sermone cum plurima cuiusque generis peccata mortifera enumerasset, ne iis quidem exceptis quæ leuiores videntur, qualia sunt contentiones, ebrietas, comessationes, concupiscentia mala, populum sic adhortatur: *Qui ergo ex vobis talibus & his similibus inuoluti sceleribus fuerint, Et per confessionem & pœnitentiam nequaquam condignam satisfactionem egerint, sed adhuc in hac vetustate perdurant, non se à nobis reconciliari posse existiment, nisi prius veterem hominem cum actibus suis nunc enumeratis exspolient, & nouum induant, Et ipsi in eodem nouo homine (id est in Christo) noua creatura (id est noui homines) per pœnitentiam fiant, sicut dudum per baptismum facti fuerant, vt hoc Apostoli dictum illis merito conueniat, Vetera transierunt, ecce facta sunt omnia noua. Si igitur condignam Deo pœnitentiam obtulistis de præteritis, Et si hac eadem vltius admittere non vultis, sed cum Dei gratia & adiutorio in omni bonitate, & iustitia, & veritate perseuerare desideratis; tunc scire potestis, quia noxia vetustate exuti, noua creatura facti estis, & verè Deo reconciliamini per Christum, & per nos quibus dedit ministerium reconciliationis, &c. Si autem, vt diximus, aliter est, nemo vestrum se fallat, nemo se seducat, nemo cir-*

S. Elig. hom.

4.

cumueniat; non enim potest Deus ut homo ullis decipi fraudulentij, clamante omnibus Apostolo, Nolite errare, Deus non irridetur. QUI ENIM PECCANDO FACTVS EST EI INIMICVS, NISI SATISFACIENDO NON POTEST RECONCILIARI VT FIAT AMICVS. In reconciliatione autem vestra nolite nos Episcopos attendere ut autores, sed ut ministros: nam quis sit autor manifestat nobis idem egregius gentium Doctor; cum enim dixisset, Ecce facta sunt omnia noua, addidit, Omnia autem ex Deo qui reconciliauit nos sibi per Christum. Ecce per quem fit reconciliatio, scilicet per Christum, qui eandem nobis procurans per suam passionem, redijt ad præmium. Sed ne imperfectum remaneret, quod procurauerat, *Et* quoniam ipse quidem corporalem præsentiam ab eis abscondebat, quibus secundum diuinitatem dignatus erat polliceri, Ecce ego vobiscum sum omnibus diebus vsque ad consummationem sæculi; dedit Apostolis suis nobisque eorum successoribus potestatem ligandi atque soluendi in cælo *Et* in terra: quam potestatem soluendi vocat Apostolus, Ministerium reconciliationis. Ideoque quia vices Christi agimus, quos ille inuisibiliter absoluendo dignos sua reconciliatione iudicat, nos visibiliter reconciliando per officium nostri ministerij absoluiamus. Eos verò qui funibus peccatorum suorum ante Dei conspectum adhuc tenentur adstricti, nos quo modo absolvere possumus?

Denique idem Sanctus Episcopus pœnitentes absoluturus, quali eos animi affectione præditos esse oporteret, hac egregia præstantique oratione demonstrat: Deus omnipotens, iustus *Et* misericors, ille scrutator cordium *Et* renum, intrinsecus corda nostra in-

*ſpiciť, & diuinitatis ſuę potentiã conſiderat, ſi per lamen-
ta pęnitentię illi ſatufeciftis : nos autem qui puri homines
ſumus, tantummodo faciẽs intuemur : vnde ſaluti veſtrę
conſulentes hortamur, vt ſi quis veſtrum fictę pęnitentiã
accepit, aut pęnitere diſſimulauit, ad reconciliationis Sa-
cramentum nullatenus accedere pręſumat, ſed magis ſor-
des ſclerum diluat fontibus lachrymarum, cęterarumque
operibus virtutum. Si verò quantum humanę fragilitati
ſcire permittitur, dignę pęnituiſtis, & deinceps ne talia
facere velitis, tota mentis contritione promittitis, dextras
manus veſtras in ſublime extendite, vt abhinc cęleſtem
conuerſationem, & vitam Deo dignam gerere oſtendatis.*

Ex quibus conſtat Sanctos Patres à quibus fidei
Chriſtianę doctrinam accepimus, longę ab ea opi-
nionẽ abfuiſſe, quę in quorundam hodie menti-
bus inſedit, ad criminum vel grauiffimorum expia-
tionem nihil aliud poſtulandum, quàm vt pecca-
tor Presbyteri ad genua ſtratus, labes ei ſuas & pec-
cata aperiat. Docent enim planiffimę, vt à Sacer-
dote delictorum remiſſio jure efflagitetur, legiti-
mam & criminum grauitati congruentem agen-
dam prius peccatori pęnitentiã : vt veterem ho-
minem cum actibus ſuis expoliet, nouumque induat : & ſa-
lutaris pęnitentię fructibus dignum ſe pręſtet qui
ab aeterno iudice inuiſibiliter abſoluatur.

Quin etiam ita nonnunquam eos objurgant,
qui doloris & gemituum diuturnitatem qua Deus
ſectitur, animęque macularum lachrymis diluen-
darum laborem detrectantes, ab Eccleſia nihilo-
minus reconciliationem expoſcerent; ita, inquam,

acriter in eos inuehuntur, vt qui illorum loquendi morem minùs teneat, in Nouatianorum errorem se inclinasse, concessamque Ecclesiæ remittendorum peccatorum potestatem eos denegasse facile suspicetur.

*Cyprianus
Tract. de lapsis.*

Quid enim aliud innuere videtur Cyprianus, cum lapsos admonet, vt à solo Deo remissionem expectent. *Nemo, inquit, se fallat, nemo decipiat. Solus Dominus misereri potest. Veniam peccatis quæ in ipsum commissa sunt solus potest ille largiri qui peccata nostra portauit, qui pro nobis doluit, quem Deus tradidit pro peccatis nostris. Homo Deo esse non potest maior, nec remittere, aut donare indulgentia sua seruus potest, quod in Dominum delicto grauiore commissum est; ne adhuc lapsus Et hoc accedat ad crimen, si nesciat esse prædictum, Maledictus homo qui spem habet in homine.*

*Clerus Rom.
Ep. 31. ad Cyprian.*

Nonne id ipsum eodem tempore significare visus est Clerus Romanus, cum suam de lapsis sententiam exponens, tantum ait: *Eos separatos à nobis non dereliquimus, sed cohortati sumus, & hortamur agere pœnitentiam, si quò indulgentiam poterunt recipere ab eo qui potest præstare, id est à Deo.*

Atqui certissimum est Sanctos Patres hoc loquendi genere nihil aliud voluisse, quam non sperandam peccatori à Sacerdotibus veniam gratuitamque indulgentiam, nisi ante veræ solidæque pœnitentiæ fructibus misericordiam Dei emereri studuisset.

Id euidenter patet ex Cypriano, qui eodem illo libro vbi peccatorum remissionem solius Dei mi-

fericordiæ referuare videtur, eorum remittendorum potestatem Sacerdotibus perspicuè assignat, lapsosque adhortatur, *Vt confiteantur singuli delictum suum, dum, inquit, adhuc qui deliquit in seculo est, dum admitti Confessio eius potest, dum satisfactio* **REMISSIO FACTA PER SACERDOTES** *apud Dominum grata est.*

Notandus ordo.

1. Confessio.

2. Satisfactio.

3. Remissio per Sacerdotes.

Itaque manifestum est cum eos admonet delictorum indulgentiam à Deo solo expectandam, quia *solus Dominus misereri potest*, nihil aliud spectare, quam vt doceat in eo imprimis elaborandum vt precibus Deum flectant, iustaque satisfactione iram eius mitigent, quemadmodum egregiis his verbis quibus locum concludit, intelligitur: *Dominus orandus est, Dominus nostra satisfactione placandus.* In absolutione verò Sacerdotis ita demum collocandam fiduciam, si quæ libro eodem extremo præcipit, obseruassent. *Si precem, inquit, ex toto corde quis faciat, si veris pœnitentiæ lamentationibus & lachrymis ingemiscat; si ad veniam delicti sui Dominum iustis & continuis operibus inflectat, misereri talium potest: potest ille indulgentiam dare: sententiam suam potest ille deflectere: POENITENTI, OPERANTI, ROGANTI potest clementer ignoscere: potest acceptum ferre quidquid pro talibus* **ET** *petierint Martyres, ET fecerint Sacerdotes.*

His demum Sancti Patres, non aliis, remissionem factam per Sacerdotes apud Dominum ratam fructuosamque censebant, *Pœnitentibus, operantibus,*

Ibidem

rogantibus, ijs, (vt ait idem Martyr) quorum timor in

Deum pronus est, & in ruina licet animus constitutus mali sui memor est: qui pœnitentes ac dolentes peccata sua perspiciunt, grauissimum conscientia crimem agnoscunt, ad intelligentiam delicti sui oculos cordis aperiunt, nec desperantes misericordiam Domini, NEC TAMEN IAM VENIAM VINDICANTES: Quippe qui intelligent, Deum, quantum patris pietate indulgens semper & bonus est, tantum iudicis maiestate esse metuendum. Iis denique qui quam magna deliquerunt, tam granditer deflent, qui operam dant ut ALTO VULNERI DILIGENS ET LONGA MEDICINA NON DESIT, ut pœnitentia crimine minor non sit.

Ad eundem modum accipi debent quæ ex Cleri Romani Epistola suprâ attulimus. Sicut enim Sancti illi Presbyteri Ecclesiam Pontificia Sede vacante administrantes, procul aberant ab eorum errore qui remittendorum peccatorum Ecclesiæ potestatem negarunt; ita Ecclesiæ indulgentiam in alios conferendam non censuerunt, quam qui ex animo pœnitentes criminum suorum vim agnoscerent, eamque optimam ad sanitatem viam existimarent, *si non sit minor medicina quam vulnera, non sint minora remedia quam funera.*

Clerus Rom.
ad Cypri. Ep.
31.

Id perspicuè profitentur in Epistola ad Cyprianum, Presbyteros quosdam qui falsa benignitatis specie, prauaque facilitate ad præproperam reconciliationem peccatores impellebant, grauiter accusantes. *Vbi enim, inquit, indulgentiæ poterit medicina proficere, si etiam ipse medicus intercepta pœnitentia indulget periculis: si tantummodo operit vulnus, nec finit necessaria*

necessaria temporis remedia conducere cicatricem? Hoc non est curare, sed si verum dicere volumus, occidere.

Eadem Epistola pœnitentibus præcipiunt quam insistere viam debeant, vt ab Ecclesia mereantur absolui. *Multum illis proficiet, inquiunt, modesta petitio, postulatio verecunda, humilitas necessaria, patientia non otiosa. Mittant legatos pro suis doloribus lachrymas: aduocatione fungantur ex intimo pectore prolati gemitus, dolorem probantes commissi criminis & pudorem. Imò si dedecoris admissi magnitudinem, si pectoris & conscientie suæ lethalem plagam, & sinuosi vulneris altos recessus verè medica manu tractant, erubescant & petere, nisi quia maioris est rursus & periculi & pudoris auxilium pacis non petisse.*

Hæc est vniuersorum Ecclesiæ Doctorum vnanimis sententia. Vno enim consensu verbo & factis contestantur, non ita facilè ac vulgò existiment, eam animi affectionem parari, quæ obtinendæ satis sit mortiferorum veniæ peccatorum, quibus Christianos Iudæis, Ethnicisque deteriores fieri docet Euangelium. Eiusmodi quippe vulnorum curationem adeò difficilem & operosam existimarunt, vt solis pœnitentium lachrymis illam à Deo impetrari posse non crediderint, nisi totius Ecclesiæ gemitus accederent. Quare iubebant eos

Charis Dei adgeniculari, omnibus siatribus legationes deprecationis suæ iniungere, patrociniū sibi ad Deum obsecrandum sanctæ plebis requirere, tenere pauperum manus, viduas obsecrare, Presbyteris aduolui, exoratricem Ecclesiam deprecari.

^a Tertull.
de pœnit. c. 9.

^b Ambros.
lib. 2. de pœnit. cap. 10.

^c S. Pacian.
in Parnesii
ad pœnit.

Hac nempe ratione suscitationem animarum à Christi bonitate obtinendam arbitrati sunt, quemadmodum Christus ipse non ante filium viduæ suscitauit, quam eum matris lachrymæ misericordia commouissent. *Hæc mater*, inquit Ambrosius, *sancta Ecclesia est, ipsa est quæ compatitur quodam spiritali dolore naturæ, cum suos liberos lethalibus vitijs ad mortem cernit vrgeri.* Itaque si graue, inquit, peccatum est, quod pænitentia lachrymis ipse lauare non possis, flet pro te mater Ecclesia, quæ pro singulis tanquam pro unicis filijs vidua mater interuenit.

In his Ecclesiæ lachrymis, in hoc columbæ gemitu, vt loquitur Augustinus, maximè spem suam peccatores collocare debent: *Solam enim IESVS flere non patitur Ecclesiam, compatitur dilectæ suæ*, in Lazari à mortuis reuocatione Marthæ & Mariæ lachrymis suas admiscet, & cum fratres super te lachrymas agunt, inquit Tertullianus, *Christus patitur, Christus Patrem deprecatur, facile impetratur semper quod Filius postulat.* Denique vt ab eximio antiquitatis Doctore diuinitus scriptum est, *Donauit Christus Ecclesiæ vt unum per omnes redimeret*, (hoc est, vt vni peccatori veniam communibus omnium fidelium lachrymis & gemitibus impetraret,) *quæ Domini IESVS meruit aduentum, vt per unum omnes redimerentur.* Quem in sensum accipi posse existimat idem Pater etiam hæc Apostoli verba, *Expurgate vetus fermentum vt sitis noua conspersio sicut estis azymi*, quoniam, inquit, *tota Ecclesia suscipit onus peccatoris, cui compatiendum* & fletu & oratione & dolore est: & quasi fer-

*Ambros. l. 5.
in Luc. Vide
etiam l. 2. de
pæn. c. 10.*

*Ambros. l. 2.
de pæn. c. 7.*

*Tert. de pæ-
nit. c. 10.*

*Ambros. l. 1.
de pæn. c. 15.*

mento eius se totam conspergit, vt per vniuersos ea quæ superflua sunt in aliquo pœnitentiam agente, viritim misericordiæ aut compassionis collatiua quadam admixtione purgentur.

Itaque pœnitentium illorum quos olim animi sui de admissis criminibus sensum & dolorem publicè testatum facere minimè pudebat, conditio hoc erat potior, quod Ecclesia mœrore atque omni demissione prostratos conspiciens, eorum pectoribus, vt Cypriani verbis vtar, ad eluenda ipsorum peccata, pœnitentiæque partem in se transferendam, pectus suum copulabat. Quod singulis peccatoribus nunc quidem minùs commodè tribuere potest, quos pœnitentium more in publicum prodire non videt. Nam cum Sacerdoti peccata confiteri iustorum pariter & peccatorum sit, nec minùs venialia quam mortalia deferri ad eum soleant, non licet Ecclesiæ diiudicare atque inter noscere spiritualiter mortuos, quos *suarum ad vitam* Ambros. l. 5. in Luc. *reuocare debeat contemplatione lachrymarum*, vt Ambrosij verba referam, quorumque grauioribus peccatis maiore & pleniore pœnitentia propitiandus sit Deus.

Nec tamen Ecclesiæ complorantis gemitibus vsque adeò peccatores confidere fas erat, vt sua ipsi peccata minùs deslerent, Saulemque Regem quem obstinatorum peccatorum exemplar Scriptura exhibet, imitarentur, qui vt obseruauit S. Gregorius, *Samuelem obsecrans vt portaret peccatum suum de illo pœnitentiæ ærumnis delendo securus erat.*

Gregor. l. 6. c. 2. in l. Reg. c. 15.

*Ambros. l. 1.
de pœnit. c. 7.*

Nam, vt egregie Ambrosius, *mouebitur misericordia Christus cum viderit in tuo obitu lachrymas plurimorum, Et dicet; Vbi posuistis eum, hoc est, In quo reorum statu est, in quo Pœnitentium ordine? Videam quem fletis, vt lachrymis suis ipse me moueat. Videam, si jam peccato ei cuius venia poscitur, defunctus est.*

Quibus omnibus perspicuè intelligitur, quam sapienter ab vniuersa Ecclesia, quamque sanctè ac salubriter tot seculis traditum obseruatumque sit, vt nonnisi post longam seriamque pœnitentiam, atque vt iubent Summi Pontifices, post congruam grauitati generique culparum satisfactionem mortifera delicta dimitteret.

Licet verò & alteram proferre causam salutiferæ huius tarditatis, Sancti enim illi viri diuino lumine illustrati, & in Sancti Spiritus schola eruditi pœnitentiam ludibrio habendam non putabant, nec vlla ratione ferendam Christianorum hominum vitam quæ perpetua quadam confessionum & criminum vicissitudine inuolueretur. Animorum conuerfiones, nisi stabiles & constantes non probabant, grauioremque contumeliam Christo fieri interpretabantur, si quis in eius discipulorum gregem mox eum deserturus & proditurus irrepat, quam si ab eo abesse perseueret. Hinc in peccatoribus non absoluendis modo, sed vel ad pœnitentiam admittendis tanta cautio; cum melius esse iudicarent iter pœnitentiæ omninò non inire, quam negligentius & mollius ingredi, *Ne, vt ait Ambrosius, in ipsa pœnitentia fieret quod postea indigeret pœnitentia.*

*Ambros. l. 2.
de pœnit. c. 11.*

Quamobrem Synodus Agathensis non facile
pœnitentiam iuuenibus committendam esse decernit, pro- *Conc. Agath.
can. 11.*
pter atatis fragilitatem, quæ flexibilis est, & ab opti-
 mis consiliis ingenij mobilitate facile desciscit.

Quis verò non videat, nisi qui tenebras sibi ipse
 offundere velit, eum peccatorum conuersionis fun-
 damenta non firmissima ponere, nec eorum ad vi-
 tam in melius referendam adducendorum opti-
 mam inire rationem, qui improuidam facilitatem,
 & inhumanam quandam lenitatem aduersum illos
 adhibeat, qua id vnum assequi possit, vt ex eorum
 animis criminum memoriam oblitteret, lachrymas
 comprimat, gemitus sedet, vulneribusque lethali-
 bus sexcentis languentes falsa sanitatis opinione il-
 ludat. Vim acerbitemque morbi sentiat oportet
 ægrotus, vt in illum denuò incidere formidet. Cri-
 minis pœnam peccator pendat, vt eius metu atque
 horrore percellatur, & *violentie pœnitendi*, inquit *Aug. Tract.
49. in Ioan.*
 Augustinus, *cedat consuetudo peccandi*. Gemitibus &
 lachrymis diutiùs incumbat, vt longinquior mora
 debitum flagitiis eius æternum supplicium repræ-
 sentet. Spatium denique illi sit, vt quantam se in
 calamitatem voluntaria contumacia dejecerit, ex-
 pendat, in eaque seipsum cogitatione & voluntate
 magis ac magis confirmet, quiduis patiendum,
 quiduis ferendum, quiduis priùs dimittendum,
 quam vt in miserabilem statum, vnde emergere ni-
 titur, rursus se præcipitem ferri sinat. Alioquin, *si ci-* *Aug. Serm.
34. de diuers.*
tò rediret homo, inquit idem Augustinus, *ad pristinam*
beatitudinem, ludus illi esset peccando cadere in mortem.

Ambros. in
Psalm. 118.

Augustini verò Magister Ambrosius in hæc 118. Psalmi verba, *De lege tua miserere mei*, scribit nimiam erga peccatores indulgentiam nihil aliud commodi afferre, nisi ut deteriores fiant, & à Deo grauius exacerbato in passiones ignominia tradantur. Meritò, inquit, quia vulnus grande ac vetus est, & diu serpens, perfectioris medicina remedia deposcit, obsecrans ut Domini legitima miseratione curetur. Citò enim refricatur vulnus, quod sanatum medicina lege non fuerit, imò etiam seriore curatio sentit profectum. Ideoque si virus in interiora proserpit, medicamenta foris apposta non sentit. Exigit ergo medicina ratio, ut aut sectione, aut aduersione curetur. Nisi enim putrefacta recidantur, aut humor inutilis decoquatur, frustra medicina manus adhibentur ad vulnera. Ideoque bonus medicus huiusmodi ægrum legitime dicit esse curandum, ut possit medicina proficere. Lege ergo miseretur, qui cum iustitia, sapientiaque miseretur, ut ea dimittat quæ scit jure posse dimitti, ne cum alterius miseretur, seipsum legi faciat obnoxium. Consideremus etiam, ne & ipsum deteriore faciamus, cuius miseremur injustè. Plerumque enim non coërcere delinquentes majoris austeritatis est quam si ulciscaris. Traduntur enim in passiones ignominia, qui cum aliquid inhonestum commiserint, nullum culpæ pretium ferunt.

En inconsultæ erga peccatores facilitatis emolumentum! En mirabilem quæ in eos hinc redundat vtilitatem, ut nempe deteriores fiant, prauèq; confidentiæ causa, qua sibi crimina, nulla poenitentia functis dimissum iri sperant, à Deo iustissime derelicti, in maiora turpioraq; flagitia fœdissime prolabantur.

At verò cum ex diuinæ iustitiæ lege, dignoque
 fidei maiestate & Euangelij sanctimonia vigore
 curantur, quæ ad superiorem vitam expiandam
 pœnitentia præscribitur, in piâ Christianâque vitâ
 instituendâ firmiores deinceps illos munitioresque
 præstat. Solitudo & secessus, quæ vulnere ex ho-
 minum consuetudine susceptorum prima quasi
 medicina esse debet, vitam amare solitariam, atque
 hominum plerorumque congressionem, quasi au-
 ram pestiferam, imbecillitatique eorum in primis
 infestam vitare docet. Eleemosynæ ad redimenda
 peccata indictæ, charitatem & benignitatem in
 egenos, qua cœlestem vitam promereantur, paula-
 tim incendunt. Preces quas veniæ impetrandæ cau-
 sa fundere iubentur, grauissimum illud Scripturæ
 præceptum, quo Christiani vitam perpetuam ora-
 tionem esse oportere decernitur, factis implere
 consuefaciunt. Laboriosæ pœnitentiæ functiones
 vitam illam desidiosam & inertem, omnium ma-
 trem vitiorum, quam seculares plerique omnes
 consecretantur, excutiant. A legitimis etiam ac lici-
 tis se abstinentes, quod SS. Patres veris pœnitenti-
 bus præcipiunt, multo magis ab illicitis temperare
 discunt. Lachrymarum acerbitas voluptatum pri-
 stinarum sensum extinguit, atque, vt præclare Am-
 brosius: *Vsus doloris ablegat luxuriam criminis, erroris*
delicias. Ita, dum dolemus admissa, admittenda excludi-
mus, Et fit quædam de condemnatione culpæ disciplina
innocentiæ.

*Ambr. l. 2. de
 pœnit. c. 10.*

Huius igitur disciplinæ sanctitatem atque utili-

tatem tot Pontificum, Conciliorum, Sanctorumque autoritate sancitam agnoscamus, cuius origo ab ipsa diuinæ mentis ratione ducitur; qui ex stabili iustitiæ suæ lege peccata aduersus se admissa pari & æqua satisfactione elui, atque ex sapientiæ suæ præscriptione satisfactionem illam inter confessionem criminis & Sacerdotis absolutionem interponi postulat. Ipsa enim naturalis æquitas & communis experientia docet, si quid in ciuili etiam vitâ aduersus homines peccatum fuerit, restitutionem in gratiam, nisi pensatis prius injuriis, fieri aut postulari non solitam.

CAPVT XII.

*PERTEXTVR INSTITUTE EXPLICATIO
causarum quibus impulsæ SS. Patres absolutionem differendam
censuerunt. Ex eorum mente, nec puncto temporis peccatores
ad Sacerdotis absolutionem fructuosè percipiendam componi
solere, nec solis pœnitentium vocibus Sacerdotem de sincera
eorum conuersione certiores fieri. Vbi etiam nonnihil de ex-
pedita illa & facili quam quidam prædicant via, quosuis ho-
mines ad Contritionis actus, vt vocant, perducendi.*



QUOD si quis aduersus doctrinam SS. Patrum explanatam à nobis contendat, Dei gratia hominem quemuis sceleratissimum ab improbitate ad pietatem puncto temporis traduci, omisissisque tot moris & cautionibus reconciliatio-
ni idoneum fieri repente posse: non inuitus assentiar, atque vltro agnoscam, interdum *ad restituendam innocentiam,*

innocentiam, vt ait D. Bernardus, efficaciorẽ esse velocẽ clementiam, quam diuturnam pœnitentiam. Hoc salutis compendium sanctus ille Latro consecutus est, vno eodemque die simul & confessus latrocinia & introductus in gloriam: breui quodam contentus ponte Crucis ad transigendum de regione dissimilitudinis in terram viuentium, & de luto facis in paradysum voluptatis. Hoc subitum pietatis remedium percepit felix illa peccatrix, cum repente vbi superabundauerant delicta, abundare cœpit & gratia. Absque multo pœnitentiæ labore dimissa sunt ei peccata multa quoniam dilexit multum, & in breui meruit charitatis accipere latitudinem, quæ, vt scriptum est, cooperit multitudinem peccatorum. Hoc & ille paralyticus in Euangelio duplex atque celerrimum potentissimæ bonitatis persensit beneficium prius mente quam carne curatus.

Verum ad exempla illa omnia cum eodem Bernardo respondendum, non tam exempla esse quam miracula ipsius gratiæ status qui per seipse totus ex miraculis constat: mutationes esse dexteræ excelsi; inusitata infinitæ misericordiæ nullisque subiectæ legibus opera, quibus perturbandæ non sunt communes ac solennes leges & formulæ, quos ad vsitatum & maximè vulgarem gratiæ ordinem expendere conuenit, quemadmodum Medicinæ institutiones familiari & statò naturæ cursu diriguntur.

Certum est autem gratiam vulgò haudquaquam ita celeres in animis hominum motus & conuersiones efficere. Diuinus est quidam dies, vt præclare Gregorius Magnus, qui itidem vt naturalis diluculo suo constat, nec nisi sensim ac pedetentim

augescēte ac crebrescente luce mentium noctem tenebrasque dispellit.

Nouus homo, sicut & vetus, haudquaquam repentē effingitur; rudiores primū habet conceptus; paulatim, ac diuturno interdum tempore indiget vt nascatur. Quare est cur animarum moderatores vehementer pertimescant, ne abortiones tantum sua illā præproperā festinatione procurent, Deumque audiant aliquando arguentem, ipsos in spiritali animarum generatione eo modo se gessisse, ac corporis mater, quæ vt primum prægnantem se sentiat, foetum excutere conetur, quo citiùs vitæ ac lucis participem faciat, naturalique custodia, qua diutiùs eum teneri angatur, liberet.

Ad hunc planè modum Sacerdotes quidam aduersus peccatores benigni admodum ac misericordes sibi videntur, si eis præcipiti absolutione vincula relaxare, eosque per Sacramenta quasi in lucem edere properarint. Nec attendunt se inconsultæ illius matris instar primam in ipsis exorientis vitæ scintillam obruere. Qui si gratiæ ordinem cursumque tenuissent, eosque via ac ratione ab Euangelio præscripta, hoc est, precibus, ieiuniis, eleemosynis, aliisque piis operibus ad perfectiora pœnitentiæ studia paulatim euexissent, procedente tempore ad veram eos ac solidam conuersionem perducere potuissent.

Ita nimirum egere SS. Patres. Ita nos agere ac Medicorum solertiam imitari præcipiunt. *Medicus*, inquiunt, *medendi tempus expectat, vt digestis agritu-*

dinibus medicina subsidia deferantur, ne acerba adhuc & immatura vt asserunt agritudo curationis remedijs reluctetur, & beneficium sentire non possit. Nam etiam mendendi periti, cum vident notas agritudines, vt ipsi appellant, medicinam quidem non adhibent, sed tamen medicina tempus expectant: nec deserunt inualidum, sed lenioribus verbis aut quibus possunt palpant delinimentis; ne aut intermissa agritudo desperatione animi grauescat, aut crudior medicinam respuat, eo quod ad maturitatem peruenire nequeat, si indigesta insolens rerum huiusmodi medicus adhibeat manus.

Idem lib. 3.
Ep. 19.

Quare eruditus in primis huius ætatis Episcopus, scientiaque Ecclesiastica præcellens, edito in Euangelium Commentario rectè admonuit, Sacerdotes ad potestatem retinendorum peccatorum, quam à Christo acceperunt, exercendam adduci debere propter pœnitentiæ immaturitatem, vt ea scilicet sensim maturescat, paulatimque perficiatur.

Iansen. Epif.
Ipsens. in c.
20. Ioum.

Cæterum quis tandem diuinam illam SS. Patrum prudentiam hodie æmulari possit, si in animum inducat, hominem perditissimis moribus, dummodo certam formulam, quam actum Contritionis vocant, vsurpet, atque oris sono, vel ad summum mentis cogitatione profiteatur dolere sibi, quod in Deum summè bonum, summeque amandum peccauerit, in alium è vestigio virum euadere, conuersti medullitus, æternaque illa corona, quam Sancti Spiritus oracula tantis laboribus atque ærumnis emendam docent, subito dignum existeret?

Equidem vt liberè dicam quod sentio, nihil ad

Pars II.

O o ij

animarum salutem perniciosius video fieri posse, inani illa fiducia, quam in adumbratis nescio quibus Contritionis & Dei amoris actibus reponere jubentur, pro certoque habere simul ac preces quasdam ad hoc ipsum compositas recitarint, continuò eos motus animis suis diuinitus illapsos.

Contritio & amor Dei in voluntate versantur. Voluntatis autem actio non est cogitatio, sed impulsus quidam, inclinatio, & quasi propensio cordis in rem objectam. Porro Deum vel ore vel mente contestari nos eum diligere, animumque ad ipsum conuertere, cogitatio est, mentisque agitatio, ac proinde non motus amoris in Deum, sed ad summum amoris quo eum prosequimur, si modo prosequimur, testificatio: velut amicitiae professiones amicitiae signa sunt, non ipsa amicitia, quam illis notis non semper subesse nimium experientia teste compertum est.

Quid est igitur amor Dei, quid vera Contritio de peccato? Suum quisque excutiat animum, in quo si quid amoris paulò ardentioris aut mariti erga uxorem, aut patris erga liberos, aut amici erga amicum repererit, vim illius affectionesque perpendat. Sic enim facile intelliget, quid sit Deum ex animo diligere, esseque non paucos qui se Dei amoris actus sapius edere cogitent, cum germani illius amoris ne vestigium quidem vel umbram habeant.

Quid enim volunt, aut quid sentiunt homines, cum pudicissimam foeminam mariti amore teneri

aiunt? An eam crebriùs secum cogitare maritum sibi esse cordi, quemadmodum similem de amato Deo cogitationem Dei amorem isti vocant? Id verò nemini vnquam in mentem venerit. Quin etiam mulieres complures reperiās, quæ in summo erga viros amore nullam vnquam eiusmodi cogitationem effinxerint. Omninò ea demum mulier virum suum amare dicitur, in cuius voluntate nutus ac veluti pondus inest, quo dulci quadam atque abdita violentia ita in illum rapitur, vt ei inferuire, ei morem gerere, eius voluntatibus obsequi, in omnibus eum delectare studeat, solis eius commodis moueatur, eius gaudiis gaudeat, eius doloribus vehementiùs quam suis doleat, eius præsentia incredibiliter capiatur, absentia langueat, nihil adeò vereatur ac ne qua in re amoris sui integritatem violasse videatur, denique vel capite suo, si ita res ferat, illius vitam libentissimè redimere parata sit. Eiusmodi affectio animi omnium hominum iudicio, amor dicitur, non meræ voces aut inanes cogitationes, quæ è mente prodeunt, non è corde funduntur.

Ex hac rudiori atque imperfecta amoris delineatione dijudicandum, vtrum Dei amor in animis nostris principatum teneat. Si nimirum ita nos intimo quodam sensu comparatos deprehendamus, vt à rebus caducis & mortalibus abstracti ac diuinis addicti simus; vanam & fallacem seculi gloriam pro nihilo ducamus, æternæ felicitatis spe & expectatione lætemur, Dei offensum in nos ani-

num mortis instar pertimescamus, assiduo illi in omnibus obsequendi ac vehementi studio effermur, occasionis cujuslibet unde ad peccatum aditus pateat effugiendæ certissimum propositum teneamus; denique parentes, fratres, sorores, propinquos, amicos, facultates, opes, honorem, famam abdicare potius atque abijcere, quam à Christi seruitute atque ab arcta Euangelij via discedere, ex animo parati simus. Si hunc ergo in nobis sensum atque hanc mentem aliquâ saltem ex parte non amantes nosmetipsos ac ludificantes inesse deprehendamus (quod quidem factis atque instituta vitæ ratione, non animi cogitationibus quæ facile imponunt, perspicitur) est quod Dei nos amore duci confidamus, atque infinitæ ipsius misericordiæ, quod ignis à Christo in terram delati scintillas in animas nostras injecerit, gratiam habeamus. Sin hæc à nobis absint omnia, frustrâ vel quibusdam prolatis oculis, vel susceptis quibuslibet cogitationibus, Dei nos amoris actus edidisse nobis ipsi gratulabimur.

August. Ep.
344.

Cum nos, inquit Augustinus, huius charitatis quâ lex verissimè impletur, pauperes egentesque sentimus; non de inopia nostra diuitias eius exigere, sed orando petere, querere & pulsare debemus. Idem ab Euangelio sexcenties inculcatur. Tamen quoniam, ut præclare

Confess. lib.
12. c. 1.

idem Sanctus Doctor, Longior est impetratione petitio, & operosior est manus pulsans quam sumens, postrema illa qua per orationem & laborem ad amorem Dei pergitur via, longior huius ætatis pœnitentibus ac

molestior videtur. Quare in priore ab eodem Patre damnata consistunt. Nudi licet & miseri, certis vocum formulis charitatis thesauros, vbi libuerit, conficere sibi posse confidunt : cumque in cordibus meram glaciem gerant, simul atque Contritionem in se commouere voluerint, glaciem illam exemplo soluendam, sponteque exarsuram, & in splendidas diuini amoris flammās abituram putant.

Equidem si fatentur, quod profecto, nisi aperte Pelagiani esse volent, fateantur necesse est, fieri nullo modo posse, vt quis vel Deum amet, vel actum Contritionis edat, nisi & amorem illum & Contritionem singulari misericordia Deus ipse in eius animum immiserit, vnde tandem acceperunt Spiritum Sanctum qui vbi vult spirat, gratiarum suarum longè maximam, quæ est peccatoris conuersio, istis eorum formulis addixisse; Saluatore ipso B. Augustini verbis pronuntiante, eam demum esse veram ac directam gratiarum illius consequendarum viam, si ardentem petas, si studiosè quæras, si instantiùs pulses, si viduam illam Evangelicam æmulare, quæ odiosis flagitationibus ab iniquo Iudice per vim quod postulat velut extorquet, amicumque itidem illum, qui amicum precibus fatigare non desistit, donec ab eo inopiæ subsidium quasi eripiat.

Hanc rationem peccatores ineant oportet, si veram ac sinceram ad Deum conuersionem meditantur. Hac via illam assequi contendant, si se miseros tantæque felicitati promerendæ impares sen-

tiunt. Continuis gemitibus à Deo eam postulent; ipsius misericordiæ sanctam ac religiosam vim adhibeant; denique diuini Spiritus gratiam omni piorum operum genere elicere studeant.

Hæc scilicet vera & germana sunt solidorum Contritionis actuum concipiendorum adjuumenta; quos, cum in præclarissimis Dei donis sint habendi, ab eo solo sperare conuenit, qui gratiæ suæ munera iis est pollicitus, qui in iis ardenti studio flagitandis perseuerarint. *Matth. 17. v. 8.* *Omnis qui petit, accipit; & qui querit, inuenit; & pulsanti aperietur. Promissa tua sunt, Domine, inquit Augustinus, & quis falli timeat, cum promittit veritas?* *Aug. Conf. lib. 12. cap. 1.*

Neque tamen inficias ierim, illas orandi formulas, quas vulgò Contritionis, vel Dei amoris actus vocant, pias esse ac religiosas. Alioquin Scriptura ipsa huiusmodi perspersa orationibus damnanda veniret, ac nominatim diuini Psalmi in quibus Propheta Regius voces ignitas, vehementis in Deum amoris, acerrimique quem ex peccatis capiebat doloris testes, passim intorquet.

Quin & huiusmodi actus piis animis perutiles esse posse non inuitus agnosco. Cum enim in intimis eorum sensibus piarum illarum motionum quasi semina recondita sint, & in iis velut in templo suo Spiritus Sanctus insidens eorum mentes usque illustret & accendat; haud sanè mirum videri debet, si amor quo in Deum feruntur per illas sui indices voces erumpens, eo ipso excitetur magis ac vehementiùs exæstuet.

Iidem

Iidem etiam actus peccatoribus conducunt, quia per eos quò tendere debeant, quid ab ipsis Deus postulet, què eorum animos, vt diuini amoris mandato satisfaciant, affectos esse oporteat, commodè docentur. Quin etiam precibus quas ad obtinendam Contritionem pœnitentes fundunt admisceri eos licet. Nec mediocriter proderit hortari, vt se ad istum modum Dei amoris ac cultui deinceps totos tradere velle profiteantur.

Quare ne orationi meæ obtrectatorum calumniis insidiæ struantur, moneo iterum ac denuncio, me ab illis Contritionis, amoris Dei, cæterarumque omnium virtutum actibus, qui in piis libellis circumferuntur, reprehendendis longissimè abhorrere. Rectum eorum vsum laudo ac vehementer probo, abusum duntaxat infector: atque id vnum contendo cum de anima à peccato atque à Damone abstrahenda & ad Deum reuocanda agitur: rem illam non vsque adeò obuiam & promptam cuique esse, vt cum primum rogatus fuerit, an peccatum omni studio excretur, ac deinceps totum se Deo tradere decreuerit, illeque id affirmarit verbo, res continuò verba comitetur; atque is eodem temporis puncto diruptis quibus arctissimè tenebatur vinculis, vsque ad Dei ipsius sinum euolet; cor eius lapideum è vestigio in carneum commutetur, cumque antea rebus creatis tota illius addicta mens esset, subitò ad vnum Christum sua studia omnia conuertat. Speret hoc si quis volet. Mea quidem sententia Augustino, cæterisque Patribus

assentire tutius fuerit, monentibus toties, ut præcipitem ac præproperam medicinam fugiamus; ut ad Christi gratiam & misericordiam penè omnium maximam, ea quam ipse præmonstrauit via contendamus, *petendo, quærendo, pulsando*. Ut denique conuersionis nostræ fundamentum in diuturna ac diligenti pœnitentia statuamus, præclaram illam

Proverb. 20. Sapientis vocem ob oculos semper habentes. *Hæreditas ad quam festinatur in principio, in nouissimo benedictione carebit.*

Addo præterea ex mente Patrum, quocumque tandem modo peccatoris animam afficiat Deus, atque intrinsecus gratia moueat, Sacerdotem qui non simplex minister ad peccatorum remissionem credentibus ac pœnitentibus declarandam, ut hæretici volunt; sed à Christo ipso constitutus est iudex, ut causâ cognitâ liget & soluat, retineat vel dimittat peccata, ut à postremo Concilio definitum est, nihil nisi ex notitia quam ei de peccatoris animo atque interna affectione habere licet, pronuntiare in tribunali hoc posse aut debere. Vnde autem notitiam illam capere queat, si illo ipso temporis puncto absoluat hominem quo innumerabilium quibus se obstrinxit flagitiorum vim ad eum confitendo detulerit? Fac enim ipsum inusitata quadam ratione & miraculo à Deo repente fuisse conuersum. Quo tandem id argumento Sacerdoti constabit? Abdita cordis solus scrutatur Deus. Hanc potestatem sibi reseruauit. Homini de iis duntaxat quæ videntur ac sentiuntur judicare concessum

est: & à Christo ipso arborem ac radicem è fructibus æstimandam accepimus. Verba, quantum vis speciosa, folia non fructus sunt. Quare Iudæos verbis tantum legis non factis insignes, in Euangelio, Augustino teste, ficus illa significauit, quam Christus foliis refertam, fructu vacuam inuenit. Ficum enim, hoc est, gratiæ tempus nondum venerat.

Quare non meris vocibus, non vanis sponsionibus Sacerdos certi quidquam (quod quidem spectare & exquirere debet quantum fieri humanitus licet) assequi potest de interna Pœnitentium affectione, occultisque sensibus quos in eorum animis ad absolutionem præparandis gratia ingeneret necesse est. Factis perspicuis, pœnitentiæ solidis fructibus, veris vitæ emendatæ argumentis istud explorent oportet.

Non hæc cogitata, non decreta mea sunt. Prohibeat Deus, ne eò proteritiæ ac temeritatis abripiar, vt in tanti momenti rebus quidquam de meo pronuntiare audeam. Loquor vt discipulus non vt magister; nec aliud mihi consilij est, quam vt Sanctissimorum illorum Doctorum, quos vniuersa suspicit Ecclesia, mentem & præcepta exponam: de quibus præclarè Bellarminus cum in hoc ipso Pœnitentiæ argumento versaretur: *Quod attinet, inquit, ad reprehensionem SS. Patrum, qui clarissima illa lumina vituperare audet, non illis ignorantia aut imperitia, sed sibi superbiæ atque arrogantia notam inurit.*

*Bellarmin. lib.
4. de Pœnit.
cap. 10.*

Audiamus ergo quid vnus è maximis, qui in Petri throno confederint, Pontificibus hac de re do-

Gregor lib. 6.
in 6. 15. lib. 1.
Reg.

cuerit; qua ratione tres Pœnitentiæ partes, Contritionem, Confessionem & Satisfactionem descripserit, & quid de cuiusque necessitate iudicij habuerit. *Quid prodest, inquit, confiteri flagitia, si Confessionis vocem non sequitur afflictio Pœnitentiæ? Tria quippe in unoquoque considerata sunt veraciter pœnitente: videlicet conuersio mentis, confessio oris, & vindicta peccati (hoc est, vt vulgationibus verbis vtamur, Contritio, Confessio, & Satisfactio.) Nam qui corde non conuertitur, quid prodest ei si peccata confiteatur? Vnde & salubriter confiteri volentibus Scriptura insinuat dicens: Corde creditur ad iustitiam, ore autem confessio fit ad salutem. Quid est corde credere ad iustitiam, nisi voluntatem dirigere ad fidem per dilectionem operantem? Cum ergo quis cordis intentionem ad iustitiam per amorem dirigit, per initium bonæ voluntatis, fructum habet bonæ conuersionis. Hic certè jam ad salutem confitetur, quia plus (fortè pus) loquendo de vulnere eijcit; quam (fortè quod) conuersione compunxit. Tertia ergo species, id est vindicta, quasi medicina necessaria est, vt apostema reatus, quod conuersione compungitur, confitendo purgetur, afflictionisque medicinâ sanetur. Signum ergo veræ conuersionis non est in oris confessione, sed in afflictione pœnitentiæ. Tunc namque bene conuersum peccatorem cernimus, cum digna afflictionis austeritate delere nititur quod loquendo confitetur. Vnde Ioannes Baptista malè conuersos Iudæos ad se confluentes increpans ait: Genimina viperarum, quis ostendit vobis fugere à ventura ira? Facite ergo fructus dignos Pœnitentiæ. In fructu ergo non in folijs aut ramis Pœnitentia cognoscenda est. Quasi arbor quippe bona voluntas est.*

Confessionis ergo verba quid sunt aliud nisi folia? Non ergo nobis folia propter seipsa sed propter fructum expendenda sunt: quia idcirco omnis confessio peccatorum recipitur vt fructus pœnitentiæ subsequatur. Vnde & Dominus arborem folijs decoram fructu sterilem maledixit, quia confessionis ornatum non recipit sine fructu afflictionis.

Hæc luculentissima verba cum audieris, quid prætereà requiras vt accuratissimè doceare, vel quænam veræ pœnitentiæ ex Christi & Ecclesiæ mente partes ac virtutes esse debeant; vel quam normam tum peccatores, vt confessionem quæ Deo accepta & ipsius ministris probata sit exhibeant, tum Sacerdotes, ne in iis regendis inconsultæ sese facilitatis reos statuunt, sequi oporteat.

Quantum aberat præclarus Pontifex ab eo, vt in sola confessione omnia poneret, cum eam demum veram agnoscat quæ è cordis ad iustitiam amore tendentis conuersione nascatur, quamque austeræ pœnitentiæ labores consequantur.

Quantum aberat ab eo, vt illorum proteruiam atque imperitiam ferendam putaret, qui postquam innumerabilium criminum sordes apud Sacerdotem euomuerunt, si tantisper absolutio differatur insignem sibi injuriam illatam censent: cum contra clarissimè doceat, vtum peccator iure absolvendus sit ex oris confessione statui non posse, nec eum verè conuersum haberi debere, nisi cum *digna afflictionis austeritate delere nititur quod loquendo confitetur.*

Quantum denique abhorrebat ab ea opinione,

vt fallacibus hominum meliora de se in posterum spondentium vocibus fidem à Sacerdotibus habendam, & obuios quosque ab iis seruii potiùs necessitate, quàm iudiciaria autoritate absolueudos putaret; cum tam firmiter asseueret veram pœnitentiam ex fructu non ex foliis aut ramis æstimari debere; verba confessionis folia esse; adeoque minimè accipienda, nisi cum confessionem fructus pœnitentiæ subsequitur. Denique Sacerdotes, Dei iram iis imminentem, qui peccata confessi nec saluari satisfactione eluere curantes, arbori illi quam foliis luxuriantem fructibus vacuam Christus execratus est similes efficiuntur, commodiùs auertere non posse, quam si eos accipiant, quemadmodum Ioannes Baptista Iudæos ad Baptismum ipsius confluentes accepit, vocesque illas sancta seueritate plenas in eos itidem intorqueant, *Genimina viperarum, quis ostendit vobis fugere à ventura ira? Facite ergo fructus dignos pœnitentiæ.*

Constat igitur quacumque ratione hominis mens à Deo permota intrinsecus fuerit, tamen à Sacerdote vt iudicem agat, causaque perspecta ex Concilij decreto potestatem exerceat, certiora quam verborum iudicia & argumenta vulgò quæri oportere. Intelligentia verbis, cor operibus se prodit & indicat. Illa linguam ad cogitationes significandas, hoc manum, id est actiones ad intimos motus aperiendos adhibet. Vt hominis animum penitus perspectum habeas, non quid dicat, sed quid agat spectes oportet.

Quod quidem non eo tantum verum est, quod orationi nostræ facilè simulatio & fucus aliquis obrepit, sed etiam quod in animis hominum tantæ sint latebræ, tantique recessus, vt se quisque sæpissimè ignoret, luculentaque illa Gregorij vox quotidiana experientia confirmetur: *Sapè sibi de se mens ipsa mentitur, fitque vt aliud in imis intentio supprimat, aliud tractantis animo superficies cogitationis ostendat. Et fingit se de bono opere amare quod non amat, de mundi autem gloria non amare quod amat.*

*Greg. Past.
part. I. cap. 9.*

Ita plerumque vsu venit, vt quis Sacerdoti ex animo asseuerare putet, sibi certum esse recedere à vitiis, cui tamen idipsum in animo non sedeat, aut non ita sedeat, vt ad improbam vitam abijciendam melioremque amplectendam satis firmus ac robustus sit.

Quis pœnitentiam eâ quam Antiochus 2. Machabæorum libro profitetur perfectiorem illustrioremque audiuit? Peccatum agnoscit, acerrimum ex superbia sua dolorem testatur, vrbi sanctæ pristinam libertatem, Iudæis opes & copias restitutum, templum donis magnificentissimis exornaturum, veri Dei sacrificiis sumptus de suo suppediaturum, ipsiusque nomen & gloriam per orbem vniuersum disseminaturum pollicetur. Quis hodie Sacerdos tales viri Principis voces veras ratasque non habeat, atque ad eum modum vita defuncti salutem exploratissimam non putet? Is tamen Scriptura teste scelestus tum fuit, torque illis pœnitentiæ indiciis, illis precibus, illis pollicitationibus

adeò splendidis Dei misericordiam promereri non potuit. Nec est quod eum quis simulatè loquutum putet, quem res ipsa declarat ex animo sibi visum ea expromere, quod & hodie pluribus contingit, qui vbi seipsum primum deceperunt alios subinde facilè decipiunt.

Satin' hoc tam insigni Sancti Spiritus oraculo discimus, verba & voces ad explorandam peccatoris conuersionem parum valere? Quin etiam videas interdum vim lachrymarum profundentes, quarum si causam inuestiges, nihil aliud reperiās nisi humana permotione, aut insolita quadam & extraordinaria imagine percussam mentem, velut meminī me legere in vita Beatæ Mariæ De Incarnatione ab Andræa Duuallio Doctore Sorbonico conscripta: Puellam quandam fletibus colliquefcere solitam inter confitendum peccatum quod quatuor post horis redintegratura esset. Nec defuere qui cum totam noctem humi cubassent, flagellis-que se conscidissent, postridie in idem peccatum cuius tam acerbis à se pœnas exegerant relaberentur.

Quocirca nihil meo iudicio à Sacerdote, ne in re tam graui Dei spiritus prudentiam violet, consultius fieri potest, quam vt iustum spatium sumat ad vitæ & factorum cuiusque seriem ac perpetuitatem spectandam, vt qualem se in iis quæ ad prauas atque inueteratas affectiones exuendas, arctamque cœli viam paulatim ingrediendam ipse præscripserit, exequendis præbeat, accuratius exploret. Est qui

qui simulet ac se occultet vno die, simulationem vero illam vno aut altero mense tenere non possit. Est qui externa certarum actionum specie veram conuersionem præ se ferat, qui cæteris omnibus factis contrarium plane declaret. Vt statuas verene homo ad Deum reuerti meditetur, multo magis qualem se intus ac domi, atque in rebus gerendis, quam in Ecclesia ac pietatis officijs præstet, est peruidendum. Vitæ æquabilitatis, certæque quamuis mediocris, ad virtutem firmitatis & constantiæ major habenda ratio, quam nonnullarum actionum quæ splendoris plus habent, quam stabilitatis & cum reliqua vita consensionis. In vitijs extinguendis, ac prauis animi motibus coercendis vehemens studium pluris faciendum, quam zelus sæpe improuidus in rebus maioribus foris aggrediendis, antequam firma ac solida intimæ pietatis fundamenta constituta sint. Denique hoc loco tribus illis Euangelij vocibus ac præceptis quam diligentissime parere oportet, **VIDETE, VIGILATE, ORATE.** Videndum acrius ac dipiciendum quid pœnitens ipse toto pœnitentiæ cursu, quid in illo Deus efficiat. Vigilandum assidue, vt contra hostium fraudes atque insidias muniatur. Postremo Orandum continenter, vt & in ipsum gratia cœlestis, & in nos lux intelligentiæ, ad peccatoris vel vnius cum Deo reconciliationem, hoc est ad rem omnium longe difficillimam necessaria cœlitus eliciatur.

Ad superiorem doctrinæ SS. Patrum explanationem facere non possum, quin præclaram Iuonis

Carnotensis Episcopi epistolam coronidis vice superadijciam. Ea quippe paulo ante dicta egregie confirmabit, quicquid Deus intus in pœnitentis animo efficiat, tamen sacerdotem qui ea demum quæ videt dijudicat, nec videt nisi quæ foris patent, absolutionis sententiam merito suspensam tenere, quoad intimos ac reconditos animi motus perspicuis pœnitentiæ fructibus probatos habeat: Eademque opera planum fiet etiam Beati illius præsulis ætate, hoc est duodecimo Ecclesiæ seculo, sacrum illum, quem tu vnquam observatum negas morem viguisse. Ecclesia criminum, hoc est (quemadmodum alibi abunde demonstrauius) peccatorum mortalium reos quoscumque à sacra communione prohibente.

Accipe ergo sententiam Iuonis Presbytero, qui ab eo cur Ecclesia lentius quam Christus ipse peccata dimitteret quæsierat, respondentis.

Iuo ep. 230.

Quærit fraternitas tua quomodo inter se conueniant prophetica sententia, quæ dicit: In quacumque hora peccator ingemuerit, saluus erit; Et Synodalis, quæ crimina sua confitentes aliquamdiu à Corporis & Sanguinis Christi communione suspendit. Repugnare tibi videntur, dissentireque sententiæ Capitis & Corporis: ut quos Caput, id est, Christus, celeriter à peccato liberat: eos Corpus Christi, id est Ecclesia sub pœna peccati diu ligatos retineat. Quæ quæstio facile soluitur, si interni Iudicis animaduersio, & humanæ fragilitatis consideratio diligentius attendatur. Cùm enim criminalis culpa delinquentem separet à capite & corpore, rationis ordo hoc

exigit, ut internus Iudex tanto remittat celerius, quanto solus magis videt interius: Iudex vero qui tantum videt in facie, usque adeo delinquentes sub peccati pœna detineat, donec per manifestum pœnitentiæ fructum qui sit pœnitentis affectus intelligat. Per internum enim gemitum satisfit interno iudici: *Et* idcirco indilata datur ab eo peccati remissio cui manifesta est interna conuersio. Ecclesia vero quia occulta cordis ignorat, non soluit ligatum licet suscitatum, nisi de monumento elatum, id est publica satisfactione purgatum. Hinc est quod Ecclesia sua crimina confitentes à Sacramentorum communione suspendit, & in cinere & in cilicio positos ab introitu Ecclesiarum statuto tempore excludit, ut per hoc experiatur, si iam sunt intus viuificati, cum fuerint longa pœnitentiæ maceratione probati. Si hæc attendat fraternitas tua, videbis non dissentire Propheticam *Et* Synodalem sententiam; cum illa deferat quod suum est capiti; & ista concedat quod suum est corpori. In discretione tamen Episcoporum est, secundum affectum Pœnitentiæ tempus abbreviare vel prolongare dicente Beato Augustino: In actione pœnitentiæ pro qua reus ab altari separandus est, (hoc est in pœnitentia mortalium peccatorum) non adeo consideranda est mensura temporis ut doloris.

CAPVT XIII.

ACCVRATAM ANIMI PRAEPARATIONEM quam Eucharistia requirit in causa fuisse, cur SS. Patres non ante peccatoribus eius copiam facerent, quam illi se diu multumque pœnitentiæ exercitationibus purgare studuissent.



EXPLICATVM hætenus quid Patres spectarint, cum peccatores iusserunt legitimo temporis interuallo peccata deslere, priusquam eorum condonationem Sacerdotis ministerio sperare possent. Nunc explicandum quid sit, cur adeo nefas existimarint, quemquam criminis seu mortiferi peccati sibi conscium Communionem adire, priusquam se pœnitentiæ operibus mundare studuisset. Nulla vero alia eius rei causa quærenda est, nisi adorandæ Victimæ, quæ super altaribus nostris quotidie immolatur, eximia sanctitas, quæ ab omnibus qui eius participes fieri velint, integritatem suæ, vt captus hominum est, respondentem efflagitat. Hoc fundamentum, hæc summa est omnium præparationum, quas diuinum hoc mysterium à nobis requirit.

Matth. 24. Ubicumque fuerit corpus, inquit Seruator in Euangelio, illuc congregabuntur et aquilæ. Quod quidem SS. Ecclesiæ Doctores non de ea tantum intellexerunt fidelium vltima congregatione, quâ vniuersa Christi membra capiti coadunabuntur, cum egressi è sepulchris electi velut aquilæ renascentes ra-

pientur in nubibus obuiam Christo in aëra, vt testatur *Thessal 1. c.*
 Paulus; verum etiam de ea quæ quotidie in Eccle-
 sia fit circum Christi corpus immortale & glorio-
 sum, quæ scilicet illius figura est & apparatus qui-
 dam, eiusque primitias & arrhas velut quasdam
 iam nunc exhibet. Atque hoc illud est quod Eccle-
 sia sacrâ illa veterique cerimonia, quâ diuinissi-
 mum Christi corpus in altari medio supernè ap-
 pensum cernitur, testatum esse voluit, hac videli-
 cet imagine Christum ipsum vltimo die in nubi-
 bus cœli velut in folio sedentem, atque inde or-
 bem vniuersum iudicantem nobis ob oculos po-
 nens.

Quare iidem Patres Seruatorem docent verbis
 illis significasse eos aquilas esse debere, qui circum
 corpus eius congregentur, animas scilicet subli-
 mes & in cœlum erectas, quæ nullum cum terra
 commercium habeant, neque deorsum trahuntur
 aut repant, rerum creatarum cupiditate illectæ,
 sed quæ assiduè sursum euolent, & ipsum iustitiæ
 solem acutis ac perspicacibus mentis oculis in-
 tueantur, seque instar aquilarum Spiritu Dei re-
 nouatas rebus & factis demonstrent.

Quod si vltimo illo die Sanctorum corpora in
 cœlum sursum non ferentur ad gloriosum Christi
 corpus in medio athere conspicuum mirabiliter
 aggreganda, nisi animarum suarum quibus ite-
 rum coniungentur gloria circumuestita; quanto
 æquius est ex diuinis illis Beatissimorum Patrum
 regulis, animas nonnisi Spiritu Sancto & gratiæ

abundantia completas ad sublimem illam cum Christo quæ gloriosi ipsius corporis pastu efficitur societatem assurgere. Quod ipsum prima omnium Communio solennem Spiritus Sancti illapsum, per quem Apostolorum infirmitatis reliquiæ & extrema quasi rubigo deterfa est, subsecuta declarauit. Hoc idem Ecclesia olim semper tenuit, ut nimirum baptizatis, licet in Christi corpus per baptismum insertis, non nisi post gratiæ plenitudinem Sacramento Confirmationis acceptam diuina Eucharistia impartiretur.

Atque hinc rei quam inuestigamus rationem, ac salutaris illius cunctationis, quam SS. Patres aduersus eos qui gratiæ plenitudine amissa in ægritudinem & morbum Ethnicorum atque infidelium morbo grauiorem inciderant, vniuersi adhibuerunt, causam assequi possumus. Videlicet id agebant, ut lapsi erigere se, & in pristinum, quoad fieri posset, statum vera & grauitati peccatorum consentanea pœnitentia rursus emergere valerent. Quare sæpe numero ijs diuinam illam Apocalypseos vocem ante oculos ponunt, *Memento unde excideris, & age pœnitentiam.* Cumque autore Apostolo iubent eos probare sese antequam cœlestem illum panem edant, ne ipsis in detrimentum ac damnationem cedat, quamuis eadem opera iubeant eos Sacerdoti se sistere, ut per illius potestatem criminum suorum gratiam veniamque accipiant, probationem tamen illam ad Eucharistiæ Sacramentum ut par est adeundum necessariam

nequaquam nuda confessione definiunt, sed in animæ maculis ante Communionem dignorum pœnitentiæ fructuum vi eluendis potissimum collocant.

Nunquam super ea re mentem aperire suam magis quam Cypriani temporibus Ecclesia necesse habuit. Ingens Christianorum multitudo, quos diræ persecutionis impetus prostrauerat, resurgere gestiens, Sacramentorum Communioni Ecclesiæ indulgentiâ restitui postulabat. Quod si nihil aliud ad dignam Eucharistiæ perceptionem præstandum ipsis fuisset, nisi vt crimen mox absoluendi confiterentur, sane eiusmodi gratiam haud magno negotio impetrassent.

Neque enim dici potest eos delicti aperiendi ac se reos profitendi metu, ad illa præproperæ Communionis sacrilegia, atque ad Christi mensam sine ministrorum illius autoritate inuadendam profiliisse. Palam enim ad Episcoporum benignitatem eliciendam Martyres deprecatores adhibebant, atque ita reos se haud grauaturè profitentes, id vnum postulabant, vt clementius remissiusque acciperentur.

Sed cum Ecclesiæ in retinendis legibus ad animarum curationem Apostolica autoritate traditis firmitatem & constantiam perspectam haberent; cumque intelligerent paruam illi atque inutilem confessionem visum iri, nisi ex Sacerdotum præscripto grauib; diuturnæ pœnitentiæ ærumnis ea diluerent, ac benigne secum actum iri, si vel ex-

tremo spiritu, vel saltem longissimo post tempore sacra Communionem donarentur : Odiosæ dilationis ac molestiarum quibus Eucharistiæ restitutionem redimi oporteret subeundarum tædium eos impulit, ut durioris pœnitentiæ iugum quod intolerabile videretur, quoquo modo excuterent. Hinc illæ lachrymæ, hinc turbæ, hinc tumultus.

Quid ageret in his angustiis Ecclesia? Si blanda illa facilitas ac mollis indulgentia sanandis hominibus esset accommodata ecquando opportunius adhiberi potuit? An vero Sanctissimi illi Antistites salutis gregum suorum cupidissimi, ac vel ouis vnus infimæ tuendæ causa sanguinem profundere parati, legi, quam leuiorem ac minus necessariam ducerent, laxamenti ac remissionis aliquid dare dubitassent, ut tot hominum illam Communionis dilationem non ferentium, ac nisi citra diuturnæ illius pœnitentiæ molestias benignius admitterentur, Ecclesiæ schisma denuntiantium, casibus ac ruinis occurreretur.

Verum ista ipsa in animas amoris vehementia prohibebantur Sanctissimi viri, ne illis præpropere Communionis venenum in certam earum perniciem peruersa facilitate indulgerent. Lapsum illi quidem misericordia grauiter, & longe quam nos grauius commouebantur, sed inani & adumbrata acerbæ nec salutem sed exitium allaturæ miserationis specie sese abripi non sinebant, illamque Ambrosij sententiam etiam antequam ab eo esset edita, pernouerant : *In ipsa Ecclesia ubi maxime misereri*

misereri decet, teneri quam maxime debere formam iustitiæ, ne quis à Communionis consortio abstentus, breui lachrymula atque ad tempus parata, vel etiam vberioribus fletibus Communionem quam plurimis debet postulare temporibus, facilitate Sacerdotis extorqueat.

Quantam in veros pœnitentes misericordis atque indulgentis animi lenitatem, tantam aduersus eos qui pœnitentiam detrectabant in tuendis Euangelij regulis firmitudinem exhibebant. In illos mente mitissima; in hos, instar Prophetæ, ahe-nea fronte utebantur: atque vt alteris amantissimorum patrum studia, quorum in liberos charitas nulla re magis quam emendandis eorum moribus vitijque coercendis enitescit, præstabant; ita in al-teros iudicum seueritatem, atque immotam ad-uersus iniqua eorum postulata constantiam sibi adhibendam censebant.

Ex his ergo *charitatis vberibus*, quæ in Cypriano demiratus est Augustinus, & ex hoc simul cœlesti diuinoque vigore, præclarissimi Africæ Primatis ad Cornelium Pontificem in eandem sententiam scri-bentis verba profecta sunt. Ea quippe suauissimi amoris abundantia & plusquam heroicâ fortitudi-ne æque plena esse conspicias, neque minus spi-rare paternam Sanctissimi Præfulis benignitatem, quam inuictum fortissimi Martyris animum. *Si iu-* *dicium nostrum, inquit, voluerint experiri, veniant. Denique si qua illis excusatio Et defensio potest esse, videamus quem habeant satisfactionis suæ sensum, quem afferant pœnitentiæ fructum: nec Ecclesia istuc alicui clu-*

*Aug. lib. 1. de
Bapt. contra
Donat. c. 19.*

*Cyp. ep. 55.
ad Cornel.*

ditur, nec Episcopus alicui denegatur : patientia & facilitas & humanitas nostra venientibus præsto est. Opto omnes in Ecclesiam regredi : opto vniuersos commilitones nostros intra Christi castra & Dei Patris domicilia concludi. Remitto omnia, multa dissimulo studio & voto colligenda fraternitatis : etiam quæ in Deum commissæ sunt non pleno iudicio religionis examino, delictis plusquam oportet remittendis pene ipse delinquo. Amplector prompta & plena deuotione cum pœnitentia reuertentes, peccatum suum satisfactione humili & simplici confitentes. Si qui autem sunt qui putant se ad Ecclesiam non precibus sed minis regredi posse, aut existimant aditum sibi non lamentationibus & satisfactionibus sed terroribus facere; pro certo habeant contra tales clusam stare Ecclesiam Domini, nec castra Christi inuicta & fortia & Domino tuente munita minis cedere. Sacerdos Dei Euangelium tenens, & Christi præcepta custodiens occidi potest, non potest vinci.

Nec minus fortiter vniuersus Ecclesiæ Romanæ Clerus de iisdem lapsis, qui se ad Communionem admitti postularent, priusquam longa & austeræ pœnitentiæ crimina diluissent, in Epistola ad Cyprianum scripta publicè loquitur.

Clerus Rom. ad Cyp.ep. 31. Absit enim, inquit, ab Ecclesia Romana vigorem suum tam profana facilitate dimittere, & neruos seueritatis euersa fidei maiestate dissoluere; ut cum adhuc non tantum iaceant, sed & cadant euersorum fratrum ruinæ, properata nimis remedia communicationum utique non profutura præstentur, & noua per misericordiam falsam vulnera veteribus transgressionis vulneribus

imprimantur, vt miseris ad euerſionem maiorem eripiantur & pœnitentia.

Itaque quantumlibet lapſi contenderent, vt Communioni ante diuturnam pœnitentiam reſtiterentur: hoc vnum ab Eccleſia Concilio frequenter acto non conſenſione tantum Episcoporum, ſed & comminatione decretum eſt, vt pœnitentiam fratres agerent, vt pœnitentiam non agentibus nemo temerè pacem daret.

Quod Eccleſiæ decretum pluribus verbis in Epistoſta ad Antonianum Cyprianus explicat. *Perſecutione ſopita, inquit, cum data eſſet facultas in vnum conueniendi, copioſus Episcoporum numerus, quos integros & incolumes fides ſua & Domini tutela protexit, in vnum conuenimus, & SCRIPTVRIS DIV EX VTRAQVE PARTE PROLATIS temperamentum ſalubri moderatione librauimus, vt nec in totum ſpes Communionis & pacis lapſis denegaretur; ne plus deſperatione deſicerent, & eo quod ſibi Eccleſia cluderetur ſecuti ſeculum gentiliter vuerent; NEC TAMEN RVRSVS CENSURA EVANGELICA SOLVERETVR, VT AD COMMVNICATIONEM TEMERÈ PROSILIRENT, SED TRAHERETVR DIV POENITENTIA, & rogaretur dolenter paterna clementia.*

Hæc igitur illa eſt quam Sancti illi Episcopi, digniſſimi Apoſtolorum ſucceſſores, in eorum doctrinis & inſtitutis intelligentiſſimi ab omnibus qui ſe criminibus contaminaffent præmittendam communioni præparationem arbitrati ſunt, vt ſci-

licet legitima Satisfactione prius defungerentur. Hæc illa est quam ab Apostolo postulari existimarent sui ipsius probationem, ne cœlestis panis esus iudicium damnationemque afferat non salutem.

Legantur quæ de hac re Clerus Romanus & Cyprianus scripserunt. Id vnum agere reperientur, siue sacrilegia à peccatoribus cœca præmaturæ Communionis cupiditate commissa deplorent; siue de quorundam Presbyterorum fallaci lenitate ad præproperam eiusmodi communionem lapsos impellentium temeritate conquerantur; siue martyres hortentur, ne commentationibus suis tanti mali adiutores se præbeant; siue congruentem Evangelicæ veritati lapsorum tractandorum relegendorumque rationem aperiant: hoc vnum, inquam, agere reperientur, vt ratum fixumque maneat: nemini qui à baptismi gratia exciderit, ante ad Communionem redeundi ius esse posse, quam se laboriosis diuturnæ pœnitentiæ exercitationibus expurgarit.

Cyprian. de lapsis.

Quid cœci oculi Pœnitentiæ iter non vident quod ostendimus. Ib.

Cohortatio ad pœnitentiam viâ legitimæ salutis ostendis.

Cler. Rom. ad

Cypr. ep. 30.

b Si ad veniam delicti

Quamobrem lapsorum eiusmodi impatientia corpori Christi & sanguini vim inferri arguunt. Mirantur eò imprudentiæ progressos vt Sacerdotibus irascerentur, quod non statim Domini corpus inquinatis manibus acciperent, aut ore polluto Domini Sanguinem biberent.

Quarum omnium reprehensionum expostulationumque vna est causa quod Communionem inuaderent antequam salutare ^a pœnitentiæ iter essent emensi: antequam ^b ad veniam delicti sui Do-

minum iustis & continuis operibus inflexissent, antequam acrioribus remedijs^c neque leuioribus quam vulnera sint saluti suæ consulere conati essent.

sui Dominum iustis & continuis operibus inflectat. 16. c Non sit minor medicina quam vulnus est. Clerus Rom. ad Cyp. ep. 31.

Presbyterorum importunitatem & audaciam, qui inconsultâ facilitate lapsos pœnitentiæ iugo soluere, Communioneque è vestigio restituere moliebantur, vehementer & asperè exagitant. Grauius queruntur Presbyteros eiusmodi hoc esse lapsis, ^d *quod grando frugibus, quod turbidum sidus arboribus, quod armentis pestilens vastitas, quod nauigijs sæua tempestas. Qui sic agant contra Euangelij vigorem, contra Domini ac Dei legem facere affirmant, irritamque ac falsam pacem impertiri periculosam dantibus & nihil accipientibus profuturam. Quid ita? Quia, ut ait Cyprianus, non querunt sanitatis patientiam, nec veram de satisfactione medicinam. Quia operiuntur morientium vulnera, & plaga lethalis altis & profundis visceribus infixæ dissimulato dolore contegitur. Quia praua illa facilitas persecutio est alia, & alia tentatio, per quam subtilis inimicus impugnandis adhuc lapsis occulta populatione grassatur, ut lamentatio conquiescat, ut dolor sileat, ut delicti memoria vanescat, comprimatur pectorum gemitus, statuatur fletus oculorum, NEC DOMINVM GRAVITER OFFENSVM LONGA ET PLENA PATIENTIA DEPRECETVR.*

d Cyprian. de lapsis.

ibidem.

Simillimè Clerus Romanus Presbyterorum illorum nimiam indulgentiam damnat, nec minus grauib. verbis perniciem, quam pestifera illa assentatio lapsis afferret, exponit. Ita enim ad Cyprianum de illis scribens loquitur: *Certi sumus, in-*

Cler. Rom. ad Cyp. ep. 30.

quit, quod spatio productionis temporis impetu isto con-
senescente, amabunt hoc ipsum, ad fidelem se dilatos esse
medicinam, si tamen desint, qui illos arment ad pericu-
lum proprium, & in peruersum instruentes PRO SA-
LVTARIBVS DILATIONIS REMEDIIS
EXITIOSA DEPOSCANT ILLIS PROPERA-
TÆ COMMVNICATIONIS VENENA.

Quod si eorundem Sanctorum ad Martyres
admonitiones etiam spectemus, facile intellige-
mus, quam necessarium duxerint crimina per pœ-
nitentiam ante Communionem expiari. Cum
enim stantes atque victores pro victis & lapsis in
integrum restituendis deprecarentur, Ecclesia Ro-
mana Sanctusque Cyprianus ad Martyrum libellos
respondent: Postulationis illorum rationem habe-

a Cler. Rom.
ad Cyprian.
ep. 30. &
Cyprian. de
lapsis.

b Cyprian. ibid.
c Cyprian. ibid.

d Cler. Rom.
ad Cyprian.
ep. 30.

ri æquum esse, ^a Si ab Euangelica lege non dissonet:
^b Si iusta, si licita, si non contra ipsum Dominum, ^c Si
quidem Martyres, inquit, aut nihil possunt, si
Euangelium solui potest; aut si Euangelium non potest
solui, contra Euangelium facere non possunt, qui de Euan-
gelio Martyres fiunt. ^d Vt merito nulli magis tam sit
competens, nihil contra Euangelium decernere, quam qui
Martyris nomen ex Euangelio laborat acquirere.

Cuiusmodi vero erant postulata illa Martyrum,
quibus Sancti Pastores annuere se posse negant,
quod ea cum Euangelica veritate Christique do-
cumentis non satis congruerent? An lapsos ante-
quam per Sacerdotis absolutionem reconciliati es-
sent ad Communionem admitti iubebant? Longe
aliud docet vnus illorum Epistola quæ inter Cy-

priani Epistolas legitur. Hoc enim illos voluisse demonstrat, vt quos ipsi commendassent *pacem haberent exposita causâ apud Episcopum* & facta *Exomologesi*, quo vno verbo continebatur quicquid publice à peccatoribus suppliciter ac demissè in Ecclesia summum ob admissa crimina dolorem testificantibus fieri consueuerat, quo se ad veniam per Sacerdotalium manuum impositionem obtinendam componerent.

Et vero quâ tandem Martyribus in mentem venisset, vt lapsis sine absolutione præuia Eucharistiam impertiri flagitarent, quasi grauis & molestus labor esset à Sacerdote absolui? Hoc igitur vnum optabant, vt qui à se commendati essent, meritorum suorum causa à laboriosis diuturnæ austeræque pœnitentiæ exercitationibus per Episcopos laxarentur, statimque ad Eucharistiam admitterentur. Atque id ipsum est quod S. Cyprianus vniuersaque Romana Ecclesia fieri posse negat, *“ quin Domini præcepta rescindantur, ^b Evangelica veritas infringatur, ^c fidei majestas euertatur, ^d & palpationibus perniciosis faucia mentes in fraudem impellantur.*

Denique si quæ à Sanctissimis illis viris hac de re præciipiuntur expendamus, quantoque cum studio peccatores moneant, *^e non momentaneam neque præproperam desiderare medicinam*: quis tam obdurate sit mente & tam hostili in pœnitentiam animo, qui adeo salutaribus consilijs, *^f quæ se de Scripturis cælestibus & discere & docere ipsi testificantur, repu-*

Et ideo frater peto, vt sicut hic cū Dominus cœperit ipsi Ecclesiæ pacem dare secundū præceptum Pauli, & nostrū tractatam, exposita causâ apud Episcopum, & FACTA EXOMOLOGESI, habeant pacē non tantum hæ, sed & quas seis ad animum nostrum pertinere *Lucian.* *Celerino ep.* 22.

a Cyp. de lapsis.
b Cler. Rom. ep. 30.
c Idem ep. 31.
d Cyp. ep. 28.

e Cler. Rom. ad Cyprian. ep. 31.

f Cyp. de lapsis.

Ibidem.

gnare auit? *Quæso vos, fratres, inquit Cyprianus, acquiescite salubribus remedijs, consilijs obaudite melioribus, cum lachrymis nostris vestras lachrymas iungite, cum nostro gemitu vestros gemitus copulate. Rogamus vos ut pro vobis Deum rogare possimus: preces ipsas ad vos prius vertimus, quibus Deum pro vobis ut misereatur oramus. Agite pœnitentiam plenam, dolentis ac lamentantis animi probate mœstitiam. Nec vos quorundam moveat aut error improuidus, aut stupor vanus, qui cum teneantur in tam grandi crimine, percussi sunt animi cœcitate, ut nec intelligant delicta, nec plangent. Indignantis Dei major hæc plaga est, sicut scriptum est, Et dedit illis Deus spiritum transpunctionis. Eiusmodi homines quantum potestis effugite, perniciosis contactibus adhaerentes salubri cautione vitate. Sermo eorum ut cancer serpit, colloquium velut contagium transilit, noxia & venenata persuasio persecutione ipsa pejus interficit. Illic superest sola pœnitentia quæ satisfaciat. Qui autem pœnitentiam criminis tollunt, satisfactionis viam cludunt. Ita fit, ut dum temeritate quorundam vel promittitur salus falsa, vel creditur, spes veræ salutis adimatur. Vos vero, fratres, quorum timor in Deum pronus est, & in ruina licet animus constitutus mali sui memor est, Pœnitentes ac dolentes peccata vestra perspicite, grauissimum conscientie crimen agnoscite, ad intelligentiam delicti vestri oculos cordis aperite, nec desperantes misericordiam Domini, nec tamen iam veniam vindicantes. Deus quantum patris pietate indulgens semper & bonus est, tantum iudicis maiestate metuendus est. Quam magna deliquimus, tam granditer defleamus. Alto vulnere diligens & longa*

longa medicina non desit : Pœnitentia crimine minor non sit.

Quod si quis dixerit S. Cyprianum Romanum-que Clerum de ijs agere qui persecutionis terrore dejecti à fide desciiuissent, neque istiusmodi crimina nunc apud nos extare : haud difficile erit responsionis huius vanitatem, quam supra breuiter indicauimus, prorsus aperire. Cleri enim Romani & S. Cypriani testimonio constat, non eos tantum qui publicè Christum eiurassent, aut Idolis sacrificassent, aut cibos immolatitios degustassent, sed illos etiam qui pretio dato Libellos à Magistratibus redemissent, quibus à persecutionis periculo tuti præstarentur, quasi Imperatorum edictis paruissent, in lapsorum numerum repositos, & ad pœnitentiam vnà cum ijs qui publicè Christum abiecissent, adactos, licet aliquanto remissiorem.

Docet vero Cyprianus ad Antonianum scribens, fornicatores & adulteros *Libellaticis* illis nocentiores esse, & acerbiori pœnitentia plectendos. Vnde colligit cum Ecclesia pœnitentiæ locum adulteris daret, multo magis eandem humanitatem ijs tribuere debuisse, qui cum præ fidei infirmitate Christi nomen publicè profiteri non auderent, Libellos à Magistratibus accepissent, ne id facere cogerentur. *Quanto multo, inquit, Et/ grauior Et/ peior* Cyp. ep. 52.
sit mæchi quam Libellatici causa, cum hic necessitate, ille voluntate peccauerit : hic existimans sibi satis esse quod non sacrificauerit, errore deceptus sit ; ille matrimonij expugnator alieni, vel lupanar ingressus ad cloacam Et/

cœnosam voraginem vulgi, sanctificatum corpus & Dei templum detestabili colluione violauerit, sicut Apostolus dicit: quibus tamen & ipsis pœnitentia conceditur, & lamentandi ac satisfaciendi spes relinquitur secundum ipsum Apostolum. Nec sibi in hoc noui hæretici blandiantur, quod se dicant Idololatri non communicare, cum sint apud illos & adulteri & fraudatores qui tenentur Idololatriæ crimine secundum Apostolum dicentem: Hoc enim scitote intelligentes, quia omnis fornicator aut immundus, aut fraudator, quod est Idololatria, non habet hereditatem in regno Christi & Dei. Et iterum, Mortificate itaque membra vestra quæ in terra sunt, exponentes fornicationem, immunditiam & concupiscentiam malam & cupiditatem, quæ sunt Idolorum seruitus, propter quæ venit ira Dei. Nam cum corpora nostra membra sint Christi, & singuli simus templum Dei, quisquis adulterio templum Dei violat, Deum violat: & qui in peccatis committendis voluntatem Diaboli facit, Dæmonijs & Idolis seruit. Neque enim mala facta de Sancto Spiritu veniunt, sed de aduersarij instinctu, & de immundo spiritu natæ concupiscentiæ contra Deum facere & Diabolo seruire compellunt.

Cum igitur vulgatissima sint hodie flagitia, ut stupra & adulteria, quæ olim Ecclesia seueriori pœnitentia mulctanda censebat, quam fidei proditio- nem quæ non in apertam perfidiam erupisset: facile intelligitur Ecclesiam vniusmodi pœnitentiæ legibus cuiusquemodi peccata mortifera constrinxisse, siue ea fidei integritatem, siue morum sanctimoniam violarent: Adeoque perperam existi-

mari, quæ à SS. Patribus de Pœnitentiæ necessitate disputantur, ea ad nostri temporis peccatores minimè pertinere, quos sæpe reperias multis sceleribus contaminatos, quæ Deus magis execretur, quam fidei negationem vi tormentorum extortam.

Demonstrant præterea Pauli sententiæ quas in eodem loco Cyprianus adducit, non solis impudiciæ delictis, qualis est fornicatio & adulterium, pœnitentiæ necessitatem incumbere, sed vniuersis peccatis mortiferis, quæ ex Apostoli mente genus quoddam Idololatriæ efficiunt, quia *qui in illis committendis voluntatem Diaboli facit, ex cuius instinctu ea nascuntur, Dæmonijs & Idolis seruit*. Hæc est enim Cypriani sententia & cœterorum passim Ecclesiæ Doctorum. Vnde præclare ab Augustino scriptum est, se cum à vera Religione alienus esset, ipsa superstitione sacrificasse Dæmonibus, quamuis ijs pro se sacrificari nollet. *Non enim uno modo* (inquit idem alibi) *sacrificatur transgressoribus Angelis.*

Quin etiam in eadem ad Antonianum Epistola S. Cyprianus scribit vniuersis quæ post baptismum committuntur mortalibus delictis eam pœnitentiam quæ lapsis indici consuevit à Deo constitutam. *Miror autem, inquit, quosdam sic obstinatos esse, ut dandam non putent lapsis pœnitentiam, aut pœnitentibus existiment veniam denegandam, cum scriptum sit, Memento unde excideris, & age pœnitentiam, & fac priora opera. Quod utique ei dicitur quem constat cecidisse, & quem Dominus hortatur per opera rursus exur-*

gere, quia scriptum est, *Eleemosyna à morte liberat*: & non utique ab illa morte quam semel Christi sanguis extinxit, & à qua nos salutaris baptismi & Redemptoris nostri gratia liberauit, sed ab ea quæ per delicta post modum serpit.

Idem in Epistola 14. ad Clerum Carthaginensem pœnitentiam illam laboriosam quæ lachrymis & gemitibus, & assidua bonorum operum exercitatione peragi debet, vnicum lapsis post baptismum fidelibus remedium superesse demonstrat: *Memento*, inquit, *unde cecideris*, & age pœnitentiam: (quod ad omnes spectat qui à baptismi gratia exciderint.) Pœnitentiam autem ille agit qui diuinis præceptis mitis & patiens, & Sacerdotibus Dei obtemperans obsequijs suis & iustis operibus Dominum promeretur.

In Epistola vero 55. ad Cornelium Episcopum urbis Romæ duas duntaxat in cœlum vias agnoscit, Innocentiam & Pœnitentiam. Ex quo efficit, nullum ijs qui baptismi sanctitatem violauerint ad salutem aditum superesse, nisi satisfactione salutaribus vulneribus medeantur suis. *Primus*, inquit, *felicitatis gradus est, non delinquere*, (hoc est ab omni mortifero peccato se abstinere) *secundus, delicta cognoscere*. Illic currit innocentia integra & illibata quæ seruet; hîc succedit medela quæ sanet: quod utrumque isti offenso Deo perdiderunt, ut & amissa sit gratia quæ de baptismi sanctificatione percipitur, & non supersit pœnitentia per quam culpa curatur.

Denique ne quis dubitandi locus supersit, declarat non semel idem Sanctus, non in fidei tan-

tum causis, sed in minoribus etiam delictis quæ non in Dominum committuntur (hoc est quæ gloriam & honorem ipsius Dei non attingunt, sed mores aut debitum proximo officium) pœnitentiam agi debuisse IVSTO TEMPORE, neque profitendi publicè apud Ecclesiam, quam verè & sincerè scelerum quemque pœniteret, (quod illi vna exomologesis voce complectebantur) potestatem factam fuisse, nisi inspecta vita eius qui pœnitentiam ageret : Eaque omnia præcedere oportuisse, simul cum impositione manuum Episcopi & Cleri, antequam ad communicationem venire quis posset.

Ep. 10. c. 12.
vid. supr.
Part. I. c. 12.

Nihil igitur relinquitur dubitationis, quin temporibus D. Cypriani totius Ecclesiæ consensu (quæ quidem ab Ecclesia huius temporis, nisi ab hæreticis, & per sacrilegam ac nefariam vnitatis dilacerationem disiungi non potest) plurium dierum intervallo ante Communionem pœnitentiam peragi oporteret, vbi quis partum in baptismo Eucharistiæ accipiendæ ius lethalibus peccatis amisisset. Cum vero Clerus Romanus in Epistolis ad eundem Martyrem scriptis testis sit, ab Apostolorum institutione sanctam illam disciplinam acceptam; Dei nutu effectum est, vt ad posteros deduceretur. Si enim Traditionis Ecclesiasticæ seriem sequamur, eundem in posterioribus ætatibus Ecclesiæ sensum, eundem spiritum reperiemus.

Quod vt breui conficiamus, nec longiori sermone implicemur, vniuersæ Orientalis Ecclesiæ sententiam repræsentabit Vox illa publica & so-

*Augst. in
ep. 118.*

lemnis omnium Liturgiarum autore Chrysostomo, EXEANT QVOTQVOT SVNT IN POENITENTIA : Occidentalis vero Ecclesiæ celeberrimum illud præstantissimi eius Doctoris ad Ianuarium scribentis effatum, quod posteri semper oraculi vice habuerunt : Eum qui se mortiferis peccatis obstinexerit, autoritate Antistitis debere ab altari remoueri ad agendam pœnitentiam, & eadem autoritate reconciliari, quoniam hoc est indignè Eucharistiam accipere, si eo tempore quis accipiat quo debet agere pœnitentiam.


*Greg. in 1.
Reg. l. 3.*

His duobus clarissimis grauissimisque testimonijs liquet id quod ex Ecclesiæ doctrina tradunt SS. Patres, vbi quis se aliquo crimine (qualis fornicatio, adulterium, furtum, blasphemia, & alia eiusmodi, quibus qui se contaminat à regno Dei, iudice Apostolo, excludetur) Eucharistiâ indignum fecerit, iustum & legitimum temporis spatium intercedere oportere quo pœnitentiam agat, & quo si ad Eucharistiam accederet, indignè illam acciperet. Hoc vero temporis spatium Confessionem antecedere non debet, quandoquidem rata & firma Ecclesiæ sententia est, delicta Sacerdoti aperienda, vt eius præscripto Pœnitentia agatur : Si quidem, vt præclare docet Gregorius, *Afflictio pœnitentiæ ad redimenda peccata tum demum idonea est, cum Sacerdotis iudicio fuerit imperata, cum ab eo confitentium actibus discussis pro modo criminis onus eis decernitur afflictionis.* Ex quibus prorsus constat, si SS. Patrum instituta tenere voluerimus, ei qui se mortalibus

flagitijs inquinauerit, ea primum confessione pandenda, deinde seria solidaque pœnitentia eluenda, antequam ad Communionem se referat.

CAPVT XIV.

QVID SIT SS. PATRIBVS POENITENTIAM agere. Vbi nostri temporis Hæreticorum error de vi vocis Pœnitentiæ confutatur.



ÆTERVM vt Patrum doctrina quam hætenus enarrauimus de adigendis ad pœnitentiam peccatoribus antequam Communione donarentur, rectius possit percipi, videndum quid pœnitentiæ voce intellexerint. Cauendum enim hoc loco Hæreticorum error, qui nihil aliud huic verbo subiiciunt, nisi mutationem meram consilij & voluntatem à peccatis abstinendi, referendique in melius vitam. Contra Catholici omnes Controuersiarum Scriptores luculentè demonstrant, ex communi Scripturæ & Patrum vsu, voce illa pœnam significari qua nos ipsi ob peccata afficimus, vnaque complecti, tum pœnitendi affectum & interiorem animi dolorem, tum externas corporis afflictationes & voluntarios cruciatus ex eo dolore quasi radice proficiscentes, quos & Scriptura passim notat dum "in sacco & cinere, in ieiunio & fletu & planctu agere pœnitentiam iubet.

Aduersarij ab ipso Pœnitentiæ nomine fundamenta iacere incipiunt errorum suorum, &c. Sed in eo multum errant Doctores isti græmatici potiusquam Theologi, quod vocis significationes ex etymologia potius ducunt, quam ex cõmuni Scripturæ & bonorum Authorum vsu. Nam si non originem, ac derivationẽ sed vsũ spectemus, videbimus nõ solum צדקה & μεταμελεις sed etiã צדקה μεταμελεις & ipsum conuersione nihil aliud

præcipue Pœnitere, velit nolit Erasmus, externum dolorem ac Pœnam ex interna profectam significare, &c. Itaque μεταμελεις eo loco (Matth. 11. & Luca 10.) significare potest, nisi corde simul, & corpore auersari peccata præterita, ET TAM DE ILLIS A SEMET REPETERE: Bellarm. de Pœnis. lib. 1. c. 7. 2. Dan. 9. v. 3. Matth. 11. v. 21. Iecl. 2. v. 12. &c.

Ne itaque peccatores seipsi palpentur, ac falso sibi persuadeant se interiori pœnitentiæ sensu affici, nisi externis actionibus id approbent, dum facultas adest, neque quominus id faciant, vlllo quod amoliri non queant impedimento retardantur. Fons viuus esse non potest nisi manantibus aquis foras exundet: neque Euangelio iudice vlla bona arbor, nisi bonos fructus pariat. Vt vera fides sine oris confessione, vera charitas sine bonorum operum prouentu; ita vera pœnitentia sine satisfactionis fruge nulla est. Cum enim pœnitentia nihil aliud sit SS. Patribus quam iudicium & sententia voluntaria peccatoris in seipsum ad præuertendum Dei iudicium, constat vtique iudicium eiusmodi æquum & legitimum esse non posse, nisi soniti pœnam irroget, hoc est, ipsi peccatori: Hæc autem pœna in laboriosis pœnitentium exercitationibus & voluntarijs afflictationibus posita est.

*Isid. Hisp. xl.
lib. 2. de Offic.
Eccles.*

*Ansel. in c. 3
Matth. vel si
quis alius est
auctor horum
Commentar.*

*Aug. serm.
57. de Temp.*

Pœnitentia (inquit sanctus Isidorus) nomen sumpsit à pœna qua anima cruciatur & caro mortificatur. Vnde Anselmus: Aliud est pœnitere, aliud pœnitentiam agere. Pœnitere est ante acta deflere & deflenda non committere. Agere pœnitentiam, est per pœnitentiam satisfacere ieiunando, eleemosynas dando, &c. Similique sententia magnus Augustinus: Parum est peccatorem pœnitere, nisi pœnitentiam peregerit. Quid ita? Quia ad emendanda crimina vox pœnitentis sola non sufficit; nam in satisfactione ingentium peccatorum non verba tantum, sed opera quærentur.

Nam si à sancto Ambrosio quæsieris quem verè pœnitentem

pœnitentem putet. Pœnitentem (inquiet) hominem dico qui plangit quod peccauerat, & rogat Dominum ut non iterum faciat quod admiserit. Pœnitentem hominem dico, qui diebus ac noctibus ingemiscit, & cum Propheeta dicit; *Lauabo per singulas noctes lectum meum lachrymis meis.* Pœnitentem hominem dico qui repellit quod male fecerat, & rogat Dominum ut veniam consequatur. Pœnitentem hominem dico, qui post concupiscentiam suam non vadit, & voluptatibus suis se priuat. Pœnitentem hominem dico, qui diligit quod ante neglexit, & quod fecerat mali deserit.

Ambros. ser. 33. p. 1. Dominum. Quamdrag.

Si S. Pacianum roges, quæ sint opera Pœnitentiæ, qui actus propriè Pœnitentium? *Vides, inquiet,* in sarmentis fructum requiri, id est bona opera pœnitentiæ, sicut Joannes ait, *Facite ergo fructum dignum pœnitentiæ.* *Vides sarmenta purgari, quæ sunt detrimenta carnis, damna latitiæ, damna patrimonij, vitæ labores, QUI ACTVS PROPRIÈ PœNITENTIVM SVNT.*

Pacian. ep. 3.

Si D. Hieronymum percunctere, qui sensus esse debeat, qui affectus pœnitentis. *Sentiens, inquiet,* anima se peccasse, & habere vulnera, & in mortuis carnibus viuere, & indigere cauterio, constanter dicit ad Medicum: *Vre carnes meas, refeca vulnera, humores omnes, pœnia noxium adure, hellebori potione constringe. Mei vitij fuit ut vulnerarer: mei doloris sit ut tot tormenta sustineam, & postea sanitatem recipiam.*

Hieron. in Micheam. c. 7.

Si à S. Augustino petieris, quid sit agere pœnitentiam. *Qui bene, inquiet,* agit pœnitentiam, suus ipse punitor est. Sit oportet ipse in se seuerus, ut in eum sit

Aug. ser. 34. de Diuersis.

^a Hom. 50.
sub finem.

misericors Deus. ^a Neque sufficit mores in melius commutare, & à factis malis recedere: nisi etiam de his quæ facta sunt satisfiat Deo per pœnitentiæ dolorem, per humilitatis gemitum, per contriti cordis sacrificium cooperantibus eleemosynis.

Si S. Cæsarium Arelatensem Episcopum consulas, quid sit agere pœnitentiam? Respondebit,
^{Cæs. hom. 8.} *Minuta peccata tum à nobis redimi cum infirmos visitamus, in carcere positos requirimus, discordes ad concordiam reuocamus, indicto in Ecclesia ieiunio ieiunamus, hospitibus pedes abluimus, ad vigilias frequentius conuenimus, eleemosynam ante ostium prætereuntibus pauperibus damus, inimicis nostris quoties petierint, indulgemus. Verum pro capitalibus, inquiet, criminibus non hoc solum sufficit, sed addenda sunt lachrymæ & rugitus & gemitus, & longe protracta ieiunia, largiores eleemosynæ, etiam plusquam nos ipsi valere possumus, eroganda. Vltro nos ipsos à Communione Ecclesiæ remouentes, in luctu & tristitia multo tempore permanentes, &c.*

<sup>Greg. lib. 6 in
c. 15. lib. 1.
Reg.</sup>

^a Part. 3. Pastor. Admonit. 31.

Si ex S. Gregorio sciscitare, num satis sit delicta confiteri, imo & ab ijs se abstinere, nec tamen operam dare ut plena satisfactione compensentur: Negabit vero, ac docebit: Idcirco omnem confessionem peccatorum recipi, ut fructus pœnitentiæ subsequatur: ^a *Admonendosque esse qui admissa deserunt, nec tamen plangunt, ne iam relaxatas æstiment culpas, quas etsi agendo non multiplicant, nullis tamen fletibus mundant. Neque enim scriptor si à scriptione cessauerit, quia alia non addidit, etiam illa quæ scripserat deleuit. Nec*

qui contumelias irrogat, si solummodo tacuerit, satisfacit, cum profecto necesse sit, ut verba præmissa superbiæ, verbis subjunctæ humilitatis impugnet: nec debitor absolutus est, quia alia non multiplicat, nisi & illa quæ ligauerat soluat. Ita & cum Deo delinquimus, nequaquam satisfacimus, si ab iniquitate cessamus, nisi voluptates quoque quas dileximus è contrario appositis lamentis insequamur. Neque enim (ut ibidem ait) Deus nostris cruciatibus pascitur, sed delictorum morbos medicamentis contrarijs medetur: ut qui voluptatibus delictati discessimus, fletibus amaricati redeamus; & qui per illicita diffluendo cecidimus, etiam à licitis nosmetipsos restringendo surgamus; & cor quod insana lætitia infuderat, salubris tristitia exurat; & quod vulnerauerat elatio superbiæ, curet abjectio humilis vitæ.

Si ex S. Isidoro Hispalensi Episcopo scire aueas, quid sit agere pœnitentiam. Ille, inquit, dignè pœnitentiam agit, qui reatum suum satisfactione legitima plangit, condemnando scilicet & deslendo quæ gessit, tanto in deplorando profusus, quanto extitit in peccando procliuus.

Isidor. Hispal. lib. 2. sent. c. 13.

Denique si ad Bedam referas, quid sit agere pœnitentiam. Sacrificate, inquit, sacrificium iustitiæ, id est, mortificetis propria vitia vestra, faciendo dignos fructus pœnitentiæ: tantum scilicet pro singulis vos affligentes, quantum digna expetit pœnitentia.

Beda in Psal. 4.

Patet itaque ac perspicuum est, Patres omnes in eam conspirare sententiam, ut & peruersum Lutheri dogma conuellant, nihil aliud pœnitentiam esse nisi nouam vitam: & grauissimum Catholicæ do-

doctrinæ caput stabiliant ; Hoc esse agere pœnitentiam, peccata satisfactione salutari expiare, lachrymis eluere, gemitibus & suspirijs veniam à Deo exprimere, eleemosynis redimere, bonis operibus tegere ne imputentur, ieiunijs abolere, carnis denique interitu ac fustigatione extinguere. Quare cum ex consentienti & perpetua eorundem Patrum doctrina nemo mortiferi peccati reus antea ad Eucharistiam adire debeat, quam agendæ pœnitentiæ munere defunctus sit, atque indignè Christi corpus sumat, quisquis eo tempore sumit quo debet agere pœnitentiam : facile intelligitur, quâ inscititiâ affirmare audeas, *Nunquam in Ecclesiæ usu positum fuisse, ut mortiferorum delictorum rei plures dies pœnitentiam agerent, antequam Communionem donarentur* : & qua confidentia temeritatis eos accuses, qui criminum conscientia stimulati, & inspirato cœlitus ad recuperandam baptismi dignitatem ardore inflammati, animum inducant aliquandiu pœnitentiæ exercitationibus incumbere, ijsque animæ labes & maculas abstergere, priusquam tam sancta, tamque tremenda mysteria attingant.

Calvin. lib. 3.
Inst. c. 4. §.
18. & lib. 4.
c. 12. §. 8.

Non sum nescius Calvinum eò impudentiæ progressum, ut omnes Patres hac in parte *immodicæ austeritatis* accusarit. Sed cuius tandem Catholici animus tantam Hæresiarchæ istius procacitatem æmulari sustineat, ne dicam impietatem, quæ eò pertinet, ut Ecclesiam probet tot seculis, quibus ut cum maxime floruit, veram & rectam reuocandarum

ad Deum animarum rationem ignorasse., easque nouercali potius animo quam materno tractauisse, cum innumeris ac minime necessarijs illas laboribus exerceret ac frangeret, gratiæque tot subsidijs ac muneribus diu frustraretur, quæ Eucharistiæ perceptio afferre solet?

Non cadit in sobrium hominem hæc cogitatio: nec ferenda esset arrogantia, quæ præstantissimis Ecclesiæ Doctõibus spiritu Dei, sanctorumque scientia cumulatis, aut diuinæ misericordiæ immensitatem minus quam sibi perspectam, aut charitatem & zelum remissiozem in fratrum salute maturanda, aut tenuius fuisse lumen quo zelum illum regerent, suspicaretur. Verum cum propositum oculis semper haberent solenne Domini interdictum, ne sanctum canibus detur, eam demum idoneam in peccatores mansuetudinem, æquamque misericordiam ducebant, quæ cum lege ac verbo Dei congrueret, quemadmodum Regius Propheta orat, *Miserere mei secundum eloquium tuum.* Quod explanans D. Ambrosius mirificè locum hunc illustrat. *In ipsa, inquit, Ecclesia ubi maxime misereri decet, teneri quam maxime debet forma iustitiæ, ne quis à Communionis consortio abstentus, breui lachrymula atque ad tempus parata, vel etiam uberioribus flectibus COMMVNIONEM, QUAM PLVRIMIS DEBET POSTVLARE TEMPORIBVS, FACILITATE SACERDOTIS EXTORQUEAT. Nonne cum uni indulget indigno plurimos facit ad prolapisionis contagium prouocari?* FACILITAS ENIM

D. Ambros.
in Psal. 118.

VENIÆ INCENTIVVM TRIBVIT DELIN-
QVENDI. Hoc ideo dictum est, vt sciamus secundum
verbum Dei, secundum rationem dispensandam esse mi-
sericordiam debitoribus. Medicus ipse si serpentis inte-
rius inueniat vulneris cicatricem, cum debeat refecare
vulceris vitium ne latius serpat, tamen à secandi vrendi-
que proposito lachrymis inflexus ægroti, medicamentis te-
gat quod ferro aperiendum fuit: nonne ista inutilis mise-
ricordia est, si propter breuem incisionis, vel exustionis
dolorem corpus omne tabescat, vitæ vsus inereat? Recte
ergo & Sacerdos vulnus graue ne latius serpat, à toto
corpore Ecclesiæ quasi bonus medicus debet abscindere,
& prodere vlcus criminis quod latet, non fouere: ne dum
vnum excludendum non putat, plures faciat dignos quos
excludat ab Ecclesiâ.


Non ergo seueritate vtitur in peccatores, sed sa-
lutari misericordia & mansuetudine cum verbo
Dei congruente, qui eos Eucharistiæ desiderio
tantisper angi sinit, vt ad illam dignius recipien-
dam pœnitentiæ exercitationibus se comparent.

Itaque locum hunc tandem aliquando conclu-
dere licet illustri D. Ambrosij sententia quam supe-
rius iam descripsimus, de peccatoribus qui Eucha-
ristiæ cibum imbecillitati suæ vehementiorem ali-
quanto tempore sibi subduci nolunt. NONNULLI,
inquit, IDEO POSCVNT POENITENTIAM, VT
STATIM SIBI REDDI COMMUNIONEM VELINT.
HI NON TAM SE SOLVERE CVPIVNT, QVAM SA-
CERDOTEM LIGARE: SVAM ENIM CONSCIENTIAM
NON EXVVNT, SACERDOTIS INDVVNT.

*Ambr. lib. 2.
de Penit.
c. 9.*

CAPVT XV.

*DILVITVR QVOD ADVERSVS PATRV
doctrinam de peragenda ante Communionem pœnitentia ob-
ijci potest : Illos Eucharistiam impertijſſe morituris qui nul-
lam ante pœnitentiam egiffent. Vbi & quid Patres de morien-
tium pœnitentia ſenſerint , explicatur.*



N I H I L video quod adeo perpetuæ & consentienti Patrum doctrinæ de necessaria lethalium peccatorum per pœnitentiæ satisfactionem ante Eucharistiam expiatione, vel ad speciem opponi possit, nisi fortasse hoc vnum : Eos Communionem etiam extremo spiritu flagitantibus non negasse, quamuis antea nulla pœnitentia excultis. Ex quo effici posse videtur, minime ratos fuisse, pœnitentiæ peractionem Communioni necessario esse præmittendam.

Verum nihil aliud hinc rectè colligas, nisi nullam adeo generalem regulam esse, in qua exceptioni locus non sit ; nec legem adeo iustam, quam non temperet & inflectat æquitas ; neque disciplinam adeo sanctam, quam prudentia Christiana interdum præterire non cogat. Quod ipsum libentissimè fatemur, vltro agnoscentes incidere posse tempora, quibus ex ipsa SS. Patrum mente reconciliari peccator possit & Communionem donari, etsi laborioso pœnitentiæ munere ante defunctus non fuerit : vehementerque errare, qui secus opinetur,

omnemque prorsus absolutionem & Communio-
nem improbet, quæ satisfactionem anteuertat. Qui
error Petri Oxomensis iure ab Ecclesia damnatus
est, præsertim eum multis alijs ijsque grauissimis
adjunctus esset, quos in eodem Libello Hispanus
iste Theologus coaceruauerat, capitalem Sacra-
mento pœnitentiæ labem ac perniciem impor-
tantes.

Cum vero id vnum hoc loco agatur, vt quid Pa-
tres senserint exponamus, plurimi interest genera-
lem regulam à singularibus exceptionibus, legis
præscriptum ab indulgentiæ temperamento, com-
munem vulgaremque disciplinam ab ijs quæ non-
nunquam extra ordinem ac summum ius conce-
duntur, accuratè secernere.

Et quidem plurimis & apertissimis Antiquitatis
testimonijs demonstratum à nobis est, Patres om-
nes in ea fuisse sententia, vt qui candidam baptismi
vestem mortiferi peccati labe inquinassent, non
ante sacræ mensæ accumberent, & diuina imma-
culati Agni carne vescerentur, quàm multo tem-
pore pœnitentiæ lamentis sordes eluissent. Hæc
constans & perpetua illorum doctrina.

Iam quod opponitur, vbi sancta illa disciplina
obseruari minimè poterat, peccatoribus graui &
periculoso morbo affectis, nec pœnitentiæ agen-
dæ idoneis, nihilominus Eucharistiam ijs, tanquam
vltimum & maxime necessarium viaticum, ab Ec-
clesia concessam: ita non infirmat quæ de San-
ctorum illorum mente docuimus, vt vel maxime
comprobet,

comprobet, ac planum faciat, quanti salutare hoc institutum fecerint, quod adeo studiosè seruarent, vt nisi cogente necessitate, cum illius retinendi facultas exclusa esset, ab eo dimoueri se numquam paterentur.

Quanquam vt argumentationis istius inanitas facilius etiam intelligatur, non illud tantum attendendum, SS. Patres ad Communionem moribundos admisisse, qui nullam dum valerent pœnitentiam obijissent: sed illud in primis animaduertendum, quo animo id egerint, quoque loco haberint præproperas illas reconciliationes quas nulli pœnitentiæ fructus antecessissent.

Etenim seras istiusmodi vicinasque morti pœnitentias, emendandæque vitæ significationes tam parui semper fecit Ecclesia, vt totis tribus seculis ministerij sui auctoritatem, & quam à Christo accepit soluendorum criminum potestatem erga eos adhibere recusarit, qui cum vniuersum tempus ætatis turpiter & flagitiosè traduxissent, extremo demum spiritu ad eam confugiebant. Imo vero cum inhumanæ Nouatianorum acerbitati, qui nimia & immodica seueritate (vt est Hæreticorum genius præceps ad extrema) spem omnem pacis lapsis eripiebant, studiosius obsisteret, concertatioque hæc ipsa aduersus eos qui è peccatis emergere niterentur mitiorem placabilioremque eam efficeret: tamen indulgentiam ac spem veniæ, quam omnibus vel nocentissimis offerebat, ijs solis concedendam non putauit, qui instante morbi discrimine, cum

peccata satisfactione redimere non possent, veniam postulabant.

Cuius rei autorem habemus Cyprianum in Epistola ad Antonianum: ubi importunam Nouatianorum in lapsos duritiem toto pectore refellens, & summa eloquentiæ vi demonstrans, non occludenda ijs penitus Ecclesiæ viscera, neque omnem veniæ spem eripiendam: indignos tamen hac Ecclesiæ benignitate habitos significat, qui instante obitu eam expeterent, atque in supremis illis angustijs liberationem criminum quærerent, quæ iam pœnitentia expiare non possent. *Et idcirco, inquit, frater charissime, pœnitentiam non agentes, nec dolorem delictorum suorum toto corde & manifesta lamentationis suæ professione testantes, prohibendos omnino censuimus à spe communicationis & pacis, si in infirmitate atque periculo cœperint deprecari, quia rogare illos non delicti pœnitentia, sed mortis urgentis admonitio compellit, nec dignus est in morte accipere solatium, qui se non cogitauit esse moriturum.*

Ab Arelat.
2. Vocatur
magna Synodus & ex
omnibus
mundi partibus con-
gregata.
Can 18. & 24.

Prima Synodus Arelatensis sub initium quarti seculi anno 314. congregata, ad quam Constantinus Imperator maximam Episcoporum frequentiam ex omnibus Occidentis regionibus euocarat, per quos Donati schisma opprimeretur, idem statuit in apostatas, qui cum ætatem egissent, pœnitentiæ, Dei, sui que immemores, reconciliari se ab Ecclesia sub mortis ictum postulabant, & ad Communionem admitti. Verat enim hoc ijs tribui, nisi postquam conualuerint, & dignos pœnitentiæ

fructus exhibuerint, vt apertis celeberrimæ Synodi verbis vltimo canone sancitur: *De his qui apostatant* *¶* * *antequam se ad Ecclesiam repræsentent, nec quidem* *¶* *pænitentiam agere quærunt, & postea infirmitate correpti petunt Communionem, placuit, eis non dandam Communionem, nisi reualuerint, & egerint fructus dignos pænitentia.*

Concil. Arelat. I. c. 13.

** Alias, Nunquam se ad Ecclesiam repræsentant.*

Quin & centum circiter post annis S. Exuperius Episcopus Tholosanus Innocentium I. Pontificem quasi de re dubia consulit, *Quid de his observari* *¶* *oporteret, qui post baptismum omni tempore incontinentiæ & voluptatibus dediti, in extremo vitæ suæ pænitentiam simul & reconciliationem communionis exposcunt.* Cui ita responsum ab Innocentio, vt quæ diximus perspicue confirmet. *De his, inquit, observatio prior durior. posterior interueniente misericordia inclinior est. Nam consuetudo prior tenuit, vt concederetur pænitentia, (hoc est, vt eis sola pænitentia præscriberetur, quâ si conualuissent, peccata diluerent) sed Communio negaretur, &c. Sed postquam Dominus noster pacem Ecclesijs suis reddidit, iam depulso terrore Communionem dari obcuntibus placuit, & propter Domini misericordiam quasi Viaticum profectoris, & ne Nouatiani Heretici negantis veniam, asperitatem & duritiam subsequi videamur.*

Innoc. ep. 3. ad Exuperiũ

Cæterum licet Ecclesia antiquissimam istam disciplinam aliquantum postea remiserit, absolutionemque & Eucharistiam indulgentiæ causa ijs in morte non negandam censuerit, qui omissis dum valerent pænientiæ fructibus tanto se bene-

ficio indignos præbuisſent: in ea tamen ſententia uſquequaque permansit, præproperas atque in-tempeſtiuas eiufmodi reconciliationes parum admodum tutas videri. Quare cum morientes, qui per pœnitentiam diligenter, vt perpetuus mos fe-rebat, præparati non eſſent, ad Communionem admittere cogeretur, eo faciebat animo, vt diuinæ illos miſericordiæ iudicioque permitteret, nec cer-tam ijs ſpem dari poſſe profiteretur, Deum ratum habiturum in cœlo quod eius miniſtri in terris vi quadam & neceſſitate adducti egiſſent.

Hæc erat SS. Patrum de pœnitentijs atque con-uerſionibus illis extremis ſententia. Atque hinc maximus Eccleſiæ Doct̃or fideles admonet grauiſſimis verbis, quæ veris pœnitentibus non minus ſolatiij, quam ijs qui Dei benignitate abutentes pœ-nitentiam aſſiduè procraftinant terroris & formi-dinis afferre debeant. *Dico*, inquit Auguſtinus, *in*
Aug. hom. 4. *conſpectu Dei timori veſtro timorem meum. Qui autem non timet, timentem me contemnit, ſed malo ſuo. Certus ſum quia homo baptizatus ſi vitam, non audeo dicere ſine peccato, quis enim ſine peccato? Sed vitam ſine cri-mine duxerit (hoc eſt, ſine peccato mortifero) Et alia peccata habuerit, quæ quotidie dimittantur in ora-tione dicenti: Dimitte nobis debita noſtra ſicut & nos dimittimus debitoribus noſtris: quando vitam finierit, vi-tam non finit, ſed tranſit de vita in vitam, de laborioſa ad quietam, de miſera ad beatam. Baptizatus autem deſertor & violator tanti myſterij, ſi agat pœnitentiam ex toto corde. . . . Si egerit veraciter pœnitentiam, &*

solutus fuerit à ligamento quo erat obstrictus & à Christi corpore separatus, & bene post pœnitentiam vixerit, sicut ante pœnitentiam viuere debuit, post reconciliationem quandocumque defunctus fuerit, ad Deum vadit, ad requiem vadit, regno Dei non priuabitur, à populo Diaboli separabitur. Si quis autem positus in vltima necessitate ægritudinis suæ voluerit accipere pœnitentiam & accipit, mox reconciliatur & hinc vadit: fateor vobis non illi negamus quod petit, sed non præsumimus, quia bene hinc exit. Non præsumo, non vos fallo, non præsumo. Fidelis bene viuens securus hinc exit: baptizatus ad horam, securus hinc exit. Agens pœnitentiam & reconciliatus cum sanus est, & postea bene viuens, securus hinc exit. Agens pœnitentiam ad vltimum & reconciliatus, si securus hinc exit, ego non sum securus. Vnde securus sum, securus sum, & do securitatem: unde non sum securus, pœnitentiam dare possum, securitatem dare non possum. . . . Vis te de dubio liberare, vis quod incertum est euadere? Age pœnitentiam dum sanus es. . . . Tene certum, dimitte incertum.

Verum igitur illud quidem est, inde à quarto seculo moris Ecclesiæ fuisse, vt peccatoribus graui morbo oppressis, qui pœnitentiæ fructibus diuinæ iustitiæ satisfacere non possent, aditus tamen ad reconciliationem & ad diuinorum mysteriorum vsum non præcluderetur. Sed vt rectè dijudicari queat, quidnam ex hoc more, imo ex hoc communis ac perpetui moris (quo peccatoribus ante pœnitentiæ functionem communionem attingere nefas erat) laxamento non absurdè colligi debeat;

illud insuper animaduertendum quod iidem docent Patres, Ecclesiam ea mente id egisse, ut quantum illis apud Deum reconciliatio eiusmodi opis afferret, magnoperè dubitandum arbitraretur, nec quenquam qui *fallere* nollet, posse ijs veniæ ista via assequendæ *securitatem dare*; quam illi demum à Dei benignitate non immerito sibi pollicerentur, qui reconciliationem supplices peterent, postquam ea dignos se vera feriæque pœnitentia præstitissent.

Quis iam vsque adeo sibi ipse inimicus & salutis immemor sit, qui ubi sempiterna felicitas vel miseria agitur, non *certum teneat, dimittat incertum*? Qui non in hoc seculo delictis expiandis laboris aliquid tribuere malit, quam in æternorum cruciatuum periculum venire? qui denique satius non putet à Christi corpore separatum ad tempus, hac veluti damnationis imagine percelli, quam nimio illius studio elatum, neque repulsæ salutaris patientem in discrimen adduci, ne ab vniuersa Christi societate supremi Iudicis sententia in perpetuum præcidatur.

Atque ut intelligatur ea re potissimum morientium pœnitentiæ diffidisse SS. Patres, quod veris ac solidis fructibus deficeretur, audiendus in alio Sermone idem Augustinus. Ego vos, inquit, *dilectissimi fratres, hortor atque commoneo, ut si quis ex vobis conscius criminum suorum, indignum se Communionem Ecclesiasticam putat, dignum se esse faciat. Dicitis, quomodo aliquis dignum se facere possit? Quomodo?*

*Aug. serm.
57. de Tem-
pore.*

NISI ERRORES PRISTINOS RELINQVAT, ET POENITENTIAM PETAT; VT QVI CRIMINVM SVORVM SORDE POLLVTVS EST, EXOMOLOGESIS SATISFACTIONE MVNDETVR? *Nec illud seruet, vt in extremo vitæ suæ tempore tunc pœnitentiam petat, quando iam agere non possit. Inutilis est enim, dilectissimi, ista persuasio: PARVM EST PECCATOREM POENITERE, NISI POENITENTIAM PEREGERIT. AD EMENDANDA ENIM CRIMINA VOX PECCATORIS SOLA NON SVFFICIT; NAM IN SATISFACTIONE INGENTIVM PECCATORVM (hoc est, mortalium) NON VERBA TANTVM, SED OPERA QVÆRVNTVR. Datur quidem etiam in extremis pœnitentia, quia non potest denegari. Sed auctores tamen esse non possumus, quod qui sic petierit, mereatur absolui. Quomodo enim agit pœnitentiam lapsus? Quomodo agit pœnitentiam in extremis vitæ finibus constitutus? QVOMODO POENITENTIAM AGERE POSSIT, QVI NVLLA IAM PRO SE OPERA SATISFACTIONIS OPERARI POTEST? Et ideo pœnitentia quæ ab infirmo petitur, infirma est: Pœnitentia quæ à moriente tantum petitur, timeo ne ipsa moriatur. Et ideo, dilectissimi, quicumque inuenire vult misericordiam Dei, sanus agat pœnitentiam in hoc seculo, si sanus esse vult in futuro.*

Hoc idem etiam vehementius scripsit Faustus Episcopus Regiensis, cum de istis ad mortem vsque protractis conuersionibus sententiam rogatus, spectansque quid vulgo accidat, non quid

Faustus E-
pisc. Reg. ep.
ad Bened.
Paulinum.

præter consuetudinem, diuinæ misericordiæ abundantia efficere, si libeat, possit, respondit in hæc verba. *Inimica persuasione mentitur, qui maculas longa ætate contractas subitis etiam inutilibus abolendas gemitibus arbitratur: quo tempore confessio esse potest, satisfactio esse non potest. Nam quia Deus non irridetur, ipse se decipit, qui mortem multis temporibus vixit, Et ad quærendam vitam iam semiuivus adsurgit, ut tunc officiosus appareat, quando Dominicæ servituti omnia corporis & animæ subtrahuntur officia. Circa exequendam interioris hominis sanitatem, non solum accipiendi voluntas, sed agendi expectatur utilitas. Ita enim legimus: Si, inquit, peccator pœnitentiam egerit pro peccatis suis (egerit, memoravit, non solum dixit, acceperit) in sua, inquit iustitia quam operatus est, vivit. Aduertis quod huiusmodi medicina sicut ore poscenda, ita opere consummanda est. Insultare Deo videtur, qui illo tempore ad medicum noluit venire quo potuit; Et illo tunc incipit velle quo non potest. Opus itaque est, ut quam in peccando fuit abrupta & vegeta ad malum mentis intentio; tanta sit in vulnerum curatione deuotio.*

Quanto maiorem hæc verba & quæ superius ex Augustino descripsimus in improuidos & negligentes illos vim habeant, qui posteaquam grauissimis criminibus Deum offenderunt, adduci non possunt, ut ei pœnitentiæ actione satisfacere studeant, fixum scilicet animo tenentes, se apud Deum satis superque liberandos atque absolucendos, si modo immania scelera Sacerdoti enarrauerint? Si Patres parum certam moribundi hominis, qui

qui se ad meliorem frugem redire velle contestatur, salutem habuerunt, quod pœnitentiam verè agere vix valeat, *qui nulla iam pro se opera satisfactionis operari potest*: quid de ijs censerent, qui post violatam multis criminibus baptismi sanctitatem, se cum Deo reconciliatum iri confidunt, quantumvis pœnitentiam agere nolint, cum possint, nec aliam ob causam eam detrectant, quam quia animo sunt à pœnitentia alieno & abhorrenti. Si decumbentis imbecillitas atque impotentia non efficiat, quin SS. Patribus pœnitentia illius eo nomine suspecta salusque parum tuta videatur, quod offenso Deo facere satis non possit, qui sponte in istud ipsum vitium irruunt, quos nulla satisfactionis cura tangit, nullum criminum pœnitentiæ laboribus & ærumnis expiandorum, voluptatibus abdicandis elugendorum, bonisque operibus redimendorum studium tenet, ij socordiæ, & negligentia tanto periculo conjunctæ Patres autores dabunt, seque disciplina illorum aduersus morientes exemplo ac præsidio tuebuntur?

Quomodo
pœnitentiã
agere possit,
qui nulla
iam pro se
opera satis-
factionis o-
perari po-
test. *August.*
serm. 57. de
Temp.

Etenim moribundus quidem singulari diuinæ misericordiæ beneficio eam gratiæ abundantiam accipere possit, tanto pœnitendi ardore cœlitus inflammari, vt voluntatis illius vis Deo iudice expleat, quod per corporis imbecillitatem minus exequi valeat. Atque hoc illud est quod Cæsarius docet: *Prodesse pœnitentiam quam quis nimia infirmitate desperatus petit, si cum grandi elemosyna illam unusquisque accipiat, & omnibus inimicis indulgentiam*

Cæsarius hom.
13.

tribuat; & quibuscum fecit injuriam veniam petat: & ita toto corde deliberet, & si euaserit quandiu vixerit, totis viribus illam cum rugitu & gemitu & cum multis elemosynis humiliter ac fideliter agat.

Quare securus es? quia egisti pœnitentiam eo tēpore quo & peccare potuisti. Si autem tunc vis agere pœnitentiā ipsam quando iam peccare non potes, peccata te dimiserūt, non tu illa. Aug. hom. 41.

Sed cum incerta nihilominus Patribus visa sit eorum salus, qui instante demum obitu se ad placandum Deum conuerterent, propterea quod plenus solidusque voluntatis motus rebus duntaxat & factis comprobetur; atque adeo ut de intima cordis mutatione liquidò constet, necesse sit, teste Augustino, peccata ipse dimittat, non ipsum peccata, hoc est, eo tempore ea dimittat, quo & peccare possit: quid causæ obtendat, aut quā se ratione tueatur eius ignauia & pœnitentiæ odium, qui sanus valensque animi sui labes pœnitentiæ lamentis & exercitationibus quoad potest abstergere non laborat? Nam quī fidem faciat se pœnitendi voluntatem animo conceptam gerere, cum verba factis refellat, fierique omnino nequeat, ut pœnitendi sensus in animo verè infixus ad exteriorē pœnitentiæ actionem quantum facultas suppetit pœnitentem non impellat, quemadmodum fieri non potest, ut viuā arboris radix suo tempore fructus & folia non pariat.

V. Concil.
Carth. 4. can.
76. & 78.
Epaunens.
can. 36.
Araus. 1.
can. 3.
Nicen. cā 13.
Greg. Nyss. in
ep. ad l. error.
Synes. ep. 67.
ad Theophyl.

Denique quo magis pateat, quam parui Ecclesia duxerit absolutiones Communionesque, quas pœnitentiæ fructus antegressi non fuissent, qui morbo oppressi eas consecuti erant, si forte conualescerent, quicquid factum illis fuerat, pro infecto habebatur. Non enim eos in reconciliatorum

numero reponebat Ecclesia, reconciliationem quam vi quodammodo eis & præter sanctissimas Patrum leges indulisset, pro nihilo putans. Spectabat nihilominus, ut reos quibus diuinæ iræ pœnitentiæ operibus placandæ onus incumberet. Nihil inter illos aliosque qui peccatorum remissionem non accepissent discriminis statuebat: Pariter fle-
tibus & lachrymis flagitiorum maculas iubebat expungere; longiore tempore à Christi corpore, ut eius perceptione indignos abscedere, nec se verè absolutos opinari (quamuis accepta in extremo periculo absolutione) quoad palam in oculis Ecclesiæ simul cum alijs penitentibus eam per impositionem manuum Episcopi consecuti essent.

Pœnitentes qui in infirmitate viaticum Eucharistiæ acceperint, non se credant absolutos si ne manus impositione si supervixerint. *Conc. Carthag. 4. can. 78.*

Aperta sunt in eam rem Conciliorum decreta. Sed notandi potissimum Arausici I. & Carthaginensis IV. Canones. *Qui*, inquiunt Arausici Patres, *recedunt de corpore pœnitentia accepta, placuit si-
ne reconciliatoria manus impositione* (per quam solenni ritu Episcopus pœnitentia functos à peccatis absoluebat) eos *communicare, quod morientis sufficit consolationi secundum definitiones Patrum, qui huiusmodi communionem congruenter viaticum nominaverunt. Quod si supervixerint, STENT IN ORDINE POENITENTIVM, VT OSTENSIS NECESSARIIS POENITENTIÆ FRVCTIBVS LEGITIMAM COMMVNIIONEM cum reconciliatoria manus impositione recipiant.* Ex quo petaspicue intelligitur, Communionem quæ, non ante ostensis necessarijs pœnitentiæ fructibus, peccatoribus tribuitur, non

Araus. 1. can. 3.

tam legitimam Communionem à Patribus habitam, hoc est Ecclesiæ legibus, & veræ illius voluntati consentaneam, quam velut vi quadam extortam, indulgentia, necessitate, coactioneque expressam, quam minimè largitura esset, si integra penitus & soluta libertate vteretur.

*Cone. Carth.
4. can. 76.*

Synodus Carthaginensis IV. cum ei qui in infirmitate pœnitentiam petit, absolutionem & Eucharistiam dari statuisset, addit: *Si supervixerit, admoneatur à supradictis testibus petitioni suæ satisfactum, & subdatur statutis pœnitentiæ legibus, quandiu Sacerdos qui pœnitentiam dederit probaverit.* Quæ verba declarant, quid causæ fuerit, cur morbo, quamvis graui afflictus, & suscipiendis pœnitentiæ laboribus impar, pœnitentiam nihilominus peteret, eaque illi indiceretur, ut nimirum disceret, animoque expenderet, quid pœnæ ob crimina esset commeritus, quantaque satisfactionis præsidio illa dissoluendi expungendique necessitate teneretur, si eam à diuina benignitate gratiam veniamque acciperet, ut prorogata vita necessaria ad pœnitentiæ functionem spatia, adjumenta, vires nancisceretur.

Longissimè enim SS. Patres ab eorum opinione aberant, qui nullum maius à Deo beneficium tribui homini posse arbitrantur, quam ut ab inopina morte illum vindicet, & ad extremum usque spiritum rationis & iudicii liberam ei facultatem permittat: rati scilicet quotquot ante obitum, cum aliqua de peccatis doloris significatione & volun-

tatis Deum deinceps sanctius colendi, absolutio-
 nem accipiunt, quantumuis flagitiosè vixerint, si-
 ne vlla dubitatione salutem consequi. Vnde nata
 vulgaris vox, Nunquam facilius quam è patibulo
 vel carnificina in cœlum conscendi. A qua senten-
 tia Sanctissimi illi viri adeo abhorrebant, vt S. Au-
 gustinus à Macedonio, qui tum Africæ cum impe-
 rio præerat, rogatus, cur Episcopi quibus probari
 deberent maleficiorum pœnæ, tam studiosè pro
 reis damnatisque deprecarentur, hanc præcipuam
 affert causam: quod charitate compellerentur de
 miserorum illorum salute laborare, & vitam ijs
 quoad possent producere, vt morum emendando-
 rum, offensique criminibus Dei pœnitentiæ ope-
 ribus placandi spatium ne deesset. *Nulla modo, in-* *Aug. ep. 54.*
quit vir sapientissimus, culpas quas corrigi volumus
approbamus, nec quod perperam committitur, ideo volu-
mus impunitum esse, quia placet; sed hominem miseran-
tes, facinus autem seu flagitium detestantes, quanto ma-
gis nobis ipsis displicet vitium, tanto minus volumus in-
emendatum perire vitiosum. Morum porrò corrigendo-
rum nullus alius quam in hac vita locus est; nam post
hanc vitam quisque id habebit, quod in hac sibi met con-
quisierit. Ideo compellimur humani generis charitate in-
teruenire pro reis, ne istam vitam sic finiant per suppli-
cium, vt non possint finire supplicium.

Quod si tantuli negotij est ac temporis, homi-
 nem qui magnam ætatis partem in vitijs flagitijs-
 que contriuerit, cum Deo in gratiam restituere;
 vixque vlla certior in cœlum via, quam carnificis

manu scelerum pœnas luere; corruit funditus quicquid ad Ecclesiæ pro nocentium vita deprecantis defensionem ab Augustino affertur. Prompta enim erat & expedita Africæ præfecto responsio: Laudandam quidem Episcoporum sollicitudinem & charitatem, sed non continuò iudiciorum seueritatem infringendam, prohibendosve principes, qui à Deo gladium acceperint, ministrique illius & vindices in maleficos constituti sint, munere suo perfungi; quandoquidem trium, quatuorve horarum spatio ad mortem Christianè sanctèque obeundam ita comparari nocentissimi quique facile possent, ut à supplicij ignominia ad æternam gloriam prouherentur. Quid enim ad hanc orationem reponi posset, si nobiscum Patres sensissent?

Sed ut planius etiam fiat, quantum à nostris sensibus discreparent, quamque rarum & arduum existimarent post longam ætatem prauè & nequiter actam cum Deo reconciliari, nisi *iusto tempore*, ut toties ait Cyprianus, acriter & accuratè pœnitentia agatur; non alienum arbitror hîc referre, quod in Vitis Patrum prodit Rufinus accomodatissimè ad hunc locum. *Erat in deserto Thebaïdos nobilissimus Anachoretarum Pater, nomine Mutius. Hic cum fratrem quendam visitasset decumbentem, ubi vidit eum quietem mortis difficulter accipere, & grauitè conscientie suæ metu redargui, ait ad eum: Cur imparatus es, fili, ad profectiōem? accusatrix ut video ignauie tuæ tecum surgit conscientia. Tunc ille exorabat eum dicens: Obsecro te, Pater, intercede pro me apud Deum,*

Ruffin. de
Vitis Patrum
lib. 2. c. 9.

ut mihi parui temporis spatium largiatur , quo possim emendare vitam meam. At ille dixit ad eum : Nunc spatium pœnitentia requiris , ubi vitæ tempus implesti. Quid faciebas in omni hoc vitæ tuæ tempore ? Non potuisti vulnera tua curare : quin imo & recentiora semper addebas. At ille cum permaneret exorans , ait ad eum senex : Si ultra non addas malis tuis mala , orabimus pro te Deum. Bonus est enim & patiens & indulget tibi parum aliquid temporis vitæ , ut omnia debita tua persoluas. Et cum post hæc orasset Deum , surgens de oratione , ait ad eum : Ecce tres annos Dominus tibi concessit in hac vita ; tantum , ut ex animo ad pœnitentiam conuertaris. Et apprehensa manu eius eleuauit eum de lecto. At ille surgens sine aliqua dilatione secutus est eum in desertum. Et ubi completi sunt tres anni , postea reuocabat eum ad locum , vnd eum assumpserat , iam non quasi hominem , sed quasi Angelum ex homine Deo consignans , ita ut omnes mirarentur de conuersatione eius. Cumque conuenissent ad eum fratres plurimi , statuit eum in medio , atque ex ipso materiam sumens , per totam noctem doctrinam de fructibus pœnitentiæ & conuersionis eius produxit ad fratres. Ipso vero sermonem faciente , quasi dormire frater ille cœpit paululum , & continuo in perpetuum quieuit.

Non hîc homo loquitur , sed Deus ; & miraculis quidem , quorum acerrima vox est , duo hæc ab vniuersis Patribus tradita confirmat. Primùm rem esse plenam periculi ad extremum vitæ diem conuersionem differre : seroque illum sapere , qui de faciendo diuinæ iustitiæ satis , tum demum cogitare

*Cyprian. de
lapsis.*

aggreditur, cum ad reddendam rationem euocatur. Alterum, (si inusitados quosdam euentus quibus eximia infinitæ bonitatis exempla interdum edenda Deo videntur, excipias) vix satis esse temporis momenta horasve pauculas multorum annorum debitis exoluendis : diuturnarum lachrymarum vi diuturna flagitia elugenda, & altis inueteratisque vulneribus diligentem longamque faciendam medicinam.

*Conc. Araus.
1. can. 3.*

Ex quibus omnibus iam intelligitur, quod ex morientium reconciliatione petebatur argumentum ad infringendam Patrum doctrinam de lethalibus criminibus ante Communionem pœnitentia piandis, eo ipso eam vehementius comprobari. Tum quia cum ea esset non lex, sed perpetuæ legis exceptio, legem ita non tollebat, vt firmiorem etiam efficeret: Tum quod hanc hominum reconciliandorum rationem, qua contra ptopriam voluntatem & præcipuam Ecclesiæ mentem vti cogebantur, parum tutam ducerent: Tum denique quod qui eo pacto Communione accepta conualluissent, eos istiusmodi reconciliatione, vt ita dicam, repudiata, ad pœnitentium ordinem referre se iuberent, *legitimam Communionem non ante recepturos, quam ostensis necessarijs pœnitentiæ fructibus mentis ad meliora conuersionem testatam fecissent.*

CAPVT XVI.

RVRSVS OCCVRRITVROBIICIENTIBVS:

Homines more Patrum diuturniori pœnitentiæ operam dantes, si absolutionis expertes moriantur, in salutis discrimen venturos.



ANTEQVAM longiorem hanc de pœnitentia ad Patrum normam exigenda disputationem claudamus, alteri Objectioni magis etiam populari, quæ secularium hominum de Dei gloria parum laborantium, ac suis commodis omnia metientium animos facile subit, occurrendum est. Si mea, inquiunt, pœnitentiæ agendæ causâ, absolutio differtur, atque interim me, vt sunt humana, mors opprimat, æternæ mihi damnationis periculum struitur.

Quam Objectionem aspernari facile liceret, atque vno verbo depellere breuiter respondentem, eam ab omnibus Patribus de animarum salute nihilominus quam nos sollicitis, pro nihilo habitam. Cum enim æquè vereri possent, ne pœnitentes ante perceptam absolutionem morerentur, tamen ea re deterriti non sunt, ne *omnibus post baptismum peccantibus*, vt Cardinalis Bellarminus agnoscit, *gravissimos labores imponerent antequam reconciliarentur*. Nec vero eadem ista formido Beatissimum Carolum Cardinalem morata est, quominus absolutionem à Sacerdote sapissimè differri iuberet, quemadmo-

*Bellarmin. de
Baptism. c. 7.*

dum alibi demonstrabitur. Postremò constat inter saniores Moralis Theologiæ, & conscientiæ, ut vocant, casuum Interpretes, fas esse Sacerdoti quotiescumque expedire videatur, præscriptæ pœnitentiæ antequam hominem absoluat, actionem exigere. Quo ipso satis indicant quam parui fecerint inane istud terriculamentum, cuius obtentu facile se peccator quisque iudicis sui iudicem constituat, eumque reconciliationis sententiam ne temporis quidem puncto differendam adigere possit.

Verum ut ultra etiam progrediamur, quamque ratio illa quæ prima specie maxime plausibilis videtur, re ipsa sit absurda, planissimum fiat, consideremus primo, quinam sint quos tangat hic metus: tum qui sint quos per causam illius formidinis à suo munere atque officio fungendo abducere conentur: denique verusne ac iustus sit istorum metus, quidque de illis qui eo statu in quo mori usque adeo fugiunt, hoc est, in medio pœnitentiæ cursu nondum per Sacerdotem absoluti moriuntur, ex Patrum doctrina sentiendum sit.

Si igitur expendas primum qui sint qui se ad peccata priusquam absoluantur tantisper lugenda compelli nolunt, ac disciplinæ huius æquitati inanem mortis ante absolutionem impendentis metum opponunt: inuenies homines magnam partem flagitiosæ vitæ fardibus immersos, quorum animum ter quaterve quotannis, tenuis cœli & inferorum memoria subit, cum videlicet solenniori

die festo occurrente, peccata quæ intra octauum diem, vel etiam citius redintegrabunt confiteri, ciuilibus officiis causa coguntur. Istorumne tandem, dum Dei misericordiam precibus & lachrymis ante impetrare iubentur, quam se gratiæ illius reconciliatione dignos deputent, idonea, si superis placeat, excusatio habebitur, dilationem illam iccirco subeundam sibi non videri, quod in ipso pœnitentiæ stadio iniquiorem atque infelicem mortem extimescant.

Obsecro te, quisquis hoc sentis, quæ, malum, est ista peruersitas? Decem, aut viginti plus minus ab hinc annis vitam prorsus Ethnicam viuus, Evangelici serui nequitiam referens qui de domini reditu nihil cogitat. In medio flagitiorum atque impuritatum cœno securo mente volutaris. Tuas in improbis voluptatibus perfruendis libidines nullus Dei metus exagitat: Tu illius germanus simillimusque es; *in cuius conspectu*, ut ait Scriptura, *non est Deus, cuius viæ inquinatæ sunt in omni tempore*; Nunc cum conueniris atque compelleris ut de susceptis criminibus cogites, ut ijs lugendis, Dei-que misericordiæ pijs operibus eliciendæ spatium sumas, ferre scilicet posse te negabis, quod metuas ne non absolutus moriari? Quis non videat vanum istud esse terramentum, ac ludibrium Diaboli arte confectum, ut miseris vnâ quæ superest ad Deum seriò sese referendi, atque à laqueis quibus eos irretitos tenet, non specie atque opinione hominum, sed verè ac Deo iudice sese extricandi

viam præcludat? Mortis ac Dei iudiciorum metu à peccatis concipiendis abduci, atque ad ea, si forte iam concepimus, pœnitentiæ ope tollenda adduci nos par est. Hic contra dolosus hostis timorem eripit vt impellat in crimen, eumque obijcit ne crimina dignis pœnitentiæ fructibus eluantur, atque vt præcoci absolutione fallacia vulneribus remedia comparentur. Quod idem plerumque pudori accidit: eum enim pessimus Dæmon auertit, vt pudenda committamus, rursusque opponit ne commissa fateamur, & pœnitendo purgemus.

Cæterum excusationis istius leuitatem illa ipsa ratio vel planissimam facit, qua te metu expedire salutemque in tuto collocare instituis. Nisi enim tibi ipsi tenebras offundere iuuat, nonne diuturna experientia fateri cogeris, præproperam illam quam tantopere flagitas absolutionem id vnum tibi præstituram, vt pauculis omnino diebus in eo quem per eam assecuturus tibi videris gratiæ statu permanes, teque mox in pristina scelera ad plures menses atque ad alteram vsque confessionem æstu quodam prauæ cupiditatis reuoluendum. Quare vt tibi in Dei gratiam reditus tam exploratus esset, quam dubium suspectumque esse par est, tamen nihil aliud consequerere, nisi vt ad beate moriendum quinos aut senos dies paratior existeres, ad pereundum vero in perpetuum solidos menses. At per salutarem quam tantopere fugis dilationem nihil aliud agitur, nisi vt ab exitiabili peccatorum seruitute semel expeditus, in Dei filio-

rum libertatem vindicare, cuius, autore Augustino, primus gradus est, *carere criminibus*. Cum enim *cæperit ea non habere homo* (debet autem non habere *omnis Christianus homo*) incipit caput erigere ad libertatem.

Aug. Tract.
41. in Iohann.

Nonne igitur absurde ac stultè sanitatem puncto temporis auolaturam firmæ ac stabili anteponas, quod illam momento parari posse putes, hanc tardius ac laboriosius quærendam esse intelligas? Quod si quid tibi vel odij peccatorum, vel animi in tanta calamitate demissioris, vel in Deo spei ac fiduciæ inesset, sine quibus ex animo pœnitens esse nemo potest, longissimè utique ab huiusmodi cogitationibus abhorreret. Flagitia enim ut par est execrans animus adeo pœnis ac supplicijs quibusvis digna perspiceret, ut ad iram Dei quam meruerit declinandam, nullam non tibi ærumnam ac vexationem ultro subeundam putares. Nec vero offensionem illius sedaturus, sed magis etiam accensurus tibi videreris, si quonam pacto iustitiæ illius per pœnitentiæ laborem faceres satis, nihil sollicitus, ea tibi continuò condonari postulares, ac facile Beati Petri delictum silentio lugentis, nec ad petendam quidem veniam verbum facere audentis, sensum cogitationemque susciperes. Inueni, inquit Ambrosius, *cur tacuit Petrus. Ne tam cito veniæ petitio plus offenderet. Lachrymæ enim veniam non postulant, sed merentur*. Hæc pia animi affectio hominem vere pœnitentem decet, peccatorum suorum pondus diuinitus sentientem, non illa proter-

Ambros. lib.
10. Committ.
in Luc.

ui animi confidentia, quæ de Deo gemitibus, precibus, ac bonis operibus placando secura, reconciliationem gratiæ illius continuò sibi deberi contendit.

*Prosper in
Sentent. ex
lib. 3. de lib.
Arb. c. 10.*

Cæterum nonne vel dejectione illa humilitateque animi, quam tibi peccati sponte suscepti calamitas ipsa indicit, prohiberi te oporteat, ne pœnitentiæ summisione contumaciter repudiata, Dei misericordia te indignum præstes? *Quid enim, inquit Augustinus, tam dignum misericordia quam miser? Et quid tam indignum misericordiâ, quam superbus miser?* Quippe eodem Augustino iudice, ea est hominis post graua crimina pœnitentiæ onera defugientis contumacia, ut ei vni, si cætera absint peccata, æterna pœna debeatur. *Et resistit mihi, inquit, filius pestilentiae, & erubescit genu figere sub benedictione Dei, &c. Quæ ista superbia est? Nonne sola sufficeret gehennæ, etiamsi adulterium nullum esset?*

*Aug. hom.
49.*

Postremò nonne Dei fiducia abjecto metu spem tibi magnam facere debet, cogitanti non temerario fortunæ casu, sed suprema ipsius voluntate, atque æternæ prouidentiae legibus vitam tuam omnem, mortemque gubernari. Si enim illius benignitas viuere te fuit, cum ad eum violandum concessæ vitæ beneficio abuterere: quanto æquius confidas, ubi ipsius gratiæ impulsu secutus totum te illi dedere ac vitam reliquam deflendis superioribus peccatis addicere statueris, non tibi lucis usuram ab eo mox subtractum iri? Quod si eius patientia, autore Apostolo, in medijs te crimini-

bus, vt ad pœnitentiam adduceret, pertulit: quæ ratio est, tum cum illam ad quam te vocabat pœnitentiam aggressus fueris, ne te deferat extimescere? Quî tandem conuenit, vt cum te per impœnitentiam thesaurum iræ coaceruantem tam amanter indulgenterque acceperit, tum demum iram in te profundere incipiat, cum te gratiæ ipsius vis ad thesaurum misericordiæ serio labore colligendum cœperit accendere?

Iam vt ad secundum caput accedamus, quamque istius quem prædicant timoris rationem Sacerdotem habere oporteat, consideremus: concedo sane vt metuas ne non absolutus moriari. An propterea censes mihi ab officio discedendum; vt videlicet improuida facilitate sacrilegiorum tuorum particeps factus, in idem me tecum damnationis discrimen iniicias? Tu, ne absolutionis expers moriari, times: ego vero ne præpropera quam flagitas absolutio in deteriorem etiam statum te adducat. Timeo, inquam, ne me absolvente interris, à Deo in cœlo condemneris. Timeo ne fallacem tibi pacem ingeram, quæ te vitiorum somno altius mergat. Timeo ne tuis meipsum criminibus irretiam, dum ea degeneri clementia foueo, nec te ad ea, vt Concilium iubet, ærumnis ac laboribus eorum grauitati paribus eluenda compello. Timeo ne dum te ad Dei mensam inconsultè adhibeo, anima tua impura etiam & inquinata venenum illic, non cibum hauriat; mihi que aliquando iure à Christo exprobetur, toties diuinissimorum My-

steriorum violatam à me sanctitatem, quoties eam alijs flagitiosâ ignaviâ violandam concessero. Vtrius tandem timoris tui an nostri potior ratio habenda est?

Cyprianus, peccatores quidem qui se statim reconciliari postulent; excusationis nonnihil habere videri. *Quis enim non mortuus uiuificari properet? Quis non ad salutem suam venire festinet? Sed prapositorum est præceptum tenere, et vel properantes, vel ignorantes instruere, ne qui ouium pastores esse debent, lanij fiant. Ea enim concedere quæ in perniciem vertant, decipere est: nec erigitur sic lapsus, sed per Dei offensam magis impellitur ad ruinam.*

Non igitur Dei duntaxat gloriæ asserendæ causa, Mysteriorum illius violationem capitis nostri periculo, ut docet Chrysostomus, Christique Sanguinis dedecorationem ipsa sanguinis nostri profusione depellere debemus: sed etiam ipsa animarum utilitatis ratio, quibus perfecta sanitas aliter restitui non potest, salutari illa dilatione uti compellit. Quocirca nec præceptis eorum studium, nec vanam sollicitudinem pensi habere oportet: Animarum perinde ac corporum medicos non prauis ægrotantium cupiditatibus, sed diuinissimis cœlestis medicinæ præceptis eorum curationem accommodare & dirigere par est: quos si perniciofa indulgentia corruerint, exitij illorum apud æternum Iudicem culpam sustinebunt.

Cyprian. de lapsis.

Qui peccantem, inquit idem Cyprianus, blandimentis adulantibus palpat, peccandi fomitem subministrat;

frat; nec comprimit delicta illa, sed nutrit. At qui consilijs fortioribus redarguit simul, atque instruit fratrem, promouet ad salutem. Imperitus est medicus qui tumentes vulnerum sinus manu parcente contrectat, & in altis recessibus viscerum mortale virus inclusum dum seruat, exaggerat. Aperiendum vulnus est & secandum, Et putredinibus amputatis medela fortiore curandum. Vociferetur & clamet licet, & conqueratur aeger impatiens per dolorem, gratias aget postmodum cum senserit sanitatem.

Ergo vbi criminibus coopertus quispiam absolutionem odiosius flagitat, non vsque adeo dimittendorum peccatorum concessam nobis à Christo potestatem meminisse debemus, vt nobis olim de eiusdem potestatis vsu reddendam Christo rationem obliuiscamur. Peccatorum quidem iudices sumus, sed superiori iudici militamus. Atque vt salutis animarum cupidissimi simus, eis tamen fructuosam operam dare non possumus, nisi Dei voluntate atque institutis eam metiamur ac temperemus.

Si enim condonandorum peccatorum potestatem ita nobis creditam existimabimus, vt pœnitentibus nihil ad capiendum ex ea fructum de suo afferendum putemus, in graui errore versabimur. Quare in vtenda illa potestate serui fidelis prudentiam, vt debemus, minimè præstabimus, si eadem indiscriminatim aduersus quoslibet, omni affectionis animorum explorandæ cura ac sollicitudine abjecta, vti volemus. Vix autem explorati

quicquam, post graua præsertim crimina ac sæpius repetita, de ijs haberi possit, nisi firmitus aliquid quam verba & voces afferant, ac veris pœnitentiæ operibus cor verè contritum demonstrent.

*Gregor. lib. 6.
cap. 15. lib. 1.
Reg.*

Tunc namque verè conuersum peccatorem cernimus, cum digna afflictionis austeritate delere nititur, quod loquendo confitetur.

Idem ibid.

Rogat Samuëlem Saül vt peccatum suum veniæ à Deo obtinendæ causa in se suscipiat. Abnuitt Samuël, *Et illâ Propheta constantiâ, inquit celeberrimus Pontifex, quidam nimis clementes huius temporis Sacerdotes arguuntur, qui conuersatione infirmi sunt, temeritate fortes: sese vix sustinent, & portanda suscipere aliorum onera audent: lenia sua non ferunt, & importabilibus se subiiciunt. Ecce fortis Propheta refugit suscipere onus regalis peccati, vt Sacerdos Ecclesiæ timeat, & peccatorum importabilium pondera subire pertimescat.*

Ibidem.

Quonam igitur pacto tuorum me peccatorum farcinam subire iubes, cum eorum ipse pœnitentiam defugas; illorumque par sis, qui vt ibidem ait idem S. Pontifex: *Ad peccatum fortes sunt, ad flenda peccata debiles volunt quidem peccati delectationibus resolui; sed pœnitentiæ nolunt acerbitate purgari. Qui etiam sponte ad confitendum veniunt, sed pro quibus se accusant, non ipsi lugent, sed pœnitere alios obsecrant: fide sola saluari æstimant, per pœnitentiam reuertere abjecti non curant.*

Denique vt timoris istius fundamentum quale sit, quod tertio loco tractandum suscepimus, ex-

cutiatur: fateor graue quidem & acerbum esse pœnitentem non reconciliatum emori, velut cum Catechumenus ante Baptismum morte opprimitur. Pastorem Euangelicum eiusmodi casus auertendi causa nihil non facere ac moliri oportet. Atque huius præter alia officij ratione adductus Augustinus censet Episcopo ingruente barbarorum manu quorum impetus fuga declinari posset, in statione ac parœcia proposito etiam vitæ discrimine perstandum.

Sed primùm ægrè admodum id eueniat, cum præter assiduam sollicitudinem quam Sacerdos pœnitenti cuius absolutionem distulerit tribuere debet, nemo est Sacerdos cui eum imminente morte, etsi repentè oppressus Confessionem iterare non possit, absolvere non liceat.

Deinde, vt quod perrarò accidere videtur posse, interdum accadat, illius tamen saluti confidere par esset, qui vehementi peccatorum dolore permotus, ac pristinae vitæ prauitatibus per pœnitentiae fructus eluendis pro viribus incumbens, ante absolutionem ad quam votis omnibus anhelabat, repentina morte extinctus est, cum præsertim consilij SS. Patrum obtemperans, non nudis illam & inanibus verbis sed gemitibus, lachrymis, orationibus, eleemosynis, atque omni piorum operum molimine peteret & consecraretur.

Et quidem hæc de illis fuit semper Ecclesiæ sententia, quæ in pœnitentia stadio morte occupatos perinde vt in Christi pace defunctos haberi,

eorum nomine oblata accipi, ac per diuinissimum sacrificium quietem illorum à Deo postulari iussit.

*Conc. Carth.
4. can. 79.*

Pœnitentes, inquit Concilium Carthaginense, qui attentè leges pœnitentiæ exequentur, si in casu, in itinere, vel in mari mortui fuerint, ubi eis subueniri non possit; memoria eorum & orationibus & oblationibus commendetur.

*Concil. Arelat.
2. can. 13.*

Idem à II. Concilio Arelatensi decernitur his verbis : *De his qui in pœnitentia positi vitam excesserunt, placuit nullum Communionem vacuum debere dimitti, sed pro eo quod honorauit pœnitentiam, oblatio illius recipiatur.*

Ex quo intelligitur, cum quis in pœnitentiæ decursu nondum reconciliatus, nec Sacramentis reftitutus repente decederet, Ecclesiam ad detrimentum illud refarciendum omni ope allaborare solitam, ac pia quadam solertia quibuscumque modis testatum facere, casus illius acerbitate non se impediri, quominus eum & suorum numero filiorum, & corporis sui societate complecteretur, quamuis eam in hominum oculis viuens non recepisset. Quare propinqui illius vel amici Sacrificio aderant, solennia dona, hoc est panem in primis & vinum ex quibus sanctissima Eucharistia conficeretur, ipsius nomine oblaturi : quæ Ecclesia cum fusciperet, eum Mysteriorum communionem dignum profitebatur, quod, ut ait Concilium, *pœnitentiam honorasset* : cumque ille laboriosas idoneæ satisfactionis exercitationes ex animo subiisset, id quod Sacerdotum visibili ministerio defuerat, in-

uisibilis Iudicis potestate suppletum existimabat, vt absolueretur in cælo qui in terris absolui non potuisset.

Verum alterius Gallicani Concilij ita illustris & expressa est de eadem re sententia, vt nihil sit quod vltra requiras. Quæ enim de subitis illis pœnitentium mortibus statuit, ita illis fausta ac solatij plena sunt, vt meticulosissimo cuique metum demere valeant, & durissimum quemuis coarguere, vanam illam quam præ se ferunt mortis ante reconciliationem obrepturæ formidinem pœnitentiæ declinandæ voluntati ab ijs temerè prætexi. *Pro his qui pœnitentia accepta in bonæ vitæ cursu satisfactoria compunctione viuentes, sine Communione inopinato nonnunquam transitu in agris aut in itineribus præueniuntur, oblationem recipiendam, & eorum funera, ac deinceps memoriam Ecclesiastico affectu persequendam: quia nefas est eorum commemorationes excludi à salutaribus sacris, qui ad eadem sacra fideli affectu contendentes, dum se diutius reos statuunt, & indignos salutiferis mysterijs iudicant, ac dum purgatiores restitui desiderant, absque Sacramentorum viatico intercipiuntur, quibus fortasse nec absolutissimam reconciliationem Sacerdos denegandam putasset.* Hoc est, qui ita forsitan se habebant, vt etiam extra mortis periculum, quamuis præscriptæ pœnitentiæ tempus nondum expleissent, tamen Episcopo eos integrè ac perfectè reconciliare & sacra Eucharistia impartire licuisset, ea potestate quam illi Canones faciunt, pro varia pœnitentium affectione & habitudine, vel

Conc. V. asense sub Leone I. can. 2.

contrahendorum pœnitentiæ temporum vel producendorum.

Ita Ecclesiæ iudicio constat, animi Deo sese subijcientis humilitatem nemini vnquam detrimento esse: plus expedire peccatori piam & verendam à Sacramentorum vsu discessionem, quam præcipitem audacioremque accessum; peccata eo citius à Deo homini condonari, quo diutius se reum ipse attendat, & in peccatorum luctu ac dolore versetur. Denique si nos ita pœnitentiæ incumbentes, vitijs extinguendis, vt vni Christo viuamus, sedulo operam dantes; illius, qui iudex nobis & medicus à Deo constitutus est, præceptis ac monitis diligentissimè obsequentes; debitam criminibus nostris mysteriorum interdictionem demississimè accipientes, ac vehementi nihilominus illorum recuperandorum flagrantibus studio, quoad dignis laboribus promerenda stimulemur, obitus repentinus interceperit: eadem Ecclesia censuit, etsi absolutionem tantoperè expetitam assequi à Sacerdote non detur, Deum certe misericordiæ in nos suæ non defuturum, peccatorumque omnium gratiam eo etiam benignius facturum, quo in ea petenda humiliores nos summissioresque præbuerimus.

Præclare Augustinus de necessitate baptismi differens: *Sicut in illo latrone, inquit, quod ex baptismi Sacramento defuerat compleuit Omnipotentis benignitas, quia non superbia, vel contemptu, sed necessitate defuerat: sic in infantibus qui baptizati moriuntur, eadem*

August. de
Bapt. contra
Donat. lib. 4.
c. 24.

gratia Omnipotentis implere credenda est, quod non ex impia voluntate, sed ex atatis indigentia, nec corde credere ad iustitiam possunt, nec ore confiteri. Quibus rebus 1b. Cap. 25
omnibus ostenditur, aliud esse Sacramentum baptismi, aliud conuersionem cordis; sed salutem hominis ex utroque compleri: nec si vnum horum defuerit, idco putare debemus consequens esse, vt alterum desit: quia & illud sine isto potest esse in infante, & hoc sine illo potuit esse in Latrone: Complente Deo siue in illo, siue in isto quod non ex voluntate defuisset: cum vero ex voluntate alterum horum defuerit, reatu hominem inuolui.

Eadem mente Augustini Doctor Ambrosius Imperatorem Valentinianum vt à Deo electum, & ex huius mundi calamitatibus ad æternam felicitatem perfruendam ereptum commendat: quamuis ille ex Arbogastis insidijs immatura morte premissus expers decessisset baptismi, quem ob eam causam distulerat, vt à sancto viro perciperet, nouæ ac cœlesti vitæ patrem habiturus quem olim Ariano-
rum errore occupatus hostis acerbissimi loco infectatus fuerat. *Audito, inquit, vos Principis casum maxime dolere, quod non acceperit Sacramenta baptismatis. Dicite mihi, quid aliud in nobis est, nisi voluntas, nisi petitio? Atqui etiam dudum hoc votum habuit, &c. Non habet ergo gratiam quam desiderauit? Non habet quam poposcit? Et quia poposcit, accepit. Et ubi illud est: Iustus quacumque morte preuentus fuerit, anima eius in refrigerio erit. An quia sollemniter non sunt celebrata mysteria? Ergo nec Martyres, si Catechumeni fuerint coronentur; non enim coronentur si non initian-*

*Ambros. de
obitu Va-
lentin.*

tur. Quod si suo abluuntur sanguine; & hunc sua pietas, abluit & voluntas Nec nos quidem dubitamus de meritis Valentiniani, sed iam credamus vel testimonijs Angelorum, quod deterſa labe peccati ablutus aſcendit, quem ſua fides lauit, & petitio conſecrauit.

Atqui baptiſmi Sacramentum, quod cœleſtium donorum, gratiæque totius ianua eſt, & Religio- nis Chriſtianæ myſteriorum princeps, quo in Chri- ſti corpus inferimur, ſine quo denique nulla ſalus, non minus Catechumeno, quam Sacerdotis abſo- lutio pœnitenti neceſſarium eſſe nemo non agno- ſcit. Quare cum duobus illis Patribus teſtibus Ec-
Ioan. 3. v. 5. cleſia cenſeat, eſſi Chriſtus diſertè edixerit, *Niſi quis renatus fuerit ex aqua & Spiritu ſancto non poſſe*
Bern. ep. 77. *introire in regnum Dei; Fidelem tamen, vt ait Bernar-*
Conc. V. ſen- *duſ, & conuerſum ad Dominum, non ſi nequiuert, ſed*
ſe. 2. can. 2. *ſi contempſerit baptizari, fructu priuari baptiſmatis:*
 Quis neget meritò de eorum ſalute ſpem bonam à Concilijs prætendi, qui vt egregie antiqui Gallix Antiſtites, Myſteriorum cupiditate flagrant, iſ- ſdem ex conſcientia peccatorum quibus eluendis in reorum numero diutius haberi volunt, indignos ſe iudicant, dumque per pœnitentiæ laborem ac piæ vitæ fructus, fidelium communioni purgatiores reſtitui deſiderant, repentina morte abrepti Sacer- dotum opera reconciliari, atque ad ſupremum exi- tium viatico inſtrui nequeunt Sacramentorum, hoc eſt Abſolutionis & Eucharistiæ, quæ ad inte- gram perfectamque peccatorum reconciliationem ſemper olim coniunxit Eccleſia.

Quare

Quare fidenter pronuntiare licet, ex omnium Patrum sententia, eum qui criminum suorum ac sordium dolore concussus, pœnitentiæ laborem Dei placandi Sanctissimorumque Mysteriorum puriori animo adeundorum causa, constanter subit, longe certius animæ suæ saluti consulere, quam qui salutarem illam moram æquo animo ferre non potest; qui præproperam ac præcipitem medicinam quærit; quique cum verum mutati conuersique animi argumentum nullum ediderit, tamen Sacerdotem peccata sibi dimittere, Christique Corpori ore forte polluto ac manibus inquinatis, vt Cyprianus loquitur, accipiendi potestatem facere oportere contendit. Hoc enim de altero Sanctissimi illi viri diuino Spiritu instructi sine vlla dubitatione pronuntiaſſent: ^a Fieri non posse, quin Deus clementiam & misericordiam aduersus eos adhibeat, qui, vt ait Apostolus, iudicium eius anteuerunt, & voluntaria sententia in seipsos vindictam exercent. ^b Ita facillimè homines assequi posse, ne à cœlesti altari æternum separentur, si ex vero peccatorum suorum dolore ab altari Ecclesiæ aliquantisper seipsi remoueant. ^c Atque vt interdum eueniat, quod rarò euenturum videtur, vt quis in media pœnitentia antequam reconciliari possit vita discedat, maximam spem fore diuinæ misericordiæ opem ei non defuturam, visibilemque ministrorum absolutionem, quam non voluntas sed necessitas excluderit, inuisibili summi Sacerdotis absolutione supplendam.

^a Aug. hom.
50. Elig. hom.
8. &c.

^b Aug. hom.
50. Ser. 252.
&c. passim.
Cæsar. hom.
7. &c. 13. &c.
^c Canones
omnes supra
citati.

De altero vero quid aliud dicere potuissent quam quod toties similibus in causis declararunt:

d Cler. Rom.
ep. 31. ad
Cypr.
e Cypr. de
hys.

f Ambr. lib.
2. de Pœnit.
c. 9.

g August.
hom. 50.

^d In præproperea momentaneaue medicina nihil opis esse: ^e Irritam falsamque pacem periculosam dantibus & nihil accipientibus profuturam, vbi non compelluntur lapsi sanitatis patientiam quærere, veramque de satisfactione medicinam: ^f Qui ita poscunt pœnitentiam, vt statim sibi reddi Communionem velint; non tam se solui cupere, quam Sacerdotem ligari. ^g Frustra denique in interiora veli & in inuisibilia Sancta Sanctorum aditus tentaturum, qui medicinam cœlestis disciplinæ contemnens noluerit paulisper à visibilibus separari: Qui enim noluerit humiliari vt exaltaretur, cum exaltari voluerit deiiciendum, & in æternum sejungendum ab æternis Sanctis, quisquis hoc tempore per merita obedientiæ & per satisfactionem pœnitentiæ non sibi prouiderit locum in corpore Sacerdotis.

CAPVT XVII.

PROPOSITAE QVÆSTIONIS PARS TERTIA.

An verè dictum sit ab Aduersario hominem hisce temporibus mortalium peccatorum sibi conscium, non posse sine temeritatis nota plures dies pœnitentiam agere, antequam ad Communionem accedat.



TRIPARTITÆ quæstionis, quam in secunda Libri huius Parte tractandam suscepimus, altero capite firmiter vt confidimus stabilito, dubitare non possum, quin ipsa tertij quod superest Capitis pro-

positio piorum omnium sensus vulneret animosque commoueat, dum in dubium vocari audiunt, num hoc tempore sine temeritatis crimine obseruari fas sit, quod tot seculis in præcipuis pietatis Christianæ partibus numerauit Ecclesia.

Quocirca eadem qua Tertullianus in Libro de Baptismo vtitur, excusatione vtendum hîc mihi video. *Audiui, Domino teste, eiusmodi, ne quis me tam perditum existimet, vt ultro exagitem libidine styli quæ alijs scrupulum incutiant.* Tu enim cogis quæstionem homine Catholico alienissimam inducere qui postea quam mira inscitia negasti in Ecclesiæ vsu positum vnquam fuisse, vt lethaliū peccatorum rei plures dies pœnitentia defungerentur, priusquam ad Communionem adirent, maioris cautionis gratia, & vt imperitiæ tuæ totius Ecclesiæ veteris contemptum adiungas, addis continuo: *Vt vt olim ab illa sit factum, nunc quidem temeritatis fore priuatū quempiam illius institutum imitari.*

Tertull. de Bapt. c. 12.

Sed si tibi vitiosæ disciplinæ & praxeos tuendæ studium iudicij lumen eripuit, aliquid saltem memoriæ retinere debueras, nec obliuisci te in primo Commentarij tui aditu totius orationis fundamentum illud statuisse: *Nullam esse certiores regulam, quaque facilius vel in hac re, vel in alijs omnibus errorem effugere possimus, quam si studiosè attendamus, quid Antiquitati, Sanctorum traditionibus, Et priscis Ecclesiæ moribus atque institutis conueniat: hancque regulam sumptam esse ex primæ Epistolæ sancti Ioannis capite secundo.*

Expende, obsecro, ad certissimam hanc normam, quam Christiani animi communis sensus à te expressit, quid iudicij de tua ista censura haberi oporteat. *In omnibus*, inquis, *studiosè debemus attendere*, QUID ANTIQVITATI, SANCTORVM TRADITIONIBVS, ET PRISCIS ECCLESIAE MORIBVS ATQVE INSTITVTIS CONVENIAT. Et tamen eodem te iudice sine temeritatis culpa obseruari non potest, quod omnis Antiquitas, vniuersa Sanctorum Traditio, & vniuersae Ecclesiae mores atque instituta tot seculis non approbarunt modo, sed & fidelibus omnibus commendarunt, & Canonum praescripto poenitentibus imperarunt, vt Apostolorum doctrinam & institutionem, ab omnibus eorum successoribus religiosè retentam, & vt sanctissimam tutissimamque curandarum animarum, hominumque cum Deo reconciliandorum viam.

Quis hanc animi tui turbam discrepantiamque capiat? Tenendam esse regulam decernis; quam rursus qui teneant temeritatis accusas. A Spiritu sancto constitutam agnoscis; idemque qui illi pareant Diaboli organa censes, eorumque disciplinam diabolicam & *pestimi Daemonis stratagema* pronuntias.

Sed quoniam Ecclesiam diuellere rudioribusque persuadere contendis illam hoc tempore perniciosum habere, quod tot seculis summe salutiferum habuit; paulo altius ordiendum mihi existimo ad tantam rem illustriorem faciendam, depel-

lendasque nebulas quibus fidelium animos à poenitentia studiis abducere moliris.

CAPVT XVIII.

ECCLIESIA EX ANIMO SEMPER OPTARE, ut peccatores ex sacris omnium Patrum institutis ac doctrinis poenitentiam agant, eosque abuti indulgentia, quam illa posterioribus saeculis adhibuit, qui temeritatis hominem arguant, quod disciplinam ab ea per tot aetates ubique seruata nec vlllo Canone aut decreto rescissam sequi velit.



ECCLIESIAM Catholicam externos interdum mores externasque actiones suas commutare variareque posse nemini dubium est: Vt autem animi sententiam mentemque commutet non magis fieri potest, quàm vt columna & firmitamentum veritatis esse desinat. Quis enim non intelligat, eius esse in quem error cadat & lapsus, id quod olim senserit retexere ac recantare, adeoque Ecclesiam, si pristinos sensus deponere ac rescindere posset, non modo errori affinem, sed etiam erroris ream seipsa iudice fore, carituramque insigni illa ac sibi propria laude, qua sapientis Architecti domus, ac fidelium animarum portus perfugiumque tutissimum & est & esse dicitur, quia non iam in immobilis Petræ firmitate, sed in arenæ fluctuantis instabilitate fundata ædificataque videretur.

Præterea manifestum est ex ipsis fidei nostræ principiis, doctrinam, quæ à cunctis Patribus vno

ore asseritur, non ut anceps & dubia, sed ut penes Catholicos explorata & indubitata, ut in omnibus Orbis Christiani regionibus probata, retenta, obferuataque, & ab ipsis usque Apostolorum temporibus per vniuersas Ecclesiæ oras ætatesque deducta, non humanitus excogitatam, sed diuinitus traditam haberi oportere, ac proinde non minus fixam & immobilem, quàm ipse à quo tradita est Spiritus, nec cœlo & terra transeuntibus transi-
turam.

Hoc ita posito, de quo Catholicorum nemini dubium esse potest, cum iam perspicuè demonstra-
uerimus, illam, quam tantopere auersaris, de sacra Communione lethaliū criminum reis aliquan-
diu differenda sententiam, omnium Sanctorum Patrum sententiam esse certissimam, non ut priua-
torum hominum, sed ut perpetuæ consuetudinis doctrinæque Ecclesiæ Catholicæ, tot Concilijs sancitæ, totius orbis usu firmatæ, ab Apostolis con-
stitutæ, & in ipsis Christi documentis fundatæ gra-
uissimorum integerrimorumque testium; fieri pro-
fecto non potest, quin Ecclesia in hac ipsa senten-
tia etiamnum maneat & ad mundi finem mansu-
ra sit.

Quare si quis tecum quæsierit, præstet ne gene-
ratim & vniuersè loquendo, eum qui mortifera
peccata commiserit Eucharistiæ Sacramentum ut
primum confessus est vsurpare, an peccati maculas
lachrymis certo tempore diluere, antequam tre-
mendis se sistat Altaribus, dubium non est, quin

Ecclesia, quod ad doctrinam attinet (nondum enim de disciplina & praxi loquimur) non aliud respondere nunc possit, quàm quod tot Patrum, tot Pontificum, tot Conciliorum vna semper voce respondit, multo esse sanctius, ac summæ, quæ sacro-sanctis Mysterijs debetur venerationi congruentius ad ea percipienda veræ ac sinceræ Pœnitentiæ fructibus sese ante componere.

Verum & si hæc Ecclesiæ etiam nunc sit mens ac semper fuerit, factum est tamen ab aliquot seculis refrigescente hominum pietate, vt illam non pro eo ac vellet omni ex parte exequi potuerit: Sed piæ ac benignæ Matris affectu ad filiorum suorum infirmitatem sese demittere aliumque eis morem indulgere compulsa sit, vt specie faciliorem & minus seuerum, ita longe minus vtilem, minusque perfectum: quemadmodum Medici ægrotis austeriora quæque remedia respicientibus, non semper quæ maximè salutaria, sed quæ illorum imbecillitati magis sunt accommodata subijciunt: vel (vt supremum Ecclesiasticæ gubernationis ac prudentiæ fontem intueamur) quemadmodum Deus ipse in Scripturis præter primas quasque consiliorum suorum rationes, multa indulget propter temporum iniquitatem cordiumque duritiam, sicut in Euangelio Christus ipse testatus est.

Hac eadem duritia hominum Ecclesia sæpe inuita compellitur (vt in vltimo Concilio Oecumenico non semel conqueſta est) ad degeneres ac remissos suorum mores sese accommodare atque

inflectere, non sine secreto quodam & *inenarrabili*, ut Apostolus loquitur, *gemitu*, per Spiritum sanctum in ipsa expresso, dum antiquam illam pietatem in filiis suis deformatam obsoletamque cernit. Atque hæc sola est causa cur vicissitudines mutationesque in pœnitentiæ administratione ab aliquot seculis exortas Ecclesia ferat, quas tamen ab ipsa nec per supremum caput Pontificem Maximum in priuato eius Consilio, nec per supremum idem caput in Consilio ac Senatu Generali Ecclesiæ seu in Concilijs Oecumenicis, inductas & constitutas fuisse vnquam probabitur.

*Innocent. I.
epist. 22.*

Quare videndum etiam atque etiam, ne in hac re aut similibus confundamus ac permisceamus leges ipsas cum ijs quæ præter leges indulta sunt; institutiones primas cum laxamentis atque accommodationibus subsequen-
tium temporum; postremo ea quæ impellente & quasi extorquente necessitate fiunt, cum ijs quæ sponte ac libera voluntate perficerentur. *Quod enim pro remedio ac necessitate temporis statutum est, ut ait egregius Pontifex, constat primitus non fuisse quia aliud est ordo legitimus, alia usurpatio quam ad præsens fieri tempus impellit.*

Enimvero Ecclesiæ facilitate & indulgentia admodum abutatur, qui quod homines minus iam seuerè quàm olim ad Pœnitentiam compellat, excellentissimam agendæ pœnitentiæ rationem vetitam ab illa interdictamque fuisse tecum existimet, sanctissimamque illam humilitatem qua peccator sese ut diuinissimæ Christi Majestatis aspectu indignum

dignum à cœlesti submouet conuiuio, donec bonorum operum vsu mundatus sit, ab ipsa semper laudatam euectamque in cœlum, nunc tandem vt improbam noxiamque damnatam arbitretur.

Itanè vero quoniam Ecclesia infirmitatem tuam clementius ac benignius habens non te adiggit ad vsum illum obseruandum, quem & per se sanctum, & saluti tuæ, si paulò firmior esses, in primis vtilem fore intelligit; tu eos qui illum sequi & retinere studeant carpere atque accusare audeas? Tu neminem qui fidelius te ac religiosius Deum colat ferendum putes? Tu peccatores aliquanto præstantiore quam vulgus ratione in viam redire, suisque vulneribus medicinam ista quam adeò facile dilabi atque effluere videmus certior ac constantiorem exquirere non patiarè? Christianæ virtutis curriculum refigescentis atque imperfectioris pietatis tuæ terminis circumscribas, quos prætergredi sine temeritate nemo possit? Spiritui sancto in dispertiendis gratiæ suæ muneribus legem ponas, meque quam mihi immittit vitæ in melius referendæ cogitationem ac voluntatem tenere prohibeas?

Quod si eximia quadam ac singulari misericordia præstet mihi Deus, vt ad meipsum redeam, oculosque cordis aperiat, quibus me primorum Parentum instar turpiter nudum esse perspiciam ex quo Christum exui; si mihi det vt peccatorum meorum pondus graue mihi esse incipiat, quod alij minus fortasse sentiunt: si in intimo cordis re-

cessu sententiam, quam ab omnibus vere pœnitentibus in seipso ferri debere docet Augustinus, pronunciet, manifesteque ostendat, quam me indignum præstiterim qui ad sacram corporis ac sanguinis Christi communionem adhibear: Si interminatione illa perterritus, *Qui se exultat humiliabitur*, & rursus huius promissi fiducia recreatus, *Et qui se humiliat exaltabitur*, hæc Euangelij oracula ex tot Patrum Sanctorumque sensu ita interpreter, ut à diuinissimo Christi corpore cum tremore & humilitate tantisper mihi abscedendum esse existimem: Si igitur hanc mihi mentem & cogitationem Deus sua benignitate subijciat, à qua sola eam sperare licet, quis tu tandem es, qui Deo obsistere audeas? qui mihi comprimere lachrymas, præcludere gemitus, pœnitentiæ tabulam eripere moliar? qui corruptis ac putrescentibus etiamnum animæ meæ cicatricibus, ut cum regio Propheta loquar, sanam nihilominus eam esse ac valentem persuadere contendas?

Age, doce saltem quodnam Decretum vel institutum Ecclesiæ is violare videatur, qui pristinae ingratitude memor in fletibus ac lamentis menses aliquot iacere velit, antequam ad Sanctorum Mysteriorum gaudia, ut loquuntur Patres, aspirare sustineat? Ecclesiam sexcentis legibus peccatores sacra Communione prohibuisse nouimus; legem vero, qua qui menses quinque aut sex Communionem abstinerit damnetur, vllam nunc esse non nouimus. Nisi fortè existimes crimini quidem

obnoxium non esse, qui aut tandiu aut diutius etiam à sacra Communione temere ac negligenter abscedat; ratione autem idipsum agere, dum se quisque tanta gratia indignissimum iudicat, dum peccatorum suorum pondere ac dolore premitur, dum eorum maculas pœnitentiæ operibus abstergere satagit, dum denique paratius quàm antea sanctiusque ad cœlestes epulas ingredi cupit; scilicet immane esse apud Deum & homines flagitium, *maximam vnā calamitatem quam Ecclesia possit accipere, artificium denique ac stratagemā pessimi Dæmonis certissimum.*

Quis credat cogitationem istam in Christiani hominis mentem cadere posse: & tamen nulla alia superest, qua fretus Censuram agas *temeritatique* condempnes, qui ea potestate vti voluerint, quam Ecclesia omnibus facit aliquot menses à Communionē discedendi, ad antea actæ vitæ detrimenta diuturnæ & accuratæ pœnitentiæ fructibus refarcienda, dum tot alij ad salutis suæ incuriam negligentiamque fouendam hac eadem libertate impune abutuntur.

In quo quidem quantum à mente ac sensu Ecclesiæ abhorreas difficile dictū est, cū Lateranensis Concilij solennis ille Canon, qui temporis ad sacram Communionem constituti lex hodie ac norma est, ita iubeat propositis in delinquentes grauibz pœnis, *omnem vtriusque sexus fidelem suscipere reuerenter ad minus in Pascha Eucharistiæ Sacramentum, vt excipiat, nisi forte de consilio proprij Sacer-*

dotis ob aliquam rationabilem causam ad tempus ab eius perceptione duxerit abstinendum.

Vnde manifestum est, sicut sacra Synodus eos qui diuina cum Christo in Sacramento ineffabili, saltem semel in anno atque ipsis redemptionis nostræ diebus, societate coalescere vel per contemptum vel per negligentiam omitterent, pœnarum Ecclesiasticarum seueritate coercuit: ita etiam prouidisse sapienter, quasi iam tum censuræ tuæ temeritatem anteuertere vellet, vt ab omni crimine abessent, qui Sacerdotis consilio à sacratissima illa mensa secederent ad tempus, non alieno animo sed peccatorum suorum conscientia ac dolore dejecto, quo deinde salubribus pœnitentiæ curati remedijs dignius ad ipsam ac religiosius sese referrent.

Cum igitur Oecumenici Concilij auctoritatem spernat, quodque ab eo comprobatum est improbet ac damnet necesse sit, quisquis hominem Paschali tempore, quod vnum ab Ecclesia præscriptum est, Communionem abstinenter reprehendat, dummodo *de consilio Sacerdotis abstinerit iustisque de causis*, quarum princeps ac pene vnica agendæ pœnitentiæ cura semper est habita: quis tuam incredibilem confidentiam æquo animo ferat, qua eos *temeritatis* violatarumque Ecclesiæ legum reos agis, qui modestiæ humilitatisque causa à cœlesti mensa tantisper abesse voluerint, præsertim extra illud præscriptum tempus, & cum Ecclesia liberum atque integrum cuiuis relinquit, vt pro varia

Sancti Spiritus motione & impulsu sacrae Communionis vsum vel frequentet vel intermittat.

Et hæc quidem sufficerent vt illud *temeritatis* crimen quod in alios intorques, in teipsum reuolueretur. Sed vt eam quam impugnas veritatem firmitus etiam solidiusque stabiliam; iam aggrediar ad demonstrandum, salutarem illam disciplinam, qua peccator antequam Sacramentum cœleste percipiat pluribus diebus pœnitentiam agit, ab Apostolis ipsis Ecclesiæ traditam, non modo ab Ecclesia non condemnari, sed ab illa è contra probari, laudari, commendari; ita vt eandem & quantum licet filiis suis suadeat, & ad eam obseruandam eos etiam frequenter adigat, & vt semper obseruari possit ex animo ac votis omnibus exoptet.

CAPVT XIX.

*ANTIQVVS POENITENTIAE MOS IN
Ecclesijs Orientis ad hæc tempora seruatus.*



C primum quidem mirari licet antiquam illam pœnitentiæ disciplinam in Orientis Ecclesijs tum Schismaticis tum Catholicis adhuc semper mansisse. Docent enim oculati testes in Maronitarum, qui Libani montem incolunt, Ecclesia (quæ hanc eximiam apud Deum habet laudem, vt vndique schismatum fluctibus circumuallata, in antiqua tamen Petri sedis communione persiste- rit) auitum illum pœnitentiæ morem nostris tem-

poribus vulgò vsurpatum: vtcumque nonnulli ex Occidente aduenæ aliquid in eo mutationis vel induxerint, vel inducere voluerint, speciosa prætexentes argumenta de quibus aliàs dicturi sumus, si qua à te idonea responsione cogamur.

CAPVT XX.

PER CANONEM, OMNIS VTRIVSQUE SEXVS,
*Sacerdotibus ius esse, vt peccatores pœnitentiæ operibus
 ad Communionem præformet.*



VIN etiam vniuersæ Ecclesiæ in hac approbanda disciplina sententiam publica illa lex ne pueris quidem ignota, quam Lateranense Concilium tulit, renouauit Tridentinum, cuius testatam facit.

Quid enim causæ est, cur cum Ecclesia bifariam præciperet, vt fideles quotannis tum peccata confiterentur, tum Eucharistiam sumerent, non eodem tempore vtrumque fieri iusserit, sed alterum tempori Paschatis assignans, alteri certam diem nullam definierit, sed eam fidelium arbitratui permiserit?

Si is esset illius sensus, quem tu vis, vt confessus quisque ad Communionem mox aduolet, nullo tempore intermisso ad peccatorum pœnitentiam agendam: cur tandem ad festum Paschatis confessionem itidem vt Communionem non astrinxisset? Nonne hoc discrimen æquioribus omnibus

animis argumento est, singulari Sancti Spiritus nutu in duobus illis præceptis fanciendis Ecclesiam ita rem temperasse, vt integrum fidelibus esset post confessionem per vniuersum annum quantouis tempore in pœnitentia versari, neque interim altera communionis lege nisi in Paschate tenerentur.

Quod si quis lethiferis peccatis astrictus ad Pascha confiteri cœperit, aliam ei ad pœnitentiam Concilium aperit viam, differendæ in aliud tempus communionis facta Presbytero potestate, vt vel hac etiam in parte veritas figuræ responderet, ac quemadmodum Iudæi qui Paschatis tempore mundi non essent, altero post mense Paschalem Agnum edere iuebantur: ita Christiani qui mortiferis criminibus diuina illa munditia & sanctimonia, quam legis munditiæ tenuiter adumbrabant se ipsi orbauissent, veri Paschatis celebrationem in posterum seponerent, vt ad viui & immortalis Agni esum paratiores possent accedere.

Hoc vero Ecclesiam in animo habuisse ex eo luculenter patet, quod Lateranense Concilium celeberrimo illo canone id vnum egerit, vt quod antea fideles more consuetudineque faciebant, legis vinculo deuinciretur, teste Petro Blesensi, qui paulo ante Concilij tempora de imposita fidelibus Communionis necessitate scribit his verbis: *In prima Ecclesia quotquot intererant consecrationi Eucharistiae, communicabant eidem, &c. Postquam autem creuit numerus fidelium, nec omnes accedere ad Eucharistiam visum est, statutum est, vt saltem diebus Dominicis fi-*

Petrus Blesensis ser. 16.

deles communicarent. Cum vero paleæ supercrescentes cæperunt cooperire grana, Et multorum refriguit charitas & creuit iniquitas, & PER PAUCI INVENTI SVNT IDONEI, qui calicem salutaris acciperent, decretum est, ut saltem per tres solemnitates in anno fideles communicarent, in Pascha, Pentecoste Et Natali. NUNC AUTEM QUONIAM DIES MALI SVNT, ET OMNES FERÈ DECLINAVERVNT, ET INVILES FACTI SVNT, non audeo dicere ex præcepto Ecclesiæ, sed ex tacita permissione ipsius introductum est, ut semel in anno congregentur in Ecclesiâ ad communicandum, quod præterire fas non est. Ut sicut ea die filij Israël typicum agnum comedebant perpetuo, & eadem die Dominus discipulis suis carnem suam & sanguinem dedit, & in memoriam sui idipsum faciendum commendavit; ita & nos eadem die carnem Agni qui tollit peccata mundi edamus.

Quemadmodum igitur his verbis patet Lateranensem Synodum, dum fideles omnes ad Communionem tempore Paschatis adstrinxit, ad eum usum sese accommodasse, quem iam elanguescens Christianorum pietas induxerat: ita cum in præcipienda confessione idem spectaret, facere non potuit ut eam festo Paschatis alligaret, cum illo seculo ea esset Ecclesiæ disciplina, ut mortiferorum peccatorum rei ineunte Quadragesima confiterentur, ac per dies illos saltem quadraginta ieiunijs, lachrymis & voluntarijs afflictationibus consecratos, ad Paschalem sese communionem accingerent. Atque ad istam quidem extremam remissionem

nem accommodationemque descendisse videtur Ecclesia; vt hac velut arte ac solertia peccatores à cœlesti pane prius attingendo abduceret, quam aliquo sese pœnitentiæ vsu excoluissent, eaque saltem ratione canonum omnium præscriptionem tueretur, pœnitentibus illo temporis interuallo à Sanctissimi altaris societate depulsis.

Quod ipsum luculenter docet idem Petrus Blesensis, in Sermone diei Cinerum apertius contestans, idem esse debere ieiunij & confessionis initium, neque lethaliū criminum reis expectandum Quadragesimæ finem, cum eo tempore venialium duntaxat culparum confessionem fieri liceret. *Cum initio, inquit, ieiunij debet esse initium confitendi. Unde in fine Quadragesimæ de ablutione pedum discipulorum legitur vel dicitur: Qui lotus est, non indiget nisi vt pedes lauet, sed est mundus totus. Non dixit, qui lauandus est, sed lotus: nec dixit, nisi vt faciem & pedes lauet, sed tantum pedes. Ac si dicat: In principio ieiunij debet quis criminalia peccata lauare, pure & humiliter confiteri; in fine venialia quæ contraxit.* Hic erat vsus Ecclesiæ temporibus Concilij Lateranensis quod paucis annis hic autor antecessit. Ex quo intelligitur longè à Concilij sententia abfuisse, vt tam sancta consuetudine abolita, vnicam quam præcipiebat confessionem temporis Paschalis finibus circumscriberet.

Et vero liquet salutarem istum morem & Christianæ Religionis sanctitati accommodatum multo post tempore in Ecclesia mansisse, vt præter

D. Thom. in
Opuscul de
Sac. Alt.
c. 16.

alios grauiſſimus autor eſt S. Thomas in Opusculo de ſancto Sacramento ſic ſcribens: Ideo ſtatutos fuiſſe ante Paſcha quadraginta dies pœnitentia, vt his peractis in ieiunijs & orationibus & continentia & bonis operibus tunc poſſint communicare pœnitentes cum alijs bonis Chriſtianis. Hinc, inquit, ſuper illud in 1. Cor. 11. ſi noſmetipſos dijudicaremus, &c. dicit Auguſtinus: Ab ipſa mente pœnitentis talis ſententia proferatur, vt ſe indignum indicet participatione Corporis & Sanguinis Domini, vt ad tempus per Eccleſiaſticam diſciplinam à Sacramento cœleſtis panis ſeparetur.

Idem fere tradit S. Bonauentura in quartum Sententiarum. Quin & in Eccleſiæ ritibus diſciplinæ huius veſtigia etiamnum comparent. Cinerum enim conſecratio, & ſolennes precationum formulæ quibus in capite ieiunij vtitur Eccleſia, quam ratione peccatores, quibus eo die pœnitentiam imponebat, tractare conſueſſet, abundè re præſentant.

Atque etiam Lutetiæ videre eſt Dominica Quinquageſimæ Parœciarum omnium ſupplicationibus ad Metropolitanam Ædem procedentibus; Preſbyterum pœnitentiæ præpoſitum eiſque adiutores ſimul omnes apud ſuum quemque tribunal populum ad pœnitentiam cohortari. Qua ex re perſpicitur quid olim ab Eccleſia ſingulis peccatoribus fieret, quibus nimirum audita eorum confeſſione pœnitentiam injungi mos erat.

Denique abſolutio ſolennis illa, quæ quot annis maioris hebdomadæ feria quinta in Æde primaria

B. Virgini sacra populo impertitur, licet hodie ritualis sit, eam tamen adumbrat, quæ Sacramentum Pœnitentiæ continens peccatoribus, qui totam Quadragesimam in pœnitentiæ laboribus sese contriuerant, adhibebatur. Quamobrem diei illi nomen vernaculi sermonis consuetudine ab absolute ductum est, quod pœnitentes absolui, & ad Eucharistiæ communionem reuocari eo ipso die solenne esset quo Eucharistiæ institutionem celebrat Ecclesia, propterea quod, vt supra dictum est, ea semper fuit illius sententia perfectam peccatorum expurgationem Eucharistiæ communione absolui, quam iccirco reconciliatoriæ manuum impositioni proximè adungebat.

Le Teudy
Absolu.

Ad hanc ipsam consuetudinem initio Quadragesimæ confitendi referendum quod ait Synodus Tridentina, *cum ingenti animarum fidelium fructu obseruari morem illum salutare confitendi* ^a *sacro illo & maxime acceptabili tempore Quadragesimæ, atque adeo se hunc maxime probare & amplecti tanquam pium & maximè retinendum.* Neque enim consentaneum est eos à Concilio laudari, qui Confessionem ad extremos Hebdomadæ maioris dies protrahant, quos S. Carolus Synodi constitutorum quæ ad disciplinam spectant, grauissimus interpret adeo non laudandos censuit, ^b vt id temporis eorum confessionem à Presbyteris audiri vetet, quod ad parendum Ecclesiæ mandato tam feri ac segnes fuerint.

^a Non in fine vt abusus irrepsit, sed initio huius temporis, vt olim recte constitutum fuerat. Ita scriptum extat in Notis ad Concil. Trident. ex Bibliotheca Cardinalis Belarmini de quibus supra in Prefatione.
^b In Consul. Mediolan. s. Et in Sacr. & in Instr. Conf. s. Act. part. 4.

Itaque post Concilium Tridentinum ^c duæ Sy-

^c Synod. Camerac. anno

1604. tit. 8.
c. 16. Et an-
tiquior ann.
1567. de Pœ-
nitentia c. 2.
Et Bitur. tit.
21. c. 21.
d Th. 22.
can. 5.

nodi Cameracenses, & alia Bituricensis sanctum il-
lum morem inter Quadragesimæ initia confitendi
decretis suis instaurant: nempe vt deinceps pœni-
tentia opera frequententur, ac fiat quod^d ab eo-
dem Bituricensi Concilio præclarè statuitur: *Ne
quis sine contritione & confessione & SATISFACTO-
RIIS OPERIBVS digne præmunitus ad Eucharistiam
sumendam accedat.*

CAPVT XXI.

*CONCILIVM TRIDENTINVM MULTIPLICES
ad pœnitentiam antiquam instaurandam vias aperire, eius-
que omnia fundamenta constituere. Priora duo eiusce rei ar-
gumenta.*



AM vero cum supra pollicitus sim, quid Concilium Tridentinum de hac, quam damnare audes & sacris eius definitionibus contrariam facis, disciplina senserit, me diligenter indagaturum, tempus est promissa persoluam, talemque se sacram Synodum hac in re præstitisse demonstrem, vt licet ei minimè licuerit tot varijs hæresibus expugnandis, tot corruptelis & abusibus corrigendis intentæ, de omnibus quæ in Sacramentorum administratione obseruari oporteat, singulatim præscribere, cum eorum potissimum substantiam aduersus hæreticos propugnandam suscepisset, nemo tamen eius decreta eodem quo condita sunt spiritu expendens non facile intelligat, tan-

tum eam abfuisse à pœnitentiæ exercitationibus (vt videri cupis) abolendis, vt vniuersa illius fundamenta firmiora inuictaque effecerit, nec diuinis eius institutis plenè & cumulatè responderi atque obtemperari queat, nisi quam maximè in antiqua pœnitentia restituenda elaboretur.

Id ex eo primum cernitur, quod vniuersas Apostolorum traditiones autoritate sua S. Synodus velut postliminio reuocat, varijsque locis Ecclesiasticæ disciplinæ in eum statum redigendæ, quem priusquam hominum ignauia, canonum ignorantia, morumque prauitate collapsa esset, obtinuit, summam voluntatem profiteatur.

Atque hinc patet sacri Concilij in eam disciplinæ partem, quæ tibi respuenda visa est, propensio ac studium, quippe quæ non solum in Ecclesiastica disciplina primas teneat, vt Patres vniuersi consentiunt, sed ipsius Christi *Domini disciplina sit*, vt loquitur Cyprianus: nec humanum institutum, sed grauis in primis Apostolorum Traditio, quam Ecclesia Romana Ecclesiarum omnium princeps & magistra ab hinc mille & quadringentis annis, se ab ijs simul cum Euangelij prædicatione accepisse significat. Hoc est enim Cleri Romani de pristina seueritate seruanda, ne peccatores ad Communionem nisi post longam laboriosamque pœnitentiam admittantur, ad Cyprianum scribentis sententia: *Nec hoc nobis nunc nuper consilium cogitatum est, nec hæc apud nos aduersus improbos modo superue-*

*Clerus Rom.
ad Cyp.
ep. 31.*

nerunt repentina subsidia, sed antiqua hæc apud nos se-

390 DE FREQUENTI COMMUNIONE.

ueritas , antiqua fides , disciplina legitur antiqua , quoniam nec tantas de nobis laudes Apostolus protulisset dicendo : Quia fides uestra prædicatur in uniuerso mundo , nisi iam exinde vigor iste radices fidei de temporibus illis mutuatus fuisset , quarum laudum Et gloria degenerem fuisse maximum crimen est.

*Concil. Trid.
Sess. 12. Decr.
1. de Reform.*

Alteram Concilium Tridentinum restaurandæ pœnitentiæ viam aperit, dum antiquos omnes Canones de moribus & officijs Clericorum etiam qui in desuetudinem abiissent in usum reuocari iubet , diligentissimè statuens, ut quæ alias à Summis Pontificibus & à sacris Concilijs de Clericorum vita, honestate, cultu, doctrinaque retinenda , ac simul de luxu , comessationibus, aleis, lusibus, ac quibuscumque criminibus, necnon secularibus negotijs fugiendis copiosè ac salubriter sancita fuerant, eadem in posterum iisdem pœnis vel maioribus arbitrio Ordinarij imponendis obseruentur. Cum enim plerique istorum Canonum culpas non paucas quæ nunc leuiores ferè habentur, ministerij interdictione & ab altari amotione mulctandas decernant, Clericos qui in illas incurrerint ad istum eundem modum curari oportet , ut Concilij voluntas cumulatiùs expleatur : adeoque sapissimè antiquam de Clericorum pœnitentia disciplinam in usum reuocari, quibus autore S. Leone ad peccata plangenda & misericordiam Dei promerendam priuata secessio indici consueuerat : ubi illis, inquit, Satisfactio si fuerit digna , sit etiam fructuosa.

*S. Leo Epist.
92. c. 2.*

Præterea Canonum omnium cognitionem ipsi Canones Presbyteris imperant, ut illis semper ante

oculos propositis, pro re nata vtantur ad conseruandam firmandamque Ecclesiæ disciplinam. At in Canonibus istis quos ita cognitos habere debent, plurimi extant, quibus aduersum eos, qui se lethalibus criminibus post baptismum illaqueatos confiteantur, disciplinæ quam ferre non potes vis ac seueritas adhibenda præscribitur.

CAPVT XXII.

CONCILIVM TRIDENTINVM TERTIAM ad pœnitentiæ instaurationem viam dedisse, cum Lutheri errorem omnem pœnitentiæ vim in noua vita constituentis damnauit.



ERTIVM argumentum est pœnitentiam veram & solidam à Tridentina Synodo comprobata, quod aduersus Lutherum Catholica fide credendum sanxit, Pœnitentiam non tantum sitam in emergendo à flagitiosis moribus ad meliorem vitam, sed & in pristinis peccatis lugendis exorandoque Deo lachrymis, orationibus, ieiunijs, eleemosynis, alijsque operibus quæ maiorum traditio commendat, & S. Gregorio, cunctisque Patribus autoribus Euangelium præcipit verbis illis, *Facite ergo fructus dignos pœnitentiæ.*

Atque hac potissimum ratione sanctissimam eiusmodi doctrinam constituit, vt nefas dicat salutare illam satisfactionem, quæ tanto studio à Patribus omnibus Christiano populo semper commendata

*Sess. 14. c. 8.
C. 13.
C. 14.*

Sess. 14. c. 5.

fuit, vel contemnere vel impugnare. Recte enim vidit, vt omnia, cum idem atque olim etiam nunc violetur Deus, eodem crimine violetur, atque ab eadem violetur Christiani hominis persona; consentaneum vtique esse, vt eadem persona, eidem Deo, de eodem crimine, in eadem Ecclesia, eadem ratione ac modo faciat satis. Nam si corporis vulnera non alia nunc ac mille ab hinc aut bis mille annis medicinæ disciplina curantur: quanto magis in sanandis animarum vulneribus eadem arte iisdemque decretis Christi quæ ab Apostolis eorumque discipulis accepimus, vti nos par est, cum ea haud paulo firmiora atque immobiliora sint quam rationes Hippocratis viresque naturæ. Quod & eo clarius etiam efficitur, quia *quanto anima corpore præstantior: tanto eius curatio curatione corporis maior ac difficilior est*, vt sapienter monet Chrysostomus; atque id facillime dijudicaretur, si vt corpus, sic animam oculis cerneremus.

Chrys. hom.
30. in Matth.

Quam vero aperta Ecclesiæ & Concilij ludificatio, Lutheri de pœnitentia errores & hæreses cogitatione quidem ac verbo damnare, (in eo enim te quoque vniuersæ Ecclesiæ assentiri confidimus) re vero ac factò à Presbyteris approbandas contendere? Quid enim aliud velle tibi videris, dum eos pœnitentibus grauitati scelerum pares satisfactionis modos, vt Synodus iubet constituere, & ad eorum curationem illis ipsis quibus Patres omnes vsi sunt salutaribus vti remedijs eadem Synodo præcipiente non pateris?

Quod

Quod si illud etiam cogitemus Dei optimi qui mala esse non finit, nisi vt ex ijs bona eliciat, minime fuisse, hæresim malorum omnium extremum nisi maioris boni causa pati existere; quis non laude quam temeritatis accusatione digniores existimet, qui austeriori & accuratiori pœnitentiæ genere diuinæ prouidentiae in illa hæresi permittenda consilijs obsecundare conentur. Cum enim Ecclesia maioris pœnitentiæ subsidio nunc quam maxime egeat senescens atque ingrauescens in dies, & quo magis ad exitum mundus præcipitat, eo vehementioribus abundantis iniquitatis fluctibus obsessa: Lutheri hæresim pœnitentiæ infestam emergere permisit Deus, vt Ecclesia ad eam studiosius asserendam, moribusque comprobendam euigilaret.

Si ergo sint quibus Deus idem hanc mentem post modum iniiciat, vt sanctis exercitationibus laboribusque illis quibus tot peccatores ad sanctitatem reuocauit, vltro se dedant; quicquid ad peccatorum expiationem facere queat, toto pectore complectantur; fletibus ea mergere contendant, orationum ardore absumere, eleemosynis redimere, charitate obruere; postremò vt ad hæc vniuersa Christianæ humilitatis fundamentis fulcienda, eam virtutem qua potissimum re pœnitentibus colendam SS. Patres docuerunt, colant atque obseruent, ab altari, quamuis te repugnante, piè religioseque tantisper secedendo, vt diebus aliquamultis antequam Eucharistiam appetant, pœniten-

Arch. lib. 4.
172. L. 110.

tiam agere perseverent : quis laudandum Deum ac de tanto erga homines illos beneficio gratulationibus prosequendum non arbitretur. Quis non videat, ijs qui vel inscitia, vel iniquiore zelo, vel liuore, vel occulta quapiam cupiditate adducti, pietatis exemplis quæ omnium approbationem merentur, malignis oculis obstrepant, diuina extimescenda iudicia, expendendamque attentius illam Ambrosij vocem : *Frustra opem misericordiæ cælestis expectes, si alienæ fructibus virtutis inuideas. Aspernator enim Dominus inuidorum est, & ab ijs qui diuina beneficia in alijs persequuntur, miracula suæ potestatis auertit.*

CAPUT XXIII.

QUARTAM INSTAURANDÆ POENITENTIAE viam Synodum Tridentinam patefacere, dum Sacerdotes iubet conuenientes grauitati criminum satisfactiones injungere, ne eorum participes efficiantur.



QUARTO loco etsi Concilium non nisi summatim obiterque attingat, qua ratione is qui mortifero peccato Deum post baptismum offenderit, iustitiæ illius satisfacere debeat : id tamen ita præstat, vt non minus quam damnas disciplinam à tuis criminationibus vindicet, quam omnes quas probare videris corruptelas aberrationesque condemnet.

Non alio opus est ad eam rem argumento, quam

terribili illo interdicto, quo Presbyteros monet conuenientes peccatorum grauitati satisfactiones pœnitentibus indicere, nisi aliorum crimina sibi velint imputari. *Debent ergo, inquit, Sacerdotes Domini, quantum Spiritus & prudentia suggererit, pro qualitate criminum & pœnitentium facultate, salutare & conuenientes satisfactiones injungere: ne si forte peccatis conuiueant, & indulgentius cum pœnitentibus agant, leuissima quædam opera pro grauissimis delictis injungendo alienorum peccatorum participes efficiantur.*

Concil. Trid.
Sess. 14. c. 8.

Nonne hæc verba apertè demonstrant, quanta sapientissimis illis animarum moderatoribus laus tribuenda sit, qui vt quoad eius fieri queat æquales criminibus satisfactiones decernant, hanc temporarij ab Eucharistia discessus ad eas adjungunt, quod illam semper Ecclesia pœnitentis conditioni accommodatissimam, Christo acceptissimam, peccatori saluberrimam iudicarit; in eamque duo ad veram satisfactionem in primis opportuna pariter concurrant, vt & peccatoris ad Deum medullitus aspirantis maxima vna sit pœna & nemini non facillimè imponi queat.

Equidem grauem esse pœnam ex eo apparet, quod boni cuiusque priuatio pro eo quantum illud est bonum grauis aut leuior videri solet. Cum ergo Eucharistia summum in hac vita Christiani hominis bonum sit, si qua illi superest fidei scintilla, si quis diuinarum rerum sensus, nihil ei grauius accidere vel acerbius potest, quam vt suo vitio ab illa re, quæ votorum illius summa esse debet, pro-

Prima communis & grauissima (pœnitentium pœna) abstinere a participatione diuinarum mysteriorum.
Bellarm. lib. 1. de pœnit. c. 22.

hibeatur; atque iccirco vix quicquam fieri potest, quo satisfactio ad culpæ modum æquius propiusque respondeat. Nec vero graue olim quicquam pœnitentibus imponi visum esset, nisi ad vsitatas solennesque pœnas, hæc etiam interdictæ Communionis accederet. Patrumque omnium sententia fuit, pia illa Eucharistiæ omissione cæteris pœnitentiæ laboribus & ærumnis ampliorem satisfaciendi expiandique vim afferri; quemadmodum Eucharistiæ post peractam pœnitentiam susceptio, donorum gratiarumque omnium vel compunctione, vel bonorum operum fructu, vel absolutione manuumque impositione collectarum cumulus esset & complementum.

Verumtamen quod eiusmodi satisfactio ad animum potius quam ad corpus spectet, in eo cæteris præstat, quod ab omnibus hominibus suscipi potest, cum plerique sint ad ieiunia, vigilias, aliasque corporis afflictationes, atque etiam ad maiora subsidia indigentibus præbenda parum idonei, à quibus proinde prudens confessor non aliud, quod ad hæc opera pertineat, merito postulare possit, quam veram sinceramque voluntatem, quæ inopiam impotentiamque suppleat, & in qua exteriores omnes actiones vt in radice fructus lateant. Quemadmodum enim autore Paulo in 1. ad Corinthios Epistola, præstantissima virtutis opera absque charitate esse possunt: ita sæpe charitas & bona voluntas in intimo cordis recessu inesse potest, licet varijs obicibus impedita qui in eius non sint potestate,

bonorum illorum operum fructu deficiatur. At Eucharistiæ prætermisio nullas eiusmodi moras, ubi animus vero pœnitentiæ sensu commotus est, patitur. Quo iniquiores sunt disciplinæ huius ut feuerioris atque importabilis obtrectatores, cum ea summæ prudentiæ ratione administraretur, nec ullo grauiori onere quemque premat; remotaque ab hominum oculis atque à publica luce, erubescendi necessitatem non iam amplius habeat, ut olim, sed intra contriti cordis summissionem ferè consistat, atque intra voluntariam damnationem peccatoris, qua se ipse corporis & sanguinis Christi participatione indignum censet, temporariaque ista ab Ecclesiæ conuiuio depulsionis imagine, quam terribilis & metuenda futura sit æterna cœlestis beatorum conuiuij iactura præsentit.

Hinc ergo perspicias, quàm disciplina nimium tibi inuisa ad mentem accedat Concilij præcipientis, ut quoad licet, satisfactio crimini par sit.

An vero hæc eadem Sacri Conuentus verba (quæ intorta in Confessarios fulmina iure appelles) Sacerdotes illos sinunt quieta mente consistere, qui isto ipso, quem tu spiras, animo præditi, peccatores fallaci indulgentia & inhumana lenitate in fraudem impellentes, quæ *secari & exuri* debeant, ut inquit Pacianus, vulnera operiunt: Qui, ut ab alio Sancto viro scriptum est, *cum in medullis fernet morbus, per superficiem corporis molle deducunt unguentum*: Qui denique Concilij legem apertè perfringentes sine vlla necessitate, ac ne exploratis quidem pœ-

Pacian. in
Paran. ad
Pœnit.
Cæsar. hom.
I.

nitentis viribus, *leuissima quædam opera pro grauissimis delictis iniungunt*: pauculorum Psalmorum recitationem pro compluribus blasphemijs & periurijs: quaterna quinave ad summum sextæ feriæ ieiunia pro multis adulterijs: Dominicam orationem quinquies reuoluendam pro sacrilegis Communionibus, & cætera ad eundem modum. Imo vero ad sacram Communionem ne leui quidem illa pœnitentia defunctos continuò impellunt, in fœdis criminum imaginibus tota etiam mente inhærentes, & ad illa primo quoque tempore instauranda paratissimos.

a Cyprian. de lapsis. Clerus Rom. ep. 31 ad Cyp. Orig. hom. 3: in lib. Iudicij. Basil. in Orat. super illa verba, Attende tibi. Hieron. lib. in Hierem. c. 2. Ambr. lib. 1. de Pœnit. c. 2. & ad Virg. lapsam c. 8. Innoc. I. ep. 1. Aug. ep. 259. Theod. lib. 5. heretic. sub. c. de Pœnit. Greg. lib. 3. in 1. Reg. & hom. 20. in Euang. Isidor hispal. lib. 2. sentent. c. 13. Beda in Psal. 4.

Ac ne causæ defint quibus tantam corruptelam prætexant, aut Presbyterum (quod vel dictu horrendum) negant vlla lege religioneve obstringi, vt satisfactionem imperet, quæ peccatorum grauitati pro portione respondeat, " contra Patrum omnium sententiam & apertam Concilij Sanctionem, quod vt hoc Presbyteri officium in primis necessarium, verbis quam grauissimis ostenderet, eum qui aliter agat, alienorum peccatorum participationem fieri decreuit.

Aut rursus duo satisfactionis genera distinguentes, alterum quo peccata præterita puniantur, alterum quod à futuris vindicet: posterius necessarium statuunt, prius non item. Quæ quidem cum hæreticis huius temporis aperta est consensus, pœnitentium sic nouâ vitâ definientibus, vt posterius istud pœnitentiæ genus nihilominus accipiant, omniaque quibus ad pristina peccata deinceps fugien-

da præcauendaque homines firmiores fiant, non inuiti amplectantur. Atque hoc ipsum Concilij doctrinam funditus euerit Sacerdotibus apertè præcipientis: *ut satisfactio quam imponunt non sit tantum ad nouæ vitæ custodiam & infirmitatis medicamentum, sed etiam ad præteritorum peccatorum vindictam & castigationem.*

Hincmarus in capitulis à Sirmondo editis p. 632. Isaac Lingonensis in can. tit. 1. c. 39. Bernard. aut alius. Auter de modo bene viuendi. c. 27. b Sess. 18. c. 8.

Aut denique incredibili confidentia affirmare non verentur: Satisfactiones quantumuis leues, ad Concilij legem obseruandam idoneas esse; hoc est, non minus sensum communem quam Concilij auctoritatem extinguere parant, rationesque omnes quibus satisfactionis necessitatem & fructum confirmat, vanas & inanes efficiunt. Quod singulatim expendere operæ pretium est.

CAPVT XXIV.

EOS QUI CONCILII LEGEM DE Pœnitentia ad peccatorum & criminum varietatem proportionem accommodanda negligunt, rationes omnes quibus fructus & necessitas satisfactionis ab eo astruitur, vanas & inanes efficere.

I. Ratio. Pœnitentiam laboriosum esse baptismum.



PRIMA ratio quam ad satisfactionis necessitatem comprobendam Concilium affert, ex eo ducitur: Quod diuinæ iustitiæ ratio exigere videtur, ut aliter ab eo in gratiam recipiantur qui ante baptismum per ignorantiam deliquerint: aliter vero qui semel

Concil. Trid. Sess. 14. c. 8.

à peccati & Damonis seruitute liberati, & accepto Spiritus Sancti dono, scienter templum Dei violare, Spiritum Sanctum contristare non formidarint.

Quid vero magis alienum, quam illam reconciliandorum post baptismum hominum difficultatem, illos pœnitentiæ labores & æumnas, quibus baptismi laboriosi nomen ab ipsa Synodo, atque ab omnibus olim Patribus accepit, eo tandem redigi, ut Oratio Dominica, aut septem pœnitentium Psalmi aliquoties pronuntientur?

Cyrrill. pref.
in Catech. &
Catech. 1.
Tertull. de
Bapt. c. 20.

Aug. de fide
& Operib.
c. 6.

Pacian. ep. 3.

Quod quidem multo etiam absurdius videbitur, si meminerimus Baptismum cui Pœnitentiam Patres comparant, non eum esse quem infantes, sed quem adulti suscipiebant, quos quadraginta dies, teste Cyrillo Hierosolymorum Episcopo, antequam illius compotes fierent, orationibus crebris, ieiunijs, & geniculationibus & peruigilijs orare oportebat, ut ait Tertullianus, necnon Ecclesiam frequentare, ad exorcismos accedere, catechesibus interesse, à proprijs etiam vxoribus sese abstinere. Quos tamen omnes labores pœnitentiæ laboribus collatos ludum ducebant; Deum in baptismo abundanti quadam liberalitate peccata condonare statuentes, quæ in pœnitentiæ Sacramento lachrymarum abundantia & voluntariæ afflictationis magnitudine redimi velit. Qui & in baptismo, ut præclare Pacianus, donat admissum, & pœnitentium lachrymas non repellit.

Quid ergo fiet Concilij doctrinæ: Diuinæ iustitiæ rationem non ferre, ut qui baptismi Sanctitatem

tem violarint, eadem ac antea facilitate in gratiam redeant, si quæ in pœnitentiæ Sacramento pœnæ injunguntur, ne ad earum quidem grauitatem accedunt, quæ olim Catechumenis, vt ad baptismum sese componerent, subeundæ erant.

CAPVT XXV.

ALTERA CONCILII RATIO. PECCATORES
metu pœnarum à peccando reuocari.



ALTERAM rationem ad satisfactionem commendandam adhibet Concilium, quod ærumnarum & pœnarum quæ in pœnitentiæ iudicio decernuntur, subeundarum metus, peccantes reuocet, & quasi fræno quodam coerceat, ne in peccata denuo prolabantur. *Et diuinam*, inquit Synodus, *clementiam decet, ne ita nobis absque vlla satisfactione peccata dimittantur, vt occasione accepta peccata leuiora putantes, velut iniuriæ & contumeliosi Spiritui Sancto in grauiora labamur, thesaurizantes nobis iram in die iræ. Procul dubio enim magnoperè à peccato reuocant, & quasi fræno quodam coercent hæ satisfactoriæ pœnæ, cautioreſque & vigilantiores in futurum Pœnitentes efficiunt.*

*Concil. Trid.
Sess. 14. c. 8.*

Quid porro tandem loci huic argumento relinquatur in molli & enerui quorundam huius ætatis Presbyterorum disciplina? Nisi forte credere liceat, Corollæ precariæ seu Rosarij exoluendi, aut exiguæ stipis erogandæ metu, à vitijs, quæ tot blan-

ditijs & illecebris corruptum semel animum ad se pelliciunt, constantem animum abduci posse.

*Pacian. in
Paren. ad
Pænit.*

Idem ep. 3.

Imo vero quid aliud est praua istiusmodi erga peccatores indulgentia vti, nisi hominibus *occasionem præbere*, quemadmodum monet Concilium, *ut in grauiora peccata labantur*, & magis magisque *Spiritui Sancto injurijs & contumeliosi* existant. *Facitoris viam*, inquit Pacianus, *monstrat innoxij*, qui nocentibus post scelera blanditur. Atque idem scribit pœnitentiam, nisi cum salutari austeritate coniuncta sit, impunitatis spe homines ad peccandum allicere. Cum enim Nouatiani arguerent, qui secundæ remissionis spem hominibus faceret, eos ad peccata velut inuitare, quorum veniam vltro promitteret: *Et fortasse*, inquit, *paterer hoc credi, si pœnitentia deliciæ putarentur*, cui labor tantus imponitur, cui carnis interitus imperatur, cui iuges lachrymæ, cui gemitus sempiterni. *Volet ergo ille sanatus iterum se secari, rursus exuri?*

*Ambros. in
Psalm. 118. in
hec verba: Et
de lege tua
miserere
mei.*

In eundem

Quod si Sanctissimi viri præcepto velut de industria aduersemur, & nocentissimos quosque inertes indulgentia & iniqua lenitate demulceamus: nonne metuendum erit, ut præclare monet Ambrosius, *ne & ipsos faciamus deteriores*, quorum *miseremur iniuste*: ne malo suo experiantur plerumque non coercere delinquentes maioris austeritatis esse, quam si *ulciscaris*: ne denique per ignauiam dissolutionemque nostram eis contingat, *ut cum nullum flagitiorum suorum pretium tulerint, iusta Dei vindicta in passiones ignominie tradantur*. *Facilitas veniæ*, inquit idem

Doctor, *incentiuum* tribuit delinquendi. Medicus ipse *Psalm. in hæc*
 si serpentis interius inueniat vulneris cicatricem, cum de- *verba: Mife-*
 beat refecare ulceris vitium, ne latius serpat; tamen à *rere meite-*
 secandi, vrendique proposito lachrymis inflexus agroti, *cundum e-*
 medicamentis tegat quod ferro aperiendum fuit: nonne *loquiũ tuũ.*
 ista inutilis misericordia est, si propter breuem incisionis
 vel exustionis dolorem corpus omne tabescat, vitæ vsus
 intereat?

Itaque nimium, cheu, quotidiana experientia
 comprobatur illud Augustini: Si cito rediret homo *Aug. ser 34.*
 ad pristinam beatitudinem, ludus illi esset peccando ca- *de diuersis.*
 dere in mortem. Summa enim, quam nonnulli in-
 ducere conantur, mortiferorum criminum eluen-
 dorum facilitas eò iam processit, vt non minus se-
 curè ad ea quam ad ludum iocumque profiliatur;
 nec desint qui vel scripto affirmant, tribus, qua-
 tuorve peccatis mortiferis piæ vitæ seriem non in-
 tercludi: Quod sane perinde est, quasi si quis dicat
 tribus aut quatuor adulterijs inquinatam mulie-
 rem, nihilominus viro fidem seruare: hoc est, vt in- *Tert. de Pa-*
 quit Tertullianus, *salua castitate matrimonia viola-*
re. Quandoquidem anima Christiana quæ morti-
 ferro crimine se commaculat, adultera efficitur, da-
 tamque in baptismo Christo sponso fidem nefa-
 riè prodit.

CAPVT XXVI.

TERTIA CONCILII RATIO. POENITENTIAE
*exercitationibus vitiosos habitus contrarijs virtutum
 actionibus tolli.*

Concil. Trid.
 Sess. 14. c. 8.



Bernard. ser.
 3. de S. An-
 drew.

AM quid afferes ad tertiam Concilij rationem sanctissimam & grauissimam quâ docet, hunc vnum esse è præcipuis satisfactionis fructibus, *ut vitiosos habitus male viuendo comparatos contrariis virtutum actionibus tollat*: quod ad Bernardi vocem accedit, poenitentiam *ultricem vitiorum, & altricem virtutum* appellantis. An tandem affirmare ausis ad inueteratos superbix, avaritix, impudicitix, ebrietatis, maledicentix habitus tollendos satis esse, si quis pauculas preces euoluat; cum ratio ipsa doceat auaris constituendas largiores elemosynas, superbis humiles actiones, voluptarijs carnis castigationes, maledicis alieni honoris etiam cum proprij dispendio compensationem; ijs denique quibus perniciofa est mundi impuriorumque hominum consuetudo, ut est plerisque omnibus lapsis, secessionem & silentium, & pro inutilibus noxiisque congressionibus & colloquijs, crebras in priuatæ domus latebras orationes?

Hæc omnino satisfactionum genera ad tertiam pertinent rationem à Concilio allatam: quæ quidem tanti ponderis est, ut S. Augustinus non aliam concupiscentiæ quæ in neophytis manet paulatim

extinguendæ viam agnoscat: quo magis eam illis commemorari & præscribi par est, qui hanc *car-nalem consuetudinem natura inolitam*, quo nomine S. Doctor concupiscentiam vocat, priorum etiam vitiorum consuetudine roborauerunt. *Quæ duo scilicet tradux mortalitatis, & assiduitas voluptatis illud ex pœna originalis peccati; hoc ex pœna frequentati peccati robustissimam faciunt & inuictissimam cupiditatem*: vt qui eam contrariarum actionum perpetuitate & constantia, qua sola illam & natura & gratia imminuunt, superare contendant, pauci admodum reperiantur. Quid enim mala consuetudo, nisi velut altera concupiscentia priori adjuncta; alteraque catena ferrea vetustiori commissa & colliquefacta? Ita fit vt solus Deus gratiæ vi, quæ à bonorum operum exercitatione nunquam diuel-litur, geminum hoc vinculum discindere queat, quemadmodum Augustinus passim profitetur.

Atque hæc Concilij doctrina virtutum actionibus quæ vitijs peccatisque nostris aduersentur, satisfaciendum Deo, Patrum omnium consentiens est doctrina, quam in primis Chrysostomus diuinitus explicat. *Pœnitentiam, inquit, dico, non solum à prioribus malis recedere, verum & quod majus est, bona præstare. Facite, inquit Ioannes, fructus dignos pœnitentia. Et quomodo id faciemus? Si peccati aduersa faciamus. Verbi gratia: Aliena rapuisti? Incipe donare iam propria. Longo tempore fornicatus es? Præscripto tempore ab uxore abstine: meditare continentiam. Proxi-mum vel verbo, vel facto violasti? Refer benedictionis*

Aug lib. 1. ad
Simplic. q. 1.

Libr. 83.
Quest. 9. 70.
Etc.

μετανοίας δὲ
λέγω, ὃ ἐ-
στὶν ἀποστρέφω
ἀπὸ τῶν κα-
κῶν μετὰ
ἀλλὰ καὶ τὸ
ἀγαθὸν ἐπι-
δείξαι κα-
λὰ ποιῶντες
ὅτι φησὶ καὶ
πρὸς αὐτοὺς τὸ
μετανοίας.
πῶς δὲ ποιῇ.
σκέψασθε ἂν τὰ
ἐναντία πρὸς
τὸ κακὸν οἷον πε-
λέγω ἢ πρὸς
σοφίαν ἀλλό-
τρια; δὲ καὶ
τὰ πρὸς το-
ποιοῦν καὶ
ποιοῦντας

χρὸς τοῦτό τ-
 χα καὶ τὸ γυ-
 ναῖκος τὸ σῆς
 ὡραῖας ἡ-
 μέρας, ἀσκη-
 σαι ἐγκρα-
 τειαν. ὁ ἑλ-
 σαι καὶ ὁ τυπ-
 ησας, ὁ ἑλ-
 ὄτας ἰωλὸ-
 γαι λοιπὸν τῶς
 ὑβρίζοντας
 καὶ εὐεργέ-
 τῆς ὡλῆ-
 ησας, ἡ δὲ
 ἀρκεῖ εἰς τὴν
 ὑγίαν ἡμῶν
 τὸ ἑλὸς ἐξ-
 ελεῖν μῆτιν,
 ἀλλὰ δεῖ καὶ
 τῶ τέρυμα-
 π φάρμακα
 ἐπιτίμῃ. ἐ-
 πύφισας
 καὶ ἐμθύσ-
 θης τὸ ἐμ-
 ποθεῖ χρὸ-
 ροι; καὶ εὐ-
 καὶ ὑδρόπο-
 τει ποσὲ κα-
 ῖτα τὴν ὡλῆ-
 θει ἐγγισ-
 ἀντὶν λι-
 μὴν ἀρέλῃς.
 εἰδὲς ἀκολα-
 τῆς ὁφθαλ-
 μῶς καὶ ὡς
 ἀλλότριον;
 μὴ δὲ ἑλὸς
 ἡδὲς γυναικα
 λοιπὸν, ἡ ἐν
 πλείονι κα-
 τατῆς ἀσ-
 φαλεία. ἐκ-
 ελλοιτὸν δὲ φη-
 σὶν ἀπὸ κα-
 κά, καὶ ποίη-
 σαι ἀγαθόν.
 Chrys. hom.
 10. in Matth.

verba conuitijs, & percutientes te beneficijs placare con-
tende. Neque enim vulnerato sufficit ad salutem tantum-
modo spicula de corpore euellere, sed opus etiam est re-
media adhibere vulneribus. Delicijs ante & temulentia
difflebas? Ieiunio & aquæ potu inde ortas maculas elue.
Impudicis alienum decorem oculis vidisti? Fœminam iam
omnino non videas; ut maiori securitate fruaris. Declina,
inquit, à malo, & fac bonum.

Quis iam non miretur doctrinam ita sanctam, &
 cuiuscumque Philosophiæ moralis principijs con-
 gruentem, à nonnullis casuum conscientiæ, ut vo-
 cant, Scriptōribus ita conculcari, ut affirmare non
 dubitent, *Impositam peccatori à Sacerdote pœnitentiam*
tum iure ab alio commutari, si ob vitiorum consuetudi-
nem acrius à pœnitente impleri possit. Cuius rei exem-
 plum afferunt: *Velut si ebrioso postridie quam se in-*
gurgitasset, ieiunium indiceretur. Quasi vero suaues &
 delicatas satisfactiones esse oporteat. Quasi in vi-
 tiosis habitibus extirpandis vis atque violentia ad-
 hibenda non sit. Quasi æquitas ipsa non iubeat, af-
 perioribus pœnitentiæ remedijs sanare, quos vo-
 luptatum blanditiæ corruperant atque obruerant.
 Quasi denique idonea causa esse possit iudicis sen-
 tentiam rescindendi, quod Legislatoris institutis
 ad amussim respondeat, & iudicium à Sacerdote
 vice Christi datum dissoluendi, quod immobilem
 Apostolicæ Traditionis, postremique Concilij
 Oecumeni secutus sit normam, qua tales pecca-
 toribus satisfactiones decernuntur, ut peccatorum
 reliquijs tetrisque vlceribus quæ criminum pestem

consequi, & in visceribus diutius hærere solent, medeantur, *Et vitiosos habitus male viuendo comparatos contrarijs virtutum actionibus tollant.*

CAPVT XXVII.

QUARTA CONCILII RATIO. OPERA
pœnitentiæ ad Deum placandum quam maxime valere.



QUARTA ratio quam ad stabiliendam satisfactionis necessitatem Concilium affert, non minus ægre tuis sensibus accommodetur. Neque vero, inquit,

*Concil. Trid.
Sess. 14. c. 8.*

securior vlla via in Ecclesia Dei vnquam existimata fuit ad amouendam imminentem à Domino pœnam, quam vt hæc pœnitentium opera homines vero animi dolore frequentent. An enim censeres eum esse Dominicæ Orationis aliquoties recitandæ laborem, vt afflictationibus illis maioribus quibus ab irati Dei manibus sæpius extorta fulmina Scriptura est testis, meritò accenseatur?

Rex Achabus intentatas sibi à Deo per Eliam Prophetam minas auertit, *dum vestimenta regia disci-*
dit, dum operit cilicio carnem suam, dum ieiunat, dum
dormit in sacco, & demisso capite ambulans ne ad cœ-
lum quidem oculos attollere audet. Manassen pœni-
tentia magnitudo à captiuitate in regnum redu-
cem facit. Non recipit Nabuchodonosorus quod
per superbiam amiserat, nisi post acerbissimam
omnium quas Scriptura commemorat septem an-
norum vexationem & cruciatum. Assyriorum Rex

3. Reg. 21.

2. Paral. 25.

Dan. 4.

latam in Niniuem sententiam dispungit, abjecto folio, deposito regali ornatu, saccum indutus, cineri incubans, ieiunio cum omni populo pariter armatus, *clamans ad Dominum in fortitudine*, vt ait Scriptura, *Et à via sua mala conuersus*.

Num tandem in septem Pœnitentium Psalmis ter aut quater recinendis ea est ærumna, id pondus, vt ad istas similesve pœnitentium acerbitates, quas tacitè Concilium indicat, accedere videantur? Num censes hoc vno præsidio fretum confidere quenquam posse, eo magis Deum sibi propitium fore, quo in se ipse seuerior sit, quod veri pœnitentis officium esse vniuersi Patres affirmant.

Quod si ita se res habet, quid attinuit tam seueram & tristem pœnitentiæ faciem nobis effingere? Teneantur sane deliciæ mundiciæque omnes: Voluptates quæuis non apertè flagitiosæ appetantur: seculi pompæ seruiatur & luxui: Vniuersa oblectamenta, quæ honesta vulgò putant, vndique conquirantur: salutationibus colloquiisque indulgeatur superuacaneis, inter quæ vt noua non fiant vulnera, veteribus certe vulneribus medicinâ fieri nunquam poterit: potentia, opes, honores, diuitiæ ambiciosè colligantur, *quæ omnia gentes inquirunt*: Tamen quantiscumque peccatorum vinculis irretitus fueris, dummodò precatiunculis aliquot, aut exiguis eleemosynis quas aduersarij nostri similis Presbyter exegerit, cum fide perfungere; has Tertulliani voces iure tuo vsurpare licebit: *Deliqui in Deum Et periclitor in aeternum perire. Itaque nunc pendeo*

pendeo & maceror & excrucior, ut Deum reconciliem mihi, quem delinquendo læsi. Sic enim ab hinc mille amplius & quadringentis annis ab autore grauissimo expressa est delicatiorum pœnitentium effigies, qui incommoda corporis reformidant. Num ergo, inquit, in coccino & tyrio pro delictis supplicare nos condecet? Cedo acum crinibus distinguendis, & puluerem dentibus elimandis, & bisulcum aliquid ferri vel æris unguibus repastinandis: si quid ficti nitoris, si quid coacti ruboris in labia aut genas urgeat: præterea exquirito balneas latiores hortulani, maritimive secessus: adycito ad sumptum: conquirito altitulum enormem saginam. defæcato senectutem vini: cumque quis interrogarit, Cui nam ea largiaris? Deliqui, dicito, in Deum, & periclitator in æternum perire. Itaque nunc pendeo & maceror, & excrucior, ut Deum reconciliem mihi, quem delinquendo læsi.

Tertull. de
Pœnit. c. 11.

CAPVT XXVIII.

QVINTA ET VLTIMA CONCILII RATIO.

Pœnitentiæ illis asperitatibus & afflictationibus Christi patientis similes nos effici.



OSTREMA Concilij ad demonstrandam satisfactionis necessitatem ratio est, nos Christo pro peccatis hominum Deo pœnis & cruciatibus satisfaciendi similes & conformes fieri: sine qua re ad ipsius gloriæ communionem frustra contendamus, quæ nobis ea demum lege promissa

*Concil. Trid.
Sess. 14. c. 8.*

est, Si tamen compatimur, ut & conglorificemur. Accedit ad hæc, inquit Synodus, quod dum satisfaciendo patimur pro peccatis, Christo Iesu qui pro peccatis nostris satisfecit ex quo omnis nostra sufficientia est, conformes efficitur, certissimam quoque inde arrham habentes, quod si compatimur & conglorificabimur.

*Concil. Trid.
Sess. 14. in
doctrina de
Sac. Vnct.*

Quod si hæc lex ad omnes omnino Christianos pertinet, etiam innocentes, quorum ex Patrum sententia ab hoc eodem Concilio confirmata, tota vita perpetua debet esse Pœnitentia: merito illam peccatoribus maxime intentat, quorum in mentibus ea semper cogitatio versari debet; cum immensa Dei sapientia nullam aptiorem expiandis humani generis peccatis rationem repererit, quam vnici filij sui labores & cruciatus voluntarios: singularis imprudentiæ fore, si aliter secum actum iri confidant: neque in animum inducere oportere, Christi ipsius satisfactionem id sibi attulisse, ne iam necesse habeant ad delictorum suorum expiationem toto pectore incumbere (qui grauiissimus error est nostri temporis hæreticorum) sed contra eo illustriores fieri capitis nostri perpeffiones, quo membris eius secum vnà patiendi maiorem vim tribuunt, eorumque doloribus & pœnis omnem apud Deum honorem & pretium largiuntur.

Equidem qui ligni vitæ, quod in animis baptismus inserit, viriditatem amiserunt, & mortifero quoque crimine ligna arida effecti sunt, alta mente repositum habere debent, quod Seruator ad mortem properans & pias mulieres alloquens pec-

catores omnes admonuit: *Quia si in viridi ligno hæc faciunt, in arido quid fiet?* atque ex his vocibus intelligere, quam necesse sit Christianos omnes (qui cum Christo comparati, quantumvis iusti sint, lignorum aridorum instar habendi sunt) multoque magis grauioribus criminibus implicatos vita in pœnitentiæ exercitationibus & laboribus agenda Christi vitam pœnitentiæ addictam, mortemque illius acerbissimam exprimere.

Cum igitur Concilium ex Scripturæ oraculis tales à Sacerdotibus pœnitentiæ Sacramentum administrantibus satisfactiones imponi iubeat, quæ pœnitentes Christo patienti conformes præstent: illi ipsi de quibus loquimur Presbyteri iudicent, istisne quas vulgo imponunt tanta vis merito tribuenda videatur; simulque illud etiam atque etiam cogitent, an non luce clarius iam sit, quod probandum susceperam, mollem ac degenerem illam cum peccatoribus agendi rationem (quam vnâ probari volunt, omni alia ad Euangelij vigorem propensiore procul abjecta) rationes omnes quibus fructum & necessitatem satisfactionis Concilium adstruit, vanas & inanes efficere.



CAPVT XXIX.

*QVINTAM AD INSTAURATIONEM
pœnitentia viam Concilium aperire, dum docet: Clauium
ministerium non ad soluendum modo, sed & ad ligandum à
Sacerdotibus adhiberi oportere ex antiquorum Patrum sen-
tentiâ.*



*Concil. Trid.
Sess. 14. c. 8.*

Hoc idem Concilij caput de Satisfac-
tionis necessitate & fructu, quantum ad
comprobendam quam in odium &
inuidiam vocas, disciplinam, argu-
mentum suppeditat. Statuit enim Sa-
cerdotibus ius esse, vt permessa clauium potestate
non ad soluendum modò, sed & ad ligandum
vtantur; vt antiqui Patres docuerunt. *Habeant, in-
quit, præ oculis Sacerdotes, vt Satisfactio quam impo-
nunt non sit tantum ad nouæ vitæ custodiam, & infir-
mitatis medicamentum, sed etiam ad præteritorum pec-
catorum vindictam & castigationem. Nam claues Sa-
cerdotum non ad soluendum duntaxat, sed & ad li-
gandum concessas, etiam antiqui Patres credunt & do-
cent.* Si enim Patres antiquos quos Synodus con-
suli iubet, sciscitare, quid tandem sit, peccatorem
ligare: vno ore respondebunt, eum in pœniten-
tium ordinem referre, satisfactionis modum tem-
pusque præscribere, atque interea à sacrorum my-
steriorum vsu prohibere.

Hoc vinculo S. Ambrosius Dominum orbis al-
ligare non dubitauit, cum Theodosium à commu-

nione segregaturus, & ad pœnitentiam adacturus, his eum verbis affatus est: *Recede & ne conare nouo scelere scelus ante editum augere: sed capeſſe vinculum, quo vt ligeris Dominus omnium calitus ſententiam dat. Quod quidem vinculum vim habet & morbum animi depellendi, & te ad ſanitatē reſtituendi.* Quod ita probe accepit religioſus Princeps, vt cum totos octo meſes in gemitibus & lachrymis, & in humili ac verecunda ab altari ſeceſſione perſtitiffet, ne ſic quidem ſe ab Ambroſio peccati veniam obtenturum, ſibiſque Natalitiorum Domini cum reliquis fidelibus celebrandorum poteſtatem conceſſum iri, quantumuis, vt hiſtoria teſtis eſt, eius rei cupidiffimus, ſperare auderet. Vbi verò ſupplex & abjectus ab Ambroſio veniam petiit, hoc vnum humillimis precibus efflagitauit, vt ſe à vinculis quibus conſtrictus tenebatur clementer expediret. Oro, inquit, vt mihi ſoluas vincula.

*Ambr. apud
Theodor. lib.
ſ. c. 17.*

Auguſtinus autem de ijs agens qui violata mortiferis criminibus baptiſmi ſanctitate poſt pœnitentiæ functionem ad reconciliationem perueniunt; his verbis vtitur: *Qui egerit veraciter pœnitentiam, &* SOLVTVS FVERIT A' LIGAMENTO QVO ERAT OBSTRICTVS, ET A' CHRISTI CORPORE SEPARATVS, & bene poſt pœnitentiam vixerit, ſicut ante pœnitentiam viuere debuit, poſt reconciliationem quandocumque deſunctus fuerit ad Deum vadit. Ex quibus conſtat poteſtatem ligandi in eo præcipue ex Patrum mente ſitam, vt peccatores pœnitentiæ vinculis alligentur, & ab Euchariſtiæ vſu remoueantur.

*Aug. hom.
41.*

CAPVT XXX.

*SEXTAM AD ID IPSVM CONCILIVM
viam aperire, dum docet distinctam & enucleatam peccato-
rum confessionem ad imponendas piaculares pœnas tanquam
ad finem referri.*



*Concil. Trid.
Sess. 14. c. 5.*

SEXTVM insuper stabiliendæ pœnitentiæ fundamentum è doctrina Synodi eruere possumus : quod peccatorum omnium confessionis non in genere duntaxat, sed in specie & sigillatim necessitatem explicans, hanc solam eiusce rei causam affert, quod alioquin Sacerdotes de remittendis aut retinendis peccatis sententiam incognita causa pronuntiarent, nec æquitatem in pœnis injungendis seruare possent. *Constat enim, inquit, Sacerdotes iudicium hoc incognita causa exercere non potuisse, neque æquitatem quidem illos in pœnis injungendis seruare potuisse, si in genere duntaxat & non potius in specie ac sigillatim sua ipsi peccata declarassent.* Ita constat hac in re, vt in alijs omnibus, Synodum antiquitatis mentem accurate secutam esse : cum antiqui omnes confessionem spectarint, vt viam ad pœnitentiæ impositionem, qui finis erat proximus audienti confessiones Sacerdoti propositus, vt cognitis criminibus parem pœnitentiam statuere posset, & æquitatem à Synodo commemoratam, seruare, commendatamque alibi accuratius ab eadem legitimam satisfactionis ad delictum proportionem.

Iam suprà demonſtrauimus Leonem magnum dum conceſſam Sacerdotibus à Chriſto poteſtatem expendit, diſertè docere illam in eo verſari, *ut conſitentibus actionem dent, & eosdem ſalubri ſatisfactione purgatos ad communionem Sacramentorum per ianuam reconciliationis admittant.*

S. Leo ep. 91.

Quod S. Eligius planius etiam facit his verbis: *Confefſio pœnitentiam monſtrat: Pœnitentia ſatisfactionem oſtentat: Satisfactio veniam ſibi diuina pietate conciliat.* Multoque antea Tertullianus Libro de Pœnitentia: *Satisfactio confeſſione disponitur: Confeſſione pœnitentia naſcitur: Pœnitentiâ Deus mitigatur.*

S. Elig. hom. II.

Tert. de Pœnit. c. 9.

Sed veritatem hanc in primis illuſtrat quod ex Gregorio Magno ſuprà commemoratum eſt, vbi apertè docet: *In fructu non in folijs aut ramis pœnitentiam eſſe cognoscendam. Confeſſionis verba nihil aliud eſſe niſi folia: adeoque non nobis folia propter ſeipſa, ſed propter fructum expetenda: QVIA IDCIRCO OMNIS CONFESSIO PECCATORVM RECIPITVR, VT FRVCTVS POENITENTIÆ SVBSEQUATVR. Unde, inquit, & Dominus arborem folijs decoram, fructu ſterilem maledixit, quia confeſſionis ornatum non recipit ſine fructu afflictionis.*

Greg. lib. 6. in I. Reg. c. 15.

Potuitne clarius comprobare quod à Concilio Tridentino traditur, definitam & ſingulatim expreſſam peccatorum omnium mortalium confeſſionem eo propriè ſpectare, vt Sacerdotes perſpicua illorum cognitione accepta, in pœnis quibus admiſſa omnia poſt baptiſmum crimina expiari neceſſe eſt præſiniendis, æquitatem tenere queant.

Quæ doctrina tam altè in fidelium omnium mentibus olim hærebat, vt peccatorum rei non ad confessionem, quemadmodum nunc, sed ad petendam accipiendamque pœnitentiam pergere dicerentur. Atque hæc consuetudo duodecimum ad vsque seculum mansit, vt ex Bernardo intelligitur, qui in Vita S. Malachiae corruptissimos Hiberniae ante illius Episcopatum mores describens: *Nemo, inquit, erat qui peteret, nemo qui daret pœnitentiam.*

*Anselm. in
Elucid.*

Ac superiori proximo seculo S. Anselmus *Pœnitentiam, sententiam* appellat: nempe innuens pœnitentiae impositionem in præcipuis partibus esse iudicariae Sacerdotum potestatis.

Sed obdurescentibus in dies Christianorum animis, gliscenteque pœnitentiae odio, desidiâ suam quisque amans Sacramentum quo peccatores cum Deo reconciliantur ex ea magis parte qua cum Confessione conjunctum, quam quâ in pœnitentia situm est, spectare cœperunt: hac depressa illam attollere; & quam, Concilio teste, Ecclesia Christiano populo perpetuò maximè commendauit, adeo obscurare, vt merito magni nominis Episcopus pro concione nuper quereretur, esse hodie, qui pœnitentiae Sacramentum, in Sacramentum Confessionis conuersum irent. Quod idem antiquissimus ferè nostri Ordinis Theologus, qui non ita multo ante vixit, deplorare solitus erat his vocibus, quas ab eius familiari accepit: *Versamur his temporibus in enumeratione peccatorum, non in detestatione.*

Quid

Quid enim magis præposterum, quam accuratè tueri, quod ad aliquem finem assequendum institutum est, finem vero ipsum negligere? Quid autem aliud vulgò fit, dum de fideli & accurata peccatorum confessione populo commendanda ad eò contenditur: de lepra vero à lepra dijudicanda, consentaneisque grauitati peccatorum satisfactionibus exquirendis, cuius rei gratia, teste Synodo, confessio ipsa à Christo instituta est, minimè laboratur.

Cum igitur & Catholicis omnibus constet, Confessionem peccatorum capitalium reis necessariam ante Communionem; & rursus Synodi voce Ecclesia doceat, Confessionis scopum esse, vt idoneam peccatis expiandis pœnitentiam Sacerdotis autoritate peccatores accipiant: Quis non fateatur consentaneum in primis videri, ne sanctissimus hic ordo perturbetur, & quæcumque ad pœnitentiæ Sacramentum attinent prius impleantur, quam ad Eucharistiæ Sacramentum detur aditus, cum ex priori ad posteriorem, qui prioris cumulus & complementum est, gradum fieri oporteat? Vt iam æquo animo ferendum non sit, periculosum à te perniciosumque iactari, si quis ante Communionem plures dies pœnitentiæ agenda tribuere velit.

CAPVT XXXI.

*SEPTIMAM AD INSTAURANDAM
pœnitentiam Concilium viam aperire, imo eam innumeris
in causis instaurandam prorsus edicere, dum peccata publica
publica pœnitentia mulctari iubet.*



POSTREMÒ non quaecunque antiquæ pœnitentiæ restituendæ fundamentum, sed ipsam eius plurimis in causis restitutionem à Concilio factam ex eo liquet, quod publicos peccatores ad publicam pœnitentiam adigendos censuit.

*Pontif. Part.
3. Vbi traditur
modus publice pœ-
nitentes ab
Ecclesia expellendi, &
postmodum recon-
ciliandi.*

Pontificalem librum consule: intelliges talem esse etiamnum pœnitentiæ publicæ rationem, ut qui illam subeant, ab Ecclesia palam eiiciantur, neque à Communionemodo, sed & ab ipso diuinorum Mysteriorum arceantur aspectu, cingantur cilicijs, conspergantur cinere, ad primi peccatoris exemplum è paradiso expulsi in sudore vultus pane suo vesci, hoc est, omnigenis afflictationibus gratiam quærere, peccataque expiare iubeantur: atque his omnibus expletis, pacem ab Ecclesia infimis supplicationibus corpore prostrati, lachrymis diffuentes, criminum conscientiam rubore suffusi postulare cogantur.

Itaque hoc Synodi decreto doceris, quem tu morem improbas, plures dies ante Communionem pœnitentia fungendi, eum non probari modo à Concilio, sed & disertis verbis imperari plurimis hominibus; quandoquidem nimia sit palam

& publicè flagitiosorum in hac corruptissima seculorum fece multitudo.

Quod si qua nonnunquam obſtent quominus ſanctiſſima hæc diſciplina omni ex parte ſeruetur, & publice peccantes ex Apoſtoli præſcripto palam & coram omnibus corripiantur: nihilo tamen ſecius ſi Concilij mentem ſequimur, iſdem pœnitentiæ laboribus clam & ſecreto ſaltem ſubijci debent, diutiusque, Deo teſte, gemitibus & lachrymis exerceri, antequam ad Eucharistiæ Communionem admittantur. Quemadmodum apud S. Baſilium mulieres adulteræ, quæ à publicæ pœnitentiæ iugo liberæ erant, tempore tamen à Canonibus præſtituto Eucharistiæ vſu prohibebantur.

CAPVT XXXII.

CONCILII TRIDENTINI DOCTRINÆ de Pœnitentia anacephalaſis. *Quantopere inſtituto ab aduerſario reprehenſo, pœnitentiam plures dies ante Communionem agendi, ſuffragetur.*



HABES veſtigia & quaſi lineamenta doctrinæ, quam Eccleſia pariter collecta, & ſingulari Spiritus Sancti ducta præſidio expreſſit. Ea ſi minus arri- det, Concilio dicam impingito, non ijs qui ad eius mentem & ſententiam in animarum dirigendarum ratione ſeſe pro viribus accommo- dare contendunt.

Cum enim tot locis tantum ſtudio prodat Ec- cleſiaſticam rem ad priſtinam formam ſanctimo-

niamque reuocandi, & disertis verbis temporum iniquitatem hominumque duritiam accuset: nonne illius consilio is obsecundare censendus est, qui ad exemplum illud Christianorum animos adducere dirigereque studeat, quod Ecclesia omnibus seculis, per vniuersas mundi oras, consentiente Patrum omnium sententia, sanctissimum summeque salutare declarauit.

Cum Lutherum ob repudiatas pœnitentiæ exercitationes, quas perpetuo tempore Patres fidelibus tantopere commendarunt, vt ipsius Synodi verbis vtar, hæresos damnarit; quid ex eius sententia ad tantum errorem extirpandum aptius excogitare possimus, quam vt Patrum quos imitandos proponit exemplis inhæreamus, eademque remedia, quibus illi olim vsi sunt, curandis animarum vulneribus adhibeamus, in quibus primas semper tulit religiosa Eucharistiæ prætermissio.

Cum Sacerdotibus præcipiat atque interdicit, vt satisfactiones peccatis pro portione congruentes irrogent, ne si indulgentius agant alienorum peccatorum participes efficiantur: quo tandem pacto certius comminationis huius vim effugias, quam si admirabilem pœnitentiæ cum peccato æqualitatem & analogiam, quam omnes Patres docuerunt, sequare, hominique aliquantisper Christi corporis communionem mulctato, horribilis pœnæ, qua à Dei conspectu depelli æternum meruit, acerbiter repræsentantes.

Cum clauis Sacerdoti non ad soluendum modo

fed & ad ligandum concessas ex Antiquorum doctrina pronuntiet: quis molestè ferat eum in peccatoribus à Communionis vsu ad tempus prohibendis hac vti potestate, cum in ea re vniuersi Patres, quos duces sequi Synodus iubet, potestatis ligandi potissimam vim semper posuerint.

Cum Confessionem ad eum finem pertinere, vt peccati grauitati par pœnitentia referatur, constituat: quid mirum, si quemadmodum Eucharistiam mortalium peccatorum reis ante Confessionem arripere nefas est, ita nec illam attingant, antequam pœnitentiâ, ad quam refertur ipsa confessio, defunçti fuerint.

Denique cum publice peccantes ad pœnitentiam publicam adigendos, hoc est, à sacra Communionem palam arcendos planissime decernat: quispiam istam ab Eucharistia secessionem vtilissimam neget, tum ad peccatores salutifero terrore à delictis refrænandos, tum ad inflammandam in eorum animis criminum voluntaria seueritate expiandorum cupiditatem, assidue opposita eorum oculis sempiternæ excommunicationis imagine, quam temporaria excommunicatio adumbrat.



CAPVT XXXIII.

*ANTI QVVS POENITENTIAE MOS A
S. Carolo varijs modis comprobatus : ac primum Pœnitentia-
libus Canonibus in integrum restitutus , Sacerdotibusque
eos tenere ac pro norma habere iussis.*



ÆTERVM etsi tot sanctissima postremi Concilij Oecumenici decreta ab eodem quo edita sunt, hoc est, ab Ecclesiæ vniuersalis spiritu, qui à generali Patrum consensu nunquam abest, exposita, Ecclesiæ mentem abundè illustrent : Dei tamen singularis prouidentia virum sanctitate insignem, antiquæ pietatis viuum imaginem, nostræque formam excitauit, qui Concilij sententiam latius explanaret, ne ex sacri illius Cœtus breuiloquentia Sacerdotum immoderata ac perniciosa lenitas, & Peccatorum ignauus ad pœnitentiam torpor excusationem aucuparetur. S. Carolum Borromæum dico, qui cum ad coronidem Sacro Concilio addendam felicissimè incubuisset, in eiusdem decretis interpretandis & exequendis, non minorem, quoad vixit, operam posuit.

Non erit, opinor, quod querare, si Archiepiscopi illustres, eximij Cardinalis, viri denique sanctitate spectatissimi, in quo Deus tres Hierarchiæ præcipuos gradus consecrauit, auctoritatem pari lance cum tua expendendam, eoque duce & auspice censuram tuam non magnopere extimescendam arbitremur.

Quæramus igitur num doctrinæ ac leges illius eum qui antequam Eucharistiam adeat, in pœnitentiæ exercitationibus hære tantisper velit, temeritatis damnari patiantur. Eas vero ad tria præcipua capita reuocabo, ex quibus constabit, diuinum illum virum nihil aliud egisse, nisi vt ijs quæ modo commemorabamus Concilij fundamentis sua extrueret, latioraque & diffusiora eius præcepta ad certas & singulares formulas adduceret.

Primum caput, quo vno opprimi te necesse est ac liquidò coargui, cum illam à te adeò repudiatam praxim & disciplinam tanti viri sensibus consentientissimam demonstret, in eo repono, quod antiquos Pœnitentiæ Canones referendos renouandosque decreuerit.

Actorum illius Parte 4. vt quæ à Concilio Tridentino de pœnitentijs criminum grauitati quoad licet paribus imponendis tam vehementer scripta sunt, à Presbyteris ad vsum conferantur, principio quanti ponderis ea res sit præfatus, monet Sacerdotes & Parochos *vt maximè videant ne pro peccatis grauibz leuissimas pœnitentias imponant, id quod Confessoribus & Pœnitentibus periculosum est, cum id à sacris Litteris, & à Conciliorum decretis, & à SS. Patrum sententia alienum sit. Nam diuinæ litteræ ab ijs qui pœnitentiam agunt, hoc efflagitant, vt fructus dignos pœnitentiæ faciant, utque ad Dominum conuertantur in ieiunio, fletu, & planctu. Et vero qui peccatis grauibz leues quosdam pœnitentiæ modos imponunt, Hi, Canon inquit, consuunt puluillos secundum Propheticum sermo-*

*Sacrament.
S. Caroli in
Instruç. Pœ-
nit. Actor.
part. 4. p. 523.*

nem sub omni cubito manus , & faciunt ceruicalia sub capite vniuersæ ætatis ad capiendas animas. Imo Concilium Tridentinum docet alienorum peccatorum participes fieri eos Confessores , qui dum cum pœnitentibus indulgentius agunt leuissima quædam opera pro grauissimis delictis injungunt.

Quibus vocibus non leuiter moueri par est, qui de munere suo rationem se Deo reddituros ex animo cogitant. Veruntamen ne verborum illorum generalium velut inuolucris negligentiam tegerent , satisfactionum ab ipsis præscribendarum exempla apponit. *Vt , verbi gratia , pœnitens vestium sericarum usu , auri ornamento , conuiuiorum apparatu , venatione aliquo certo tempore abstineat. Ut egentibus hominibus cibum suppeditet , ac ministret : pedes item lauet. Ut peregrinos pro facultatum ratione hospitio excipiat. Ut in publica domo hospitali loco vè pio aliquot dies operam nauet. Ut visitet qui in carcere sunt , eosdem consoletur , & cum per facultates potest , alacerto præstituto tempore. Ut se per aliquot dies in Monasterium aliquod , aliumvè semotum locum abdat , ubi pœnitens vinat. Ut aliquot diebus carne , aut vino item abstineat. Ut certis diebus , præsertim feria quarta , sexta , & sabbato ieiunet : vel etiam vescatur solum pane & aquæ potu utatur. Ut certo aliquo tempore non equitet. Ut humi aliquandiu iaceat , cubetvè. Ut cilicium aliquot dies induat , & alia eiusmodi.*

Ibidem.

Pœnitentias etiam pro culparum & personarum varietate dispares à Sacerdote constitui iubet, Itavt superbis humilitatis opera , carnis voluptatem sectantibus ieiunia,

ieiunia, abſtinentiam, cilicij geſtationem, aliamque corporis macerationem pro peccati grauitate indicat. In oratione negligentibus, vt ſingulis diebus mane ſaltem & vespere orationi vacent: feria ſecunda & alijs certis ferijs pro defunctis orent: certis item definitiſque diebus deuote viſitent ſationales & præcipuæ deuotionis Eccleſias & altaria, præſertim in Quadrageſima & in Aduentu. Mundi pompas, choreas, aliaque opera Sathanæ conſectantibus eam Pœnitentiam imponet, vt in hebdomada mane certis diebus, id quod in ſingulos dies etiam faciendum eſſe grauiffime B. Chryſoſtomus monet, ſancta meditatione ſibi propoſita ſolennem illam ſponſionem quam per compatres in baptiſmo ſancte fecerunt redintegrent, intime Deum precando. In qua precatione firmo ſtabilique animi propoſito ſtatuant ſe Chriſto Domino adherere, renunciareque iterum ſeculi pompis, operibus tenebrarum, & diabolo in primis, cui ſe aduerſarios eſſe & profeſſi ſunt & proſitentur perpetuò.

Quid his præceptis ſanctius? Quid animarum Rectoribus vtilius? Neque tamen hætenus ſtetit, ſed ad ipſum fontem, ſacramque illam quam Dei Spiritu impulſus tantoperè venerabatur antiquitatem ſibi pergendum putauit. Non enim abſolutionem pœnitentiæ formam Pœſbyteris proponi poſſe intellexit, quam priſcas illas pœnitentiæ leges quas his temporibus ſine temeritatis nota ſeruare non poſſe ſumma ipſe temeritate finxiſti.

Quamobrem nouum Pœnitentiæ Canonum corpus, Decalogi etiam, quo planius & facilius forer, ordine digeſtum contexuit. Ac ne cui conſi-

Ibidem.

lium & mens ipsius obscura esset, sic eam ipse declarat: *Patres docuerunt, quam necessaria admodum sit Sacerdotibus, qui in audiendis pœnitentium confessionibus versantur, Canonum pœnitentialium scientia.*

Disce nunc tandem ex SS. Patribus & B. Carolo, sicut corporum medicis, non morborum tantum sed medicamentorum in primis est studiosè exquirenda notitia: Similiter animarum medicos maxime quidem peccatorum dignoscendorum explanandorumque artem appetere, sed multo etiam accuratius ac diligentius in remediorum, ab ijs qui curandarum animarum scientia maxime floruerunt ad eosdem morbos adhiberi solitorum, varietate perdiscenda versari oportere. Quod & ipse deinceps his verbis explanat.

Etenim si omnia quæ ad pœnitendi modum pertinent, non prudentia solum ac pietate, sed iustitia etiam metiendæ sunt: certe norma hæc E' CANONIBVS POENITENTIALIBVS (Expende has voces quibus, ut postea demonstrabimus, controuersia nostra dissoluitur) SUMMATVR OPORTET. Sunt namque ij quasi regulæ quædam, quibus cum ad culpæ commissæ gravitatem recte dignoscendam, tum AD IMPONENDAM PRO ILLIVS RATIONE VERAM POENITENTIAM Sacerdotes Confessarij ita diriguntur, ut ubi singula & quæ ad peccati magnitudinem, & quæ ad pœnitentis statum, conditionem, ætatem, intimumque cordis contriti dolorem pertinent, accuratè perpenderit, tum demum Pœnitentiam iudicio ac prudentia sua moderentur. Quod quidem semper Ecclesia tenuit,

Cencil. Si-

à qua pœnitentiæ modus nunquam ita præfinitus fuit, quin penes Episcopum esset pro eo ac pœnitens doloris, lachrymarum, ac piorum operum perseuerantia mereri videretur, aliquid de ipsius seueritate remittere.

Atque hæc quidem, omnisque alia quæ multiplex est huius necessariæ cognitionis ratio à Patribus explicata, acit, vt Canones Pœnitentiales pro Decalogi ratione dispositi, in ultimam huius Libri partem referantur, unde aliqua eorum notitia ab ipsis Confessarijs Sacerdotibus sumi possit. His postremis vocibus significans eisdem vberiore Canonum notitiam è Patrum, Conciliorumque monumentis petere oportere.

Restat vt Canonibus illis inspectis, quasnam Sacerdotibus Pœnitentiæ regulas B. Carolus proposuerit, animaduertamus.

Ac primo quidem Canones illi non crimina tantum grauißima & publica, sed quælibet mortifera peccata, nonnulla etiam minime mortifera, vt fortuitum homicidium complectuntur, vt cuius legenti patet. Quod si attendas, ne duo quidem postrema Decalogi capita prætermissa, rei que alienæ occupandæ, vel committendæ fornicationis solam cupiditatem grauißimis diuturnæ pœnitentiæ laboribus plecti: nimirum fatebere vel inuitus, effugium, quo sanctam illam disciplinam in eos solos, qui ob nefaria crimina publice pœniterent, detorquere conaris, hoc loco nisi absurdissime adhiberi non posse.

Deinde (quod diligenter obserues velim) hoc

can. can. 12.
Ancy. can. 5.
Carthag. 3.
can. 31.
Basil. ad Am.
philoch. can.
74. & 84.
Isaac Lingon.
tit. 1. can.
26. 27. 29.
Sacrament.
S. Caroli sb.

Canonum illorum vniuerforum commune est, vt Eucharistiam omnes, alij in dies aliquot, in menses alij, alij in plures annos, nonnulli etiam ad extremum vsque spiritum interdicant,

Epist. 230.

Constat enim nullam Canonibus pœnitentiam vnquam præscriptam, cuius caput Eucharistiæ intermissio non esset. Vnde Iuo Carnotensis loco supra allato, SENTENTIAM SYNODALEM eam appellat, *quæ crimina sua confitentes aliquandiu à corporis & sanguinis Christi Communione suspendit.* Hanc enim pœnam Canonica omnis pœnitentia, siue nominatim commemoretur, siue taceatur, includit.

Plerique tamen B. Caroli Canones eam disertius expressam habent. Qui sine causa necessaria in Quadragesima carne vescitur, à Paschali Communione & à carnibus edendis longo tempore prohibetur. Qui ad litem alteri intendendam gratiamque cum eo nunquam reconciliandam iureiurando seipsum adstrinxit, anno perpetuo ab Eucharistia excluditur. Peieranti apud Iudicem ad annos septem; Catholicæ fidei desertori ad decem; Sacriligo Ecclesiæ facultatum raptori ad quatuor annos Communio interdicitur. Qui vero de industria cædem fecerit, pro Ecclesiæ foribus, quoad vixerit, stare, & supremo demum die suo Eucharistiam sumere iubetur. Incestus crimen, ac Presbyteri postquam exautoratus fuerit, sacrum facientis pari pœna plectuntur. Adulteræ post decennij duntaxat pœnitentiam Eucharistia conceditur. Fœneratori

trium annorum, quorum primum aquâ tantum & pane victitet, pœnitentia decernitur. Fornicationi à duobus solutis susceptæ totidem anni describuntur; atque alijs similia multa quæ sigillatim referre longum foret.

I nunc, & zeli tui aculeos in Beatissimum Carolum conuerte. Finge legum ac disciplinæ Ecclesiasticæ perturbatorem, qui eam Sacerdotibus normam vt Sanctissimam tradiderit, quæ cum *præsens Ecclesiæ praxi* (ita enim ais) aduersa fronte confligat, quique pro lege & forma propositos eis voluerit Canones, qui *temerarium* illum, te iudice, & plane absurdum, pœnitentiæ *plures dies*, imo menses, ante *Communionem agenda morem* identidem inculcent.

Id tamen agit in primis; nec semel tantum, sed plurimis Actorum suorum locis. Nec Sacerdotibus quidquam vehementius præcipit, quam vt imponendæ pœnitentiæ modum ex veterum Canonum præscriptione definiant. Animaduertenda vero potissimum, quæ de hac re in Italica Institutione commemorat. *Sacerdotes*, inquit, *Canones Pœnitentiales teneant. Quamuis enim prudenter & consideratè pro pœnitentis dolore, hominumque varietate, alijsque circumstantijs attemperari & possint & debeant, eos tamen obseruari atque vt formam & regulam, quantum expedire videbitur, exprimi, semper laudabile est.*

Porro veteres obseruare Canones nimirum est homini pœnitentiam indicare, nec nisi post diurnas lachrymas, longumque mœrorem Commu-

Per tãto deue il Confessore sapere li Canoni Pœnitentiali; perciocche quantunque si possino, e si debbano moderare ad arbitrio di prudente e discreto Confessore, secôdo la contritione del Pœnitente, ò la qualità, e diuersità delle persone, & altre circostanze; nondimeno è bene sempre guardare li sodetti Ca-

roni & a
quelli come
a regole cō-
formar si,
quāto si giu-
dicarà spe-
diente. *At.*
Eccl. Mediol.
Part. 4. in
Infr. Con-
fess. p. 769.

Gregor. in 1.
Reg. lib. 6.

nionis gratiam indulgere. Atqui autore B. Carolo antiqui Canones semper, quantum potest, obseruandi sunt. Quæro igitur ex te quid sentias de causa quæstioneque huiusmodi. Grauibz quispiam coopertus peccatis Deo permouente, adit ad Sacerdotem: intimas animi labes aperit, orat & obtestatur, vt quam maxime salutiferam optimamque sibi curationem adhibeat. Sacerdos Scripturæ & Canonum vt iubet B. Carolus, doctrina imbutus, hinc quam diro ac nefario crimine fœdus in Baptismate cum Christo initum infringatur, pulsoque diuino Spiritu in eius locum dæmon pessimus inducatur exponit; Illinc Dei misericordiam omnes ingrati cuiusuis animi improbitates & vitia immenso quodam interuallo superare, semperque ad amplectendos, qui ad ipsam ex animo sese recipiant, paratam atque expositam. Sed cogitandum illud in primis ex Ecclesiæ sententia nequaquam satis esse, si à nequitia discedat, peccataque confiteatur, nisi eadem pœnitentiæ seueritate delere contendat. *Quid enim prodest confiteri flagitia, si confessionis vocem non sequitur afflictio pœnitentiæ?* Deinceps vt ad normam institutionemque S. Caroli propius accedat, docet pœnitentialium Canonum decretis complures ei annos antequam reconciliatione Eucharistiaque donetur, in lachrymis, gemitibus, ieiunijs atque omnigenis laboribus ac molestijs iacendum. Verumtamen antiquam illam quamuis æquissimam seueritatem benignius temperans hominem adducit, vt menses saltem aliquor

Dei exorandi, pietatisque corroborandæ gratia in pœnitentiæ exercitationes incumbat. Quo tempore Deum illi sacrificijs propitiare contendit, iuuat consilio, cohortationibus accendit, laborantem & titubantem fulcit, tentationum laqueos explicat, humilitatem pœnitentiæ congruentem fouet, peccatorum terrorem diuinæ misericordiæ fiducia minuit, suos denique gemitus ac preces cum illius gemitibus & precibus copulat, atque vt perfectum amantissimi rectoris impleat munus, pœnitentiæ illius parte defungitur. Ita aliquandiu spectatum & probatum absoluit, & sacra Communionem impartitur.

Discute paulisper oculis tuis offusam nubem. Quid tandem in eiusmodi disciplina non æquum, non sanctum, non salutiferum, non Christianæ Religionis integritatem ac pietatem spirans, non sua sponte laudandum prædicandumque reperiatur? Imo vero quid offendas cum Sanctissimi illius Archiepiscopi institutis non consentientissimum? *Sacerdotem Canones pœnitentiales tenere iubet; Hac scientia eum de quo loquor præditum volo: Pœnitenti pœnam à Canonibus præscriptam exponere; Id noster ille sedulò facit: Canones semper quantum possit obseruare; Hinc illi certissima fiducia est nihil relictius à se fieri posse, quam vt pœnitentem ad Canones saltem ex parte obseruandos impellat: censuræque tuæ securus, quæ B. Carolum magis petat quam se, ad pœnitentiam ex omnium Canonum decreto ante Communionem tantisper*

obeundam, quoscumque ita animatos nactus fuerit, cohortetur.

Hanc quidem commodam antiquæ seueritatis moderationem veraque prudentia & æquitate temperatam merito dixeris; vt videlicet pœnitentiæ sp̄atia à Canonibus præfinita minuantur: vt publica satisfactiōe, quatenus rectum videbitur, in priuatam commutata, quod vniuersa Ecclesia inspectante Patres fieri voluerunt, id Deo teste perfici satis habeatur: vt pœnitentes ne priuatim quidem sacco operiri iubeantur, quem antiquitus luce palam in omnium oculis gestare ne fœminæ quidem primariæ erubuerunt, vt de Fabiola testis est Hieronymus: vt conjuges, quemadmodum olim, segregandi non putentur: vt peccatoribus solidorum annorum ieiunia pane & aqua toleranda non indicantur: vt pro Ecclesiæ foribus non collocentur, fidelium misericordiam & deprecationem lachrymis ac gemitibus expetaturi: vt humillimis illis ac toties repetitis corporum projectionibus ad manuum impositionem publicè accedere non compellantur: vt denique imbecillitatis eorum leuandæ causa remittantur & condonentur innumera, quæ sub antiqua illa Christianarum mentium virtute ad animarum salutem fructuosissimè, ad diuinam iustitiam religiosissimè, ad Ecclesiæ exemplum efficacissimè obseruabantur.

Hæc illa est prudentia quam B. Carolus in pœnitentijs Canonicis imponendis adhiberi, earumque varietatem ad pœnitentis ordinem, ætatem, sexum,

sexum, contritionis vel remissionem vel vehemenciam accommodari iubet. Recte enim vidit interiorem dolorem nonnunquam tam acrem esse posse, vt per eum omnis exterior pœnitentia suppleatur: Sicut vicissim pœnitentiæ exterioris vis ita contenta interdum, continua, æquabilisque & constans esse potest, vt lachrymarum ac doloris interioris, qui nonnunquam obscurior est & minus notus Sacerdoti, vicem quodammodo impleat.

Atque hoc loco in mentem venit quod à Balsamone in Epistolas Basilij canonicas scriptum est. Cum militem homicidij reum post breuissimam pœnitentiam absoluisset Episcopus, Imperatorem cui tanta indulgentia minimè probaretur, Concilium à Patriarcha Constantinopolitano de reconciliatione illa haberi voluisse. Cumque Episcopus à Concilio euocatus magna vi Canonum Episcopis contrahendorum producendorumque pœnitentiæ temporum potestatem facientium se tutaretur:

Sancta Synodus, inquit Balsamon, Canones illos ad diuinum Sancti Spiritus lumen in illis reconditum exigens, milite ad pœnitentiæ vincula reuocato, Episcopo Ecclesiastici muneris vsu ad tempus interdixit; cum diceret Episcopis quidem pœnitentias Canonicas augendi ac minuendi ius esse, non tamen quæ triplici fune colliganda sint, aranearum filis implicandi.

Quare temperata illa quam prudentia sequitur Canonum moderatio, plurimum distat ab vniuersa, quam negligentia affert, eorundem dissolutio-
ne, vt ipsorum ne vestigium quidem appareat.

Η ἀγία σύ-
νοδος τὰς κα-
νόνας ὁ ἐξ ὁπο-
μοίσεως καὶ
τῆς ἐνστά-
σεως αὐτῶν ἐκ τῆς
παραχρῆσεως
μακροῦ θεοπέ-
του ἐλλαμ-
ψαι, τὸν μὲν
ἐξ ἐκ τῶν
καὶ αὐτῶν ἀ-
λευκότητος
ἐπιμύει κα-
ταχρῆσιν καὶ
πῶλλον, ὅτι
ἡ ἀρχιερεὺς
μετὰ ἀφο-
ρα μὴ ἀλλ-

ευχριστίας ἐ-
 πιπορεύοντες,
 εἰπούμενοι, ὡς
 τοῖς ἀρχιε-
 ρεῦσι καὶ ἐ-
 φέτοις αὐτοῖς
 καὶ μετὰ ταῖς
 κληρικαῖς ἐπι-
 ταγαῖς ἀρχι-
 εραῖς ὅτι με-
 τὰ τὴν δεσμεύ-
 σιν καὶ τοῖς ἐ-
 πίλοις καὶ ἐ-
 πίδοξοις.
Theod. Bal-
zan. in can.
ep. S. Basil.
can. 74.

Quam vero à fallaci ista quam inducis indulgen-
 tia B. Caroli mens atque institutum abhorruerit,
 vel illud argumento est, quod si Sacerdotibus ea
 vtendum censuisset, absurdius eos tanto studio &
 Canones cognoscere, & tum ad peccatorum gra-
 uitatem, tum ad veram delictisque congruentem
 pœnitentiam dijudicandam exploratissimam eor-
 um normam habere iussisset.

Quis enim tandem intelligat, cognitis mihi opus
 esse Canonibus, quibus fornicatori triennij pœni-
 tentia ante Communionem indicitur, vt fornica-
 torem istum ipsum Orationem Dominicam quin-
 quies recitare iussum, ad Communionem statim
 immittam? An vero Canonem quo adultero post
 decennij pœnitentiam Eucharistia conceditur te-
 nere me necesse est, vt adulterij reos posteaquam
 Psalmos pœnitentiales ter quaterve decurrere, aut
 feria sexta ieiunium iterum aut tertiò tolerare præ-
 cepero, Eucharistiam continuò porrigam? Deni-
 que si Sacerdoti eo ipso quo flagitia confessus fue-
 rit, aut postero die sacrum peragendi potestatem
 fecero; an S. Caroli ei post tale crimen pœniten-
 tiam decennalem irrogantis normam executus vi-
 debor?

Sed in re perspicua diutius morari nihil attinet.
 Ipsa quam prodis Canonum istorum ignoratio,
 opinioque quam præ te fers, eorum notitiam ad
 regendas animas superuacaneam, imo noxiam ha-
 bendam, quod à vulgari praxi nimium absit, pror-
 sus indicat, te in hominum qui ad Deum sese reci-

pere velint, instituendorum ratione, à S. Caroli & Patrum quorum vestigia ille persecutus est, animo ac sententia penitus abhorrere.

Quocirca, vt hoc tandem Caput concludam, grauissimas regulas, quas Beatissimus ille Archiepiscopus, vt alijs traderet, è Traditionis Ecclesiasticæ fontibus hauserat, ob oculos tibi ponere satis fuerit.

Earum prima est, Canones antiquaque Conciliorum & Patrum de peccatis puniendis instituta cognita perspectaque esse oportere, vt pœnitentiæ tribunal ac munus probè administretur. Hinc vetus illud clarissimi Pontificis decretum in Canonum Corpus insertum, *Nulli Sacerdotum suos liceat Canones ignorare, nec quicquam facere, quod Patrum regulis possit obuiare.*

*Celestin. ep.
3. c. 1.*

Altera est, iuris ex tribunali illo dicendi formam & rationem à Canonibus petendam: nec ijsvendum ad culparum grauitatem tantum pernoscendam, sed & ad veram pro peccati cuiusque modo constituendam pœnitentiam. Vnde Gregorius scripsimus *falsas eas Pœnitentias pronuntiat, quæ non secundum auctoritatem SS. Patrum pro qualitate criminum imponuntur.* Et Isaacius Lingonensis Episcopus Canonum qui ad pœnitentes pertinent titulum his præclaris vocibus claudit: *Qualis vero peccatis adhibenda sit medicina secundum Canonum authenticorum & Sanctorum Patrum esse debet institutionem, & non secundum placitum hominis, sed secundum Dei voluntatem. Nec in hac parte voluntas aut gratia hominis sectan-*

*Greg. VII. in
Conc. Rom. 5.*


*Isaac. Ling.
in can. tit. 1.
can. ult.*

da est, sed voluntas Dei in omnibus exquirenda : quatenus dignis precibus & pœnitundine digna placare possit Omnipotentis Dei vindictam quam suo vitio prouocauit.

Tertia regula est, tametsi Canonum seueritas ex pœnitentis contritione, ætate, viribus, aliisque affectionibus temperari possit & debeat, eos tamen vt diserte iubet B. Carolus, *semper quantum potest, esse obseruandos.* Ex quo intelligitur, cum qui homines ad pœnitentiæ exercitationes ante Communionem, vt vniuersi præcipiunt Canones, demissis animis tantisper subeundas adducit, non vituperatione vlla, sed æterna Dei hominumque laude dignum haberi oportere.

CAPVT XXXIV.

SECUNDVM ARGVMENTVM EX EO PETI, quod B. Carolus peccatoribus publicis publicam pœnitentiam decreuerit.



SECUNDVM argumentum vnde B. Caroli acerrimum in veteri pœnitentia restituenda studium perspicitur, illud est; quod salutare Concilij Tridentini decretum de peccatoribus publicis ad publicam pœnitentiam adigendis sæpius repetitis sanctionibus renouauit.

Concil. Mediol. I. de Pœnit. p. 11.

In primo Mediolanensi Concilio à Sede Apostolica confirmato ea de re vna cum Prouinciæ suæ Antistibus ita loquitur: *Idem (Confessores) quemad-*

modum à S. Tridentina Synodo iussum est, publicè peccantibus publicam pœnitentiam imponant : neque illud publicæ pœnitentiæ genus nisi data ab Episcopo facultate secreta alia pœna commutare audeant.

Quod idem decretum in tertio Prouinciali Concilio iteratum est. Idque in Libro qui *Sacramentale* inscribitur, Sacerdotes exequi in primis monet. Si quis igitur, inquit, grauiter publiceque peccarit : cum publicam pœnitentiam restituendam esse sacra Tridentina Synodus decernat, ei publicam pro ratione criminis imponet. Si cui autem cum publicè offenderit, pœnitentia publica imponenda est, is ab ea longe refugiat ; ne desistat propterea persuadere, ut suscipiat : si minus persuasionibus potest, consulat Archiepiscopum.

*Sacrament.
S. Caroli.
Act. part.
4. f. 523.*

Denique in eximia Institutione, quam Diœcesis suæ Confessarijs lingua vernacula scriptam edidit, quæque in Actorum ipsius 4. Parte habetur, idem illis ex Concilio Tridentino, duobusque suis Concilijs Prouincialibus inculcat, additque expressis verbis ut in Concilio primo : *Non committat Sacerdos ut sine certa potestate à nobis accepta, pœnitentiam publicam in priuatam commutet.*

Nè commutati dette satisfattioni, ò Pœnitente publiche, senza auerene da noi espressa facultà. Actor. part. 4. p. 769.

Quodque etiam grauius est, in ijs ad quæ seruanda *Regulares*, si opus erit, nulla immunitatum ac priuilegiolorum habita ratione, declarat ab Episcopo esse cogendos, illud annumerat in primis, *Ne relaxent publicam pœnitentiam sine Episcopi consensu.* Ita decreti huius æquissimi autoritate Regularis quisque quamlibet se ab Episcopi iure immunem prædicet, ab illo tamen ad utilissimam Concilij de pœ-

*Act. part. 4.
Instruct. Visitat. p. 668.*

nitentia publica restituenda legem obseruandam pro potestate compelli potest. Ex quo patet instaurationem istam pœnitentiæ, quam tantoperè improbas, vsque adeo Ecclesiæ vniuersæ salutarem visam, vt nulla esset tanta immunitas ac libertas quæ impedimentum ei ac moram afferre posset.

Equidem tot decreta toties iterata præclare indicant quam vehementi studio ad veterem illam quam confidentissimè damnas, *Ecclesiæque præsentis*, vt tuis verbis vtar; sensui in primis contrariam existimas, pœnitentiam redintegrandam vir ille sanctissimus contenderet. Ita enim necessarium duxit, insigniores quosque peccatores ad eam adstringi, & crimina publicè admissa (quæ in tam corrupta ætate nimio plus quotidiana sunt) laboriosis pœnitentiæ publicæ exercitationibus cogi eluere, vt nullis Sacerdotibus, ne ijs quidem qui ab ipsius imperio immunes forent, integrum esse voluerit, eos illis exoluere ac liberare; vt tanto minus loci disciplinæ resoluendæ pateret, omnisque opera adhiberetur, ne per prauam Sacerdotum indulgentiam vniuersa sua decreta irrita iacerent. Nihil enim in disciplinam Ecclesiasticam tantam labem inuexit, quantam Sacerdotum in Canonum præscriptionibus remittendis ac relaxandis voluntaria & inconsulta licentia. Huic tanto malo quam maxima potuit diligentia vir diuinus occurrit, pœnitentiæque veteris illam instaurationem quam studiosissimè stabilire firmareque conatus est. Idem enim Dei Spiritus cuius instinctu Tridentina Synodus disci-

plinam illam iam intermortuam excitauerat, quanti ea esset ipsum edocuerat. Præclare ergo intelligebat, horrendam istam vitiorum, vt ita dicam, eluuiionem, quæ se postrema hac ætate tanto impetu effudit, cohiberi aliter ac fisti nullo modo posse; cumque Presbyterorum negligentia, de qua toties conqueritur, Christianorum vitæ ac morum omnigena deprauatio potissimum foueatur, tam grauis mali medicinam nonnisi à contrarijs rebus petendam; exitiosæque illi lenitati vitiorum altrici opponendam iustam seueritatem, quâ fontes criminum suorum grauitatis cognitionem sensumque perciperent.

Quis iam non miretur cogitationes tam æquas, tam sanctas, tam Euangelicæ integritati consentaneas Cenforum hodie aculeos effugere non posse? Ecclesiæ Pastoribus, & ijs quidem quorum pietas spectata est omnibus & probata, crimini dari, quod antiquæ disciplinæ, cuius instaurationem vniuersis Pastoribus postremi Concilij oraculo Spiritus Sanctus indixit, vmbram & speciem nonnullam Deo mire obsecundante reuocarint? A priuatis hominibus audacter damnari, quod ab Episcopis sacrosanctæ autoritatis testimonio comprobatur; quod à Deo varijs gratiæ sancitur miraculis; quod ab Angelis non iam de vnius peccatoris sed de innumerabilium conuersione exultantibus in cælo celebratur; quod fidelis populi cætus tanto studio amplectitur, alijs præsentissimum vulnerum suorum remedium, alijs pietatis incentiuum, vir-

Tertull. de
Virg. veland.
c. 3.

tutisque firmamentum, omnes diuinorum munerum vberimum fontem agnoscentibus; quod denique ipsi Ecclesiæ hostes cum quodam admirationis ac reuerentiæ sensu intuentur. Enimuero qui eo animo sunt, vt quod aliorum omnium laude & gratulatione dignissimum est, ipsis odio & scandalo sit, harum Tertulliani vocum vim metuant: *Bonæ res neminem scandalisunt nisi malam mentem. Agnoscant malum suum qui de tali bono scandalisuntur.*

CAPVT XXXV.

TERTIO IDIPSVM OSTENDVNT LEGES complures quas S. Carolus in Sacramento Pœnitentiæ administrando religiosè obseruari voluit: Ac primum de differenda eorum absolutione, qui vestium luxu & immoderatione labuntur.



TERTIA denique ac postrema S. Caroli institutorum animaduersio planum faciet, etiam in priuatæ pœnitentiæ atque in criminum non publicorum nec probroforum causis si è centum peccatoribus qui se mortiferis delictis inquinatos confitentur tres aut quatuor fortassis excipias, cæteros omnes diuinis Sanctissimi Præsulis legibus ad agendam pœnitentiam adigendos esse antequam absolutionem consequantur.

Quod vt demonstrum, quatuor Regulas afferam è pluribus eiusdem generis, quas de multorum tum è Clero, tum ex varijs Regularium ordinibus Theologorum sententia, Presbyteris omnibus in Sacramento

Sacramento Pœnitentiæ administrando religiosè obseruandas descripsit. *Vt norint, inquit, Confessarij non conferendum ijs absolutionis beneficium qui re vera ea indigni sunt (quod per incogitantiam , vel negligentiam , vel alia ex causa plerumque contingit , unde fit vt quam plurimi in ijsdem peccatis cum ingenti animarum suarum exitio longo tempore perseuerent) nos de consilio multorum tum ex Clero , tum ex varijs Regularium familijs Theologorum , quid in ijs casibus qui frequentius incurrunt obseruari debeat , infrà notauimus.*

Ex quibus primum illud considerabimus quod ad eos spectat , qui nimio & immodesto vestium vsu grauter peccant , ^a quorum S. Carolus in posterum differri absolutionem iubet , quoad certo tempore vera emendationis signa ediderint. Cuius decreti hanc affert causam , ^b *quod his temporibus luxus iste eò processit , vt iam ultra quo progrediatur non habeat : idque magnam partem culpa & negligentia Confessorum , qui sine ulla circumspeditione , ac fortassis ne admonitis quidem omnino ea de re pœnitentibus eos absoluant.* Ex quo patet præproperis illis absolutionibus ad fouendam vitiorum consuetudinem perniciosius nihil esse . contraque nihil aptius ad eam minuendam , quam vt ex Patrum more adeo tibi inuiso ad agendam aliquandiu pœnitentiam ablegentur , neque prius absoluantur quam veris vitæ emendatæ argumentis animi conuersionem testatam fecerint.

sione , le quali nel superfluo ornato del corpo e pompe peccano mortalmente. *Ab. part. 4. Instrucl. Conf. ff. p. 766.* ^b Et perche sono ridotte le Pompe di questi tempi nel maggior colmo che possono essere , & in bona parte per colpa negligentia di Confessori ; li quali senza consideratione alcuna , e forse senza farne conscienza alli Penitenti , gli assoluono , &c. *Ibidem.*

Accioche li Confessori siano instrutti di nõ dare il beneficio dell'assoluzione a quelli , che veramente ne sono indegni , come per inconsideratione , ò negligentia o altra causa spesso accade , d'onde nasce che molti perseuerano longo tempo nelli medesimi peccati con mirabile ruine delle anime loro , per questo habbiamo cõ il parere de molti Theologi secolari & Regolari di varie Congregationi , notato qui à basso quello che si deue offeruare da li Confessori in alcuni casi più frequentissimi. *Ab. part. 4. in Instrucl. Conf. p. 765.*
^a L'istesso s'offeruicon quelle per-

CAPVT XXXVI.

*ALTERA LEX A S. CAROLO PRESBYTERIS
lata, De peccandi occasionibus ante absolutionem tollendis.
Quantopere proximarum peccandi occasionum dijudicanda-
rum doctrinam nuperi Theologiæ Moralis Scriptores corrup-
perint.*

Non si pos-
sono pari-
mente assol-
uere, chi nò
hanno vera
risoluzione
di lasciare
insieme con
li peccati
mortalì, le
occasioni
d'essi. *Actor.*
part 4. In-
strutt. Con-
fess. p. 769.



ALTERAM D. Carolus regulam sta-
tuit: satis non habendum, peccatori
certum & constitutum esse à peccato
mortali sese abstinere, nisi & occasio-
nes quæ eòdem ducant studiose decli-
net: parumque videri ut se facturum spondeat,
maxime si promissis iam non steterit, sed absolu-
tionem differendam, quoad reipsa ab illis se pec-
candi illecebris expedierit.

Quam doctrinam oratione quidem ac thesi sa-
tis vulgarem fateor: sed res ipsa optare cogit & fi-
deliorem eius usum & intellectum expositionem-
que veriore atque Euangelij decretis magis con-
sentaneam, quam quæ ab ijs qui de fidelium mo-
ribus dirigendis præcipiunt, afferri solet.

Quid enim attinet generatim negare absoluen-
dos qui peccandi occasiones non declinent, si præ-
posteris argutijs efficias, ut vix vnquam dicere li-
ceat hominem in proxima peccandi occasione ver-
sari: ac sicubi forte id acciderit, quibuscumque cau-
sis quantumuis inanibus & commentitijs eam defu-
giendi necessitate illum exoluas? Hoc vero est,
quod istorum plerique moliuntur.

Nam nec haberi volunt peccandi occasionem quam declinare necesse sit, nisi quæ in mortiferum peccatum inducat, semper, aut ferè semper, aut saltem sæpissimè, & quæ *nunquam aut rarò* eueniat, quin scelus consequatur. Itaque est in eorum numero cui proxima peccandi occasio non videatur, *Si quis bis, vel semel in mense peccet cum illa cum qua domi cohabitat: nam sic, inquit, posset peccare cum extranea.* Quasi vero detestanda crimina non sint, nisi quotidie admittantur; & fornicatio vnica minus valeat hominem à fruendo Deo æternùm excludere.

Et vero affirmant (vt vnus eorum qui nuper admodum scripsit refert ac probat) Absolui posse qui in peccandi occasione hærent, velut qui *versantur inter mulieres quasi semper emendo, vendendo, laborando, & conuersando absque cohabitatione illarum in domo eadem, tamen cum his peccant sæpius voluntate, verbis & tactibus impudicis, etiam cum copula: ET SI OFFICIO, DOMO, NEGOTIATIONE DISCEDERE NOLINT, IN QVA PERICVLVM PECCANDI PROPINQVE IMMINET, MODO HABEANT EIVS REI PROBABILEM CAUSAM: vti id præstare non queant, quin in sermonem hominum veniant, aut ipsi aliquo afficiantur incommodo.*

Bauny in
Gallica pec-
catoris Sum-
ma prime
Edit. p. 798.

En quemadmodum homines adducuntur vt in sceleribus & flagitijs consenescant, dum leuissimo incommodi proposito periculo in quibusuis eorum occasionibus iacere sinuntur: perinde quasi

non ipsa veritas edixerit vniuersi etiam orbis possessionem pro nihilo putandam vbi animæ salus agatur.

Bauny ibid.
p. 702. Quod
etiam reperit
Theolog. Moral.
Tract. 4.
q. 1. p. 94.

Videndum vero quibus tandem rationum momentis tam noxia doctrina nitatur. *Cur autem?* (inquit idem Autor) *Quia præceptum de euitanda occasione quæ quasi certò ad flagitium homines inducit, est affirmatiuum aut negatiuum. Si primum, IN TALI NECESSITATE* (hoc est, vbi hominum sermo, aut aliquod incommodum consequeretur) *OBLIGARE NON POTEST. Si secundum, non intelligitur vim habere nisi in eo casu quo quis ultro in peccandi occasionem se coniicit, aut libenter in ea perseuerat, si repente & inconsulto in illam inciderit. At vero quod ad negotiationem & habitationem pertinet, quæ sine scandalo* (hoc est sine hominum rumore & incommodo) *dimitti non queunt, pericula peccandi quæ cum ijs conjuncta sunt quæri non videntur, neque in eo sensu voluntaria esse quasi vitari possint sine honoris vel bonorum temporalium detrimento. Ex quo sequitur nullam in eo esse culpam ex quarta iuris Regula: Quod non est licitum in lege, necessitas facit licitum.*

Si hæc ratio valeat, nihil iam nec Decalogo, nec Euangelio superest loci. Rogo enim quemuis hominem, paulisper attendat quæ res tandem agatur. Nempe quæritur quid valeat præceptum *de occasione* ferè certa peccandi mortaliter euitanda (hæc enim ipsa est ab Autore illo posita quæstio) Hoc ergo præceptum (quod nemo non videt voluntariam & mutabilem legem nequaquam esse, sed naturalem,

diuinam , immutabilem & æternam) *negant posse obligare* (notentur hæc verba) *in tali necessitate ut seruari non possit , quin in sermonem hominum venias , aut aliquo afficiaris incommodo.* Cui tandem vnquam audita Theologia hæc, Dei leges OBLIGARE NON POSSE, nisi vbi libeat, ac sine incommodo fieri possit? Quæ si semel probata fuerit, quodnam reperiatur vel legis naturæ, vel Christianæ pietatis officium, à quo se passim homines seculo & carni addicti recte solutos ac liberos non arbitrentur.

Atque adeo ex hoc eodem pestilenti riuulo manat quod idem Autor ibidem docet, non peccare seruos & ancillas qui heris suis ad libidines ministros & adiutores se præbeant, *qui ferunt nuntia, qui deferunt litteras , qui referunt hinc inde horam ad peccandum , cæteraque infamis commercij obeunt, modo id fiat propter temporalem commoditatem .* nimium sordida & abjecta temporalis lucri cupiditas, quæ ex veris Christianæ doctrinæ principijs virtutes ipsas in vitia conuertit, ex autoris huius sententia, vitia vel fœdissima honestat, & flagitiosissimas actiones culpa liberat.

*Bauny in
Gallica pec-
catorum Sum-
ma 1. Edit.
p. 710.*

Quam vero lugendum ac deplorandum spretis decretis Christi ipsius ore prolatis, Euangelicarum præceptionum loco prorsus contrarias dirigendis moribus formulas obtrudi? Quid enim ad perniciosam istam orationem *neminem ad proximas Et pene certas peccandi mortaliter occasiones euitandas obligari, cum id facere non potest, quin sermonem hominum commoueat , aut aliquo afficiatur incommodo :* Quid, in-

446 DE FREQUENTI COMMUNIONE.

Matth. 18. v.

8. Et 5. v.

29. Et Marc.

9. v. 44.

quam, ad exitiosum dogma istud funditus evertendum his Christi verbis ter in Euangelio repetitis clarius desiderari queat: *Si manus tua, vel pes tuus scandalizat te* (hoc est, si ruinæ & perditionis occasio sit) *abscide eum & projice abs te: bonum est tibi ad vitam ingredi debitam vel claudam, quam duas manus, vel duos pedes habentem mitti in gehennam ignis. Et si oculus tuus scandalizat te, erue eum & projice abs te: bonum est tibi cum uno oculo in vitam intrare, quam duos oculos habentem mitti in gehennam ignis.*

Matth. 5.
v. 30.

Quicquid tandem per manum, pedem, oculum Christus intelligi voluerit, non aliud profecto quam res charissimas, & quibus sine maximo incommodo carere non possumus, intellexisse Patres docent, quandoquidem ex omnibus corporis partibus eas potissimum selegerit, quæ ad omnes vitæ functiones usum maxime frequentem habeant, & quarum iacturam acerbissimè ferre soleamus. Nec vero solam manum, sed & manum dexteram alibi appellat, *Si dextera manus tua scandalizat te*, quo magis rei qualiscumque tandem per manum significatæ utilitatem & necessitatem exprimeret. Et tamen aperte pronuntiat res adeo utiles ac necessarias procul amouendas, si à pietatis studio auocent, ac ruinæ occasionem afferant: nec tantum amouendas, sed vim etiam atque violentiam adhibendam, quam eruendi, abscindendi, amputandi, Chrysostomo interprete, verba significant. *Et si*, inquit S. Doctor, *tantum aliquem diligas, ut eo dextri oculi utaris vice: aut ita tibi quempiam esse utilem putes, ut*

Chrys. hom.
27. in Matth.

eum dextræ manus ducas loco, & hi tamen animæ tuæ fortassis incommodent: etiam istos à te abscinde. Et quidem vim sermonis obserua. Non enim dixit, A talium societate discede: sed maximam separationem indicans, Erue, inquit, ac projice abs te. Quam in primis re comprobatur illud Christi: A diebus Ioannis Baptiste *Matth. II.*
regnum cælorum vim patitur, & violenti rapiunt illud.

Si quis igitur persuadere iam velit, saluis Evangelij legibus liberum cuius esse, in proximis & fere certis peccandi occasionibus permanere, ubi eas sine suo incommodo vitare nequibit, antea probet oportet, cum qui oculum eruat, dextramve manum abscindat, inutilia corporis membra quorum iactura nihil incommodi habeat abijcere.

Atque hæc sunt humanæ mentis aberrationes, ubi à diuino Scripturarum lumine discessit. Et quidem Phariseos Christus arguit traditionibus voluntarijs mandata Dei soluisse, quæ istis tolerabiliores videri possint, cum ad honorem saltem Deo habendum, donorum, quæ parentibus eriperentur, oblatione pertinerent. Sed cum indiuiduo nexu coniuncta sint quæ in proximum conferuntur, & quæ nobis ipsis adhibenda sunt charitatis officia, mirandum non est, si quâ manu per nefarium vsuræ patrocinium charitas proximi violatur, ea ipsa per exitiosas istas doctrinas quam sibi quisque & salutis suæ debet, charitatem funditus euerri.

CAPVT XXXVII.

TERTIA S. CAROLI LEX. CVM PLERIQUE sint quibus suscepta vitæ conditio, etsi sua sponte innoxia, peccandi causas afferat, absolvendos eos non esse, nisi aut illam dimittant, aut saltem certo temporis spatio non obscura veræ emendationis testimonia dederint. Quam grauitervir Sanctus conqueratur, Confessorum socordia innumeras in omne artium & professionum genus corruptelas irrepsisse.



ERVM vt ad institutam de S. Carolo orationem redeamus, planumque faciamus quam illius doctrina ab istis Euangelicæ veritatis deprauationibus abhorreat: consideranda paulisper tertia eius regula, quæ in explicando declinandarum peccati occasionum officio longius etiam progreditur, vt ex præclaris his verbis liquet.

Occasioni
di peccati
mortali nel
secondo or-
dine, cioè
per rispetto
d'ella perso-
na, sono
quelle cose,
lequali ben-
che siano in
se licite, nõ-
dimeno ra-
gione uol-
mète si giu-
dica, che il
confitente
tornara alli
medesimi
peccati, che
già in quel-
le à cõmes-

Sunt alia, inquit, peccandi occasiones, quæ suapte natura quidem tales non sunt, sed hominum quorundam ratione: velut pleræque res per se licitæ in quibus si pœnitens hæreat, vt antea fecit, merito ijsdem rursus criminibus implicandus videatur. Tales plerique sunt temporum iniquitate ac vitio, militia, mercatura, magistratus, causidicorum & procuratorum munia, aliaque eiusmodi, in quibus qui sæpe mortaliter peccare consuevit, blasphemijs, furtis, iniquis iudicijs, calumnijs, odijs, fraudibus, periurijs, aliisque similibus culpis, exploratum habet, si in eadem professione permaneat, easdem sibi peccandi occasiones euenturas, neque vero credendum, plus sibi vitium ad peccatum vitandum fore, quam prius habuerit, ideoque

ideoque in eadem peccata prolapsurum. Quamobrem eiusmodi homines aut vitæ rationes sibi adeo periculosas deponere debent, aut certè in ijs non versari, nisi de pij prudentisque Sacerdotis consilio, qui neminem sic affectum absolueret debet, vt probabile censeat in eadem peccata recasurum, si in iisdem occasionibus perseueret, sed certum temporis spatium sumere ad emendationem illius explorandam. Atque hic eo magis euigilandum est, excubandumque animo, quod Confessorum culpa & inertia factum videmus, vt in plerisque artibus & professionibus, innumera corruptelæ, & grauissima delicta passim vigeant, sine quibus res alioquin iustissimæ iam à paucis admodum factitari posse videantur. Euigilemus tandem aliquando vt Sanctus vir iubet, & cum illo tria hæc, vel grauissima expendamus.

so, se in esse perseuera, come per il pallato a fatto. Tale a molti sogliono essere per la corruttela del mondo, la militia, la mercantia, li magistrati, l'auuocare, il procurare, & altri simili essercitij, nelli quali l'huomo che è abituato a peccare spesso mortalmente, in bestemmie, furti, ingiustitiaz, caloni-

nie, odij, fraudi, pergiuri, & altre simili offese di Dio, fa che perseuerando in tali essercitij, gli occorreranno le medesime occasioni; ne vi è ragione di pentire, ch' egli habbia a essere piu forte contra il peccato, che nel passato sia stato, & consequentemente ritornerà a gl' istessi peccati. Però i tali deuono, come dice sant' Agostino, ò lasciare l'essercitio a loro pericoloso, ò almeno non essercitarlo senza licenza, & obediencia d'un buono & intelligente Sacerdote: Il quale non deue assolvere l'huomo in tale stato, se ha opinione ragioneuole, che sia per ritornare alli medesimi peccati, quando perseueri n'ella medesima occasione, però deue far proua della sua emendatione per alcun tempo. Et in questo è d'aprire gli occhi tanto più, quanto che il difetto in questa parte de i Confessori, fa che quasi in tutte le arti, & essercitij regnino molti abusi, e peccati grauissimi: senza liquali pare per questo che hoggidi molti non sappino essercitare anco le cose in se stesse giustissime. *S. Carol. Act. part. 4. Instr. Conf. p. 767.*

Primum: Quam exitialis Deo iudice Confessorum illorum negligentia sit, qui nihil aliud sibi in pœnitentiæ tribunali negotij esse existimant, quam vt obuios quosque statim vt peccata effuderint, præproperea festinatione absoluant. Affirmare enim non veretur vir Sanctissimus ab hoc fonte profluxisse innumerabiles abusus & corruptelas, quarum contagio latius manans artes omnes &

professiones ita infecerit, ut iam à plerisque sine certa pernicie tractari non possint. O vocem animaduersione dignissimam, & in omnibus Confessorum tribunalibus inscribendam, ut perpetuo doceantur, quantum oneris sustineant, & quanta cum animarum pernicie nimia in eo lenitate peccetur. Nihil addo amplius. Gemitibus tanta mala sunt prosequenda, non verbis.

Alterum animaduertendum est, S. Carolum sapienter admodum existimasse, cum remedia morborum causis contraria esse oporteat, nullum auertendis malis quæ Confessorum incuria peperit, accommodatius reperiri posse, quam si inconsiderata illa facilitas grauissimos quosque peccatores absoluerit, nulla probabili emendationis spe proposita reprimatur: nec Presbyteris liceat priusquam certa vitæ in melius commutatæ argumenta viderint, sacra eos absolutione dignari.

Ac vide quam latè pateat hæc regula, quamque ad multos pertineat. Cum enim S. Carolus censeat vix ullam esse artem aut professionem, in quâ innumeris abusus & grauissima peccata non dominantur, si quemadmodum lege illius iustissima sanctissimaque præscribitur, omnium differenda est absolutio, quos istiusmodi peccatis impeditos reperiatis, neque idoneam habeas causam sperandi, ab illis in posterum sese expedituros: quam paucitandem erunt mortiferorum criminum rei quos statim ut confessi fuerint absolueri liceat, cum ea peccata magnam partem ab hominibus ita

in seculo implicatis atque irretitis committantur.

Tertium denique illud animaduersione dignissimum est, statui à viro sanctissimo, quoscumque instituta vitæ professio ijs peccatis illaqueat, ad quæ deuitanda minus firmos se ac valentes sentiunt, eam illis vel omninò abijciendam, vel non nisi maiore consilio, multisque cautionibus adhibitis retinendam. Nec vero consilium hoc ad morum disciplinam grauissimum, ab illo primum excogitatum est, sed summæ legis vim perpetuò in Ecclesia obtinuit, extraque illam susceptæ pœnitentiæ falsæ omnes sunt habitæ.

Ita enim censuit Synodus Oecumenica Lateranensis sub Innocentio II. cum Episcopis & Presbyteris admonitis de re quæ sanctam maxime perturbaret Can. 22.
Ecclesiam, ne videlicet falsis pœnitentijs Laicorum animas decipi, & in infernum pertrahi patiantur: Falsa, inquit, sit pœnitentia, cum pœnitens ab officio vel curiali, vel negotiali non recedit, quod sine peccato agi nulla ratione præualeat.

Atque antiquior Synodus Romæ habita sub Gregorio VII. ita loquitur: *Quicumque miles, vel negotiator, vel alicui officio deditus, quod sine peccato exerceri non possit, si culpis grauioribus irretitus ad pœnitentiam venerit. cognoscat se veram pœnitentiam non posse peragere nisi arma deponat, vltcriusque non ferat nisi consilio religiosorum Episcoporum pro defendenda iustitia, vel negotium relinquat, vel officium deserat.*

*Gen. Rom. 5.
 sub Greg. 7.*

Greg. hom.
24 in Euang.

Multum etiam antea Gregorius Magnus eandem hac de re sententiam tulit. *Sunt enim, inquit, pleraque negotia quæ sine peccato exhiberi, aut vix, aut nullatenus possunt. Quæ ergo ad peccatum implicant, ad hæc necesse est ut post conuersionem animus non recurrat.*

Quæ omnia fidem faciunt non abs re à nobis in prima huius Operis parte significatum, multis tenuem admodum ac propè nullam salutis spem subesse, nisi à seculi penitus societate discedant, seque à funestis quibus in peccati seruitute detinentur, ad eamque etiam tum cum extricare se volunt, velut inuiti retrahuntur, laqueis expediant.

CAPVT XXXVIII.

QUARTA S. CAROLI REGVLA. ABSOLVENDOS non esse quos Presbyter merito existimat in eadem peccata de- nuò lapsuros, quantumvis profiteantur ac spondeant ea se deinceps non admissuros.



LTIMA superest Sancti Antistitis regula, qua planius etiam constabit, quam multi sint quorum absolutio- nem Sacerdos, si ministerio suo abuti nolit, differre in posterum debeat.

Confessarios, inquit, monitos volumus, ut ijs quos peccata non dimissuros probabiliter existimabunt, quantumvis polliceantur ac spondeant ea se dimissuros, absolutio- nem procrastinent, quoad emendationem perspexerint. Nec non ijs qui per multos annos in eadem peccata prolapsi erunt, neque operam ullam ad correctionem vitæ contulerint.

Si differisca-
anco l'asso-
lutione, fin-
che si vede
qualche e-
médatione,
a quelli che
quantunque
dichino, &
promettino
di lasciar
il peccato,

Intuere nunc animo immensam hominum turbam solenniori quoque die festo ad Sacerdotum genua procumbentem. Ex quibus si pauculos quosdam in quibus Euangelicæ sanctitatis reliquias Deus conseruat, adeoque à lethalibus culpis, quæ in vitam verè Christianam non cadunt, immunes præstat, exceperis: ipse judica, quantuli futuri sint, in quos illa D. Caroli regula non conueniat, hoc est, quos probabiliter existimari liceat, grauitè peccandi finem facturos: imò qui multis jam annis in eodem flagitiorum luto non hæserint.

nondimeno il confessore giudica probabilmente, che non lo laschiarono & a quelli che molti anni hanno perseverato, & sono ricaduti nelli medesimi peccati, ne hanno fatto diligenza alcuna d'emendarli.

S. Carol. in Instruct. Confess. fol. 766. Act. part. 4.

Ingentem seculi nostri labem ac corruptelam nimium ignoret, qui secus opinetur. Sed ne in odiosissimum locum me committam, satis habeo in præsentia ex Sancti Caroli verbis duo excerpere, quæ ad Sacerdotis officium sanctè administrandum maximi momenti videntur.

CAPVT XXXIX.

DVO POSTREMÆ D. CAROLI REGVLÆ
corollaria: Quorum primum, breues & ad tempus
conuersiones non injurià falsas videri.



PRIMUM obseruandum; ex eo quod S. Carolus eos absolui vetat, quos in peccata relapsuros probabilis suspicio sit, facilè intelligi, non satis ei visum pœnitentem à peccato recedere velle (quod & planis verbis paulò antè negarat) sed prætereà necesse est, vt Sacerdos rectè judicare possit, illum in proposito mansurum, neque deinceps iis-

dem peccatis volutandum. Quod cum vix nisi factis experientiâque cognosci queat, meritò vir Sanctus censuit, sæpè differendam in aliud tempus absolutionem, quoad pœnitens se ex peccatorum cœno verè emerfisse emendatæ vitæ testimonio fidem fecerit.

Qua in re illud vnum Sanctissimo Præsuli propositum fuisse intelligimus, vt, quod à Gregorio Magno probis omnibus Pastoribus præcipitur, Sanctorum Patrum mentem studiosè affectaretur, nec ab eorum vestigiis vsquam discederet. Et si enim contingere possit, vt quem peccatorum verè pœnituerit, ad ea denuò se referat, fœdusque sit in primis nostratium Hæreticorum error, neminem qui gratiam & sanctitatem à Deo semel acceperit, ab ea excidere posse: tamen Sanctos Patres ab eorum opinione, qui criminum conuersionumque veriorum vicissitudinem, rem vulgarem & quotidianam censent, tam longè abfuisse constat, vt seculis pluribus post baptismum lapsis agendæ pœnitentiæ potestatem semel tantum fecerint. Et si enim doctrinæ Catholicæ, quam à Concilio Tridentino stabilitam videmus, concessam Ecclesiæ à Christo potestatem vt lapsis peccata remittere queat, quotiescumque ad ipsam cum vero pœnitentiæ sensu confugerint, explorata penes eos veritas esset: In huius tamen potestatis vsu prudentiam cautionemque maximam adhibendam censebant: ne peccatoribus pœnitentia ludendi, seque ipsos primum, deinde Ecclesiam vanis & ementitis

*Concil. Trid.
Sess. 14. c. 2.*

conuerſionibus decipiendi occaſio præberetur. Si enim, inquit Ambroſius, *verè agerent pœnitentiam, iterandam poſteà non putarent.*

*Ambroſ. lib. 2.
de Pœnit. c. 2.*

Quamobrem cum quidam ſub ſeculi ſexti finem peccatorum & confeſſionum perpetuam iſtam replicationem iterationemque in Hiſpaniam inducerent, Concilium Toletanum III. pronunciare non veretur, hoc eſſe *ſœdiſſimè agere pœnitentiam*, coërcendamque execrabilem eorum præſumptionem, qui quoties peccare libuerit, toties à Presbyteris ſereconciliari velint. *Quoniam*, inquit, *comperimus, per quaſdam Hiſpaniarum Eccleſias, non ſecundùm Canones, ſED FOEDISSIME PRO SVIS PECCATIS HOMINES AGERE POENITENTIAM, VT QVOTIES PECCARE LIBVERIT, TOTIES A PRESBYTERIS SE RECONCILIARI POSTVLENT: IDEO PRO COERCENDA TAM EXECRABILI PRÆSUMPTIONE, id à ſancto Concilio jubetur, vt ſecundùm formam Canonum antiquorum detur Pœnitentia.*

*Concil. Toletan. III.
ſub Pelagio
2. can. 11.*

Ex quo patet ſanctiſſimos viros, diuino Spiritus Sancti lumine illuſtratos, nunquam commiſſuros fuiſſe, vt verè ad Deum conuerſos & cum eo in gratiam reſtitutos iudicarent, qui maculas & ſordes Sacerdoti aperiunt, ad eas primo quoque tempore redituri: quorum mores non magis poſt Confeſſionem quam anteà Euangelicis legibus conſentiunt: qui nullum aliud auerſi à peccatis animi teſtimonium dant, quam vt illa ſe perpetrare Sacerdoti confiteantur: qui cor ſuum ex Dæmonum

latibulo in Spiritus Sancti templum repente abiisse opinantur, licet in eorum factis quæ autore Christo ex corde tanquam ex fonte manant, nullum tantæ mutationis vestigium appareat: quorum denique confessiones omnes & communiones vitæ illorum *parentheses* quædam non inſcitè appellantur: quandoquidem ſicut figura illa orationem ſuspendit, non abrumpit, neque obest quominus poſteriora verba prioribus reſpondeant; ſimillimè quæ ab iſtis adhibentur Sacramentorum ſuſceptiones vitiorum fontem ad aliquot dies comprimunt non exhauriunt, neque efficiunt, quin conſequentia eorum facta cum prioribus naturæ quadam ſocietate cohæreant.

Et quidem breues iſtas ad vnum aut alterum diem flagitiorum intermiſſiones, ſimiles dixerim febrilium acceſſionum interuallis, quibus nemo ſanus ægrum conualuiſſe exiſtimet. Lazari mortem mortis loco non habet Chriſtus, eo quod quadriduo abitura eſſet: nec morbum illi mortem allaturum, ſed Deo gloriam aſſeuerat. *Hæc infirmitas, inquit, non eſt ad mortem, ſed vt glorificetur Filius Dei per eam.* Ad eundem modum de iſtis bidui vel tridui conuerſionibus, ſæpè etiam breuioribus dici poteſt: *Hæc conuerſio non eſt ad vitam ſed ad mortem, vt glorificetur Diabolus per eam.*

Ac velut hominem, qui ab hæreſi ad Eccleſiam ſe ſe recipiat, & aliquanto poſt ad errorem reuerſus, eum rurfus deponat, Catholicamque fidem viciffim amplectatur, & ad hunc modum vicenis, tricenifve

tricenifve per ætatem vicibus Religionem commutet, nemo probum vnquam Catholicum fuiſſe, neque fidei noſtræ veritatem ſerio agnouifſe, ne quidem ijs temporum ſpatiis quibus eam profiteri videatur, exiſtimet. Ita SS. Patribus nulla ratione perſuaderi potuiſſet, eum qui tricies crimina confeſſus, tricies in ea reciderit, verum pœnitendi ſenſum vnquam habuiſſe, aut adumbratas eiufmodi conuerſiones quæ punctum temporis durant, ſtatimque euaneſcunt, veris ſolidiſque conuerſionibus annumerandas.

Ille pœnitentiam dignè agit, vt præclare inquit Iſidorus, qui ſic præterita mala deplorat, vt futura iterum non committat. Nam qui plangit peccatum, & iterum admittit peccatum, quaſi ſi quis lauet laterem crudum, quem quanto magis lauerit, tanto amplius lutum facit.

*Iſid. Hiſpal.
lib. 2. ſcient.
c. 13.*

Ex quo intelligimus vanis iſtiusmodi conuerſionibus ſordidiores animas, non puriores effici. Vnde etiam eiufdem Sancti viri peruagata illa vox, & poſteriorum ſcriptis adeò celebrata: **IRRISOR EST NON POENITENS, QVI ADHVC AGIT QVOD POENITET; NEC DEVM VIDETVR POSCERE SVBDITVS, SED SVBSANNARE SVPERBVS.** *Canis reuerſus ad vomitum, eſt pœnitens ad peccatum. Multi enim in deſinenter lachrymas fundunt & peccare non deſinunt. Quosdam accipere lachrymas ad pœnitentiam & effectum pœnitentie non habere conſtat, quia in conſtantiâ mentis nunc recordatione peccati lachrymas fundunt, nunc*

*Idem ibid.
c. 16.*

vero reuiuifcente vfu ea quæ fleuerant iterando committuntur.

*Amb. ser. 34.
Hieron. in
Psal. 118.
Greg. Epist.
l. 9. ep. 39. &
hom. 34. in
Euang.
Elig. hom. 8.
11. & 16.
Iuo, Magi-
ster sentent.
Grai. & Co-
cil. Bitur. an.
1584. tit. 21.
an. 3.*

An non etiam celeberrima illa pœnitentiæ definitio ab antiquis Patribus tradita, & ab inferiorum ætatum Scriptoribus vno consensu accepta, hoc ipsum egregie confirmat, quandoquidem pœnitentiæ vim in eo statuit: *Ut mala præterita plangas, & plangenda iterum non committas?* Ex quo factum est, vt D. Gregorius in Libro Regulæ Pastoralis eodem loco habeat eos qui admissa deserunt, nec tamen plangunt, & eos qui plangunt, nec tamen deserunt; tanquam inter sese quidem aduersos, sed pœnitentiæ frustratione consentientes.

*Gregor. Pastor. part. 3.
Admonit. 31.*

Hinc priores admonet, ne iam relaxatas æstiment culpas, quas etsi agendo non multiplicant, nullis tamen fletibus mundant. Neque enim Scriptorem si à scriptione cessauerit, quia alia non addidit, etiam illa quæ scripserat deleuisse: nec qui contumelias irrogat, si solummodo tacuerit satisfecisse: nec debitorem absolutum esse, quia alia non multiplicat, nisi & illa quæ ligauerat soluat. Ita & cum Deo delinquimus, nequaquam nos satisfacere si ab iniquitate cessamus, nisi voluptates quoque quas dileximus, è contrario appositis lamentis insequamur.

Ibidem.

Posteriores vero admoneri iubet, vt considerare sollicitè sciant, quia flendo inaniter se mundant, qui viuendo nequiter inquinant, cum idcirco se lachrymis lauant, vt mundi ad sordes redeant. Et qui admissum plangit, nec tamen deserit, pœnæ grauioris culpæ se subijcit: quia & ipsam quam flendo veniam potuit impetrare, contemnit, & quasi in lutosa aqua semetipsum voluit:

quia dum fletibus suis vitæ munditiâ subtrahit , ante Dei oculos sordidas ipsas etiam lachrymas facit.

Gregorius quoque VII. qui vndecimo seculo Ecclesiæ præerat anno salutis 1079. in minori Britannia Synodum haberi iussit, ad perniciosum morem tollendum , qui tunc temporis , vt notat Binius, in illa regione Sacerdotum ignorantia inoleuerat, vt qui in iisdem criminibus absque vlla vitæ emendatione hærent, tamen absoluerentur : scriptaque de hac *falsæ* vt vocat, *pænitentiae consuetudine* proscribenda ad Britannia Episcopos & Sacerdotes Epistolâ, his vocibus eximia Petri successoris eruditione atque autoritate dignissimis vtitur. *Sacerdotalis culminis dignitas , tum imperitiâ , tum negli-*

*Greg. VII.
Epist. lib. 7.
cp. 10.*

gentiâ Sacerdotum (sicut vestra dilectio nouit) ex longo iam tempore peccatis exigentibus fuit collapsa. Ex qua quidem re quasi ex pestifera radice, innumera mala exorta sunt , adeo vt vsque ad hæc nostra tempora, inter cætera quæ male pullulant vitia, FALSÆ NIHILOMINVSVS PŒNITENTIÆ CONSVETVDO INOLEVERIT. Ac vt ne cui dubium foret, quæ sit falsa illa pænitentia tantoperè fugienda : Infructuo-

Ibidem.

sam enim, inquit, pænitentiam dicimus, quæ ita accipitur, vt in eadem culpa, vel simili, vel deteriori vel parum minori permaneat. Unde quisque dignè vult pænitere, necesse est vt ad fidei recurrat originem; Et quod in baptismo promisit, diabolo scilicet pompisque illius abrenuntiare, Et in Deum credere, videlicet recta de eo sentiendo, mandatis ipsius obedire; sollicitus sit vigilanter custodire. Quicumque ergo taliter pænituerit, QVO-

460 DE FREQUENTI COMMUNIONE.

NIAM ALITER SIMVLATIO DICI POTEST, NON POENITENTIA, *illi peccatorum suorum remissionem, Apostolica freti potestate largimur: insuper aternæ beatitudinis gaudia de Omnipotentis Dei misericordiâ confisi promittimus.*

Nec vero prætereundum hoc loco videtur, quod centum circiter post annis Petrus Blæsenfis in posteriorum ætatum Scriptoribus nobilis, Tractatu de Confessione Sacramentali, in quo nihil quod à SS. Patribus non acceperit, traditurum se profitetur; hac de re conscripsit. Acerrimè quippe D. Gregorij exemplo in illos inuehitur, qui vel peccata deferentes, non vt par est lugent, vel lugentes non deferunt.

Petr. Blæsenfis. de Confess. Sacram.

Priores quidem objurgans errari ab ijs docet, *qui putant sibi sufficere, quod aliquandiu à sua turpitudine destiterunt, atque de primitijs arreptæ continentie præsumentes, veteres excessus non recolunt, Et quasi spatio temporis euauerint culpæ, vel earum oblitus sit, aut dormiat Deus, putant de omnibus debitis breui pœnitentiae compendio transegisse. Non enim, inquit, sine dolore cordis acerbissimo, & anxia cordis afflictione sanatur, quæ longo usu inolita & intimis animarum medullis infixæ sunt: NEC HORARIA ET LEVI CONTRITIONE REDIMI POSSUNT, QUIBUS MORS ÆTERNA DEBETVR.*

Posteriores autem admonet, vt eorum pœnitentiam perseuerantia comitetur: quandoquidem laboriosissima quæque pœnitentiæ opera nequaquam pœnitenti profutura sint, si ad vomitum reuertatur. Nemo

itaque de momentanea Contritione vel affluentia lachrymarum præsumat si senseris in te gratiam compunctionis & affluentiam lachrymarum , non tamen ideo te statim arbitreris Domino reconciliatum. Vides profecto quam gratum Deo sit sacrificium lachrymarum & pro omnibus delictis sufficiens holocaustum. Sed quibus? CONFITENTIBVS, POENITENTIBVS, NON REVERTENTIBVS AD VOMITVM, SED IN SPIRITV HUMILITATIS ET IN ANIMO CONTRITO FUGIENTIBVS AD PIA VISCE-RA IESV ET CONTINVANTIBVS DIGNOS POENITENTIÆ FRVCTVS.

Quæ omnia à Concilio Tridentino, cuius interpretem S. Carolus egit, non minus luculenter traduntur. Docet enim pluribus locis ad veram salutariferamque pœnitentiam satis non esse peccata confiteri, aut etiam animo auersari, nisi præterea corrigantur, vitæque in melius referatur. Hoc enim significat Lutheri dogma proscribens, aliam pœnitentiam non esse, nisi nouam vitam, morumque commutationem. Contra enim vitæ quidem nouitatem peccandique finem ad veram pœnitentiam pertinere non abnuir, sed sufficere negat. *Unde docendum est, inquit, Christiani hominis pœnitentiam post lapsum multo aliam esse à baptismali, eamque continere non modo CESSATIONEM A' PECCATIS, & eorum detestationem, aut cor contritum & humiliatum, verum etiam eorundem Sacramentalem Confessionem, saltem in voto, & suo tempore faciendam, & Sacerdotalem absolutionem, itemque satisfactionem per ieiunia, elemosynas, &c.*

*Concil. Trid.
Sess. 6. c. 14.*

462 DE FREQUENTI COMMVNIONE.

Ex quo intelligimus, de Concilij sententia, peccati fugam & vitæ emendationem non quidem totam pœnitentiam constituere, vt contendebat Lutherus, sed ad illam tamen postulari. Quare non iniuria S. Carolus Presbyteros vetuit, solis vitæ melioris promissis & pollicitationibus fidem adhibere, nisi rebus & factis ita comprobata fuerint, anteaquam lapsos absoluant, vt eos in eadem peccata reuoluendos merito credendum non videatur.

Quod si quis forte reposuisset satis esse si tantisper pœnitenti dum confitetur proposita & destinata sit vitæ emendatio, quamuis postea de sententia decedat: Respondisset profecto: Bene viuendi voluntatem ex qua vera pœnitentia constat, non mollem aut languidam esse oportere, quales leuiiores ac remissiores animi motus ex quibus nihil vquam fructus existit; sed sinceram firmioremque pietatis amplexandæ voluntatem, quæ à peccandi libidine animum penitus abstrahat, bonæque arboris Euangelicæ instar, conspicuam veræ emendationis frugem pariat. Quod quidem ab ipsa Synodo Tridentina didicerat, quæ Contritionis ad pœnitentiæ Sacramentum partes explicans, non

*Concil. Trid.
Sess. 14. c. 4.*

solum veteris vitæ odium & nouæ propositum ea contineri docet, sed & cessationem à peccato, & vitæ nouæ inchoationem: Ego vero testor cuiusvis hominis fidem, satisne videatur quispiam à peccato recessisse & nouam inijsse vitam, propterea quod ita se facturum Sacerdoti spondeat, aut etiam cogitationis errore se id velle arbitretur, & si re minus

probet, atque ad peccandi consuetudinem primo quoque tempore redeat.

Bonis istiusmodi voluntatibus & desiderijs refertos inferos autor est Bernardus, inanesque hoc genus pœnitentias damnatis manere docet Liber Sapientiæ, vbi Spiritus Sanctus illorum angores diuinitus referens, male actæ vitæ pœnitentiam eos agere testatur. Insaniam agnoscunt, miseriam deplorant, & si illius D. Bernardi vocis vim sequimur, facile adducemur, vt quemadmodum moriens homo qui maleficiorum conscientia stimulaturn æternum sibi supplicium paratum cogitat, seque mox dehiscente tartaro absorbendum videt, ita secum loquatur. Si ex hoc morbo conualuero, longe aliter ac consueui vitam instituam. Simillimè apud inferos damnatus criminum merito flammis se æternis addictum sentiens, cum animo suo dicere queat: Si hinc euadendi facultas esset, nequaquam ijs, quibus olim, flagitijs me obstringerem: bonis videlicet quibusdam commotiuiculis ac desiderijs velut perstrictus, sed sterilibus & vanis, quia nihil bonæ frugis parere possunt. Ex sui enim amore qui in medijs inferorum cruciatibus perseuerat, istiusmodi cogitationes proficiuntur, immutata penitus voluntate semperque tenacissimè malo affixa. Qua etiam ratione Granatensis affirmat damnationis metum qui morientes plerumque peccatores angit, ex naturali ipsorum amore oriri posse. Quod vero, inquit, se ipse quis diligat, non eam vim haber

*Granat. in
maiori pecca-
torum dulto-
re, lib. 1. c. 24.*

apud Deum , ut propterea quemquam regno cœlesti ascribat.

Constat igitur parui pendendas istiusmodi pœnitentias , quæ vitæ correctionem mutationemque morum conjunctam non habeant , neque aliud sint quam vana & infrugifera desideria, damnatorum desiderijs simillima : inter quos & improbos qui se damnabilibus flagitijs contaminare non cessant, id solum discriminis est, quod hi pœnitentiam non agant, quæ ipsis futuræ damnationis est causa : illi vero nec agere possint, quæ iam susceptæ illis damnationis est pœna. Quamobrem ut fidem operibus vacuum Dæmonum fidei qui credunt & contremiscunt Iacobus comparat, inanemque & mortuam appellat : non absimili ratione, pœnitentiam quæ votis quibusdam optatisque irritis, nullorum operum, solidæve pœnitentis animi notæ efficacibus, continetur, damnati hominis pœnitentiam dicere licet, vanam, emortuam, ad inferos ducem & perennem incolam inferorum.

Hac ratione ductus Granatensis morientium pœnitentias falsitatis vanitatisque nomine ferè suspectas habet. *Isti, inquit, morti proximi, ubi iam se Deo sistendos vident, infimis precibus & sponsionibus iudicem interpellant, non inutilibus quidem si veris, sed quales sint passim exitus docet. Nam experientiâ compertum est, istorum plerosque ut periculum effugerint, continuè promissa obliuisci, & ad pristinam sese vitam reuocare : usque adeo ut Et restitutiones iussas decre-*

decretaſque reſcindant , quippe quas non virtutis amore decreuerint , ſed imminentis periculi formidine , quo abeunte abeat pariter quicquid ab illo cauſam habuerat.

Factis ergo & operibus voluntatum conſiliorumque veritas exploranda eſt. Ideoque ex S. Caroli decreto abſoluere Sacerdos non debet , quos in peccata relapſuros iure ſuſpicatur , quicquid illi contra profiteantur & ſpondeant, quia cum eorum ſponſiones nihil bonæ frugis edituras videat, eo ipſo leues ac futiles habere debet, neque aliud quam inanes verborum ſonos aut humani animi ſe id velle arbitrantis quod minime velit, præſtigias. Hoc enim illud eſt quod vulgò euenire D. Gregorius docet, cum ſape ſibi mentem de ſe ipſa mentiri teſtatur: *dum in intimis cordis reſſibus vitiorum cupiditatem celans, innumera bonorum operum deſideria in ſuperficie cogitationis oſtentat.* Quod & D. Bernardus cogitaſſe videtur, dum exclamat: *Uæ qui ambulantes in carne Deo placere non poſſunt , & placere velle præſumunt.*

Gregor. Paſtor. part. I. c. 9.

Bernard de Conuerſ. ad Cler. c. 27.

Non ſum neſcius eos qui ſalutarem moram quam tot in cauſis D. Carolus adhibendam cenſet, non probant, illis Ezechielis verbis niti conſueuiſſe: *In quacumque hora ingemuerit peccator, ſaluus erit.* Sed vt hæc verba à plurimis poſteriorum temporum Scriptoribus Sacræ Scripturæ nomine afferantur, in diuinis tamen Libris non extant, & quamlibet inueſtigent, qui illa obtrudunt, nuſquam nec in vulgari Editione, nec in Hebræicis fontibus, nec in Septuaginta Interpretum Libro, nec in

Paraphrasi Chaldaïca, nec in probâ vllâ seu nouâ, seu antiquâ versione reppererint.

*Ezech. 18.
v. 21.*

Quod si quid in Ezechielis 18. vel 33. capite subest, quod ed accedere videatur, illud quidem certe constabit, ea tantum valitura quantum vera Prophetæ sententia ferat. Quid ergo ijs in locis unde oratio ista sumpta videtur, ait Propheta? In 18. quidem sic loquitur: *Si autem impius egerit pœnitentiam ab omnibus peccatis suis quæ operatus est, & custodierit omnia præcepta mea, & fecerit iudicium & iustitiam, vita viuet & non morietur.* Et paulò inferius populum ad morum conuersionem cohortans, his verbis utitur: *Conuertimini & agite pœnitentiam ab omnibus iniquitatibus vestris; & non erit vobis in ruinam iniquitas. Projicite à vobis omnes prauaricationes vestras in quibus prauaricati estis, & facite vobis cor nouum & spiritum nouum.*

Ibidem.

*Ezechiel. 33.
v. 12.*

Trigesimo verò tertio capite posteaquam autore Deo certam peccatori spem fecit: *In quacumque die conuersus fuerit ab impietate suam ipsi impietatem minime nocituram, qualem conuersionem esse oporteat, statim exponit. Si dixero impio, Morte morieris: & egerit pœnitentiam à peccato suo, feceritque iudicium & iustitiam, & pignus restituerit ille impius, rapinamque reddiderit, in mandatis vitæ ambulauerit, nec fecerit quidquam iniustum: vita viuet, & non morietur. Omnia peccata eius quæ peccauerit, non imputabuntur ei.*

Ibidem.

Quis hinc non perspicuè intelligat, nullam huic Prophetæ, vt nec alijs, veram conuersionem videri,

nisi vita improba in piam commutetur, abjectisque vitij virtus colatur ex animo? Cui ergo liceat verbis quæ nusquam in Scripturis leguntur abuti ad salutem peccatori alijs legibus adjudicandam ac Deus veris ipsius illius Prophetæ vocibus denuntiari, luculentiusque etiam hoc Isaia oraculo: *La-* Isai. i.
uamini, mundi estote, auferte malum cogitationum vestrarum ab oculis meis: quiescite agere perversè, discite benefacere, quærite iudicium, subuenite oppresso, iudicate pupillo, defendite viduam; (hoc est, perfectæ charitatis quæ ut cæteras virtutes, ita pœnitentiæ satisfactionisque munia omnia complectitur, officia præstare:) Et venite & arguite me, dicit Dominus, si fuerint peccata vestra ut coccinum, quasi nix dealbuntur.

Denique quamcumque demum verba ista vim obtineant: In quacumque hora ingemuerit peccator, saluus erit, egregiè obseruatum est ab Iuone Carnotensi in Epistola supra commemorata, *Hanc vocem* Epist. 230.
ad interni potius Iudicis animaduersionem spectare, quam ad humanæ fragilitatis considerationem: adeoque fieri posse, ut per internum gemitum satisfactum sit interno Iudici, Et idcirco indilata ab eo detur peccati remissio, cui manifesta est interna conuersio: neque tamen Sacerdos qui tantum videt in facie, delinquentem soluere debeat, donec per manifestum pœnitentiæ fructum qui sit pœnitentis affectus intelligat.

CAPVT XL.

*ALTERVM IN D. CAROLI REGVLA
obseruandum : Nihil esse quod Presbyteros cogat hominum
grauioribus delictis irretitorum de corrigenda vita sponsio-
nes accipere, nisi rebus & factis exploratas.*



INC iam ad alterum caput quod ex
S. Caroli regula elici posse dixi, pro-
gredior. Eorum, inquit, à Sacerdote ab-
solutio differenda est, quos ad eadem pec-
cata redituros non immeritò opinatur,

QUANTVMVIS POLLICEANTVR EA SE DI-
MISSVROS.

Quæ postrema verba diligenter expendi oportet, quippe quæ grauissimum illud doceant; Sacerdotis potestatem ex pœnitentis oratione affirmationeque non esse suspensam, atque ad dijudicandum quis absolui dignus, quis indignus videatur, longe alio lumine illi vtendum, quam quod ex fallacibus verbis vanisque pollicitationibus exprimi queat.

Tamen eo iam progressa est hominum superbia & pœnitentiæ odium, vt plurimis persuasum sit, dummodò peccatorum numerum eadem quâ fabellam voce Sacerdoti ediderint, sibi que illa dolere, nec ad ea denuò se redituros verbo professi fuerint, Absolutionem continuo sibi deberi, neque negari eam, vel ad vnum diem sine injuria differri posse. Itaque facile tanquam ab abusu prouocarent

ad Laicos iudices, nisi præsto essent Presbyteri qui eis fucum faciant, & inuisam aliorum feueritatem inconsulta facilitate dissoluant.

Quæ quidem cogitatio adeo aliena atque infalsa est, vt confutatione non egeat. Quis enim non videt constitutum à Christo ordinem per eam subuerti? Medicum ægroto, Pastorem oui, Iudicem reo subijci? Dejectis de tribunali Sacerdotibus, reos quos illis iudicandos Deus concessit, in ijs collocari? Diuina denique Christi verba quibus potestatem dedit ligandi & soluendi, retinendi ac dimittendi peccata, improbè conculcari.

Equidem magnus in primis huius ætatis Antistes, pietate eximius, eruditione præcellens, Commentario in Euangelium illas Christi voces ita explanat: **QVORVM** ergo **RETINVERITIS PECCATA**, *vel ad tempus propter pænitiendi immaturitatem, vt paulatim perficiatur: siue omnino propter impænitentiam, RETENTA SVNT, iudicio Dei in cælis. Vtque membro significat, non inanem esse potestatem, sed effectum habere conjunctum. Cum ergo & remissio & retentio Apostolorum censura & iudicio committantur, palam est eos iudices constitui: atque ita rectè præcipi omnibus fidelibus remissionem consequi satagentibus, vt peccata Sacerdotibus confiteantur, quatenus audita peccatorum varietate & qualitate, sciant cui remittenda, cui retinenda, quis aut quomodo ligandus aut soluendus. Hoc autem est iudicium discretionis quo discernitur quis ad beneficium absolutionis admittendus, quis repellendus. Sed hoc sternit viam ad aliud iudicium institutiæ, quo*

*Cornel. Iansenius Episc.
I. presf. in c.
20. Euang.
Ioh. v. 23.*

*peccata quadam expiatoria castigatione & vindicta ple-
ctuntur: quod quia præcipuum est in hoc tribunali, hinc
fit, ut pœnitentes peccata sua, non per modum narratio-
nis ad Sacerdotis informationem tantum exponere de-
beant; sed magis ad sui accusationem, ad confusionem,
ad compunctionem, denique ad pœnæ taxationem.*

Ex hac præclara oratione viri maximi, cuius
mentem scientia Scripturarum auitæque Traditio-
nis Theologia, hoc est, Conciliorum & Patrum
doctrina altè impleuit, intelligimus, geminum in
pœnitentiæ tribunali iudicium fieri, *discretionis, &
iustitiæ*. Quod & prius à Concilio Tridentino non
minus luculentè significatum erat, cum singularis
& enucleatę peccatorum omnium mortalium con-
fessionis necessitatem explicans, hanc vnam affert
causam, quod *alioquin non potuissent Sacerdotes, nec
in remittendis retinendisve peccatis iudicium causa co-
gnita exercere: (quod certe est prius illud discretionis
iudicium ab Iprensi Episcopo commemoratum) nec
in pœnis injungendis æquitatem seruare: quod alterum
est iustitiæ iudicium.*

Nunc vero homines malè pœnitentiam exosi
hoc vtrumque iudicium euertere moliuntur. *Iusti-
tiæ* quidem, cum statuunt pœnitentiam quam à
Sacerdote imponi fas sit, leuissimis quibusdam
operibus, quæ debitarum peccatis pœnarum vesti-
gia vix habeant, totam contineri: imo quod gra-
uius multo est, vniuersum hoc pœnarum & satisfac-
tionum genus ad purgatorium ignem reijci pos-
se: *Discretionis* vero, cum hanc Presbytero legem

dicunt, vt sibi quidlibet affirmantibus credat, & è vestigio absolutionem impertiat.

At vide insipientiam cœcitatemque singularem. Tu mihi plures annos in eodem flagitiorum cœno hæseris. Sæpiissime ea confessus fueris Sacerdoti, emendationem eorum nunquam non pollicitus, nunquam non fefelleris, inanium promissorum nullam seruaris fidem: & tamen constitutum tibi à Christo iudicem, de anima tua rationem redditurum, crimina quæ prauâ indulgentiâ fouerit, seuere luiturum, absolutionem præsentem ac subitam debere contendes ijs verbis ac pollicitationibus quas toties perfregeris, diuinorum communionem Sacramentorum quæ perpetuò indignissimè habueris, eorumque sanctitatis solitis sacrilegijs contaminandæ, atque, vt loquuntur Canones, de Communione pacis ludendi licentiam. Quod si in animi tui latebris explorandis diligentia nonnihil adhibere volet; si quemadmodum D. Carolus Sanctique Patres vniuersi iubent, certiora fallacibus verbis pœnitentiæ argumenta exquiret; si antea quam te animo mutatum verèque conuersum habeat, abijciendorum criminum certam & constantem voluntatem vita & factis metiendam existimet: iniuriam tibi factam impudenter exclamabis: *Et*

quod non statim Domini corpus inquinatis manibus accipias, aut ore polluto Domini Sanguinem bibas, Sacerdotibus sacrilegus irasceris? Atque ô tuam (addit idem Sanctus) nimiam furiose dementiam! Irasceris ei qui abs te auertere iram Dei nititur, ei minaris qui pro te

Cyprian de lapsis.

472 DE FREQUENTI COMMVNIONE.

Domini misericordiam deprecatur, qui vulnus tuum sentit, quod ipse non sentis; qui pro te lachrymas fundit, quas forsitan ipse non fundis. Oneras adhuc crimen & cumulas, & cum sis ipse implacabilis ad Antistites & Sacerdotes Dei, putas circa te Dominum posse placari? Accipe potius & admitte quæ loquimur. Quid surdæ aures salutaria præcepta non audiunt quæ monemus? Quid cæci oculi pœnitentiæ iter non vident quod ostendimus? Quid perculsa & alienata mens remedia vitalia non percipit, quæ de Scripturis cœlestibus & discimus & docemus?

*Iuo Carnot.
Epist. 195.*

Equidem tali mente præditi homines digni sint qui eo saltem modo accipiantur, quo Iuo Carnotensis pœnitentiæ contemptores se accepturum testatur, si qua vi ad eos reconciliandos adigeretur, his illos verbis appellando: *Nolo te fallere introitum huius visibilis Ecclesiæ cum tuo periculo te habere permitto, sed ianuam regni cœlestis tali reconciliatione tibi aperire non valeo.*

*Basil. Ep. 2.
ad Amph.
can. 85.*

Tutissimum vero est in hoc genere Basilij magni consilium quod iam suprâ commemorauimus. Si qui à proprijs, inquit, moribus non faciliè auellantur, & carnis voluptatibus potius quam Deo seruire voluerint, vitamque ex Euangelio institutam non amplectantur, nulla nobis cum illis intercedit communis ratio. Nos enim aduersus populum non credentem & contradicentem illud audisse meminimus: *Saluans salua animam tuam. Non ergo cum ijs perire consentiamus, sed graue iudicium reformidantes, & tremendam illam retributionis Domini diem præ oculis habentes, caueamus alienorum peccatorum ruînâ inuolui.*

Idem

Idem monet D. Ambrosius in Psalm. 37. vbi egregiè de pœnitentia disputat. *Nemo, inquit, dicit medico corporis sui, quemadmodum sit curandus. Nouit medicus quæ singulis vulneribus medicamenta conueniant, cuius vlceris putredo ferro sit amputanda, ne in totius corporis serpat exitium. Si dixerit medicus medicinæ genus quo curari ager debeat, & ille fastidiat; discedit medicus & agrum relinquit.*

Ac dubium quidem esse non potest, quin quoad in peccatorum animis vana illa opinio hæreat, vt primum maculas omnes & fordes sigillatim aperuerint, absolutionem sibi iure deberi, illorum vulnera insanabilia futura sint, salusque deplorata. Neminem hoc loco docendum suscepi, id vnum agens, vt SS. Patrum præcepta, quos explanandis regni sui mysterijs populisque omnibus erudiendis Deus per secula præfecit, audienda exhibeam.

Nihil de spiritu meo propheto, vt Petri Blæfensis verba vsurpem, sed micæ colligo, quæ ceciderunt de mensa dominorum meorum. Ita que tacere me satius erit, Sanctumque Pacianum in eos qui pœnitentiam in accurata peccatorum enumeratione constituunt, dicentem audiri. Ea enim est eius oratio, vt quamuis longiorem, non pigcat hoc loco describere, quod illustrior, grauior, instituendisque hoc tempore fidelibus opportunior nulla fieri posse videatur. *Nunc ad eos, inquit, sermo sit, qui bene ac sapienter vulnera sua, pœnitentiæ nomine, confitentes; nec quid sit pœnitentia, nec quæ vulnerum medicina nouerunt; similesque sunt illis qui plagas quidem aperiunt ac*

*Petr. Blæsen.
in Prol. tract.
de Confess.
Sacram.*

tumores, medicisque etiam adfidentibus consentitur; sed admoniti quæ imponenda sunt negligunt, & quæ bibenda fastidiunt..... Quid ergo faciam nunc Sacerdos, qui curare compellor? Serum est in eiusmodi. Verumtamen si quis est vestrum qui secari & exuri sustineat: adhuc possum. Ecce scalpellum Propheticum: Conuertimini, inquit, ad Dominum Deum vestrum, simulque ieiunio, & fletu, & planctu, & scindite corda vestra. Nolite hanc secturam timere, dulcissimi. Sustinuit illam David: Iacuit in cinere sordenti, sacco insuper horrente deformis. Ille quondam gemmis assuetus & purpuris, textit in ieiunio anixtam suam, cui maria, cui siluæ, cui flumina seruebant, promissasque diuitias terra parturiens, madidus lachrymis consumpsit oculos illos, quibus Dei gloriam viderat, & infelicem se, miserumque confessus est Pater Mariæ, Iudæi etiam dominator imperij. Rex ille Babylonius exomologesim desertus operatur, & septenni squalore decoquitur. Leonum in illo iubas impexa cæsaries, & barbarus horror exuperat, & longè incuruis vnguibus manus horrentes, aquilas mentiuntur, cum fœnum in morem bouis ederet, pallentium ruminator herbarum. Hæc tamen illum Deo pœna commendat, & in sua quondam regna restituit. Quem horrebant homines Deus recipiebat, ipsa illa malæ tractationis calamitate felicem. Ecce sectio quam sponendi: qui potuerit tolerare sanabitur. Admouebo adhuc ignes de cauterio Apostolico: videamus an ferre possitis. Iudicaui, inquit, congregatis vobis & Spiritu meo in virtute Domini Iesu Christi tradere eiusmodi hominem Sathanæ in interitum carnis, ut spiritus saluus sit in diem

Domini. Quid dicitis pœnitentes? Ubi est vestra carnis interitus? Nec hæc quidem quæ videri etiam à Sacerdote possunt, & Episcopo teste laudari: ne hæc quidem quotidiana seruamus: flere in conspectu Ecclesiæ, perditam vitam sordida veste lugere, ieiunare, orare, prouolui: si quis ad balneum vocet, recusare delicias: si quis ad conuiuium roget, dicere: Ista felicibus; ego deliqui in Dominum, & periclitor in æternum perire Quo mihi epulas, qui Dominum lasi? Tenere præterea pauperum manus, viduas obsecrare, Presbyteris aduolui, exoratricem Ecclesiam deprecari; omnia prius tentare quam pereas. Scio quosdam ex fratribus & sororibus vestris cilio pectus inuoluere, cineri incubare, ieiunia sera meditari, & non talia fortasse peccarunt.

CAPVT XLI.

ECCLESIAM QVOD OLIM SENSIT, IDEM etiamnum de Pœnitentia sentire. S. Carolum disciplinam Ecclesiasticam alius etiam attollere in animo habuisse.



QVIDEM consideranti mihi hæc, totque alias consimiles S. S. Patrum voces, quorum sententiam vniuersa Ecclesia sequi se profitetur: nihil aliud in mentem venit statuere, nisi, aut viros tantos diuina luce cumulatissimos, animarum regendarum imperitos ac cæcos habendos, qui importuna eas tyrannide oppresserint, durissimumque medicinæ genus vulneribus earum curandis necessarium finxerint, sine quo tamen ea

nullo negotio sanari potuissent: aut nouum nescio quod Euangelium repente allatum cœlitus, eoque Euangelij quo illi vsi sunt antiquata præcepta omnia & rescissa; aut denique (si Caluini & cæterorum Hæreticorum est SS. Patres inscitæ hoc loco atque *immodicæ austeritatis* insimulare, nec aliud quam ab illis prædicatum est, Euangelium extat) dubitandum non immeritò videri, ea ne sit hominibus ad Deum sese recipiendi, lethalibusque animæ vulneribus medendi facilitas quam plerique hodie arbitrantur.

Sed cum præterea succurrit nihil à postrema Oecumenica Synodo studiosius præcipi, quam vt doctrinæ SS. Patrum, etiam de hac ipsa pœnitentia, constantissimè adhæreamus, Sanctissimumque virum, quem pijs Antistitibus expressam Episcopalis officij formam postremis seculis esse voluit Deus, Concilij vestigijs insistentem, salutaria quæ fidelissimi illi animarum medici decreuerunt remedia ad vsum reuocare tantopere laborasse, tum collectis ac propositis eorum de pœnitentia canonicis & regulis, in quas Presbyteri velut in absolutissimum exemplar intuerentur; tum pœnitentia publica publicis omnibus peccatis indicta; tum denique tot edictis quibus longe plurimi etiam non publice lapsi, ad dignos ante Communionem pœnitentiæ fructus edendos compellerentur, promulgatis: Cum, inquam, hæc omnia diligentius attendo, teneri non possum, quin infinitam Christi benignitatem ex animo venerer, qui in Eccle-

fia. eiusdem fidei ac pietatis vnitatem præstet semper incolumem, veramque pœnitentiæ vim & rationem ab omnibus Patribus in regionibus ac seculis omnibus tanto studio Christianorum animis infixam atque insculptam aliorum inscitiâ, aliorum duritiæ pœnitentiæque auersatione obliterari non sinat.

Cauendum igitur, ne quis degeneris disciplinæ suæ tuendæ libidine Caluini petulantia accedens, tot Apostolicos viros, atque in primis B. Carolum immodicæ seueritatis accuset : Quem contra ad temporum iniquitatem ac duritiam cordium sensim euincendam, atque ad perfectiorem disciplinam velut gradibus attollendam constituendamque magna indulgentiâ vsus constat.

Hoc enim ipse multis locis attestatur. Sed præ cæteris illustria sunt hæc verba ex Oratione quam in tertij Concilij Prouincialis ipso aditu habuit, postquam duodecim aut tredecim annos in componenda Ecclesia consumpsisset. *Propositum igitur nobis sit, Patres optimi, magnum quiddam esse ac perfectum quod præstare debemus : idque nos vix ac ne vix quidem inchoauimus, nedum absoluimus, cum certè non licuerit. Nam quemadmodum reliquis in rebus nihil potest statim esse perfectum, sed necesse est, ut initium fiat ab aliquo rudimento, atque paulatim ad summum perueniat : Ita opus quod superioribus annis aggressi sumus, non potuit eo tempore statim peruenire ad eam, quam querimus & debemus, perfectionem necessariam.*


*S. Carolus in
Concil. III.*

Ac ne quis ab eo postmodum absolutum pu-

tet, quod hic duntaxat inchoatum à se profitetur: in sexto ac postremo Concilio, cui biennium tantum superfuit, Prouincialibus Concilijs quinque, pluribusque Diœcesanis de Ecclesiastica disciplina instauranda coactis, omnibus denique decretis, quorum mentionem fecimus, aliisque eiusmodi innumerabilibus editis; acerrimè in eorum imprudentiam inuehitur, quibus noua Concilia fieri non placebat, nouasque leges condi quibus ea quæ de Christianorum moribus emendandis ab ipso constituta fuerant, magis ac magis explerentur. *An ubi,*


*S. Carolus in
Concil. VI.*

inquit, malorum lues; pacis, concordiae & bonorum status? An ubi varia morborum species, recta valetudo? An ubi adhuc morum corruptela, disciplina Christiana perfectio? Attendite, quaeso, qui isti homines sunt, cum talia dicunt, liniunt parietem luto absque paleis, absque temperatura, Et vident visionem pacis, & non est pax. Cernunt isti in superioribus nostris Concilijs umbram quandam disciplinae qua populum informare studuimus. At eius imago nondum omnibus partibus absoluta; imo cum imperfecta est, tum neque undique etiam communita: eamque ob causam verendum nobis est, ne illa tanquam paries male materiatus luto tantum absque paleis illitus corruat.



CAPVT XLII.

S. CAROLVM PECCATORES AD
pœnitentiam suo exemplo pronocasse.



UPERIORIBVS omnibus facere non possum, quin ad B. Caroli doctrinam de pœnitentia stabiliendam Dei ipsius testimonium adijciam. Quî enim certius quantoperè pijs pœnitentium exercitationibus delectetur, testificari Christus potuit; quam afflicti, cruciandique corporis adeo vehemente in Sanctissimi viri animum immisso studio, vt in illo dignitatis splendore, Episcopali- busque muneribus Monachi ac pœnitentis egerit vitam, neque vllis virorum grauium, vt sibi parceret, instantium precibus ac flagitationibus vnquam cesserit?

Nec vero ad eorum monita, vt in eius Vita proditum est, aliud responsi dabat, nisi *sinerent se irreceptis pœnitentiæ itineribus. Opponebat ex aduerso Spiridiones, Chrysostomos, Basilios, aliosve, qui tanquam nomina perfectæ virtutis celebrantur.*

*Ripamont.
 in Vite S. Car-
 vol. lib. 7.*

Ex quo perspicuè intelligitur eum Spiritus Sancti motione còimpulsum, quandoquidem ista humilitate animus tot piorum virorum consilij, Summorum etiam Pontificum admonitionibus sine dubio paruisset, nisi lege alia, cuius vis non minus agrè quam torrentis è montibus præcipitantis impetus comprimitur, in diuersum se abripi sen-

Rom. 7. v. 23.

fisset. Quare Apostolo clamante: *Sentio aliam legem in membris meis repugnantem legi mentis meae*; ipsi contra exclamare licuit: *Sentio aliam legem in mente mea repugnantem legi membrorum meorum*, hoc est, religiosissimorum hominum ipsi aduersantium quibuscum vt membris in Christi corpore, quod est Ecclesia, cohærebat.

Hæc illa est interior lex quâ compulsus mundum secundissimis rebus blandientem despexit, illasque corporis afflictationes adeò inusitatas adolescenti, Episcopo præsertim & Cardinali, sed ad Dei consilium accommodatas libens subiit, vt scilicet pœnitentiam factis ac dictis pariter prædicaret: vt quos iussis mouere non posset, exemplo cogeret: vt denique peccatores doceret, quâ curâ criminum sordes carnis molestijs pœnitentiæque acerbitatibus elui par sit, cum eas ad detergendos leuissimarum culparum næuos, innocentissimorum & sanctissimorum hominum integritas tanto studio adhiberet. Hinc præclara vox quâ illum frequenter vsum à Vitæ illius Scriptoribus accepimus. *Debere Episcopum prægustare suis hominibus amarissima quæque, vt ipsius exemplo & imitatione dulcescant & temperentur.*

*Ripamont. in
Vita S. Ca-
roli. lib. 7.*



CAPVT XLIII.

*MAGNOPERE EXPENDENDAM, ET
grauem in primis videri oportere consensionem generalium
Concilij Tridentini de pœnitentia decretorum, & singula-
rium eadem de re sanctionum B. Caroli, cuius operâ Con-
cilium illud absolutum est.*



N exponendis B. Caroli de pœniten-
tia sensibus longior fui; nec iniuriâ, vt
mihi videor, propterea quod singu-
larem Dei prouidentiam, veritatem
illam, quam hæresis ex Christianorum
cordibus stirpitus euellere conata est, altius iisdem
infigere satagentis, clarius demonstrare nihil po-
tuit, quam generalium Synodi Tridentinæ, & sin-
gularium B. Caroli qui eam absoluendam curauit,
Decretorum mira consensio.

Si quis enim, sex aut septem aditus illos pœni-
tentia antiquæ, cui Eucharistia priuatio annecti-
tur, seu publicè, seu priuatim instaurandæ, quos à
Concilio Tridentino patefactos ostendimus in du-
bium vocare velit: is B. Caroli qui ad eiusdem Con-
cilij legum obseruationem promouendam omni
studio incubuit, decreta diligentius attendens, pro-
fecto intelliget pœnitentia disciplinam illam, &
praxim, quam tu tantoperè auersaris, non antiquis
modo Concilijs, sed & Tridentino apprimè con-
gruere, quemadmodum supra demonstratum est.
Neque enim dubitare liceat, legumne Concilij
vim ac sententiam Beatissimus Antistes assecutus

fit, cum eas supremo quasi sigillo obsignandas curarit; publicaue illarum obseruatione, quam in Diœcesi sua primus instituit, vniuersis Ecclesiæ Pastoribus earumdem studuerit intelligentiam tradere; quandoquidem eorum qui ad disciplinam pertinent, Canonum ea demum sit planissima interpretatio, quæ vsu ipso, ac publicis Sanctorum Antistitum actionibus continetur.

Matth. 9.
v. 16.

Hinc, si quis roget, cur Concilium minus planè & enucleatè quàm B. Carolus de pœnitentia egerit; in promptu est responsio. Concilium postquam veram de pœnitentia doctrinam ab Hæreticorum erroribus vindicasset, Christianorum quos in vniuersa Ecclesia languescere, & in quos illam Christi de Iudæis vocem: *Nemo immittit commissuram panni rudis in vestimentum vetus*, conuenire nouerat, imbecillitatem onerare noluisse. Catholicam enim veritatem decretis suis muniisse contenta, fore confidit, vt si quos peccatorum conscientia penitus stimulet, ij sua sponte illo ipso motu, nullis etiam de peccati cuiusque pœna legibus traditis, ad veram & in perspicuis operibus ac fructibus positam pœnitentiam compellerentur.

Verum quod pœnitentibus minus expressit, id apertius imposuit Presbyteris, cum pœnitentiam peccatorum grauitati parem, nisi eorum participes, ac flagitiosæ negligentia reos se vellent, discerni iussit. Quod si quam ratione homines criminiosiores ante absolutionem tractandi, & quæ cuique peccato pœna constituenda sit, ambigant,

veterem illam & sanctissimam disciplinam quæ per tot ætates in Ecclesia floruerat, obliuione penè obrutam B. Carolus, vetere plurium Pontificum & Episcoporum exemplo renouare instituit; Atque id absoluto Concilio statim aggressus, Presbyteros leuauit cura, dubitationibus, & difficultatibus, quæ de pœnitentia incidere queant, institutionum legumque illarum quas summatim commemorauimus, clarissima luce & fidelissima descriptione discussis.

Ita nimirum Spiritus Sanctus Ecclesiam regi à se liquidò professus, omnem Pastoribus tergiuersandi viam præclusit, tum ijs quæ Tridentinæ Synodo ad vberiore lucem deesse videbantur, per primas illas Synodos, statim post Concilium à S. Carolo in Italia habitas, suppletis: tum Antistitis vnus dignitate ac sanctitate, ex omni posteriorum seculorum memoria clarissimi forma & specie omnibus Episcopis proposita, vt illo duce, quod Ecclesia in Oecumenica Synodo propter hominum duritiem apertius agendum non putauit, id in sua quisque Diœcesi pro zelo ac potestate sua perficere nitatur. Semper enim se matrem Ecclesia meminit, & ad filiorum imbecillitatem sese inflectens, eorum sanandorum ac confirmandorum molliores, expeditioresque vias studiosè confectionatur, quales Synodorum cuiusq; regionis ac loci propriarum, in quibus vera pœnitentiæ remedia ad perfectam animarum curationem, & exploratius præscribuntur, & facilius ad vsum adducuntur.

Atque eò spectauit Sacra Synodus, cum Prouincialia Concilia, velut opportunissimum ad publicorum malorum depulsionem, ac disciplinæ conseruationem præsidium, ab Episcopis frequenter haberi iussit.

Beatus vero Carolus, dum Concilij decreto primus obtemperat, illa tot institutorum ac regularum homines ad pœnitentiam peccatis parem adigentium multitudine perspicuè indicauit, nullam subesse hac grauiorem causam, cur Synodos Prouinciales his potissimum temporibus haberi necesse sit.

Quis iam dubitet, quin Spiritus Sanctus sermone Scripturis familiari, hoc est breuiori, ac sensus in litteræ cortice minus apparentes continente, in Concilijs vti solitus, eos qui illum putent in antiquioribus Concilijs aliter de pœnitentiæ necessitate quoad præcipuum eius caput, atque in postremo Concilio Oecumenico elocutum, voce illa Christi in Iudæos, quibus isti degeneri mollitie & ignauia haud absimiles sunt, percutere merito possit: *Qui habet aures audiendi, audiat.* Quisquis enim ad capiendam Synodi sententiam gratiæ & intelligentiæ dono instructus erit, vbi de Deo per veram pœnitentiam placando agetur, eam audiet semper & sectabitur, posteaquam ex S. Caroli decretis, Diœcesisque illius disciplina, sensum Concilij perspectum exploratumque habuerit.

CAPVT XLIV.

S. CAROLVS CVM BEATÆ MEMORIÆ
Episcopo Geneuensi collatus.



T vero manifestum est, Beatissimum illum Antistitem Ecclesiæ singulari Dei munere concessum, qui Episcopis, Pastoribusque omnibus in administranda pœnitentia faciem præferret. Si enim duos è duorum postremorum seculorum memoria Sanctissimos Episcopos, Beatum Carolum, & beatæ memoriæ Episcopum Geneuensem, attentius intueamur; intelligemus S. Carolum priorem à Spiritu Sancto delectum ad populorum Ecclesiæ Mediolanensis, inter Italicæ clarissimæ, mores emendandos, hoc est, ad familiæ Christi præceptis Sanctissimis, Seminarijs, ac pœnitentiæ renouatione instaurandæ constituenda initia: Episcopum vero Geneuensem ad Diœcesis Geneuensis populos ex parte ab hæresi sanandos, hoc est, ad familiæ diaboli, Hæreticorum ad Ecclesiam reuocatione aggrediendum excidium.

Cum vero sicut Ecclesia Orientalis Basilium & Chrysostomum, ita Occidentalis magnum Ambrosium pœnitentiæ Doctorem, illiusque ad populos, Principes, Regum ministros & Imperatores, inuictissimum autorem & magistrum habuisset; Deus B. Carolum quem restituendæ pœnitentiæ addixerat, Ambrosijque mente impleuerat, in

Ecclesia Mediolanensi vbi Catholici multi sanandi, hæretici pauci, vel nulli erant, non minus Ambrosij sedis & honoris quam Sanctitatis & disciplinæ heredem ac successorem instituit. At Sanctissimum Episcopum Geneuensem Hæreticis ad Ecclesiam redigendis destinatum, principi ac matri hæreseos Vrbi, Hæreticorum Babiloni, in qua Calviniani plures errore leuandi, quam Catholici pijs moribus ornandi inerant, Pastorem præfecit.

Beato Carolo ad sustinendum graue illud, & in graues hominum offensiones dimicationesque incursum Diœcesis Mediolanensis reformandæ ac pœnitentiæ restituendæ munus, magna firmaque adjuncta contulit. Auctoritatem enim illi & fidem conciliauit à propinquis & affinibus in Italia; ab amicis in Romana Curia; à splendore generis apud lautiores seculi homines; à Cardinalis Pontificij nepotis, Sedisque Apostolicæ Legati amplitudine, apud Ecclesiasticos ac Principes; ab ingentibus diuitijs ingentis illius charitatis adminiculis, apud tenuiores; à præstanti pietate apud bonos; à vitæ humilitate asperitateque admirabili apud peccatores. Eòdem accessit vultus dignitas plena grauitatis & splendoris; consilium & prudentia vniuersæ Ecclesiæ regendæ par, quam & Auunculo Pontifice rexit; animi excelsitas magno stemmate & magna sanctitate digna, qua nec sæuientium Prætorum minas, nec Monachorum furentium gladios, nec Clericorum contumacium calumnias, nec Pontificis & Cardinalum alienis

fallacijs inductorum & circumuentorum offensio-
nes, opinionefque incommodas, extimesceret. Vis
mentis eximia in rebus maioribus aggrediendis: in
conficiendis atque absoluendis immota constan-
tia: flagrans & inuicta charitas, qua in mediam
luem publicam, in medios torrentes interritus ra-
peretur: inexhausta corporis firmitudo, qua Dic-
cesi perpetuo peragrandæ, corporique maceran-
do sufficeret: humilitas publicæ pœnitentiæ ido-
nea, qua publica impœnitentia erubescere coge-
retur: Primitiæ Ecclesiæ immensus amor, quo ve-
terem illius disciplinam in hac extrema temporum
labe ab interitu reuocaret: pœnitentiæ canonum
honor ac veneratio incredibilis, quâ illos in hono-
rem adducere, omnibusque ad instituendam vi-
tam proponere certaret: Sapientia & perspicacia
excellens in præclaris illis pœnitentiæ remedijs ad
animarum salutem accommodandis: omnes deni-
que diuinæ atque heroicæ dotes, quibus Episco-
pum ad Ecclesiæ labes reficiendas, atque ad mise-
rabiles ieiunatum steriliumque Confessionum, ab-
solutionum præcocium, satisfactionum inanium,
ac Communium sacrilegarum abusus tollendos
instructum esse oporteat.

Quod autem hæreticorum ab errore liberando-
rum partes Sancto illi Episcopo Geneuensi diuini-
tus assignatæ essent; idque cum aliorum omnium,
tum in primis Cardinalis Perronij iudicio constet,
cuius est nota vox: Hæreticos quidem coarguere
suum esse, illius autem Episcopi flectere & ad sani-

tatem adducere. Fuit illi viro cœlitus instillata lenitas, ac mansuetudo quædam singularis ad mitigandam hæreseos acerbiteriam, animosque demulsis cordibus expugnandos apposita; in refellendis eorum erroribus dexteritas ac solertia eximia; in enarrandis fidei mysterijs eruditio diuinitus magis immissa, quam studio & labore parta. Sermo suauitate & eloquentia quadam sanctiore diffluens; pietatis odor reconditus ex gestu, voce, scriptis eius effusus; decora facies quæ vel immanissimum quemque ad benevolentiam alliceret; castimonia cœlestis atque Angelica ex animo corpus velut irradians; humilitas quædam demississima ad depellendam hæreseos superbiam, eademque grauissima ad eius fastus comprimendos; charitatis denique teneritudo quædam ac patientia, & verè paternæ viscera, quibus eos qui hæresis venenum cum lacte suxissent, & parentes ipsos parricidas essent experti, omni mansuetudine ac misericordia complecteretur, erroris pertinaciam paulatim frangeret, diuinorumque seminum à se inspersorum fructus tardius interdum emergentes, cœlitus expectaret.

Atque vt Deus ipsis adolescentiæ B. Caroli rudimentis eum ad insignis Ecclesiæ disciplinam instaurandam factum comparatumque significauit, dum ad Romanæ Ecclesiæ gubernacula sub Auunculo Pontifice admotum, eam meditari ac velut inchoare consuefecit, quæ postea plenius absolueret: ita vt Beatum illum Episcopum Geneuensem ad
illumi-

illuminandos Hæreticos designatum à se Episcopum profiteretur, eum etiam Presbyterum in Calvinianis regionis suæ doctrinâ Catholicâ imbuedis exercuit. Non secus ac magnus olim Athanasius, Arianos, quos Episcopus ad extremum spiritum infectaturus erat, acriter Diaconus oppugnavit. Postremò, ut B. Carolus pœnitentiæ domicilia peccatoribus ad Deum conuersis, hoc est, Catholicis qui ad Christianam vitam sese recepissent, constituit: ita magnus Geneuensis Antistes charitatis gymnasia & hospitia conuersis ad Ecclesiam hæreticis, hoc est, Christianis ad Catholicam mentem reducibus, excitanda curauit.

Quod si institutum Episcopi Geneuensis quo in Catholicis regendis utebatur, cum B. Caroli instituto conferamus, B. Carolus Pauli similis existet, qui in improbos vbique Christianos orationis tela contorquet, qui pœnitentiam fortiter inculcat, qui arrepta virga hominem incestum à Sacramentorum usu atque ab Ecclesiæ communione remouet, qui peccatorum post baptismi gratiam lapsorum corpus, *ut spiritus saluus sit, Sathana tradit*: Episcopum vero Geneuensem Ioannis Euangelistæ simillimum dicere licebit, qui charitate redundans in charitatis mansuetudine ac delitijs prædicandis enituit, qui etiam fœminas sanctas ac religiosas scriptis instituit Epistolis, quemadmodum pias mulieres, Virgines ac Viduas magno numero diuinus ille Antistes in religiosam familiam, suo, hoc est, amoris potius quam

austeritatis & pœnitentiæ spiritu temperatam, congregauit.

Nec tamen ijs quos regendos susceperat, pœnitentiæ studium non vehementius indicebat, cum opus esse intelligeret. Ea est enim via regia, via arcta, quæ sola peccatores in cœlum ducit. Quare ex intimis eius familiaribus, epistolisque compertum est, pœnitentiæ labores animabus ad eos ferendos idoneis ab ipso imponi solitos, eiusque scripta quam facta & instituta fuisse mitiora: quippe quod omnibus scriberet, pro suo autem quemque captu & affectione moderaretur. Nemo enim eo quo ille iubet animo esse potest, hoc est, corde penitus diuina charitate mutato, quin piorum operum corporisque afflictationum omni genere, vitiorum stirpes euellere, gratiæque ac virtutum semina auctiora in dies facere contendat, quemadmodum Sanctorum virorum exemplis nullo non seculo comprobatum est. Nam & ille ipse in delictis idem atque in diligentibus princeps discipulus B. Ioannes adolescentem, quem baptismo imbuerat gratiâ lapsum, omnibus pœnitentiæ molestijs, ieiunijs, fletibus, dejectionibus, humilitatibusque exercuit, cumque exercitationum illarum socium ei se ac ducem præbuisset, crebris pœnitentiæ fructibus publicè probatum Ecclesiasticæ communioni restituit.

Videntur tamen Beatissimus ille Episcopus Geneuensis & S. Carolus proprio quisque à Deo gratiæ munere donati. Ille vt pios per animorum fran-

gendorum studium ad virtutis apicem : hic vt peccatis inquinatos per carnis vexandæ curam ad virtutem adduceret. Quare ille pietatem & innocentiam mansuetioris ac minus austeræ vitæ sanctitate : hic morum deprauatorum emendationem vitæ durioris exemplo denuntiare videbatur.

Sicut ergo pius ille Antistes, vt in eius Vita proditum est, S. Carolum imitandum sibi delegerat ; ita Episcopi animarumque Rectores qui hominum criminiosorum, quos Christianos nomine, re Ethnicos iure dixeris, moribus sanandis hodie præfunt, eundem sibi ducem autoremque meritò proponant. Sanctorum enim exempla in ea re potissimum, cuius Deus illos exempla esse voluit, consecrari oportet. Quamuis enim à nullius Sanctorum animo vlla virtus abesse putanda sit : eâ tamen quisque ferè insignior est, cui restituendæ propriè à Deo delectus est. Ita posterioribus Ecclesiæ seculis S. Bruno solitariæ vitæ, Bernardus pœnitentis, Dominicus prædicationis, Franciscus paupertatis, Franciscus à Paulâ humilitatis, alij aliarum virtutum exempla prætulere. Quod idem in Ecclesiasticæ doctrinæ ratione vsu venit, in quâ quoniam Dionysius cœlestis Hierarchiæ mysterijs enunciandis, Hilarius & Athanasius diuinissimæ Trinitati illustrandæ, Hieronymus Scripturis interpretandis, Augustinus Gratiaë arcanis aperiendis, Gregorius Christianis moribus enucleandis diuinitus præpositi videntur : eorum quemque in eo quod tradendum explanandumque accepit ducem ac

magistrum vulgò agnoscimus. Sua enim Spiritus Sanctus diuidit singulis dona prout vult, & vnicuique Sanctorum eo in opere ac munere cui ad aliorum institutionem & Ecclesiæ commodum eum addixit, lucem, virtutem, ac zelum vberiore ardentio remque largitur.

CAPVT XLV.

ALIA HORVM TEMPORVM POSTREMORVM
*testimonia de peragenda ante Communionem
 pœnitentiæ utilitate.*



T igitur nulla argumenta aliunde colligam, ista Oecumenici vltimi Concilij decreta, à viro nostri temporis sanctissimo explanata, satis superque sunt, vt liquidò constet, quantam Ecclesiæ contumeliam facias, dum rudibus & imperitis persuadere niteris, sanctissimas ipsas pœnitentiæ functiones illius autoritate his temporibus abolitas, Patrum, imo ipsiusmet sensa & instituta ab eâ conuulsa, fœdâque leuitate & inconstantiâ noxium ei nunc videri, si quis aliquandiu ante Communionem pœnitentiæ operam det, quod tot ante seculis summè salutiferum, atque Euangelicæ sanctitati congruentissimum habuit. Ne tamen vni D. Carolo sanctissimæ illius disciplinæ tuendæ curam & cogitationem diuinitus injectam suspicere: paucis adungere visum est, quæ nostræ memoriæ alia Concilia, alij Episcopi, alij Sancti, alij Doctores eadem de re censuerunt.

CONCILIVM SENONENSE.

CONCILIVM Senonense proximo superiori Anno 1528. seculo aduersus nascentem Lutheri hæresim à Cardinale Pratenſi habitum, Hæresiarchæ illius erroribus quos proscribit, hunc accenset. *Nihil con-* Annotatio-
nes aliquot
errorū iam
olim dam-
natorum, &
nunc repul-
lantium
paucis con-
ſtrictæ.
ducit ad susceptionem Eucharistiæ se præparare per Con-
tritionem, Confessionem, Satisfactionem & alia bona
opera. Errat igitur, Concilio iudice, quisquis ad
Christi corpus accipiendum non contritione mo-
do & confessione, sed & satisfactione, pœnitentia,
bonorumque operum vsu se componere salutife-
rum negat. Ac proinde non aliâ quam erroris opi-
nionem duci necesse est, qui perniciosum existimet,
plusculis diebus pœnitentiæ operam dari, bonisque operi-
bis animæ sordes elui, antequam Communio adeatur.
Insignisque fallaciæ est, quas sententias Ecclesia in
Concilijs damnat, eas ipsi affingere.

SYNODVS AVGVSTENSIS.

SYNODVS Augustensis in Germania non mul- Synodus Au-
gust. an. 1548.
c. 19. de pœ-
nit. & remiss.
to post tempore ab Othone Cardinali Sanctæ
Balbinæ & Episcopo Augustano collecta, innu-
meris in causis Communionem negari, aut saltem
quoad peracta fuerit pœnitentia, differri iubet;
neque in atrocibus modo criminibus, vt vocas, sed
in vulgaribus maxime peccatis, vt ebrietate, furto,
alcâ, maledicentiâ, aliisque similibus. Quare non
inutile fortè videatur, omnes canones illos profer-
re. Sed tamen, tædij vitandi causâ, sex aut septem

describere satis habeo, ex quibus dereliquis existimare facile sit, simulque statuere, sintne temeritatis nomine accusandi, qui peccatores ad agendam pœnitentiam vocant, priusquam eos diuinis altaribus admoueant.

Ne hoc præcellens Sacramentum aliquâ afficiatur injuriâ & contemptu, ex SS. Patrum decreto & institutione etiam infames omnes ab eius perceptione prohibendi sunt, cuiusmodi sunt, præstigiatores, incantatores, publicè rei & scurræ, & qui ludis vacant iure Pontificio prohibitis, ibidemque scorta ac lenones..... Si, inquam, omnes ab altaris Sacramento remouendi sunt, donec vitâ suâ improbâ penitus abdicatâ, irrogatam sibi pœnitentiæ mulctam persoluerint.

Item ijs annumerandi sunt, qui alearum lusui perpetuò vacant: quibus non est porrigendum venerabile Sacramentum, donec inde abstineant.

Item qui ebrietati & crapulæ ac commessationibus perpetuò dediti sunt & inhaerent: illis post factam confessionem venerabilis huius Sacramenti sumptione per triginta dies est interdicens, uti ab his vitijs sese emendent.

Item quicumque iniquâ mensurâ vel pondere emunt aut vendunt: triginta diebus iubentur abstinere à sacrâ Communionem posteaquam ex Canonum præscripto irrogatam sibi pœnitentiæ mulctam susceperint.

Item quotquot ex Ecclesiastici decreti siue præcepti contemptu, Dominicis aut alijs festiuis diebus Sacrum Missæ auscultare nolunt nec in ipso Missæ Officio perseverant, donec Sacerdos ultimam benedictionem imper-

riatur : pro iudicio Confessoris sui à Communtione prohibeantur, donec agant pœnitentiam.

Item quicumque Omnipotentem Deum, aut sacratissimam Dei Genitricem, vel alios Sanctos palam blasphemant, aut eis maledicunt, vel per eorum nomina, vel membra indignè ac impiè iurant & imprecantur, seu maledicunt : ab Ecclesiæ ingressu & sacrâ Communionē excludendi sunt, donec publicam egerint pœnitentiam.

Item quotquot Sacerdotalem dignitatem & Sacerdotes ipsos publicè dehonestant, aut conuittantur : ijs similiter Ecclesiæ aditu & sacrâ Communionē interdictum est, donec pœnitentiam egerint.

Item qui animo deliberato homicidium perpetrant, & qui erga proximum inimicitias, aut inuidentiam ulcisci meditantem animo gerunt, aut qui proximos iniquè opprimunt, aut eorum existimationi & honorī falsò derogant : ij omnes ad venerabilis Sacramenti perceptionem non sunt admittendi, donec vel pacem conciliando, vel aliena damna restituendo satisfaciant, & irrogatam pœnitentiæ multam persoluerint.

Qui reliquos canones quos nunc omitto in ultimo Conciliorum generalium volumine diligenter expendere voluerit : facilè intelliget, quam multos istius Synodi autoritate Eucharistiâ prohiberi & ad pœnitentiam adigi oporteat : nequēta- men his contenta, quo maiorem sanctæ huic disciplinæ aditum daret, generalem istam clausulam adjungit.

Potest denique vnus quilibet Confessor, cui cura sunt animæ sibi confitentium, pro peccatorum magnitudine &

gravitate, eisdem sibi confitentibus, seu filijs confessionis suæ, ex causâ quæ sibi iusta videbitur, ad tempus sacrâ Communionem interdicerè, eique tales confitentes morem gerere debent: nisi à superiori Ecclesiastica potestate aliud impetraverint. Quod si peccatum occultum sit, & talis quispiam ad altare accedens, venerabile Sacramentum sibi porrigi publicè petat, non id illi Sacerdos negare debet: quanquam hoc ipso quod contra sui Confessoris prohibitionem accedit, peccatum admittit.

Cuius clausulæ paucis verbis doceris: Primum Sacerdoti ex causâ, quæ ipsi idonea videatur, quamque tibi probare necesse non habeat, suo iure facere licere, quod tu Ecclesiæ disciplinæ & praxi contrarium imperitè arbitraris, nempe hominem pœnitentiæ ad tempus addicere, priusquam Communionem ipsi adjudicet.

Deinde, occultas etiam ob culpas id ei concessum.

Tertiò, dum hoc agit demonstrare animas sibi curæ esse.

Quartò, pœnitentis esse morem ei gerere, nisi à Superiori Ecclesiasticâ potestate aliud impetraverit, ut ab Episcopo, non à pari, qualis Presbyteri alterius.

Quintò, qui hanc Sacerdotis legem infringat, eoque prohibente Eucharistiam usurpet, nouo se peccato constringere. Nunc ad alia progredimur.

SYNODI PROVINCIALES

Mechliniensis, Colonienfis & Bituricensis.

CONCILIVM Prouinciale ^a Mechliniense anni 1570. publicam publicorum criminum pœnitentiam restitui iubet. Quod idem à ^b Coloniensi multo ante constitutum fuerat.

^a Conc. Mechlin. de Sacram. c. 6.

^b Concil. Colon. an. 1536. de Adm. Sacr. c. 38.

^c Concil. Bitur. Tit. 21. c. 2.

Prouincialis Synodus ^c Bituricensis anni 1584. hoc ipsum edicit, nec ferendum censet, qui contrà sentiat. *Nemo, inquit, pœnitentiam publicam peccato publico, quod Christianorum oculos maximè offendit, injungendam neget.*

Eadem Synodus Canones pœnitentiales Sacerdotibus cognoscendos explorandosque statuit, ex quibus norint quemadmodum idoneas & peccatis congruentes satisfactiones imponendæ sint. *Sacerdotes, inquit, Canones pœnitentiales discant, ut modum & rationem pœnitentiæ injungendæ melius intelligant.*

^{ibid.} c. 9.

Quin etiam vetat quemquam Communionem attingere, qui ad eam sese non contritione modo & confessione, sed & pœnitentiæ operibus præparauerit. *Nemo, inquit, sine contritione, confessione & satisfactorijs operibus dignè præmunitus, ad Eucharistiam sumendam accedat.* Adeoque magnoperè probat, quod tu adeò improbas, lapsos pœnitentiæ operibus ante Communionem temporis aliquid tribuere.

^{ibid.} tit. 22. c. 5.

CARDINALIS GROPPERI DE
Pœnitentia instauranda insignis locus.

2. *Analium*
Colon. Autor
in Adolpho 3.

Rouerus
Pontanus in
Chron.
Petramella-
nus.

Sanderus in
Elogys.

Orlandin. in
Hist. Sac. tes.

Sabin. in
Latino, &c.

Ex ijs autem
sunt qui tra-
dant Grop-

perum à Pau-

lo IV. Presb Card tit. S. Lucie in silice declaratum gratias agentem purpuram remisisse. Sacerdinus tamen Ioan. Gropperum *virum egregie sanctimonie & doctrine* appellat; *quem dein, inquit, Pontifex reuocantem in Cardinalium adlegit Collegium.* De nuntio vero purpuræ remisso nihil, neque ex eius Epitaphio id colligi potest, cuius Romæ in Ecclesiâ Theonicorum hæc legitur Inscriptio. IOANNI GROPPERIO Religionis fideique Catholicæ propugnatori acerrimo, post incredibiles summis cum periculis pro Ecclesiæ ac Religionis conseruatione magno semper ac inuictò animo exantlatos labores, multaque præclara litterarum monumenta edita, ob perpetuam fidei pietatisque constantiam, incomparabilem doctrinam, summasque virtutes, absenti, nec quicquam minus cogitanti in Sacrum S. R. E. Cardinalium collegium cooptato, præmatura adhuc morte, & quando sui opera in primis considerabatur, ex humanis excepto, fratri piissimo atque optimè merito Godifredus ac Gaspar Gropperij fratres moestiss. posuere. Vixit annos LVII. dies XVIIII. Obijt VII. Id. Martij M. D. LVII.

vt Libro illo minus iam obuiò, gratum me Lectori, cui eius copia non facilè contingat, facturum existinem; si præcipua disputationis illius eximiæ capita hîc exhibeam.

Gropper. in
Instit. Cath.
p. 226.

Vbi pœnitentiæ publicæ vim explicauit, ostenditque, *Eam olim etiam pro occultis criminibus dari & accipi solitam, demonstrare aggreditur: Solâ vel incuriâ, vel inscitiâ Præfulum Ecclesiæ publicam pœnitentiam iam penè abolitam esse.*

Ex prædictis, inquit, manifestè liquet Pœnitentiam publicam (quam publicorum criminum expiatio requirit) non alia ratione quam inexcusabili prorsus negligentia aut imperitiâ Sacerdotum, in Latinâ Ecclesiâ iam in totum penè exoleuisse: requirere vero vigorem Evangelicum, ut præsentium Præsulum industria ac vigilantia ea in Ecclesiam reducatur, veluti res summè necessaria, præsertim hoc deploratissimo tempore, quando omne flagitiorum genus ita ubique sine pudore inundat, ut flagitia vix pro flagitijs habeantur.

Paulò inferius docet, Non relaxari in Ecclesia gra- 16. p. 231.
uia crimina, nisi satisfactione (seu publicâ, seu priuatâ pro ratione criminum) susceptâ & peractâ: In summâ, inquit, hoc constat non relaxari ritè per Sacerdotes in Ecclesia graua à baptismo commissâ crimina, nisi factâ exomologesi & peractâ publicâ, si publica sint crimina; vel priuatâ, si secreta sint, satisfactione, ab ipsis Sacerdotibus (ea in parte vicem Christi gerentibus, eamque virtute diuinarum clauium ab ipso Christo suæ Ecclesiæ relictarum imponentibus) susceptâ. Quod parabola Evangelica de homine descendente ab Hierusalem in Iericho apertissimè demonstratur, &c. Quod quid aliud est, quam ut peritum se medicum aduersus egrotum præstet? Qui videlicet caueat, ne vulnere dum adhuc pus intus est, parcenti manu cicatricem obducatur: sed potius secato ei & aperto fortiolem pœnitentiæ medicinam, dum omnis putredo euacuetur, infundat. Quid hîc dicent Lutherani, qui hanc tam salutarem & necessariam curam ex Ecclesia auferre sunt moliti: quo quid aliud effecere, quàm ut saucios & semiuuos non attrectato vulnere

inani spe lactarent ; eâque impletos in mortem æternum duraturam , dum impœnitentes manent , nullosve dignos pœnitentiæ fructus edunt , præcipitarent ?

Idem injungendæ satisfactionis & pœnitentiæ
 16. p. 224. modum præclarè exponit : *Quantum autem , inquit , ad qualitatem pœnitentiarum imponendarum pertinet ; hoc velut quoddam generale nosse oportet , quod diuersitas culparum diuersitatem facit pœnitentiarum . Nam ut corporum medici diuersa medicamenta componunt , ut aliter vulnera , aliter morbum , aliter tumores , aliter putredines , aliter caligines , aliter combustiones curent : ita spiritales medici diuersis curationum generibus animarum vulnera sanare debent .*

Sed quia hoc paucorum est ad purum scilicet cuncta cognoscere , & curare & mederi , ac ad integrum salutis statum lapsos reuocare : ideo admonentur docti quique & pij Sacerdotes Christi , ut non ex suo sensu , sed aut secundum sacrarum Scripturarum autoritatem , aut sacrorum Canonum institutiones , & Patrum traditiones vniuersa disponant , & conditionem vtriusque sexus , ætatem , paupertatem , causam , statum , personam cuiusque pœnitentiam agere volentis . Ipsum quoque cor pœnitentis inspiciant , & secundum hæc , uti sibi visum fuerit , veluti sapientes medici , singula quæque dijudicent .

Pro quibusdam tamen culpis modi sunt impositi , iuxta quos ceteræ perpendendæ sunt culpæ , cum sit facile per eosdem modos vindictam & censuram Canonum æstimare . Nam qui Canonum ignari peccatis grauibz leues quosdam & insuetos imponunt modos , consuunt puluillos , secundum Propheticum Sermonem , sub omni cubitu

manus, & faciunt ceruicalia sub capite vniuersa ætatis ad capiendas animas.

Quare discretionē magnā opus est, & hæc imprimis seruanda venit, inter pœnitentes publicè & absconsè. Enimverò oportet, ut suprâ dictum est, ut qui publicè peccat, publicâ mulctetur pœnitentiâ; & secundum ordinem Canonum, pro merito excommunicetur & reconcilietur.

His vero qui clam grauiora scelera admiserunt, eaque confessi sunt, etsi non injungere inuitis, indicare tamen saltem debent Sacerdotes remedium Canonicum, quod subire debuissent, si eorum facinora publicata fuissent. Quum vero lateant admissa, consilium eis dabunt, ut salutis animæ suæ occultè pœnitentiâ consulant; hoc est, ut veraciter ex corde grauius se deliquisse cognoscant, & per ieiunia & eleemosynas, vigilasque ac sacras orationes cum lachrymis se purgare contendant, ut sic ad spem veniæ per misericordiam Dei se peruenturos confidant.

Mensuram autem temporis in agendâ pœnitentiâ idcirco non satis apertè præfigunt canones pro unoquoque crimine, ut de singulis dicant, qualiter unumquodque emendandum sit: sed magis in arbitrio Antistitis intelligentis relinquendum statuunt: quia apud Deum non tam valet mensura temporis quam doloris, nec abstinentia tantum ciborum, quantum mortificatio vitiorum. Propter quod tempora pœnitentiæ fide & conuersatione pœnitentium abbrevianda præcipiunt, & negligentiam protrahenda existimant.

Verum hæc leuiora videantur, si cum ijs conferas, quæ doctissimus ille Cardinalis addit, vbi Ec-

clesiæ Pastores ad pœnitentiæ publicæ instaurationem, velut vnicum grauissimorum, quibus ætas nostra afflictaur, malorum remedium hortatur. Cuius orationis hic titulus est: *Non desperandum de reductione publicæ pœnitentiæ in Ecclesiam.* Ea de re deinceps ita loquitur.

*Sunt qui desperant populum hoc tempore ad seueras illas publicæ pœnitentiæ leges (qui canones pœnitentiales dicuntur) posse astringi & alligari : & proinde de re-
instauratione publicæ pœnitentiæ frustra disputari. Existimant enim populum præsentis seculo & fide & charitate nimis languere, ut non videatur unquam hunc rigorem recepturus. Verum longè mihi alia mens est. Equidem, ut quod sentio dicam, quò magis fides, charitasque in hominum cordibus refrixerunt, eò ardentius Ecclesiarum Præsilibus insistendum puto, ut publicæ pœnitentiæ usum in Ecclesiam reducant. Nam cum negari non possit, id quod res ipsa loquitur, publicæ pœnitentiæ neglectu, simul omnem disciplinam (quæ religionis vnicum fulcimentum est) exoleuisse; & eius loco fœdissima scandala in Ecclesiam agminatim inundasse, quæ dant causam horum temporum perturbationi, dicant, oro, isti tam modicæ fidei, quânam aliâ putent ratione scandala ista, quibus in præsentiarum afflictaur Ecclesia, è medio unquam tolli, & religionem retineri posse, nisi in usum restituatur : quod neglectum hætenus tantorum est unica causa malorum.*

Languet quidem (quod dolendum est) populus fide, & vacat charitate, sed disciplina, autore Cypriano quem suprâ citauimus, retinaculum fidei est, custos spei, &

nutrimentum charitatis, quâ in Christo manemus ac iugiter in Deo viuimus. Igitur si languentem fidem erigere & consolidare, si charitatis igniculos in hominibus excitare velimus, hoc tantum restat, vt Ecclesiarum Præsides disciplinam & in primis, quæ huius maxima pars est, pœnitentiam publicam restituant: qua infinita scandala tollent è medio, & innumeras animas quæ huius contemptu nunc (quod negari non potest) relegantur in infernum, Christo lucrificent.

Poterunt autem Præsides non valde difficulter reducere eam, modò tamen suo munere grauiter ac strenuè perfungi velint. Nam cum lege diuina indicata ac demandata sit, & à temporibus Apostolorum in veteri Ecclesiâ quam maxime frequentata, & ferè ad nostra vsque tempora retenta, quamuis à multis ob crassam inscientiam non satis percepta: quid vetat quominus id quod olim tamdiu in Ecclesia non sine maximo fructu visitatum fuit, & quod sacrae Literæ tantoperè commendant, imo quod Christus & Apostoli tam seriò præcipiunt; velut post liminio quodam in usum reuocetur, si quidem cum nunc omnes Euangelici dici velint: quâ, rogo, fronte respicient disciplinam Domini sui, præcepta imperatoris sui, censuram diuinam & Euangelij legem? Si quid desperandum est, magis à Præsidium socordiâ, quàm à populorum languore (cui mederi Sacerdotes debent) desperandum esse videtur.

Nathan & Gad Propheta victoriosissimum Regem Dauid; Helias impiissimum & crudelissimum Regem Achab; Ionas Regem Niniuæ potentissimum cum tota vrbe longe maxima, in qua erant plusquam centum vi-

ginti millia hominum; Daniel Nabuchodonosor totius orbis Monarcham, & inter omnes qui illum secuti sunt, sine controuersia maximum: Hi, inquam, viri Sancto Spiritu Dei afflati, quamuis in horum Regum essent potestate ad pœnitentiam tamen publicam eos inflexerunt. Idem post Christum fecerunt Apostoli, quemadmodum de Corinthijs ad publicam pœnitentiam à Paulo conuersis manifestum est: quare quid vetat quominus idem nostris temporibus fiat? Numquid abbreviata est manus Domini?

Cæterum ne dicas potuisse illos Prophetici seu Apostolici spiritus virtute quod alij ita efficere non possint. En post Apostolos virum Apostolicum S. Fabianum Romanum Pontificem & Christi Martyrem: An non is Imperatorem (Romanorum Principum, qui Christianam fidem amplexi sunt primum) cum iam pridem Christianus effectus esset, & communicare vellet sacris, ob quædam publica, quæ de ipso crimina ferebantur, prohibuit, quoad peccata confessus pro foribus inter pœnitentes staret? Quod Eusebius Libro 6. Ecclesiastica Historiæ factum testatur.

Et ut ad posteriora tempora veniamus: an non S. Ambrosius Magnum illum Theodosium (qui tamen in eum potestatem vitæ ac necis habebat) ad publicam pœnitentiam in conspectu vniuersi populi agendam adiecit? An non Maximum Cæsarem à Communionis consortio segregauit, admonens, ut effusi sanguinis domini sui, nimirum Gratiani, & quod est grauius, innocentis, ageret pœnitentiam? Quomodo igitur nunc causari poterunt Ecclesiarum Præsides, se ne suas quidem plebes
(quarum

(quarum certè magnam partem tam Ecclesiastico quam civili iure sibi subjectam habent) eò pietatis adducere possè, modo tamen verè esse velint quod audiunt? Imò non habent, quod vel ob potentiores è plebe, aut alios magnates (qui solent maximis sæpè criminibus, eisque manifestis, esse obsiti, & ad hoc impietatis prouecti, ut glorientur in malitijs suis, & exultent in rebus pessimis) se à reductione publicæ pœnitentiæ excusent, quasi scilicet hi non sint laturi hunc rigorem. Nam si ipsi duces se gregis præberent, & potestate quam eis Dominus in adificationem & non in destructionem dedit, legitimè uterentur, inuenirent haud dubium adhuc qui suæ Pastoralis voci obaudirent, etiam ex viris principibus, nisi tamen prorsus ineptus censendus sit, qui dixit, se non dubitare quin tales habituri simus principes qualis fuit Theodosius, si tales haberemus Episcopos, qualis fuit Ambrosius.

Sed demus ut inueniantur refractarij: an ob id Sacerdotes sui muneris (quod non humanum sed prorsus diuinum est) penitus debebunt obliuisci: An clauem ligandi & retinendi in terris, quæ ligata & retenta sunt in cælis, à clauē soluendi atque remittendi diuellere, atque adeo penitus negligere, ne dicam abijcere audebunt contra Domini præceptionem, qui simul tradidit utramque potestatem? Deberent sane potius quam eius aliquid facerent, sanguinem proprium fundere, Chrysostomi constantiam imitari, qui homilia 83. in Matth. ad finem sic habet: Animam prius tradam meam, quam Dominicum corpus alicui indigno, sanguinemque meum potius effundi patiar, quam sacratissimum illum Sanguinem præterquam digno concedam.

Denique quominus de reductione publicæ pœnitentiæ desperemus, en eius rei periculum Reuerendissimus Dominus Sebastianus Archiepiscopus Moguntinus, sui ordinis eximium decus, iam non infeliciter fecit, ut mihi quidam testati sunt, qui præsentis anni in die solenni Cænæ Domini, non paucos in publicè Pœnitentium ordinem redactos in Ecclesia Moguntina secundum Canones Ecclesiæ, religiosè reconciliari suis oculis viderunt, non sine lachrymis, quas rei conspectæ pietas ipsis, ut affirmarunt, expressisset.

Hoc ipsum & aliquanto amplius insigni nostri temporis exemplo comprobatum est, ut facile constet, quod Sapientissimo Cardinali visum est, si quid antiquæ pœnitentiæ instaurandæ ad fœdissima nostrorum temporum scandala tollenda adeo necessariæ obftet; multo magis *Presidium socordiam*, quàm *populorum languorem obesse*.

MARIANVS VICTORIVS

Italus Episcopus.

MARIANVS Victorius Amerinus in Italia Episcopus Hieronymi operum recensione ac Commentarijs nobilis, cuius ea fuit tum eruditio, tum dignitas, tum etiam apud summos Pontifices gratia, ut cum tua, ni fallor, bona venia existimare liceat eum Ecclesiæ tum antiquæ, tum præsentis, ut tuis verbis utar, notitia te, ut leuissimè dicam, nihilo inferiorem fuisse, in præclaro de pœnitentia Libro aduersus nuperas hæreses scripto, illud pro certo ac minime dubio sumit, &

integro capite explicat, Eucharistiam non statim à confessione, sed pœnitentiâ demum peractâ ad-
eundam. In operis enim argumento id se capite 6.
tractaturum pollicetur. *Non potest sacram quis Eu-
charistiam sumere, nisi prius peccatorum suorum exomo-
logesi in Sacerdoti fecerit*; **NEC STATIM POST
EXOMOLOGESIN POENITENTIA NONDVM
PERACTA EAM SVMERE DEBET.** In proœ-
mio vero: *Sexto dicitur, an sine confessione vel conti-
nuo post eam factam accedi ad sacram Eucharistiam pos-
sit.* In ipso autem sexto capite: *Vetus est, inquit,
institutio Ecclesiæ, ratione & veterum Sanctorum au-
toritate firmata, ut quis ad Eucharistiam non accedat,
nisi facta prius peccatorum exomologesi ET POENI-
TENTIA ILLI A' SACERDOTE IMPOSI-
TA AD FINEM VSQVE PERDVCTA.*
Parumne luculenta videntur hæc verba & tuis ad-
uerfa, ad comprimendam censuræ tuæ leuitatem,
præcipitemque zeli tui ardorem refrigerandum?

Nam & illud animaduertas velim, Pœniten-
tiam, quam Episcopus ille ante Communionem
peragendam censet, non de istis esse satisfactioni-
bus leuissimis quæ contra Tridentini decretum
peccatorum grauitati minime respondeant. Has
enim ipsas in breui commentario de Pœnitentijs an-
tiquis quem superiori operi appendicis loco adjun-
xit, grauitè perstringit his verbis quibus Opuscu-
lum concluditur. *Libet in fine huius operis omnes Chri-
sti Sacerdotes admonere, ne nimis remissi, indulgentesque
in imponendis pœnitentijs sint. Ex hoc enim non solum*

*Ecclesiastica regula disciplina omnis resoluitur, verum-
etiam nulla injecta ex facinoribus præteritis verecundia
hominibus rursus redcundi ad scelera, non parua relin-
quitur occasio. ET HÆC VNA, VT EQVIDEM
REOR, PRÆCIPVA CAUSA EST, DEPLORA-
TÆ PROPEMODVM NVNC PROLAPSÆQVE
RELIGIONIS: ET QVOD HODIE TAM PER-
FRICTA FRONTE, OMNIQVE CHRISTIA-
NO PVDORE SEPOSITO CRIMINA PER-
PETRANTVR, ET ECCLESIASTICA VI-
VENDI REGVLÆ PASSIM CONTEMNITVR.
Nam etsi arbitrariæ pænitiæ hodie sint, Sacerdotis ta-
men arbitrium iudicio, iustitia, & veritate inniti debet;
& quamvis in tam corrupto & vitiato seculo seueritas
ista, quam ex Veteribus collectam in hoc Opere ante
oculos lectorum posuimus, seruari modo aliquo non pos-
sit, proptereaue remissa etiam sit: videat tamen Sacer-
dos & secundum quod expedire pænitenti & Ecclesiæ
ex qualitate perpetratorum criminum animaduernerit, ex
istis saltem Canonibus discat, quantâ curâ & diligen-
tiâ pænitentias seu publicas seu priuatas imponere de-
beat.*

S. FRANCISCVS XAVERIVS.

QVOD si adeò te animi æstus abripiat, vt
doctissimum illum Episcopum temeritatis
insimulare non dubites; ad nouum vsque orbem
istam eandem licentiam extende, eademque cen-
sura virum Sanctissimum inuolue, cuius operâ tot
gentibus, mortiferâ infidelitatis & Idololatriæ ca-

ligine obrutis, Euangelij lucem inferri Deus voluit, Christumque regni sui toto terrarum orbe tandem spargendi partem non pœnitendam occupare.

Autor est Tursellinus in Vita Francisci Xauerij, cum Societatis Confessarijs hoc in primis præcipere solitum, præsertim si quando contingeret homines negotijs implicatos ac solutioris vitæ ad eos accedere, *ne à confessione absoluerentur illicò, sed aliquandiu pœnitentiæ operam dare iuberentur.* Itaque his verbis Patrem Gasparem admonuisse refert Tursellinus. *Confessionem non continuò sequetur absolutio: sed biduum triduum-ve dabitur eorum pectoribus certarum rerum meditatione præparandis, ut interrim animorum maculas lachrymis ac voluntarijs eluant pœnis. Si quid cui debent, restituant: simulatibus, si quas habent, depositis: redeant cum inimicis in gratiam: à libidinis consuetudine cæterisque quibus impliciti sunt flagitijs expediantur.* HÆC OMNIA ABSOLVTIONEM PRÆCVRRVNT RECTIVS, QVAM SEQVNTVR.

*Tursellin. in
Vita Xauerij
lib. 6. cap. 17.*

Si de huius sancti viri sententiâ satius est à pœnitente ante absolutionem hæc omnia præstari, ut mentem verbi diuini pabulo, & rerum cœlestium meditatione pascat: animæ maculas lachrymis ac voluntarijs pœnis eluat: ablata restituat: redeat cum inimicis in gratiam: à vitiorum consuetudine ac visco se expediat: Cui tandem dubium sit, quin vbi bidui, triduive mora, quam exempli causa commemorat, hisce rebus perficiendis satis

510 DE FREQUENTI COMMUNIONE.

non erit, optimum atque adeo necessarium viri Sanctissimi iudicio videri debeat, longius temporis spatium adhibere : præsertim si pœnitens diuinæ gratiæ vi permotus, dilationem illam sponte amplectatur, & in pœnitentiæ exercitationibus tamdiu hærere gaudeat, quoad necesse fuerit, ad impuras vitiorum imagines diuinarum rerum meditatione abstergendas ; ad curanda gemitibus malâque corporis tractatione mentis vulnera ; ad animum inducendum diuitias repudiare, si quas forte per vsuras & fraudes ex tenuiorum visceribus corrasit ; ad inueterata odia ex animo euellenda ; ad opprimendos lasciuientes carnis motus, qui non nisi diuturnis laboribus coercentur, vbi ad corruptionem naturæ deprauatio morum accessit ; ad exitiales denique quibus in peccati seruitute detinetur laqueos dissoluendos. *Hac enim omnia, vt ait vir Sanctissimus, absolutionem præcedunt rectius, quam sequuntur.*

Ex quibus facile intelligitur singularis Spiritus prudentiâ triduum ab illo expressum, quo magis peccatores ad pœnitentiam induceret, breuique ac facili velut aditu allectaret. Similia prudentiæ Sanctorum exempla in Scripturis videre licet, qui ab ijs quos grauius vrgerent peccata, leuiora primum postulauerint, vt sensim ac pedetentim ad veritatis & pœnitentiæ viam illos adducerent. Sic à Rege Nabuchodonosore, vno omnium sui temporis nocentissimo, hoc vnum Daniel petijt, vt imminentem Dei iram eleemosynis auerteret, pe-

cuniâ in pauperes erogatâ peccata redimens :
 quod illi quidem facilius haud paulò fuit , quàm
 ijs de quibus B. Xauerus loquitur , inter absolutio-
 nis moram triduo pœnitentiæ operam dare. Sic
 Ioannes Baptista posteaquam peccatores acerrimè
 infectatus est , pauca tamen principiò ab illis con-
 tendit ac postulat , nimirum per indulgentiam , in-
 quit Chrysostomus , vt illorum infirmitati obse-
 queretur. Ad eundem prorsus modum S. Xaue-
 rius , vt pœnitentes & Presbyteros ad moram ali-
 quam inter confessionem & absolutionem inter-
 ponendam mollius pertraheret , exempli gratia ,
 triduum affert. Quod enim intercapedine illâ vten-
 dum ob eam in primis causam censet , vt *homines à*
libidinis consuetudine cæterisque quibus impliciti sunt
flagitijs expediantur , indicio est benigniorem & ac-
 commodatitiam eius esse orationem : quandoqui-
 dem vix vllos esse qui à deprauatis moribus vitio-
 rumque assuetudine tantulo tempore emergere
 queant , ipsa naturali philosophia constet. Quan-
 quam existere nonnunquam potest , qui multo-
 rum licet criminum reus , tanto cum animi dolore
 ac pietatis sensu ad Sacerdotem adeat , vt tridui
 spatium vel etiam breuius satis illi superque sit ,
 quemadmodum illustri exemplo quod in Vita
 S. Vincentij extat , alteroque in Vita Cardinalis
 Vitriaceni declaratum est.

Vt vt sit , cum Sancti viri sententia sit , lachry-
 mas , voluntarias pœnas , reditum cum inimicis in
 gratiam , discessum à vitijs *absolutionem præcedere re-*

512 DE FREQUENTI COMMUNIONE.

Etius quam sequi, multo magis ea Eucharistiæ communionem antecedere præstat ; ac proinde viro Apostolico autore saluberrima est ad Sacerdotes admonitio, vt peccatores aliquantisper in pœnitentiæ curriculo contineant, antequam eos absolutione & communione dignentur.

DOCTORES SCHOLASTICI & Theologiæ Moralis Scriptores huius ætatis.

*Suarez de
Pœnit disp.
38. sect. 7. n. 7.
Bonacina
disp. 5. sect. 3.
p. 2. prop. 4.
Reginaldus
lib. 7. n. 83.
C. 6.*

IAM vt ad nostrum orbem regrediamur, addere licet, inter Scholasticæ & Moralis Theologiæ Scriptores constare, ius esse Sacerdoti vt pœnitentem iubeat impositam satisfactionem implere priusquam eum absoluat, eiusque prudentiæ permittendum, vt in ea re id potissimum sequatur, quod pœnitentis saluti accommodatissimum iudicauerit. Quod cum omnibus compertum sit, nec cuiquam non imperito dubium, cuius tandem frontis atque audaciæ est, Presbyterum temeritatis arguere, eo tantum nomine, quod absolutionem à confessione diuellerit, & ad impletam vsque satisfactionem suspenderit, nempe id ipsum faciens, quod eius potestati ac prudentiæ recentiorum etiam Theologorum doctrina concedit? Cum vero huius potestatis vsus in illius iudicio positus sit; iudicium autem illius in cognitione quam à pœnitente acceperit de intimis animi arcanis, peccatorum ratione, de totius vitæ serie, de innatis vitijs, de consuetudinibus prauis, de peccandi vinculis ac necessitatibus, de internis externisque affectionibus

ctionibus & circumstantijs: cuius tandem temeritatis & inscitiae est, factum id damnare de quo sine horum omnium notitia, quam nec habemus, nec habere saluo confessionis sigillo possumus, iudicari non liceat?

Hoc amplius addo, minimè dubium esse, quin si Presbyteri eâ quâ par est, diligentiam considerent, quam multi Sacramenta ludibrio habeant, eademque semper crimina & confiteantur & facitent: facile intellecturi sint, quam frequens & quotidianus sit vsus Theologorum Moraliû doctrinæ de procrastinanda absolutione; & quam fructuosum passim, imo ad pœnitentium salutem necessarium videri oporteat, ad agendam pœnitentiam, certioraque exhibenda sinceræ conuersionis argumenta, eos ablegari, antequam absolutione impartiantur. D. Caroli eam in rem sententiam suprà expressimus.

CARDINALIS BARONIUS.

EI iam illustrissimum alterum Cardinalem adjungo, qui cum in Ecclesiasticis Annalibus Cleri Romani ad Cyprianum de lapsorum causa scribentis verba retulisset, quibus decernitur, vt reconciliarentur ij quos iam suscepta nec ad finem vsque perducta pœnitentia mortis periculum vigeret: *Si tamen professâ frequenter suorum detestatione factorum, lachrymis, gemitibus, fletibus dolentis ac verè pœnitentis animi signa prodidissent*: de quibus nihilominus post hæc omnia quid futurum sit Deo soli

Clerus Rom.
ad Cyprian.
Ep. 31.

514 DE FREQUENTI COMMUNIONE.

notum esse dicitur: *Deo ipso sciente quid de talibus fiat, Et qualiter iudicij sui examinet pondera: Ex his illustrissimus Annalium conditor meritò concludit: Quam ergo parum tuta, quamque dubia sit illa festinanter exhibita reconciliatio etiam petentibus eam cum lachrymis, dicta nuper sententia declaravit.*

Baron. ad
Ann. 253.
79.

PONTIFICIA DIPLOMATA.

PROGREDIAMVR etiam longius, atque vt planissimè constet, quam sanctum sit & pietati consentaneum operam dare, vt pœnitentiæ functio absolutionem, adeoque & communionem antecedit, audaculis istis qui quicquid ignorant damnare non dubitant, Successoris Petri auctoritatem opponamus. Si enim quæsierint quid Pontificia diplomata quibus criminum quorum absolutio Apostolicæ Sedi reservata est, dimittendorum facultas datur, præscribant, edici reperient, vt grauis imponatur satisfactio pœnitenti, cuius saltem parte ante absolutionem defungatur.

SVPERIORVM OMNIVM testimoniorum summa.

QUID habes tandem quod ad hæc omnia reponas? An temeritatis accusare perges facientem quod Summus Pontifex quotidie præscribit? An Ecclesiæ disciplinam & mores exploratiores tibi esse contendes, quam totius Ecclesiæ duci ac principi? An Sanctissimas pœnitentiæ leges & praxes in Ecclesia abolitas censebis, quod eas vel

ignores ipse, vel fastidias? An in te vno Ecclesiam vniuersam sitam opinaris?

Ergone Cornelius Iansenius Episcopus Iprensis, in primis huius ætatis eruditione præcellens, qui peccata à Sacerdotibus mysterio Christi fungentibus *retinenda censet propter pœnitentiæ immaturitatem, vt paulatim perficiatur*, de Ecclesia non fuit?

An Binsfeldius Archiepiscopi Trëuirensis suffraganeus Episcopus, qui Presbyteris autor est, vt quoad possint ad antiquorum Canonum, multos ante absolutionem & communionem pœnitentiæ annos imperantium, obseruationem pœnitentes reuocent, de Ecclesia non fuit?

An Ludouicus Granatenensis scriptis de pietate Christiana Libris nobilissimus, qui abusum temeritatemque non ferendam censet, quod plerique hodie cum primùm nefandorum criminum vim euomuerint, à Sacerdotis genibus ad Christi mensam aduolant, diuinumque illum panem ad quem Angelica, si fieri possët, integritas afferenda erat, confidenter arripiunt: ac denique dies saltem aliquot interponendos monet quibus Deum propitient, & sedem, in quam illum accepturi sunt, fleatibus ac lachrymis spargant & eluant, de Ecclesia non fuit?

An Cardinalis Baronius qui præproperas istas absolutiones quas idonei pœnitentiæ fructus non antecesserint, parum tutas ancipitesque declarat, de Ecclesia non fuit?

An Cardinalis Gropperus qui disciplinæ Ecclesiasticæ atque in primis pœnitentiæ prolapsionem grauiissimis verbis luget, nec fœdissima scandala quibus in præsentiarum Christiana res conflictatur, alia ratione quam instauranda pœnitentia tolli posse contendit, de Ecclesia non fuit?

An Marianus Victorius Italus Episcopus, & apud Summos Pontifices magno in honore habitus, qui Cardinalis illius orationem quodam modo exprimens Patrumque omnium vestigia secutus disertè docet, non modo peccata confitenda, sed & pœnitentiæ functione purganda antequam Eucharistiæ communio vsurpetur, de Ecclesia non fuit?

An S. Franciscus Xauerus qui homines vitij merfos sic à Sacerdote tractari iubet, vt diuinarum rerum meditatio, voluntariæ pœnæ quibus animi sordes eluantur, iniquè partorum restitutio, simultatum depositio, à libidinum & flagitiorum consuetudine discessio, absolutionem, ideoque & communionem præcedant, de Ecclesia non fuit?

An Theologi omnes, quorum consentiens est sententia, posse etiamnum quoad impleta sit satisfactio, reconciliationem differri, proindeque & Eucharistiæ sumptionem, de Ecclesia non erunt?

An Catholici Libani montis incolæ apud quos antiquæ pœnitentiæ disciplina ad hæc tempora seruata est, de Ecclesia non esse videantur?

An Concilia Prouincialia Colonienſe, Mechlinienſe, & Bituricenſe, quæ publicam pœnitentiam reſtituendam decernunt, de Eccleſiæ Concilijs non fuerunt?

An Synodus Auguſtenſis ab Othone Cardinali Sanctæ Balbinæ congregata & Conciliorum corpori inſerta, quæ cum plurimis in cauſis peracta demum pœnitentia communionem peccatoribus permittendam ſanxiſſet, omnes penitus Presbyteros ſanctam hanc diſciplinam quoad potuerint obſeruandam monet, de Eccleſia non fuit?

An Episcopi qui in Senonenſi Concilio errorem damnant negantium vtile eſſe non ſolum per contritionem & confeſſionem, ſed & per ſatisfactionem aliaque bona opera ad communionem ſeſe comparare, de Eccleſia non fuerunt?

An S. Cardinalis Borromæus qui Presbyteris vnâ lapſorum ſanandorum formam priſcos illos canones proponit, quibus omnibus pœnitentia ante Communionem agenda præſcribitur, quique tot decretis Sacerdotes à peruagata iſta praxi, quam tu ſine temeritatis nota prætermitti poſſe negas, ad antiquiorem tutioremque reuocauit, de Eccleſia non fuit?

An Concilij Tridentini vox, quam diſciplinæ à te damnatæ adeò ſuffragari, probatæ aduerſari oſtendimus, totius Eccleſiæ vox non fuit?

Canon, Om-
nis vtriuf-
que sexus.

An denique solennis illa Ecclesiæ lex, quæ sola Eucharistiæ sumptionem fidelibus imperat, quod disertè excipiat fas esse Sacerdoti eo ipso tempore quo vniuersis communio præcipitur, pœnitentem à Communionem prohibere, apud te exoleuit, & de vtilibus Ecclesiæ legibus esse desijt?

CAPVT XLVI.

*P R A X I N, Q V A M E X P L O S A Q V A V I S
aliâ Aduersarius vsquequaque seruari iubet, non esse
totius Ecclesiæ praxin.*



DE SINE igitur tibi ipse fingere, ac temerè alijs asseuerare, id ab Ecclesia non amplius fieri, quod ab ea etiam nunc fieri tot testimonia euincunt; quodque omnibus hodie Sacerdotibus ipsa non modo planissimè permittente, sed etiam ex animo approbante, factitare licet; quippe quod ipsius votis multo maxime consentaneum sit.

Itaque vulgaris ista praxis quam objectas, multorum in Ecclesia priuatorum, non vniuersæ Ecclesiæ est praxis: vel potius vna est praxium Ecclesiæ (ab ea quibusdam in causis semper vsurpata) dummodò abusus absint, quos multos obrepere posse S. Carolus Borromæus monuit: at sola non est, & vnica Ecclesiæ praxis. Nunc quidem frequentior & communior fortassis euasit, quod omnium animis à pœnitentiâ vulgò alienioribus

arridet, & quasi blanditur, omnibus ad confessionem facile inclinantibus, à pœnitentia vero ferè auersis : at nec præstantissima est, nec tutissima, nec insigni in primis Ecclesiæ notæ, antiquitati & perpetuitati doctrinæ conjunctissima, quia per Ecclesiæ demum indulgentiam tolerantiamque necessariam increbuit : cum altera contrà praxis sit primigenia, Apostolorum, Patrum vniuersorum, vniuersæque per duodena penè secula Ecclesiæ praxis : quæ quamuis ab hinc quingentis annis propter cordium duritiam quam Synodus Tridentina ingemuit, ac Sacerdotum inscitiam & socordiam, quæ à Gregorio VII. Summo Pontifice & à S. Bernardo notata toties ac deplorata est, sensim exoleuerit & defluerit : multis tamen in causis ac temporibus singulari Dei prouidentia retenta & conseruata, atque his etiam posterioribus seculis, Conciliorum & Episcoporum decretis, Sanctorumque virorum ac Theologorum scriptis, vt superius demonstrauius, studiosius instaurata ac renouata est,



CAPVT XLVII.

MOREM ET PRAXIM IN ECCLESIA
vulgatiorem interdum sine temeritatis nota omitti posse.



ERVM vt quam in ista tua accusatio-
 ne iniquus sis, magis etiam pateſcat,
 hoc te admoneri operæ pretium fue-
 rit, homini qui à vulgato more & pra-
 xi diſcedat, temeritatis notam non
 ſemper iure irrogandam videri, nempe vbi mos ille
 priuatorum vſu, non Eccleſiæ lege inductus eſt, nec
 contentionis ſtudio, & vnitatis corporis Chriſti,
 quæ quauis morte martyrioque vindicanda eſt,
 conturbandæ cauſa prætermittitur, ſed vt mos al-
 ter eiufdem Eccleſiæ, Scripturarum, Pontificum,
 Conciliorum, ac Patrum iudicio ſanctior ac præ-
 ſtantior, etſi his temporibus inuſitator, retineatur.

Exemplum quæris? Accipe minime dubium.

*Bellarmin. de
 Bonis oper.
 in part. lib.
 3. c. 2.*

*Uſus ieiunia ſoluendi circa meridiem, Et cænulam ſu-
 mendi ſub noctem, hodie in Eccleſia vulgaris eſt. Is
 tamen Cardinalem Bellarminum non deterruit,
 quominus aſſereret, SS. Patrum ſententia verum
 ieiunium vnicacœna ad veſperam ſumenda con-
 tineri, vſumque contrarium ab Eccleſia non imperari,
 ſed tolerari. Vt vt ſit, hominem qui conſuetudine
 iſta, quæ nunc penè ſola obtinet, prætermiſſa, ie-
 iunium perfectius, ac Scripturæ & Traditioni Ec-
 cleſiaſtica congruentius ſectari voluerit, inſimula-
 re nemini opinor, præter te, in mentem venerit.*

Accipe

Accipe alterum. Moris est passim Clericis in ecclesiasticarum precum canone persoluen- do, nullam temporum ab Ecclesia definitorum rationem habere, terque aut quater omnino ad orandum se conferre, cum *septies in die*, more Dauidico, *laudem Duo dici* Ecclesia velit. Nihilominus idem Cardinalis Bellarminus cum innumeris Theologis & canonum interpretibus eos qui citra necessitatem licentiore consuetudine ista vtantur venialis saltem culpæ condemnat. Necessitatem autem non facile causentur, qui rem in consuetudinem, ne in legem dicam adduxerint.

Ut peccatū quodcūque etiam veniale vitetur, debent officia singularū horarum illis horis celebrari vnde nomina acceperunt. Esse autem peccatum saltem veniale, à Canonico tempore in officio persoluen- do recedere, communis est

sententia Theologorum, & Canonistarum, quorum ingentem numerum citat Marcellus Francolinus in libro de tempore Horarum Canonicarum, cap. 24. n. 4. & cap. 25. n. 4. *Bellarmin. de Bonis Oper. in part. I. l. c. 18.*

Sed vt controuersiam istam interim omittam, quis saltem præter te arguendum temeritatis quemquam putet, quod animo reputans Dei maiestatem longè dignissimam cui statim indictis- que horis ministraretur, Ecclesiamque in distri- buendis canonicarum precum temporibus id poti- tissimum spectasse, vt Clerici reuocatis ad Deum identidem animis, in quadam orationis perpetuitate contineantur, à vulgari ista consuetudi- ne, quam à generali Ecclesiæ sensu ad quem om- nis pietas nostra dirigenda est, discedere malit: nec propter quotidianas occupationes à discipli- na illa Canonica immunem se esse existimet, cum ob eam ipsam causam, Hieronymo teste, *diuisas orandi horas debeamus habere; vt si fortè ali-*

Sed quid- quid sit de rigore iuris certe dubi- tati non de- bet, quin sit longè per- fectius, seu- etuosius, & facilius offi- cia singula- rum horarū, suis propriis- que tempo- ribus cele- brare, quam multa simul officia sine ulla horarū & temporū distinctione coniungere. Sic enim ius- tis fit Eccle- siasticæ in- stitutioni,

quæ idè in
certas horas
diurnas, at-
que noctur-
nas officium distribuit, vt in iisdem horis, atque adeo per omnes totius diei partes, Deum lau-
demus: sic enim maxima vtilitas ex Officij recitatione ad nos accedit; dum tam crebro ad nos
ipfi redimus, & à tumultibus sæculi ad pacem Dei, animum reuocamus: sic denique labor pre-
cum horarum in tot partes diuisus, ita minuitur vt leuissimus ac pene nullus esse videatur. *1b.*
a Quanquam Apostolus orare nos semper iubeat, & sanctis etiam ipse sit somnus oratio, tamen
diuisas orandi horas debemus habere, vt si fortè aliquo fuerimus, opere detenti, ipsum nos
ad officium tempus admoneat. Horam Tertiam, Sextam, Nonam, diluculum quoque, Vesperam
nemo est qui nesciat, &c. *Hier. ad Eustoch. de Custod. Virgin. V. etiam in Epist. ad Letam,*
ad Demetriadem, & in vita Paulæ. Et Cypr. de orat. Domin.


Quod si qua in re priuata singulorum facta toti
Ecclesiæ ascribi non debent, id in pœnitentia mi-
nimè omnium fieri licet. Cum enim arcanum oc-
cultumque sit pœnitentis cum Sacerdote com-
mercium, nihil aliud Ecclesiæ relinquitur, nisi vt
legibus, institutionibusque suis illius administra-
tionem generatim præscribat. Quanam verò ra-
tione legibus illis pareatur cognitionis iudicijque
sui esse non existimat, idque omne in Presbytero-
rum deponit fide, quibus solis dissoluta indulgen-
tia & mollities qua peccatores corruerint, præ-
standa Deo erit ac luenda.

Ita Concilium Tridentinum Sacerdotes pœni-
tentiam delictorum grauitati conuenientem iubet
imponere; ne si graua crimina leuiter plectant,
alienæ culpæ participes efficiantur. Quod si nihi-
lominus Sacerdotes nonnulli vel inscitiâ vel negli-
gentiâ, vel clementiæ cuiusdam crudelis inani spe-
cie adducti, æquissimum ac sanctissimum Ecclesiæ
vniuersalis decretum proterentes, periuria, blasphemias,
fornicationes, adulteria, sacrilegas commu-
niones, & alia nefaria crimina, orationis Domi-

nica quina vel Psalmorum pœnitentialium vnica
 recitatione vindicent : an continuo tantum Eccle-
 siasticarum legum contemptum , à singulis illis
 clam atque ad vnus pœnitentis aurem susceptum
 pro generali Ecclesiæ more & praxi , à quâ sine te-
 meritate discedi non possit, obtrudes? Denique an
 disciplinam illam auctoritate falli nescia sancitam,
 diuini Spiritus doctrina, Apostolorum traditione,
 decretis Pontificum, canonibus Conciliorum, ac
 perpetuo Patrum omnium consensu præfultam,
 obseruari deinceps sine temeritatis nota à te actui
 similibus irroganda non patieris?

Nemo tam alienam absurdamque cogitatio-
 nem non explodat. Conciliorum enim est leges
 condere, priuatorum obsequi. Qui secus fecerint,
 rei Deo erunt, nec eorum peccata Ecclesiam attin-
 gunt. Quare vt hanc secundam partem tandem
 aliquando concludam, criminationes tuas omnes
 hæc vox vna depellit: *Nolite ante tempus iudicare,* 1. Cor. 4. v. 5.
quoad vsque veniat Dominus, qui & illuminabit abscon-
dita tenebrarum, & manifestabit consilia cordium, &
tunc laus erit unicuique à Deo.

SECVNDÆ PARTIS FINIS.



DE FREQUENTI
COMMUNIONE,
ADVERSUS COMMENTARIUM,
cui titulus: *Quæstio, Vtrum præstet sacra Commu-
nionē frequentius vti, an rariùs.*

PARS TERTIA.

DE INTERIORIBVS ALIIS QVIBVSDAM
ad Communionem fructuosè obeundam adiumentis.
An quisque quamvis se tepidum, torpentem, à diuina-
rum rerum studio & gustu remotum, gratiæ diuinæ ina-
nem, sui ipsius amore plenum, ac seculo immaniter ad-
dictum sentiat, ad Eucharistiam tamen intrepidè accede-
re debeat, vt Aduersarius autor est. An dilatio Commu-
nionis ad eam sanctius & religiosius percipiendam vsui ef-
se non possit.

CAPVT PRIMVM.

VTRVM EUCHARISTIAM QVANTVMVIS
*tepidum ac frigidum sumere oporteat. Scriptoris Libri de
Imitatione Christi & D. Bonauentura super ea re mens ex-
planatur.*

Aduersarius.

7. *S*anctorum etiam sententia est, eum qui pietatis
sensu & charitatis ardore quem vellet, careat, si-
bique ipse tepidus videatur, ab Eucharistiâ abstinere se
non debere, dummodò ad pietatem pro viribus animum
exsuscitet, summissèque & cum profectus spe accedat. Ita
SS. Bernardus & Bonauentura sentiunt. Licet tepidè

Pars III.

V V t iij

accedas, tamen de misericordia Dei confidito. Tanto enim magis aeger neceſſe habet requirere medicum, quanto magis ſenſerit ſe aegrotum. Alibi: Non ideo quaeris te iungere Chriſto, vt tu eum ſanctifices, ſed vt tu ſanctificeris ab eo. Ac Gerson: Qui, inquit, à Sacramento iſto ſe ſummonet, quod tepidum ſe ac frigidum ſentit, ſimiliter facit, ac ſi quis dicat, Ad ignem non accedo, quia frigeo. Medicum non quaero, quia aeger ſum. Sacramenta medicamenta ſunt: etſi aeger ſis, accede. Chriſtus ignis eſt: algeas licet (abſit modo lethale peccatum) accedito. Sæpe enim qui ad Communionem frigidus acceſſit, feruidior atque ardentior ab ea redijt.

RESPONSIO.



RESPENSIONIS ad articulum præcedentem, quæ ſecundam operis huius partem complectitur, longitudo, me tædij fugiendi cauſâ, in reliqua tua ſcriptione confutanda breuiorem faciet. Quod quidem eo rectius videtur, quia præcipuis illius fundamentis alijs alio loco diſſectis, reliqua ſponte ſua nullo impellente collabuntur.

Quare hoc loco breuiter dico, Sanctorum te autoritate & nomine ad commenta tua fulcienda etiam nunc abuti. Vt enim nonnulla verba tua eorum verbis reſpondere videantur; res tamen quas illis ſubijcis, quaſque inde colligis, quantum error à veritate, tantum ab eorum mente diſſentiunt.

Nam ex ipso totius scriptionis tuæ genio dogmatumque tuorum nexu ac colligatione manifestum est, totum te in eo esse, vt omnem omnibus per reuerentiam tantisper ab Eucharistia discendi cogitationem eripias : contraque persuaideas, vtcumque ad pietatis sensum obtorpuerint, mentem ab ea semotam, voluntatem auersam, sensus alienatos gesserint ; quantolibet se rerum diuinarum odio, fastidioque occupatos, secularium ac terrenarum studio & cupiditate captos ac velut ebrios senserint; quamuis gratiæ ac feruidioris charitatis expertes, sui ipsorum amore ac prauis libidinibus abundantes, *dummodò lethalia peccata absint* (hæ enim tuæ sunt voces, ac tuam mentem produnt) hoc est, quemadmodum superiori articulo docuisti, modo confessi illa fuerint, etsi innumerabilia commiserint, creberrimèque committant, sanctissimis tamen ac tremendis, vt Ecclesia vocat, altaribus sine vlla formidine sese inferre oraque immittere oportere.

Hæc illa est doctrina, quam pro SS. Patrum decretis obtrudis. Cui ego auream illam Chrysostomi vocem opponere in præsentia satis habebo. *Nemo nauseans, inquit, ad hanc mensam adeat, nemo remissus : sed alacres, accensi & feruentes omnes accedant. Nam si Iudæi stantes calceati ac baculos in manibus habentes cum festinatione Paschalem Agnum comedebant : quanto magis vigilare nos decet, viuidosque & inflammatos ad Sacramentum istud animos afferre?*

Chrys. hom.
83. in Matth.

Quod autem attinet ad SS. virorum autorita-

tem, quos ad tam perniciosæ doctrinæ patrocini-
um aduocas, patet cum eos qui pietatis ardore
minus quam velint flagrent, ad Communionem
cohortantur, significari ab ijs statum mentium
manifestiorem illo ac teneriore pietatis sensu caren-
tium, ac velut ariditate & sterilitate quadam affe-
ctarum, quæ vel Sanctissimo cuique subinde acci-
dit, Deo gratiæ cœlestis suauitatem ad compri-
mendos vel probandos suorum animos interdum
subducente.

*Introduct. 4.
part. c. 14.*

Atque hoc beatæ memoriæ Geneuensis Anti-
stes in Introductione sua luculenter exponit. Erit,
inquit, interdum, cum te omni deuotionis sensu adeo nu-
dam ac vacuam experiare, ut anima tua incultum quod-
dam ac sterile solum tibi videatur, in quo præ nimia sic-
citate velut horrido *Et* syluescente nec via ad Deum
nec semita compareat, nec vlla quâ irrigetur cœlestis gra-
tiæ stilla suppeditet. Ac varias huius rei causas scruta-
tus, concludit ad extremum, liberationem ab eiusmodi
molestijs anxie ac sollicitè nimis non esse expetendam,
sed in Dei nutu *Et* providentia prorsus conquiescendum,
ut nos in istis difficultatibus *Et* quasi spinis, quandiu
libuerit, exerceat. Interea vero firmis animis consolatio-
nis diuinæ accessum præstolantes, pietatis munia perse-
qui ac Christo religiosa opera offerre oportere. Certum
enim, inquit, habere debemus ea nihilominus illi iucun-
da fore, **MODO ANIMO AMANDI COLENDI-
QUE IPSIVS VERÈ AC PERFECTE CVPI-
DO OFFERANTVR.**

Tali affectione mentis præditos viri sancti Com-
munionem

munione dignandos putant, cum videlicet cor ipsum Deo intimè adhærescit : quod ex operibus, è corde, fructus instar, pullulantibus æstimandum est : quamuis alioquin animus sua quadam ieiunitate languidior, eo quem velit pietatis sensu careat. Atque id te, illi ipsi quos profers Scriptores docuissent, si illos, eâ quæ res diuinas decet, diligentia curâque legisses.

Gerson, vel potius Thomas à Kempis, autor Libri de Imitatione Christi, in quo solos Canonicos regulares suos, falsis, vt loquitur Propheta, mundi insanijs expeditos, non homines seculi contagæ cœnoque mersos compellat : Christum de præparatione animi ad sacram Eucharistiam afferendâ, cum discipulo ita loquentem facit. *Ego sum puritatis amator, & dator omnis sanctitatis. Ego cor purum quero : ibi est locus requietionis meæ. Para mihi cœnaculum grande, stratum, & faciam apud te Pascha cum discipulis meis. Si vis vt veniam ad te, & apud te maneam ; expurga vetus fermentum, & munda cordis tui habitaculum. Exclude totum seculum, & omnem vitiorum tumultum. Et paulo infra : Cum gratiam deuotionis tribuo, gratias age Deo tuo : non quia dignus es, sed quia tui misertus sum. Si non habes, sed magis aridum te sentis, insiste orationi, ingemisce & pulsa : nec deseras donec merearis micam, aut guttam gratiæ salutaris accipere. Tu mei indiges, non ego tui indigeo : nec tu me sanctificare venis, sed ego te sanctificare & meliorare venio. Tu venis vt ex me sanctificeris & mihi uniaris, vt nouam gratiam recipias, & de nouo ad emendationem*

*De Imitat.
Christi lib. 4.
c. 12.*

accendaris. Noli negligere hanc gratiam : sed præpara cum omni diligentia cor tuum , & introduc ad te dilectum tuum.

Quis eum loqui non videt de tædio languore-
que illo quo pius quisque deprimatur, Deo pietatis
ardorem & sensum, qui in intimo nihilominus cor-
dis recessu maneat, eripiente? Nec tamen eo pror-
sus animi habitu Communionem censet adeun-
dam : sed orationi firmitus incumbere, gemere,
pulsare iubet, neque incæpto ante desistere, quam
expressis ac velut extortis à Deo nonnullis gratiæ
radijs , accessionisque illius ad nos indicijs & pi-
gnoribus.

*De Imitat.
Christi. lib.
4. c. 15.*

Rursum alibi de studij ac feruoris gratiæ com-
parandi viâ & modo clarius etiam differens : Opor-
tet, inquit, *te deuotionis gratiam instanter quærere, de-
sideranter petere , patienter & fiducialiter expectare,
gratanter recipere , humiliter conseruare, studiosè cum ea
operari, ac Deo terminum & modum supernæ visitatio-
nis donec veniat, committere. Humiliare præcipue te de-
bes, cum parum, aut nihil deuotionis interius sentis, sed
non nimium deijci, nec inordinatè contristari. Dat sæpe
Deus in vno breui momento, quod longo negauit tem-
pore. Dat quandoque in fine, quod in principio orationis
distulit dare. Si semper cito gratia daretur, & pro voto
adesset, non esset infirmo homini benè portabile. Propter-
ea in bona spe & humili patientia expectanda est deuo-
tionis gratia. Quisquis ergo intentionem suam simplici
corde sursum ad Deum leuauerit, seque ab omni inordi-
nato amore, seu displicentia cuiuslibet rei creatæ euacua-*

uerit; aptissimus gratiæ percipiendæ, ac dignus deuotionis munere erit. Dat enim Dominus ibi benedictionem suam, ubi vasa vacua inuenerit, & quanto perfectius infimis quis renuntiat, & magis sibiipsi per contemptum sui moritur, tanto gratia celerius venit, copiosius intrat, & altius liberum cor eleuat.

Hinc disce quam absurdè faciat, qui cum omnes ambitionis ac voluptatum libidines inclusas animo immotasque seruet, cum sui ipsius amore ferueat, atque arctissimis seculo vinculis astrictus sit; si modo genu flexo per semihoram ad Deum cogitationem contulerit, nihil sibi ad pietatem suscitandam reliqui fecisse, adeoque ad Communionem, nulla etiam exsuscitatæ pietatis scintilla emicante, rectè properare videatur.

Iam vt de sancto Bonauentura respondeam, ipse capitis, vnde verba illa prompsisti, titulus docere te debuit, verè à nobis iam dictum, locum accipiendum de fastidijs & languoribus quibus pij subiecti sunt. Quæ enim profers extant in secundo Libro de profectu Religiosorum cap. 77. cui titulus est: *De tentationibus Deuotorum*, ubi illis iisdem arefcentium animarum tædijs expositis, de quibus B. Episcopus Geneuensis, eorumque causis declaratis, deinceps de præparatione ad Eucharistiam afferenda disserens: *Attentius tamen*, inquit, *Religiosi & qui obtulerunt se Deo: sic enim erunt in maiori custodia vitæ suæ & conscientiæ, dum & ante, & post Eucharistiæ susceptionem ob reuerentiam ipsius, student magis innocenter viuere, & studio deuotionis frequentius*

intendere. Et licet quandoque tepide, tamen confidens de misericordia Dei, fiducialiter accedat: quia si se indignum reputat, cogitet quod tanto magis aeger, necesse habet requirere medicum, quanto magis senserit se aegrotum. Non enim est opus valentibus medicus, sed male habentibus: nec ideo quæris te jungere Christo, ut tu eum sanctifices, sed ut tu sanctificeris ab eo. Nec propterea præmittenda est sacra Communio, si quandoque homo non sentit specialem deuotionis gratiam, cum se ad illam præparare studet, vel cum in ipsa perceptione, vel post fortè minus deuotum se sentit, quam vellet: quia ex aliqua supradictarum causarum ratione solet euenire.

Nonne ex postremis hisce vocibus clarissimè liquet eum loqui de torporibus ac dejectionibus illis animi ab ipso superius expositis, quæ in optimum quemque cadant; non autem de lethali illo frigore mentis à pietate prorsus abhorrentis, quod oritur à vitæ prauitate, à cupiditatum corruptela, ab ardenti rerum secularium studio, ab immenso sui ipsius amore, aut etiam à negligentia, & inconsideratione, ac distractione dissolutæ vitæ, & mala consuetudinis ut alibi loquitur.

*D. Bonauen.
De Præpa-
rat. ad Mis-
sam. c. 5.*

*Idem Comp.
Theolog. lib.
6. c. 17.*

Si quid dubitas, ipsam accipe illius orationem è Compendio Theologico depromptam. *Abstineant quidam à Communionem propter culpam propriam, & aliqui sine culpa mortali, sed propter Sacramenti reuerentiam, sicut qui sentiunt se minus mundos carne vel mente, vel etiam indeuotos: & isti benefaciunt, dummodò possint iustè & sine aliorum scandalo supersedere. Ubi enim non instat necessitas, consulendum est talibus, ut de*

Communionem expectent, quousque parati & deuoti ac circumspecti possint accedere. Nulla tamen necessitas debet compellere, ut aliquis in peccato mortali existens, scienter communicet.

Quod si ne his quidem fatis commoueris, adde illa etiam è Libro ipsius de Præparatione ad Missam.

Ideo caue ne nimis timidus & inordinatus accedas & in- *Idem de Præ-*
parat. ad
Missam. c. 5.
consideratus: QVIA INDIGNE SVMIS SI NON

ACCEDIS REVERENTER, CIRCVMSPECTE AC CONSIDERATE. Vnde Apostolus: Iudicium sibi manducat & bibit. Quod apertius insinuat cum subdit, dicens: Ideo inter vos imbecilles multi, scilicet per fidei inconstantiam; & infirmi, id est, graui peccato sauciati; & dormiunt multi, scilicet, PER TORPOREM ET DESIDIAM.

Confer nunc voces istas omnes cum tuis. Sancti Bonauenturæ perspicua sunt verba: *Absit licet lethale peccatum, si tamen tepidus es, si per torporem & desidiā dormis, ad Eucharistiam ne accedito. Tu contra nouā quadam arte Philosophis ignotā omnibus, cum hoc ipsum quod disertè neget, disertè affirmantem facis; eoque pacto ex sancti illius Doctoris sententiā ita pronuntiandum existimas: Quamuis frigidus sis, & pietatis sensu omni vacuus, modo absit lethale peccatum, ad Eucharistiam accedito. Eadem arte cum libuerit, quicquid à nobis hîc scribitur, ad doctrinæ tuæ defensionem scriptum tibi facile persuadebis: nisi fortasse illud intererit, quod Librum meum lecturus videris, Bonauenturam prorsus non legisse videaris.*

CAPVT II.

IN ADMINISTRANDA EUCHARISTIA,
nullane infirmitatis, languoris, ac morborum anime
habenda sit ratio.

Aduersarius.

NEC vero à Sacra Communione secedere quis debet, quod mentem in diuinarum rerum cogitationes figere non valeat. Ad eam siquidem accedis, ut id, quo cares, adipiscare. Stant mendici pro diuitum foribus, ab ijs accepturi, quod per inopiam aliunde non possunt. Quo me à gratiæ donis desertiorem experior, hoc ad eum qui nulla re aque ac munerum suorum effusione delectatur, audacius accedere debeo. An vero Christus, quandiu inter homines est versatus, peccatores unquam à se abegit? Nihil minus. Eorum enim causa in hunc orbem venerat. Quorsum tandem Sacramenta, atque in primis Eucharistiam Ecclesiæ reliquit? Nonne animarum alendarum causâ? Sanandarum, confirmandarum? Famelicum igitur, ægrum, infirmum ab ea se summonere quî conuenit? At enim præcelsæ illi majestati debitus honor, nos ipsius benignitate abuti vetat. Qui sic agit, non abutitur eâ, sed illi obsequitur. Nec aberit reuerentia. Chrysostomum & Cyrillum horum omnium autores ac sponsores habeo.

RESPONSIO.



IOTA oratio tua perplexis & ambiguis vocibus salutisque, nostræ adiutorum à Christo institutorum perturbatione nititur. Quis enim ob eam rem neget Christum venisse, ut peccatores

vocaret, egenos ditaret, infirmos confirmaret, ægros sanaret, fame confectos expleret?

Quis vero hinc conficiat, spretâ & abjectâ eiufdem Christi voce Sanctum dandum canibus, margaritas porcis proijciendas, & quoslibet passim ac sine delectu, cœlestibus Sacramentis frequenter impertiendos?

Quis hinc conficiat, eos qui, vt Granatensis ait, flagitiorum suorum sordes paulo ante euomuerunt, quique eorundem viuam ac veluti spirantem imaginem in animis, radicem in cordibus infixam gerunt, vt primum occasio inciderit, de integro pullulaturam, ad iustorum mercedem Sanctorumque felicitatem è vestigio aspirare oportere?

Quis hinc conficiat, quo quis à gratia nudior est, & ab animæ bonis, egentior: eo confidentius ad eam mensam adire debere, à qua Chrysostomus arcet eos omnes, *qui quamuis à peccatis expediti, bonorum operum diuitijs referti non sint: graue etiam supplicium denuntians ei, qui pannis & macie obstitus, pallore, situque deformis ad regalem mensam accedere non dubitarit?*

*Memoriale
Traict. 3. c. 5.*

*Chrys. hom.
17. in c. 10.
Ep. ad Hæbr.*

Quis hinc conficiat, eos qui diuturnâ atque inolitâ vitiorum labe in eum languorem debilitatemque venerint, vt ne ad octo quidem dies ab iisdem peccatis temperare valeant, committere merito posse, vt Christum in se suscipientes, antea quam pœnitentiæ remedijs firmiores sint effecti, cum mox à se grauiori piaculo extrudant?

Quis hinc conficiat, ægros vlceribus scatentes,

manante etiamnum sanie ac tabo, medicinæ cœlestis, ut ait Augustinus, ordinem rectè perturbare, atque à corpore Christi primum vulnere suorum malagma linimentumque petere, quod illis lachrymarum vi, aliorumque pœnitentiæ subsidiorum frequentia expurgatis atque deterfis extremi medicaminis & quasi complementi loco adhiberi oportuerat?

Postremò, quis hinc conficiat, æquum videri, ut qui Chananææ instar, defluentibus è mensa Domini micis contenti esse debuerant, in mensam ipsam continuò inuadant, ac se ipsi sua sponte filiorum pane dignentur?

Erras vehementer, cum Eucharistiam, quod animarum corroborandarum causâ à Christo instituta sit, ab infirmis quibuscumque indiscriminatim, infirmitatis eorum nec genere, nec causis exploratis, adeundam existimas.

Panem Dei beneficio sustentandi corporis, cordisque confirmandi gratiâ nobis indultum, Scriptura est testis: *Ut panis*, inquit, *cor hominis confirmet*. Quare per Prophetas sæpe minatur Deus populum panis robore ac præsidio se spoliaturum: *Auferet dominator Dominus à Ierusalem omne robur panis*. Et alibi: *Conteram baculum panis*. Ex quo merito colligas consentaneum esse, ut homo alimenti inopiâ, vel exhaustis longo labore viribus debilitatus, à pane corporis sui recreationem, infirmitatisque, ac famis istius, quæ sanitatis indicium est, levamen petat.

Isaie 3. v. 1.

Ezechiel. 4. v. 16.

Sin vero languor ille febrilis est, à viscerum corruptione vitaliumque tabe profectus; languenti pessimè consulat, qui multo pane ingesto collapsas vires restituere velit. Contra enim sedulò subducendus est, quoad vitiosis humoribus remediorum ope depulsis alleuetur corpus, ac melius habeat. Tum denique panis alimenti simul & medicamenti loco esse poterit, curationem valetudinis explebit, morbi que reliquias infuso membris omnibus vigore, conficiet.

Ita panis ille cœlestis datus est, vt fatiscentem animam fulciat; vt confirmatam tueatur; vt gratiam dilabi ac diffluere vetet; vt quotidiana illius detrimenta sarciat; vt Christum per deserta sequentes, ac de via languentes reficiat, velut quinque panes, quibus Eucharistia adumbrata est, turbis, *ne deficerent in via*, porrecti fuere; vt vehementem illam qua ad Christi conjunctionem anhelamus famem exfatiet; denique vt animam cœlestis sponsi amore incensam, diuturnoque illius desiderio confenescentem atque afflictam, aliquantum attollat interim, atque sustentet. Nec enim virum vxor amat, quæ absentis desiderio non tabescit: nec viator patriam diligit, qui redeundi cupiditate non angitur: & quisquis cum valet solidiora alimenta abdicat, morbum aduentantem prodit.

Quod si Spiritus Sancti calorem diuino illi cibo concoquendo necessarium in nobis extinctam deprehendimus; si prauis affectionibus omnis animæ nostræ temperatio dissoluta est; si vitio-

rum lue corrupta; si igneis illis, de quibus Apostolus, nequissimi spiritus telis penitus confixa; si ad Deum idcirco sese erigere non potest, quia peccatorum pondere deprimitur; si languor eius ac debilitas, cordis veneno tumentis indicium est: præposterè admodum tantis malis mederi se posse putet, si ægra & perdita iisdem quibus valentes alimentis & eadem copia vtatur, cum pœnitentiæ exercitationibus, quæ propria malorum illorum remedia sunt, vitæ prauitas emendanda primum fuerit, quoad paulatim conualescens, eam, quæ ad escam adeo solidam esset accommodata, sanitatem consequeretur. Tum demum enim panis ille spiritualis & cœlestis, eandem in ipsam, ac panis visibilis in corpus, vim & efficientiam obtinet; non alit tantum, sed & valetudinem complet & perficit; extremas morbi exhaurit reliquias; vitæque ac sanitatis diuinissimæ tum corpori tum animo semen ac radicem immittit. Nam ipsa Ecclesiæ schola teste, omnes omnium pœnitentiæ laborum, omnium virtutum, Sacramentorum denique omnium fructus & effectus cumulare & absolvere solius Eucharistiæ est.

Sed quoniam hoc in opere nihil de meo proferre, sanctamque Sanctissimorum Patrum doctrinam duntaxat exponere constitui: clarissimum Ecclesiæ lumen hac de re audiamus, vt constet recte sentiat animas quantumlibet effcetas ac debiles ab Eucharistia recte non amoueri, vt ad eam tum demum reuocentur, cum vegetiores

& ad fructum ex ea capiendum maturiores euaserint.

Ambrosius in Lucam, quinque panum multiplicatorum miraculum explanans: *Posteaquam, inquit, Apostoli ad euangelizandum regnum Dei sunt destinati, gratiæ cælestis impartitur alimentum. Sed quibus impartitur aduerte: non otiosis, non in ciuitate quasi in Synagoga, vel seculari dignitate residentibus, sed inter deserta quærentibus Christum.*

*D. Ambros.
lib. 6. in c. 9.
Luc.*

Animaduertit deinceps, patere ex Euangelio Christum huic miraculo, ægrorum præmisisse curationem. Vnde inquit, *Nemo cibum accipit Christi, nisi fuerit ante sanatus.*

Ibidem.

Et tamen vt doceat animam utcunque sanatam, non continuo idoneam fieri, quæ diuinissima Saluatoris carne vescatur, subdit eidem accipientiæ multitudinem illam parem nondum fuisse. *Quanquam, inquit, nondum validioribus hæc turbare-
ficiatur alimentis, neque Christi corpore & sanguine
ieiuna solidioris fidei corda pascantur. Lacte, inquit, vos
potauit, non esca, nondum enim poteratis, sed nec adhuc
quidem potestis. In modum lactis quinque sunt Panes.
ESCA AVTEM SOLIDIOR, CORPVS EST
CHRISTI; POTVS VEHEMENTIOR SAN-
GVIS EST DOMINI. Non statim à primo epula-
mur omnia, neque potamus omnia. Hoc primum, inquit,
bibe. Est ergo primum quod manduces, est etiam secun-
dum quod bibas. Est & primum quod manduces, est
etiam secundum, est tertium. Primum, quinque Panes
sunt; secundum, septem; tertium, ipsum Corpus est Christi.*

Ibidem.

Nequaquam igitur talem Dominum deferamus, qui pro uniuscuiusque viribus impartire nobis alimenta dignatur: NE AUT INFIRMUM VALIDIOR CIBUS OPPRIMAT, AUT VALIDUM EXILIA ALIMENTA NON SATIENT. Qui enim infirmus est olera manducet, hoc est cibo infirmitati suæ congruente alatur; & ille qui iam videtur laqueos infirmitatis euadere, de quinque istis manducet Panibus, & duobus piscibus: hoc est alimento validiore, nondum tamen Eucharistia sese reficiat.

Hinc perspice aliquando, quantum supremi illius Patris-familias sapientissimis aduersere consilijs, qui omnes nullo delectu, nulla ægritudinis atque infirmitatis habita ratione, iisdem quibus sani utuntur alimentis, & eodem modo mensuraque uti compellas; cum illius benignitas eo magis suspicenda ac veneranda sit, quod suum cuique demensum, & cuiusque viribus tam accommodatum constituerit; *ne aut infirmum validior cibis opprimat, aut validum exilia alimenta non satient.*

Ex quo intelligitur eos qui ab Eucharistia velut ab esca solidiori summouentur, non ideo alimento prorsus omni carere oportere: Hoc enim cibi sufficiens illis est, ut à Deo fames sitisque vehementior iustitiæ, hoc est spiritus & gratiæ ipsius postuletur. Illud quippe ratum fixumque in vniuersum esse debet, ne quid vnquam de pijs operibus nostris minui patiamur, quin continuo aliorum operum subsidijs agamus enixius apud Deum, ut detrimentum illud ac velut inane nouo gratiæ incremento

expleatur. Quod quidem multo magis in Communione intermissione retinendum est. Cum enim ab ea, infirmitatis atque indignitatis nostræ conscientia, secedamus, eam rationem imitari nos decet, qua medici aduersus ægros vti consueuerunt, quos à cibis solidioribus ac valentium hominum proprijs exclusos, eorumdem ciborum succo ac medulla in iusculis reficiunt ac sustentant. Quod si alimentum eis vtrumque simul subduceretur, ad extremum deficerent, aut illorum similes fierent, quibus desperatâ salute nihil iam cibi, nisi consuetudinis causâ, præbetur.

Atque hinc fit, vt plerique falsâ persuasione inducti, quid in illa Eucharistiæ priuatione emolumenti sit, minime videant. Eam namque Semi-Christianorum istorum qui Sacramentum istud exitioso quodam rerum diuinarum fastidio abijciunt, exemplo metiuntur. Quibus quidem ieiunij hoc genus nulli vsui esse nimis quàm perspicuum est. Non enim ab Eucharistia honoris ac verecundiæ causa, sed interiore contemptu se remouent; nec iacturam illam compensare, atque in diuini illius alimenti, cui concoquendo pares non sunt, locum, aliud ipsorum imbecillitati congruentius sufficere laborant, quo paulatim confirmati vires ad panem fortium edendum idoneas colligant.

CAPVT III.

AN PROPTER MENTIS AD DIVINAS
res cogitandas languorem & inertiam, ab Eucharistie
usu continere se sit nefas.



VERSA superiori capite vniuersæ doctrinæ tuæ velut basi ac fundamento, iam quædam illius partes & membra sigillatim expendenda sunt.

Negas Eucharistiam omittendam propter ullum mentis ad res diuinas cogitandas languorem & inertiam. Ad eam enim, inquis, accedimus, vt id quo caremus assequamur.

Equidem nihil aliud vitij oratio ista innuere videtur posse, nisi talem mentis affectionem vt ad augustissimum illud tremendumque mysterium errabunda & aliud agens se conferat. Itaque vniuersim doces, causam non esse, cur discessio ab Eucharistia cuiquam suadeatur, quod non ea quâ par erat, attentione complecti illam possit; atque adeò rectius illam adire, vt quam non afferat attentionem, ab illa ipsa consequatur.

S. Bonauent.
Part. 6. c. 9.
tom. 1. in
brevit.

Tu vero quando dogmata tua pro Sanctorum placitis obtrudis, velim effatum istud cum his S. Bonauenturæ vocibus conferas. *Postremò, quoniam capacitas nostra ad Christum efficaciter suscipiendum non est in carne, sed in spiritu: non in ventre, sed in mente: & mens Christum non attingit nisi per cognitionem & amorem, per fidem & charitatem: ita quod fides illu-*

minat ad recognitionem vel recordationem, & charitas inflamat ad deuotionem : Ideo ad hoc quod aliquis dignè accedat , oportet quod spiritualiter comedat , vt sic Christum per recordationem fidei masticeat , & per deuotionem amoris suscipiat , per quæ non in se transformet Christum , sed ipse potius traiciatur in eius mysticum corpus. Propter quod manifestè colligitur , quod qui TEPIDE , INDEVOTE , ET INCONSIDERATE ACCEDIT , IUDICIUM SIBI MANDUCAT ET BIBIT : quia tanto Sacramento contumeliam facit. Et ideo consilium est his qui se sentiunt minus mundos mente vel carne , vel etiam indevotos , vt differant quousque parati ad esum veri Agni , mundi , deuoti & circumspecti accedant. Vides , doctrina tua cum SS. Patrum decretis quam bellè consentiat.

Quid vero pestis ac perniciæ eadem importet in Christianorum animos , vel ex eo liquet , quod ista mentis euagatio & inertia , quam quidem in ijs quæ ad pietatem pertinent seculares ferè experiuntur , non aliundè ortum habeat , quam quod eorum mens ita vanis formis imaginibusque corporeis , vitiorum & cupiditatum consuetudine inculcatis ita obducitur atque obruitur , vt iam nihil in ipsa loci diuinarum rerum cogitationi relinquatur : pectus vero in terra vsque adeo defixum atque immersum sit , vt paulum modò attollere atque in cælum erigere non valeant. Hic tu perinde quasi studio habeas peruersam eorum inertiam negligentiamque alere , imo omnem illis suæ sensum calamitatis eripere : non eos cum B. Bonauentura

admones, eum qui tepidè, indeuotè & inconsideratè Christi Corpus accipit, tanto Sacramento contumeliam facere, iudiciumque sibi manducare & bibere: non cum eodem S. Doctore differre Communionem hortaris quousque parati ad esum veri Agni, mundi, deuoti & circumspecti accedere possint: sed eorum præfidentiam decreto illo generali armas & instruis; etiamsi mens vagabunda & instabilis de Deo cogitare vix possit, ab Eucharistia tamen secedi non oportere.

CAPVT IV.

ADVERSARII HORRENDVM DOGMA:

Quo quis gratiâ inanior sit, eò confidentius ad Eucharistiam accedendum.



VIN etiam longius haud paulò progredieris, & eo quidem vt mirer has te voces Christianæ pietati ac reuerentiæ Christo debitæ adeò contrarias illabefacta manu exarare potuisse: *Quo me gratiâ inaniorem experior, eò confidentius ad eum qui nulla re equè ac munerum suorum effusione delectatur, accedere debeo. An vero Christus quandiu inter homines versatus est à se peccatores submouit? Nihil minus. Ipso enim causa in hunc orbem deuenerat.*

Equidem si hæc verba in eam quam præferunt sententiam interpretari velim, Lutheri Caluinique hæresim de præparatione ad Eucharistiâ percipiendam necessaria, facile exhibeant. Quin & impijs hominibus cum flagitiorum ac scelerum sexcentorum conscientia

conscientia Sacramentum illud inuadentibus Sacrillegiorum tantorum purgandorum tuendorumque rationem demonstrent, vt videlicet temeritatis suæ reprehensoribus obijciant, se tecum sensisse, quo gratiâ inaniore forent, eò sibi ad Christum confidentius accedendum. Atque ipsum illud exemplum quod apponis criminorum hominum à Christo in terris agente minime repulso- rum, magnum interpretationi huic pondus afferret. Cum enim plerique omnes vbi Christum conueniebant, etiam tum peccatis constricti gratiæque inanes essent: nonne hoc argumento facile probetur imbecillis hominibus carnisque mancipijs, quamuis fœdissimis cupiditatibus miserandum in modum irretiti, in iisdem semper delictorum sordibus hæreant, sacrâ tamen Eucharistiâ frui sibi fas esse, nec contumeliosum Christo visum iri, si tali animo præditi ad ipsum se conferre applicareque audeant. Quod quidem istinc ita facile colligitur, vt hoc ipsum scelerorum ad Christum in terris degentem accedentium exemplum, aduersus Catholicam de Eucharistia extra gratiam charitatemque non attingenda doctrinam, S. Thomas de more obijciat. Quin & eandem Ecclesiæ sententiam Lutherus impugnans, in exemplo illo hæresis suæ arcem constituit.

Verumtamen, vt me clementer ac benignè tecum agere intelligas, tua illa verba in partem vnâ omnium commodissimam, minimèque criminosa accipiam: vt nimirum exceptio illa superiori

articulo à te expressa, apponatur, *modo absit lethale peccatum*, hoc est, si te audimus, modo qui lethale peccatum admiserit; illud primum sit confessus. Hic enim tibi vnus ad defensionem locus relictus est, vt dicas, gratiam, quâ quo inaniore simus, eò ad Christum audacius accedere debeamus, te aliam non intellexisse, nisi motiones illas diuinæ gratiæ, quibus mentem Deus illuminat, accendit, pietatis sensu complet, & dignam tantis mysterijs cogitationem immittit. Nullum est ingenium quod tuis verbis mitiorem benignioremque interpretationem comminisci queat.

At illam ipsam quis tandem Catholicus non exhorrescat? Quis ferat in Ecclesia Christi, quæ ab ipso quanta Sacramenti huius cœlestis sit dignitas, quæ ab ipsius Apostolo quanta minus reuerenter illud attrectantibus pœna impendeat. Quæ deniq; à SS. Patribus accepit, quanta cura expurgandus excolendusque sit animus, vt quam sanctissimè ac demississimè ad illud adeatur: in ea, inquam, Ecclesia quis ferat doceri, ac velut longè verissimum pronuntiari, vt quisque pietatis sensu, feruore charitatis, Dei studio, rerum cœlestium cura & cogitatione alienissimum se sentiat, ita confidentissimè in Christi complexum irruere fas esse? Hoc est, quo ad Communionem percipiendam imparatiores fuerimus, hoc ad eam inuadendam audaciores esse oportere. Plura addere nihil attinet: *Sentētiās istas prodidisse, superasse est. Patet prima fronte blasphemia: non necesse habet conuinci quod prima statim professione blasphemū est.*

*Hieronym.
ep. ad Euseb.
siph.*

CAPVT V.

*RATIONES AB ADVERSARIO ALLATAE
confutantur : quarum prima est : Christum nulla re æquè
vt donorum suorum largitione delectari. Duo loci insignes
è Vitis Patrum.*



E tamen inauditum te damnari querere, rationes quibus tam perniciosam doctrinam fulcis, æquum est ponderari.

Prima est : *Christum nullâ re æquè ac donis suis largiendis delectari.* An ergo hinc tibi sumas , vt à debito illi honore ac reuerentia præstanda solutum ac liberum te putes ? An quia munificus in te est , tu in illum vicissim eam securitatem audaciamque adhibebis , quasi Dominus non esset : hoc est , vt Tertulliani verbis utar , *liberalitatem facies seruitutem.*

*Tertull. de
Pænis. c. 6.*

At meminisse , & alios ne in re tanta illuderes commonuisse oportuit , Christum quantum Patris pietate indulgens semper *Et* bonus est , tantum Iudicis maiestate esse metuendum , & in Eucharistia potissimum misericordiam illum pariter ac iustitiam exhibere.

*Cyprian. de
lapsis.*

Atque hîc in mentem venit duorum in primis insignium huiusce rei exemplorum quæ in Vitis Patrum à Ruffino memorantur. Eorum prius est Sancto Macario Episcopo Alexandrino tale visum diuinitus objectum , eo tempore quo fratres accedebant ad

*Ruffinus in
Vitis Patrum.
lib. 2. c. 29.*

* Sup. ope-
rum aut leg.
melsora.

*Sacramenta. Vbi porrexissent ad suscipiendum palmas in nonnullorum manibus. praeuenientes Æthiopes carbonem deponere : corpus autem quod tradi Sacerdotis manibus videbatur, redire ad altare : Alijs vero, quos * meliorum merita iuuabant, extendentibus manus ad altare longè recedere Demones & cum ingenti metu refugere, Angelum enim Domini assistere cernebat altari, qui cum Sacerdotis manu suam quoque manum in Sacramentorum distributione superponeret.*

ibid. lib. 3.
c. 166.

Alterum est, Episcopo cuidam à Deo concessum, vt accedentium ad Communionem per singulorum facies intelligeret & animas. Peccatorum enim facies nigras suspiciebat vt carbonem, & oculos eorum sanguine repletos : alios vero vidit clara facie & vestibus albis indutos. Cum autem Corpus Domini suscepissent, in quorundam vultibus lumen, in quorundam flamma videbatur.

Hinc discite sacrâ Communionem animi habitum & affectionem minime immutari. Non accipi ab eâ quod non attuleris, sed augeri quod attuleris, seu bonum seu malum. Qui splendentem faciem ad eam afferat, lumine completum discedere : qui atram & horridam, fœdum ac velut igne ambientum : adeoque illius vim & efficientiam præparatione contineri: lucem bonis esse, improbis ignem: in ea denique Christum benignum alijs esse ac munificum, alijs iustum & seuerum Iudicem.

CAPVT VI.

SECUNDA RATIO REFELLITVR:

Christum quamdiu in terris versatus est, nunquam à se peccatores submouisse. Eorum ipsorum exemplis doceri Sacram Eucharistiam nonnisi summa cum reuerentia adendum.



SECUNDA ratio quâ efficere niteris, vt quisque se gratiæ inanissimum sentiat, ita ad Eucharistiam confidentissimè accedendum, hæc est: *Christum quamdiu in terris est versatus, nunquam peccatores à se submouisse.*

Iam quò tandem euadat hæc doctrina suprà demonstrari, quantamque sacrilegis communionibus fenestram aperiat. Quare plura non addo. Tantum spectare lubet nonnulla criminoforum istorum exempla, qui in Euangelio Christum conuenisse leguntur, vt pateat, num quò gratiæ major fuerit inanitas, eò confidentius Eucharistiam appetere suadeant atque arripere.

Petrus cùm multitudine piscium miro modo capta, aliquod Christi potestatis indicium vidisset, tremens ac stupens ad genua illius se proijcit. *Exi,* inquit, *à me Domine quia homo peccator sum.* Nos qui Christum non iam nouimus secundum carnem, sed ad admirabilem illam quâ ante mundum conditum fruebatur, claritatem regressum, omnemque in cælo atque in terra potestatem ad-

Luc. 5.

eptum, eò procacius instabimus, vt nobis in mysterio prorsus stupendo sui copiam faciat, quo fœdiores flagitijs & à gratia derelictiores videbimur?

Matth. 8. 83
Luc. 7.

Centurio ad Christum adire ipse non audet. Amicos ad eum mittit, qui rogent vt sanitatem seruo restituat. Quod si coram eum alloquitur (contra quam sentit Augustinus) nihil aliud agit, nisi vt indignum se rursus profiteatur, qui domo sua illum accipiat, quamuis ad id se paratum vltro Christus ostenderet. Ecclesia, quo illius humilitatem animis infigat nostris, eius nos quotidie vocibus vti iubet: Tu contra autor es, vt non modo Christum, quantumuis indigni, excipiamus, sed etiam quo ad tanti hospitis accessum imparatiores fuerimus, hoc eum ad nos sese inferre audacius compellamus.

Matth. 9. 85
Luc. 8.

Mulier illa Euangelica sanguinis fluxum patiens, quæ, vt Patres docent, Ethnicorum qui in Christum crediderunt imaginem gestauit, necnon & eorum quorum in mente praua vitiorum consuetudo inoleuit penitus atque inueterauit, tametsi sanitatis, quam & omni cura ac facultatum dispendio quæsierat, studio flagraret; Christo tamen se coram sistere non audet. Retro accedit, neque ipsummet attingere audet, sed vestem solam: imo nec vestem, sed fimbriam vestis. Atque id ipsum adeo summissè ac reuerenter, vt etiam fidei suæ mercede perceptâ, quasi nimix confidentiæ rea, *timens & tremens* ad pedes Saluatoris accidat. Tu

vero eos qui diuturnis vitijs contaminati, vulnera numquam sua pœnitentiæ remedijs curare studuerint, ad Christum non iam mortalem & nostra infirmitate obductum, sed immortalem atque æterni Patris gloria circumfluentem accedere iubet: nec accedere modò, sed sumere, oreque haurire tanto petulantius, quanto se omni pietatis sensu alieniores senserint.

Mulier illa peccatrix, cuius in animo Deus terræ cupiditatis flammam cœlestis incendio amoris extinxerat, Christum quidem propius venit. Verum, vt Basiliius notat, *non se illi coram offert, neque enim audebat, sed ponè consistit; nec arripit manum, pedes tantum osculari ac lachrymis rigare contenta*. Tibi vero placet, vt qui vitæ illius prauitatem imitati ab eiusdem pœnitentiâ imitandâ longissimè absint, dum sui ipsorum amore tument, ac seculo immaniter sunt mancipati, Christo sese offerant ad diuinissimi oris eius osculum, quandoquidem Sponsæ vocem, *Osculetur me osculo oris sui*, de Eucharistiâ Patres interpretantur; & eorum tanto magis crescat audacia, quantum illius amor refrikerit magis atque elanguerit.

Addendus huc diuinus Bernardi locus, Christum à beata illa muliere bis vnguento perfusum obseruantis. *Est vnguentum, inquit, bonum quod Maria pedibus Saluatoris infudit. Est & melius, quod eadem (si tamen eadem) super caput recumbentis effudit. . . . Notanda vtriusque differentia, & secundi sublimitas attendenda, quoniam illud est sacrificium Deo spiritus*

LUC. 7.

προσηλθὺς ὁ
αὐτὸς προσέ-
τω ὁ δὲ ἔθη-
κε τὸ ῥοῦνον
ἐν τοῖς πό-
σιν αὐτοῦ καὶ
ἔλασεν αὐ-
τὴν ὁ δὲ ἔ-
ειπεν αὐτῇ
ὅτι τῆς πό-
δος, ὅς τις
δύσχευται
ἐσθλίου.

D. Basilii Ho-
mil. 18. de
Pauit.

Bernard. ser.
ge B. Mag-
dalenæ.

contribulatus, pœnitentia scilicet, & istud sacrificium laudis quod honorificat Deum, nimirum Eucharistia. Pedes igitur ungimus Saluatoris, cum de peccatis compungimur. Ungimus caput, cum de collatis virtutibus virtutum largitori gratias cumulamus, (quod nunquam perfectius quam in sacra Communione præstamus). Interstitij tamen morositas inter pedes esse debet & caput: QVIA PROPECTO DIFFICILLIMVS ET PRÆSUMPTVOSVS SALTVS EST A VESTIGIIS AD VERTICEM DOMINI TRANSVOLARE. Neque enim eadem quæ vnxit pedes, vnxit & caput: cum illa meretrix nihil horum fecisse legatur, secundum illud: Verte impios & non erunt. Vnxit ergo Maria sanctum Domini verticem, profecto iam electa, iam familiaris effecta, longèque à peccatrici illius obuoluta vestigijs, quam infelix ille septenarius confundebat.

Ergo ad Christum quidem tanquam ad vnicum vulnere suorum medicum peccatores confugiant, sed verecundi ac tremantes, altissimaque humilitate, Petri instar, digniores sese sentientes à quibus ille quàm longissimè refugiat. *Mittant, Centurionis exemplo, legatos pro suis doloribus lachrymas, vt Ecclesiæ Romanæ scripta ad Cyprianum epistola loquitur. Mulierem illam sanguinis fluxu laborantem imitentur, vestis tantum fimbriam tetigisse, hoc est, vt interpretantur Patres, & suadet Chrysostomus, verbis è sanctissima Christi carne, quasi è veste quam induit, defluentibus sese expurgasse contenti. Postremò beatæ illius peccatricis modestiam*

modestiam æmulentur : mox sacrificio contritionis oblato, dignos se qui sacrificium laudis offerant, ne existiment : nec repente à pedibus ad caput, à pœnitentiæ luctu ad Eucharistiæ gaudia transiliant ; quia profecto difficillimus *Et* præsumptuosus saltus est, à vestigijs ad verticem Domini transuolare.

CAPVT VII.

AN AD FRVCTVOSAM COMMVNIONEM alia non opus sit præparatio, quàm gratiam adipisci, aut eam se adeptum opinari, & ad pios animi motus eniti. SS. Patrum ea de re sententiæ.

Aduersarius.

NEcessaria ad fructuosam Communionem præparatio est ; primum quidem gratia, si fortè deperdita fuerit, per Contritionem, aut Sacramentum pœnitentiæ recuperata. Eam ita prorsus necessariam multi existimant, ut Sacramentum in eo qui in gratia non sit, nihil efficiat. Alijs probabilius satis videtur, si quis peccato mortali inquinatum se non agnoscat. Ut ut sit, extra culpam est, quisquis Eucharistiam sumit, conscientia nihil mordente, nec mortifero delicto se captum ratus. Deinde allaborandum pro viribus ad commouendum pectus pietatis sensu : quem si non experire qualem optares, submitendus est animus, atque ita timore omni abjecto Communio adeunda.

RESPONSIO.



OSTEAQVAM cuiusquemodi homines ad frequentissimam Communionem vocasti, de necessaria ad rem tantam præparatione, perinde quasi nulla foret, ne verbo quidem præmonitos, in hoc tandem articulo illuc dilaberis, ac de necessario ad fructuosam Communionem animi statu agere instituis. Verùm silere præstitit, quam adeò abjectè de adhibenda ad mysterium tam sublime tamque diuinum præparatione loqui. Duo enim duntaxat petis. Primum, *gratiæ, si fortè amissa fuerit, per Contritionem, aut Sacramentum pœnitentiæ receptionem.* Deinde, *conatus ad pietatis sensum commouendum.* Imò facilè intelligitur, te posterius hoc cum maximè verbo adstruis, reipsâ subuertere, atque eò redigere, vt ludibrium merum sit & fucus: quandoquidem qui pietatis gustum aut exiguum aut nullum experiatur, Eucharistiam tamen citra metum inuadere iubeas.

Itaque ad gratiam Sacramento pœnitentiæ receptam tota res tandem redit: Sacramentum vero pœnitentiæ ex superioribus articulis tuis ad solam nudamque confessionem. Neque hoc ipsum de probabiliiori sententia omninò necessarium putas, sed satis habes, si quis peccati mortiferi culpam in se non agnoscat.

Nempe hæc est doctrina tua de præparatione non ad Communionem modo, sed etiam ad fre-

quentissimam Communionem (de qua in hoc Commentario tuo sermo est) necessaria. Non mihi sumam, vt de ea arbitrato meo iudicem. Sed paucis demonstrare conabor, Ecclesiæ Christi SS. Patrum voce editis oraculis non congruentissimam videri.

S. DIONYSIUS.

A Quo vero æquius exordiar, quam à diuino sacrae Hierarchiæ interprete? Docet D. Dionysius: *Sanctæ Hierarchiæ morem pati quidem, vt Catechumeni, Energumeni, quique in pœnitentia sunt, sacram Psalmodiarum modulationem, diuinamq; sacrarum Scripturarum recitationem audiant: ad sacra autem opera quæ deinceps sequuntur, atque mysteria spectanda non eos conuocare, sed perfectos integrorum oculos. Quibus etiam subiungit: Cœleste diuinorum sacrificium eos qui in pœnitentia sunt, etiamsi ci aliquando interfuerint, arcere: quoniam id non admittat, quod non est ex omni parte sacro-sanctum.*

Atque hunc locum suprà à nobis allatâ sententiâ concludit: *Non eos modo qui à Christianæ vitæ sanctitate descuerint, à templo eijciendos; sed & qui à deteriore quidem vita recesserunt, nondum vero animos à pristina impuritatis phantasmatis satis expurgatos gerunt, habitu amorque Dei purissimo ac simplici, à sublimi & diuina sacrificij excelsitate nimium abesse iudicandos: ideoque ijs demum tam augusta patere mysteria, qui ad diuini ac deifici habitus immobilitatem, vimque actuosam peruenire, qui soli Deo vnice adhaereant, quique omnino irreprehensibiles sint atque immaculati.*

Pars III.

A A a ij

τὸς δὲ κατὰ
 χυμῶν,
 ἐν ἐργασίᾳ
 τε, καὶ τὸς
 ἐν μετανοίᾳ
 οὖτοι, ὅτι
 αἱ ἱεραρχίας
 τῶν θεσμῶν
 ἐφ' οἷς καθ' ἑ
 παύσονται
 ψαλμῶν
 ἱερολογίας,
 καὶ τὸ ἐν ἑ
 πὶ παύσει
 νεκρῶν αἰ
 γιώσεως. εἰς
 δὲ τὰς ἐξ ἡ
 ἱεραρχίας καὶ
 θεσμῶν ὅ
 συγκαλεῖται
 τῶν, ἀλλὰ
 τὸς τελείους
 τῶν τελει
 ωμένων ἐφ'
 τέλει. εἰ
 γὰρ ἡ τῶν θε
 ων ὑπερκο
 μος ἱερε
 ρίας, καὶ τὸς
 ἐν μετανοίᾳ
 καὶ πρὸς αὐ
 τῶν τῶν γε
 νοιότων δόξ
 ης ἐν πνεύ
 ματι καὶ ἀ
 γάπῃ, &c.
 D. Dionys.
 de Eccl. Hierarchy c. 3.

S. IUSTINVS MARTYR.

χαί· ἡ' τροφή
 αὐτῇ ἀελεί-
 νει καὶ ἡ μὲν
 ἐκαστὴ ἴατα,
 ἥς ὕδατι ἄλ-
 λω μετασ-
 χεῖν ἐξόν
 ἔστι, ἡ' τῷ
 πιστῷ πρὸ ἀ-
 λυθῆναι εἶναι
 τὰ διδιδυ-
 μέτα ὑφ'
 ἡ' ὡς, καὶ
 ἡ' σκευὰ καὶ
 ὑπερ ἀφ' ὅ-
 σως ἀμαρ-
 τῶν, καὶ εἰς
 ἀνέστησι
 ἡ' πορὸς καὶ
 ὅπως ἐσω-
 πὼς ὁ χει-
 ρὸς παρὰ δο-
 κεν. S. Iustini.
 Mart. Apol.
 2. in fine.

IVS TINVS in secunda pro Christianis Apologia de hoc Sacramento agens, *nemini licere docet Eucharistiæ participem fieri, quin prius Christianæ fidei susceperit veritatem, Et regenerationis lauacro in peccatorum remissionem ablutus consentaneam Christi præceptionibus vitam agat.* Si ergo consentaneam Christi præceptionibus vitam agere videatur, qui omnigenis flagitijs vitam conspurcet, modo illa Presbytero subinde confiteatur; confessione, quam nulla morum emendatio consequatur, Communionem dignum quemque fieri meritò existimas.

S. BASILIVS.

Τὴν δὲν χεῖ-
ρας τὸν κα-
ταδύσκει
μὲν τὸ πνε-
ύμα λόγου
σαρκὸς καὶ
πνεύματος
ἐν τῷ ἁμα-
π τῷ χεῖρ, ὅ-
τι πνεύμα
ἐν φῶς καὶ
καὶ ἀντιπ
τῷ χεῖρ
μὲν καὶ
τὸν ἐκ τῶν σπ
λοι ἢ ῥυπ
δε, ἢ π π
τοῖς πω. ἀλλ
ἵνα ἀν
καὶ ἀμ
καὶ ἁπ
τῷ καὶ
καὶ π
ἀμα. ὁ γὰρ
ἐστὶν καὶ

NON refero quæ ex S. Basilio lib. I. de Baptismo suprà commemoravi: *Peccato, mundo, ac sibi mortuum esse oportere, viventem autem Deo in Christo Jesu Domino nostro, qui Eucharistiam accipere mereatur.*

Sed vt intelligas, quam firma & stabilis hæc eius sententia fuerit, eandem in Moralibus iterat, ac verbis etiam, si fieri possit, grauioribus. *Quid proprium, inquit, Christiani? Ab omni inquinamento carnis & spiritus per sanguinem Christi mundari: perficere sanctimoniam in timore Dei & charitate Christi, neque habere maculam aut rugam, aut aliquid eiusmodi, sed esse sanctum & immaculatum: & sic manducare corpus Christi & sanguinem bibere. Qui enim manducat & bibit indigne, iudicium sibi manducat & bibit.*

πίσω ἀνὰ ξίως, χεῖμα ἐαυτῷ ἐδίδει καὶ πῖν. D. Basil. in Moral. regula 80. c. 22.

S. AMBROSIVS.

SANCTVS AMBROSIVS populum ad Communionem exhortans, considerare iubet, *Quod in Christi corpore vita nostra consistit, sicut & ipse Dominus noster dixit: Nisi manducaueritis carnem filij hominis, non habebitis vitam in vobis.* Atque ut doceat, quâ tandem ratione ad diuini corporis esum, ne in condemnationem vertat, accedendum sit, continuò subjungit: *Mutet ergo vitam, qui vult accipere vitam: nam si non mutat vitam, ad iudicium accipiet vitam, & magis ex ipsa corrumpitur quàm sanetur, magis occiditur quàm viuificetur.*

*Ambros. ser.
Domin. 4.
Aduent.*

Ibidem.

S. IOANNES CHRYSOSTOMVS.

SI ex varijs D. Chrysostomi locis suprà commemoratis quantam illius qui adorandæ atque immaculatæ, de qua agimus, Victimæ particeps fieri velit, integritatem & virtutem esse oporteat, nondum intellexisti: quo tibi plenè ac cumulatè satisfiat, doctrinamque tuam cum illius doctrina diligentius comparandi causa præbeatur: adungere hoc loco visum est, quæ de tantæ præparationis excellentia vir maximus, diuinoque Spiritu instinctus ad populum pronuntiauit, etiam tum cum se id agere significaret, ut Eucharistia quàm frequentissimè adiretur. Sic enim loquitur Homilia 17. in Epist. ad Hebræos, nihil de suo afferens, sed solenne illud Ecclesiæ dum mysteria fierent, carmen, SANCTA SANCTIS, explanans.

Οὐκ ἔχεις
 αἰεὶν, ὅτε
 ἡ δέξ, ἡ γρό-
 ου αὐτὸν κιν-
 διους ἐπεταί
 τῷ ᾠδῶν μου
 π..... τῷ τῷ
 χαίρει ὁ ψῆ-
 λός ἐστὼς
 μετὰ τῇ τῇ
 φωνῇ φωνῇ τῇ
 τῇ βοῇ κατὰ
 τῷ πῶς καὶ
 ρυθμῷ καὶ
 ἐκ αὐτῶν εἰς
 τὸ ὕψος.....
 καὶ μέγα ἐπὶ
 καί τῇ τῇ
 φωνῇ τῇ ἡ συ-
 λλά αὐτῶν
 καὶ αὐτῶν
 τῶν καὶ κα-
 λεί, τῶν ὅ
 ἀπὸ τῆς ὁ ἰε-
 ρεύς ὁ ὅ τῇ
 καὶ τῶν ποι-
 ῶν, ἀλλὰ τῇ
 γλώττῃ, τῇ
 καὶ τῶν τραυ-
 τερον... ὅτι
 γὰρ εἰπέ, τῇ
 αὐτῶν τῶν αὐ-
 τῶν τῶν λέ-
 γει, εἰ πῶς ὅτε
 ὅτι αὐτῶν
 μὴ περὶ τῶν
 ὅτε ἀπὸ τῶν
 φωνῇ αὐτῶν
 τιμὰ τῶν κα-
 τὰ τῶν, ἀλλὰ
 αὐτῶν. ὅτι γὰρ
 αὐτῶν ὅτε ἡ
 ὅτι αὐτῶν
 μετὰ τῶν παλ-
 λαγῇ ποιεῖ
 μισοί, ἀλλὰ
 καὶ ἡ τῇ πνευ-
 ματος παρ-
 σί, καὶ ὁ ὅτι
 αὐτῶν ὅτι
 αὐτῶν πᾶσι
 οὐ βούλομαι

Non potes dicere, Nesciebam, Ignorabam hanc rem ple-
 nam esse periculi. Ne hoc possis uti prae-textu, ea de cau-
 sa magna voce, terribili clamore tanquam praeo, ma-
 num tollens in altum, stans excelsus & omnibus mani-
 festus & in tremendo illo silentio vehementer vocife-
 rans alios quidem vocat, alios vero arcet Sacerdos, non
 hoc manu faciens sed lingua clarius & apertius quàm
 manu. Nam vox illa in nostras aures incurrens tan-
 quam manus, alios quidem repellit & eijcit, alios au-
 tem introducit & sistit. Nam quando dicit: SANCTA
 SANCTIS, hoc dicit: SI QVIS NON EST SAN-
 CTVS NON ACCEDAT. Non solum, inquit, à pec-
 catis purus, sed etiam sanctus. Sanctum enim non fa-
 cit solum liberatio à peccatis, sed etiam praesentia Spi-
 ritus, & bonorum operum abundantia. Non solum, in-
 quit, volo vos à cæno esse liberatos, sed albos esse &
 speciosos. Nam si Rex Babilonius iuvenes eligens ex ca-
 ptiuitate, elegit pulchros specie & vultu decoros: mul-
 to magis eos qui adstant mensæ regiae, formosos esse oportet,
 mentisque pulchritudine praeditos, auro fulgentes,
 pura veste amictos; regalibus calceis indutos, formosum
 animæ vultum splendideque ornatum circumferentes, ac
 veritatis zona praecinctos. Qui talis est, accedat, & po-
 cula tangat regia. Si quis autem pannis obsitus, sordidus
 & squallidus ad mensam regiam velit ingredi, vide
 quanta patietur, cum non sufficiant quadraginta dies
 (hoc est, sacrum Quadragesimæ tempus pœnitentiae
 consecratum, & ab Ecclesia ad Communio-
 nem Paschalem meditandam adornandamque de-
 stinatum) ad abluenda quæ omni tempore sunt admissa

pus & sanguinem Christi indignè, iudicium sibi sumit
& bibit.

S. A V G V S T I N N V S.

Aug. Tract.
26. in Ioan.

AVGUSTINVS in Ioannem, hæc Christi
verba : *Panis quem ego dabo caro mea est pro
mundi vita*, ita exponit : *Norunt fideles corpus Chri-
sti, si corpus Christi non negligent esse. Fiant corpus
Christi, si volunt viuere de Spiritu Christi. De Spi-
ritu Christi non uiuit, nisi corpus Christi. O Sacramen-
tum pietatis ! O signum unitatis ! O vinculum charita-
tis ! Qui vult viuere, habet ubi uiuat : habet unde ui-
uat. Accedat, credat, incorporetur ut uiuificetur. Non
abhorreat à compage membrorum : non sit putre mem-
brum quod refecari mereatur : non sit distortum de quo
erubescatur. Sit pulchrum, sit aptum, sit sanum. Hæreat
corpori, uiuat Deo de Deo, nunc laboret in terra, ut
postea regnet in cælo.*

Ibidem.

Quibus infra subiicit : *Ac per hoc, qui non manet
in Christo & in quo non manet Christus, procul dubio
nec manducat spiritaliter carnem eius, nec bibit eius
sanguinem, licet carnaliter & visibiliter premat denti-
bus Sacramentum corporis & sanguinis Christi : sed ma-
gis tantæ rei Sacramentum ad iudicium sibi manducat &
bibit ; quia immundus præsumpsit ad Christi accedere Sa-
cramenta, quæ aliquis non dignè sumit, nisi qui mundus
est, de quibus dicitur, Beati mundo corde, quoniam ipsi
Deum videbunt.*

Ex quibus discimus, sicut Eucharistia ipse ille
cibus est qui in cælo manducatur : ita prorsus
necesse

neceſſe eſſe, vt fidelium qui illâ veſcuntur integritas, cordiſque munditia Beatorum munditiæ quodammodo reſpondeat: neque aliud interſit, niſi quod inter fidem claramque viſionem intereſt. Ab hoc enim diſcrimine omnis inter vtramque corporis Chriſti manducationem terrenam & cœleſtem diuerſitatis ratio petitur. Quare merito illum Scripturæ locum de neceſſaria ad videndum Deum cordis munditia ad vtramque D. Auguſtinus accommodat: cuius verba in publicas preces primi diei infra Octauam Sanctiſſimi Sacramenti Eccleſia inferuit, vt fideles diligentius expendant, qua animi affectione illud ſuſcipi oporteat. Atque hinc liquet, eum qui Chriſti corpore in Euchariſtia potitus, terrenarum rerum cupiditate nihilo minus inflammatur, eandem pro rata portione Deo injuriam facere, quam ſi Beatus Deum poſſidens alterius boni deſiderio teneatur. Vtrobique enim ſignificatur plenam bonorum omnium copiam quæ Chriſti corpore continetur, non ad-eſſe.

THEODORETVS ET PSELLVS.

THEODORETO cum cæteris Patribus pia & Chriſtiana vita præcipua ad Communio-nem præparatio eſt. Apoſtoli enim verba: *Probet autem ſeipſum homo, explanans, ſic ſcribit: Tuus ipſe iudex eſto, & VITÆ QVAM AGIS DILIGENS EXPLORATOR. Scrutare conſcientiam, tumque hoc dono frueri. Si enim indignè illud attrectas, non modo*

Pars III.

B B b b

ὅτι σπουδὴν γέ-
νοις καρπὸς,
καὶ τὸν θε-
οῦ εὐαγγελίου ἀ-
κατακτάτως διὰ
τῆς ἐκείνου
τοῦ σωτῆρος,
καὶ τότε δι-
χῶς τὸ θεοῦ οἱ.
ὅτι γὰρ ἡμεῖς
οὐκ ἐμεν οὐκ
ἐν τῇ αἰσθη-
τικῇ ἀπορίας
τοῦ διανοῦν δε-
ξιάνους, ἀλ-
λά καὶ διὰ τὴν
πίστιν, τῆς

eis autē pa-
sivias Theo-
doret. in c. II.

ep. I. ad Cor.

πανσι αζυσ

δε αυτω οι

τετελεσμε-

νοι, και πλε

ωρς αυτοι

αυχου συγ-

ρησαν, οι τι

εικοτα φυ-

λαται οντες

α διαφθορον.

και υμεις

αυτοις περ

αλλα και με

θωδωται αζα

κελευεται.

Theodoret. in

Cant. c. 5. v. 1.

*ex eo salutem non consequere, sed & injuriæ Christo il-
latae pœnas dabis.*

Idem alio loco quantam eorum qui ad hanc di-
uinam mensam accedunt, virtutem & sanctimo-
niam esse oporteat, paucis egregiè describit in hæc
Cantici verba : *Comedite, propinqui mei, & bibite*
& inebriamini, fratres mei. Illius, inquit, *propinqui*
perfecti sunt qui eius imaginem incorruptam & inuiol-
latam seruant, quique ipsi uniri summopere exoptant.
Is vero non ut bibant modò, verumetiam ut inebrien-
tur imperat.

Ad quem etiam locum Psellus ita Sponsum
Sponsæ loquentem facit. *Descendi ego quidem, in-*
quit, in hortum tuum, virgo, & pulchris fructibus tuis
cupiditatem meam prorsus expleui, atque ex ardenti tuo-
rum fide ac pœnitentia magnam latitiam percepi. Hac
cum dixisset Christus idem & sponsus, ut pro mellito
conuiuio quasi gratiam aliquam referret, ipsis virginis fi-
lijs dat corpus suum. Sic enim illos, sed dignos tantum,
quos & propinquos suos ita esse dixit, alloquitur : *Co-*
medite propinqui mei & bibite, & inebriamini, fra-
tres mei. Quicumque estis, inquit, operibus fratres mei
corpus meum comedite & sanguinem meum bibite.

G E N N A D I V S.

G E N N A D I V S insigni illo Dogmatum Eccle-
siasticorum loco à teipso allato, atque à no-
bis superius descripto, eum cuius mens peccati
etiam venialis studio & affectu teneatur, grauari ma-
gis Eucharistiæ perceptione, quam purificari profitetur.

Quam sententiam à superiorum ætatum Patribus, maximèque à Dionysij Ecclesiastica Hierarchia repetitam innumeri posteriorum seculorum Scriptores exceperunt, atque vt fidei decretis conuenientissimam amplexi sunt.

S. GREGORIVS.

D GREGORIVS in illud Cantici Annæ: *Repleti prius pro panibus se locauerunt, & famelici saturati sunt*: Eucharistiæ perceptione id quotidie impleri docet, vbi soli famelici saturantur, repleti vero inanes manent, neque satiari vnquam possunt. *Quod tamen, inquit, contra negligentes sacri altaris ministros atque audaces Dominici corporis susceptores dici non inconuenienter potest. Repleti vero prius sunt, vitiorumque cibo saturati, qui pro pane se locant: quia corpus ad susceptionem Eucharistiæ præparant. Qui nimirum comedunt & saturari non possunt: quia etsi Sacramentum ore percipiunt, virtute Sacramenti nequaquam replentur. . . . Non saturantur ergo nisi famelici: quia à vitijs perfectè ieiunantes diuina Sacramenta percipiunt in plenitudine virtutis. Et quia sine peccato electi etiam viri esse non possunt: quid restat, nisi vt à peccatis, quibus eos humana fragilitas maculare non desinit, euacuari quotidie conentur? Nam qui quotidie non exhaurit quod delinquit, etsi minima sunt peccata quæ congerit; paulatim anima repletur, atque ei meritò auferunt fructum internæ saturitatis. Hac repletionem nos euacuare Paulus insinuans ait: Probet seipsum homo, & sic de pane illo edat, & de calice bibat. Quid enim est hoc loco,*

*Greg lib. 2. in
1. Reg. c. 1.*

564 DE FREQUENTI COMMVNIONE.

probare, nisi euacuatâ peccatorum nequitia se probatum ad Dominicam mensam & purum exhibere? De repletis etiam subdit: Qui enim manducat & bibit indignè, iudicium sibi manducat & bibit. Qui ergo quotidie delinquimus, quotidie ad pœnitentiæ lamenta curramus: quia ipsa sola virtus est quæ euacuat, quod in ventre animæ culpa coadunat. Et tunc verè famelici saturantur, quia quo studiosius mundamur lamento pœnitentiæ, eo vberior rem diuinæ gratiæ fructum recipimus in spiritali refectione.

S. BERNARDVS.

*Bernard. aut
quisquis a-
lius est autor
Lib de Modo
bene viuendi
di. c. 28.*

SANCTVS BERNARDVS Libro de Modo bene viuendi pro certo exploratoque tradit, nemini fas esse Christi corpore vesci, nisi qui antea bonis operibus ipsius voluntatem impleuerit. Qui ergo, inquit, Christi corpus vult accipere, prius studeat in Christi fide & dilectione manere. Hinc est quod ait Dominus in Euangelio: Qui manducat carnem meam & bibit sanguinem meum, in me manet & ego in eo. Ac si diceret: Ille in me manet, qui in bonis operibus voluntatem meam adimplet. Alioquin nisi prius maneant in me per fidem & bonam operationem, & ego in eo, carnem meam manducare non potest nec sanguinem bibere.

S. THOMAS.

QUOD si à Patribus ad Scholæ Theologos progrediamur, eandem doctrinam à duobus Sanctissimis viris, Scholæ ducibus & columnis, aut, vt verius dicam, Angelis, Thomâ & Bonauenturâ accipiemus.

Prior enim præter innumera in hanc rem egregiè scripta Opusculo de Sacramento Altaris, paucis ibidem verbis omnes abundè docuit, quales ad Eucharistiam conferre se debeant. *Si quis*, inquit, *ad suscipiendum Dominum benè mundus vult fieri, primo debet per aquam lachrymarum emundari: secundo per opera pœnitentiæ torqueri: (id est, vt paulo inferius exponit per ieiunia, orationes, afflictationes & cetera eiusmodi:)* Tertio per feruorem amoris Dei à carnalium desideriorum humore siccare.

D. Thomas in Opusc. de Sacram. altaris. c. 15.

S. BONAVENTURA.

IAM à S. Bonauentura, omissis plurimis locis quorum aliqua retulimus, vnum hunc attulisse facit, ex quo facilè intelligas quam tua doctrina à SS. omnium doctrina discesserit. *Quoniam*, inquit, *capacitas nostra ad Christum suscipiendum non est in carne sed in spiritu; non in ventre sed in mente; Et mens Christum non attingit nisi per cognitionem & amorem, per fidem & charitatem; ita quod fides illuminat ad recognitionem vel recordationem, & charitas inflamat ad deuotionem. Ideo ad hoc quod aliquis dignè accedat, oportet quod spiritualiter comedat, vt sic Christum per recordationem fidei mastice, & per deuotionem amoris suscipiat, per quæ non in se transformet Christum, sed ipse potius traiciatur in eius mysticum corpus. Propter quod manifestè colligitur, quod qui tepidè, indeuotè & inconsideratè accedit, iudicium sibi manducat & bibit: quia tanto Sacramento contumeliam facit. Et ideo consiliū est his qui se sentiunt minus mundos mente vel carne,*

S. Bonauent. in Brevil. part. 6. c. 9.

vel etiam indeuotos, vt differant quousque parati ad eſum veri Agni mundi, deuoti, & circumſpecti accedant. Propter quod etiam hoc Sacramentum præceptum eſt celebrari cum ſolemnitate præcipua, tam quantum ad locum, quàm etiam ad tempus, & quantum ad verba & orationes, & quantum ad veſtimenta in celebratione Miſſarum : vt tam ipſi Sacerdotes conficientes, quam etiam ſuſcipientes percipiant gratiæ donum, per quam purgentur, illuminentur, perficiantur, viuificentur, & in ipſum Chriſtum per exceſſiuum amorem ardentiffimè transferantur.

JOANNES AVILA.

HORVM omnium agmen coget vir extremis hiſce temporibus pietate præcellens, quo magis perſpicias non Sanctorum modo Patrum doctrinam, ſed & communem Chriſtianæ pietatis ſenſum à prauis opinionibus tuis vel longiſſimè abeſſe, quibus id vnum agis, vt imminuta quam maximè & acciſa animi virtute ad tanti Sacramenti vſum neceſſaria, omnes eò promiſcuè inconſultâ facilitate impellas. Ioannes Auila, Hiſpanus Preſbyter, pietate nobilis, præter alia à nobis ſuperius allata de Præparatione ad Euchariſtiam in Epiſtola quadam diſſerit in hæc verba:

1. Part. ep. 65. *Multum errant qui ſolam Communionis cupiditatem à conſuetudine potius quam ratione veriore natam, pro idonea ad Euchariſtiam præparatione habent. Quod ſi præterea dum Chriſti corpus accipiunt lachrymulam extil-
lent, magnoperè ſe profeciſſe arbitrantur. Verum eò fal-*

luntur quod Communionis fructum, quem nullum capiunt, non satis attendunt: neque intelligunt vnicum probè Communionis signum animæ profectum esse, atque ad pietatem progressionem, quam si assequantur, rectè ad Eucharistiam sapius recurrunt: sin minus, ab eâ debent abscedere. Commonefaciendi sunt, quanti periculi sit, ignem diuinum sinu colligentem non incalescere, pane cælesti vescentem eius suauitate non imbui, præsentissimâ medicinâ utentem in summa nihilominus ægritudine iacere. Eripiendus illis cibus tanquam inertibus & ignauis, ut tanti boni penuriâ miseros se agnoscentes pluris illud faciant, sibi que laboris aliquid & sudoris subeundum intelligant, quo ad sacras epulas sanctius se præparent: culpas in quas identidem incurrunt acrius ulciscantur, earum medicinam ardentius appetant, orationi ac bonis operibus toto pectore instent, ut ita instructi ac præculti cum interiori esurie ad cælestem panem edendum properent: hic enim cibus, ut ait Augustinus, interioris hominis famem postulat.

In altera item Epistola Concionatorem in eandem ferè sententiam affatur. Frequentem esse istic Communionis usum accepi, atque alicubi frequentiore quam velim: *etsi nihil me magis delectet, ubi rectè atque ordine sit. Nactus sum qui cum ignauisessent & desidiosi, neque de salutis progressu admodum solliciti, eo tamen tenerentur errore, ut se probè Communionem defungi arbitrarentur, si id ipsum sapius facerent, atque interea aliquo pietatis sapore caperentur, qui brevis & fluxus nihil veri fructus & incrementi virtutis afferret. Nam & ille ipse tenuiculus pietatis sapor paulatim*

I. Part. ep. 66.

euanescent, eoque res redit, ut nihilo amplius ex sacra Eucharistia assequantur, quam si illam omninò non attigissent. Hoc vero detrimentum frequentior quàm par est tanti mysterij usus importat: cum scilicet vita cœlesti cibo minus est digna. Itaque monitum te velim, ne cuius promiscuè sacratissimi panis edendi potestatem facias, sed si illum sapienter largiri velis, vniuscuiusque animum diligenter explores. Nolim ulli sæpius quam octauo quoque die porrigi, quemadmodum suadet Augustinus, nisi forte quis tanto alimento præter alios egeat, aut tanta illius appetentia & fame teneatur, ut tanta cupiditati res tantoperè concupita vix sine injuria denegari possè videatur. Reliqui decimo quinto quoque die vel mense cibo illo pascendi, monendique, ut si hoc conuiuium delectantur, aliquo pretio ac symbolo sibi redimendum meminerint; adducendi ad corrigendæ vitæ studium; accuratius denique docendi, si languori & desidiæ se dedant, minimè committendum, ut panem attrahant, ijs solis diuinitus comparatum, qui in cupidatibus expugnandis domandoque animo acriter & studiosè laborent. Ad utrumque enim panem referendum illud Apostoli: Qui non vult operari, non manducet, ne scilicet gratis panem comedat. Cuinam vero sine labore ac dimicatione pane hoc sanctissimo animam pascere concessum est?

*SUPERIORVM TESTIMONIORVM
summa.*

IAM doctrinam tuam cum Patrum omnium Sanctorumque doctrinà Christo ad hanc ætatem deriuata, quemadmodum hætenus perpetua Eccle-

Ecclesiasticæ Traditionis serie ostendimus, comparare non admodum opus est. Hoc vnum peto, vt animaduertas de communi Patrum omnium consensu (quem toties à Concilio Tridentino in certissimæ inuiolataque legis loco allatum vidimus) vitæ integritate, morum innocentia, bonorum operum cultu, seculi corruptelarum & vitiorum abiectione, arctiore conjunctione cum Deo, firmo denique & constanti Christianæ virtutis statu spectandam & dijudicandam cuiusque ad accipiendum Eucharistiæ Sacramentum vim & dignitatem. Itaque præparationum meditationumque omnium ad fructuosam Communionem necessariarum, ex Ecclesiæ sententia caput est, **PIE ET CHRISTIANE VIVERE**. Hinc demum probandi seipsum, quemadmodum ante cœlestis panis manducationem fieri iubet Apostolus, ducendum est initium; vt diligenter exploremus verè Christiani simus; an mores fidei respondeant; an suscepta in baptismo pacta sanctè seruemus; an Christi discipulorum munere fungamur; an eius vestigia, vt iussit, insistamus. Quod si rem aliter se habere deprehendamus, corrigenda mutandaque vita, antequam panem viuum vitæque fontem degustemus (*Mutet enim vitam, inquit Ambrosius, qui vult accipere vitam:*) Danda denique opera, auctore Bernardo, vt *per fidem, bonamque operationem* Christus in nobis maneat, quò vtiliter carnem ipsius manducare ac sanguinem bibere possimus.

Quid æquius ac pietati Christianæ congruen-

tius? Si enim solis Christianis, baptismoque ablutis ad hæc mysteria aditum patere fides docet: nonne ipsa ratio consequens esse demonstrat, vt illorum particeps fieri mereantur Christianam ac baptizatis dignam, id est, Euangelij præceptis conuenientem viuere illos vitam oportere; atque vbi suo vitio ab hac mensâ sese depulerunt, vnâ ad eam regrediendi esse rationem, vt ad accuratam initorum in baptismo pactorum obseruationem regrediantur?

CAPVT VIII.

AN QVICVMQVE PECCATI MORTALIS sibi non confij Eucharistiam accipiunt, extra noxiam sint, vt contendit Aduersarius. Cæcitatem & negligentiam culpæ non eximere eos, qui crimine implicati, quo se non teneri arbitrantur, ad Communionem adeunt.



ERVM ne in re adeo perspicua longiores simus, præstat illud expendere quod ais: Quosdam gratia statum ad fructuosam Communionem necessarium prorsus existimare. Alijs vero probabilius satis videri, si quis peccato mortali inquinatum se non agnoscat. Quibus addis: Vt vt sit, extra culpam esse, quisquis Eucharistiam sumit, conscientia nihil mordente, nec mortifero delicto se captum ratus.

Nunc quidem minimè lubet de hac opinione quam tu probabiliorem videri vis, in contentionem tecum venire. Illud monere satis habuerim,

ne ea plerique ad suam perniciem abuterentur, proponendam fuisse, quomodo ab illius patronis explicari solet. Ita enim intellectum esset, si ea quam maximè obscura est & dubia, tam explorata & liquida foret, nihilominus sacrilegij culpam innumeris adhæsuram, qui inter adeundam Eucharistiam mortiferis peccatis se liberos arbitrentur.

Qui enim eam sequuntur opinionem, agnoscunt indignè Eucharistiam quemque accipere, quantumuis peccati mortalis labe se inquinatum non existimet, si suâ culpâ id sentiat. Quod quidem duplici potissimum ex causa contingere docet D. Thomas, *vel quia per ignorantiam iuris quæ non excusat, reputat non esse peccatum quod est peccatum* (puta si aliquis fornicator reputaret simplicem fornicationem non esse peccatum mortale) *vel quia negligens est in examinatione sui ipsius contra id quod Apostolus dicit: Probet autem seipsum homo, & sic de pane illo edat & de calice bibat. Et sic nihilominus peccat peccator sumens corpus Christi, licet non habeat conscientiam peccati, quia ipsa ignorantia est ei peccatum.*

D. Thom. 3.
pari. 9. 80.
art. 4. ad 5.

An igitur censeas tantam istorum turbam qui se ipsi vltro excœcant, & magnum se fecisse arbitrantur, si honestum flagitijs nomen obtendant, idoneam sacrilegarum Communiorum purgationem apud Deum habituros, quod mortifero se crimine obstrictos non putarint? An tot auaros, qui turpissimas vsuras omni ratione interpolantes, vt hominibus, ita & Deo se fucum facturos existimant: tot Clericos, qui occulta cupiditate inflam-

mati, patrimonio pauperum pasci ac pinguescere amant, sexcentisque fraudibus & technis impunitam sacrorum nundinationem instituunt: tot Sacerdotes, qui ne levis quidem culpæ putant, quod inuocati, imperiti, improbi ac degeneres terrenorum spe commodorum Ecclesiastica ministeria ultrò inuadunt: tot fœminas, quæ cum innumeris sceleribus occasionem præbere gestiant, nihilominus se innocentes haberi volunt, aut ad hoc vnum se natas putant, vt Ethnicarum more, vitam degant: An, inquam, hos omnes, innumerofque alios censes, ea sola cogitatione falsa & inani fretos, se à peccato mortali abesse, dum ad Eucharistiam accedunt, intentatum ab Apostolo omnibus, qui impurâ mente Christi corpus edunt, supplicium euasuros?

Ego vero contra sentio, vix esse qui Christi corpus indignius accipiant, quam isti in medijs flagitijs nihil in se flagitiosum sentientes. Nam tenebræ illæ, quæ animos eorum occæcant, bonique & mali discrimen eripiunt, perspicua sunt deprauatissimarum mentium argumenta, & irati Dei supplicia, qui, vt præclarè Augustinus, *spargit pœnales cæcitates super illicitas cupiditates.*

*Aug 7 ib 1.
Conf. sc. 18.*

Quod si alterum caput à D. Thoma commemoratum de indiligenti sui ipsius probatione spectemus: facile intelligetur peruulgatissimum vnum hunc esse fontem, è quo prauæ Communiones oriuntur. Cum enim omnibus ferè vulgò persuasum sit, hanc sui ipsius probationem sola peccato-

rum omnium recensione accuratioꝛe contineri:
vix quisquam eſt, qui intimos cordis ſui reſſus
ſcruteretur, ſeriòque excutiat, fixumne & certum
ſibi ſit Deo ſe dedere, vitam mutare, à peccati ſer-
uitute in perpetuum ſe expedire, & in poſterum ex
baptiſmi lege ac pacto mores componere: QVO-
NIAM ALITER, inquit Sapientiſſimus Pontifex,
SIMVLATIO DICI POTEST, NON PŒNI-
TENTIA.

Gregor. VIII.
epiſt. lib. 7.
ep. 10.

Hoc quippe minus attentè explorato, innume-
ri confidenter ad Euchariftiam ruunt, neſcij me-
moriam ſe non animum peccatis leuaſſe, confeſ-
ſiones iſtiusmodi voce expreſſas quas vera & con-
ſtans pietatis amplexandæ voluntas non comita-
tur, colloquia vel fabulationes dicendas, non con-
feſſiones. *Qui enim*, vt præclare Nicolaus I. ore, non
corde confitetur: non confitetur, ſed loquitur. Denique
faliſis eiufmodi pœnitentijs id ſe aſſequi, vt cum
hominibus à peccatorum fordibus abluti videan-
tur, Dei iudicio qui inani rerum ſpecie non capi-
tur, ſed occultiores interioresque mentium late-
bras perſpicit, nocentiores fiant ac maculoſiores.

Nicol. I. in
epiſt. ad Re-
gem Salomo-
nem.

Enimvero mirâ mentis cœcitate laborare ne-
ceſſe eſt, quem ſua ipſius experientia non doceat,
quemque metus ſaltem aliquis non ſubeat, ne Con-
feſſiones, Communioneſque omnes ſacrilegio la-
borent, ex quibus perſpicuè animaduertat, nul-
lam vnquam emendatioꝛis vitæ frugem fluxiſſe.
Cum enim conſtantes ſint, & certi in hominibus
bene affectis Sacramentorum fructus; proſecto ubi

574 DE FREQUENTI COMMUNIONE.

Concil. Trid. Sess. 13. c. 2. nulla prorsus eorum fructuum vestigia, sed alienissima potius & aduersa cernuntur: incredibilis stuporis est, non intelligere prauâ vitiosâque animi nostri affectione diuinos illos fontes obstrui, gratiæque fluentia, ne in nos redundant, prohiberi. Quare cum singularis in primis Eucharistiæ efficientia sit, aduersus hostiles impetus vires ac robur addere, cœlestisque *antidoti* vice, vt docet Tridentinum, à peccatis mortalibus præseruare: nonne vltro labatur & erret, qui nullas vnquam nouas vires expertus, parique semper procliuitate ad eadem vitia reuolutus, fructuosas nihilominus Communiones se obiisse confidat?

Joan. 6. v. 57. Denique, vt hoc caput tandem aliquando concludam, obseruandum, Christum de eo qui carnem suam edit & sanguinem bibit, non dicere: In me est, & ego in illo; sed: *In me* MANET, & *ego* in illo. Vnde liquet (quandoquidem nulla Christi verba non suum pondus obtinent) propriam Eucharistiæ vim non esse, vt Christum ad animam quasi ad commorandi diuerforium adducat, sed velut ad habitandi locum & sedem stabilem quam perpetuo iure possideat, quam in domum ac regiam adoptet, in qua permaneat & regnet. Constat enim Scripturæ vsu voci, *manere*, stabilem ac firmam permansionem esse subjectam. Vnde Paulus cum dicere vellet perpetuum ac stabile domicilium nobis hîc non esse: *Non habemus*, inquit, *hîc* MANENTEM ciuitatem, sed futuram inquirimus. Ac Ioannes Baptista iram Dei omnibus qui Christo non cre-

diderint æternum adhæsuram eadem voce professus est: *Qui incredulus est Filio, non videbit vitam, sed ira Dei* MANET *super eum.* *Ioan. 3. v. 36.*

Quod si meminerimus hæc eadem Christi verba: *Qui manducat meam carnem & bibit meum sanguinem in me manet, & ego in illo,* tum præparationem Eucharistiæ necessariam, tum Eucharistiæ effectum ex Patrum sententia pariter complecti; eo quod Sacramenti huius vis ac natura & nos cum Christo copulet, & antea cum illo copulatos velit, quemadmodum membris ita demum cibus prodest, si reliquo corpori iuncta & colligata fuerint; duo hinc in primis grauiâ consequentur.

Primum, cum Augustino, & post eum Bernardo testibus, in Christo manere necesse sit, ut Christi caro comedatur, allaborandum, ut ante Communionem verè *in Christo maneamus*, id est, si huius verbi vim sacris Literis familiarem sequimur, bonorum operum exercitatione stabilem & firmam in Christo permanſionem assequuti ſimus, non temporariam commorationem, eamque, ut plurimum, inanem & adumbratam, leui volaticâque ad Deum conuerſione effectam, ex qua nihil ſolidi, perpetuique fructus redundet.

Alterum, hunc eſſe oportere Eucharistiæ prouentum, ut firmi & ſtabiles in Christo maneamus: *Qui manducat, manet.* Ideoque merito dictum ab Augustino: *Signum quod quis hunc panem manducauit,* (quo ſcilicet modo eum à fidelibus Seruator manducari iuſſit) *hoc eſſe, ſi manet, & manet* *Aug. Tract. 27. in Ioan.*

576 DE FREQUENTI COMMVNIONE.
*tur : si habitat , Et inhabitatur : SI HÆRET, VT
NON DESERATUR.*

C A P V T I X.

DE PIO RELIGIOSO QVE MOTV AD
fructuosam Communionem necessario.

Aduersarius.

SÆpe deesse pius animi motus creditur , cum adest.
*Vera pietas non est de rebus diuinis cogitandi quæ-
dam facilitas suauitate conjuncta , sed sincera Et certa
Deo placendi voluntas. Hanc in nonnullis reperio , qui
tamen agrè admodum cogitationem in Deo figere valeant.
Illis autor sim , vt crebrò Communionem usurpent.*

R E S P O N S I O.



I veræ pietatis vim ac notionem per-
spectam haberes, intelligeres profecto
verius dici, esse plurimos qui eam sibi
adesse putent cum absit, quàm (quod
assentationis causâ memoras) qui eam
cum adsit, abesse existiment.

Verum ne longius abeam, istam ipsam since-
ram & certam Deo placendi voluntatem, quâ pie-
tatem definis, adeone vulgarem & obuiam censes?
An ijs omnibus inesse, qui eâ se præditos opinan-
tur? An istos, vt vocant, actus quos animis vulgò
effingunt, quique, vt plurimum, cogitationes me-
ræ intellectus, non cordis motiones atque affectus
sunt , pro *sinceris ac certis Deo placendi voluntatibus*
habes?

habes? Certa & efficax voluntas re & effectu per-
spicitur. Effectus porrò non verba sunt, sed opera.
Neque opera crebræ duntaxat Confessiones &
Communiones videri debent, quibus hodie pleri-
que pietatem metiuntur; sed fidelis & accurata di-
uinæ voluntatis obseruantia & cultus. Porrò, *volun-*
tas Dei est, vt præclarè scriptum à Cypriano, quam
Christus & fecit & docuit, humilitas in conuersatione,
stabilitas in fide, verecundia in verbis, in factis iustitia,
in operibus misericordia, in moribus disciplina. Injuriam
facere non posse, & factam posse tolerare: Cum fratri-
bus pacem tenere, Deum toto corde diligere, (quod fa-
cere non potest, nisi qui mundum oderit) amare in
in illo quod Pater est, timere quod Deus est: Christo
nihil omninò præponere, quia nec nobis quidquam præ-
posuit: charitati eius inseparabiliter adherere, Cruci eius
fortiter ac fidenter adstare, id est, calamitates &
ærumnas prompto animo & Christiana fortitudi-
ne tolerare. En germanæ pietatis formam! En sin-
ceram & certam Deo placendi voluntatem! Si his
solis crebram Communionem suades, nihil con-
trouersix superest. Sin existimas, qui parum alla-
boret, vt vitam ad Euangelicam normam dirigat,
vt se verum Christi discipulum factis probet, vt
angustam cœli viam ingrediatur, vt à mundi cor-
ruptelis illecebrisque se expediat, pium seriò ha-
bendum, & solida Deo placendi voluntate prædi-
tum, quoties id de se apud Sacerdotem verbo pro-
fiteatur; nihilo magis adduci possim, vt tibi assen-
tiar, quàm vt Dei verbo fidem derogem, non vno

Cyprian. de
Orat. Domini.

aut altero loco, quod satis superque esset, hominum commentis explodendis, sed vniuersa Scripturarum diuinarum mole contraria inculcanti.

1. Ioan. 3.
v. 18.

Filioli mei, inquit Ioannes, non diligamus verbo neque linguâ, sed opere & veritate. Quamobrem ve-

Ibid. 2. v. 3.
& 4.

ro? Quia, vt paulo ante dixerat: *In hoc scimus quoniam cognouimus Christum, si mandata eius obseruamus. Qui dicit se nosse eum, & mandata eius non custodit, mendax est, & in hoc veritas non est.* Addit appositè sanè ad hunc locum: *Qui dicit se in ipso manere, debet sicut ille ambulauit, & ipse ambulare.*

Ibid. v. 6.

Cum igitur Communione præparatio simul & effectus sit, *in Christo manere*, vt iam suprâ dictum est, ea demum explorandi, quinam crebrò Eucharistiâ pasci mereantur, optima & certissima ratio est, vt quid faciant, non quid dicant spectetur, quam studiosè Christi vestigijs insistant, iubenteque Apostolo, *sicut ille ambulauit & ipsi ambulent.* Vt enim intelligatur, quanta nobis omnibus imitandæ Seruatoris vitæ, qualis in Euangelio describitur, necessitas incumbat, illud considerandum modo, ex vniuersa & publica Religione ab ipso instituta nos esse Religiosos, eoque nomine ipsius Regulæ obseruandæ addictos, quam quidem non secus ac singularium omnium Religionum conditores, qui id ab ipso eiusque Spiritu acceperunt, prius factis exequi voluit quam scripto tradi pateretur, neque alia prius ratione quam exemplo ad eam subeundam homines hortari.

Ita factum est, vt vitam communem & promif-

euam viuere voluerit, hominisque in morem inter homines agere, longe aliter ac Ioannes qui in deserto Angeli, extra desertum pœnitentis vitam egit: vt quo vita eius ad cæterorum hominum vitam propius accederet, hoc omnium ordinum Christianis congruentiorem accommodatioremque vitæ formam præferret.

Plerique tamen omnes Christiani qui se ad Christi regulam ac religionem contulerunt, ita se nunc habent, vt externis illam notis ac insignibus profiteri satis arbitrentur, de persequendis eius vestigijs, imitandâ vitâ, regulâ legeque obseruandâ (quæ charitate, mundi contemptu, & odio, omniumque peccandi illecebrarum fugâ continetur) minus laborent. Quâ in re simillimi sunt istis Religiosarum familiarum alumni, qui abjectâ Regulæ sibi propositæ disciplinâ, ad alienissimam penitusque abhorrentem ab antiquis Ordinis institutisque sui moribus vitam defluxerunt.

Hoc vnum interest, quod priuatas Religiones pristinæ integritati restitui, ad regulæ obseruantiam, vitamque autorum & parentum reuocari, quantumuis latè sese diffuderit, atque inueterauerit labes & corruptela, nemo ferè paulùm æquior non probat. Nunc vero vix est, qui ferat generali & publicæ Religioni Christi deuotos ac Religiosos, ad regulæ cui sese in baptisinate deuouerunt, id est, ad Euangelij cultum præstationemque redigi, ad diuini conditoris sui vitam & exemplum vocari, ad ambulandum, quemadmodum ille am-

bulauit, compelli. Consuetudine se liberatos putant, Dei leges tempore ipso antiquatas opinantur: satis habent sic vulgo vitam esse: ne quidem quærendum existimant aliamne esse oporteat: Vltro etiam superbiæ ambitiosæque heterodoxiæ accusauerint, qui studiosius paulò quam ipsi ad Euangelica instituta mores exigere, arctam cœli viam insistere, neque corruptelas & prauitates, quas cumque diuturnior vsus approbasse videatur, clausis velut oculis suscipere in animum inducant.

Fœdiora quidem flagitia nondum recta & innoxia videntur, sed iam tamen perquam placabilia & facillima ad ignoscendum. Iis vero expeditum esse virtutis summæ ac sanctitatis haberi solet, quæcumque animo vitia insideant, quamuis superbia inflet, ambitio inflammet, auaritia exedat, inimicitiarum acerbitas & inuidia dirumpat. Vnum iam fere pietatis indicium est crebra Communio. Eâ vero dignus censetur, quisquis crebrò crimina confitetur, etsi nunquam abijciat. Satis putant, si *ab illis discedendi voluntate* ad Eucharistiam adeatur, ac vitijs demersus quisque *solidam Deo placendi voluntatem* toties gerere existimatur, quoties id Sacerdoti affirmet, quamuis nihil vnquam veri fructus exhibeat.

Ambros. in
Psalm. 37.

Scitum est illud Ambrosij: *Sicut sancti corpus & membra sunt Christi: ita peccatores qui peccatum non deserunt, sed peccato inhaerent, corpus draconis & membra sunt. Ideo nos Christi corpus epulamur, illi autem epulantur corpus draconis.* Nunc vero exquiritur ratio

quâ alimenta adeò inuicem aduersa componantur. Qui quotidie draconis corpus epulantur, ad diuinas Christi corporis epulas eâdem quâ sanctissimi quique confidentiâ octauo quoque die accedere non dubitant.

Imo vero, quid tandem indignius, quàm eos vt Christo vescantur hortari, quos Scripturæ Patrumque verbis Antichristos haberi decuit? Si enim à dilecto illo discipulo quæsieris, quisnam sit Antichristus: *Quicumque negat*, inquiet, *quod Iesus non sit Christus, ipse est Antichristus. Jam ergo quæramus quis neget*, vt optimè ad hunc ipsum locum Augustinus, *et non attendamus ad linguam, sed ad facta. Si enim omnes interrogantur, omnes uno ore confitentur Iesum esse Christum. Quiescat paululum lingua, vitam interroga. Si inuenerimus hoc: si ipsa Scriptura nobis dixerit, quia negatio non tantum linguâ fit, sed et factis, certè inuenimus multos Antichristos, qui ore profitentur Christum, et qui moribus dissentiunt à Christo. Quisquis factis negat Christum, Antichristus est. Non audio quid sonet, sed video quid uiuat. Opera loquuntur et verba requirimus.*

1. Ioan. 2.

Aug. Tract.

3. in 1. Ioan.

c. 2.

CAPVT X.

*AN QUI SUI IPSORVM AMORE PLENI,
& mirandum in modum seculo adstricti sunt, Eucharistiam
optimè frequentent.*

Aduersarius.

*Idem censeo de quibusdam sui ipsorum amore plenis,
& mirandum in modum seculo adstrictis. Si enim*

Eucharistiam frequentent sperantes fore , vt ea ratione à seipsis & à seculo sese diuellant , optime faciunt , magnumque honorem Deo tribuunt. Nec prorsus dubitauerim , quin si in incæpto persisterint , optata consequantur. Hoc vero regulis superioribus satis exposuimus.

RESPONSIO.



MERITO huius articuli doctrinam superioribus regulis tuis contineri putas. Est enim earum verè confectaria, dignusque tot aberrationum tuarum cumulus. Equidem maximè consentaneum fuit, vt quando omnes promiscuè ad sacram mensam accedere iussisti , eò confidentius, quò se à gratiæ donis desertiores experiantur , eodem iure ad crebram Communionem eos hortareris, qui sui ipsorum amore abundant : & quando palam professus es, quamlibet à rebus diuinis cogitandis animi alienationem idoneam omittendæ Eucharistiæ causam non esse, eadem viâ vsque eò progredere, vt magno Christum honore affici contenderes, si quis eius corpore vescatur, seculo infensissimo illius hosti immaniter deditus. Aptior regularum tuarum analogia & consensio reperiri nulla potuit. Nihil enim conjunctius & consentientius quam gratiæ donorum inanitas & proprii amoris abundantia; à diuinis rebus cogitandis alienatio, & arctissimum cum seculo fœdus.

Sed quo magis dogmata ista inter se cohærent, eò ab æterna veritate quam Scripturæ oraculis &

Ecclesiæ traditione accepimus, longius absunt. *Duas, inquit Augustinus, ciuitates faciunt duo amores. Ierusalem facit amor Dei: Babyloniam facit amor seculi. Permixtæ sunt, & ab exordio generis humani permixtæ currunt. Sed interroget se quisque quod amet, & inueniet unde sit ciuis.*

Aug in P'sal.
64. *De Ciuit.*
Dei. Lib. 14.
c. ult Prosper
sentent. 221.
Ex quibus
locis inter se
collatis pa-
teret idem esse
Augustino,
amorem sui
ac amorem
seculi.

Ita si Sanctissimi viri sententiam accipimus, dubium esse non potest, quin Babylonis ciues sint, qui seculi ac sui ipsorum amore pleni sunt. Quid ergo agis, dum eos ad sacram Communionem impellis, nisi vt diuinissimum panem solis Ierusalem cœlestis filijs à Christo paratum ad æmulæ illius filios transferas? Quod si falli non potest Scriptura, quæ *amicitiam mundi cum Deo inimicitiam esse testatur, atque inimicum Dei constitui, quicumque mundi amicus esse voluerit: quem tandem alium Communionum crebritate honorem Christo tribuant, qui incredibili amore mundo adstricti sunt, nisi quem illi Iudas osculo, milites salutationibus ludicris quasi Regi adhibitis tribuerunt?*

Iacob. 4. v. 4.

Quinam vero fingi possit alienior à suauissimo diuini amoris mysterio frequentando animi habitus, quam eius qui mundi ac sui ipsius amore redundet, terrenâ nimirum illa charitate, quæ cum cœlesti charitate velut aduersâ fronte confligit, neque minus omnium radix est & regina vitiorum, quam altera illa omnium radix & regina virtutum.

Sic enim Apostolo, & post Apostolum Augustino teste, duo hi amores habendi sunt bonorum

malorumque omnium gemini fontes : bonorum amor Dei; malorum amor sui. Quare Apostolus sicut plenitudinem legis charitatem appellat, omniumque virtutum munia ei ascribit, dum eam ait, *patientem esse, benignam, omnia sufferentem, omnia credentem, & alia eiusmodi*: ita postremorum temporum labem describens, horribilemque vitiorum proluuiem sub finem seculorum toto orbe redundaturam, proprium amorem illorum omnium fundamentum caputque constituit. Hoc autem scito, inquit ad Timotheum, *quod in nouissimis diebus instabunt tempora periculosa : Erunt homines SE IPSOS AMANTES, cupidi, elati, superbi, blasphemii, parentibus non obediētes, ingrati, scelesti, sine affectione, sine pace, criminales, incontinentes, immites, sine benignitate, proditores, proterui, tumidi, & voluptatum amatores magis quam Dei. Quod solertissimè, ut solet, expendens Augustinus : Hæc omnia, inquit, mala ab eo velut fonte manant quod primum posuit, SE IPSOS AMANTES. Hæc atque huiusmodi vitia siue uni homini accidant omnia, siue his alia, illis alia dominentur, EX ILLA RADICE QVODAMMODO PVLVLANT, CVM SVNT HOMINES SE IPSOS AMANTES.*

2. Timoth. 3.
v. 2.

Aug. Tract.
123. in Ioan.

Cum igitur eos qui sui ipsorum amore ferueant, Communioni perquam idoneos arbitreris : cum eos optime Eucharistiam frequentare magnoque Deum honore afficere contendas : quid dubitas tantum illum, qui crebris istiusmodi Communionibus Deo habeatur, honorem extendere; ramos stirpi,

stirpi, riuos fonti adungere; atque ad quotidianam, si octiduana satis non est, communionem impellere auaritia, typho, superbia, perfidia, impietate, incontinentia, aliisque egregijs dotibus cumulos, quæ Apostolo proprij amoris sunt fructus; denique vt Ecclesiæ, cuius doctrinam eueristi, etiam sermonem perturbes, omniaque ad tuum sensum inflectas, contra quam ministrorum voce olim prædicabatur, *Sancta Sanctis*, ne quis præter iustos sanctosque aditum sibi esse ad Eucharistiam nosset: tu quò facilius ad optatum peruenias, iube deinceps hoc carmine nostra circumsonari altaria, *Sancta seipfos amantibus, cupidis, elatis, superbis, & cæteris eorum similibus.*

Nam & illud in primis hoc loco obseruandum, erroris tui rationem & causam ad omnia vitia peræque pertinere. Cui enim dicere non liceat, se vitij quo tenetur abijciendi spe, ad Communionem properare? Quis mœchus non dicat, se fœdæ libidinis abijciendæ spe ad Eucharistiam accedere? Quis capitales inimicitias animo fouens, non facile prædicet, se illarum deponendarum spe Christi carne vesci? Nonne denique auarissimo aut ambiciosissimo cuique promptum sit ad istum modum profiteri, se auaritiæ aut ambitionis excutiendæ spe sacris epulis sæpius accumbere?

Ecquid vero videtur hanc labem tantam Apostolus iam tum indicasse, cum post recensitam illam vitiorum seriem quæ proprio amoris velut pestilentes riuulos exitiali fonti annexuit, hac po-

2. *Timoth. 3.*
v. 5.

stremâ notâ perditos illos inussit homines, vt vanam dixerit pietatis speciem, non vim eius ac frugem habituros: *Habentes, inquit, speciem pietatis, virtutem autem eius abnegantes.*

Hæc enim est istorum expressa imago, qui, vt tecum loquar, sui ipsorum amore abundantes, seculoque immaniter addicti, te nihilominus eodem autore, Sacramenta frequentant, eò audacius quò virtutis inaniores: qui falsâ illâ, quam Apostolus notat, pietatis specie ducti, crebris Communionibus sibi Deum honorare videntur, dum perpetuis vitæ flagitijs dedecorant, eòque improbæ opinionis fiduciæque deueniunt, vt de implendis præceptis exemploque Christi imitando minimè laborantes, se nihilo secius filiorum, charissimorumque loco ab eo tractandos confidant, eo quod sæpius eius mensæ affederint.

Aug. ser. 34.
de diuers. c. 11.

Minus tamen mirandum homines mundi amore ebrios, qui quaquâ ratione Christum cum Belial conciliare nituntur, pro sua cœcitate adeò breuem expeditamque viam, quâ sine magno labore in cœlum perueniant, consecrari. Illud maximè deplorandum, non deesse qui eorum vesaniæ duces se præbeant, qui, inuito ac repugnante Christo, angustam viam ingredi recusantes ad vitam nihilominus peruenturos statuunt: qui denique, vt præclare Augustinus, cum diuini verbi dispensatores esse debuerint, *Serpentis dispensatores & administratos se præstent, hominibus promittentes quod non promisit Deus.* Quemadmodum enim primis parentibus

mortem denuntiante Deo si vetitæ arboris fructum decerperent, Serpens contrà spondit minime morituros, quamuis eo vescerentur: *Nequaquam moriemini*, inquit: Ita Deo per Apostolum prædicante, omnibus qui impuro corruptoque animo ad hanc mensam accefferint, diuinum illum panem mortem allaturum, atque in hoc numero *homines seipsos amantes* primos collocante; tu tamen istis immenso sui amore insanis atque infinita cupiditate seculo astrictis vaticinari non dubitas, nihil à Communionem metuendum: *Nequaquam moriemini*: imo vero, *magnum Christo honorem habituros*, si eum tumentibus veneno atque impurissimis pectoribus excipiant, ac dummodò ita impure illum excipere perseuerent, magnæ ab eo puritatis integritatisque munus assecuturos.

S. quidem Gregorius censet in hoc cœlesti conuiuio vitiorum pabulo refectos comedere posse, non satiari: *repleti comedunt, & saturari non possunt.* Gregor. lib. 2. in 1. Reg. Propterea quod, vt ibidem ait, *non saturantur nisi famelici, & à vitijs perfectè ieiunantes.* Tibi contra sui ipsorum amore ac seculi fascinatione vndique occupati idonei videntur, qui hoc diuino cibo satientur, vt *saturentur repleti*: ac spe vana fallacique lactantur, fore, vt si crebrius Communionem vsurpent, vitiorum laqueis exuantur.

At ne tam pernicioso errore capiantur, S. Isidorum potius audiant: *Qui sceleratè viuunt in Ecclesia, & communicare non desinunt, putantes se tali Communionem mundari, discant nihil ad emendationem sibi pro-* Isidor. lib. 1. sentent. 24.

ficere, dicente Propheta: Quid est quod dilectus meus in domo mea fecit scelera multa? Nunquid carnes sanctæ auferent à te malitias tuas?

*Math. 23.
v. 27.*

Nec vero quisquam putet, istâ, quam ais, proprij amoris abundantia, arctissimâque cum seculo nequam colligatione Eucharistiæ fructum non impediri, vbi fœdiora corporeaue flagitia, quibus hominum oculi maximè percelluntur, abesse contigerit. Eo periculosiores animarum morbi sunt, quo magis intestini atque occulti, neque ulli, iudice Christo, ab Euangelij gratia alieniores, quam sepulchra ista dealbata, quæ foris speciosa hominibus apparent, intus vero sordibus atque omni spurcitia plena sunt.

Atque vt facile intelligatur, prauis istis mundanarum rerum cupiditatibus corruptum animum etiam sine fœdiorum libidinum accessione ad eripiendum sacræ Communionis fructum satis valere, hoc vnum consideretur: cum animas duplici cibo Christus pascat, verbo & corpore suo (quem vtrumque cibum D. Augustinus oratione Dominicâ quâ quotidianum panem petimus comprehendit) consentaneum non videri ijs Christi corporis alimentum prodesse, quibus, Euangelio teste, verbi alimentum minimè proficit.

Math. 13.

Atqui ipsa Veritas dum notat quæ verbi diuini sementem in nobis obruant, ac sine fructu efficiant, homicidia, adulteria, fornicationes, latrocinia, blasphemias, aliaque lutulenta & conspicua vitia non commemorat, sed ijs omissis, *sollicitudi-*

nem seculi istius, & fallaciam diuitiarum. Sub quibus comprehenditur, inquit egregius Euangelij Interpres, quicquid anxij homines in hoc mundo quasi innocenter consecretantur prater regnum Dei, vt honores, splendores familiae, lites pro temporalibus, voluptates & delicias, cæteraque eiusmodi, quæ Lucas ad tria capita reuocauit, sollicitudines, diuitias, voluptates. Quare cum omnes quos stupendum in modum seculo astrictos ais, trium istorum vinculorum aliquo, seu anxia negotiorum temporalium sollicitudine, seu acquirendarum diuitiarum cupiditate, seu deliciarum voluptatumque studio impeditos esse necesse sit: nonne quod de verbo, altero animæ cibo, Seruator pronuntiauit, multo magis de diuinissima ipsius corporis alimonia pronuntiare licet: Hi sunt qui audierunt, neque audierunt modo, sed hospitio pectoris sæpè acceperunt principem vitæ, & à sollicitudinibus & diuitijs & voluptatibus vitæ euntes suffocantur, & non referunt fructum. Nihil veræ frugis istiusmodi communionibus paritur, nec parietur porrò, quandiu peruerso isto atque impuro amore cor redundabit.

*Cornel. Ian. 5.
iprensus ut
hunc locum.*

Luc. 8.

Ibidem.

Imo vero etsi miseri isti à manifestioribus spurcioribusque criminibus iam discesserint, externaque nonnulla pietatis munia obeant, frustra tamen confidunt implendos à Seruatore animos, quos iam mundus implevit. *Neque enim ingressum eius, inquit Bernardus, exterioris potest conuersationis tenuis superficies sustinere: quoniam omnia penetrat, & in intimis cordibus eius habitatio est. Quod si nequaquam*

*Bernard ser.
2. de Assump.*

spiritus disciplinae subditum manifestè peccatis corpus inhabitat, fictum utique non modo declinat, sed & effugit, atque elongatur ab eo. An vero aliud est quam fictio, si peccata superficie tenus radas, non intrinsecus eradices? Certus esto quoniam pullulabit uberius, & emundatam, sed vacantem domum cum nequioribus septem qui ejectus fuerat hostis, malignus intrabit. Reuersus enim ad vomitum canis odibilis erit multo plusquam antè, & filius gehennæ multipliciter, qui post indulgentiam delictorum in easdem denuò sordes inciderit, ut sus lota in volutabro luti. Vis videre mundatam, ornatam & vacantem domum? Hominem intueri qui confessus est & deseruit manifesta peccata præcedentia ad iudicium, & nunc solas mouet manus ad opera mandatorum, corde penitus arido, ductus consuetudine quadam, plane quasi vitula Ephraim docta diligere trituram. Exteriorum videlicet quæ ad modicum valent, nec unum iota præterit, sed camelum glutit, dum culicem liquat. In corde enim seruus est propriæ voluntatis (quod in omnes conuenit, qui sui amore pleni sunt) cultor auaritiæ, gloriæ cupidus, ambitionis amator (his nempe vinculis implicantur qui stupendum in modum seculo addicti sunt) aut hæc omnia, aut singula quæque intus vitia fouens, & mentitur iniquitas sibi, sed Deus non irridetur. Videas enim interdum sic palliatum hominem, ut seducat etiam semetipsum, penitus non attendens vermem qui interiora depascitur. Manet enim superficies, & salua sibi omnia arbitratur. Comederunt, ait Prophetæ, alieni robur eius, & ignorauit. Et dicit: Quia diues sum, & nullius egeo, cum sit pauper & miser & miser-

rabilis. Nam & inuenta occasione ebullire saniem, quæ latebat in ulcere; & excisam, non extirpatam arborem in siluam pullulare videas densiorem. Quod periculum si volumus declinare, securim ponamus neceſſe eſt ad radices arborum, non ad ramos.

Agnosce præclara hac D. Bernardi oratione improbam doctrinam institutionemque tuam perspicuè profligatam. Agnoscant pariter quanta in pernicie inscientes iaceant, quos seculi vitijs illecebrisque impeditos ad crebram Communionem hortaris: occultam luem sua viscera depascentem perspiciant: ab autore grauissimo aliquando discant, quam nulla fucosis istis & adumbratis curationibus habenda sit fides, quibus culpa damnatioque grauior importatur: ac seriò tandem in animum inducant, ipsam arboris radicem, hoc est, vt Patres docent, peruersum sui amorem, seculique cupiditatem semel extirpare, non amputare ramulos, qui, quoad truncus manet, noua semper vberitate luxuriant.

Quod si viri Sanctissimi consilium aspernentur, audiant quid Apostoli voce Spiritus Sanctus iubeat. Sic enim Iacobus Apostolus mundi amatores affatur, posteaquam denuntiauit, inimicos Dei effici, quicumque huius mundi amici esse voluerint.

Emundate manus peccatores, & purificate corda duplices animo. Miseri estote, & lugete, & plorate: risus vester in luctum conuertatur, & gaudium in mœrorem. Humiliamini in conspectu Domini, & exaltabit vos.

*Iacob. 4. v. 9.
& 10.*

Non ait, peruerso mundi amore præpeditis ni-

hilominus Eucharistiam vsurpandam; omni timore abjecto ad Christum accedendum; eamque certissimam vnam esse rationem cum ipso redeundi in gratiam. Non ea sunt Spiritus Sancti consilia. Sed iubet, *manus emundare*, hoc est prauas omnes actiones abijcere: neque hoc solum, sed & *corda purificare*, hoc est, amicitiam mundi, quæ cum Deo inimicitia est, stirpitus eruere: nec iam *duplices animo* esse, sed se totos ad Christum conferre, non inter ipsum & seculum studia partiri. Vnam eorum malis ac vulneribus medicinam ostendit, afflictationes, gemitus, lachrymas pœnitentiæ. Cuius adhibendæ leges; ne ignorent, *risum in luctum conuertendum* monet; quantum intemperanti lætitia exultauerint, tantum salutari tristitia tabescendum; voluntariisque laboribus & ærumnis antea actæ vitæ voluptates ac delitias iusta ratione pensandas. Cæterum quod pœnitentia nulla sit, quam humilis ac demissi animi virtus non comitetur, iubet eâdem operâ, *humiliari in conspectu Domini*, pio flagitiorum pudore suffusos, & grauissimæ calamitatis, quam deferendo Deo sibi accersierunt, sensu dejectos. Tum demum fore pollicetur, vt Deus eos extollat: *Et exaltabit vos*. Quasi dicat, suscepturum munera eorum manibus oblata, si sordibus & maculis vacuæ ac puræ fuerint: in eorum cordibus sedem fixurum, vbi illinc seculum expulerint: cum gemitibus & suspirijs ad se redeuntibus vltro amplexurum: cum causam eorum lachrymæ agere cœperint, illorum exauditurum vocem: de puniendis
 ipforum

ipforum sceleribus cogitationem abjecturum, cum se ipsi punient; eoque indulgentiorem fore, quo ipsi vehementiores seuerioresque extiterint: condonaturum voluptates & delitias, quas laboribus & ærumnis commutatas viderit: quo magis denique pœnitentiæ dejectioni atque humilitati studuerint, eo altiore gloriæ gradu iacentes prostratosque honestaturum.

Hæc est D. Iacobi ad *huius seculi filios* oratio de reconcilianda cum Deo gratia. Eam, qua par est, diligentia expende. Non enim Theologiæ Moralis scriptoris, aut priuati Theologi nescio cuius placita proferuntur. Deus ipse decreta sua edit, ex quibus decretis orbem iudicaturus est. Quid tandem erit quod respondeamus, cum supremi iudicii die quæsierit, quâ fiduciâ *mundi huius amicis* cœlestis regni spem alijs legibus, quam quas ipse per Apostolum dixerit, obtulerimus: minimè scilicet postulantes, vt peruersam seculi cupiditatem ex animis euellerent; vt fletus, gemitus, voluntariosque cruciatus amplexarentur; risum & lasciuiam in mœrorem, delitias in labores & asperitates verterent; ea denique dejectione atque humilitate, quæ veros pœnitentes deceret, exercerentur? Quid ad hæc reponemus? An excusatione inscitiae vti nos speramus posse, quod vel nescierimus quæ sine crimine nescire non possumus; vel humanis interpretationibus & glossulis diuina præcepta interpolauerimus; vel denique in regendarum animarum ratione suspiciones & voluntates nostras

594 DE FREQUENTI COMMVNIONE.
æternis inuictisque ipsius verbi sanctionibus &
oraculis antiquiores habuerimus.

C A P V T X I.

*AN EORVM QVI AB ADVERSARIO AD
frequentandam Eucharistiam impelluntur Communioneibus,
Christus magnum honorem assequatur.*

Aduersarius.

Eucharistiæ frequentiore usu Christus & magnum
honorem assequitur & voluptatem. Nec id proba-
re operosum. Communio enim latriæ ac supremæ Dei ve-
nerationis actus est, & is quidem quo nobilior, excel-
siorve in Christianum non cadit. Plurimæ in ea virtu-
tes fides, spes, charitas, humilitas & ceteræ continen-
tur. Illâ etiam Christus magnam voluptatem accipit:
Quamobrem sub eiusmodi cibi specie se nobis exhibuit,
vt ipsa edendi necessitate doceremur, quàm necessarium
sit cœlestis huius alimenti subsidium, atque ad id frequen-
tius sumendum nostra nos utilitas ipsa compelleret. De-
licie illius, vt ait Scriptura, esse cum filijs hominum.
Multa in eandem sententiam dici possunt.

R E S P O N S I O.



I omnium hominum iudicio terrenis
Regibus contumeliosus sit, qui dicat,
magnum eos honorem assequi, quod
subditi ad ipsorum mensam assideant:
an de supremo ac cœlesti Rege dignè
loqui censendus est, qui magno eum honore au-

geri honestioremque fieri tecum prædicat, quod miseri homunciones diuinissimo ipsius corpore pascendi sacris eius epulis accumbant?

Ipse quidem immenso nos ac plane infinito honore cumulauit, quod tempori etiamnum & morti obnoxijis, eiusdem quo electi in beata æternitate pascuntur, cibi copiam fecerit, hoc vno discrimine interposito, quod nobis in præsentia aspectum illius, gustumque subtrahens, vtrumque cælo reseruauit. Tu vero frequentiore nostra ad epulum ipsius adorandum accubatione magno eum honore extolli, amplificarique pronuntias.

Quod si etiam meminerimus, cuiusmodi sint quos ad cœlestem illam mensam vocas, quid tandem è crebra illorum Communionem (vt toties demonstratum est) nisi dedecus & contumeliam in Christum redundare posse fatebimur? Nonne ipse in Euangelio docet, haud satis esse, si quis identidem *Dominum*, *Dominum* inclamet: nisi sibi pareat, vitamque ex sanctissimis suis legibus institutisque moderetur? Iubet, ipsi nos oderimus, si in discipulis suis velimus numerari: vetat Apostoli voce mundum hunc diligere: præcipit arctâ ingredi viâ, vt ad regnum suum perueniamus. *Quid me vocatis*, Luc. 6. *Domine, Domine, & nos facitis quæ dico?*

Quod si terrenis sacrificijs etiam tum in Legis vmbra vigentibus, Deus per Prophetam Idololatriæ eos damnat, qui neglectâ obedientiâ, legitimum debitumque illi cultum præstare se sperabant: quanto id magis in Lege noua sentiendum,

ubi omnem qui in spiritu ac veritate non eum adoret, repudiare se profitetur adoratorem?

Iudaicæ mentis est, confidere, externas vllas actiones quantamcumque sanctitatis speciem præ se ferant, Deo gratas accidere posse, nisi ipsius spiritu vigeant & consecrentur. Pelagiani vero, existimare, actus, quos ais, fidei, spei, charitatis, & humilitatis aliter ac singulari gratiæ Christi eos in animum immittentis motu elici posse. Quocirca deludit ac circumuenit animas quisquis persuadere nititur, ad illos actus frequentandos Communionis satis esse frequentiam, quasi vero illam indiuidua societate comitentur, & quoties certas formulas, quibus addicere eas atque alligare se posse putant, recitare libuerit, toties velut dato signo erumpant. Sic enim illos è nostra voluntate suspendunt, vt aliud quidquam ijs producendis opus non esse putent, quàm animum voluntatemque illuc intendere.

Verum cui tandem probetur, hominem accipiendæ Eucharistiæ fidem magnam expromere, cuius omnia facta intermortuæ potius ac Diabolicæ quàm viuæ & charitate vigentis fidei indicia sint? An vero magnæ in Deum spei est, arctissimis seculo vinculis adhærescere? An Dei amore feruet, qui sui ipsius amore abundat? An eximia humilitate præditus est, qui ad mysteriorum omnium maxime tremendum eò se confert audacius, quo ab omni gratiæ præsidio nudior est? Postremò, vt verbis utar tuis, an ille Christum voluptate cu-

mulat, qui vita & factis negat, quem in altari agnoscit?

Equidem quantum eorum, qui Deum ex animo diligunt, & Euangelij legibus obtemperant, Communionibus Christus delectatur: tantum istorum seculi amatorum Communiones odit, qui impio errore Religionem Christianam à Christiana vita diuellere, nec nisi in templo Christiani esse meditantur: qui Sacramentorum frequentationem cum prauis suis cupiditatibus coherere posse existimant: qui denique post inanes euanidæ, neque vllò sinceræ conuersionis indicio probatæ Confessionis sonos, Christum in dommu, foris quidem mundam, vt ait Bernardus, intus autem cæno ac sordibus scatentem recipiunt.

Placent sibi quidem illi probis quibusdam cogitationibus, quibus inter Eucharistiæ mysteria occupantur: seque, vt illis autor es, fidei, spei, charitatis, & humilitatis actus frequentare existimant, nescij vmbris se rerum & vanis imaginibus ludi. Vt enim piorum mentes prauis interdum cupiditatibus ac peccati motibus extrinsecus obducuntur, cum interna nihilominus munditie ac luce splendeant: ita mundi asseclarum animi imminente Communionis horâ, pijs, vt illis videtur, affectibus ac votis exuberant, cum in ijs vitia penitus infixataque insita permaneant. In illis prauas cogitationes quæ nihil obsint, in his bonas quæ nihil profint, nequissimus Spiritus exfuscitat. Atque hac

*Greg. 3. part.
Pastor. adm.
31.*

arte homines flagitijs inquinatos, vt sacrilegijs in-
 quinationes efficiat, ad Communionem sæpe nu-
 merò impellit.

*Chryf. hom.
 7. in Matth.*

Quare, sicut Chrysostomus eo nomine fideles
 Magis beatiores putat, quod quem illi in præse-
 pio, ipsi in altari venerentur: quem illi infirmita-
 te circumdatum viderunt, ipsi paterna gloria ve-
 stitum teneant; nec ei munera tantum, hoc est,
 bonorum operum copiam offerre, sed & sumere
 ipsum, eodemque pasci ac refici possint: ita Chri-
 stianos ad Eucharistiam indignè accedentes, cru-
 deli illi atque impio regi conferre non dubitat, qui
 Christum vna cum Magis adorare se velle simu-
 lans, cædem ipsi atque exitium machinabatur. At-
 que vt ad Eucharistiam piæ mentes Dei Spiritu agi
 debent, non secus ac Reges illi, ad Christum cœ-
 lesti luce perducti sunt: ita Sanctissimus Doctor
*homines peccatis contaminatos ad Communionem perci-
 piendam à pessimo spiritu instigari affirmat, vt Chri-
 stum in speciem venerantes, quantum in ipsis est, inter-
 ficiant & extinguant.*

Ex quibus iam intelligis, nequaquam arte ac
 stratagemate Dæmonis impediri homines, quo-
 minus ad tremenda illa mysteria, quibus indigni
 sunt, detrimentum ac damnationem accepturi se
 conferant: sed eos potius Dæmonis partes agere,
 qui ita affectos ad sacram mensam propellere non
 verentur.

CAPVT XII.

*NIHIL-NE AD COMMVNIONEM SANCTIVS
obeundam adjuuet illius dilatio. Nonnulla in eam
rem exempla Sanctorum.*

Aduersarius.

VT reuerentius ac paratius Eucharistiam adeas, nihil prodest dilatio: imo frequentatio prodest. Hominum quidem familiaritas & consuetudo contemptum parit, quia nauos eorum & vitia demonstrat: Dei vero usus assiduus reuerentiam auget. Quo magis conuenitur, eo magis innotescit. Quo autem notior efficitur, eo pluris fit, sinceriusque diligitur.

RESPONSIO.



HOC articulo duo placita superius à te Chrysostomo ascripta iteras. Alterum, ad Eucharistiam sanctius percipiendam nihil nos dilatione inuari: alterum, Communionem intermittendâ maiorem Christo honorem non haberi. Quæ quantum à Sanctissimi illius Patris sensu absint ac dissideant, suo loco est demonstratum. Restat, ut quantum à veritate abhorreant, quemadmodum à te proferuntur, nonnullis testimonijs pro meo instituto planum faciam. Rem paucis expediam, ab eoque ordiar quod negas, ad Eucharistiam sanctius adeundam nos dilatione quicquam adjuuari: quæ ad diuinissimi Sacramenti honorem ac reuerentiâ pertinent, deinceps tractaturus.

Cum sic pro certo sumis, ad *Communionem sanctius percipiendam nihil in dilatione præsidij esse*; vel dilationem prorsus omnem intelligis quacumque demum de causa suscipiatur, & quidquid interea fiat; vel eam tantum, quæ à negligentia contemptuque proficiscitur, animo de præparatione ad eam dignius obeundam nihil sollicito, & in omnibus vitiorum prauitatibus ac libidinibus inhærente.

Si posterius hoc genus spectares, meritò diceres, eos qui ita se habent *nihil dilatione adjuuari*. Sed quod addis, impium foret: *Eos magis Eucharistiæ frequentatione adjuuandos*. Nisi forte & hoc longè perniciosissimum, ac plerisque tuorum simile adijcere libeat, Communium indignarum frequentia idoneum ad dignam Communionem iter parari; de quò alibi dicturi sumus.

Sin autem vniuersa infinitaque est orationis tuæ sententia, vt ipsa verborum series ac totius Scriptiōis mens & scopus significat: quid pietatis Christianæ Sanctissimis regulis aduersum magis dici aut fingi potest, quàm eum qui ab Eucharistia tantisper secedat, vt puritatem ei consentaneam piorum operum usu ac studio assequatur, ad eam sanctius sumendam nihil illâ morâ, intermissioneque iuuandum? Nonne hoc Lutheri doctrinæ in Concilio Senonensi damnatæ finitimum est? *Nihil conducere ad susceptionem Eucharistiæ se præparare per satisfactionem, & alia bona opera.*

S. Hieronymus docet, nos Quadragesimali
ieiunio

ieiunio ad sacram Communionem præparari. Ipse quoque Dominus verus Jonas missus ad prædicationem mundi ieiunauit quadraginta dies, & hereditatem nobis ieiunij derelinquens, ad esum corporis sui sub hoc numero nostras animas præparat. Ac multos sanctitate insignes viros ea pietate fuisse accepimus, vt animæ ieiunium cum corporis ieiunio copulantes totius Quadragesimæ tempus ad Paschalis Communio-
nis preparationem conferrent.

Theodoretus, qui S. Simeonis Stylitæ vitam scriptis mandauit, qui & visa à se & ab illius familiaribus accepta memorat; cui Sanctus ille vir & æqualis fuit, & magno vsu conjunctus, atque ad eum potissimum homines barbaros benedictione Episcopali impertiendos misit: narrat eum posteaquam tredecim aut quatuordecim annos in solitudine compleisset, in cellam sese inclusisse, ac toto Quadragesimæ tempore omni prorsus cibo caruisse. Bassum vero Monachum, qui cellam foris occluserat, cum Quadragesimo die ad eum rediisset, hominem offendisse humi abjectum, atque ita fractum & debilem, vt nec mouere se, nec fari quidem posset: oreque ipsius aquà diluto inseruisse illi Eucharistiam quâ eum recreatum pristinas vires recepisse. Porro ex eo anno ad diem illam cum Theodoretus vitam eius scriberet, duodetriginta Quadragesimas pari inediâ illum traduxisse: sed labore multo leuiore. Vbi enim in columnam ascendisset, Deo magis ac magis confirmante, nihil ex ea re molestiæ expertum.

B. Genouefa illi ætate conjuncta, ac de eo diuinitus edocta, diutius etiam sacrâ se Communionepriuabat. Ab illius enim vitæ Scriptoribus proditum est, eam ab Epiphania ad Cœnam Domini in solitudinem abire consueuisse, vbi humi cubans ieiuniumque solito arctius instituens, orationi, atque animi latebris penitus excutiendis operam daret.

B. Franciscum idem penè quotannis post Epiphaniam factitasse Scriptor eius vitæ commemorat: & quadraginta dies à Christo in solitudine actos animo recolentem in desertum se abdidiſſe, ibique cella conclusum perpetua oratione, seuerioresque ieiunio temporis illud spatium contriuisse.

His Monachos illos ad Iordanem addere licet, qui vt autor est Sophronius, Episcopus Hierosolymitanus in Vita S. Mariæ Ægyptiacæ, primo die Dominico Quadragesimæ sacra Communionerefecti in desertum omnes secedebant, ad Dominicam vsque Palmarum illic mansuri: eoque tempore exacto in Monasterium remigrabant.

An vero sanctas illas mentes ex eiusmodi dilatione nihil fructus cepisse putas, quo ad Christi gloriam in diuinissimo Sacramento participandam magis idonei fierent, posteaquam dolorum eius participes essent effectæ?

At B. certè Ignatij exemplo nemo non moueatur, qui vt initio Vitæ ipsius à Ribadeneira scriptum est, semel in die frusto panis emendicato & aqua sola reficiebatur, atque hoc singulis diebus

agebat ieiunium, Dominico excepto, quo Confessionis & Communionis mysterijs fruebatur. Ita Sanctus vir tanta sese continentia ac duritate ad dici Dominicæ Communionem, quam tu cuius concedis, accingebat. Quis vero dilationem eiusmodi hoc ei attulisse neget, vt tanta ieiunij austeritate purgatus Christi mensa dignior fieret?

Cæterum quo tandem pacto expedies quod Scriptor ille addit, Sanctum eundem virum, postquam Sacerdotio initiatus fuit, solidum annum animo ad Sacrum primùm faciendum, præparando postulasse? Num videtur abs re tecum existimasse ad mysteria quæ iustissimo cuique horrorem afferant, tempus aliquod & spatium sumi, quo ante comparetur mens, gemituque & oratione gratiam Sancti Spiritus eliciat: cum à tot annis Deo vni studiosissimè deditus, ac pœnitentiæ ope ad altissimum virtutis gradum euectus, nondum tamen eam in se, quæ sacrificio Missæ Deo offerendo par sit, sanctitatem atque integritatem agnoscat, nec paucis hebdomadis aut mensibus, sed anno ipso muneris sibi Sacerdotalis, ad quod à Deo vocatus fuerat, functiones supersedendas putet, vt ad eas sese per id temporis continuo pietatis studio cultuque componat?

Quod si ista sanctitate homines, quos Dei Spiritus implebat, suoque amore succenderat, Communionem aut mysteriorum operationem fructuosè interdum differri à se existimabant, vt ad eadem puriores postmodum ardentioresque se re-

ferrent: quis flagitijs coopertos verecundiam istam non fructuosam, sed sæpius necessariam æmulari vetet, Communionemque peccatis pœnitentiæ feruore decoquendis suspendere?

Præcipuam ad sumendam Eucharistiam præparationem animi puritatem esse sine errore nemo negauerit, atque adeò quo quisque purior fuerit, eò ad percipiendam eam paratiorem habendum. Ac nisi quis in Lutheri Caluiniq; hæresim impingat, & cum ijs verbi diuini fidem adulteret, orationes, ieiunia, eleemosynas, aliaque pia opera ad eluendas purificandasque animas valere fateatur necesse est. Quare nec sine errore quisquam inficias ierit, cum intermittitur sacra Communio, vt mens sanctis actionibus aptior ornatiorque existat, intercapedinem illam ad Eucharistiam paratiore animo suscipiendam nonnihil conferre.

*Ambros. ser.
26. in Dedi-
cat.*

Nam in pœnitentes, qui indignitatis suæ conscij ab Eucharistia se remouent, conuenit, quod Ambrosius de Centurione illo scripsit, qui Christum domum recipere minimè ausus est: *O fides Christiana, quæ cum humilitate totum impetrare consueuisti! Ecce religiosus Centurio ad accipiendam salutem dignior fit, dum se profitetur indignum: Et dum ædes suas injuriosas putat, magis eas honorificas fecit & gratas. Magnæ enim Et perfectæ fidei vir, qui intelligeret Christum cælorum esse Deum, verebatur ne hospitij sui eum angusta non reciperent. Ergo contradicente Centurione non pergit ad domum Dominus, non pergit Dominus, sed pergit Domini medicina:*

non visitat ægrum Saluator, sed visitat sanitas Saluatoris.

Ita qui acerbo peccatorum sensu ac dolore commoti, à sacra Communione velut indigni se abstinēt, hoc ipso se digniores efficiunt. Ab altari recedentes ad Christum accedunt: Saluatoremque recipere veriti, ab ipso salutem accipiunt. *Non pergit Dominus, sed pergit Domini medicina: non visitat ægros Saluator, sed visitat sanitas Saluatoris.*

CAPVT XIII.

NUM ADVERSVS EÛCHARISTIAM reuerentiæ sit, humilitatis causâ ab ea interdum secedere, aut aliquantisper Communionem differre. Sanctorum illustrum cam in rem exempla.



TQV E hinc iam ad alterum caput aditus patet, vt quæramus, num Christianum sit quod ais, non esse reuerentiæ aduersus Eucharistiam ab ea interdum secedere, aut Communionem aliquantisper differre.

Verum longiori oratione non opus est ad dogma refellendum, primis fidei notionibus aduersissimum. Iam pridem definiuit Augustinus, Centurionis modestiam atque humilitatem, qui Christum domo excipere non ausus est, nihilo minus gratam ipsi fuisse, quam Zachæi zelum & ardorem, qui eundem domum suam gaudens recepit: atque ita pias animas pariter honorare Saluatorem

Aug. ep. 118.

siue fidei ductu ad eius mensam sæpius accedant, siue religiosa reuerentia ab ea nonnunquam digrediantur.

*De Imitat.
Christi. Lib.
4. c. 10.*

Theologi omnes D. Thomam secuti vtrumque ad Sacramenti reuerentiam pertinere agnoscunt. Quam in sententiam ab autore Libelli *De Imitatione Christi* disertè scriptum est: *Si quis interdum abstinet humilitatis gratiâ laudandus est de reuerentia.*

*S. Bonavent.
de Profectu
Relig. c. 77.*

D. vero Bonauentura adeo certam & exploratam habet hanc doctrinam, vt affirmare non vereatur, *Irreuerentiam* nonnullam videri, si Sacerdos quotidie sacris operetur, nec vnquam reuerentiæ causâ desistat. *Circa Sacerdotes*, inquit, *potest hæc forma teneri; vt nec nimis rarò, nec nimis continuè celebrare, vel imprætermisè sacram hostiam studeant immolare. Nimis enim continuè celebrare, aliquam videtur notare irreuerentiam, cum vix aliquis sit tam deuotus, qui semper eadem deuotione ferueat, quod semper cum debita reuerentia illud faciat, Et cordis ardore, quin aliquando reperiatur quantulumcumque quod impediat.*

Et quidem constat istum reuerentiæ atque humilitatis sensum, ita in quorundam Sanctorum virorum animis à Dei Spiritu nonnunquam infixum: vt quemadmodum nonnulli à Sacerdotio capeffendo refugerunt, vt S. Franciscus; alij cum Sacerdotes effecti essent, nunquam ausi sint suscepti honoris munere defungi.

Extant præclara huius rei exempla in Vitis Patrum, duorum nempe Sanctissimorum Anachoretarum, quorum alter Muthues dictus, cuius, vt re-

fert Rufinus, sanctitatem miratus Episcopus inuitum Presbyterum fecit: eiusque item sodalem de eius singulari pietate ab altero admonitus. *Vtrique tamen, inquit Historicus, ita permanserunt vsque ad finem suum, vt ad altare quantum ad oblationem sacrandam nunquam accederent. Unde dicebat senex: Confido in Deum meum, quia non habeo grande iudicium propter hanc ordinationem, quia oblationem non mihi præsumpsi offerre. Nam ordinatio hæc illorum est, qui sine culpa sunt, iusti & immaculati: ego autem bene me cognosco.*

Lib. 3. de Vitis Patrum, c. 188.

Atque vt ad illustriorum multo virorum Sanctorum exempla progrediamur: nonne testatur Epiphanius: D. Hieronymum, alterumque Sanctissimum Sacerdotem nomine Vincentium, etsi non haberent Bethleemitici Monasterij fratres quibuscum degebant, qui sibi Domini Sacramenta conficerent, PROPTER VERECONDIAM ET HUMILITATEM NOLVISSE DEBITA NOMINI SVO EXERCERE SACRIFICIA, & laborare in hac parte ministerij, quæ Christianorum præcipua salus est. Hæc ipsa sunt Epiphaniij verba in Epistola ad Ioannem Hierosolymitanum ab ipso Hieronymo latinè conuersa. Atque hanc sibi fuisse causam addit, vt alium eiusdem Monasterij fratrem vi primùm Diaconum, deinde Presbyterum ordinaret, quantumuis contrà obniteretur, indignum se esse contestans. Quod nemo nescit primis illis seculis peruulgatum fuisse, cum Sacerdotij præcella dignitas & amplitudo adeò in Christianorum animis defixa esset, vt piorum pleros-

Epiph. in ep. ad Ioann. Hierosol.

que ad suscipiendum munus, cui se impares arbitrabantur, summa vi cogi oporteret.


Exempla non afferam, quia & innumera sunt & omnibus obuia. Hinc tantum intelligas velim: Sanctissimos viros non in eo pietatem positam existimasse, vt Ecclesiastica ministeria quisque inuadat, cum primum ad Deum sese reuocare cœperit, vt cuiusquemodi munijs & functionibus se admisceat, vt quorumuis passim ad Deum conuertendorum partes suscipiat, antequam ipse pietatis initia firmitus fortasse perceperit; denique ne ab instituto longius digrediamur, vt nullo non die Sacrum faciat, si Sacerdos sit: sin minus, quàm sæpissimè Communionem pascatur.

Etenim si vera sint quæ sentis, vt nullus Deo honor habeatur, cum à sacris mysterijs reuerentiæ causa interdum disceditur, prout Sancti Spiritus motio atque impulsus tulerit: D. vtique Hieronymus, sanctique illi viri humilitatis improuidæ & superstitiosæ religionis rei habendi erunt, Christianæque pietatis cognitione ac scientia haud paulò te inferiores: quod vel te ipsum abominaturum crediderim.



CAPVT XIV.

*NUMQUAM-NE TIMENDVM SIT,
vt contendit Aduersarius, ne crebrior Communio debitam
tanto mysterio reuerentiam minuat.*



I honoris ac reuerentiæ in Christi corpus est, ab eo interdum humilitatis causâ secedere, vt demonstratum est: negari non potest verecundam eiusmodi dilationem ad Eucharistiam studiosius cupidiusque accipiendam plurimum sæpe conferre; contraque verendum, ne frequentior Communione vsus reuerentiam minuat, præsertim si nondum penitus confirmatâ & corroboratâ virtute sumus. Hoc qui neget, quod tu facis, sensui communi omniumque hominum experientiæ bellum indixisse videri potest.

Cui enim perspectum non sit, vel suâ, vel alienâ experientiâ, eam esse animi nostri imbecillitatem, vt ad res quasque etiam præstantissimas cogitationis & studij eò minus adhibeat, quò magis in vsum atque in consuetudinem quotidianam venerint? Qui paulo religiosius Deum colunt, nonne assidue sentiunt, quàm difficile factu sit providere, ne ad Sanctissima quæque pietatis officia, quibus assueuerint, more potius & consuetudine, quam virtute duce progrediantur?

De Eucharistia vero docent omnes Theologi, autore D. Thomâ, hoc in primis nomine ab ea

D. Thomas
in 4. sent.
dist. 12. q. 3.
art. 1. q. 2.

quotidie sumenda temperandum, *si quis per illam quotidianam frequentationem reuerentiam minui sentiat, & feruorem non multum augeri*: atque ita certum & exploratum habent, grauioris esse periculi, ne frequentiore vsu debita Eucharistiæ veneratio sensim remittatur & languescat.

Tu tamen contra disputas, & vel maximè ad virtutem debiles & imperfectos (hos enim potissimum à te spectari vniuersa scriptio tua loquitur) persuasum habere vis, quo crebrius Communionem repetierint, eò maiori feruore ac reuerentiâ in tantum mysterium futuros. *Hominum quidem, inquis, familiaritas & consuetudo contemptum parit, quia nœuos eorum & vitia demonstrat: Dei vero vsus assiduus reuerentiam auget. Quo magis conuenitur, eo magis innotescit. Quo autem notior efficitur, eò pluris fit, sinceriusque diligitur.*

Non argumentabor hoc loco, quam abhorreat à vero, quò quisque magis Deum nouit, eò magis illum diligere: cum pateat non continuò ardentiorrem aduersus Deum amorem assequi, qui perfectiorem eius notitiam assequantur: ac Pelagiano errore labi qui putet, vel absolutissima quæ in hanc vitam cadat Dei intelligentia nos ad eius amorem posse perducere, nisi nouo gratiæ dono illum ipsum amorem in cordibus nostris Deus incendat.

Mitto etiam quod prædicas, quò quis crebrius ad Communionem accedit, eò magis Deum nosse & diligere. Iam enim sæpius demonstratum est, eos qui piam & Christianam vitam agere non student, cre-

bris illis Communionibus magis ac magis cœcari atque obdurari, vt præclarè his verbis à Bernardo scriptum est: *Quid istos agere dixerim, qui scurrilitates, detractationes, iactantiae & impatientia verba non reputant & cum his quasi gens quæ fecerit iustitiam accedunt liberè ad Ecclesiam. Et ne ipso quidem tremendo Angelis participare verentur Dominici corporis Sacramento? Quid, inquam, istos aliud agere dixerim, quàm securos iam de gratia Domini sui fiducia- liter de ea, quam longo tempore promeruerint, familia- ritate præsumere?*

Bernard. ser.
28. de diuers.

Vnum hoc dicam, rationem quâ vteris opti- mam fore, si de Angelis, non de hominibus age- res, vel praua ista ad res obuias & vulgares minimi faciendas propensio à rerum ipsarum naturâ, non à nostrâ imbecillitate duceretur.

Diuinitus ab Augustino dictum est, quotidiana miracula quibus rerum naturam perpetuò Deus il- lustrat, longe esse ijs mirabilia quibus ad sui co- gnitionem & fidem homines adduxit: imo *& omni miraculo quod fit per hominem maius miraculum esse ho- minem*. Sed inusitatis inauditisque miraculis com- moueri nos oportuisse, *quia miracula visibilium na- turarum, licet multo maiora, videndi assiduitate vilue- rant*. Ac vel Ethnicos vidisse, id vnum esse, cur non in perpetua diuinorum operum admiratione defixi simus, quod *assiduitate quotidiana & consue- tudine oculorum assuescunt animi, neque admirantur, neque requirunt rationes earum rerum quas semper vi- dent*.

Aug. de Ci-
uit. Dei. lib.
10. c. 12.

Cicero de
Nat. Deo-
rum. lib. 2.

An ergo, ne à sententiâ, quam hîc adstruis, discedas, ideo admiranda omnipotentis Dei opera apud homines ipsa familiaritate viluisse contendes, quod in ijs nâuos ac vitia perspexerint? quod in pulcherrima mundi fabricatione peccata, in constantissimo siderum cursu aberrationes, in anniuersaria tempestatum vicissitudine perturbationis quippiam discrepantiæ quæ deprehenderint? Quod vero nemo vnquam Solem & Lunam tam acriter intuetur, quàm cum deficiunt: ex eone fit, quod maiorem illis defectio, quam lux ipsa & splendor pulchritudinem conciliet?

*Aug. de Vera
Relig. c. 25.*

Denique, vt sapienter ab Augustino animaduersum est, noluit Deus tantam miraculorum copiam, quanta nascentem Christi religionem insigniuit, semper in Ecclesia manere: *Ne eorum*, inquit, *consuetudine frigeret genus humanum, quorum nouitate flagrauit.* An ergo Deum timuisse opinabere, quod vel cogitatu horrendum, ne quam in mirabilibus illis operibus maculam & vitium vsu perciperemus?

Agnosce igitur quod plerumque familiaritas reuerentiam minuat, non hinc semper contingere, quoniam res quæque procedente tempore leuiiores vilioresque videantur, sed potius quod eas leuiter imperfectèque cognitæ habeamus, maxime diuinas & cœlestes, quodque curiositas (quæ tertium animæ nostræ vulnus, peccatique in nobis habitantis, quo nomine concupiscentiam Paulus appellat, tertia portio est) nouis semper rebus in-

hians, ab assuetarum amore & studio sensim auocat. Cui innato menti humanæ vitio Autor Libri *de Imitatione Christi* nostræ aduersus diuinissimum Sacramentum venerationis decrementum refrigerationemque ascribit. *Heu cæcitas*, inquit, & *duritia cordis humani*, tam ineffabile donum non semper attendere, & ex quotidiano esu etiam ad inaduertentiam defluere.

De Imitat. Christi lib 4. c. 1.

Huc adde, diuturna agendi consuetudine animi ad agendum intentionem sensim hebescere, eo quod consuetudo longinquior tandem in naturam abeat, naturales autem actiones nulla fere animi cogitatione profundantur. Ac licet ex bonorum operum exercitatione consuetudo quædam laudanda existat, quæ quasi continuatam & perennem Spiritus Sancti motionem complectitur, efficitque, vt in eos qui pietate præcellant, valeat illud Augustini de Deo, *Semper vetus, semper nouus*: exoritur tamen pariter & altera consuetudo deterior, quæ in bonis operibus persequendis diuini spiritus partes humano spiritui accommodat. Cuius consuetudinis vitio cum feruor & gustus, quem in prima bonorum operum susceptione experimur, paulatim euanescat, fit vt Angeli magis noua peccatoris conuersione, quàm iustorum perseverantiâ latentur.

Quare etsi Eucharistia votorum nostrorum summa esse debeat: ea tamen est, quandiu hîc viuimus, mentis nostræ imbecillitas, vt diligentissimè explorandæ sint vires, ne crebrior, quam par

fit, Communio nos refrigeret, non incendat. Nam in altera demum vita hoc diuinissimo cibo sine fastidio æternùm satiabimur, quoniam remotis inuolucris illo palàm fruemur, sanatis prorsus omnibus infirmitatibus ac vitijs penitus exhaustis.

CAPVT XV.

*QVINAM REPREHENDANTVR ASS. PATRIBVS,
quod plus æquo à sancta Communione se subtrahant.*

Aduersarius.

CYrillus & Isidorus apertius profitentur eos qui honoris & reuerentie obtentu à Communione se abstinent in salutis discrimen venire, quod Christus dicat: *Nisi manducaueritis meam carnem, non habebitis vitam in vobis.*

RESPONSIO.



IN doctrina horum Patrum æque hospes es ac peregrinus, atque in cæterorum omnium à te hætenus prolatorum. Cyrillus & Isidorus cum Sanctis omnibus vehementer inuehuntur in eos, qui Dei obliuione, flagitiosâ salutis incuriâ, timore quodam abjecto ac seruili à sacra Communione se remouent, qui viuam illam hostiam non secus ac facinorosi vultum iudicis exhorrescunt, quos posteaquam *nequissimus spiritus*, vt disertè Cyrillus loquitur, *multis criminibus inquinauit*, ipsam

*Cyrill. 3 in
16. inn. cap. 6.*

quoque gratiam cogit exhorrescere, per quam à voluptate quæ ad vitium inducit, tanquam à vino & crapula ad sobrietatem renocati, quid utile sit perspicere queant.

Quis istum eorum zelum non æmuletur, aut plerorumque Christianorum ad res diuinas stuporem & quasi lethargum, religionisque nostræ mysteriorum sanctissimorum contemptum non damnet, adeo improbum atque intolerabilem, vt nisi consuetudine potius quam pietatis sensu ad Communionem Paschalem ducerentur, vix vnquam vel cogitarent Christum in diuinissimo Sacramento ad pascendas animas seipsum Ecclesiæ præbuisse.

Sed quoniam morbos nosse nihil attinet, nisi & remedia noris, paruum est commemorare, cum abusum damnari à Patribus, qui ab omnibus pariter condemnatur: longè vero maximum tradere & docere, quâ via & ratione ex eorum sententia tollendus sit atque sanandus. Itaque hæc superest omnis quæstio: An qui ab Eucharistia vel deterrente criminum conscientia, vel animi licentia dissolutioneque discedunt, ad eam, vt tibi placet, leuiore confessione adhibitâ continuò recipiendam frequentandamque impellendi sint, & si nec emendationis vitæ significationem vllam afferant, & in mortifera peccata identidem relabantur: an ad pleniorē pœnitentiam, ad morum commutationem, ad piæ Christianæque vitæ cultum prius instituendum cohortandi sint, quam sacris altaribus rursus sese admoueant? Hoc vero illis ipsis,

quos laudas, autoribus & ipsis, quæ profers, vel proferre vis, eorum testimonijs, quod ea tibi potissimum accommodata existimas, definiendum.

Cyrillus in Ioannem duobus locis iisque diuersis reprehendit eos, qui per negligentiam ac socordiam ab Eucharistia discedunt, sed in utroque eis autor est, ut peccatorum sordibus absterfis sanctam & Christianam vitam ingrediantur. Eius tertio libro hæc sunt verba: *Eniti quippe eos omni studio ac viribus deceret, ut à peccato statim mudentur, honestumque ac probum vitæ institutum amplexi ad vitæ participationem demum magna cum fiducia properent. Et paulo post: Ruptis igitur Dæmonis vinculis & excusso iugo tyrannico in timore Domino seruiamus, ut scriptum est, & carnis voluptatibus per temperantiam superatis ad diuinam ac cælestem gratiam accedamus, & ad sanctam Christi participationem ascendamus.*

Animaduerte tandem, quid ante Communionem præstandum censeat, idque cum ad eam frequentandam fideles adducere maximè nititur. Iubet ut prius peccati sordes eluant, quod per pœnitentiam fit; rectam vitæ viam ingrediantur; Dæmonis vincula, hoc est, omnia, quibus ad prauitatem implicati sunt, præscindant; eiusdem iugum, pompas & opera ipsius, ut in baptismo factum est, repudiando in perpetuum eiurandoque excutiant; ad Dei cultum & obsequium sese reuocent; carnis voluptates exercitatione temperantiæ, hoc est, ieiunijs, aliisque corporis vexationibus fractas edomitæque habeant, quandoquidem SS. Patrum omnium,

omnium, ac postremò Concilij Tridentini sententià vitia omnia contrariarum virtutum vsu tollenda esse accepimus; quæ omnia non in verbis, sed in vita factisque consistunt; ac nisi à Deo mira quædam & prorsus insolita expectes, vna hora non perficiuntur. Idem libro 4. breuius docet: *Piam studio- samque vitam agere institue; atque ita Eucharistiam sumito. Quæ sententia quicquid in hoc genere dici potuit sua breuitate complectitur.*

De Isidoro, verbis quæ ab illo etiam interpolata profers, adijunge quæ statim subiicit: *Qui peccare iam quieuit, communicare non desinat.* Quâ voce declarat de ijs se habere sermonem, qui à vitæ prauitate ad Deum ita conuersi sunt, vt à pristinis peccatis continere se valeant, non de ijs qui assiduè in ea relabuntur. Quin etiam quo magis animi puritatem tanto Sacramento dignam significet, addit: *Coniuges plurium dierum continentia & precibus adiutum sibi ad illud munire oportere.*

Præterea eodem loco disertè controuersiam dirimit, & pro certo sic pronuntiat: *Si talia sunt peccata quæ quasi mortuum remoueant ab altari, prius agenda pœnitentia est, ac sic deinde hoc salutiferum medicamentum suscipiendum. Qui enim manducat & bibit indignè, iudicium sibi manducat & bibit. Hoc est autem indignè accipere, SI EO TEMPORE QVIS ACCIPIAT, QVO DEBET POENITENTIAM AGERE.* Atque hinc vel cupidissimus tui & à nobis alienissimus fateri cogatur testes tuos omnes, quos tibi suffragaturos existimasti, contra teipsum testimonium dicere.

Illud tamen te amicè monitum velim, potuisse doctrinam tuam maximi etiam atque illustrissimi Ecclesiæ Doctorum autoritate fulciri: cum Augustinus non minus vehementer ac seuerè quàm Cyrillus & Isidorus in eos qui Communionem detreçant, scripserit. Neque tu illum profectò omissurus fuisse videris, si in tuis illum Commentariolis offendisses. Quare istud suppleri à nobis integrumque illius de hoc argumento sermonem repræsentari non molestè feres, in quo vir diuinissimus quicquid in rem nostram optari queat, mirâ breuitate subjecit.

*Aug. ser. 57.
de Temp.*

Sæpe aduertimus, dilectissimi fratres, nonnullos ex vobis Communionem Ecclesiasticam declinare, & hoc intelligo fieri ex conscientia grauium atque ingentium peccatorum. Ecce genus hominum illud ipsum quod à Cyrillo perstringitur, quodque hoc loco tractamus. Accipe nunc quid iudicij de illo edat.

Inde admoneo vos, dilectissimi, quod prauum est hoc insalubri consilio duplicatur: quia homines ista facientes & delictorum sarcinam cumulant, & munus æternæ salutis amittunt, hoc est reatum congregare, & remedium deuitare. Potuitne socordes ac salutis suæ securus homines acrioribus verbis commonefacere, quantum se in discrimen, Eucharistiam, criminum quibus inhærent conscientiâ, prætermittentes, conijciant? Nonne Cyrillus & Isidorus quæ in eandem sententiam scripserunt ab eo hausisse videantur? Sed quoniam, vt ante dixi, vulnus aperuisse parui refert, nisi ad curandum manus & opera adhibea-

tur: audi quid deinceps consilij det: *Ergo vos, dilectissimi fratres, hortor atque commoneo, ut si quis ex vobis conscius criminum suorum indignum se Communione Ecclesiasticâ putat, dignum se esse faciat.* Non monet tantum redeundum ijs ad Eucharistiam: nec enim diuinum illis cibum pararet, sed venenum. Rursum non ait, iniquè ab ijs fieri, quod se escâ illâ cœlesti indignos reputent, proderet quippe, non iuaret consilio. Hortatur ergo, ut se Communione dignos præstent. Sed quoniam rei caput erat docere, quibus tandem vijs hoc assequi possent, id continuò exponit ijs vocibus, quas accuratius expendi velim. *Dicitis, Quomodo aliquis dignum se facere possit? Quomodo? nisi ut errores pristinos relinquat, ET POENITENTIAM PETAT, UT QUI CRIMINVM SVORVM SORDE POLLVTVS EST, EXOMOLOGESIS SATISFACTIONE MVNDETVR.*

Nemo, opinor, dubitare audeat, verasne Ecclesiæ leges quibus quisque vitio suo Eucharistiâ indignus effectus eâ se dignum præstare debeat, notas perspectasque Augustinus habuerit. Quod si cognititas habuit, hoc loco eas exprompserit necesse est, vbi de ijs gregem suum erudire se velle profectur. Nusquam tamen dicentem audio, hoc vnum postulari, ut peccatorum confessio adhibeatur. Tria vero nominatim præscribit. Primum, ut à peccatis discedatur, vitæ prauitas emendetur, morum conuersio rebus & factis probetur. Alterum, ut Sacerdoti seria confessione prodantur peccata, ape-

riantur vulnera, pœnitentia criminibus par postuletur, placandique Dei iusti iudicis tempus & ordo eiusdem autoritate accipiatur. Tertium denique, vt pœnitentia illa expleta susceptæ peccatorum maculæ laboribus, ærumnis, duriorique sui ipsius tractatione deleantur.

Verum consequens sermonis series maiorem etiam lucem afferet, grauissimaque præcepta supeditabit. *Nec illud seruet, vt in extremo vitæ suæ tempore tunc pœnitentiam petat, quando iam agere non possit.* Si in sola confessione pœnitentia posita esset: nonne absurdè diceret, moribundos homines eam agere minimè posse, cum nihil crebrius iam sit, quàm morientium confessiones? Sed Augustinum audiamus, optimum vtique sui interpretem.

Inutilis est enim, dilectissimi, ista persuasio. PARVM EST PECCATOREM POENITERE, NISI POENITENTIAM PERGERIT. AD EMENDANDA ENIM CRIMINA, (hoc est, peccata mortifera) VOX POENITENTIS SOLA NON SVFFICIT: NAM IN SATISFACTIONE INGENTIVM PECCATORVM NON VERBA TANTVM, SED OPERA REQVIRVNTVR. Operibus igitur non verbis Eucharistiâ digni efficimur, quandoquidem de præparatione ad Communionem necessaria agit eo loco Augustinus.

Datur quidem, addit S. Doctor, in extremis pœnitentia (hoc est, satisfactio præscribitur, quam ægrum, si conualuisset, exolvere oportebat, vt ex innumeris canonibus liquet) *quia non potest denegari:*

sed autores tamen esse non possumus, quod qui sic petierit, mereatur absolui. Quomodo enim agit pœnitentiam lapsus? Quomodo agit pœnitentiam in extremis vitæ finibus constitutus? Quomodo POENITENTIAM AGERE POSSIT, QVI NVLLA IAM PRO SE OPERA SATISFACTIONIS OPERARI POTEST? Et ideo pœnitentia quæ ab infirmo petitur, infirma est: Pœnitentia quæ à moriente tantum petitur, timeo ne ipsa moriatur. Et ideo, dilectissimi, quicumque inuenire vult misericordiam Dei, sanus agat pœnitentiam in hoc seculo, vt sanus esse valeat in futuro.

Habes Augustini, imo Patrum omnium de præparatione ad Eucharistiam peccatorum lethalium reis necessariâ sententiam. Cui illa displicet, quærat doctiores, sed caueat ne inueniat præsumptores.

*Aug de Spiritu
Eg lib.
c. 34.*

CAPVT XVI.

VTRVM ACERBISSIMAM ECCLESIAE calamitatem importet, artificioque ac stratagemati Diabolico subseruiat, qui peccatores ad pœnitentiam adducere, horrendumque illum, quo Sacramenta passim hodie dedecorantur, abusum pro viribus minuere conetur.

Aduersarius.

Nihil perniciosius Ecclesiæ contingere posse existimo, quam esse qui pietatem profitentes eos quos regendos susceperunt à frequenti Communione deterreant. Hoc enim vero artificium ac stratagma diabolicum est: à Spiritu autem Sancto ortum esse nequeat, cum Ecclesiæ virique sancti, quos ille regit, plane dissentiant.

RESPONSIO.



NON res pernicioſa, ſed commentitia fabula, meraque calumnia à te inducitur, eſſe pium quemquam, qui Communionem dignos à Communionem deterreat : imò qui ad Communionis crebritatem non omnes ſtimulet, qui eâ puritate animi, eâ virtutis firmitate, vitæque veræ Chriſtianæ laude præditi ſint, vt ad tantum Chriſti vſum & conſuetudinem meritò aſpirent.

Sed ea demùm longè veriſſima Eccleſiæ perniciēs eſt, nullis lachrymis aut gemitibus pro dignitate deſlenda, tantam eſſe his temporibus hominum vim, qui auguſtiſſima Religionis myſteria tam contumelioſiſſimè accipiant : qui Sanctum Sanctorum impuro ore ac ſqualido haurire non dubitent : qui contaminatiſſimam ac prorfus ethnicam vitam in confeſſionibus & communionibus frequentandis conterant : ex quibus nihil aliud fructus capere eos liqueat, niſi improvidam diuinæ miſericordiæ fiduciam, quâ dum nullum Euangelij præceptum exequuntur, viâque latâ, quæ ad interitum ducit, ſecuriſſimè graſſantur, ſalutem ſibi nihilominus felicitatemque deſpondent.

Tradit Auguſtinus extitiſſe ætate ſua homines vitijs inquinatos, qui ſibi in medijs flagitijs quædam ſpei lenocinia conquirerent, licet ab ijs non diſcederent, à Deo ſe tamen, modo in egenos benefici eſſent, æternâ damnatione liberandos confi-

debant. At Christiani hodie longius etiam progredi, cœlestemque felicitatem multo facilius ac vilius comparare sibi velle videntur. Multo enim facilius Sacramenta, tuo præsertim more, quam eleemosynæ vberiores frequentantur; & qui sui amore tument, ac seculo immaniter astricti sunt, ad Communionem crebrius repetendam, quàm ad partem facultatum in egenos conferendam haud paulò paratiores erunt.

Et vero quis non horreat, nec vsum Confessionis & Communionis vulgatiorem; nec mores corruptiores, fœdioresque vnquam fuisse? Presbyterorum tribunalia confitentium turbis, altaria Communionem adeuntium multitudine densantur: Vtrisque Parœciarum templa, ac Monasteriorum potissimum redundant. Et tamen quis nescit, quod seculares ipso seculi vsu nimio plus norunt; quod Confessores necessariâ muneris sui functione magis etiam perspectum habent; quod Concionatores commouendorum ad pœnitentiam hominum causâ tantis clamoribus de sacro suggestu deplorant; iam penè omnes Christianæ Religionis vberiores notas è Christianorum moribus esse sublatas: nunquam maiorem in matrimonijs fœditatem, in familijs corruptelam, in adolescentibus libidinem, in locupletioribus ambitionem, in omnibus ordinibus luxuriam & proluuiem, in rebus contrahendis perfidiam, in mercimonijs simulationem, in opificijs fraudulentiam, in plebe dissolutionem ac nequitiam extitisse? Quis nescit ab hinc viginti

annis fornicationis culpam secularibus leuiorem videri cœptam ; adulterium , quod in grauissimis criminibus semper fuit , fortunatioris sortis loco haberi ; simulationem & fallaciam virtutem aulicam existimari ; impietatem , infinitamque licentiam , ingenij firmitati ; iuramentorum blasphemiarumque audaciam , venustati sermonis ; præstigias & mendacia , negotiandi , agendæque rei scientiæ ; insanam perpetui lusus consuetudinem , honestiori mulierum oblectationi ; maritorum contemptum , rei familiaris , liberorumque incuriam , earum iuri ac felicitati , quæ cæteris vel naturâ , vel fortunâ præcellant ; honestioris fœminæ appellationem , alij ac probæ fœminæ ; simoniam tectiorem , Ecclesiasticarumque rerum distractionem sacrilegam , idoneæ compositioni ac solertiæ ad faciliorem beneficiorum commutationem opportuna ; denique furandi , fœnerandique impunitatem , legitimis officiorum stipendijs , vſitatis pecuniæ fructibus , reique augendæ artificio , quod soli iam hebetiores , rudioresque inconsultâ quadam religione refugiant , ascribi imputarique consueuisse ? Taceo tetriora etiam facinora , maioribus nostris inaudita , tantoque æstu & impetu in hanc miserrimam ætatem effusa , vt vel solâ eorum cogitatione animus exhorrescat. Taceo item peccata interiora , animisque penitus insidentia , quæ nemo iam agnoscit , neque vllò numero habet , quæque duabus

1. *Timoth. 6.* illis vocibus à Paulo comprehensa , *hominum mente corruptorum* , & alibi , *homines mente corrupti* , grauiſſima

grauissima omnium , Deoque inuisissima esse accepimus.

Hoc illud est, quod acerbissimam, quâ Ecclesia percelli possit , calamitatem verius dixeris. Nisi forte acerbius etiam ac perniciosius videatur, quod reperiuntur, qui pietatis studium præ se ferentes, peccatoribus in animæ suæ desiderijs, vt ait Scriptura, blandiantur; qui ægritudinis illorum vim & grauitatem fallaci verborum simulatione eleuent, qui *falsam* eis denuntient *pacem*, vt Cypriani verbis utar, *perniciosa* dantibus, & *nihil accipientibus profuturam*; qui id vnum agere videantur, vt crimina, quæ iustâ & salutari seueritate compescere debuerant, praua ac pestifera lenitate confirmant; qui que ægris animis pœnitentiæ remedia eripientes, *exitiosa* ijs, vt Ecclesiæ omnium Ecclesiarum matris ac principis voces vsurpem, *properatae Communionis venena propinent*.

Hi nimirum ij sunt, qui vrbis totius alicuius velut faciem commutasse, eamque ad vitam verè Christianam traduxisse sibi videantur, cum nihil aliud noui ei attulerint, nisi vt qui Eucharistiam semel quotannis sumere consueuerant, singulis illam sumere cœperint mensibus; qui singulis mensibus, die quaque Dominicâ eam accipiant. Fateri enim non dubitauerint mores non minus in ea, quàm olim, deprauatos; non minus auaritiam, ambitionem, superbiam feruere; non minus voluptatibus, impuditiæ, vinolentiæ, fallaciæ, perfidiæ, maledicentiæ, blasphemijs studeri; postremò, vt

fontem ipsum cum Paulo attingam, non minus seculi ac sui vniuersos esse amantes, quam pridem fuerint: Et tamen eorum causam conditionemque meliorem factam esse contendant, quod octauo quoque die ea narrent Sacerdoti, quæ antea singulis narrabant mensibus, & cæteris criminibus bina sacrilegia octauo quoque die superadijcient. In quo quidem similiter faciunt, vt si quis agri cuiuspiam vbertatem & copiam prædicet, cuius arbores pulcherrimis vestitæ folijs venenata poma gignant, aut Gomorrhæorum similia, quæ cum speciosissimo cortice arrideant, intus cinerem tantum, ac funestas diuinæ vindictæ reliquias tegere dicuntur.

Euangelium quidem istos qui nihil mente mutati, nihil de agenda pœnitentia solliciti, in Communionibus multiplicandis toti sunt, miris prorsus atque horrendis modis delineauit; quæque eisdem, nisi resipiscant, calamitas maneat, perspicuè Christi in Capharnaïtas intortâ damnatione præmonstratum est. Christus enim, vt est apud Matthæum, in eorum vrbe primùm pœnitentiam prædicauit. Hæc illius vox in ea primùm audita est: *Pœnitentiam agite, appropinquauit enim regnum cælorum.* Quin & Lucæ cap. 4. Capharnaïtas in doctrina eius stupuisse, ac permulta ab illo apud eos signa edita extat. Quâ ex geminâ doctrinæ & miraculorum admiratione tantus eos Christi amor incesserat, vt eum in deserta etiam loca prosequerentur, & apud se retinere vellent, neque ab vrbe sua

Matth. 4.
v. 17.

discedere paterentur. Quare profiteri coactus fuit, sibi ad alias quoque ciuitates prædicandi causâ necessario pergendum.

Ita Capharnaïtæ crediderunt in Christum, doctrinam eius & miracula stupuerunt; delectati sunt quod secum degeret, quod docentem eum audirent, quod ederent unâ & biberent, (omnibus enim apud quos docuisset, B. Lucas illud ascribit, *Manducauimus coram te & bibimus, & in plateis nostris docuisti,*) ad eum conquirendum in deserta penetrarunt, secum etiam detinere, ac ne ab oppido suo discederet prohibere studuerunt, nihil denique ab ijs prætermissum est, nisi quod pœnitentiam non egerunt: quam ob rem solam terribilius in eam ciuitatem quàm in ceteras iudicium detonuit.

Etenim cum ciuitates quæ miraculis compluribus apud se peractis pœnitentiam non egissent, execraretur: *Vae tibi,* inquit, *Corozain, vae tibi Bethsaida: quia si in Tyro & Sidone factæ fuissent virtutes quæ factæ sunt in vobis, olim in cilicio & cinere sedentes pœniterent. Verumtamen Tyro & Sidoni remissius erit in die iudicij, quam vobis.* In Capharnaum autem horrendas has voces profudit: *Et tu Capharnaum usque ad cælum exaltata, usque ad infernum demergeris.*

Præclaram fane eorum imaginem qui impuris animis diuina mysteria frequentant. Ad cælum usque attolluntur, cum quotidie in Sacrificio Mixæ, cui intersunt, Cœli Deum regemque conue-

niant. Vocem illius in sacris concionibus audiunt; illius mensæ in sanctissimo Sacramento accumbunt; Christum aut à se discedere nunquam, aut ad se redire quantocyus multiplicatis Communio- nibus cupiunt. Sed in ijs Christus, vt in Capharnaï- tarum oppido moratur, corpore suo illorum con- tingens pectora, non spiritu corda complexus. Ita pœnitentiam non agunt, vitam non emendant, sui ipsorum amore pleni, ac seculo mirum in mo- dum adstricti permanent, eoque pacto Caphar- naïtarum exitium sibi accersunt, quorum duritiem ad pœnitentiam securitatemque imitantur.

Hæc est, vt rursus dicam, vera perniciēs, hæc magna labes Ecclesiæ, quam Apostolus lachrymis & gemitibus prosequi iubet, quemadmodum sibi ipse eos qui admissis varijs peccatis pœnitentiam non egerant, lugendos esse professus est. Contrà nihil Ecclesiæ felicius euenire potest, quàm vt pœ- nitentiæ studium in Christianorum animis Deus instauret, illiusque præsidij & laboribus denuntia- ta à se mala effugere compellat. Autore enim Con- cilio Tridentino : *Nulla securior via in Ecclesia Dei vnquam existimata fuit ad amouendam imminentem à Domino pœnam, quàm vt hæc pœnitentiæ opera homines cum vero animi dolore frequentent.*

2. Cor. 12.

Concil. Trid.
Sess. 14. c. 8.

Enimvero singulare in Sponsam suam Christi amoris indicium est, quod in hac postremæ ætatis corruptela nonnullos excitat, qui in medio seculi æstu secularem omnem infaniam ac cupiditates ex animo repudient; qui Christo se totos dedere, at-

que addicere velle profiteantur; qui, vt præstent quod in baptifmate promiferunt, idem de integro promittant ac voueant; qui nulla re alia magis quam vitæ Christianæ ac pœnitentis deiectione delectentur; qui vt Ambrosius de Theodofio loquitur, *magis arguentes quàm adulantes probent*; sanctamque iustitiam fallaci misericordiæ anteponant; qui vulneribus suis præproperam, breuemque ac fluxam medicinam non quærant, sed iudicem Deum gemitibus & lachrymis, orationibus, ieiunijs, eleemosynis, voluptatum contemptu, secessione, silentio, superuacaneorum conuentuum fugâ, atque omni piorum operum genere placare conentur; qui salutis suæ structuram præfulcire studeant humilitate; cuius tam non est summis Christianæ Religionis mysterijs quàm mox sese immittere, quàm ab iisdem tantisper indignitatis suæ conscientia refugere; qui Euangelicum de reditu in gratiam cum fratre præceptum, antequam ad sacrum altare se conferant, sedulò exequantur, & in eam rem naturæ motus & impetus omnemque offensi animi sensum diuini Spiritus robore superent; qui tempora idonea captent, quibus singularem voluntatem ac beneuolentiam in eos probare possint, quos si suorum commodorum ratione aut peruersis seculi opinionibus ducerentur, pessimè odisse debuerant; qui denique à Deo selecti videntur, vt hominibus qui sese seculi tricis ac fluctibus implicuere, sinceræ conuersionis exemplum ac formam exhibeant.

Quis Christianus nisi mira cœcitate percussus hanc cogitationem suscipiat, nihil Ecclesiæ perniciosius euenire posse, quàm si tali animo quam plurimi reperiantur; sectam induci exitialem, si ex Euangelij lege viuatur; accuratiorem per pœnitentiæ subsidia mentis purgationem, quâ ad mysteriorum omnium maximè terribile ac venerandum aditus muniatur, criminofam & capitalem habendam; postremò, quod vel cogitatu immane & horrendum, conseruatam & traditam ab Apostolis & Patribus vniuersis animarum à peccato ad Deum reuocandarum disciplinam, artem & stratum diabolicum censerì oportere?

Talis blasphemia solam inscitiae excusationem recipit, sed in ea qui se doctorem profitetur aliorum, nullâ excusatione prætexi potest. Quod si asseuerare pergis, eiusmodi disciplinam à Spiritu Sancto abhorre, alium Spiritum Sanctum, ac qui in Apostolos est illapsus, adores oportet, cum illam lapsorum pœnitentiæ agendæ causa ab Eucharistia depellendorum legem ab Apostolis Ecclesia acceperit; alium Spiritum Sanctum, ac qui in eadem Ecclesia vniuersa administranda Summis Pontificibus adfuit, cum sanctissimæ illius medicinæ ratio toties ipsorum testimonijs præfulta fuerit; alium Spiritum Sanctum, ac qui tot Concilijs præfuit, cum Concilia de constituendis pro delictorum varietate humilis illius ac salutaris separationis temporibus innumeros Canones condiderint; alium denique Spiritum Sanctum, ac qui

SS. Patres instituit & rexit, cum eorum consensu certissimum hoc veritatis oraculum proditum sit posteris; eam demùm tutissimam esse viam prouidendi, ne quis à Cœlitum altari æternùm arceatur, si ab altari mortalium purificandi animi gratià sese tantisper ipse subduxerit.

CAPVT XVII.

AN QUI POENITENTIAE EXERCITATIONIBVS, hoc est, orationum assiduitate, ieiunijs, elemosynis, alijsque bonis operibus à peccatorum sordibus se expurgare student, argui merito possint, prætermisà expurgandarum animarum ratione à Christo institutà, nouam comminisci.

Aduersarius.

Illud etiam deterius, quod sunt, qui à frequenti Confessione deterreant. Pœnitentiæ Sacramentum ad animæ integritatem & puritatem assequendam institutum est: nonne Christo injuriam faciat, qui existimet satius esse alijs eam rationibus querere, quàm quas ipse Ecclesiæ tradidit?

RESPONSIO.



ANIMI tui æstus, dum te quid agas non satis expendere patitur, ita orationem tuam perturbat, vt ægrè admodum dijudicari possit, quidnam tibi tantoperè stomachum moueat. Si enim pijs hodie vilitas venialium culparum con-

*Concil. Trid.
Sess. 14. c. 5.*

fessiones intelligis, insigni calumniâ simulas, esse quemquam pietatis studiosum, qui ab huiusmodi Confessionum crebritate deterreat. Cæterum fides docet, vtilem esse Confessionem, non necessariam leuioribus culpis diluendis, *quæ multis alijs remedijs expiari possunt*, vt apertè Synodus Tridentina docuit. Qua ratione sine hæresi negari non potest, alia esse præter Confessionem abstergendis quotidianis animarum maculis à Christo instituta remedia.

Sin autem ista sæpius confitendi consuetudine crebras eorum Confessiones complecteris, qui cum flagitiosè viuunt, peccatisque mortiferis se assiduè contaminent, satis habent, si ea crebrò apud Sacerdotem profiteantur, nec ab ijs vnquam discedant; non verebor summo Apostolicæ Sedis Antistite autore, affirmare, quisquis Christi Sacramenta perpetuò ad istum modum illudi ferat, non tam erga flagitiosos benignitatem expromere, quàm flagitiorum illorum conscientiam sibi societatemque asciscere. *Remitti enim*, inquit Gelasius, *culpa de præterito potest, correctione sine dubio subsequente. Nam si deinceps finitur mansura perversitas, non est benignitas remittentis, sed consentientis assentio.*

Gelas. ep. 3.

Sed quia satis iam multa de hac prauitate atque abusu diximus, plura dicturi, si idonea Responsione coegeris, satius est videre quale sit, quod deinceps addis: *Cum pœnitentiæ Sacramentum ad animæ integritatem & puritatem assequendam institutum sit, Christo injuriam facere, qui existimet, satius esse alijs eam rationibus*

rationibus querere , quàm quas ipse Ecclesiæ tradidit.
 At ego verbo respondeo ; Si quid rei sit Sacramentum pœnitentiæ intelligeres , nihil excogitari à te potuisse , quod prauis tuis dogmatibus magis officiat.

Iam enim ante à nobis demonstratum est , vltimam Synodum Oecumenicam ex Patrum omnium sententia & verbis , pœnitentiam *Baptisma laboriosum* , *baptisma lachrymarum* statuere : Aduersus nuperos hæreticos qui vniuersi pœnitentiæ bellum indixerunt , ab ea decerni , *diuinam exigere iustitiam* , *vt hoc altero baptismo non sine magnis nostris fletibus renouari possimus* : Impiorum istorum temeritatem ab ea damnari , qui è tribus pœnitentiæ partibus eam maxime oppugnant , quam Ecclesia perpetuo tempore Christiano populo maxime commendauit , hoc est , satisfactionem , quæ ieiunijs , orationibus , eleemosynis , aliisque pietatis operibus continetur : Hac denique præcipua vti ratione , cur peccatorum omnium mortalium singularis & enucleata confessio iure diuino sit necessaria , quod , nisi peccatis sigillatim cognitis , Sacerdotes in pœnis injungendis æquitatem seruare non possint. Quare cum ipsa veritas à te expresserit , vt fateare ad assequendam , vel recuperandam potius animæ puritatem , Sacramentum pœnitentiæ à Christo institutum , neque porro inficiari sit integrum ad fructuosum Eucharistiæ vsum puritatem integritatemque istam necessario postulari ; consequens est , vt Christi voluntati plenè & cumulatè respon-

deatur, omnes qui à gratia exciderunt, hoc laborioso baptismo, quod Concilio & Patribus testibus tanta fletuum, acerbis, & laborum vi constat, defungi oportere, ut Eucharistiâ dignos se præstent.

Quod si Sacramenti pœnitentiæ appellatione solam confessionem afficias, sicut & articuli huius initium, & alia Scripti tui loca significant, eosque qui præter confessionem, ieiunijs, orationibus, eleemosynis, offensarum condonatione, aliisque bonis operibus peccatorum maculas abstergere nitantur, criminari velis, alijs rationibus quàm quas in Ecclesia Christus instituit, animæ puritatem exquirere: haud grauati affirmauerim, huiusmodi accusationem manifestæ hæreseos ream videri, cum salua fide negari non possit, istiusmodi pœnitentiæ actiones diuina esse subsidia à Christo ipso purificandis animis præparata.

Nec vero necesse est argumenta colligere ad confirmandum dogma apud Catholicos omnes adeo exploratum, ut nullos adhuc nisi Ecclesiæ hostes aduersarios habuerit, & tam luculenter in diuinis voluminibus à Deo ipso expressum, ut si Tertulliani vocem usurpare liceat, *solis ipsius radio scriptum videatur*. Quid enim his verbis clarius:

Luc. 6. v. 38. Date, & dabitur vobis: dimittite, & dimittimini.

1b. 11. v. 41. Date eleemosynam, & ecce omnia munda sunt vobis.

Prov. 15. v. 28. Per misericordiam & fidem peccata purgantur. Peccata

Dan. 4. v. 24. tua eleemosynis redime, & iniquitates tuas misericor-

Tob. 12. v. 9. dijs pauperum. Eleemosyna à morte liberat, & ipsa est

quæ purgat peccata. Ignem ardentem extinguit aqua, & eleemosyna resistit peccatis. Conuertimini ad me in toto corde vestro, in ieiunio, & fletu & planctu: Insunt alia eiusmodi innumera, quibus Catholici Theologi aduersus temporum nostrorum hæreticos vulgò vtuntur, quæque Cardinalis Bellarminus rectè monet, non de remissione peccatorum, quoad pœnam duntaxat, sed etiam quoad culpam intelligenda, quatenus hæc pœnitentiæ opera præparationes sunt, & dispositiones ad iustificationem.

Eccli. 3. v. 33.

Ioël. 2. v. 12.

Nam Libro 3. de Bonis operibus in particulari cap. 3. de Eleemosyna, cum Tobia locum attulisset, Eleemosyna ab omni peccato & à morte liberat; similemque Ecclesiastici: Sicut aqua extinguit ignem, ita eleemosyna extinguit peccatum: Loquuntur, inquit, Ecclesiasticus & Tobias de eleemosynis quæ sunt fructus pœnitentiæ: Verè enim eiusmodi eleemosyna, partim vt dispositiones ad iustificationem, PECCATVM ETIAM QVOAD CULPAM SVO MODO DELENT, dum gratiam impetrant iustificationis: partim post acceptam remissionem culpæ satisfaciunt pro pœna temporali, & suo quodam modo peccatum extinguunt.

Sequenti vero capite eleemosynæ fructus explicans: Eleemosyna, inquit, dispositio est ad gratiam iustificationis, si fiat ab eo qui pœnitentiam agere incipit, & ex Dei motione & auxilio speciali. De hoc fructu loquitur Salomon Prouerb. 15. Eleemosynis & fide peccata purgantur; Et Dominus Luca 11. vt suprà exposuimus: Date eleemosynam, & omnia munda sunt vobis; Et Luca 19. cum dixisset Zachæus: Ecce dimidium

bonorum meorum do pauperibus , &c. adjunxit Dominus : Hodie salus huic domui facta est. Denique Actorum 10. Eleemosynæ tuæ ascenderunt in memoriam in conspectu Dei. Ex quo loco probat S. Augustinus in 1. Lib. de Prædestinatione Sanctorum cap. 7. Cornelium per eleemosynas impetrasse à Deo gratiam fidei Christianæ, & perfectæ iustificationis.

Quæ Cardinalis Bellarmini oratio Patrum omnium sententiæ consentanea plurimum valet ad popularem errorem extirpandum , qui ex prava Theologici dogmatis interpretatione manare cæpit. Quod enim vulgò docent Theologi nihil quod ab homine fiat mortali addicto culpæ Deo probari, nonnulli dicti huius vim minus capientes, eò abierunt, ut ieiunia, vigiliæ, orationes, carnis afflictationes, aliaque huiusmodi opera ante Sacerdotis absolutionem suscepta, vana illis atque irrita, seu, ut vocant, mortua, nulliusque apud Deum pretij videantur. Ex quo sequeretur, Patres omnes, qui eodem Cardinali teste, *semper peccantibus post baptismum gravissimos labores imposuerunt, antequam eos reconciliarent*, eosque annis compluribus, imo toto interdum vitæ spatio, in pœnitentiæ squalore & sordibus continuerunt, priusquam reconciliationis gratia potirentur, in magnis inscientiæ atque erroris tenebris versatos (quod ne hæretici quidem palam prædicare ausint) inhumanæque austeritatis apud Deum reos, quod lapsos ad pœnitentiam confugientes, inutilibus & superuacaneis laboribus nullo operæ pretio exercuerint, ad legem

*Lib. de Bapt.
cap. 18.*

nouam durum & importabile legis antiquæ pro-
trahentes iugum, cuius in eo potissimum grauitas
erat, quod, quemadmodum Paulus sæpè signifi-
cat, tot laboriosissimæ obseruationes ad veram ani-
marum munditiem & sanctitatem nihil confer-
rent.

Quare vt ab opinatione tam absurda, Sanctis-
que Patribus, alteris post Apostolos Spiritus San-
cti organis, Ecclesiæque oraculis, adeo contume-
liosa longè refugiamus: pro certo exploratoque
habendum est, Theologorum illud effatum ad eos
duntaxat pertinere, qui in peccati mortalis cœno
ita hærent, vt eo voluntatem adhuc implicatam
habeant, neque illinc sese expedire conentur.

Hi nempe illi sunt peccatores atque impij, quo-
rum dona, Scriptura teste, auersatur Altissimus;
quorum oblationes & sacrificia abominatur; quo-
rum orationes ipsæ in peccata vertuntur. Hi sunt,
quos vitijs offirmatos tam acriter & feruidè Patres
insectantur, monentes atque inculcantes, inscitix
stultitiæque singularis esse, confidere, qui in sce-
leribus ac vitijs perstent, vberiore in pauperes be-
neficientia à diuinis pœnis vindicandos, illiusque
mitigatuos iras, quem criminibus laceffere nihil
intermittant.

*Sanè, inquit Augustinus, qui sceleratissime viuunt, Aug. Enchi-
nec curant talem vitam, moresque corrigere, & inter rid. c. 75.
ipsa facinora Et flagitia sua eleemosynas frequentare
non cessant, frustra sibi ideo blandiuntur, quoniam Do-
minus ait: Date eleemosynam, & ecce omnia munda*

sunt vobis. Quibus ab alio Patre meritò additur:

Eligam hom.
8.

Hanc istis vanam securitatem à crudeli humani generis inimico ingeri: ut cum crimina quotidiana committant, putent quod Deus corruptorum iudicum more, pecuniam accipiat, & peccata dimittat. Accipit planè, inquit vir Sanctus, Deus pecuniam, & eleemosynis delectatur; ea tamen ratione, ut unusquisque peccator, quando offert Deo pecuniam, offerat illi & animam suam. Quenam enim, fratres, iustitia est, ut aliquis criminofus pecuniam suam per eleemosynam Deo offerat, & animam suam diabolo per iniqua opera tradat? In pecunia imaginem Imperatoris offert Deo, & in seipso imaginem Dei tradit Diabolo; Quod ab Ambrosio brevius dictum est: Sua tradunt Christo, seipsos Diabolo.

Sic Sancti Patres durissimos atque insanabiles istos increpant, quorum hodie tanta est turba, qui pauculis eleemosynis cœlum redimere velint, dum quotidianis sceleribus æternam sibi damnationem accersunt.

Quod vero ad eos attinet, quorum animi Spiritus Sancti impulsu peccatorum dolore commoventur, quique, ut ait Cardinalis Bellarminus, ex *Dei motione & auxilio speciali pœnitentiam agere incipiunt*, quis credat, quascumque orationes fundant antequam reconciliationis gratiam consecuti sint ut eam consequantur, quibuscumque laboribus & ærumnis diuinæ iustitiæ satisfacere studeant, quibuscumque eleemosynis, autore Scriptura, peccata redimere conentur, quibuscumque bonis operibus misericordiam Dei eme-

rerum contentant, omnia cassa & inania, nec vllius emolumenti fore.

Longe alia Ecclesiæ mens est, quippe que Patrum voce diligentissimè semper docuit, quemadmodum peccatoribus istis, quos ante commemoravi, in flagitiorum luto semper hærentibus, nihil prodest pecuniarum in egenos effusio, ita plurimum ijs prodesse, qui de emendanda vita seriò cogitant, liberalique rerum suarum largitione veræ solidæque conuersionis gratiam à Deo impetrare nituntur. Quod vtrumque verissimum & grauissimum caput vno loco D. Augustinus egregiè tradit. *Sanè, inquit, cauendum est, ne quisquam existimet infanda illa crimina, qualia qui agunt regnum Dei non possidebunt, quotidie perpetranda, & eleemosynas quotidie redimenda. In melius quippe est vita mutanda, & per eleemosynas de peccatis præteritis est propitiandus Deus, non ad hoc emendus quodammodo, ut ea semper liceat impunè committere. Nemini enim dedit laxamentum peccandi, quamuis miserando deleat iam facta peccata, si non satisfactio congrua negligatur. Quod ipsum* Lactantius paucioribus verbis complectitur: *Nec tamen, inquit, quia peccata largitione tolluntur, dari tibi licentiam peccandi putes: abolentur enim si Deo largiari quia peccaueras: nam si fiducia largiendi pecces, non abolentur.*

*Aug. Enchir.
c. 70.*

*Lactant. lib.
6. c. 13.*

Ex quo plane intelligitur, eleemosynas (idemque de alijs pietatis operibus iudicium est) ijs qui peccato mortali tenentur prodesse vnà & non prodesse pro varia animorum affectione & studio in

ijs præstandis. Ad istorum enim peruiacium & insanabilium damnationem valent, qui vitiorum amore capti, imminentium à Deo suppliciorum timore perculsi, impunitam flagitiosæ vitæ licentiam pretio quodammodò redimere velint. At maximum ijs afferunt fructum, quibus diuina gratia veram sinceramque ab exitiabili peccatorum seruitute sese expediendi voluntatem immisit, quique eam ob causam ex Christi monitu quam plurimos sibi mammonâ iniquitatis amicos apud Deum parare student.

*Ioan. 9. v. 31.
Aug. Tract.
44. in Ioan.*

Quare Augustinus ad circumscribendum tollendumque errorem istum nihil à peccatoribus proficisci posse, quod Deo sit acceptum, sæpius docet, illam cæci Euangelici vocem, *Deus peccatores non audit*, hominis esse, qui oculos corporis iamquidem restitutos habebat, sed ei oculi cordis nondum patebant. *Adhuc inunctus loquitur, nam & peccatores exaudit Deus: si enim peccatores Deus non exaudiret, frustra ille Publicanus oculos in terram demittens, & pectus suum percutiens diceret: Deus propitius esto mihi peccatori; & ista confessio meruit iustificationem. Quanquam enim, ut alio loco addit, iustificatus destiterit esse peccator, tamen ut iustificaretur peccator orabat, & peccator confitebatur, & exauditus iustificatus est, ut desineret esse peccator. Non vtrique desineret esse peccator, nisi prius exaudiretur peccator. Ex quo appositè ad rem nostram concludit: Quamobrem non quidem omnem peccatorem exaudiri, sed tamen non omnem peccatorem non exaudiri Veritas testis est.*

*Idem Lib. 2.
contra Epist.
Parmen. c. 8.*

Cæterum

Caterum errori etiam locum dedit alia Catholice doctrinæ sanctissima sententia à plerisque perperam intellecta, quâ, sine gratia nihil quod Deo gratum sit fieri posse, decernitur. Cum enim hæc vox *gratia* eam significet, quam Theologi *actua-*
lem vocant; ipsi *habitua-*
lem & *sanctificantem* intelligunt; ex eoque vitiosè colligunt, nisi quis gratiam illam, iustitiamque apud Deum assecutus fuerit, nihil quod illi probetur, atque ad salutem conducat edere nauareque posse. Quod vniuersè dictum tam à veritate alienum est, quàm vera est doctrina, ex quâ perniciofa ista conclusio efficitur. Quare, vt effugiatur error Christianæ pietatis institutis in primis noxius, cauendum, ne duo longè diuersissima misceamus ac confundamus, STATVM GRATIÆ, &, AVXILIVM GRATIÆ; ESSE IN GRATIA, &, OPERANDI EX GRATIA NECESSITATEM.

Status gratiæ ad gratiam sanctificantem spectat, per quam Spiritus Sanctus in animæ nostræ possessionem venit, ex ea regiam ac templum sibi comparat, eam singularibus ornamentis circumuestitam ac renouatam Sponsam Christi efficit, imo Christum ipsum, pro ineffabili membrorum cum capite conjunctione, ex qua solenne illud Augustini ab Apostolo acceptum: *Caput cum corpore suo vnus est Christus*. Hanc Patres gratiam remissionis peccatorum dicunt, quod per eam condonentur à Deo & detergantur: *Gratiam regenerationis*, quod iterum Spiritu genitos *diuinæ*, vt ait Petrus, *naturæ*

2. Petr. 1.
v. 4.

confortes præbeat: Gratiam adoptionis, quod ex Diaboli filijs Dei filios efficiat: Gratiam sanctificationis, quod ipsius sanctitatis Christi communicatione Sanctos præstet: Gratiam denique inhabitationis, quod per eam Spiritus Sanctus totaque Diuinitas mentes nostras insidet, ac velut viua Dei viui templa incolit. Quam immensam Dei erga nos beneficentiam, quos ipse sibi dilectissimum templum gratia suæ bonitatis adificat, admiratus Augustinus: Et ideo, inquit, multum mirabilis res est, quemadmodum quorundam nondum cognoscentium Deum sit inhabitator Deus, & quorundam cognoscentium non sit. Nec enim illi ad templum Dei pertinent, qui cognoscentes Deum non sicut Deum glorificauerunt, aut gratias egerunt: Et ad templum Dei pertinent paruuli sanctificati Sacramento Christi, regenerati Spiritu Sancto, qui certe per aetatem nondum possunt cognoscere Deum. Vnde quem potuerunt illi nosse, nec habere, isti potuerunt habere, antequam nosse. Hoc ergo sonat gratia, & hæc est vocis illius vis, vbi quis IN GRATIA, vel IN STATV GRATIÆ esse dicitur.

At longe alia est eiusdem verbi notio, cum pro gratia accipitur, per quam piè agimus, & pro Dei auxilio, quod ex Conciliorum & Patrum decretis, ad singulos actus datur. Sic enim non Dei mentes nostras sanctitate imbuentis habitationem, sed eiusdem voluntates nostras, siue iam inhabitet, siue nondum inhabitet, mouentis ac regentis actionem dicit. *Aliter enim, inquit Augustinus, spiritus adiuuat nondum inhabitans, aliter inhabitans. Atque illud*

in primis animaduertendum, vniuersam Ecclesiæ cum Pelagianis concertationem, non prioris generis gratiam, quam illi non inuiti agnouerunt, sed posteriorem spectasse, *quæ subministratione Spiritus Sancti datur, vt ad actus singulos adiuuemur*, quemadmodum Ecclesiæ nomine ait Augustinus: quamque alibi definit: *Inspirationem dilectionis, vt cognita sancto amore faciamus.* *Idem de Gestis Pel c. 14.*
Idem ad Bonif. lib. 4. c. 5.

Cum igitur vsitata Christianæ pietatis consuetudine quam Scripturæ & Traditionis Ecclesiasticæ oracula pepererunt, nihil quod Deo probetur sine gratia fieri posse dicitur, non gratia illa habitualis & sanctificans iustorum propria intelligenda est, sed gratia, quam actualement appellat, quæ cœlestis est & ineffabilis suauitas quam cordibus nostris Spiritus Sanctus infundit, vt quæ iusta sunt iustitiæ amore faciamus.

Hæ vero diuinæ gratiæ motiones atque impulsus, non ijs solis, qui *statum gratiæ*, hoc est iustitiam & sanctitatem sunt assecuti, contingunt, sed vel maximè reis interdum à Deo donantur, dum ijs veræ conuersionis desideria inspirat, paulatimque à seculi cupiditatibus abstractos ad sui cultum atque amorem attrahit. Quare alienissimum est à veritate, peccatis mortalibus obligatos nihil agere posse quod cuiusquam sit ad salutem momenti, atque ad obtinendam peccatorum veniam conferat. *Nec ipsa*, inquit Augustinus, *remissio peccatorum sine aliquo merito est, si fides hanc impetrat. Neque enim nulum est meritum fidei, quâ fide ille dicebat: Deus pro-*

pitius esto mihi peccatori. Et descendit iustificatus merito fidelis humilitatis, quoniam qui se humiliat exaltabitur.

Atque eò vel maxime admiranda est diuinæ gratiæ dispensatio, quod cum tota gratuita sit, & ab incomprehensa Dei benignitate suspensa, ita tamen varia eius beneficia dispertit, vt priora posterioribus viam muniant, & munerum illius initia promerendis incrementis inseruiant. Vt iam minus mirum videri necesse sit, quæ ab homine pœnitentiæ sensu ex animo fiunt Deo cordi esse, atque ad iustitiam assequendam conducere, cum non tam ipsius, quam Dei mouentis ac sedem sibi apud eum sanctis illis affectionibus præparantis sint opera.

*August. in
Psalm. 8.*

*Idem in
Psalm 50.*

Hominem nouum, inquit Augustinus, pœnitentia veteris parturit cum dolore & gemitu. Atque ad hæc Regij Prophetæ verba: Et à peccato meo munda me. Quo merito? inquit, Medicus est, offer mercedem: Deus est, offer sacrificium. Quid dabis vt munderis? Vide enim quem inuoces. Iustum inuocas, odit peccata: Si iustus est, vindicat in peccata: Si iustus est, utique non poteris auferre à Domino Deo iustitiam eius. Implora misericordiam, sed attende iustitiam. Misericordia est, vt ignoscat peccanti: iustitia est, vt puniat peccatum. Quid ergo? quæris misericordiam, peccatum impunitum remanebit? Respondeat David, respondeant lapsi, respondeant cum David vt misericordiam mereantur sicut David, & dicant: Non Domine, non erit impunitum peccatum meum. Noui iustitiam eius, cuius quæro misericordiam. Non impunitum erit. Sed ideo nolo vt tu me punias, quia

ego peccatum meum punio. Ideo peto vt ignoscas, quia agnosco. Et paulo post: Veritatem dilexisti: hoc est, sic misericordiam prærogasti, vt seruares *Et* veritatem. Ignoscis confitenti, IGNOSCIS, SED SEIPSVM PVNIENTI. Ita seruatur misericordia *Et* veritas; misericordia, quia homo liberatur; Veritas, quia peccatum punitur. Plangenda sunt peccata, quomodo audistis plangere istum: Quoniam ego cognosco, *Et* curam geram pro peccato meo. Ne securus sis cum confessus fueris peccatum, tanquam semper præparatus ad confitendum *Et* committendum peccatum. Sic pronuncia iniquitatem, vt curam geras pro peccato tuo; hoc est enim curam gerere pro delicto, semper niti, semper intendere, semper studiosè *Et* sedulò agere, vt sanes peccatum. Ecce de die in diem plangis peccatum tuum, sed forte lachrymæ currunt, *Et* manus cessant, fiant eleemosynæ, redimantur peccata, gaudeat indigens de dato tuo, vt tu gaudeas de dato Dei. Hoc est, curam geram pro peccato meo, faciam omnia quacumque facienda sunt ad abluendum *Et* sanandum peccatum meum. Quid luculentius dici potuit, vt doceretur, lachrymas & eleemosynas, ad abluendum *Et* sanandum peccatum, adcoque ad puritatem atque integritatem animæ assequendam diuinitus comparata esse præsidia.

Quod quidem magis etiam constabit, si meminerimus traditam Ecclesiæ à Christo legem, ne qui pœnitentiæ exercitationibus animos emaculare contendunt, nisi ex Sacerdotis præscripto quicquam suscipiant, cum autore Gregorio: Afflictio

Idem in
Psalm. 37.

Gregor. lib. 3.
c. 5. in 1. Reg.
c. 7.

cum Sacerdotis fuerit iudicio imperata. Qua ratione labores & acerbitates, durioraque istiusmodi remedia quibus pœnitentium vulnera curantur, non iam per se ac suo modulo spectanda sunt, sed ut à Confessore præscripta Sacramenti pœnitentiæ partem præstare cœperunt, & potestatis Sacerdotalis, quæ eadem Christi est, efficientiâ, nouam ad abluenda, sanandaque peccata vim ac pondus adepta sunt.

^a Eligius
hom. 11. Confessio, Pœnitentiâ monstrat. Pœnitentia satisfactionem ostendit. Satisfactio veniam sibi diuina pietate conciliat. Et Hil. in Psal. 118. Hæc venia peccati est fonte fletuum flere, & largo lachrymarum imbre madereri.

^b D. Leo ep. 91. asserit salubris satisfactione Pœnitentes purgari & postea reconciliari. Greg. l. 6. in 1. Reg. Quidam volunt peccati delectationibus resolui, sed Pœnitentiæ nolunt acerbitate purgari. Et Hesichius lib. 2. in Leuit. Carnes Pœnitentiæ intelligimus, Vigiliis, Cilicinium vestimentum cum lachrymis, orationem, Eleemosynam. Ex his enim consistit Pœnitentia, quæ qui tangit rectè sanctificatur. ^c Tertull. lib. de Pœnit. c. 6. ^d Ibid. c. 12. ^e Ibid. c. 9. ^f Theophil. Alexandr. in 1. Pasch. ep. ^g Pacian. ep. 3.

Hinc ^a peccatorum veniam, ^b mentisque purgationem ac iustificationem, satisfactioni quam absolutio sequebatur vniuersi Patres ascribere non dubitant; passimque docent: ^c Hoc pretio Deum veniam addicere instituisse, hac pœnæ compensatione redimendam proposuisse impunitatem. ^d Exomologesin, hoc est, laboriosæ pœnitentiæ publicam dejectionem, gehennam extinguere. ^e Temporalem afflictationem, æterna supplicia, non frustrari modo sed expungere. ^f Prasenti fletu redimi futura gaudia: & ^g peccatis mortuos carnis interitu reuiuiscere.

^h Ambr. lib. 1. de Pœnit. c. 2. Maiora criminamioribus fletibus

Similia passim apud Patres occurrunt, qui vniuersi affirmant lachrymis, orationibus, ieiunijs, eleemosynis, carnis vexationibus, aliisque pœnitentiæ munijs peccata ^h ablui, ⁱ purgari, ^k deleri, ^l tegi, ^m aboleri, ⁿ redimi, ^o curari, ^p expiari. Itaque vel rudioribus facile perspicuum sit, non alio

quàm erroris motu eos agi, qui vitio tribuant & crimini, quod non confessione sola, sed & pœnitentiae operibus ad eluendas peccatorum maculas instetur, quasi Christo contempto alia atque ipse instituerit, salutis subsidia inducantur.

bus ABLV-
VNTVR.
Cypr. ep. 15.
ad Cornel.
Datur opera
ne vulnera
lachrymis
ABLVAN-
TVR. Et de

Opere **E** Eleemos. Vt fides postmodum quascunque contrahimus, Eleemosynis ABLVAMVS.

1 Cypr. de lapsis. Iustis operibus incumbere quibus peccata PURGANTVR. *Seuerus lib. 2. Analog. c. 13.* Fornicatio deputatur ad pœnam nisi satisfactione PURGETVR. *Ambrus. lib. 2. de Pœnit. c. 5.* Tegamus lapsos nostros posterioribus factis, MVNDEMVS fletibus. *Proverb. c. 15.* Eleemosynis & fide delicta PURGANTVR

k Greg. lib. 6. in 1. Reg. Tunc benè conuersum peccatorem cernimus, cum dignâ afflictionis austeritate DELERE nititur, quod loquendo confitetur. *Orig. hom. 6 in Exodum.* Pœnitendo, flendo, satisfaciendo DELEAT quod admissum est.

l Ambrus. lib. 2. de Pœnit. c. 5. Vtrumque beatorum dixit (David) & cuius iniquitas remittitur per lauacrum, & cuius peccatum TEGITVR operibus bonis Qui enim agit Pœnitentiam, non solum diluere lachrymis debet peccatum suum: sed etiam emendationibus factis OPERIRE & TEGERE delicta superiora, vt non ei imputetur peccatum.

m Lactant lib. c. c. 13. Peccata largitione tolluntur, ABOLENTVR enim si Deo largiatur, quia peccaueras. *Et Cassiod. in Psalm. 37.* Et cogitabo pro peccato meo, id est, talia, te donante, faciam quæ meum possint ABOLERE peccatum, scilicet fletus adhibebo, Eleemosynas faciam, & ab hoc quod deliqui, mandatorum tuorum me obseruatione purgabis.

n Cypr. ep. 15. Datur opera ne satisfactionibus & lamentationibus iustus peccata REDIMANTVR. *Et tract. de lapsis.* Ad hoc tantum profuerit quod remansit, vt inde crimen & culpa REDIMATVR. *Daniel. 4.* Peccata tua eleemosynis REDIME.

o Cypr. ibidem. Dedit illi Deus Spiritum transpositionis, ne reuertantur scilicet & CVERENTVR, & deprecationibus & satisfactionibus iustus peccata SANENTVR. *Greg. lib. 6. in 1.*

1 Reg. Tertia species id est vindicta quasi medicina necessaria est, vt apostema reatus, quod conuersione compungitur, confitendo purgetur, afflictionisque medicina SANETVR.


p Cypr. de lapsis. Ante EXPIATA delicta, ante exomologesim factam criminis.

Quod si tam indignæ homine Catholico criminationis prauitate perculsus, ab hoc consilio abesse videri cupies, tuum erit demonstrare, quæ tandem igitur sint ista subsidia à Christo Ecclesiæ nequaquam tradita, quæ ad animarum puritatem conciliandam nescio quos adhibere conquereris. Quod vbi præstiteris, iam nunc palam facturum me spondeo, inanissimam istam criminationem non aliis quam inscientiæ, vel calumniæ fundamentis nixam, aut veritatem apertis erroribus, aut

innocentiam splendidis mendacijs petere ; & vtrouque non homines, sed Christum ipsum violari, dum vel eius Euangelij doctrinam subuertis , vel seruorum illius famam atrociter fœdas, eò iniquius, quod maledicentiam verborum obscuritate inuoluens , eiusque venena furtim disseminans , vnâ operâ & tibi veritatis inuadendæ licentiam parare, & illi tuendi sese ac repugnandi facultatem eripere contendis.

F I N I S.





Date Due

AUG 18 '69

